



四庫全書存目叢書編纂委員會編

齊魯書社

# 四庫全書存目叢書

集部  
第一四三冊





責任編輯：孫言誠 賀 偉

ISBN 7-5333-0615-5



EB43/05

## 四庫全書存目叢書·集部一四三

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 44.375 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

# 集部第一四三冊目次

## 集部·別集類

琴琴集四十卷

〔明〕俞安期撰  
北京大學圖書館藏明萬曆刻本

..... 一

江山人集七卷

〔明〕江瓘撰  
北京圖書館藏明嘉靖刻本

..... 三八七

少嶽詩集四卷

〔明〕項元淇撰  
北京圖書館藏明萬曆三年項氏墨林山堂刻本

..... 四六六

蛞蝓集八卷

〔明〕鄭若庸撰  
北京圖書館藏明隆慶四年胡迪刻本

..... 五五七

琴琴集四十卷

〔明〕俞安期撰

北京大學圖書館藏明萬曆刻本

附《四庫全書總目·琴琴集四

十卷》提要

琴琴集序

〔明〕俞安期

琴琴集序

大方家有言當世之詩盛矣琴琴集不在山林不佞既然且疑嘗測其決上經世安事雕蟲較若權衡輕重辨矣藉令身隱而下居業不遷極遠窮高幸有餘力是宜爲國工而歸咎祿何居夫詩首國風亦猶之平天風也風之起也爲冷風其積之厚也爲培風搏扶揺羊角而上爲剛風三者皆雄風也不恒爲厲不重積爲飄不敢爲融風之愆也是謂雌風衆琴琴閣全集江序雌無雄身與名胥下矣又其下則風波之民也詎託山林爲名高俞山人籍吳江徙陽羨故第字公臨庚名安期字羨長疇昔見客挾策陳詩不佞以爲嫺則猶折節請益于時穀以楚漢鵠以杜陵諗以潛心修以特操山人諾諾如嚮歸而請事吾言其曹耳食山人屬厭故業奄忽口爽噴有後言鼎實必薦新無寧陳餘閣以當辨味杜陵旨矣乃今人人誦法之數薦不辭其何以悅厭常者之口山人則以澤畔河梁而



下至今誦之不衰知常曰明何可厭也卽詩三百居六籍先用之邦國鄉人千古無射如將以厭常廢業又奚取于知新今之尸祝杜陵徒得其容觀耳直以雄渾若海岱壯麗若未央桓桓若三驅膺膺若干籍沈着若鍼砭精煉若刀圭是則夫人亟稱之矣乃若大言泱泱小言淅淅微言中窾放言中權玄言無名而名卮言無味而味蓋心力有所不用神解有所不煩來莫測其所由來止莫窮其所自止非夫黜聰反聽惡

寥寥閣全集

汪序

二

乎知之不佞概聞其言楚然若振空谷山人旣輯詩紀由陶唐以迄盛唐寓目百家周歷唐室衍爲各體亦猶吹萬而咸悅之僅屬和者若而人疆立自若先是涉丹陽藏都市入楚蜀赴豫章悉發篋中區別爲集歷十年所復入新都不佞授館魁父之丘就而卒業獵纓而起是足爲寓內雄秉羽先登則專壹之效也有專攻故客王謝旅秦淮其辭鉅麗有專致故攝餘腥周斥侯其力閎深有專主故鄂渚豫章新都之致意

爲兼長爲獨至要之積斯厚厚斯培颯颯乎其音也蓬蓬乎其行也寥寥乎其與天籟鳴也語師古則無成心語師心則有成法其斯爲楚之遺漢之逸杜陵之王父尸乎於是載其籍曰寥寥登山林而上之矣如有所否吾其質之大方之家

新都汪道昆撰

寥寥閣全集

汪序

三

今天下布衣之士能言詩者不少矣乃獨弘嘉  
間孫謝二子詩最近古又率附當時諸名公以  
傳遂得賈重一時爲後進生地微諸名公天下  
且不知有布衣也何論詩工拙哉今二子詩故  
在豈有加于諸名公而爲之游揚藉譽若不及  
者蓋有意焉猶之古人登葵蕨五鼎之前進縫  
掖二千石之右存雅道也予所聞晚近少年方  
剝剝一二麤豪華艷語曾未得其似而已沾沾

麥麥閣全集

吳序

四

自多且面謾人而力抵之以爲無當至欲歸而  
盡焚其牘此鋪糟歆醕而指瓊蘇琬液爲無味  
者耳將誰欺乎俞羨長與予交最晚而予知之  
則最先頃自陽羨犯溽暑遡大江來訪予旣甄  
洞中與之言詩者踰月益復深相結而過信之  
大較趣舍同而意氣不相狃也已盡出其紀遊  
詩二帙視予願受彈射而請序焉予閱其詩有  
孫之逸趣而與密過之有謝之苦思而宏麗過  
之庶幾一時布衣之雄乎而予所交王行父王

黃孔昭葉茂長方仲美胡茂承則先後雁  
行之矣予因詰羨長所受詩從來謂自弱冠厭  
經生業而好從大人長者遊乃得習爲韻語取  
材漢魏初盛唐而心師當代諸名公日恐不得  
其似且聞先生嘗有一言之譽竊有請焉予既  
知羨長詩別有心匠而無抵掌效顰之迹迺其  
志廣而辭遜若此豈必附青雲之士以傳者乎  
因稍稍爲精求得十之七以復之羨長遂不復  
有所疑而授之剞劂嗟乎以羨長視諸少年奚

麥麥閣全集

吳序

五

啻蟻蠓螺贏哉然羨長又非徒以詩雄也年未  
強而修長者之行心尤高之蓋羨長故龍君揚  
客而君揚遇以國士比聞君揚之謫也則入楚  
慰之及其戍也又入豫章送之今觀詩中憂喜  
相關急難相呼號真有古國士之風焉夫君揚  
以高才被重譴天下人惜之而不以爲冤而羨  
長獨冤之蓋必有以察其微非爲私恩蔽也不  
然以一布衣力不足以叫

帝閭而脫故人於法而徒斷斷然爲是奮臂鼓

古何爲嗟嗟此孟舒田仁所以稱長者至於今也讀羨長詩者其知羨長哉

龔璣洞叟吳國倫撰

麥麥閣全集

吳序

六

序

羨長藻思橫溢禪觀亦深與余言禪既不負墮企最上乘既言語亦不勦襲亦最上乘有前後遊楚詩若干卷合梓之羨長自言生平於楚地不能無情於楚人不能無言夫大道去情而詩緣情生衆生著境而詩觸境發然則妙思盡屬綺語佳什盡爲口業既墮有情之境寧爲得意之言詩乃叛道之物禪豈修辭之具乎夫因心而發語語三昧觸象而生處處六通詩不礙禪

麥麥閣全集

郭序

七

禪可言詩羨長又言取材于選取刪于杜蓋嘗浪言之顏謝麗於體物而少獨匠以寫性靈則色澤爲累能爲實而不能爲虛是墮有也陶韋工於獨致而罕象貌施之廊廟則寒儉已甚能爲虛而不能爲實是墮無也子美有雅頌之才而時多苦態譬之由教入宗不無粘著李白有風人之致而不顧羈的譬之以宗爲印不無馳騁棒喝宋元而下不見佛日國初諸公各張一的未盡射鵰是人天小果有漏之音晚季諸子



前輩氣格傲睨似墮阿修羅而語或帶嘆  
羨長以爲然否夫不著執境不掃情境爲上上  
禪不學古人不墮今人爲禪中詩羨長步選而  
無其黯氣學杜而振其靡風發前人之未有挽  
今人之既波入楚諸作未既厥美總其生平肖  
形萬象不見鑪錘凌架虛空不淪象罔神與境  
合不卽不離者也羨長何時不墮有情何時不  
立文字然則此帙爲楚歌爲南宗乎

江夏友人郭正域撰

麥麥閣全集

郭序

八

卷一

計二十五葉

騷

反招 愍貞 愍宗 愍逝 愍知 愍烈 愍志

卷二

計二十一葉

賦一

歌賦 江妃賦 衡嶽賦

卷三

計十五葉

賦二

河賦

卷四

計十九葉

樂府一

凡五十八首

麥麥閣全集

總目

一

卷五

計二十葉

樂府二

凡五十五首

卷六

計十葉

三言古詩

凡五首

四言古詩

凡四十九首

卷七

計二十葉

五言古詩一

凡七十一首

卷八

計十七葉

五言古詩二

凡五十四首

卷九 計十七葉

五言古詩三 凡四十首

卷十 計十八葉

五言古詩四 凡四十四首

卷十一 計十八葉

七言古詩一 凡二十七首

卷十二 計十八葉

七言古詩二 凡三十二首

卷十三 計十八葉

廖寥閣全集 總目 二

七言古詩三 凡二十四首

卷十四 計十八葉

七言古詩四 凡二十五首

卷十五 計十八葉

七言古詩五 凡二十三首

卷十六 計十五葉

七言古長短句 凡九首

卷十七 計十六葉

五言排律一 凡二十六首

卷十八 計十七葉

五言排律二 凡二十四首

卷十九 計十二葉

五言排律三 凡十三首

卷二十 計十五葉

五言排律四 凡二十九首

卷二十一 計十九葉

五言排律五 凡三十九首

卷二十二 計六葉

廖寥閣全集 總目 三

七言排律 凡一首

卷二十三 計二十二葉

五言律詩一 凡一百有二首

卷二十四 計二十四葉

五言律詩二 凡一百有六首

卷二十五 計二十三葉

五言律詩三 凡一百有四首

卷二十六 計二十二葉

五言律詩四 凡九十七首

卷二十七 計二十五葉

五言律詩五 凡一百有五首

卷二十八 計二十四葉

五言律詩六 凡一百有九首

卷二十九 計十八葉

七言律詩一 凡六十六首

卷三十 計二十二葉

七言律詩二 凡七十七首

卷三十一 計二十葉

麥麥閣全集 總目

七言律詩三 凡六十六首

卷三十二 計二十二葉

七言律詩四 凡七十三首

卷三十三 計二十四葉

七言律詩五 凡八十五首

卷三十四 計二十一葉

七言律詩六 凡六十六首

卷三十五 計十五葉

五言絕句一 凡八十首

卷三十六 計十三葉

五言絕句二 凡三十一首

六言絕句 凡二十三首

卷三十七 計二十四葉

七言絕句一 凡一百五十首

卷三十八 計十七葉

七言絕句二 凡一百有三首

卷三十九 計二十六葉

七言絕句三 凡一百九十二首

麥麥閣全集 總目

卷四十終 計二十葉

誄贊頌銘偈 凡二十六首

男 南史

南藩

孫 旭

宣 同校

麥麥集總目



麥麥集卷一

東吳俞安期美長著

晉陵鄒之麟臣虎校

騷體

反招 有序

范叔子雲間人也少有彊志博覽善辭治公車業師心獨造海內學士翕然宗之咸得進用而叔子獨無顯效因著書以譏當世世亦嫉之至老窮絀無聊若六合之內九州之上

麥麥閣全集 卷一

無以容其眇然之軀而騁其牢騷之志者遂營度生壙築居其旁示與當世訣絕意足悲矣昔屈原被讒見放其徒宋玉慮其魂魄放佚乃賦招魂招之其稱楚國之美區區堂奧之盛也臺池之美也陳設之備也脩膳之珍也女謁之妖麗也被服之文織也歌舞之雜沓也飲宴之湛荒也用以諷諫懷王而冀其覺悟以收原辭固偉哉竊恐懷王昏憤原未必收適開其侈誕之心皇甫謐議其淫文放

發誇競失體風雅之則于是乎乖諒哉其言也余不自量廼賦反招爰正宋玉之夸用廣叔子之意俾其悠悠順化遊覓玄憺窺本原之大同齊死生爲一致苟居寂寞之身外馳紛華之志塊處五尺之地結想四方之遊徒絕快意之談蔑忘憤懣之氣得無有張毅之疾以攻厥生而離厥貞者耶遂作其辭曰

肇有厥體覓附麗兮細縕時夜亶不離兮君何佻佻善遠遊兮九州之土行不休兮異方鬼物

麥麥閣全集 卷一

二

羈覓是讎夢覓兮歸來毋奄其銷夢覓兮歸來齊魯不可以渴夢嚴嚴泰山其獄壇壇夢逮此遊覓深以繫夢厲飈爲崇摧城撤室夢人其觸之揭而永殢夢歸來歸來毋適此軼軻夢覓兮歸來雍秦不可以招搖夢自癸及戊女魍驕夢如倏如燦塵歔歔夢蘊隆陸海濯濯無毛夢髑髏畫行語啾啾夢偵人肉血食飲饗夢青天飛犬聲號號夢此其災象尚不知所遭夢歸來歸來毋與禍交夢覓兮歸來蜀道不可以遊般夢

羊腸蠶叢備險艱。步上造參井。下重泉。步一瞬  
不戒疇。完厥身。步歸來歸來。毋咎危。以爲安。步  
竟今歸來。交廣不可以少延。步火山赤坂。置履  
則潰爛。步蛇鬼虎。俟嘯人。以爲膳。步飛蠱狂遊  
中人。以爲昇。步茵露。濃濃厲。煙燭步歸來歸來。  
母入以暝眩。步竟今歸來。閩越不可以周旋。步  
耽耽海民。獷復而營。步人身蛇文。水中是潛。步  
捫人以戲。載浮載湛。步竟今歸來。不可與親。步  
竟今歸來。江漢不可以休息。步赤壤千里。鮮黍

琴琴閣全集

卷一

三

稷步炊彼遺粒。如金如玉。步若教大鬼。顛顛而不  
得食。步汨羅。冤臣遭之。心爽。步竟今歸來。毋貪  
其殛。步竟今歸來。幽并之土。不可以躋。步嚴風  
利射。膚圻指。隨步高冰。崇雪人馬。咸埋。步寒門  
幽黑。竟往。必迷。步歸來歸來。不可以由。步竟今  
歸來。中原不可以暫適。步晨我吳越。災殄不絕。  
步旱潦四臻。民生天庖。步儵陵而襄。儵川而燦。  
裂。步疫癘淫行。道殣如綴。步復有子。遺煙不黔。  
突。步竟今歸來。俾善息。步竟今歸來。帝都不可

以相常。步權貴炎炎。勲戚陽陽。步貂璫社鼠。恣  
披猖。步朱薨紫觀。焜焜煌煌。步瓊甃金華。絢雕堂  
步蘭宮。蕙室網明璫。步變童名倡。進成行。步華  
轂約軹。巧趨蹌。步文筵爲藉。瑤席張。步鸛鵠  
膚鳳膏。烹步雲飛水。潛截其肪。步厭棄芻豢。珍  
異競。步甘酸適調。椒桂芳。步鬱金吳醵。汎都梁  
步夸毗。磬折上壽。先步諛言盡。甘擎蹠連連。步  
授登層霄。抑沈淵。步規規良士。望難前。步虞爾  
狐管。紀其僞。步爰造新令。遊客是攀。步歸來歸

琴琴閣全集

卷一

四

來。毋久淹。步竟今歸來。諸侯不可以客。步習尚  
不同行。止異適。步臺池聲色。畋獵是溺。步益高  
爲山。鑿深爲壑。步寫象溟渤。儀衡霍。步曲池承  
流迴。歎薄步被罔。遵隩施繡幕。步吳姬楚豔。顏  
沃若。步曼聲緩氣。志靡弱。步鄭音趙節。遞絡繹。  
步歡樂煩怠。思騁躍。步彌山槩。數忽震。爚步乘  
黃飛燕。縱若射。步如黃青骹。噬遠若摧。步殫情  
蕩思。歸銜爵。步左右侍御。語諾諾。步東西是以  
宣不逆。步陳說禮法。誰根柢。步矯矯遺直。適權

其雲夢歸來歸來母往索夢竟今歸來冠蓋不  
可以遊夢名位爲寶道德贅耽夢顯榮幽仄判  
不儔夢粵有陽慕式相招夢賦鐘飾鼓引筦篥  
夢瑤觥瓊醴旅獻酬夢白日爲矢稱好述夢聲  
氣好合期千秋夢片辭抵忤成戈矛夢含沙射  
影潛相謀夢歸來歸來母相逐以蹈其說夢竟  
兮歸來邊塞不可以彷徨夢蠻夷戎狄事攻殺  
以樂康夢蹂躪中國攘奪無所懲夢啾啾夜啼  
此咸國傷夢碧血漚草白骨成岡夢敵入不迎

琴閣全集

卷一

五

去不從夢材官邏卒刈人如董稂夢稜嶒怪相  
囊之而上首功夢竟兮歸來母丁此旣兇夢竟  
兮歸來適新居夢後倚旄丘前清渠夢左築塲  
圃右平疇夢蕉房蘅戶結中區夢木蘭爲棹松  
爲樞夢蒙以葛藟繚芙蕖夢周旅栢列栢欄  
夢隰有女桑叢有如蘆夢珍木異卉爵敷華夢  
懸綴皜雪疊緋霞夢上集孔翠鳴鷗鷺夢淹留  
長離振朱鷺夢鱖鰣鯁千石魚夢驅雞役犬  
伍麇麇夢魂兮歸來惟君是愉夢魂兮歸來人

中堂夢曲几四陳列圓方夢蒲葅瓠脯藉蘭芳  
夢尊絲秋綠擘爲羹夢莖屑蒹苗枯而爲耜夢畦  
瓜五色傾朱瓢夢纍纍林實充筐篚夢陶樽既滌  
含醴漿夢松牀桂架陳縹緗夢蟲魚鳥篆列成行  
夢芒芒紀載煥文章夢日含月咀擘華精夢尚論  
五帝揖三皇夢誕則玄聖友素王夢大庭蕪脊恍  
托身夢雲官鳥氏旦暮逢夢竟兮歸來樂何窮夢  
魂兮歸來留密室夢從容墜戶守太默夢遊心無  
始體道質夢絕棄鬱壘居沕穆夢回矚昭曠靜以

琴閣全集

卷一

六

絮夢恬愉冲漠抱純白夢達情遂命齊萬物夢絲  
絳若仔保厥一夢古哲是儕歷千祀夢亂曰媒媒  
聯聯兮乘鴻蒙齊得喪兮淪玄風世莫吾知兮  
循大變以始終羌憂患之不處兮視紛紜之玄  
同適天行乎人間兮化則愴遵乎壽宮

愍宗

并序

愍宗哭弇州王公也公昭質敏達識最鴻廣  
博極古今洞澈道本其著述弇山前後別集  
者凡四百餘卷言幾二百萬母論往昔編于



畝之竹弗能盡載其文卽今剗刷而帙反理  
亦非一帙所能致皇乎盛哉其皇古之幽隱  
與夫經術國紀竺典道言百氏九流稗官野  
記辭林之著里巷之譚罔不入其鑪錘化厥  
臭腐總攬一綱排蕩千古非斯文之標主爲  
後進之極則猶氏族之大宗而昆系之所世  
世尸祝者耶公之歿也凡知掇管之士咸若  
喪彼考妣爭赴躡踊顧安期方適楚入粵嚮  
郎郊達宛洛抵關隴以逮乎朔野洮湟轉而

琴琴閣全集

卷一

七

渡河循趙經燕浮齊觀魯以歸年且歷九始  
得走妻上拜公墓蓋周覽九州無可宗者可  
宗者公痛不復見矣悲乎傷哉墓草已宿欲  
哭則不可爰賦愍宗代之其辭曰

余溯覽夫書契兮歷結繩而逮茲眇豐博以統  
萬禩兮孰夫人而當之爰僊喬之靈胄兮東居  
際乎潮汝之池始歲游兆之闔茂兮佩禎符而  
降之命之以嘉名兮卜世而獲厥正羌神靈之  
內備兮目遲者咸若夫宿成發二儀之靈

夫八方之紘挾空虛以成象兮昭沕漠之晶  
熒亂事變之紛發兮畢萬有而罔遺情腹鴻鑪  
以方煽兮物融液而僉躍匠羣形惟肖兮倖造  
化之奇作儵若陰而若陽兮迅鬼神之運削悉  
衆妙以爲門兮隸四部之成編煜大言之炎炎  
兮亦卮言之詹詹道何逝而弗寄兮義何微而  
不宜樹枯柏之貞幹兮擘芙蓉以爲采羅生兮  
瓊瑤蕤繚之兮紫蘭之與蕙芷集萬卉之榮芳  
兮揭衆華之英藻肇龜龍之昧爽兮姬誕煥其

琴琴閣全集

卷一

八

離明旣懿軌之後垂兮夫孰不麗乎末光彼楚  
之博史相兮左稱臣乎素王子羽善辭命兮遷  
固秩夫朝章馬揚之組賦兮李與蘇之昭詩顧  
之譚炙轂兮匡之說以解頤洎李斯之迄勝國  
兮總十二朝之微辭前者若列夫導騎兮殿者  
克集夫厥成又九韶之九奏兮八佾之繁會乎  
八音紛林林以瞻望兮顒若系乎大宗並羣嶽  
之尊夫泰岱兮萬流崇河伯之宮忽長邁之謝  
時人兮歲庚寅吾適遠行曳桂樹之勁櫟兮浮

木蘭以西征遵下雉以淹泊兮亦稅駕乎雲杜  
之角陵逕洞庭以亂沅湘兮儷祝融而從赤靈  
望九疑之紛綸兮途經八桂之林返吾車以過  
郢兮憺又覩夫鄖襄躋參峰以謁帝兮道鄧宛  
以之嵩陽貫峭函以陟二華兮訊漢唐之所都  
薄中南杜鄠以周咨兮求文武之故墟直幽郊  
以北兮茫然臻乎朔之野重發軔而西之兮惶  
與洮曰繁吾馬越雍岐而漸東兮出關截盟津  
之流步邯鄲而躑躅兮薊流覽乎帝州冠岌岌  
琴琴閣全集 卷一 九

易忍使夫斯文之終喪兮  
愍知 并序  
愍知哭太函汪公也管夷吾以知我等于生  
我譚者謂疎戚異屬而推戴義均是不勝其  
懷感遇之殷故發矜奇之語有若此耳以余  
觀之殆有甚焉夫茫茫九有凡負陰抱陽而  
有七尺者總總林林不可計數自空桑裂石  
之外孰不由二人之氣血所成然自皇古以  
逮于今幸而遭遇知我者曾復幾何是則人  
琴琴閣全集 卷一 十  
人具有生我庸詎能人人具有知我哉虞仲  
翔云天下有一知己死可不恨甚言知我之  
難也故論其感則生我與知我義均舉其難  
則知我於生我爲尤重矣余之遇太函公也  
豈易易哉自丁丑納交余始識搦管耳枕林  
之業方勺一蠡公則知余進未可量發醯雞  
之覆示解牛之全命以十年業成相證甫五  
年余先以近業寄公則已鼓掌大快徧贊交  
知稱爲速化是時弇州王公與公論文慨我

明斯道上不在臺閣下不在山林公首不全  
肯則謂山林之下有俞生在新言未然謝少  
連聞而報之余益思迅力期以不負又五年  
丙戌執所業復詣公門公晨披夕展加以丹  
鉛冠玄晏之序加子期之賞文乎在斯千秋  
是定余恐衆譁易起而撫實難勝又益迅力  
之楚之秦歷覽塞垣以及燕趙齊魯收五方  
之賅觀擘萬有之羣變輯之柔翰庶幾以報  
公知又八年而歸公捐懸車之舍已七更星

琴琴閣全集

卷一

十一

紀矣空抱續成之業率難鑒識之人當絕絃  
輟響之時曷勝西州返哭之痛耶嗚呼余之  
遇公豈直知我寔以成我而鮑之知管不過  
三事之諒而公之成我其在千秋之事事有  
小大咸有淺深則余之感公也豈區區之夷  
吾等于生我哉叩公之厝閭其無聲知已之  
愍胡能已于揮涕之言遂并焚其續成之副  
以冀九京之覽其辭曰

蔡知已之適遘兮蓋自古而難之于異膜而

心兮豈夫人之易窺士之苟得其人兮隕七尺  
而曷辭而詘申之所繫兮亦然否之在斯夷吾  
方之生我兮義均之乎二慈仲翔得一而選之  
兮願沒世而亡憾而豈二賢之謾世兮亦非憤  
激之詭辭歷黃虞以下覽兮荃落落其無幾若  
晨星之上離兮維一二之可指知不可以倖得  
兮亦不可以驟抵苟曠世而遭之兮寧不畢誠  
而感只歲強圉之赤奮若兮余西征而至乎豐  
千欣融座之與登兮幸膺門之夙攀嘘扶搖而

琴琴閣全集

卷一

十二

驅之兮傳上征之羽翰文心剖而擘視兮空斯  
世而屢歎謂駸駸其未有底兮攘秕林可獨立  
總鴻纖窈突而並探兮脩其綆而深汲何芬芳  
之不擷兮奚精英之弗集邁嚮逞之維殷兮期  
十祀而相及逮中道而呈技兮遽張皇以震驚  
抗弇州之巍論兮若山林之有人羌獨知之爲  
契兮寧恤衆囂之信信期既盈乎十稷叩公室  
兮舊里抱所業而相質兮定不朽之在是冠陸  
離之譽言兮賞音聲於正始余自視其未慊兮

楚秦燕幽魏宋之廻翔兮汎余舟乎齊魯之津  
去耳目之恒觀兮參大塊之新異託墨卿以告  
成兮庶酬公之弘寄負充父之副草兮斬鑒識  
而何從乃燔之靈几之前兮冀九京之可通或  
含欣而覽之兮庶慰心于無窮亂曰魁父之丘  
尚蹇岫兮太函之室几筵陳兮思公語笑儼若  
聞兮陶埴污漫良無仁兮錮公儀容中冥冥兮  
伎余形影立無憑兮知己之愍憐曷勝兮

麥麥閣全集

卷一

三

愍志

有序

愍志爲朱承之作也承之遭家中落發憤振  
之至于有室絕衽席之爲樂惟鉛槧之是勤  
僅僅成一博士弟子青年以歿初疾作從兄  
令回朝夕調護者累三餘旬而竟不起聚族  
而痛洽巷而哀識與不識莫不過廬而歎此  
咸聞其抱志不成而愍之也余過鹽官鹽官  
人士稱述有如一口又聞承之之生夢大士  
授之燭光之中普門應現何使之有慧而無

年是不可解矣爲之作愍志以附九辨之後  
嗟志士之不辰兮選鉅宗之中墜肆奮迅于素  
業今歷寒暑而弗替罔淪精于燕私兮奚救于  
神氣之盡敝丁玄默之困敦兮當美人之綺歲  
胡二豎之肆毒兮慟彌留而就斃疇厥躬之長  
逝兮并湮之以邁往之閔志豈里族之痛悼兮  
行道聞而隕涕謂神靈之應禱兮又禪之以淵  
慧盡人理而不回兮蔑譽尤之正戾抑穹蒼之  
弗鑒兮何異徵之弗旣慟從昆之絕愛兮萎屬

麥麥閣全集

卷一

古

望之深意誕疾作而左右之今夜十起而歷視  
迨三旬之辛楚兮徒皇皇而罔濟余未識荃之  
刑范兮察羣情而心瘁愍所賞之安之兮亦茫  
茫乎其終昧

愍貞

有序

愍貞爲劉子福貞母項碩人出秀水襄毅公  
裔而歸于鹽官劉方伯仲子崧陽公二十一  
而寡築重樓抱孤雛稱未亡人者幾五十年  
其間守節酸楚載在銘表者至不忍聞逮後

子福成立暨厥配陳並力行孝行而諸孫英  
英諸孫婦日環侍食息至 朝廷建坊顯揚  
璇題銀榜照耀里閭謂食貞一之德收苦楚  
之報可數十年坐饗平和之樂矣顧堇堇六  
年歲在戊午孟冬月朔病百療竟不起悲乎  
傷哉夫皇天報施毫髮靡爽以酸辛苦楚不  
使人知者五十餘年享名享福方經六載况  
孝子未盡之孝且暨施之無窮而今胡可得  
已悲乎傷哉在碩人皈心西方而三聖迎歸

蓼蓼閣全集

卷一

十五

安養誠何足愍而離裏之子身體髮膚伊誰  
授之而形容色笑相習既久酸辛苦楚目擊  
且多一夕幽冥遽隔聖善無形能不仰天椎  
心泣而繼血也悲乎傷哉余構離憂之辭命  
曰愍貞以續九愍之後寔爲孝子痛悼無主  
昕夕罔終若曰愍孝誰不謂然卒廼推明淨  
土安養之樂庶可釋孝子終天之憾云其辭  
曰

愍貞節之令媛兮厥皇考謚曰襄毅歸方伯之

子舍兮爲仲子之元配結褵燕婉越六禩兮痛  
厥天之崩墜豈難于追從九京兮念呱呱者甫  
乳暮歲欲身殉而不卽殉兮亦俯念劉仲之續  
嗣勉收涕以存軀兮廼截髮以自誓築層樓以  
高居兮若以謝夫人間世侶孤月與殘精兮零  
露偕隕夫涕淚嚴霜凜雪之結于中天兮寔荃  
肅烈之正氣疾風迅雨之入夫欄檻兮又協荃  
茹荼之苦志抱孤雛以相弔兮今日居月諸胡可  
計也匪寒暑之相易兮安知歲事之遞代也逮

蓼蓼閣全集

卷一

十六

孤雛以成立兮下重樓爰督夫家事紛總總以  
畫一兮咸井井而位置婦道母儀之克全兮亦  
罕觀乎晚季粵酸辛苦楚閱五十載兮若否終  
而始泰若已歷夫長夜兮天濛濛以破昧若望  
舒之曜晦兮而陰魄之乍朏懿孤雛之孝行兮  
羌又通夫覆載又孝婦之淑順兮日惜惜而婉  
至諸孫濟濟以繞膝兮諸婦侍昕夕以匪懈又  
采風者亦敝厥節孝兮 帝亦都而驚異曰建  
坊而表閭兮爰千秋而昭示石柱金題之載業

今何煌煌耀夫闐闐里人經途以裴裒兮孰不  
嗟歎以仰視彼負擔之往來兮亦廻旋而特歧  
爰食茹荼之苦節兮若云皇天之報施胡僅星  
紀之六更兮望淨邦而西逝雖三聖之迎歸極  
樂兮何忍覩孝子之哀悴昔不難刲股以療疾  
今今又何惜沒命以追企居處色笑以想像兮  
每廻環而無次與慈陰之覆之兮尚色養而永  
侍胡一夕之棄兒兮欲申志而無地奚五十年  
之提攜顧復兮一撒手而長棄目睟夫千艱與  
裴裴閣全集卷一 十七

今及是逍遙樂不可況兮嗟爾孝子徒憐愴兮  
愍逝有序  
愍逝爲鄭孝標母趙孺人作也孺人爲開國  
勳武靖伯之女孫武靖家偶旁落十五而以  
箕帚事鄭端簡公仲子比部平泉公十九而  
產孝標孝標墮地孺人竟爾長逝嗚呼哀哉  
誠足愍矣夫婦而生子豈獨顯揚已哉卽在  
襁褓髮髦有可以愉悅親心者不一而足卽  
老萊氏行年七十詐跌仆地爲嬰兒帝尚可  
娛親況于無識無知有啼有笑凡爲母者顧  
不怡然樂乎稍長就外傳奉內訓朝而問寢  
午而視膳又不怡然樂乎娶而得媳媳且生  
孫口含飴而掌捧珠不知樂更怡然又何若  
也今孺人以孝標離裏者十月圻副而受苦  
痛者不知幾何子旣墮地聞男也二字僅啓  
齒微笑遂瞑而長逝嗚呼哀哉亡論上下家  
人輩近遠聞者莫不羣然愍也余聞之亦欲  
操筆作誄以壘孺人之德顧事比部公董董



十有七月潛闈且扃坤儀未曜無可以張  
之廼爲愍逝以附九愍之後人或想其哀愍  
其逝撰爲文辭以分孝標之痛其辭曰

荃皇考曰武靖今寔開國之勲臣逮屢傳于厥  
後今家旁落而不振粵有女而淑婉今執箕帚  
而來嬪得端簡之仲子今方主器之乏人歲時  
橫之執徐今十有八而方娠越明年暮春之哉  
生魄今得天上之麒麟兒隨地以呱呱今備諸  
艱而眩昏偶少甦而報以男今亦微哂而喜生

藜藿閣全集

卷一

九

又少焉以再眩今竟長逝而不旋夫人婦而得  
兒今其樂匪一端之可論計悅心而娛今豈直  
名以顯厥親始無識而無知今有笑啼之可  
欣就外傳而閑內訓今繞掌膝之相因凡膳寢  
而數視之今又涼暑之溫清既娶而得媳今日  
奉姑之虔勤媳生子而得掌珠今口含飴而抱  
孫以斯樂而相娛今亦何樂之可倫痛荃有離  
衷之苦今又圻副之艱辛僅聞男也之一啓齒  
今竟長逝而目瞑莽茫以受泉臺今輒長

而不醒遺巾悅以挂壁今闇匣鏡之生塵亂曰  
生子日娛世盡然今子存母逝幽明分今何時  
有旦昏漫漫今之子之痛胡可憚今顯揚惟帝  
黃可焚今斯文不朽萬禩傳今

愍烈

哀烈婦之不辰今遭家之不造謂貞淑之爲慝  
今謂執義之爲狡啐王睢之不羣今爵善淫以  
爲好以厥媚之爲天今天行遠不覆燾也以厥  
姑之依恃今姑之醜不可道也彼獫狴之求定

藜藿閣全集

卷一

二

今匪一艾豨之易饜鵠鳥之喜合今每乘雄以  
自墊賓鴈之守禮今不隨逐以爲亂寧戮辱之  
橫加今蒙慘毒其奚怨懼姑醜之孔昭今又何  
忍明已之貞固媚溺母而逐荃今曾莫知其故  
荃留媚無行遠今謂睚眦私而莫悟遽逐利而  
行遠今竟弗爲之內顧詎禍變之更端今隣九  
死其罔訴厝火于卧下今火爲不發脅之投井  
今水焉不沒乃至囊沙壓而刃飲目今始黯慘  
以告殯備痛楚之紛綸今全荃軀以罔闕列祀

以食報兮瘞香骨于麻姑之傍三滄海之揚  
塵兮名不泯以永臧

靈脩歌

靈脩金陵傅氏女  
善北音人咸瞻之

靈之脩兮眇盈盈上中堂兮揚朔聲青絲寶騎  
咸留行

毘山諸詠

有序

毘山在菰城北爲大司空潘公別墅世傳之  
冢嗣近者水部公請老授之朗叔朗叔則于  
山之勝處綴以樓榭堂室各署嘉名以奉二

麥麥閣全集

卷一

三

尊人季年歲在辛亥水部公與吳宜人齊年  
偕老並周初甲朗叔自爲毘山別墅記徧乞  
海內同聲之士各詠諸勝冀以一詠一觴以  
侈稱慶之盛余辱在通家遂首爲騷體并綴  
小序以通朗叔命名之旨焉

南陔堂

詩詠南陔相戒以養曲致其孝堂以是名  
遵南陔兮採芳蘭盛以祗兮易以僅於孝子兮  
狀高堂高堂人兮咸樂康慨花萼兮飯衆香

竹林園

竺國精舍爰有竹林現在我園如瞻彼土  
藂脩竹兮鬱森森紫兮綠兮間成林於孝子兮  
奉息陰高堂人兮咸悅心倚蒼玉兮聆清音

松石間

上蔭綠濤下撫雲根鳴琴相賞幽意自怡  
松爲蓋兮坐爲石庇蒼翠兮布瑤席於孝子兮  
侍晨夕高堂人兮今日怡懌餐金粉兮漱玉液

雲香阿

麥麥閣全集

卷一

三

周堂四隈繚以桂樹緒風飄拂秋雲自香  
堂之阿兮桂有叢花丹黃兮葉青葱於孝子兮  
實以供高堂人兮媪與翁身金粟兮居蕊宮

丹若榮

丹榴沃若華彼南榮天酒酌親以懌暄節  
庭有榴兮華絳光子瓊圻兮駢紫房於孝子兮  
釀酒嘗高堂人兮日進觴佐絳雪兮流霞漿

綠霞序

翼翼兩序蕉梧蔭之展也宴樂鐘鼓時振

有蔭兮東西序紛綠霞兮若庭旅於孝子兮  
列筵簾高堂人兮每燕胥樂方進兮樂長舉

### 苑亭

樂土乍登有亭若接苑苑者柳含風自涼  
苑其柳兮拂文漪周津亭兮綠紛披於孝子兮  
濯濯姿高堂人兮御涼颼迴雲蓋兮登瑤池

### 紫茸庵

芳薜作飲飲者通靈春芽罷供以享二人  
靈薜紛兮被嶙峋葉鮮碧兮敷青春於孝子兮

麥麥閣全集

卷一

三

供金神高堂人兮飲芳新和五內兮能輕身

### 飛雲隴

隴首雲飛形之柳詠懷古啓途板輿自御  
隴之顛兮雲飛聚聿綿綿兮屯若絮於孝子兮  
關脩路高堂人兮輕輿度捧五色兮乘三素

### 金膏渚

月華泛水瑩若金膏采而獻之以益親壽  
水有渚兮影房櫳月曳練兮金膏融於孝子兮  
方諸童高堂人兮遊汎同乘水碧兮升珠宮

### 鶴賓樓

飛樓崇廈可接羽仙鶴駕來賓有懷往昔  
巍飛樓兮千紫虛隴雲捧兮護綺疏於孝子兮  
招琅輿高堂人兮好此居止鶴駕兮擘仙裾

### 雪苑

瑤樹周匝苑以雪名粲彼白華相戒以養  
山之樹兮梅交加雪爲苑兮參差花於孝子兮  
清且嘉高堂人兮樂無涯羹縹實兮餐瑤華

### 蘭碕

水碕一曲叢蘭被之采沐其華親體芳澤  
隰有曲兮碕有行上有靈草蘭有香於孝子兮  
德以將高堂人兮沐異芳體欣欣兮娛無央

### 菊柴

鞠有黃華列藩爲柴吸彼日精頽齡自制  
鞠爲圃兮木爲柵迎秋霜兮花正色於孝子兮  
汲滋液高堂人兮甘飲吸日精延齡壽無極

### 來禽塢

紺塢一曲中有瓊樹爰采其實以益親顏

舍桃塢兮簪篋側細披葉兮朱累實於孝子兮  
羞甘食高堂人兮享無斃後天而老好顏色

鹿坪

有曠者坪爰柵羣鹿斑紋蒼質親御在斯

林有坪兮鹿麋麋獻銜花兮擾松樞於孝子兮  
膺瑞符高堂人兮安靈區白登旣兮蒼擘廚

靈巖山琴臺歌

昔何人兮擁琴石爲臺兮山之岑天高兮壑深  
理朱繩兮哀音怨搖落兮何心雍門一曲兮誰

麥參閣全集

卷一

三五

能禁林木萃兮時悲吟

麥參閣全集

卷二

東吳俞安期美長著

吳郡申繼揆維志校

賦

歌賦有序

嘗誦傳毅舞賦遣辭洵美寫態畢妍其後平  
子梁王之儔抽毫並作咸不逮茲世每以歌  
舞並稱而謝德偃所造歌賦寂寥短章敷陳  
未備余在南都邁齊王孫席上事廼行爲一

麥參閣全集

卷二

一

篇或庶幾補藝林之闕文云其辭曰

東吳王孫遷自齊國嚮意文辭數讌賓客啓雕  
堂敷珍席合簪履騰觚爵鼓篴縣鳴箏瑟樂工  
屢終膳夫未畢王孫起而謂客曰昔我先封之  
在齊也高唐縣駒處其右魯國虞公居其隣復  
有東門扣角漆園引聲高商揖封彈缺先生辭  
流乎往牒音習乎來今其來遊者則有韓娥瓠  
梁薛談秦青林木留響而屋梁遺聲夫寧足齒  
乎淮南宋蔡與夫遼西之與文成俗稱善歌餘

風未熄不德不忘乎故疆顧好而自忘其忒爰  
集名倡願以娛客客曰葛天八闋寔閭厥先九  
招興咸墨渡漳作伶倫大唐卿雲擊壤箕山君  
臣賡詠苓落朱干二陽初慮歸來縵縵下逮五  
子九德始乃濫其觴而揚其瀾塗山遣候人而  
南音出九成飛燕往而北調彰貧山破斧東聲  
爰起餘靡封翟西氣發揚審音察故亦由此而  
辨乎四方詩稱式歌書叙詠言衛地以之號邑  
東陽以之名山歌之時義大矣哉君何以憂其

麥麥閣全集

卷二

二

忒焉于是王孫愕然而喜曰敬聞客命亶悉其  
原顧茲之娛異客所陳依千古則變以新聲幸  
聆音而發旨其有無關繫乎性情遂廼屏樂部  
遵別館撤藻筵卽清讌止瓊華之室藉紫羅之  
薦御珠綴之帷馮雕文之案命齊秦之女召荆  
鄭之妃集吳越之豔徵燕趙之姬成列進侍爛  
其盈而玉光互映采飾如翬清曠善盼輕質懼  
飛衆曲萬變惟所命之其始命也脩蛾徐動黛  
色揚輝脣朱欲剖中顯瓠犀顏遲回以俟會態

抑按而含思喉輕欬以檢氣首俛仰以整儀其  
旣發也蘭馥馥以輕歎聲嫋嫋而相隨乍冉弱  
以優渥今旣繚眺而徠靡或激越以矯縱今或  
舒肆而騰娛或縹緲以輕邁今或蕭肅而清凄  
或絡繹以條昶今或紆餘而鬱伊或翩緜以膠  
亮今或都雅而逶迤或將斷而忽颺今或將迅  
而忽微或將轉而輕送今或將疾而少稽或邀  
險而若誤今或俟機而若垂旣投隙而趣汎今  
遂捕會而入奇何若陰而若陽亦若安而若危

麥麥閣全集

卷二

三

翩如其往突如其來細不幽散大不昌披疾不  
浮厲徐不陵遲揚不遽止抑不遽頽油兮若愛  
黯兮若哀儻兮若怨歔兮若怡折頓赴矩旋轉  
就規圓如運道沈若研幾况廼衆口並發異嚶  
繁詞南北之音互出東西之調兼施千迴萬逝  
舉無參差不期而會不絜而齊高低脩短不爽  
毫釐繁聲一響若有物絃若墨而界若斤而裁  
若羣珠纍纍而貫獨縷兮若亂繭在繅而抽一  
絲豈能陶之于型範有若和之以天倪于斯時

走傾注而欣欣鱗物目矚之而不駭兮介族角  
聽之而無震惟夫靈妃帝女上元法嬰紫微白  
鵠雙連辟方昭靈婉來四珠雙成合茲衆妙揚  
彼曼聲輕風流水昭霧秋霜玄靈步虛駕歛排  
空音容庶幾乎比方至于吳都子夜石城莫愁  
越人擁楫女娟中流名謳碧玉善伎綠珠渡口  
桃葉陌上羅敷曾莫能與之匹儔也其曲則魚  
麗朝日激楚流風白雲白露陽阿陽陵白水延

麥麥閣全集

卷二

四

露采菱涉江干遮歸邪去鴈離鴻蘋生朱華落  
葉吹蓬焦泉商飈沈靈流陰北里靡靡皇琴折  
楊陽春白雪刻羽引商八變九曲淥水江南烏  
生玉鳬雞鳴東光同聲定情豔歌何嘗鴟雞十  
五東門平陵長干吳趨招商采桑五調六引西  
曲上聲滿妍安緩高放短長雅清耀浩酣怨勞  
傷咸宜今而宜古咀五音而具五行若夫郊廟  
房中之奏里巷道路之謠鐃鼓之所習弦吹之  
所調亦別有其類固與茲而殊操已及夫過殷

博而麥秀居首山以采薇周王東嚮以哀慕今  
王子南望而思歸吳人離別而相去兮夏人淫  
樂而相持寡女黃鵠棄妻屢屢越妻去國寶婦  
將離包胥向秦庭而哭罷兮優孟入楚宮以滑  
稽孔子曳杖于戶外兮皇娥讌戲于水湄鉏商  
樵而獲麟兮楚狂過而鳳衰易水寒兮壯士去  
烏孫遠兮公主悲子胥河上漁父蘆漪青陵烏  
鵲絲上龍蛇幽囚趙主放逐湘纍孺子滄浪之  
濯梁伯北芒之噫隴頭水之戍客上畱田之孤

麥麥閣全集

卷二

五

兒以至漢帝興而過沛楚軍困而在垓天馬遠  
至鴻鵠高飛沈璧瓠子汎舟淋池戚姬抱杵于  
永巷兮翁子負薪于路遠楊侯烏烏而拊缶兮  
商老曄曄而采芝班女團扇之怨田橫蒿里之  
哀協律北方之佳人益守祚都之遠夷林林總  
總不可殫稽亦莫不因感而響洩觸事而音來  
然皆偏聲而促調或短節之與夫璅辭豈若茲  
之下變乎衆庶上亂乎靈祇聽之者舉一其心  
而歛其意專其志而凝其神酒澄不及亂殺乾

進暴者爲之惠柔今躁者爲之泰寧怒者  
爲之改慮今妬者爲之息爭憂者氣爲之宣寫  
今喜者色爲之不形懦弱爲之奮迅今九厲爲  
之逡巡矧含五德之妙理夫人亦在乎善聽性  
情彈爲之滌蕩孰不去故而就新豈必樹護于  
堂背足可以忘憂而引年亂曰音聲微妙惟絲  
竹兮瑟琴箏笛管笙簫兮聆其清韻匪不淑兮  
惠察其文殊邈邈兮往哲有言茲可復兮絲不  
如竹竹不如肉兮王孫避席而起率諸歌伶再

琴瑟閣全集

卷二

六

拜錄之用傳千齡

江妃賦

有序

鄭交甫客遊于楚星紀載暮邈焉索處忽焉  
以嬉邁彼江妃于漢之涯微詞相感謫乎見  
給懷佩旣失靈跡莫追五色無主累日獻  
楚王聞而召見命抽緒而賦之乃湛思其授  
受放悲其風儀爰濡毫而引牘遂揆藻而敷  
辭其辭曰

與青祇之發春兮草木苑而華生倉庚燿其振

羽今翟鸞鳴而飛鳴羌余有烟燼之思兮若昧  
旦欲辨而未明聊紆徐以遊步兮寫羈懷之悵  
悵遂廼遵脩術履神區江之臯城之隅或蕩心  
以遐矚或寄目而踟躕休乎漢南之喬木覲彼  
東門之如茶帷裳成塞鉛黛成林笑言諧謔亦  
各有心斑兮雜選匪我所歆復有二姝末至遵  
彼微行遺視成采揚顏施光姱容特顯態無定  
方劃兮若排積晦而燭龍吐耀恍兮若擁卿雲  
而文鳳驚翔其輕弱也絳氣游彩叢霄中其清

琴瑟閣全集

卷二

七

映也朗月流景方諸宮其狀則曲翠隨眉層波  
溢皆頰唇欲合瓠犀微翳膚肉似豐骨法且細  
屈髻如玳髻尾如蠶蟠鬢聿脩不屑施髻壓暈  
瓊藻氣吐玉粲皦非凝粉澤豈塗脂步珠塵而  
不動倚條楊而不欹仰若寄傲俯若銜思衆妍  
屢變若合若離其飾則寶葉扶鬟鏤葢承足繩  
璣絡臂裁碧耀目釐帶飛飛香纓馥馥簪以黃  
支之犀曳以苕華之玉纖紈致乎東齊明錦濯  
乎西蜀金縷芸黃離羅微綠腰約綺裳項圍編



袂舉揚綃襟垂掩袂表裏交映參差相屬其  
佩則北荒之明月莫難之夜光英英粲粲焜焜  
煌煌鑒容益媚當暑昭涼爾乃躡行則芳躅並  
進少頃則衫袖交聯雙顏合美異體同妍迴旋  
欲舉皓腕相牽旣振迅以辭避復矜顧而迴旋  
若將迎而欲却類含意而待宣余斯時也目轉  
注而不定意搖曳而翻翻欲迫之而恐逝懼招  
之而不前異承間而送欸復投會以告虔歌曰  
遭子于漢之臯今我心勞兮願有要兮子之佩

麥麥閣全集

卷二

八

爛昭昭今于是麗姝安軌正儀情會體近步整  
若遲履輕若敏解彼明珠爰赴所請口鮮違辭  
色無微慍舉而授受其光清燭握之分明懷之  
諦審旣而意警神超氣愉願適行纔十步時僅  
頃刻再探懷中佩已旋失劒云善亡珠豈生翼  
回瞻麗姝亦不可覲卽蹇脩無由以通辭象罔  
不可以求索矣義輪旣頽望舒將御竚立愀惘  
尚希神遇居人問之余告之故彼曰噫嘻此江  
冠也出而遨遊不可逮也人祇異軌毋爾思也

不循來陌曳歸策顏蘊勃跼蹐疑結夢之  
乍還逮銜憾而未釋楚王曰子懷惇惇亦旣勞  
止楚國雖隘幅員千里豈無其人惟肖彼美試  
求得之願以賜子

江夏任家相叙云余往寓京師有春雪之篇  
其自叙有曰語多託之婦人意自擴其憤懣  
益屬而和者幾人焉比余得美長江妃賦讀  
之如幻如夢灑然自失矣嗟夫宋玉之神女  
子建之洛神至今譚豔曲者輒以爲稱首江

麥麥閣全集

卷二

九

妃之賦得無類是乎雖然爲二賦者固多懷  
矣宋玉體貌閒麗口多微辭登徒子短之玉  
有登徒子好色賦子建翩翩佳公子高才絕  
世而文帝忌之通親自試表何其悲也故余  
嘗謂神女不緣于見夢洛神非觸於感甄好  
脩姱以鞿羈嫉蛾眉而謠詠求宓妃而無媒  
歎美人之遲暮古今所慨諒同斯軌爾美長  
文擅詞宗行敦長者前凌孫謝近軼名家而  
主父未列乎五鼎長卿或困於臨邛雖山林



天性抑亦遲莫之效也然則明璫雜佩豈真  
交甫之珠顧影自憐何必楚妃之麗藉令侈  
其綺靡之聲忘其興寄之遠殆溺其指矣客  
有過而嘲余者曰宋廣平鐵心石腸至賦梅  
花則極其藻績陶靖節恬於世味而閒情一  
賦幾不能自馭子安得以子曲士之牢愁而  
槩風人之逸韻乎余無以應而特以質之美  
長將有當于余言不

雲杜李維楨跋云劉勰云鉛黛所以飾貌而

琴琴閣全集

卷二

十

盼倩生乎淑姿文采所以飾言而辯麗本于  
情性其優劣固有分矣屈宋枚馬張平子曹  
子建蔡伯喈陶淵明之屬皆閱覽博物不可  
涯涘至其賦詠美人要在隻字片語中曲盡  
麗情冶態千載而後尚令覽者動色斯爲貴  
耳不然者與刻畫無鹽學步邯鄲者何殊勰  
知言哉今布衣中多聞強記必以俞美長爲  
巨擘所著江妃賦最得屈宋諸君要領文采  
辨麗照映人眉睫間洵可喜也或曰屈宋諸

君坐是爲儒者詬病郵而效之無乃不可乎  
余曰不然仲尼定詩三百篇其豔語類屈宋  
諸賦者不少且周公尊后稷配天而大雅稱  
母姜嫄履帝武敏歆先生如達不圻不副勞  
東征將士而曰親結其紉九十其儀其新孔  
嘉其舊如之何曾不以爲穢狎賦者古詩之  
流屈宋諸君蓋助于此吾聞之權德輿舟有  
溺騎有墜寢有魔飲有醉食有饅行有魔甚  
則皆可以致斃無非危機其可如土偶木寓

琴琴閣全集

卷二

十一

耶顧人之用之何如耳昔姚興以十妓餉鳩  
摩羅什諸僧欲效之羅什曰能食此針者可  
蓄室因舉七進針僧遂止王安國謂馮當世  
并門妙麗閉目不視便是一重公案美長雅  
善竺典余旣賞其賦更書此二端爲解嘲  
齊安王一鳴跋云美長庀揚馬之材遊屈宋  
之鄉唾涕而響龍虎之文固其所也乃致其  
不可知而萬一願交于恍惚以庶幾于江妃  
交甫子虛以鴻洞發端鵲鷄以細微志託此

衡嶽賦

琴瑟閣全集

卷二

十二

麥麥閣全集

卷二

十三

麥麥閣全集

卷二

十三

集 143—26



旅陳玉女捧匱而分侍恭禮垂旒洋洋在位目  
一其瞻心雪其穢容不肅而自莊精不顯而自  
萃旣而覽穹殿之鴻麗又目駭而心驚肇規制  
之區畫儷峰數而作程崇以七十二尺列以七  
十二楹文梁霓起以夭矯華棖蜩集而縱橫綺  
錢周網層枲相承鏤以四荒之獸倒以玉井之  
英朱塗電散彩飾霞蒸曠燿闌以巖崖赫燁爛  
而晶熒乃其長廊九十六翼首自端闈旁抵寢  
室紺碧其材繡繪其壁凡遊閒燕樂優俳戲劇

麥麥閣全集

卷二

七

展帙披圖擊鞠博奕農作女紅樵採漁弋揚杵  
擣衣轆轤井汲加以奩香篝衣嬪御上直罔弗  
曲摹其形態殫協架乎洞清之筆其前環以百  
家之市其中貫以三條之術右弼釋氏之寮左  
輔黃冠之宅二教並居同門異閫粵自軒遊之  
駕虞巡之蹕以至舉柴而望及乎遣使宣臆加  
帝王之尊稱比公袞之上秩廢縣牲牷埋瘞圭  
壁禮以赤璋藉用茅席盛典于是乎臻百神于  
是乎集靈臺侈于玄文寶洞宣于玉笈古今告

饗之辭猶載穹碑之勒故屢易受命而不忒攷  
昔盛時睠彼圖經萬壽靈虛安寶玉清光天銓  
德九真黃庭若此者稱宮逮九爲觀十八浮圖  
之居五十四刹及樓閣亭榭書室講堂靈樞神  
屋竹院松房謂鴻紛而屹峙鬱被谷而彌岡錯  
金碧于蒼翠侔乎甘泉與林光慨今昔之夙殊  
返太始之鴻荒問新基而古號亦稱存而若亡  
廬庑偃壓十九付于無何有之鄉乃若方廣昉  
于天監上封改于隋煬嶽麓蔭于星沙鴈峰起

麥麥閣全集

卷二

七

乎衡陽楚安垂明月之下寶勝列香爐之傍白  
鹿踞武陽之里白鶴棲崇嶽之鄉龍橫覺海雞  
鳴上方雙峰淨居七寶大明道林崇果高臺清  
涼爰及西明南臺福昌福嚴衡居會善天臺祝  
先法輪多寶雲封湘南化成花藥攝受白蓮豈  
中墜而未舉抑大圯而小延寧無肇建于後亦  
有盛踰乎前計十存其七八而鐘磬之聲猶相  
聞焉其若開山海印衍宗石頭或有賜號隋主  
服役金牛嬾殘思大林公十八僧之儔又若白

膠辟穀于雲隱雙子擷秀于靈芝太微太案並  
依金母之殿景童丹霍分卜石室之棲帝女感  
玄皇而飛遯華存慕至道而宅茲禮正飯靈草  
而顏駐道全駕仙驥而軀飛赤精授經壇上郁  
之諷誦靈臺二薛前後以息駕鳳仙幽獨而杜  
機彌明靈期寥師三清之儕以棄俗爲教居山  
爲藪師清淨而友太和家彼岸而戶淨土神臯  
靈窟固其所也穹厓邃壑亦其主也然自夏載  
探玉字之冊發蒼水之司剡鳥跡之碣紀治水

麥麥閣全集

卷二

六

之辭及周之讓王采藥臻斯其後懷奇挾異之  
偉士逃虛傲世之仙才司馬浮湘而至向禽結  
侶而來昌黎觀決雲之會遂采霞之懷鄴  
侯英國劉氏三之若其類也皆繭趾黥顏杭險  
梯艱里土或萬挾糈彌年或僻居茹苦或冥索  
惟顛豈非冀倬詭之倘遇而神秘之或宣參大  
塊之羣變易睟目之恒觀也哉乃有孤蘆之鄉  
縫掖之士幼沈六義之淵壯結五嶽之志嗤婚  
嫁之待畢乘筋力之未瘁至自天門之月焉逢

敦牂之歲始歷其一未覩其四意者較夫嵩華  
之與泰恒亮非隸其左次綴往哲之闕章併作  
頌而告之大庭氏之帝曰天作有宥望禮既降  
百神既同維南之宗誕哀厥靈靈亦駿發蕃育  
萬物物亦昌達煌乎帝靈火德是興降昭厥禎  
以畀我文明昇顯帝德有炳有蔚華子之國黃  
離永吉

遊中隱山賦

有序

余歷覽寓內巖洞率多幽奧杳冥入必需燎

麥麥閣全集

卷二

九

其不需燎者復促局亡奇未有如中隱之洞  
博敞寥朗瓊譎幻化複閣增樓上下相直雲  
精藥石瓊乳琅華畢態矜奇並陳在矚者矣  
夫桂稱七星棲霞爲冠詎不邃深瑋麗豔目  
驚竄顧其深阻旣艱涉歷易困一濡遊足罔  
胥後期至若陟降威夷廣衢坦道雕堂華館  
砥室旋房坐匪張燈行無秉燭若逍遙天表  
出入潭居累禩經年蔑有怠厭者則余于茲  
有不容畢讚焉爰因汝成退之二王孫之導

遊也廼爲賦以紀之其辭曰

攀余轡以遊敖兮經桂林之西牧越層岡以招  
余覽兮曠嫵嫵之平陸睇孤岑之嵒岼兮石嶒  
岈以上矗億峰巒遙環衛兮不坡連而坂屬  
王孫申申其謂余兮茲寔鏤鏤乎亭毒眇一拳  
之耿介兮函石室之二六參欣欣其載馳兮聿  
廼戾乎南麓望巖局上下以相沓兮若增樓之  
穹窿覆捷獵而重注兮基復疊以卑崇豈縣居  
之承乎雲壙兮殆井幹之起乎漢宮相峻壁之

麥麥閣全集

卷二

二十

直削兮慮奚途之可通循下成以東行兮戴縣  
厓之玲瓏轉石關之顯敞兮恍蒼龍之巍闕路  
脩夷其若砥兮孰揆之以水臬進百步而始折  
兮歛北戶之高豁欣先後之通朗兮悟來往之  
相達信勁風之借道兮何鬱雲之可泄琅葩舒  
以駢垂兮瓊液凝而連綴紛瓌怪之多端兮畢  
旅陳而眎列拾瑤階而乘飈兮出脩門以上征  
步雲埒之高衢兮吾將復乎西行呀玄扉之陰  
翳兮人裴徊以周經度重壁之西偏兮臻鬯達

之南榮惟須臾之厯力兮胡驟及乎仙庭眩雕

宮之燼闌兮儼帝所之高營與旋室之翼翼兮  
煥陽榭之昌明寫虹蜃之環宇兮擬閭闔之夏  
門玉柱扶以隆崛兮棖杙承而縱橫文獸負岬  
而欲屈兮彩虬遶桶而若驚雲霞繪以駁錯兮  
翠塗宇而晶熒縣廣野以延睠兮宛太宮之靈  
丘亘迴谿以下繞兮縮青瑤之津流峰戟攢而  
刀立兮邈羽衛之四周眷卉木之葱蒨兮移瑤  
林琪苑于神洲始恍恍于目遇兮復迴惑于心

麥麥閣全集

卷二

二十一

謀允神明之來憑兮度輕舉之所遊諦視察其  
廼悟兮卽始望之增樓亂曰帝之下都疇或宅  
兮羽軒風駟廼可息兮繫余何人獲登陟兮肇  
作斯頌播無斁兮

麥麥集卷二

東吳俞安期美長著  
吳郡申紹芳青門校

賦二

河賦

并序

明朱鬱儀注

往余嘗浮淮歷黃河之委茲既經盟津盟亦作孟

觀砥柱今陝州河中有砥柱山又名三門率

流金城金城關莊浪之門有渡河關積石有漢

數與河遇則心怦怦若有感焉

參寥閣全集卷三

卷三

一

夫九有之水莫長于河故列之四瀆特號爲

宗穆天子傳曰河與江淮然江有郭弘農賦

亦既彬彬侈言之由漢以來未有沿委討源

總攬萬殊收歷代之遺文畢體物之能事以

及于河者有之自應成後漢應場有靈河賦晉成公綏有大河賦

亦寥寂未備焉然河在中國所至利害彼此

殊越在上游特稱有利而無害秦地以下或利

多于害或利害相參方今泗汴間漂民廬驚

陵寢其爲害特甚則亦未善抑豈河

之罪哉不量寡率遂舍毫賦之極其源委以頌

河之德且折衷近者議治之異同焉其辭曰

維河流之靈稱肇億禩而不忒經流別之爲宗

也四瀆謂之經流以其逕達于海也莊子曰經流之大河與江淮濟爲四瀆河曰河宗四瀆所宗

萬水崇之爲伯孝經援神契曰逮禹功之所

加既經矚而可悉粵重源之載導復冒流于積

石山海經曰積石之山其下開隴西之上游逕

金城而東出翼賀蘭以包朔方水經曰此流並

陰山而望高闕地理志曰陰山在高闕西左拂

東參寥閣全集卷三

卷三

二

雲中雷首水經曰又東流過雲中西河右薄太

華二嶠太華在華陰循平陰而北轉乎鮪渚陰平

今河陰縣鮪渚在遵洛汭而東抵乎成臯禹貢

過洛汭成臯春秋時爲由是捐故瀆而不乏故

鄭巖邑今汜水縣也水經所謂指宛丘以捷馳宛丘今擅淮濟之所

道並委輸于朝夕之池初學記曰海昔之播九

以同于碣石禹貢曰又北播爲九河爲逆而瀉

于東齊者史記曰同爲逆河入于渤海武

已中枯而成陸或分歧而背趨矣其來同者有



洮兼大夏渚引閤門高平亾于奢延湍汾渭涇

洛伊汝潁汴澮又附之而俱達者槩不可以殫

稽蓋四瀆之流總其三河淮濟同由九州之水

領其七河之所歷及來同諸水兼咸千里而一

折楊泉物理論曰河百里迺九折于中國淮南

折注海其水則渾渾渙渙渾渾水潰涌聲湜湜

湜湜湜波起也湜湜湜水聲湜湜湜水聲湜湜

也水迴汨黃濁而洽漑洽漑水不藉颺而騰波詎

湟蘖而成色物理論曰河水黃衆及其下桃花

麥麥閣全集卷三

之新漲溢竹箭之疾流浩混濇而高出混濇大

滅軋沕而橫浮滅水聲軋沕隄齧之而善崩記

善崩山懷之而欲瘦奚兩涯之可測尚復致辨

乎馬牛莊子曰秋水時至百川灌至若越呂梁

潰龍門觸砥柱下集津呂氏春秋曰呂梁未鑿

至于龍門東至于砥柱地志砥柱地志厄嶮巖束嶙峋莫

不洶湧澎湃濶濶滄滄洶洶洶洶水勢盛

洶洶大水聲濺濺水噴起聲奔溜下垂若瀑布

之高曳賊波上躍若雪巖之雄峙飛沫類澍雨

之四垂振聲又疾雷之薦至搖撼山嶽動盪天

地聞之者改聽視之者魄悸攸飛犯之喪其勇

樗里遭之失其智攸飛楚勇士得太阿寶劍斬

號曰漆園所稱善游之夫夫亦寓言而若是

曰孔子觀于枯梁懸水三千仞見其鱗族則有

鮒鮒鮒鮒魚目魚鰓大鮒鮒鮒鮒鮒魚目魚鰓大鮒

玄銅白鰐鰐鰐魚也鰐鰐大鮒青鰐青鰐大鮒

海經兩鮒朋游王鮪穴棲王鮪穴棲

或蒼文而赤喙或鳥首而龍題或曝頤而木

麥麥閣全集卷三

化或具翼而善飛喜挾濤而出舞每汭流而升

危箸數揚而不定鱗欲安而無時其介族則有

素蛟丹蚪黃倏黑蜺黃倏黃倏魚朱鼈玄鼈赤

螭黃貝朱鼈黃貝蜃蟻蜃蟻無足蟻母禹貢

蚌屬蚌屬蛤也浮蛇浮蛇貴龜潛者逗泥而汎沫

足之蛭三足之能蛭蟹也潛者逗泥而汎沫

出者緣崖而曝暉故隨地而孳育亦隨波以遷

移其羽族也鷺鷥鷺鷥鷺鷥屬一名鷺鷥澤虞

也鷓鴣鷓鴣鷓鴣似鷓鴣鷓鴣水王睢白鷺王睢水鳥



則河精巨靈禹治水覆于河見白面長人魚身出曰我河精也授禹圖而還于

互分單國之世卦弱分商都五圯而淪入盤

庚子河上遼隣國上灌而為壑孟子曰三隣皆圯于河國以為壑人民

下恨而波赤京房易妖占曰河水赤下民恨至于帝王聿興聖

人將出則榮光以之錯起休氣以之四塞尚書中候

曰舜沈璧于河榮光休至又曰堯修壇河洛潤

仲月星日昧明禮備榮光出河休氣四塞潤

至于九里清變而五色莊子曰河潤九里乾鑿

清三日清變為白白變川后為之貢珍水祇為

之效職有若包犧之卦畫軒后之綠圖伏義受

圖而作記重華剖檢而得符命歷序曰堯壇干

琴琴閣全集卷三

記河圖曰黃龍五采負圖出置舜前以黃玉為

負之以神馬挺之以龍魚禮記曰河折溜而至

釐水而去河圖曰大盧魚折溜而至春秋運斗

金繩者泥紫蘭采者文朱舜受河圖金繩紫芝

寧斬乎靈府之閔貺孰不及期而來輪又若

周有白魚之入舟赤鳥之流火史記曰武王渡

入舟中尚書中候曰周子發渡孟玉龜之呈識

晉年黃龍之見于光武瑞應圖曰玉龜者純曠

告世運之將興著祥瑞之

美應而臚列典章者亦不勝侈其休應蓋藏往

以察來亦知微而知彰通神明之懿美目德水

其克當獨昉稱乎嬴氏雖允臧而弗揚易曰以

之德史記曰秦滅六國自以漢高祖誓諸侯

咎人之遺跡誓功者表其如帶漢高祖誓諸侯

階圖者載其分域命歷序曰河圖之階圖載

君赴哭而遂流穀梁傳梁山崩壅河三日不流

武帝興歌而遂室史記元光中河決瓠子帝悼

弘農化而猛虎渡劉桓公為弘農漢宣濟而神

琴琴閣全集卷三

鱗出漢書曰章帝幸汾陰尚父之號倉兕論衡

為司馬伐紂到孟津號其眾倉兕水尚父

青牛漢宣帝出遊河上一青牛從河中出

也葛玄使魚而吐書葛玄使大魚于泰伯濟師

而焚舟左傳秦伯伐趙決之為却魏之策羸引

之為滅魏之謀漢書秦攻魏申徒負石以自沈

韓詩外傳申徒狄非其方叔抱樂而赴溺論語

古冶救驂而斃龍齊景公渡河龍從左

羽斬蛟而棄璧子羽負千金之璧渡河兩蛟金

拊劍于水心秦昭王置酒河曲有金人捧六水心劍曰令君制有西夏

娟揚聲于河激趙簡子擊楚吏醉不能渡簡子將殺之女娟代父作河激之

歌濟嘉君子之名經見水渡賜寶門之鬻漢武帝

宋中詠一葦之杭毛詩誰謂河一葦杭之孟津嗟捧土

之塞朱浮與彭寵書此猶河伯鯨堙之而竊息

壤水經注鯨鯨帝之女媧止之而畫蘆灰淮南

往古之時女媧積延世使隄東郡而豐賚漢書

郡河决使按尉王延世隄防三延平奏决胡中

句立塞陽關內侯黃金百斤延平奏决胡中

而太奇北漢書曰齊人延平言河上嶺因出胡中

琴瑟閣全集卷三

壯之王尊劾水神而患息漢書王尊遷東郡

壯水神使坐策祝請以身填金隄水盛江使選

防壞吏民皆奔祝立不動水波稍却江使選

余且而禍懼莊子宋元君夜夢有人曰子為清

此神龜也緯蕭子探珠于驪領緯蕭而食者其

乃殺以下緯蕭子探珠于驪領緯蕭而食者其

日必在九淵之淵龍領下商丘開得珠于淫

隈彼中有黃珠商丘開得珠于淫

狄之所沈金狄即翁仲沈在南木罌之所渡

宣尼臨之而不濟國故先殺鳴犢

西河而下歎曰亡人投偃壁而結誓晉文公

美哉山河之固亡人投偃壁而結誓

孤偃壁請辭篡夫沈周寶而邀祐子朝篡位

乃取周之寶玉諸雖美刺之有間咸傳牒牘而

昭著其垣有甌脫之地斥鹵之墟分以萬洫激

以千渠溉糞兼資黍稷載敷變境堉之瘠壤為

晦鍾之上腴雲雨以之蕩出垢濁藉之滌除苑

垢濁焉能蕩出雲雨焉汎千艦以遠達通萬

國之貢輸限戎翟於荒外若夷夏之分區與眾

利而不置設重險而有孚易曰習坎有孚象

琴瑟閣全集卷三

先王之典禮復比秩於諸侯於是集周穆之征

紀夏后之荒經山海經漢儒之載乘地理河渠

氏之所稱鄴道元法顯之所歷域有法顯傳

壽英之所尋張騫甘英奉使且攷濫觴之所在

咸云自崑崙之靈墟本神泉之顥質發東北之

一隅爾雅河出下夫中極之淵逮于河北之都

中極淵在崑崙山頂河劃凌門穿陽紆山海經

伯之所都俱見水經注劃凌門穿陽紆山海經

山凌門之山絕罽賓之國略皮山之居西域傳

河出其中絕罽賓之國略皮山之居西域傳

域傳云其河有兩源一出包且末牢蘭之

所聚西域傳云且末國在樓蘭喻龜茲疏勒之

所儲西域傳云龜茲國東南與且末接又云疏勒國東至都護治以上河水所經俱詳水

經盤廻于荒服者三十由旬乃會三源而來渚

三源見至于泐澤海曰蒲昌又潛行千有餘里

始及乎中國之西疆山海經注云河合東流注泐澤一名蒲昌

行地其水停居冬夏不增減潛行地下南出積水為中國河後使者薛氏之所

訪云得之悶磨之岡唐使薛元鼎使吐蕃而勝訪河源得之悶磨山

國之佩金虎符者復云自星宿之中央元命都實為招

麥麥閣全集卷三 十一

討使佩金虎符往來謂越遐而遺邇譏前記之

荒唐元使謂張騫所訪乃在其西域萬里外為吐蕃遮隔舍近求遠竊意夫河

源之遙集二重源以伏流悉前哲之所諦出崑崙

其孰是狃于積石之受誣彼觀夫顯行者之即

而于伏者之為虛若然者其經見萬里而匯

于眇焉之泐澤者豈自有沃焦而為歸墟沃焦一作

惡玄中記曰惡焦者山名也在東南方三

萬里海水灌之即消列子曰海有東海大壑

名曰歸墟莊子曰水之積曰淵水之涸曰澤水

輪迴電轉茲非冒出之驗歟夫天一之潤下惟

四瀆之為經歷桐柏而准出及王屋而濟興禹貢曰

蜀岷禹貢曰岷探茲源以及委貫方輿之兩端

首西極而尾乎東極上應雲漢之竟天援神契

之伯上周祭雖並列乎瀆秦郡亦參稱乎川

王制曰天子祭天下名山大川四瀆視諸侯四

瀆者江淮河濟也漢書曰河南故秦三川郡韋

馬歷觀往昔利害之所由深慨夫今時之所治

麥麥閣全集卷三 十二

不察夫常變之宜以極會通之致夫彼一石之

濁流兼六斗之泥滓漢書大司馬張戎曰河水重濁號為一石水而六斗

緩行則為之分滯急疾乃為之並駛放乎海

滋而成壤又梗夫尾閭之所委其控清以引濁

口與黃河並行亦非曩者之失謀獨兼三瀆干

枝淮今黃河與淮濟曾弗災異之為憂豈容使

一衣帶之廣克任夫七州之淦流不經本而障

本難乎圖遠之鴻猷獨不見夫乘四載者之疏

導鑿上流而行乎高地度迅悍之怒湍非弱土

之能載恐一川之不勝濬九道以分殺禹貢曰播為九

河虞暴溢之為苗委曠土以儲侍漢書曰平原東郡克右禹

治河時本空地以隈水隈盛則放東郡克右禹自玄圭之告

成閱千春而閼害後乃淤故道而不修并屯氏

而偕廢漢書曰禹穿九河今既滅難明又曰自

遂曰東郡所以無大害者即炎祚置重使而隄

防捐億萬之歲費漢書曰宣帝地節中光祿大

令河十郡治竭薪石而徒勞亦屢塞而屢敗

漢書曰孝文時河決酸棗大興卒塞之元光此

中河決瓠子通于淮泗興人徒塞之輒復壞

麥麥閣全集卷三 三

已然之效曷不續神聖之上計併賈讓之首策

猶可備采于近世漢書曰待詔賈讓言顧泥古

者拘拘舊迹守經者安于小利司農惜少府之

藏司土重膏沃之棄其孰肯建非常之弘業而

以天下為吾事遂終無不拔之訐謨是豈河焉

之為祟耶亂曰出自夷服利中邦兮任坎之勞

易曰勞澤無方兮與能苗祥易曰鬼德神明兮

神曰以通祭先江海王禮臧兮禮記曰王者之

人謀允穀世罔殃兮君德之修慶無央兮

### 俞羨長河賦序

羨長三吳偉人也於書無所不讀其為詩超

中晚而上嘗取唐率更等編著書類為函海

內修辭之士靡不願識羨長既識羨長自潛

使人化如入芝蘭之室顧厄於數奇不及為

世庸而稍稍露其才於詞鋒以付為世庸者

采則不庸之庸也生平好遊五嶽幾徧一日

囊圖書西出關渡盟津遵砥柱以及金城積

石忽陸忽河尋八年之偉烈考宣防之故蹟

麥麥閣全集卷三 十四

察趨海之廢派慨委流之汎潰著為賦誦河

之德陰以佐河之議纚纚三千餘言其錯繡

結綺爛焉奪目如河之濤其鑄古鎔今雕瓊

屑玉如河之生殖無物不有其奔騰澎湃一

瀉千里之勢如河之流沫下龍門其委宛漫

減轉換轉工如河之九曲其意態橫生變幻

莫可捉摸如河之決其洸洋浩渺雄渾博大

如河之放海富矣麗矣窮河之變矣至於咎

泥古者拘舊跡鄙守經者安小利鮮不拔之

卷四

東吳俞安期羨長著

婁江吳偉業駿公校

樂府一

代漢鼓吹饒歌二十二首

并序論

秦燔樂經漢興繼絕武帝始立樂府後凡爲樂府者必祖焉茲其源也而鼓吹饒歌之曲列奏殿廷吳魏因之其改製十二曲名亦更之矣晉宋之間業咸改製僅因二十二章之

東家閣全集

卷四

一

數何承天私製倣漢舊名自運新意齊梁而下間有追擬若詠其舊題之名是皆非用本旨而有所謂擬也逮自我朝作者奮起思復古昔欲登炎漢之堂競相擬倣慮其降格命意指事聯字調辭亦步亦趨必稟其舊甚者韻取不協字用難訓是猶嬰兒之塵飯塗羹可戲而不可食也何關於性靈合于風雅以備太師之采耶又以當世采詩之典廢謂是爲虛器而姑備其體以見其兼長其如無

情之顰笑何弇州歷下一時卓識猶所不免  
歷下之自序曰擬議以成其變化英雄欺人  
哉擬議以成其變化擬議非變化也以筌求  
魚以蹄求兔筌蹄卽魚兔乎又云胡寬之營  
新豐至雞犬亦識其家以爲善擬余讀其辭  
又謂不然胡寬之擬一其形製非徙其舊材  
而成之徙其舊材而成之善故不足侈也斯  
二言也歷下其未也弇州則矣弇州之擬  
本旨與已懷間出師其意不泥其迹矣獨樂

麥麥閣全集

卷四

二

府變諸作敘事噉辭並得樂府之旨而變又  
何以稱耶必待優孟之抵掌爲非變耶優孟  
之言貌衣冠皆叔敖矣不可謂卽叔敖也彼  
負薪于道鰲皙不同肥瘠亦異而言辭被服  
不盡叔敖者乃叔敖之源流也是故文辭之  
士不傍經史直舉胸臆務創造而可經者爲  
上邇其源暢其流化腐爲神奇者次之法其  
源而拘拘得其聲調者下也或曰擬何所昉  
乎昉于陸氏江氏之擬古也謝氏之鄴中也

曰擬者非乎夫擬者學也人鮮通材甘辛異  
嗜學之使通其材而窺其衆變以俟其化也  
擬求其至也擬非至其至也余遊南都廼  
高皇帝創基之地攷之傳誦有可紀述而關  
于建威揚德風敵勸士者稍敷布其辭得二  
十二章以代漢鼓吹饒歌諸篇務成以下四  
章其辭已亡按建初伎錄以爲騎吹之曲併  
補而足之旨則取乎今調則法乎古曰擬議  
曰變化余弗能知也其諸相和五調舞曲雜

麥麥閣全集

卷四

三

曲之類因其觸事興懷或借舊題或創新名  
隨所感而成之余何敢希被于音聲第不欲  
妄爲無情顰笑以從一時結習觀者倘不謂  
是爲優孟也其抑謂是爲叔敖之聞孫也余  
亦弗能知也

赤鳥飛

代朱

赤鳥飛自朱方何以止之濠之陽栖栖南北下  
覽而迴翔羽毛五色生子名鳳凰橫絕九域飛  
于天閭鳳母揖揖鳳子猗猗分以丹穴各飛



萬生百千萬億

黃河來代聖人出

六河來合清淮 聖人出淮甸開輪囷弗鬱雲  
來從龍飛飛渡江南龍蟠虎踞衆庶歸揚靈  
威通四極南至南極西至昧谷東至日窟驅腥  
膻馳以北

收江南代戰城南

收江南發江北旗幢旆旆雄駿虎而力王旅所  
經罔不臣僕老成來謁群策紛以集西射彭蠡

寥寥閣全集卷四

四

波東底定震澤晨朝出師暮凱歌入

車而流代艾如張

車而流馬而翼張彌天之網以蒐山與澤上有  
白鵠黑鵬飛不得度下有兕虎兔狐安所復止  
息簡爾卒徒旅爾庭實建武威揚四國趨而來  
者耻後服

蜀山危代巫山高

蜀山危德以夷瞿塘險忠以開分飛不留行以  
西錦宮爲我宮錦水爲我池皆我美人之子安

仁爲他人而忘歸俘壽入降昇來

帝司契代遠如期

帝司契天中央德意下震八方君爲袍兮臣爲  
鼓孰不聲應而來王閩粵田秦滇池夜郎朝鮮  
氏羌胡翟蠶叢越裳若赴期會而梯而航赤雀  
黃鵠白雉鸞鳥鳳凰獸辟邪馬乘黃謁者引獻  
陳明堂咸願陛下膺瑞符永吉昌

上巡幸代上之回

上巡幸中立都載象輿服六駟駟侍者珥貂羆

寥寥閣全集卷四

五

咸問其故閭導以羽林從金吾旌旗翻翻被路  
隅里之翁媼驚且吁昔徒行出歸何得以乘此  
車生男何負矢與弧

鵠雛來代雛子班

鵠雛來紛以蜚其翰五色編璘而斐哉是時文  
明垂象日出當離經且緯之天地開爾復胡以  
華予之國千秋萬歲爲羽儀

上悲思代有所思

上悲思烈與忠負陰抱陽七尺捐棄翼我躬何



以報之巫陽招集靈之宮康郎山高且長紫  
以為壇碧琳以為堂棟以桂樹梁豫章萬礎居  
之靈樂康身則國殤名則無疆

君之門代上邪

君之門縣以鼓上之有邪聲告我左右聞之母  
以怒雷震震問監者民之有隱復在下

行帝漿代將進酒

行帝漿坐高殿考成功列以宴昭詩宣心禮不  
亂君臣胥樂咸獲所願縣有金石樂屢變執籥

麥麥閣全集卷四

六

秉羽伶舞萬自茲偃爾戈戢爾干九有雍和主  
壽億斯年

龍馬來代君馬黃

龍馬來羅鬼國雪之精汗赭血肉隆隆起貫膺  
及腹被以韉人而立帝始乘之受羈勒帝  
乘之何以出上清涼山西夕月雲為道風為翼  
四足不下塵之陌帝愉哉名飛越嗟爾異類  
服聖德

膏露下代石流

下鍾山乃在皇帝反正之五年林  
嶺嶺淠淠溥溥草木光華石流結其英日赫其  
再中珠離離高以縣咸稱聖人之德上及天但  
願采而食之壽永延

天關高代臨高臺

天關高以崔嵬帝遊遨望九圍江之有水朝  
宗東來喈爾之山西走勢而不迴爾何以不嚮  
我闕廷拱我王國帝鞭之神夜哭乃知主  
德百靈所伏

麥麥閣全集卷四

七

地效靈代芳樹

地效靈木連理金為枝柯玉為葉鳳凰雙飛喈  
喈下來棲止一鳳備衆德振振乳四子至哉聖  
善膺百祉

鍾山代上

鍾山回淮水清且滌泗中有壽宮以藏之龍來  
蟠其東白獸蹲其西玉龜出其裏十留而一飛  
王氣鬱勃日三變以紛哉颺颺靈之駕躡雲霓  
以上馳導三青鳥服六螭與仙人今同遊嬉

真人來代翁離

真人來來雲中異人離離深宮膺背生自一身  
前後相判不得同不得同乃去神遊七寶之池  
金銀琉璃樓閣中黃金爲君地白玉爲君房惜  
惜居其間逍遙以樂終樂哉大千萬歲樂無窮

悲哉翁代思悲翁

悲哉翁願爲良臣勢不得容北之來者急我美  
人美人遜我宮令我美人馳以西馳以東爲臣  
至此胡以不地下相從日瞳矐天威已猶以念  
寥寥閣全集卷四 八

帝業成代務成

帝業成綏要服不征而庭乃西域雪山蔥嶺崑  
崙之麓車師屬賓龜茲伊吾咸內屬將之獻者  
駝名獨峰馬字駁雞舌之香于闐玉

島之夷代黃雀

島之夷服卉服以猖披突我東徼如鳥群飛來  
食我之粟傷我禾張羅捕之安得盡入我羅驅  
以縱之入大海化爲異物填海波祭告海水萬

勿復揚波

日南端代鈞竿

日南端海之外鯨波如山舟不可濟忠以餌之  
歛而至小魚隨大魚大魚隨餌趨願逐飛龍尾  
天衢

玄溟波代玄雲

玄溟波乃在陰山後飲我之馬逐羣醜王師赫  
赫決玄雲以北走天壁立始還首廻望南天見  
北斗

寥寥閣全集卷四 九

何无咎云勝魏晉樂府多矣蓋所舉采皆實  
事而辭復古雅此其所以爲難

擬鴻武舞歌詩

天監彼驕黷我區宇芒芒九圍匪類奚主奮靖  
故疆致命 烈祖有怒斯先有集如雨薄伐腥  
膾勤我貔虎而華而夷咸復厥所四荒允截孰  
悅不奮舞衆音既翕翮籥既執干戚揚揚朱襹  
介憤聿昭美容式宣乃德奚昔有茲爰茲光昔  
校殷比周我罔慙色

擬

高皇后房中樂歌 并序

按周有房中之樂歌后妃之德其大雅思齊之類乎後稱婦人禱祠于房中似非歌后妃之德矣漢唐山夫人所作亦多禱祠之辭而後人又少其無有二南風化之言豈禱祠之辭而繫風化者爲合作邪我

高皇后生有聖智以母天地其懿善鴻德咸已登歌宗廟載在典樂至其道合關雎仁同穆

麥麥閣全集

卷四

十

木卒有螽斯麟趾之應恐亦未備乃擬爲房

中樂以明萬一云

夜璇宮滌金祀莊服褱衣珮玉縈盛精醑酌芳醴文筵雕案陳百禮鼓四縣樹七綵紛紛樂會靈有喜意洋洋靈安止饗我精禋錫鴻祉降嬪媛命貞淑維 帝御之蕃所育建萬邦屏 皇國振振豈必離予腹嗣內位履懿常悃悃之耀承日光鑒前躅保後慶四海則之續無疆

日重光行 紀復辟也

上狩度金微穹廬之居安可久羈上還南內南內誅蕩蕩而爭開日重光以揚輝從者之臣皆公侯分執白璧與圭綬若若盟誓一何縈纍

駕六龍行 紀南巡也

駕六龍巡南中開舊內爲離宮鯨魚遊鼎鳥墮良弓上心樂樂無窮朝弦吹暮笙鏞冠裳濟濟壽樂工呼爲神仙天上翕天上翕口稱陛下萬有千歲同上鼎湖之髯龍

折楊柳行 紀近事也

麥麥閣全集

卷四

十一

維楊及柳苑其道傍相逢少年徘徊徬徨哀斯流離不言當知履霜亡辟蔽肘亡衣二教爾升木用息而躬桃爰不戒卒以貨終三得衣之短身可曲行得袖之長臂可續成四爾食既獲營營不息飽食而嘔于腹何益五爰舍爾室而毀我楣爰蔭爾樹而折我枝六

善哉行 紀賤夫也

有莘之僮負鼎操俎彊力忍詢開殷土宇二棘津橐杵聲版築之夫湯孫續緒寔煩遠圖二棘津

逐媚谿釣市屠鷹揚牧野作新周家

解齊之乞

人自鬻則窮用其所挾國大西戎

解四東門商旅

疾歌牛口舉以治國君爲霸首

解五麥丘鄙叟三

言善祝藉以斷政佐興齊國

解六絳邑輦者廼知

天人梁山之爰以啓晉君

解七踰垣僇士礧礧其

仁魏侯禮之秦兵不侵

解八東海節俠韋布其身

射書降將功稱至今

解九

獨漉篇

紀酹吏也

獨漉獨漉魚喁水濁匪以君故鱗族

一陸解一徘徊

麥麥閣全集

卷四

主

徊徬徨莫知所臧豺虎在牢欲蕃其羊

解二胎必

爲駒卵必爲雛產鳳匪梟乳馬匪狐

解三山以峭

崩茲以急折理有固然君胡自伐

解四鳥窮則啄

獸窮則嚙當其駭時貴賤奚擇

解五癰疽之治砭

石彈之民之所謠亦可以思

解六

撫劍歌

紀隱憂也

我箭有劍撫汝匪他我憂汝悲汝嘯我歌

解昨

口何生今日何成卵毛馬角奚益空名

解二水中

有石湍則激焉胸則有心誰察我顏

解三我欲登

高誰爲守梯慮爲他人持而去之

解四我欲望遠

高山蔽前媿非巨靈擘之以遷

解五喪已得志智

士所悲斷手續玉貪夫不爲

解六操綱引緒我思

纍纍煩言可綴貽當與誰

解七

叫嗟篇

紀附麗也

吁嗟河邊樹幹小枝葉多植根既非所日復齧

驚波中街蠹與螳外附藤與蘿女蘿敷芳蔓垂

藤發朱華棲鳥鳴啗啗遊人競來過因依各自

好疾風其奈何

麥麥閣全集

卷四

主

悲哉行

紀反識也

悲哉人世人芸芸昧常理誠信結遠交棄彼昆

與弟慊慊戀所生曷如妻與子僥倖獨空名以

身蹈危殆愉快須臾間甘遺千秋毀悲哉復悲

哉歎歎何能已

相逢行

紀讒友也

相逢四方士被服偉冠衣稱詩談意氣要結欣

相持周旋公卿座並席銜華卮展歌互酬酢毋

令不醉歸揚袖起屢舞爲壽多甘辭相對成歡

退言安可知亮非蜂與蠆相伺螫其肌亮非  
含沙蜮人行輒射之豈悟鵠與梟終無好音貽  
遇合各有分伎心終胡爲

後緩聲歌

紀時政也

傳翼之虎必有折翮之禽飛行異勢誰復相論  
人謂之固然累榮積賤安有真復思沈舟鳥羽  
亦有飛空木鷲削輕積重人力反覆居其權我  
心憂矣誰來填今欲東來之日離中天

秋胡行七首

紀雜遇也

麥麥閣全集

卷四

酉

天地弗全好盈者太愚天地弗全好盈者太愚  
聖智所觀履盛則虞衣必缺衽室必缺隅自毀  
其成苗可被除歌以言之好盈者太愚

其二

智飾相愚機巧易爲竭智飾相愚機巧易爲竭  
涓涓之詐妄爲明察周主亡簪西門亡轄民愚  
而神不可以復歌以言之機巧以爲竭

其三

怒馬固車橫奔者失路怒馬固車橫奔者夫路

莊希邀詭遇蒺藜滿前痛非所據殆而  
可日奄其莫歌以言之橫奔者失路

其四

毀譽靡常是非有偏爽毀譽靡常是非有偏爽  
盜蹠中奇從者謹獎文王聖德見詈紂黨慊慊  
徇名孰爲真賞歌以言之是非有偏爽

其五

附名韋布匪人一何多附名韋布匪人一何多  
匪我氣類兼攻則訛如彼冠裳亦繁有徒求無

麥麥閣全集

卷四

五

愧作屈指幾何歌以言之匪人一何多

其六

勢位榮名恃人者難久勢位榮名恃人者難久  
倏賢忽佞惟其衆口朝驅朱輪暮已解綬葆吾  
道舍庶有常主歌以言之恃人者難久

其七

凝神剗慮思遊象帝先凝神剗慮思遊象帝先  
動息委順有待則煩逍遙無極乘化推遷何戀  
何厭與物俱然歌以言之思遊象帝先

行路難二首

紀燕楚近事也

生君堂飲君酒主人中坐起爲壽壽以蘭酌之  
碧漿盛以茗華之玉斗金華之案璫珥筵竹揚  
石奮興絲弦並歌並舞還並坐一朝一暮成一  
年主言歡好安白頭客謂感恩恩未酬醉後一  
言變荆棘當前兩意成戈矛主令挺客客垂死  
客持陰事主亦囚昨日歡宴今日仇讐

昨聞巴陵之書生飾裝千里周行遊乘以鑿蹄  
蒼鹿馬衣以深毳玄狐裘足下遠遊兩文履節  
寥寥閣全集卷四 七

中哀嘯雙吳鉤道逢賢主人遂作黔陽留主家  
歎縣令高坐令上頭適逢下詔急逋客圖形遍  
索禹九州縣令意懷忿附會起相謀朝爲堂上  
之上客夕論獄中之死囚

白紵辭

席上觀舞作

雕堂朱火銜盤龍吳娃列舞出蘭宮循聲躡節  
宛轉從奔商赴羽妍且工帶翻袖轉生急風欲  
留遽逝抑若通何以衣地氍毹紅何以耀體水  
綃蒙劃若日輪貫素虹颯如霞海驚霜鴻往倏

得散來適逢環姿謫態一不同昭詩宜意明微  
裏邀君豫康盡妙容願君安坐心熙雍歡娛千  
春保令終

望歡曲

砍却烏柏樹倚門望歡歸翹首如眠蠶待吐滿  
腹絲

迎歡曲

門外接玉鞍引手携歡行尋常不浪出識歡馬  
嘶聲

寥寥閣全集卷四

七

留歡曲

留歡歡不留只欲事遊冶安得路傍兒無端殺  
君馬

送歡曲

贈歡香麝蕪能令馬健走去時藏篋中來時縣  
馬首

歡聞變歌

聞歡欲生離儂心苦何限心在儂腹中歡特換  
熊膽

又

信人嬉笑語疑儂有他向燈盡燭尚然無由應見亮

懊儂曲

婦女無意日望夫婿貴望得夫婿貴新人前門至

又

買儂耀首飾費却百萬錢夫婿千餘萬買得頭上冠

麥麥閣全集

卷四

六

自君之出矣

自君之出矣顰眉壓不伸思君如夢蟲日夜只含辛

又

自君之出矣餐飭寧復把思君如吞石胸膈不得下

長樂佳

語郎買蜀去買還長樂華與郎作玩弄白頭不離家

夜夜曲

新婦初入門悅郎好容色那知夜夜鬪嬌嬈貴人側

老童曲

少婦倚柱泣老童並寢息野馬翻任騎兔絲翻任織

東鄰女

唐突東鄰女輕翻引避身藏羞持幔掩留隙更窺人

麥麥閣全集

卷四

九

麥麥集卷四

麥麥集卷五

東吳俞安期羨長著

萊陽姜 垓如須技

樂府二

秦淮曲十首

東起東柵塘西至邀笛步前門青槐陌後戶垂楊路

又

鮮衣文綠波倚舟誰氏女轉櫂青谿灣競賽小

麥麥閣全集卷五

一

姑去

又

水榭渠淮湄渌水三面遶翡翠是家禽鴛鴦非

野鳥

又

阿婦乘車行阿歡馬隨赴下馬立車傍喚舟桃

葉渡

又

塋土築小塘橫出妝樓後不參單棲禽但埋同

心藕

又

淮水昨夜深相期出遊冶蓮邊妾釣魚柳下郎騎馬

又

倡家住南岸花月長暄妍樓下簫鼓舫樓上笙歌筵

又

淮水固自可汎舟好逍遙只少廻旋路通却長

麥麥閣全集卷五

二

板橋

又

頓老舊伶官遺譜傳絃索新聲古豔辭爭唱臨

春樂

又

後從多僕御前引無燈光夜行狹邪路誰家烏

帽郎

鍾藤謠

鍾藤纏樹枝樹枯藤作樹鄰婦媚私郎歲久翻



作松郎婦

相見歌

相見最可憐偏是憔悴容行來宛無力病身歎  
就儂

二

錯信路傍兒疑道儂來久今日到夏門昨日上  
樊口

答歌

幾度傳郎到拋粧遽出迎不知輕薄子來往借

麥麥閣全集

卷五

三

郎名

二

郎到難輕信翻教出太遲藕根埋水底幸有見  
蓮時

懊惱曲六首

寄程康伯

張家兩小姬傳人問儂語那信行路間問儂郎  
是汝

二

我宿東園花汝卧金沙柳咫尺兩同心蹉跎一

三

筵中見汝詩筵尾見汝名躍起問汝處渡頭雙  
槳行

四

今日儂尋汝昨朝汝發舟輕帆勝快馬傳過崢  
嶸洲

五

聞汝遣尋儂黠奴中道轉曷爲蒼頭兒不如黃  
麥麥閣全集

卷五

四

耳犬

六

隔却大別山江漢各自流不隔黃姑渚失結兩  
綢繆

王伯固云恐  
遂當十五城

賽姑曲

郭美命云  
字字齊梁

相期小年十五餘湘江水尾還寄書歲歲望作  
黃姑會今夜雙頭解裙帶

連枝樹下墜露遲垂條四角眉素帷生憎月入  
照清切冰紈薄覆姑山雪

烏驚啼子夜涼移衾卷簾臨曲房髻花輕壓  
珊瑚枕明膏照作飛雲錦

寶窻玲瓏欲生白起尋酒伴城南陌勸言自愛  
且醉眠屠蘇玉枕羅帳前

青青曲爲張能之造

青青者不知產何氏族能之鍾情十年有其  
名而無其人蓋莫已之倘遇傷人之不知亦  
猶漢臯之女巫山之神想像而託言之後五  
百歲世必謂有若人舉與盼盼屬對安知能

麥寥閣全集

卷五

五

之深長之思余爲造此曲

青青復青青爲汝多苦情總入愁夢想儀容未  
分明

二

娟娟葵中蠶纏綿吐不絕抽絲無兩頭那作同  
心結

三

歲歲念青青時時懷婉變雙手撩空花眼中獨  
自見

四

花枝若處生春情信嫋嫋空裏飛遊絲撩著卽  
纏綿

同生曲

纖纖新楊枝華滋宛可愛春芽比鬱金春葉比  
螺黛

二

君子與合歡兩樹蔭交加儂作路傍枝歡豈楊  
白花

麥寥閣全集

卷五

六

三

歡來若耶谿儂住南湖汊芙蓉含綠芳與子今  
蓮裏

四

癡小復驕倨輕不撩人嬉纏綿作兔絲不作枯  
楊稊

孤蓬曲貽仲權

孤蓬夾麻生上尋直如矢草纏黃蘗根耐作苦  
連理

二

遂斷飄江湖迴風吹不定莫思附浮萍終有楊  
花性

瑞瓜引有序

臨川周窾六宰太康歲庚寅訟庭之下有瓜  
蔓不藝自生三結其實邑人士咸瑞之先是  
窾六父艱嗣至辛卯春一月而舉子男二子  
女一始以為瑞瓜之應余為賦瑞瓜引

寶連生閨闔朱草萌堦庭何如青門種來效赤

麥麥閣全集

卷五

七

縣靈解一三實既纍纍眾蔓復翻翻不藝亦不漑

本支一何蕃解二人吏咸聚觀驚詫指其瑞無乃

神君仁表彼物性遂解三詎意瓜瓞祥乃若幽蘭

夢接乳三靈雛一鳳復兩鳳解四瓜雖各支蔓而

乃同根叢子雖各有母而亦同阿翁解五三舉三

得子日維三浹旬誰復俄頃間螽斯遽振振解六

茅烈婦辭七解

烈婦烈婦生茗雪之溪茅氏之女居仲妻解一烈

婦烈婦產兒病不可支居仲死不遺知之仲不

瞑目若待訣別為行知後十日期解二烈婦烈婦

動屢絕屢甦起復繩青絲懷之但求乘間下從

地下同歸解三烈婦烈婦侍女姆氏謹衛之不得

死地三年來孤兒已長乳哺離解四烈婦烈婦稽

首兩兄收孤兒仲將其男季將女孤兒既收感

仲來恍惚與語邀相隨解五烈婦烈婦寒食之日

墓門棘下彷徨徘徊有求不得侍女衛以歸解六

烈婦烈婦歸給侍女闔兩扉自經而瞑始得下

從仲子地下同歸解七

麥麥閣全集

卷五

八

雲間太守行

雲間有太守李字日子行奉母倚為命公忠奉

其君再任天官即直躬忤時倫出遷復罹謫流

落且勿陳萬曆之廿年其歲在壬辰山南司農

至三月居專城遇事得端委剖析至神明纖毫

府中弊胥吏咸震驚搜揚里中士幽顯各厥心

無何留都報主爵伊何人下考司農職府主與

其名眾計我府主候謫將西征諸士急府主得

書曰迸騰田者急府主拋鋤棄其耕冠蓋意自

王維齊東西奔商賈急府主罷市爰縱橫千人  
請雨臺作主留府君萬人擁府君不得棄我行  
行者失道路四城塞其門別駕潛告變使者急  
治兵警衆千犀甲給餉千黃金日夜西南馳戡  
亂不得停懸書麗譙上喻爾陷穿民一朝失怙  
恃豈不伸至情弗思 先帝制兩臺敢妄更還  
我府君去旦夕事就平賢士調渠魁執訊蔡與  
彭太守奉太母輕身始前進海潮不得流羣鶴  
號華亭男女各慟哭聲撼平原村府主棄我去  
麥麥閣全集 卷五 九

我孰願生存願隨彭與蔡九死同一身

昭涼變辭

鄂城南端其下芙蓉池翩翩鴛鴦鳥兩兩來  
遊嬉雄者被五色雌者文綠波綠葉自相覆紫  
莖自相依池上妾妝室垂柳蔭崇臺木蘭爲屋  
往沙棠以爲櫳芳蓀繚爲蓋辛夷斲爲楣朱箔  
縣後戶鋪首列前扉前扉臨大道後戶清漣漪  
庭中芳梅樹長耀冰玉輝路傍相指吟持以方  
鄒姿望妾不易見問着誠易知自名爲昭涼小

字馥馥兒少小誦章句十三習歌詞十四工圖  
畫十五工絃徽十六不得嫁東園忽成蹊自慙  
冉弱質不耐風翻飛自惜嬌薄顏長恐經日輝  
常時不出戶偶戲池水湄不受采蓮子愛照妾  
容儀不羨芙蓉色羨看鴛鴦樓東來遠遊子狹  
路遭見之兔脚兩撲朔兔眼雙迷離人言有文  
章經緯五色絲托以漢臯遇邀妾解佩辭微辭  
漸相逼義色難久持一奉錦紋簾各各諧中私  
歡歌妾起舞歡飲妾奉卮歡娛妾鼓琴歡憂妾  
麥麥閣全集 卷五 十

解頤歡鋪妾作羹歡涼妾作衣歡在妾施枕歡  
出妾空帷歡醉枕妾卧歡用典妾釵自謂此歡  
好百年通一時有何一里正身懷公府牘氣如  
狼與豺催赴縣中鞠吏胥二三人煢煢求所欲  
飲酒如滿卮啖肉填深谷謂汝有侍女年幾十  
五六侍女自有兄女兄自有族此女生無兄此  
女久無族父母各填土女二男無育此女八歲  
來屈指纔五稔便云十五六三句韻彼誠何人斯  
遠往公府賣將女對公庭其獄彼自速縣令聞

此事虛誕誠可嗔僞兄姑薄譴虞彼反側生聲  
氣固有類羽翼還信信作事苟不獲復往臺司  
陳縱汝終求白汝累既已深稽首信若斯明鏡  
無纖塵阿歡守義分肝腸能剖示突有貴人來  
謂歡同里氏汝拾甌中塵汝納瓜中履歡氣鬱  
勃生棄妾翻然駛粲粲芙蓉花涼風一時萎鴛  
鴦西北飛雌者孤自止行行無幾時禍患忽來  
翔歡有同鄉友沾沾潘與黃各媚素所愛造語  
太狹倡潘走語縣令昭涼口無當時時汝唾罵

麥麥閣全集

卷五

士

事歡復不減假是蒼蠅點激彼赤虺腸夫何公  
府牘舊事輒復興侍女自有族侍女自有兄虛  
誕宛在臆愬之寧理論塵從鏡外閨鏡在塵內  
明髯豎環皆決狀貌何猙獰兩徒夾曳前五木  
約以繩手指纖春蔥參差立如笙將男亂其族  
將女歸其兄貴人任所作安事此極刑辭理無  
以屈復怒揚高聲手指纖春蔥參差立如笙兩  
徒重曳前五木約以繩冤極呼蒼天左右皆涕  
零阿歡遙聞之日夜東南奔馬疲車敗輒帶喘

入門入門何所見惟聞哭聲喧阿母常不慈  
號咷椎其膺阿兄每相乖淚落何淫淫東隣有  
阿姊掩袖涕不禁西隣有阿妹粉面縣啼痕阿  
歡泣相持冠髮指蒼旻咄咄仰屋歎氣塞難就  
平出亦如含齋入亦如含齋笑殺李家奴喜殺  
張家婢不念古讒人金石亦銷燬讒人工片言  
爲效與如此一言具兩刑吏道當爾爾 朝廷  
新約法施刑毋任性重不加輕罪三句但快斯  
須心但令傍人喜但令傍人喜不惜珠玉毀射

麥麥閣全集

卷五

士

書與縣令縣令立抵几出書示潘吳淪淪還訛  
訛臬鏡鳴其前妖狐啼其後蝮蛇旅其左含沙  
夾其右旦夕潛相謀于何事不有是時玄鳥歸  
八月將臨九復遣黠隸至舊牘云未成侍女自  
有族侍女自有兄阿歡知苦妾請乞走紛紜努  
力捐羅網四面一不蠲有如水中馬有如陸地  
船但負中意氣不能奮自前黠隸金錯刀索已  
日相促盈盈縣中趨皇皇几上肉昭涼無異辭  
昭涼情易鞠存女領負刀去女骨抽鏃女非漢

珠女非荆山璞女兄作真兄女族隨所復叱  
咤胡多言汝刑且就服寧顧楚宮身寧顧邯鄲  
蹢兩徒擣其肩兩徒曳其足有如蔡拔根有如  
鼎覆餗可憐輕弱軀轉側地中伏可憐柔脆骨  
徹徹貫三木鳳頭五綵履吏卒行相蹴盤龍錦  
蔽膝障泥在污濁無窟地下遊無檻將頭觸號  
呼不擇音受挺垂斃鹿悲風生堂上陰雲生堂  
下頂上蓋陰霾白日忽玄夜堂上立胥吏堂下  
立隸卒東墀萬人擁西墀千人列衆人萬千哀

寥寥閣全集

卷五

三

縣令一人樂謂女旣無族謂兄非女兄汝歡累  
汝苦女復隨汝旋汝復貪汝禍汝歡請後言阿  
兄魄已褫負之不得行曳地出公府誰復不酸  
辛昔爲可憐花今爲濕束薪昔浴五名香今委  
糞土塵天地誠不仁使我罹此辰還家但期死  
豈顧滿堂哭漿水唇不沾淹淹就鬼錄望舒有  
盈缺此恨安可移忍媿寄我顏忍愁置我眉大  
憤不得收安用有生爲妾有篋中物阿歡好分  
遺紫磨金跳脫宛轉蛟龍蟠并獻燭銀盒阿姊

暮年石榴繡袂裙杏子殷紅衫芙蓉紫綃鞋  
恰稱女秀身銜珠金爵釵雙頭鳳鳳簪葡萄蜀  
錦襦女閨得相兼女玉年尚小垂髮未施妝綠  
簪紫結纓鴛鴦細綺裳珠綴金步搖金綴明月  
璫東門有阿姊寶祿玉搔頭西隣有阿妹羽帳  
珊瑚鉤餘以付阿兄纖細隨所收上有雙忍字  
竹節金屈環持來妾約指隨我高里間比目白  
玉魚與歡各半邊半邊妾佩去其半歡莫捐復  
奉連枝帶雙珠佩熒熒翠蝕秦玉鏡玉軫枯桐

寥寥閣全集

卷五

四

琴珠佩昔所解帶以表同心鏡以照中素琴以  
寄哀冤歡謂勿太愚禍至有成數昨乞仙靈言  
今以明其故馬行九折坂滿地金蓮布蠟珠自  
可珍月照梅華樹驗汝有此菑勸汝終愛護太  
謂阿歡斯言非妾謀妾死歡痛惜妾在歡優  
游妾在歡優游何以慰我愁精衛思填海蚊虻  
城山丘拚此鄙陋質庶或銷我讐勿以他人歡  
忘妾九泉恨勿以還鄉樂忘妾千年怨勿以富  
貴來忘妾同貧賤莫忘七七期莫闕臨墳莫語

非氣亦絕雙目半不瞑哭聲震街巷闔室縱復橫神颺西北起喧填動四隣阿兄買棺去急走無遷延新縑及故素女裁斂衾阿姊撫其尸胸臆時時捫四體盡僵冷胸臆中微溫止人勿啼止人勿紛綸終久當來復神歸勿相驚待自昨日午直至今日申淹淹至夜半依微聞呻吟授氣氣相接旋忽返芳魂飲以鬱金湯霍然顏色新徐問兩日來神遊竟何適茫茫天地間陰陽真叵測宛然人世司命生奪魄妾讐今

麥麥閣全集

卷五

五

侍衛皆肅容庭踞一刑徒被項髮髻鬆髭鬚周顒頰環眼圓且紅欬欬復連連形如病弱翁云在酷吏籍臯惡茲當窮貴人坐高殿一一數罪端五五逮十十屈指不可殫汝寄命百里腰綬頭戴冠置此刑具朝廷豈得已付汝行僻邪三句苟非盜若寇安得妄相加且如往某事其事靡有他牘成僅若爾極刑欲如何一之復再三恐不竭其苛刈其偏聽耳臃其怒視目拉颯燒其鬚揚灰襍污黷衆刑試畢嘗考訊備慘毒作示與後來爲吏毋此酷青童招妾出指路命歸轅妾心自計念往者我被刑苦楚不至此猶然不能勝即彼負大慙哀痛真可矜青童謂勿矜是卽刑汝人

麥麥閣全集

卷五

六

步出夏門行

紀遇也

步出夏門俛仰一何廓寥鷄雛奮羽安往不容遊消搖向非媒羈雌久赴虞庭韶有何一雄鳩後飛而來輕且佻口銜腐鼠嚇我曹非我族類誰云同汝居偕汝枋榆巢噉目不見泰山乃聽



泉鳩之詠謹我是五色之鳥反謂鴟與鴞上有  
倉浪天下必有玄冥之府楊林鬼大于若敖守  
汝江漢將焉處汝亦抽故綱之紙加以糜隃丹  
汁縣之夏門令彼不得休息

武陵伎

城東長春院戶戶朱簾垂爭鋪合歡被蠻錦五  
色絲

又

歡到赤山湖北風阻大舸六槳飛江船何不遣

麥麥閣全集

卷五

七

迎我

又

辰州濶頭扁遙看渡湖水長帆落門前爭認舊

歡子

雙成曲爲康生催妝賦

阿母有雙成云配方諸童望著不得下綵雲懸

天中

其二

相望兩不見相偎那得地惟有兩片心長作一

纓意

其三

蓮子同綠房分房各獨自早得劈蓮人的的兩  
相比

其四

絳燭照新妝羅幃合歡室眼眼撩空花並蒂終  
結實

三祝辭

有序

常伯讀父書一經不售中歲工篇詩習繪事

麥麥閣全集

卷五

六

彈琴自娛爲種種引年樂事歲癸丑初周甲  
子而髭髮未蒼神明益王八月下旬之七日  
其誕辰也孩如沈君誼切舅甥恩同離裏顧  
復勤斯感銜何已乞余韻語爲侑觴之辭余  
遂按節而爲之歌以貽孩如先之以將進酒  
爲庭下之奏筍簾振響宮角相宣爲此春酤  
以祈萬年旣之以白紵曲爲堂上之舞聲容  
盡美赴羽奔商昭詩宣意以邀豫康未舉鳳  
將雛爲房中之樂琴瑟清越羽轉宮移鵲雛

是應五色來儀孩如再拜受之以代渭陽之詩

金石列陳庭之下旅以周簋進商斚先之需雅縱介雅恩勤奚報報純嘏

右將進酒

翻籥既執衆音翕被以朱繡冠介憤醇漿進節未畢萬千春樂無極

右白紵曲

蘭閨薰葯房鳳凰九子將翱翔然鬱金焚都

麥麥閣全集卷五

九

梁美人挾瑟升高堂文燦燦聲鏘鏘將雛進酒樂且康踵前武開後慶鴻祉膺之續無疆

右鳳將雛

四憶詩爲金陵張姬題像寄姚百雉

舞殘白紵辭歌罷歡聞變憶歡膝上嬉含情坐

錦薦

其二

鬢髮厭金鈿皓腕寬金釧憶歡掌上持無言握

團扇

其三

每倦不還眠欲行不還起憶歡肩畔偎傾身就曲几

其四

朱絲久不御寶徽旋已失憶歡臂上眠展袖抱瑤瑟

麥麥集卷五

麥麥閣全集卷五

十



蓼蓼集卷六

東吳俞安期  
荆谿史夏隆趾祥校

三言古詩

題李本石纂纂亭

纂纂花玉門樹臨瑤津  
夏寶露大如瓠結實  
食之者安期生

憲使劉公修爵辭四章

并序

安邑劉公奉 詔治兵隍中會東虜移牧青

蓼蓼閣全集

卷六

一

海荐食屬羌軼我疆圉乙未季秋瓦酋悉衆  
內向公指麾將士陳者前迎伏者邀擊後先  
夾攻獲首虜六百四十有奇殘虜乘虛困獸  
猶鋌走薄西陲公豫調將領當之適中我伏  
獲首虜三十有奇再月而瓦酋復合永滿諸  
衆圍降羌族直窺我郊大舉長驅巨憤是逞  
公命火攻繼以弓弩自已至申相向奮擊釜  
魚焦糜藉草無筭羌族乘之中潰應我合刃  
遺孽復八百有奇夫三旬之間三殲狂寇巍

然京觀祈連益崇此二百年希觀之烈也又  
明年六月東吳舊部民俞安期周諮塞事冀  
纂成書伏詣臺門之下屬公初度之期廻輯  
諸部曲之謠撰鏡歌以先酌者俾奏之軍中  
且以風敵勸士云

戰城南奮熊虎拒者前伏中舉瓦之酋脫爪距  
魚在留獸罹罟迎予刃若齒腐首纍纍庭實旅  
六垂七百其數歲戊子月無射彼給我以輕出  
蹶李帥覆其卒辱 王師士憤激適季秋卽其

蓼蓼閣全集

卷六

二

域行 天威蕩兇逆 國之恥展也滌倚歟誰  
定石畫劉憲公謀則獲

戰城西虎罷奮賈我勇禦我忿魚麗陳鼓行進  
裂火馳飛礮震雷與雷賊以迅膺與腥燔爲燼  
野之膏流若瀼羌僞從得虜釁潰彼腹乘予勝  
夾而擊制其命殲子遺斲胡運飲我馬浴我刃  
青海壩凱聲競倚歟誰指麾定劉憲公司  
於捷書震 帝庭釋西憾 皇心寧 廟獻猷  
告厥靈載盟府鑠殊勲章嘉爵崇令名仗節鉞

需後命錯者幣純者金蕃錫予禮典殷諸部曲  
賚並臻暨羌屬亦普承軍中樂氣亦振羌人歡  
附益親遐邇協誦鴻仁 帝之澤公之恩浹四  
裔垂千齡

昔在遑虜藏府茲虜庭我外圃遊且獵西海許  
遑之卒樂超距遑之民樂生聚遑之士樂寧處  
嗶嗶笙坎坎鼓鏘衆音秉翮羽賡再歌繼之舞  
實圓方進以酒申祝辭拜稽首曰我公祐我厚  
天曷疇公之壽千斯年錫黃耇萬斯年輔我

琴瑟閣全集

卷六

三

四言古詩

上巳莫愁湖集詩 並序

維季之春紀燕也周國雍集張伯大龔子勤  
顧道行方子及方思善諸大夫于莫愁湖之  
徐園余與在末坐而賦是詩也

維季之春日載三兮維湖之涘流載潭兮維祲  
是被福履覃兮

儼其招兮俾逍遙兮庶乘儻兮我馬休兮燕樂  
孔偕僉不憊兮

琴瑟閣全集

卷六

四

園有臺籩豆設兮湖有泚壘竿潔兮再疇再奠  
舉罔闕兮

酒在儷百禮將兮樂在縣衆音鏘兮旣醉且臧  
樂無方兮

維季之春四章章六句

題李本石文杏齋

粲粲朱萼在彼泮林室之遷止言戾其陰于焉  
操牘于焉鼓琴匪曰游藝廣茲德心斯文攸寄  
前修所欽

贈宗良

皇矣有明膺符自天罄地作新攘彼腥膻日正其景星反其躔萬方爲極奄宅于燕其一載封

載建畫野分疆燁燁金璽赫赫諸王振振公姓

綿綿其昌爰篤厥類庶祿其將其二顯允宗良

帝室胄孫漢秩中壘周稱懿親明禮備行立言

藻身析彼道秘厥緒伊綸其三我行自東聿止

江潯干求友生曰爾是主損爾饗飧食我四簋

柔嘉匪甘惟德是輔其四或啓或處以遨以遊

麥麥閣全集 卷六 五

載陪後乘載汎輕舟啓窮二曜心邁六幽陳詩

作紀興文互酬其五星鳥方中自我來斯鴉火旣

西逮此棲遲比之旣永睽之易悲曷以抒思迺

贈我私其六西有崇山雲雨是興北有大澤蛟

龍是憑允矣君子所貴含弘民之歸仁矧也無

朋其七其赤也狐其黑也烏孰不察識辨之哉

愚旣超物化胡競物趨悠悠委順聖智同途八

白華堂詩爲許太初作

綦彼白華靈雨沛兮孝矣君子維其潔兮

綦彼白華靈雨沐兮孝矣君子允不黷兮

維山有林亦旣有堂瞻彼白華父也不忘

維山有堂亦旣有室瞻彼白華母也是怵

白華四章章四句

茂荆爲陸氏無需兄弟作

燁燁茂荆楚楚叢生相彼兄弟濟濟以興

燁燁茂荆叢生楚楚相彼兄弟同庭共處

兄弟異矣彼荆悴矣兄弟合矣荆曩曩矣

相彼微物感此懿親兄弟旣翕百祉來臻

麥麥閣全集 卷六 六

贈別陳玉甫 并序

予遷居陽羨絕志四方園灌隴耘永期食力

屬罹艱運洊至異菑甘口倉黃一身委頓會

玉父陳公令我寓邑省荒田野憐我餓夫飾

以草衣挈之賓列四時賑恤盡室生全且蒙

過廬必式之容兼有買田永贍之舉誤頒盛

典橫集鄙人方之千古卽宣孟之飼翳桑齊

相之遇越石眇不足齒矣茲者玉父晉佐冢

司言邁 帝闕高穹移覆賤褐何依莫喻長

懷聊呈短句竊取古人贈言之義猥申小子  
感泣之辭云

昊穹澄肅虛躔夜中哲人夙駕乘馬馮馮首遵  
荆渚回遡朔風周道有蕩遙于帝邦

顯受帝命曷敢怠息入佐天官皇皇就列曰  
酬爾功清途華轍曰庸爾才允明允哲

明明國制九秩以縣低昂庶衆知人寔難遠  
爾聰目審爾衡銓辨玄察素時惟不訐

爾之行矣徒御色喜我之止矣憂心如燬顧瞻  
麥麥閣全集卷六

都邑冠裳接軌豈無他人匪我怙恃  
背爾之來長此巖邑邁天煽禍凶苗薦及原野

卒荒蔑有遺粒憂患之寧靡月靡日  
寧不憔悴爾驅爾馳寧無子遺爾拊爾綏行道

有豁尚爲瑾之矧余媚子奚而弗慈  
我有瓶罍維爾是實我有死喪維爾是恤不離

爾裏孰是爾育借曰未久歲云四革  
嗟爾之德如何勿思嗟爾之往孰調我飢長懷

遠望眇焉莫追疇曰壯夫曾無涕而

漳水唁李玄白也庚子之試始收之而輒  
棄之棄以疑也匪以文也予寬而賦焉

汧汧漳水日流于衛淪矣君子自  
汧汧漳水亦流于冀淪矣君子有濶其麗

有湛者水其文漣漪亦旣導之胡天闕之  
有湛者水漣漪其文于彼疑人曷云弗思

漳水四章章四句  
南山有鳳爲丁孝子玄敬賦二母也孝子

生于胡恭人而育于丁碩人恩義咸篤  
麥麥閣全集卷六

旣而恭人棄孝子養孝子哀之而恐傷  
碩人也廼肖二母像左右事之以曲盡

其意焉  
南山有鳳庶雛是將彼恭也人有子且臧

北山有烏爰求其雛彼碩也人企有呱呱  
維鳳有雛鳥翼覆之碩人腹之則亦顧復之

爰教也成廼有令名碩人之子恭人之生  
哀哀坼副廼有令淑恭人之子碩人之育

展如二母恩也不渝孝矣君子咸令後圖

玄宮母形永瞻德容孝矣君子令聞曷窮

南山有凰七章章四句

北山有凰頌徐母節孝

并美其子惟德孫大章含章也

北山有凰爰失其侶偶影以居爰戢其羽

北山有凰爰將其雛翼撫爾啾啾偶影以居

一雛羽成復產二雛文采具都以慰其姑

有煥諸雛止于高岡企彼雲漢將翔將翔

北山有凰四章章四句

觀公募建遠公堂信筆數語不覺成韻

琴琴閣全集

卷六

九

宗教盛後既丁厥衰圓融南北語復支離淨土  
一門恰興是時緣非偶集事貴當機在昔遠公  
蓮社法遺宰官居士道俗相追一時勝建千禪  
令儀今者觀公效彼前規築室立社遠公是師  
招邀淨侶爰素及緇樂邦成想彼岸可期慧日  
東偏騰有靈基綠雲蒙密寶樹陰垂堂既可構  
社亦宜之種蓮何所北有清池最勝者境所置  
者貴木石之殖尚冀檀施凡我同志發願在茲  
爲者勿弛施者忘疲慎毋執吝爲達者嗤

送史靈長

泛泛者鳬言依于沼胡恐胡懼樂在在藻  
瞻彼長離爰舉其林翰循于天載都其音  
嗟嗟衆羽維德是長德焉無爽而胡有攸往  
有隼有隼亦可擾也匪異厥類亦曹好也

琴琴集卷六

琴琴閣全集

卷六

十



琴瑟集卷七

東吳俞安期美長著

雉臯冒起宗嵩少校

五言古詩一

雜興詩 有序

余在丙子始至留京丁戌以後十年之中亦  
屢經越通都大國聞見獨多感觸爰臨輒興  
諸詠第登寸翰併付一函事匪同時成有先  
後逮自丙戌羅而輯之總得四十二首題之

琴瑟閣全集 卷七

一

曰雜興昔阮嗣宗身居亂朝而詠懷之作往  
往意諱臨文後之覽者至莫測所謂矣今何  
時也似無用于明哲之規迺敢剖析心素以  
通厥旨世有諒者或取其譎諫之義云

西登石頭城徘徊望鍾山逶迤亘東道鬱鬱如  
龍蟠細縕覆閼寢王氣終來臻黃金昔徒埋朱  
衣力胡殫壓之將何益淮水空揚瀾

其二

步出青谿市垂柳蔭脩街獨立觀行者摩肩互

去來前主若有逐後至若相催歡憂或異趣汲  
汲各有懷歡者多愉色憂者顏摧顏所營何由  
畢曜靈忽已埋

其三

都會盛遊士鮮衣照華軒多端懷技術吐論風  
飛翻揣摩竭情理投會始進言遇合在俯仰彼  
此爭謂賢片語定知己捐身期報恩酒酣誓白  
日誓言永弗諼夜散武安第晨集金張門

其四

琴瑟閣全集 卷七

二

孺子眷貧賤伊誰測中懷漢李傾大廈獨扶非  
所能河水何時清日月不克偕南疇植禾黍北  
隴闢蒿萊卒歲食我力亮非沮溺儕仲舉乃獨  
知稱其公輔才

其五

蜉蝣衣楚楚不見明月光熠燿照玄夜不能識  
秋霜人命亦難謀脩短真靡常奉身畢茲夕來  
日安能量

其六

茫茫眺城市興懷步踟躕緬想前代主紛紛  
來居奄忽百年裏速若置郵徂奈何市中子營  
營千歲圖求田附城郭置宅臨通衢

其七

南國有珍樹榮柯挺葳蕤綠葉不殞霜朱苞懸  
纍纍根柢一有托委心亮難移君但保素分慎  
勿踰江淮

其八

妖星起西北指我東南隅迢迢素練光明明亘  
寥寥閣全集卷七 三

天衢佚馬食園葵魯女先見虞患害奄忽至此  
身焉所如奮起歸深巖結我隱遯居

其九

歲暮復羈旅壯懷莽恹恹起步秦淮側寫心在  
遊遨翩翩逢少姬邀我坐綺寮几上展圖史言  
論揚風飈置酒旅疇勸展詩發長謠東鄰代翼  
鼓西鄰沸琅璈怒馬當門嘶徒御聲嘈嘈云是  
妖冶子荒飲晨復朝同處宴娛地安知心異操

其十

爵祿寧不貴勢位寧不崇朱輪轉華轂憂患來  
相從懷忠出謀國積毀恒見蒙苟非磬折軀當  
路亮莫容保已處濁世委心在持躬所以屠羊  
子謹論辭三公

其十一

棘刺爲母猴其削何可施一朝信燕王五乘以  
養之朝遊黃金臺夕宴坐曲池素餐良足羞受  
欺亦可嗤

其十二

寥寥閣全集卷七 四

晨出南郭門行行臨高臺徘徊見天闕上切浮  
雲開山岡蔽川陸江流劃西來矯首望四極萬  
里何悠哉俯身眺城市翳翳埋塵埃顧瞻平時  
居湫隘誠可哀

其十三

彎弓向冥射豈不貫蝨頭爰令復故處百發胡  
可求偶中若屢得蒙羿爭可儔寄語當世士僥  
倖非常謀

其十四

池沼雖極廣豈如江與湖臺榭雖云崇豈如  
與丘胡迺竭工力取玩在斯須天塹流瀾瀾北  
嶺多奧區濯纓復晞髮高深忒相於慼慼五侯  
里匪我心所娛

其十五

由基無弓矢善技安能施郢人無風斤神巧誰  
見之志士懷經綸所俟雲龍期偃仰蓬蒿裏東  
手將何爲

其十六

麥寥閣全集

卷七

五

娟娟遊冶童結束類妖姬揚歌倚筆瑟豔舞逞  
媚姿貴人一蠱惑飛騎爭相追婉變邀恩寵百  
態隨所施生時懸弧矢今日安爾爲

其十七

鴻鴈得曹偶萬里行不垂寒燠各有適羽翼長  
提提胡爲二三子夙昔名親知中懷不相屬甘  
辭徒見欺形跡日趨遠猶云同所歸却步隨我  
行何殊相背馳

其十八

煌煌帝王城九門通廣路悠悠五方士芸芸  
來聚山藪善藏疾匪人亦趨赴蕭艾綠以繁桂  
樹芳已蠹茫茫是非途延蔓將無懼空谷行且  
歸我駒逝將驚白石居污泥疇能察貞素

其十九

蓼蟲集叢蓼嗷嗷含苦辛葵葉非不甘移之則  
悲生曲儒安陋習跼蹐勞其身顧見達觀士戚  
戚眉不伸

其二十

麥寥閣全集

卷七

六

牧野載文主白旗麾義師餓夫謫其孝渭叟猶  
義之達權苟徇國天倫安可噫建言奚必庸勉  
爲後世規紛紛酬戮辱昧闇使我哀

其二十一

登高望閭闔四極何冥冥涼風吹穹昊同雲不  
徂征密雪恐時至微霰先已零東西南北問進  
退心怔營攬轡悲往路我志何由明精神苟能  
化上願爲景星

其二十二

王好紫服鄒君好長纓國中競相效物直達  
以增一朝蒙上惡衆亦相棄捐苟非身中寶重  
輕安有恒胡爲軒冕士詡詡誇浮榮

其二十三

昨從朱方來僕病馬復劣行行荒野間中道屢  
顛蹶我足非馬足胡爲踐霜雪我力非馬力胡  
爲負車轍利風中我肌陰霍當晝結饑寒苦來  
乘一里四五息人間行路難匪獨驅九折

其二十四

麥麥閣全集

卷七

七

愁來不能處再三易寢興明明我胸臆有物常  
見憑仰呼彼蒼者玄雲復縱橫撫牀號同旅堅  
臥莫我鷹衷心誰與嫺絲桐可晤言

其二十五

繽紛輕薄子構辭恣浮響此倡彼和之虛喝謾  
相賞所冀欺一時敖然聯其黨靈曜光昭昭兩  
儀亦云廣羣瞽相扶攜咄咄安所往

其二十六

驚飈吹長林高樹先摧靡苟蒙當世譽安逃妬

八子甌患來有端倚伏乃常理形似不我疑所  
獲在知已嗟彼口惠徒急難奚足恃

其二十七

命駕遊攝山行出郭北門棗林樹纂纂岡隴鬱  
連綿道傍逢古墓纍纍石闕存異獸昔雕鏤縱  
橫向我蹲死者知伊誰時代且莫聞感此憂橫  
集掩袂涕潺湲去去前山阿逍遙追列仙采采  
攝生草庶以永吾年

其二十八

麥麥閣全集

卷七

八

飄飄乘風駟行遊太林墟朱草被遠道絳樹鬱  
扶疎煙客止余轡揖之升玉除禮文廢繁縟威  
儀亦與與中堂列瑤席四隅列笙竿勸我頽霞  
液噉以甘琳腴靈姬揄脩袂赴節東西趨驚飈  
迴旋起躡之隨所如尋常未始覲斯伎信可娛  
娛極神遽寤玄夜忽已徂起思奮羽翰塵埃豈  
吾居

其二十九

姬公攝國政白雉集國門越裳有黃髮萬里知

蔡廼懿戚奈何不見信形跡寄耳目誰  
復得其真是以東家丘譏訕常來臻

其三十

一身苟世用所許廼遠圖南蹈越裳國北濯玄  
溟波千里無留行豈在躬負戈事就辭至尊睇  
髮歸山阿生爲四海慕旣沒名不磨區區受一  
命瑣屑將何施心力同一殫功獲曾不多捧土  
委泰山汲井注江湖歲月寧不勤裨益能幾何

其三十一

麥麥閣全集

卷七

九

操筆伺君過史臣有良規金匱一以廢紀載多  
諛辭君門邈且深起居况難知宴安將何懼諤  
諤恃者誰賢哉趙簡子涕泣洪波臺

其三十二

墨子製木鳶工巧亦已殫三年始飛去棄敗俄  
頃間嗟嗟干祿子技成資一觀當時解衣褐故  
業旋亦捐千秋立言事眇之誰復論

其三十三

以臚驅蠅蟻來集益復多挈瓶救原燎其功能

何君子被讒言閱躬乃良圖反謗掩其口往  
復徒相加噉噉苟欲辨點垢寧遽磨

其三十四

昔聞東方國俗陋壤且僻混沌爲其鄰鴻蒙介  
其域人民夢夢居寧解辨南北有物無名稱饑  
至采而食愉悅且不知安識憂與惕淳樸今已  
墮區畛粃然畫各自求美好湯火日煎迫怨毒  
有侵陵率爾事攻擊九夷復難居君子將奚適

其三十五

麥麥閣全集

卷七

十

斷蓬在遠道旋轉隨風徂聖人爰爲法藉以製  
輪車終古利致遠其功豈區區嗟吁彼微物猶  
爲智者模吾生無可儀飄飄將何居

其三十六

出門視行人寥寥曠無依還坐臨圖史忽焉晤  
所思翩翩魯連子辭賞非炫奇虞卿敦友義窮  
愁甘若飴千載見精爽凜凜亮在茲奚必形聲  
接始云相追隨

其三十七

昔者六七子綰綬乘朱輪雖復嬰時網所向  
典墳顧念蓬蒿子折節常欵門敢徇鑿坏節被  
禍抗垂紳稱詩各宣志密坐論道真思存久勿  
替聲氣誠我倫

其三十八

善樹樹松柏勿樹荆與榛荆榛多利刺還傷所  
樹人輟轡無高蔭委積難爲薪翦伐圖旣暮悔  
尤安足陳

其三十九

麥麥閣全集

卷七

士

山雞愛其羽卒復溺水涯雄雞憎其尾斷之憚  
爲犧毀者全吾生眩者終自哀擾擾工譽客此  
道焉足推

其四十

荆山生玉璞拾以抵飛禽南越產孔翠毛羽珥  
其門賢豪在里巷疵賤焉足珍衛青爲廝養未  
公行負新殊功一朝建廼非儔衆倫

其四十一

蜀山爲木羊驅馳綏山顛零陵有石燕乘風亦

翩翩奈何我志願欲奮無能前南路樹荆  
往無通川僊俛坐拂藪木石寧盡然

其四十二

彼美西方人所居麗且佳黃金爲樓閣七寶爲  
池臺珠綴縣廣座瑠璃布層堦林樹絕厲響衆  
鳥鳴啾啾儔侶無異心羣處具和諧吾將一我  
志歸歟樂康哉

七君詠

張侍御一鰥

麥麥閣全集

卷七

士

伯大寥朗姿復不事隼擊驄步亦已工屢出欵  
縫掖奚待羅肴珍揮杯繼以夕新辭倚席成天  
籟泠然出太丘道亦廣茲風久淪沒斯人良以  
難貽輝在蓬華

周文選 光錡

國雍秉塞淵才量亦湛偉賦事竭忠貞樹言必  
根柢豈無奇瑰葩附萼含其美汎溢金融膏甘  
溫玉流髓杜門絕五交交者在名理觀余氣翻  
飛時時被貞砥

劉大理 紹恤

長卿慕都雅見者疑其傲交謫非所聞獨立從  
台好動吻咸令音搖管復孤調結撰峻體裁敷  
辭燁光照從遊豈無人懦夫獲有造以我澗畔  
松托爾雲中嶠

龔法曹 勉

子勤體疑重中和爲世經時聞節俠事亦復起  
獵纓太上固其慕次者亦所營餘力弄柔翰不  
事弔詭名澄淵息湍激平野發菁英顧余辭章

麥麥閣全集 卷七

三

士援掇稱同聲

顧司勳 大典

道行駘蕩人遇物鮮所忤冠弁雖偶嬰山水自  
諧趣清曹無來牘翰墨乃公務每和思歸引間  
作閒情賦清響金琅玕秀發瓊瑰樹掇我溝中  
木青黃恐遲暮

方司農 沅

子及骭麟者口每如其衷至其著令甲吏事八  
所宗辨音倡高曲並出難爲工簡材旅琮璧振

鍾鏞文心若罕匹酒德亦可頌醉謂東吳  
生聲氣將無同

方思善 揚

思善峻潔士容止復嫺雅人言狷者流自謂亦  
狷者宣詩邇風騷組文挾左馬古色貴闇沕時  
調薄妖冶益友乃締交雜賓寡登座時亦宴所  
欽飲不過三觴

八子詠

新都王仲房 寅

麥麥閣全集 卷七

古

大鄣好奇士廼有燕趙風仗劍窺塞垣長揖戚  
元戎斯須千萬言恥落記室中周遊十名嶽俠  
心聊以降隱名入酒肆觀者猶改容

焦山郭次甫 第

遜世出金閭焦山乃畏壘名嶽采藥行亦復遊  
城市博物多賞識遇人罕臧否率情賦聲詩幽  
致入玄理偉然僊羽儀太清絕塵滓

江都陸無從 弼

握中得簡珠孤立邦江涘力貧道亦廣貌古心



中原興作者合響起應之湛思戾九淵得意在巧遲往往獨繭綸引彼盈車魚

海虞孫齊之

七政

家世虞仲里古風日陶甄况抱奇瑰質中懷貞素心文行具爾雅動每稽古人鴻篇玄可鑒片辭多令音末路樂貧窶每爲賢達欽

太倉曹子念

昌先

弁州有宅相軒然得嘉甥腮髯挂如戟風氣類燕秦至其吐文辭清婉揚正聲朱絃特疏越相

麥麥閣全集

卷七

五

彼九奏成遇物寡所諧往往遊酒人

松陵王承甫

叔承

士懷經世識戢身在丘壑乃于歌詠間間吐霸王略發語輒矜奇吐氣亦磅礴古法豈足由師心得矩矱酒趣夙已深類唐良有託

梁谿葉茂長

之芳

貧士在閭里負氣獨行行丈室名廣齋傲然立孤尚宣詩成萬言發辭貴清暢掇管多酒間使酒亦座上夜行擊司警辭與縣官抗

新都吳虎臣

守淮

昇藏富家子自謂酒人雄復遊圖書府抑志工雕蟲繁辭與急節疇復蹈其鋒醉遊臨安市道犯秉鉞翁指謂呵殿者吾乃高陽公

後八子詠

新都汪仲淹

道貫

仲淹淹博士鴈行接難兄間亦親酒徒迭宕率其真工辭具風軌參之亂古人說偈宣弘義無始既以明釋老儒俠間孰不懷令名

麥麥閣全集

卷七

六

吳興吳允兆

夢陽

允兆孱然軀州閭慕其義啾啾里中紛解者兩無伎奮筆刪陳言懷奇事精詣戈鋌厲鋒銛絲竹含清吹茫茫山澤中危標諒孤植

新都汪仲嘉

道會

仲嘉經濟資樂度能不侵具得司馬法良驥並參衡辭場效三驅中堅孰敢撓有如程衛尉隊伍嚴且明全師在無鬻倖勝非其情

宣城梅禹金

鼎祚

金少高視飛步太華顛中乃好沈冥結思窺  
虞淵逮其屬詞賦聲氣亦與遷肅肅裁衆體羽  
儀紛曄曄贈以饒朝策誰復爭其先

梁谿安茂卿 紹芳

茂卿洵嫺雅而負雋潔才一罹獻璞旱久爲塵  
沙埋幡然營大業遺言暢中懷處身璠璣數礫  
礫列無階末途嗜聲酒托志良可哀

廣陵李李常 自奇

李常無町畦機事心弗嬰豈不東西馳悠悠寡

麥麥閣全集 卷七

七

塵情厲志務鴻博駢麗固所能體物揮藻賦纒  
纒具有經後乃甘麴蘗寧復憂其生

宣城梅李豹 守箕

李豹性奇僻埋身在詩書朝夕擁少婦著述中  
自喻出戶有所之終乃天遊徒詩入魏晉室組  
賦伯三都積草旣出筍猶然念居諸

孝豐吳翁晉 稼登

翁晉佳公子恂恂戢其輝至于握寸管猛氣恒  
翻飛片辭吐逸響觀者爭伸眉震蕩溟渤間汎

紛紛前馳後發以先至登岼諒在斯

張公洞與李伯遠同遊作

維舟陟山椒秉燎窺石室雲根劃以開霞關俯  
而入迴瞻漸高廣置足轉欹仄去術非一途來  
險亦屢迫剋施互盤迴崇卑遞經越翳翳新歸  
雲晶晶古留雪靈書篆壁青飛鼠懸巖白丹竈  
辨沈灰沙田分畛域中有自然牀上臥尸解客  
寒氣動鬚眉玄冰護皮骨重阻歷已遙前燈光  
微圻縣度躋平臺驚疑叩仙宅虛豁見高穹照  
耀縣朗日琪華畢森羅石乳紛倒立雕鏤肖萬  
形蒼碧具五色炫然發環奇儼爾列動植乍觀  
蕩余魂徐令暢余臆恒觀驟已捐靈想信茲獲  
昔聞赤烏年曾藉豐隆力崇局一以闢內蘊不  
得匿剖彼靈秘居覩此化人國張公無返輪仙  
李有遊轍吾將托吾居泠然忘歸策

酬寄陸伯達二首

余方在疚伯達行人寄詩二章慰我廬次數  
辭蒼藁結思綢繆扶杖讀之不覺破涕翰墨

擢棄未遑遽酬歲且逾  
暮強起操管報以如  
數且效其體焉

挺挺南山木疾風吹仆之日夕孤棲鳥呼鳴聲  
苦悲昔余遘不造凶哀集如期俯身編草中氣  
息存微絲君子遠顧念飛翰雲間來跼展齊統  
扇上有纏綿辭令名以爲勗再三強鋪糜斯言  
曾未訓懷心耿不移

其二

夕露結空堦百草具委靡新穀行再升歲運邁

麥麥閣全集

卷七

七

如矢迷疾既漸瘳與懷念吾子顧瞻從遊徒燕  
婉豈不美爰求中所諧軒車徒接軌葛藟思繆  
木潛鱗懷海澳相值苟有時歡情亦何已願因  
閨闔風吹我東南起

吳山自伍祠歷覽至三茅觀

振屨闌闌陟磴成山行始聞松風怒濤神若  
來憑犀矚盡萬室迴眺儼五城列宮上千櫺分  
闕集百靈寶坊梵帝樂琳宇芝童笙迴旋術靡  
定下上途數更排草冰綴玉寒柯蘚敷青窮轍

殊觀高步歷瑤庭彷彿躋句曲弟昇邁仙  
嘉遊既蕩穢恭禮復顧精遐悟燭神理遂想闔  
玄明擁腫媿膚立飄翩懷羽升煎迫在五濁戚  
戚非余情

二瑞詩爲陳明府賦

英英結露實誰下帝臺漿玉綴安仁樹珠零召  
伯棠終應上仙掌采入萬年觴

右甘露

堯庭有屈草化爲麥兩岐上隴旣翦鬱下隴何

麥麥閣全集

卷七

千

歲蕤東風對搖舞猶如指佞時

明府以侍  
御謫靖江

右瑞麥

麥麥集卷七

東吳俞安期羨長著

東吳俞安期羨長著  
晉陵薛 案諧孟校

五言古詩二

將入楚別家有述

南雲應炎候朱火揚其明遠念羈旅臣駕言渺  
西征徒家異鄉縣舉室猶惻惻二人豈不念中  
懷抱所營激楚有名舞荆俗饒遺風顧瞻多  
近感安望遠怡情出門向往路氣促何由平

麥麥閣全集卷八

楚行詠古五首

郭美命云五章詩  
駁古人亦有遺氣

大道墜名象離然已虛器藉以治天下紛紛修  
其偽何如逍遙遊動息委天地善卷逃枉山疇  
能識茲意

得志則臯夔失時亦龍蛇胡爲屈大夫栖栖欲  
懷沙發辭吾所師述意良足嘉遠擬殷三仁俯  
仰多隱嗟

賈生計大事實有治安才所乏葆光德而令絳  
灌猜出傳扼所志弔屈申微哀承塵上鵬鳥夢

公亦何哉

古人狂有托放言乃求廢咄哉禍正平縱  
所爲有才不善持禍機繇自致哀哀千載間申  
章有餘思

龐公避季世挈妻赴鹿門輟耕棄壺醴采藥聊  
饗飧千秋遺安旨領悟獲永存隱跡吾慨慕此  
道誠獨尊

王伯回云五詩不但知  
羨長才其人固自長者

贈計辰州使君詩

并序

麥麥閣全集卷八

二

萬曆九年龍大夫以憲使持節備兵典學于  
楚西南辰寔屬焉余依大夫署中居常飲論  
乃間及計使君之治辰也因備記使君狀使  
君日請大夫索余贈詩大夫固急余贈也是  
舉也彼此忘官屬勢分以及余小子敢不申  
贈以成兩長者盛事焉其辭曰

虞廷咨岳伯漢郡重徽服魏尚守雲中虜騎鮮  
南牧种暲刺益疆雜落成華族艱難投匪人短  
垣易踰城

其一黔中多谿峒四塞古百蠻毋

小郡險阨良可患叶民夷紛荐處臨政

所難弛之既凌蹈束之延釁端其二釁端奚可

延簡才良不輕翩翩鬱林彥翻飛揚王庭騎省

參鴻圖珥筆垂華纓敢獻承明廬濟物在專城

其三專城向南紀四牡行有加叶揚麾沅之陵

赫赫具漢儀豈以率土濱踟躕固足施豈以推

結民勤恤或云疲無外秉道心前賢緬爲師其四

緬師宋均術載暨文翁軌聲色感禽魚况彼猶

人只蠹蠹梗化徒釋戈貢包匭撫撫井與廬昔

琴琴閣全集卷八 三

爲巢與壘四民交川塗舟車有通涖其五通涖

指沅澨余亦薄羈旅遠隨伏波軍談兵在尊俎

四境旣弭寧奇節徒自許亮乏百夫雄猥處雕

蟲譽其六雕蟲安足珍遙遙謬相索申以蕙蘭

交揚以淥水曲叶嗟彼曠世賢猶思執鞭策矧

茲邁同時豈不願膠漆引領忽東望中心耿白

日其七白日下西崦返照君子堂予心懸惘惘

不能揚輝光武谿毒以淫三嶠鬱以蒼高陵

羽翰俯濟無舟梁慷慨載寢興組辭贈斯章

### 烏沙阻風

獵獵聞風吹彼江漢流崩流一何急阻我西

行舟擔篙引百丈人力匪不周但如宋都鷁退

行良非謀王伯固云佳語旅情旣昏亂朱炎苦相讎畢

景泊楓林繁陰結綢繆憶從辭妻孥再見蓂莢

抽前期猶漫漫返顧多沈憂沈憂不能揮奮思

弋青丘

從龍君揚入豫章回寄金陵諸游好二首

發發廣莫風偃彼江臯樹江水日夜歸客行懷

琴琴閣全集卷八 四

往路葛屨亦以涼泥泥犯霜露明明掇苦心茹

之何由吐孰不念交親私情難中顧豈徇烈士

名友道良可懼

城南有高臺秦淮多名倡絃絲變西曲楚舞紛

頡頏置酒互相索合併若可常寧謂垂羽翼竟

復遠飄颻俯仰已千里蟋蟀猶在堂及時爾歡

燕遊子行未央

遊湖山按地志四祖嘗居是山有鹽池米

荒廢而寺多屬之民家矣

山紛糾互穿雲，峽門口石壁如罽。愚詩  
左右厓谷藏青疇，林煙上蒼阜躡徑高，不加緣  
澗迂仍久言叩，古道場荒宮不盈畝，廩廢池鹽  
枯，龕空巖欹走，璫珠寒無晶，幢彩日有垢。那知  
布金地居然付鄰叟，湫有興廢心恐作幻夢受。  
坐覓真如光，諸方照羣有。

遊青原山

是行思  
師道場

複嶺辭以紆，交錯盤蚺蟻外，望但青蒼寧知人。  
煙藪華懷蔭飛梁，紺殿倚層阜，禪房互參差，原

麥麥閣全集

卷八

五

薄蔚平厚嵌壁千芙蓉，綠磯幾楊柳未寒陰厓  
冰有觸流泉吼試問開山人，乃知曹谿後倒長  
荆柴枝深蟠青蓮藕，神賞信獨知在物多兼受  
幽異動有獲心形絕無垢，持此丘壑奇出門爲  
誰剖。

廬陵贈王大參

茫然圓象中，白日廢昭晰，至理豈殊途，所趨各  
畛，啜而公體妙性秉道起微絕，夙有兼濟念，偶  
陪宰官列，既成拯世功，遂返關西轍，居貧累固

輕澡心垢俱滅，遡觀羣有初，俯開諸曲說，繁  
工文辭緬懷繼，前哲一聞下風言，迴顧慚寒劣

遊純陽觀因呈宗良

霞觀起綠薄，瑤草荒珠丘，一感玄靈跡，遺構長  
獨留，華煙蔚桂檄，神風衛松樞，琳腴冀可掇  
清泥汨成流，所獲冥理會，庸事歷覽周，置心入  
無際，有待非至遊，願攜同懷子，逍遙海中洲

將入豫章西山渡江作

爰赴山靈期，邁往申所志，浩蕩漲風湍，輕裝乃

麥麥閣全集

卷八

六

行駛蛟龍不繞舟，我馬靜銜轡，癖性輕艱危，奇  
懷冀靈異，采秀復采真，茲行倘兼遂

天寶洞

寶籙紀茲洞，鍊質丹陵房，窅窅既深黑，變幻復  
輝光，云胡罹穢跡，石扇封靈蹤，飛泉散珠箔  
掩蔽凌風揚，玉簡亦已沈，金龍久淪藏，紛傳覆  
舟者，深歷玄真鄉，潛竅抵江介，地肺一何長，斯  
言或非謬，在理誠難明，雲關叩誰膺，俯仰以  
彷徨

望鞋山

浮山控中流平壓蛟蜃宅豈昔衡廬移巨靈遺  
其舄草木乍晦明雲濤變朝夕求復聞神妃乘  
櫟感淪跡緬想庚辰時曾標紀功石望望阻風  
湍玉膏詎能獲

謝友可過訪桃源塢不值追及山中班荆  
談眺率爾成篇

宣父道傾蓋聲子野班荆古人詎復作後死猶  
踐更山澤表靈異風雅感至精始期事遊衍終

琴琴閣全集

卷八

七

豫成合并寒林多潛穎宿莽無浮榮延矚寡遠  
翳締交排近情成言析冥漠朗象契靈明嗤彼  
吟毗子立異交相傾

贈程秀才巨源

垂髮隆嘉譽穎異誰比肩疾風送徂日儒冠逮  
中年天球實周寶不登宗廟縣欣然握寸管數  
辭繼遺編豈不懷祖述所志焚書前資業日以  
閒牘徒孜孜自念廉吏子居貧理固然孰若  
垂來則千秋名不騫

於朱沙坪望天都峰

迂回討幽蹊絕壁行多驚畢勇出灌莽劃然眺  
虛明山坪秘曠衍赭石巒崢嶸游目遽仰矚孤  
峰立何尊標舉類天柱圓周如削成上尋撲絳  
氣其下朱煙凝軒轅鍊丹藥故宮儼猶存猿鳥  
不及至安望人力升寔惟帝下都仙物始見憑  
毛羽生有時瑤房庶可捫

殷求仲榮木莊

衆木日以榮連林鮮凡植析若東西隅松桂旅

琴琴閣全集

卷八

八

其北四候移寒燠葱蒨有佳色伊誰私天工良  
由表地德雲構且逶迤崇階屢升陟橫亘十二  
樓宛在五城側中有虎賁長鬣輟螭頭直塵駕  
既已捐雲族相與睦叶豈畏日中影而擇美蔭  
忌子高謝諸侯武仲去山澤君懷古人情無乃  
有通識

同陶懋中使君自樊口赴江夏抵洪山作

晨榜截洪濤午輟改遙野墳廬岬善崩斷續雨  
頻灑官道鮮有蕩山容亦無冶扶攜徒衆驚揭

潦瀉遠愁風條披蛟奔土膚緒仰齊既升  
危折行屢經下濁泥辨去蹤觸雪誤來者行止  
附同懷慰勞愜清單夕寐偃頽館朝餐卽荒社  
合并展衾稠逝代更興馬委形故所忘爲恭諒  
非假遠矚情迴復微吟意宣寫豈茲旅途艱而  
遣歡悵寡撫物領賞心超超息蘭若

黃離館詩爲郭美命太史賦

璇霄垂法象啓景麗中央朗耀被八區雲漢難  
爲章時哲興南服築館抗朱方瓊甍羅紺碧玉

麥琴閣全集

卷八

九

樹匝青蒼馴獸集炳蔚綵羽翥輝煌前榮旅鋤  
槩東壁陳縹緗申素敷華藻興篇剖冥茫光采  
旣遙燭經緯亦有常文明亮在茲儀天寧不臧  
九日丁元甫邀集洪山詩

旅鴈嚮南服溪鏡鳴清霜朔氣昭凜節日月並  
協陽昊穹罔殺機連林委青蒼靈卉寧具腓榮  
蔚何輝煌明哲感嘉時廣譙要辭英叶舍車理  
秋被列藉冠崇岡文筵廁草屨絳佩懸更囊蘭  
藉薦甘腴涼酎澄芬芳嘯詠越膠鬲窺臨恣沈

江表旬信廣衍湖渚間微茫精藍屬遠邇紺碧  
搖晶光景以高視盡趣由玄覽彰物象各有媚  
合并亦難常蹲蹲醉屢舞和樂虞太康

贈閔六子虛

徇利憂得喪修名苦曲局紛紛夸毗子遊獵困  
馳逐吾徒寥廓人托心詎諧俗與子遊城南佳  
人宛清淑蘭閨理朱絃洋洋淥水曲堂中蟋蟀  
鳴倚歌繼以肉並坐含清醴晨興待宵燭胡能  
犯泥塗甘心受戮辱慎勿語世儒發彼醯雞覆

麥琴閣全集

卷八

十

題魏穎超蛾術軒

軒居何敞朗遇物鮮且清連岑旅蒼華衆卉葆  
朱榮逍遙以居息羣經咀其英握鉛理竹素斯  
文諒在躬叶恒曜率軌度爵儀揚離明記載恥  
幽誕前修以爲正蠛蠓垤中子經營述所生况  
乃羣物主而不惜令名勉旃箕裘功先德保厥  
成

題李本石以永閣

昔聞長安市逐客無停轅愁詠白駒詩涕下誰



取言胡爲濁世中公子能留賢眷言欵朝夕  
問結重軒崇梯次相屬丹甍鬱飛騫客屢盈庭  
戶遠駕旣以坂日興命宴會並坐鮮隰顏孰不  
畢歡情匪甘饗與殮感君纏綿意空谷聊暫捐  
題李本建司契館

翮其中庭樹歲蕤粲華萼光彩耀前榮華館何  
昭灼中有端居子所視在冲漠祖德五千言要  
眇日相索萬事牝牡間善機守局鑰德音諒無  
垂玄樞旣歸握嗟彼浮雲翔胡然萍寥廓

琴琴閣全集

卷八

士

發夏門回寄任白甫

神魚脫重淵靈鳥出茂林候者一以窺羅網來  
相尋君子苟失所輕薄易見侵百僇紛遙集微  
躬非所任精誠間形骸朗曜曜玄陰離朱雖至  
明何以察本真

其二

牛馬鳴上風聲應在同類小人非一流要呵各  
相比吹彼壘與篋翕翕騁志意游魚畏侈口飛  
禽避勾喙願遊廣漠鄉牽手謝時輩

冬日侍華陽世子讌

公子儲令德卜晝遊中園騰觴緩雙羽侍衛撤  
煩喧匪湛旨酒樂汎論詩禮言是時疑陰候北  
風旣已翻浮榮歛其色桂柏青且繁玄穹發華  
耀曦陽垂微暄片言賜寒士復蒙挾纘溫愔愔  
諧所願千秋義可敦

贈龔希聲孝廉

謀食豈哲人徇名匪賢達茫茫聲利途智者亦  
中滑君胡屏時好復不事干謁掩關堅索居深

琴琴閣全集

卷八

士

衷在大業摘文舉胸臆組辭陋拾掇內蘊入幾  
微外耀宣瑩潔洋洋清樂諧穆穆金波澈況乃  
杜善機懷玉若被褐貽我多昌言朗識疇能越  
贈龍君超孝廉

粲粲瓊瑤圃所產咸瑰姿况爾標特達明玉多  
華滋秉以君子德帝瑞良在茲日月垂光曜英  
英互晶輝彩色旣發越含響復清嘉天球與琅  
璈琢之罔不宜縣以鳴東序聲振清且諧見者  
政三歎誰不寶其材

紫蓋峰下尋朱陵洞

朝發赤帝館午遵紫蓋陰俯仰越雲術揭厲凌  
澗潯言尋朱陵洞行直青瑤林夔戶上寥朗縣  
泉下琮琤連沫垂珠箔淒響發冰琴方陟樵采  
逕已歷神明庭連巖亦虛豁眇路何深沈躋險  
始驚魄獲異終愉心物觸多所誦理遇難自明  
試用兩然想妄慮庶以寧

遊南嶽畢述寄李善徵憲使

幼抱五嶽志蹉跎及中年入楚垂三禩徒望衡

麥麥閣全集

卷八

三

山顛非君命遊騎行路難遽前既謁赤帝館招  
搖朱陵天復邁蒼水使宛委發靈篇巍峰髮登  
陟曲澗行迴旋仰出雲雷上瞰皦白日懸舉手  
引朱鳥欲下不得翻海外眺南極地中見星躔  
熒熒四軫宿纍纍挂吾冠羽客導者誰華蓋太  
微仙玉漿與瑤萸援爲朝夕餐夙想獲以酬塵  
骨若已捐將與妻孥訣四極行飄翩微懷感君  
意猶爲情所牽

洲陸郡幕

音人遊窮鄉見彼似人喜况爾同里居翩翩  
家子官秩雖暫卑辭才一何綺貽我相逢行錦  
字飛璫藻展此纏綿情風論亦具美炎微路旣  
窮何得輒遽此溢喜難遽裁操筆意何已

汝成王孫同遊獨秀山因憇讀書巖有憶

顏延之

有引

山在郭中挺然拔起靖江宮殿盤繞其前下  
嵌深巖石榻便房延袤空敞蓋顏延之爲始  
安時誦讀其中而五君亦勒壁焉

麥麥閣全集

卷八

十四

八公莫淮南二別控楚郡逶迤非不遙峻嶒亦  
云峻何似茲山起亘霄亦千仞下屬無坡陀上  
干若奮迅丹碧冠崇宮詰曲引脩磴屢援垂緇  
行危躡懸厓進下眺城微茫仰矚天清映風連  
桂海深雲引蒼梧近旣欣高視情復協孤介性  
返息巖屋深窺臨石榻淨往見遺舊蹤中疑隱  
仙逕遠憶顏始安三復五君詠

與張羽王賦別五首

游燕辭東國翩翩西南飛感昔在華屋萬里遠

相依秋風淒然起故穴寧不懷自非北辰星  
得長無移中臆發愴惻奮袂起言歸

言歸復遲迴念當別所親雖非骨肉間情愛亦  
匪輕昔者有名言知己比所生所生誰獨無知  
已難重尋忍情告還路中塞懷酸辛

酸辛無終極徒御促前征厲風吹城隅陰雨墮  
以零行雲不返顧猿狖羣哀鳴絃絲奮淒響倚  
歌難成聲悲感橫來集有涕胡由禁踟躕難遽  
發何以處中心

麥麥閣全集

卷八

五

中心豈有異後會誠難知桂林隔炎嶺吳會東  
海陸君當不復出予恐無來期脩阻萬里間居  
止何由偕分手在俛仰生死長相辭

相辭語未已行止各勉旃君其老鉛槧今德復  
寡譽千秋名當定但保松喬年少子起進酒小  
婦理絲絃逍遙以樂終醉者神復全局促懷巷  
議諒非達者觀

別張質卿

馬知屢淪謝驅馬來南遊徜徉以徘徊留師至

波汎楊舟日夕相追攝匪直貪優游道真本無  
象微言具諮諏歌詠率爾興聲諧互爲酬在理  
故有合安得情不留情留將何如無乃賴周周  
分途良未忍申章紀好述

吳元壽司理過訪有作

夙慕嶺外山奇詭信所討顧見磊落士涼飈振  
穹昊契合諒在茲中懷可深道河流辨濁清絃  
音知澗燥况復高聲華兼以富文藻本爲澧水

麥麥閣全集

卷八

六

蘭竹作堯堦草俯仰千秋人榮名永茲寶

龍伯豫衙齋讌集詩

朱炎肇南徼卉木鬱丹榮清尊列中堂雜綵羅  
前庭微颺蕩綠薄夕爽麥麥生况邁二三公寘  
心在沈冥夙想麝名酒觴至不願停往者若填  
壑來者猶如澗受之詎勝腹無何忽已醒徒爲  
海若笑秋水安足矜

出疆寄謝陳中丞

轍跡周粵嶠旋復入楚疆昔出嚴關道茲復春

鄉五嶺三已踰臨賀險且長候人來蠻落隣  
編異衣裳殊類日與俱後先行趨躋匪化無外  
德郵符亦徒將旅人冒明恩安行若康生公惠  
豈自知援掇書報章

望九疑因懷王承父曾遊

甲午六月自嶺  
西還入楚中

夙慕九疑山神往每凌絕迴車出零陵引脰見  
絕巘炎瘴若仇讎艱辛阻經踐峰形旣不殊雲  
氣復互掩近矚猶可疑遠睇安能辨何地藏永  
陵若處經虞輦攬衣久遲徊結軫獨僂倪徒懷

麥麥閣全集

卷八

十七

王烈遊雲中自往返

麥麥閣全集

麥麥集卷九

東吳俞安期羨長著

五言古詩三

奉和悅師約諸居士月六日八關齋會詩

兼示同志

循日標法會潔餐香林陬招邀四達來緇素偕  
優游珠戒申八科業途庶不由欲河恬波瀾獲  
以寡譽尤臨鑒值天后欣欣錫鴻休假茲八

麥麥閣全集

卷九

一

木微具苦海舟禪師佩法印五濁聊行遊降志  
憫弱喪導以宣慧流涓涓冀不絕終與江漢俾  
莫忘埤淨行由此登聖修

四月八日社中諸子過集浴佛成篇

金盞擁妙相寶水浮異香佛誕觀茲日客來登  
講堂瞻禮各顯至威儀並安詳手以多寶杓沃  
此甘露漿澡身亮明潔灌頂冀清涼亦知依幻  
色聊是具津梁何殊迦維國池上二龍王

叔融主社詠秦中隱士得皇甫謐

束帛委不顧脩然玄晏生手持古墳典特出涇  
上耕匆匆鋤耨際不廢伊吾聲博綜輔其才著  
述咸可經高視薄前哲許可誠匪輕所以左生  
賦片言羽翼成亦復傳高士寄託良有因

雜詩

王符不得志著論誠可悲勢位偶不在莫展憤  
世懷假彼柔翰間纏纏託微辭至今覽其書志  
士猶歔歔逢時有通塞吾志無盛衰亦復操寸  
管發我中心哀

麥麥閣全集

卷九

二

其二

匠石操繩墨乃欲正泰山心長力苦短工巧亦  
待殫愚公有精誠天帝亦感旃得令王屋移區  
區庶以宣

別周中丞國雍

并序

余居中丞幕旣數月日惟素餐偃臥而客禮  
益隆卽公子之于夷門廷尉之于王生無加  
矣且嘗被教命棄其睚眦損其大白以道德  
相期則又友而師也乃將別去識以五章至

于懷恩感德則深概乎其衷茲不遑及者蓋  
效古人贈以不拜之義云

春鴈戀玄朔遡彼北風飛遊子思舊疆策馬東  
南馳南北異往路依依各懷歸增冰泮荒磧鹵  
澤煙淒迷遭迴行難前亦復稽少時晨起終當  
去忍淚胡能支

其二

昔者發南國霜雪踐春草今者入蕭關春雨橫  
流潦時序邈已適多憂易爲老豈不念所知歸  
麥麥閣全集

卷九

三

懷苦如擣苟令無遐心終始冀相保千里若比

鄰奚美同林鳥

其三

丈夫不自樹從物日以趨恃人以受食依依類  
馴鳥曰苟有志節中心豈所愉君縱渥恩禮踞  
踣難久居仲子灌於陵鮑焦棄其蔬竊念耿介  
士俛首以嗟吁

其四

紛紛修謁者礧礧飾容觀吐辭事揣摩審擇好

惡間率爾忠朴士繁縟非所安山藪不藏疾胡  
能無積愆庶君能察識封菲終不捐

其五

自楚出秦關宛洛亦所歷往往賢豪遊傳食爲  
重客逆旅互迎將五漿先饋食茲聞君子命無  
乃損大白成光旣外銷德機亦內釋自茲返秦  
關舍者應爭席

離合詩代王小婉寄阿歡

軒舉昔遠邁車行別花津旦起踐霜露曰去宦

麥麥閣全集

卷九

四

西秦

合王字

寸心豈不眷一往棄賤身免絲其相

附免落糞土塵

合小字

妾自君之出獨立誰依因

鴟雛一並宿鳥飛寧復親

合婉字

荅吳德符

絳螭階浮雲矯起豐之濱勁飈拂其翼乃至天  
九閼變化在俛仰所願揚文明旣抱神龍德潛  
見非所論

其二

公超五里霧爰爰負其術裴生能三里往學輒

自匿嗤彼伎者心往往慮相逼大業爾力修齊  
驅迺予臆

其三

迢迢九折流豈不稱河宗震蕩視溟渤小大安  
能同所以達識士玄覽冒纖鴻曰究千古事獨  
至非所庸

喻邦相至自豫章馮開之汎桂舟招同徐

茂吳潘景升錢象先吳景先宴集卽事

有紀分得邪字

麥麥閣全集

卷九

五

汎汎桂樹舟有滄啓陰霞霖雨繼以滢山水翳

清華孰是景物惜燕遊罔不嘉客倡豫章行主

歌酬皇琴接坐四五人競起賦無邪鄰舫帷越

姬揚聲吐吳哇衆美旣繁會爵筭復交加藉此

祁祁興孰思命回車樂康永今夕良會誠足誇

九日徐茂吳邀同喻邦相馮開之潘景升

錢象先吳德符徐伯陽吳景先登高靈

鷺山分得御字

靈吳昭金爽商吹宰秋序徂蕙感氣凋來鴻負

陰翳時往惜興哀節至欣有豫主人嘯賓朋遊  
駕肅徒御孤危攀驚頭回復越鳥路鉤棘損力  
排崑崙擇高路峯辨飛來形石懷鞭驅慮爰修  
歲時典兼領丘壑趣實更引絳佩芬鞠合清酤  
四表戒夙陰二儀決遐霧仰彼西北馳惠我東  
南顧日月馭參差湖山勢交互鷺濤雪怒騰鯁  
壑水傾赴邈見孤嶠煙想牽十洲樹肆矚忘神  
勞奇懷冀靈遇寥曠景內孚超越情外著煩言  
罄莫殫遭迴紀毫素

麥麥閣全集

卷九

六

葛祠部集詩

明聖昔乘鱸法會侍談塵水既縱涸鱗陸還釋  
翳羽溫度宛可儀文心間相吐縣書予國門典  
禮君祠部白門復相逢清聲况爲主脩脯適不  
御伊蒲溢充簋紆徐方外言委曲詞林語歸趨  
終三乘上下偶千古相映惟素心永期作車輻

賦得山林隱遁棲

徐閩父社  
中同賦

叢山蔽空曲簪林無通術虎豹長見憑樵采鮮  
登陟巖危翳鬱中安辨巖端室至人期全生委

身在窮域葺葉易裘葛如實辭煙粒觀之或見  
恤寧識中愉逸憂患何由臨悵悵保龍德

又代朱無瑕美人賦

老萊儷德配黔婁偕逸偶合志遊廣漠並棲託  
林數衣以鳥獸毛木食任所有煙霞駐面顏塵  
壒何能垢榮辱一以齊葆真庶无咎儻遂鹿門  
攜妾願龐公婦

送程君達雷陽省覲

詞客不堪貧投人論時命時命復可哀謀生寡

麥麥閣全集

卷九

七

捷徑有父寄微秩且作雷陽覲小吏多公廉傳  
舍恐懸磬清白或見貽兼之峻庭訓返鮒陶母  
賢辭絹胡威正垂橐猶平生歸來有令聞詩能  
窮逾工詞場與重進

賦得殷閣生微涼八韻

黃離出噫氣飄颻遠相延徘徊松柏下清滌椒  
桂前雲閣蔭葱青水殿俯淪漣豁達經深廣暄  
氣易以遷乍如動堯翼正可揮虞絃吉甫頌穆  
如禦寇善冷然顧此清燕地異彼煩燠天遠念

道昭人願以被八埏

立秋日賦得木葉動秋聲再送鄧玄度

素運代朱候涼氣歸長林木葉若有知俄然發  
商吟雖無憔悴色而含淒清音蕭辰志士悲急  
節行子心金鷗翼軒蓋玉露零衣襟長途慰初  
爽短晷驚漸臨感時復傷離中懷豈所任

中元日社集鷺峰寺禮峨嵋山旃檀普賢

像分韻得七虞

衆僧始解夏天人集慧途

七月十五日衆僧恭  
解夏天人聚集

麥麥閣全集

卷九

八

禮願中王五體伏苾芻秉心洵無尚鑒精諒有

孚銀色層疊界

峨嵋爲七重  
銀色世界

寶燄明光衢

又峨  
嵋有

寶石放 緬茲佳麗地儼彼靈異區梵唄代絲竹

衆香代甘腴蓮社跡遙邁蘭盆會奚殊亦復漱

米汁攢眉固吾徒

酬鄒彥吉次韻

荆渚秋飈生泛舟梁谿渡仰睇古歡居繫榜期  
與晤所思乃君子寧不遵大路入室命歌筵神  
艷每驚鶯鎖知音賞有真歌者曲無誤旋揮不腐

毫縷叙未申素登座豈乏人當新猶念故愉眇  
進柔嘉和容漱醇醑把贈清越詞聲律準商護  
起躍足類雀喜舞翻有鷺詎知身狂馳何論節  
當赴睽離既永久年齒忽遲暮枹材君箭竹效  
用余堅瓠踵跡願隨行終恐邯鄲步

夜舒荷

神荷漢渠種其葉夜舒碧詎隨日彩傾偏受露  
華滴綠裳旣已開羅襦寧事褰何殊萼綠華四  
體橫陳夕

麥麥閣全集

卷九

九

初夏社集沈伯舍法曹同王孟博李休徵

羅伯倫鄭翰卿分得春字

朱炎甫承運丹鳥亦已臻隴麥吐秋涼清穆暢

斯辰法曹乘暇豫要結羅詞人嘉集旣已始衣

裾列方新相期載道言匪藉浮末振興文豈獨

崇處心良可論嗟哉鴈與鴻提提表人倫矧余

抱靈識而乃亡性真同盟若同氣斯義要千

春

月夜沈雨若山園紀事

五月



築圃元在城踐山不及嶺曳屐投晚涼弦月適  
懸頂雲將忽退聽纖翳敢浪騁地效諸靈奇天  
遺一僥倖全消市井煙半隴山河影金波粲一  
色晶冰結千頃石臺捧虛明玉壺宥清烟毛髮  
塗露光裳衣下秋冷直松幹上征雜樹行不整  
冥冥鳥善息沈沈鶴無警清饌詎過謀憺止有  
深領坐起任紆徐觴酌戒豪猛微辭心互投新  
論首頻肯外寂孤尚諧內湛羣安屏金精魄過  
庚銅漏夜已丙遽然就枕間萬有入溟滓

琴琴閣全集

卷九

十

小像自題三百五十字

乃公墮地來久作人間寄辛亥夏五月行年六  
十二傳神我友曾鯨也波臣字丹青素練光識  
者詫相類頰詎益三毛準還點二痣自視筋肉  
豐幸乏丰姿媚面目或不憎軀骸信爲累偶對  
相似形略述生平事少且鮮奇資老復無長計  
外若寡合容中無難測地能將心赤推能握肺  
肝示典籍恣編搜文辭浪遊戲往昔妄馳心發  
陣遠遊轡秦楚信淹留燕齊每卽次五嶽到已

三九塞歷亦四七年行始休萬變參仍備道路  
卽多艱山林庶無愧逝矣縱遐觀歸歟成遠志  
醪醴過漿家饗殮仗書肆出觀盡良朋入侍有  
便辟閨秀三少姬兒曹四童穉似續計已成聲  
色意兼途愛河老已枯欲火漸無熾悟彼幻身  
幻涉茲義海義元具大士慈竊慕曼室智慧行  
師願王顓念師勢至安肯莅人天不求補佛位  
思結九品臺普爲衆生利蔭界出明光大地霑  
法施宗乘置不談淨因導深植寶地徐徃生火

琴琴閣全集

卷九

十一

宅猛出離憑藉後因緣懺悔以好嗜百凡不覆  
藏一往聊誌記

李本石邀同諸子泛舟由新石塘經昆湖

折荷湖渚夷猶夕返

移舫冀清適背郭去迤邐止泊旣不恒遡從亦  
屢徙文波點木蘭綺隰倚芳芷就野出通川懷  
曠曠遙水石膚竟金隄谿毛旅瑤沚梁虹旋左  
穿墟煙掠東駛折度詰曲叢蕩入空明裏元氣  
漲濛濛遠勢來瀾瀾輕浪青未花早荷白先薤

君供飲筒錯綺列筵几宴以詞人佳饌干鱗  
族美羹鮮損胎鰕盤腴充叔鮪謔語任成譁觴  
醴寧論旨雖乏詭特觀自得平夷理縱覽有遠  
心逸情無近軌更想事周遊靈曜向濛汜

潘方凱墨詩 并序

往方建元製墨奇形詭象酷肖萬類余爲之  
作長句而敷陳略備旣已侈人耳目矣社友  
潘方凱力返其朴延方而長上紀歲月姓名  
一無文飾若剖石之璞蝕土之圭狀亦古矣

麥琴閣全集 卷九

三

其製法工力所云最加之意者具在本質索  
余爲賦無能文其所長僅爲古體以酬古質  
之狀聊復爾爾夫商質周文各成一代之制  
何可軒輊若返文就質不能不取乎方凱以  
從棘子成之言

潘谷有裔孫文彩炫奇色而獨屏紛華嘿守玄  
同德以其筆研餘旁搜易水則麟髓石液煙精  
心工治墨製形尚質素四方挺而直上惟誌姓  
名詭異在所抑玉堅與犀紋兼善黑逾漆彩繡

名分囊文錦復重襲磨者光欲飛藏者香不蝕  
在昔方建元肖象多異式羣類恣搜纂萬物何  
職職入室一旅陳如詣玄冥國我有取爾爲返  
古亦云力寄語禮法人伊人斯足述母令忠信  
漓繁縟或可戢

秦淮元夕行

煌煌秦淮曲青樓亘相屬華疏鳳吐煙雕檻龍  
銜燭元夜更豪奢千燈燃九華金吾恃貴媚碧  
玉慙小家秘戲陳別院珠毬雲母扇彷彿坐霞

麥琴閣全集 卷九

三

城分明開鏡殿須臾舉騰火絳樹吹花果高低  
迅爆飛聚散明星隋席綺是爛熳簪烏錯成班  
彩爭詞客管媚益姬人顏越女頻含粲楚妃遽  
忘歎歡成祇待宵樂酣詎知旦周歷小平津曲  
室更宜人期將來夕宴微豔過西鄰

湓口再與張罔思使君紀別四首

飛廬發新亭戾止越蠡澤經郵及千里遽涉二  
旬日燕飲幾太康衷委罔不悉人生非連理安  
得長爲匹此身雖永俱能無中間析俄頃成西

以迴複念今昔

其二

念昔君垂問乃在三載先衣褐趨客座勢分一  
以蠲緇衣固所好白駒繆爲賢余時秉孤尚非  
分固一千日月屢更代厥操寧易絃君子慎所  
處塲苗亦徒牽

其三

我駒翩然逝所歷越與吳締心良有真豈不鑒  
區區拾塵固不惑處疑匪所圖遠適亦安爲聊  
麥麥閣全集卷九 古  
以全其愚既傳剖符信載奔歲云徂眷然晤春  
首僕夫已戒途

其四

戒途嚮江介倉卒云載馳余意未及展出門懷  
遙追古人重離別乃要立斯須況于千里途日  
夕展心思意氣易爲感安在恩所施分手自茲  
始何以慰西悲惟千尺素間報我以寧綬

贈章晦叔

毋叔構新篇摩寫虛空鏡而不傍典墳于以事

羣軀輻員匪云廣性靈亦已竟竟陵石城間才  
彥今乃盛伯敬前而銳友夏後復勁犖犖蓬生  
麻奚待扶始正

重陽前一日同社中諸子六十人邀李本  
寧太史登雨花臺飲松風閣分韻得十  
四緝

金序行已深雨霜肅原隰理侵命菊觴秋被期  
將及四出嘯我友會以修辭立于焉奉所宗崇  
臺豫登陟列坐松韻流蹇窺雨香入聊以藉酒  
麥麥閣全集卷九 五

漿馳情理翰墨長離既來止孰不筵羽翼鴛鴦  
亦在林鳴舞眩華飾興文結陰霞有奔漿更色  
零雨散彩紋曜靈光返溢素商變淒音黃離煥  
明德苟非贊心何以成麗則

朱國華王孫集諸同社宴李本寧于青谿

水閣分韻得十藥

青谿水齋淪其上布飛閣秋碧含華棖湘紋間  
珠箔中有公族賢社以小山託嘯侶求盟首徵  
錢合醕醪慕善由秉彝聞者赴爭躍曲宴寄流

豔歌引深酌各興文燁如益媚顏沃若豈耽  
味柔嘉所冀辭震燐新聲謝麗遙玄衷尚磅礴  
人地忘崇高光塵顯通博交臂有故新投契無  
豐薄進技諭斲輪前規示成削致語同流人撫  
心在無忤

八月十七夜沈仁祖再邀諸君子海堤對  
月

皆萱茨漸萎輪桂枝猶榮坐待滄海隅忽擁金  
膏升盈魄亦微減清光尚晶瑩下可辨窮髮上

麥麥閣全集

卷九

六

焉稀列星一照萬餘里大地成空明勝場洵難  
邁良儔匪易并前矚咤遐曠中懷發清泠况乃  
洪濤舉一白難就平遙穹槩雪嶺脩堤亘水城  
苟非留連飲何以厭豪情太康冒明戒妙理終  
沈冥

頃所建出雪坡戲墨冊見示信筆成二百

八十字題其後

廣陵顧環衛世系來夏國家存鐵券文書藏金  
鐫冊別有珍重者二物比莫得鸞錦緣內箋虎

紅裝外飾云爲五世祖雪坡公戲墨傳自正統  
年辛苦幸收輯展玩一至三爲幘十有七蕭疎  
風韻飛古野天然出惟分皴染痕不落丹青色  
詎書侯家姓寧昉前人筆每於寓深意一往寫  
微臆梅竹取清真林巒足散逸有酒田間飲有  
釣水濱息犧牛不曳輪冥鴻不加弋蹈海羨乘  
槎爲農思荷笠泠然善御風去避化人域能事  
手固嫻孤尚心可測至於忿小人滿紙叢荊棘  
觀其自署言其旨已深悉憶昔讓侯封匪博高

麥麥閣全集

卷九

七

名立實乃憤斯世好爵不自繫及乎貂璫橫國  
事幾傾仄賢士成空虛匪夫任充塞匈奴侵薊  
西天王狩漠北非藉忠愍謀遂與靖康匹戮  
辱人浪遭明哲公潛戢暨乎游戲間亦具幾先  
識拜手紀斯章千秋良足述

麥麥集卷九

麥麥集卷十

東吳俞安期美長著

吳郡陸坦履常技

五言古詩四

送馬仲良五首

關市古有譏水衡煩司農簡命亦匪輕少府有  
常供肅駕君莅止行旅在無壅叶寬政濫相及  
自潤非其衷穆穆春之季蕭蕭賦奚充嘿嘿不  
一言恥與前人同苦心誰與悉人情亦夢夢

麥麥閣全集卷十

一

周暮得踐更于期幸瓜及輕身辭吳閭所攜迺  
緇帙迂道行卽遙過里樂奚極下馬拂塵衣上  
堂理觴爵叶慈親多歡愉兄弟亦旣翁拜舞申  
以辭錦文燦盈室仙馭想風馳朋從亦雲集  
憶昨初稅駕手操作者柄飈駕可立飛風斤詎  
停運恍結水晶瑩復走珠圓勁匠心有餘巧里  
耳寡凡聽雅頌諒不逾國風亦以振相彼委靡  
音管然職來競恐謂吳無人酬和一起應  
結君髮始束神契若相感尺素中見貽衷悃復

遙展入吳歲十更執手情愈腆民言夫何知  
懷亮無憾慧察旣潛照背憎亦徒纂詭隨乃何  
人交傲竊自勉歷省民勞章以謹在繾綣  
迢迢爾云邁惇惇靡所臻行者無逸轍居者有  
旋輪遠猶及辰告德隅期見珍恒機爰有覺四  
國具來親苟求長斯世寧免輔以人淑慝旣已  
析賢嚚何足憑凡百事無繫庶以慰我誠

荅項叔定

叔定握奇志洸洋紛吐論爰慕四方士深情交

麥麥閣全集卷十

二

以神望望菰蘆中恍惚若有人高篇遠寄將衷  
素何諄諄輔以六長翮緬思奮余身子明安恬  
逸平仲事縱橫少連趣新遠仲權韻琮琤曰常  
響獨雋朔少氣亦振犂彼以頡頏竊恐非其倫  
矧獨致余辭辭長中更親有言必相訓昔賢義  
所敦珍投微厥報聊以誌弗諼

和題項季興蕭然閣次韻

清謐宅西閣其址踐山石就茲樵采途剖出仙  
靈跡彩錯雲彌布燿烺天遙闢疎松惠清音雜

蒼色朗月出絃徽涼風挂中幘繁葩隱窗  
疏新藤蔓簾隙奉身就近怡游目信遠歷獨居  
蕭然宜賓主驟爾適尊醕一以開酒緡詎知惜  
豈惟俠者從况有幽人值林鳥戲銜衣野翁互  
爭席何心固守玄未暇論堅白覆盞煙葉青擁  
劒土花碧日夕封醉鄉容我逃禪客

紀哀詩二十三首 有序

余得交寓內詞流亦既多矣庚戌之歲於金  
陵驚峯寺建無遮道場三月始畢其薦詞場

琴琴閣全集 卷十 三

交友無論親疏自束髮久要與夫片時把臂  
卽談說藝文有合有不合者總一百七十有  
奇中未識面而先通音問欲託下交者唯邢  
子愿一人與焉五年以來續薦於瑜伽道場  
又幾二十人余老矣四方迢遞所最親厚者  
無能一一束帛以赴第於道場中爲位以哭  
設饌而祭以爲常至情誼兼篤有槩於中復  
賦紀哀詩人各一章以卒期先後爲次第其  
先有哀輓專及不與也

莫廷韓 名雲卿華亭人以明經選貢  
試第一人善畫工書能弈捷于

詩年 十

屈身就儒服負氣凌俠徒衆藝能備精連章可  
立須博古集尤物搜逸存異書遺笥有深蓄散  
者非貌孤

胡原荆 名孝無錫人乙丑進士御史建

琴琴閣全集 卷十 四

劉長欽 名紹恤安陸人以戊辰進士始  
領長欽 名紹恤安陸人以戊辰進士始  
領長欽 名紹恤安陸人以戊辰進士始

秉節安南荒執法佐廷尉始仕考中下終焉乏  
高第乞身事田園樹標正文藝聲畢經世謀微  
振詞人氣

葉茂長 名之芳無錫人布衣負氣酒後

酒昔所見往往及僖父興來鑄暢詞醉後出

莊語茲焉與宴遊憶爾起酸楚席上有不平誰  
爲氣一吐

趙汝師

名用賢常熟人辛未進士編修  
建言後官至吏部侍郎年五十

卒

朱貞吉

名多姪豫章王孫工詩多藝嘗  
出遊自稱來相如年五十

卒

麥麥閣全集

卷十

五

王門遊分黨而君性無競耽詩愛風神嗜遊變  
名姓仁矣既無年和者誰稱聖濟美幸有人詞  
場復能振

孫齊之

名七政常熟人諸生不遇一子  
一孫成孝廉皆不及見年六十

卒

家託虞仲里生具屯骨相微辭多清婉靈襟抱  
幽曠生難合衆趨死乃尊孤尚貽厥匪不佳古  
風安可忘

胡元瑞

名應麟蘭谿人孝廉爲鄉賢胡  
公直子以博洽聞所著評騭古

今者甚富年五  
十五卒甲辰

名德有令子賢書若冥報博洽匪倖居家吟寡  
甲調百家評最詳一綫孤猶少遺書藏若何應  
長蠹魚傲

朱宗良

名多憤豫章王孫余遊豫章曾  
主其家有同遊倡和詩年六十

卒

公族接多賢懿範君修飭每懷宗國憂復鼓騷  
人力朱戶思再登黃壚遽相隔池館忍重遊恐  
下雍門泣

麥麥閣全集

卷十

六

馮開之

名夢禎秀水人丁丑進士官至  
司成代陸冢宰護法年五十七

卒乙巳

落落朗慧士悄悄真素襟詞林標旣獨義海涉  
亦深慈德有崇託法侶亡夙欽門風日以墮金  
湯誰復任

喻邦相

名均豫章人戊辰進士雲間守  
擢天津兵備年六十

卒乙巳

分符長雲間傾心下草莽吏牘縱矜疑詩篇振  
鴻爽廉貧家所遺清白世能享諸子傷哉賢斯  
文有嗣響

方子及

名沈莆田人以戊辰進士初守全州歷戶部郎出督滇寧被諫

起守寧州進僉憲年六十一卒丙午

宗乘既頴依言功冀並立文辭扶高深宦轍周南北浮沈三十年始終五品秩悲哉未竟心二子寄可必

倪功父

名民悅上元人文懿文禧兩尚書後為蘄水令任俠而貧年八十卒

兩世八座後家風庶未頽腰章誦能令手射獵盜魁所居貧稍廢其名死不埋延世有衣冠國

廖參閣全集

卷十

七

恩良可哀

馬元赤

名電上元人布衣隱于商能詩善書畫廉十一老而居貧年六十九卒

庚戌

商隱習艫艘酒德勝杯斝篇詩出清恬容止具安雅生倚乞畫人死有負薪者痛無彌天力遺孤庇廣廈

安茂卿

名紹芳無錫人以諸生註誤再遊北雍文既中式偶犯時禁遂

落事天老長生術年六十一卒戊申

純白朗內曜簡暢成名流聲詩有獨契經術亦

第優專志晚不衰公車將見收靈藥竟成諫生胡浪求

孫以德

名繼皋無錫人甲戌殿試第一官吏部侍郎年六十卒己酉

工文亦以售詞林幟標獨歸旣憂時艱晚復悼家督致身已亨途傷生乃貧感山林有秉政忍令在空谷

丁元父

名應泰江夏人癸未進士令休寧刑科給事中謫起兵部主事

監東征軍彈事盡暴東事回籍年六十三卒庚戌與余有兄弟盟

吾兄抱壯懷籠蓋合太虛再出監戎伍直道易

廖參閣全集

卷十

八

見疎昂藏軀遂頽幽憤氣莫舒遺業冀後人繼述將何如

郭美命

名正城江夏人癸未進士官至禮部侍郎年六十三卒辛亥

哲尊養攸素生民望爰立玄同詮道宗黃離秉明德何樂帝所還乃為司衡恤芸芸推戴人舉袂從掩泣

張大來

名應泰涇縣人乙未進士擢吉安太守赴郡行及廣陵舟中傷

足年六十卒壬子

簡易有深東峻潔寡遺行吐辭若微訥運管何



奇迅楊州偶失足柳車遂扶欄西昌念舊恩  
及廬陵郡

陸無從名彌江都人以明經歲貢不赴廷試著述老于家有正始堂集

年八十六  
卒癸丑

三朝老詞宗孤起大江北年逾耄耋間著作猶  
清密高標立脩名正始存遺則廣陵絕斯人國  
中何以式

陳從訓名永年丹徒人遊國雍負經濟善法書年六十三卒癸丑

乃文學徒復志經濟事竊負臥龍資微薄雕

寥寥閣全集卷十 九

蟲伎所費一不諧厥抱竟何試但見龍蛇書流

布飛揚勢

周本音名叔宗吳江人工漢古詩不喜唐律兼善晉人書法請乞者填

月年六十  
卒癸丑

平生事耿介通人每懷伎浮響恥輕裁沈機重  
深詣漢風詩既諧晉法書已備所恤乞書人經  
門倍流涕

王宇泰名肯堂金壇人庚辰進士官翰林精心內典數有詮注年六十

癸丑

婚嫁有誓宅未捨何爲身先化獨有經論詮流  
傳遍夷夏

汪仲嘉名道會歙縣人少隸國雍凡客新都藉爲地主游揚之年六十

七卒  
甲寅

慈和斯世諧幾先寔明哲立言尚清旨奉身事  
整潔謚惠誠不誣尊生何早訣遊士競含悲相  
戒天都轍

柳陳父名應芳南通州人布衣移家金陵無子年六十六卒甲寅

寥寥閣全集卷十 十

鉛槧海濱士言議每諧俗少多燕市遊晚有金

陵卜王門小山社稱長咸所服似續竟何人新

詩衆尸祝

題曹能始山園石君亭因結石君社

山園石參差羅列成禁籞一石起端嚴儼如立

當宁二石左右之又若成夾輔丈人失其尊玉

女失其嫵上垂蘿蔓青旁蝕苔花古主人結幽

亭相去不一武社約此中懸社名亦由取席從

野老爭飲許詞人赴文章華國珍千秋落草莽

何以得石君際茲右文主

鄭維寧席上賦得欲辨已忘言分七陽韻  
瑤席旅縱廣瓊羞溢圓方四座疇亂聽三婦皆  
登堂賦家亦麗則歌音復飄颻柔嘉甘折俎清  
旨美饋漿衆妍畢繁會屢舞交徊翔綺藉錯履  
舄清曲驕笙簧爲樂恐不極搆會寧論荒歡心  
獨有契妙理誰能詳欲辨付冥會忘言歸醉鄉  
寄謝踴行子君徒有否臧

荅劉長孫

參寥閣全集

卷十

七

遠緒寄世勲中乃興文藝而翁武庫雄之子詞  
場帥家學寧不因冥衷有獨詣探深獲真賞懷  
竒思特試堯鰲寧所歆聊以舒猛氣企予邁遠  
途微辭示真契顧彼方寸翰奚嬰萬里志有孚  
交以神所媿稱慕義豈以見同人獵心喜逾熾  
酬葉少師雨中見貽之作

霖雨發洑流勢若建瓴往高阜出浮丘平陸槩  
渺茫輒有堯年憂奚暇惠莊賞何計止蘆灰不  
成堙息壤會合容有時離析寧不想漏天補有

期庶無作俯仰

武夷冲佑觀佑年宮在幔亭峯下有漢祀  
亭

弭楫九曲口進侵萬年宮紺殿夏上千朱廡脩  
且弘靈雷衛崇基絳霄抗雕甍錯趾入金碧額  
心禮旂幢陟降導黃冠遭迴挾青童漢祀典旣  
湮魏王居亦空中冠天柱石後展幔亭峰昔聞  
秦太姥張幔宴僊翁下接諸曾孫蟻行上飛虹  
綵屋展霞褥環回坐從容歆核棄不存亭幔飄

參寥閣全集

卷十

七

無蹤爰懷羣僊會願列曾孫中

泛舟始進一曲奇峰怪石森列四出回望  
天柱石云上有天池每朝遣使投金龍  
玉簡魏王子騫謫籍居此控鶴真人銓  
叙地僊處

晨興命篙師溯流泛清汜鷁首轉石湍九曲茲  
其始峯巒縱異姿崖壁夾重詭參錯駭愕形萬  
狀不相似林林從孤舟紛紛列兩涘回眺天柱  
石端立若冠峙其上亦宏奧云有天池水易代

投玉簡遣使歷千禩子騫謫居時仙客咸來  
晉代八真人異姓四女子謫籍周有期上昇具  
由此控鶴彼何人曾否來主理余亦行地僊銓  
叙欲何以

再進二曲玉女峰亭亭特立妝鏡翰墨石  
分列左右

載命舉邁棹尺咫進匪易賈力衝前瀨曲流已  
及次亭亭玉女峰特立無相比堯鑒亦近立拱  
揖若趨避雲霞被若衣蔦蘿下垂髮妝鏡宛在  
麥麥閣全集 卷十 三  
前異草點絳翠磊磊石擁從高低列巾笥仰有  
侍帝情煩無惑人媚縮想彤管英煙書習文字  
所以翰墨石五色列左次

再進三曲有僊船巖巖卽小藏峰峭壁半  
崖間一穴高瞰有二小船架于橫木上  
繫纜仙船巖三曲漸已及胡云二仙艇中壁懸  
石隙歲月固不知神化亦奚測更無堯年潦安  
得逮茲息豈墜絳渚間天路將安適或由巨靈  
掌攜之化人國莫謂藏壑牢夜半負有力願借

極迷津衆人免沈溺

再進四曲有仙機巖巖在小藏峰之背峭  
壁竅開一洞內有木縱橫謂仙女機杼  
再進四曲間仙機在巖戶中窺木縱衡遺杼存  
織女珍材豈由今神斧來自古天錦想已成機  
絲亦無緒未離巾幘間安能辭織組日夕匪以  
勤帝袞何由補

五曲由仙掌峰東峪登天遊觀午飯歷嘯  
臺而下

麥麥閣全集 卷十

古

再泊五曲浹改陸事登陟乍捫仙掌峰屢覓樵  
徑出羽衣四五人邀我雲中術旣越集靈宮復  
入棲真室飽以青飢飯漱以碧琳液廚煙晝罷  
炊峯日午欲及遽盡仙益酒遂倚嘯臺石氣舒  
咽然響心愜超然適下坂勢若飛風袂成兩翼  
天遊觀前軒眺接筍峰如筍直立相並當  
前險絕難上有二道人修真其上已三  
四十年

仙宮垂南榮游日可延眺高懸接筍峰相對直

且峭有如二龍孫雙出爰相肖懸度屢回復循  
徑獲高蹈梯險復接絙其巔亦可到叢生儼金  
光紛披盡蘿藦上有二老翁同棲慕仙道聞自  
築室居壯年已及耄雖接化人居徒得仁者樂  
悠悠耽幽寂或未聞要妙麗陽旣已逝可蒙上  
帝召輕身未有訣兀坐無乃謬

六曲至七曲環眺城高山山及半結梯而

上上望僧居樓閣若華藏界中

六曲迤七曲環矚城高山中嶺立危梯始臨法

琴琴閣全集

卷十

五

雲端上有寬平地七寶布其間金銀結樓閣行  
樹皆旃檀宛爾華藏界重重悉莊嚴頓生歡喜  
心佇立獨仰瞻安得諸仙衆回向侍華鬢棄彼  
有爲法庶無生滅患

再進八曲抵鼓樓巖左有白雲巖又名靈

峯旁有一穴外隘中敞內藏仙蛻數面

又至百花莊灘漸高水漸涸繫舟絕壁

梯而紀安期回舟處而返

賈力溯八曲巖巒復如鼓鼓樓冠崇墉鼓子峰

且陡靈峰穴旣深仙蛻藏已久尸解千年來形  
骸曾未朽洵知軀殼間尚有餘氣守此道云荒  
誕蛻骨尙從有迺信十三仙相傳非盡不奮身  
更欲前銳往盡其九灘竭不得行繫榜且運肘  
紀名迴舟處從流復下走未盡窮源心綢繆尚  
回首

遊麻姑仙壇三十韻

有叙

麻姑仙壇事見唐開元中撫州刺史顏魯公  
記中仙壇唐舊屬撫明分撫南境地置建昌

琴琴閣全集

卷十

六

府附郭爲南城今其山屬南城云去府西十  
五里至山麓仰望二瀑相次而下上攀十餘  
里始窮上瀑過龍門關稍下至平陸有泉側  
出爲麻姑泉泉渟泓處大僅如五石盃汲之  
不竭味類玉乳釀酒名天下顧去郡二十五  
里且在天半嶠屹之上誰能凌險阻而致之  
今衆家所釀每傷醲易麝無縹碧色非泉以  
也又循北麓阿曲處爲麻姑壇卽其壇爲殿  
左有長松鬱起直干雲日二人抱之不能合

其石爲羽士之室數楹且以宿遊者其前平  
疇千畝廣深十數里平衍若一卽時屬蘊隆  
秋霜收潦而溝澮膏液津津溢出其居民接  
處隈隩耕鑿自食嘻嘻于不知世外有城  
府也卽城府還望峰巒雜沓中又安知土地  
開曠人民列居女男婚嫁老少作息有如是  
乎昔晉太康中所覩武陵秦人之洞亦頗相  
似余嘗踰武陵泝五谿訪桃花源之境硯確  
湫溢殊無曠衍之觀較之此地原隰之廣自

琴琴閣全集

卷十

七

成幅幘雲物之異別作天壤又高懸在萬仞  
之上津流與絳渚相隣樹木與白榆參立阡  
陌交通擔負雜遝高平爽塏難與竝論矣萬  
曆丙辰仲秋郡人鄧遠遊邀登其上各賦詩  
紀其境土之異并寄卜築之思焉

命駕越西牧云訪麻姑仙停輿戾山趾懸瀑垂  
中天仰高躡屐屐屐險經百盤旣窮上瀑水復  
躋龍門關石罅滲暗流出地成名泉遙歷紫碧  
阿高叩青琳壇古松挺鱗甲上枝巢鷓鴣珍何

鬱陰映琪草被芊綿天半出廣衍霞表開幅幘  
油油盛禾黍無廣原田曠旱日杲杲溝洫流  
濺濺似接青瑤流分之絳渚埭阡陌互通術隈  
隩皆人煙黔首耕隴上穉齒戲樹端翁嫗對白  
首相攜坐朝瞰雞犬連里巷牛羊散山樊岐路  
各有往咸若經天門魯公往刺郡書記遺石間  
云有麻姑女曾茲著厥靈下降蔡經室翩然止  
雲輶被以赤霜服盤以玄雲鬟令顏晞沃若脩  
爪露其纖主家想搔背神人怒施鞭貌類十八

琴琴閣全集

卷十

八

九歲歷幾百千觀其所陳叙屢閱滄桑前海水  
三揚塵安知浩劫年有唐逮今茲山川無變遷  
時事屢遞代仙境尚宛然上征路已近帝座手  
易攀卜築嗣輕舉庶以諧我心

琴琴閣全集

卷十

參集卷十一

東吳俞安期美長著

吳郡姚宗典文初校

七言古詩一

劉俠君歌

劉生自昔稱節俠騎來紫騮驕蹀躞長從醉後  
披肝腸不解人前事眉睫當場六博不成是繞  
牀大叫聲何豪衣裝脫盡拚一擲赤身留得并  
州刀并州刀汝何爲報恩都市還相隨七天但

麥麥閣全集

卷十一

一

今有死地八口那顧無晨炊昔年訪君入君室  
寒涼何處堪行乞不有青山日在門幾令四壁  
無餘物劉生劉生爾勿憂由來俠骨多封侯  
鷄典得錢千百與爾且醉胡姬樓

逢朱德甫孝廉談舊事戲贈

雙丸月黑光如帶一言借客輕於蛇不分身隨  
博陸門由來家住投金瀨何處逢君遊俠場  
門楊柳煙蒼蒼劉郎舊事如相問碧海曾窺半  
面妝

九日篇

雨集流波閣  
賦得陽字

日月應九數並陽江南賦客期相將徵錢飾具  
登高岡出門風雨天混茫衝泥寶馬惜錦裝迴  
鞭北里遊俠場楊家華館文杏梁綺窗綠璫映  
壁璫葳蕤珠網垂長廊赤綈衣壁流蕙香教坊  
樂部陳兩廂瑤箏絳瑟銀鏤牀黃金薄鏤綴笙  
簧紫玉雙捧飛鳳凰曲筵中列雕屏張六么遞  
進具有章珍肴重錯充圓方江鱗之腴雲鴈肪  
雙姬作意呈新妝羅衫杏子紅颺颺香纓麝帶

麥麥閣全集

卷十一

二

桂兩旁璇英碧葢爭焜煌粲如日下薜華芳翩  
如風外驚鴻翔翻身合舞交鴛鴦大小垂手徐  
分行變聲緩唱夜度娘菊花酒進葡萄漿人人  
繫臂垂絳囊辟邪更插茱萸房迴旋博塞騰華  
觴衆音繁會聲鏘鏘喧呼四座分踉蹌遺鈿落  
帽忽滿堂盤龍銜燭朱火揚寒烏驚啼夜未央  
攬衣起步多慨慷紅顏易徂心且長春華豈受  
秋雨霜庭前芳樹日就黃曜靈一匿無迴光來  
短長詎可量此時不醉徒彷徨請君安坐且

分詠金陵古蹟得征虜亭

石頭城畔孤亭荒綠波春草煙蒼蒼小隊曾來  
謝征虜孤舟亦泊殷東陽悲管哀箏玉壺酒車  
騎相摩此奔走箇是南朝送別場折攀未盡枯  
楊柳

永嘉項季與推宅讓余飄然南歸歌以送之

東海翩翩項季子祖爲名宦父名士移家千里  
麥麥閣全集卷十一 三  
出吳都壯遊買宅金陵市金陵市上結客多酒  
杯在手高放歌圍棋六博賭身命北縛單于南  
尉陀見余跣跣繆相許醉時大叫醒微語汝牽  
我袂若弟兄我持汝袖成心膂兩人交道私自  
憐世間金石無此堅念我無兒覓小婦卜居尚  
少邨家錢掉頭便返故鄉國飄然脫贈城隅宅  
鴈山東畔海嶠西義聲復有蚪髯客

遠遊歌送鄔汝翼

黃皇不可作舜禹多懷憂茫茫三代後濁世安

龍留弘農竟死石頭下藏吏早過函關頭酌酒  
語君君不醉作歌送君君遠遊君遠遊今訪大  
藥天畔雲中恣寥廓赤水身探罔象珠丹陵手  
啓璇房鑰瞥眼九州握圖五嶽方壺增城往返  
間南出明都北幽朔問君何爲遠遊君水中碧  
蓋玉中漿問君何爲遠遊駕長烟五色輕鴻下  
有時奄忽萬里還有時累月留名山薜衣今蕙  
帶霞屋今雲關樹三花今芝九幹鳥青青今麟  
斑斑羣居采秀白石上獨行放戲蒼崕間美君  
麥麥閣全集卷十一 四

此遊亦非偶塵緣歷盡方回首俠遊每落少年  
場功名曾擬夔龍後眼前倏爾悟空花肘下從  
他出楊柳今日送君還約君我住張公洞門口  
短歌送沈孺休還雲間曹仲行還梁谿時

余亦將歸陽羨

北風吹秋霜木葉千林赤城北與城南同作金  
陵客太瘦相逢沈隱侯遊揚曾自識曹丘蝦蟆  
陵下一片土聞君醉殺胡姬樓起來出門日未  
晏兩行分作南飛鴈秋風不到平原村寒流且

黃公澗張帆我亦去名都采藥尋真下五湖  
君來倘問移家處釐墨峰前挂一壺

石頭城下送吳翁晉下第還孝豐率成短

歌

棠梨葉赤楊葉黃驚風刺刺吹朝霜秋江不受  
白日照浮雲亂走天蒼茫江邊慘淡東歸客長  
雲高挂三山席碧浪遙經接郡湖黑湍莫犯潛  
妖宅葡萄紫液滿玉壺高歌送者皆酒徒重呼  
六博賭時命傾盆色色成臬盧勸君痛飲澆魂  
麥麥閣全集卷十一 五

東遊歌醉示盛行甫

行甫生平韋布交一貧到骨居蓬茅飲汝之酒  
唱汝肴原嘗差得汝解嘲城雲垂垂白滿戶醒  
時狂歌醉時舞醉後肝腸復不留東遊之歌爲  
汝吐今年豈料年再荒結廬山野思深藏盡力  
支吾日貸粟傾家典質寒無裳老親逼迫出門

走西風驅人兩空手百里候糧裹尚艱千錢顧  
直囊何有道逢虞仲子云汎雲間樵口裏千  
紫萼菜眼中九片青蓮花此時忽然喜動色一  
躍相隨兩相得脫我空裝攬我衣損渠斗酒分  
渠食逆衝飛雨行路難經旬始泊黃浦灘時時  
斷纜迸潮汐夜夜短枕欹風湍登岸皇皇覓地  
主把臂何人相勞苦僦居喧卑朝復昏井水欲  
凍炊不溫賃舂好借誰家廬賣書聊得供餐餐  
憶昨出門初八月將臨九自今羈旅來侵尋孟

麥麥閣全集卷十一

六

冬後落魄難逢俠士金流涎漫想胡姬酒羞將  
敝刺投新交但賦哀詞哭亡友逆旅主人猶可  
嗤冷眼視客相對稀豈關此輩輕遊道只是先  
生杜德機

喻使君衙齋梅花十月盛開招同王承甫

諸君賞之輒爲短歌

江南之梅開故早往往臘後還春前瑤華掩映  
待雪色珠蓋參錯臨冰天今年十月霜始下雲  
間太守開衙舍誰知花事在蕭辰却接詞人讌



清夜月中忽見開庭梅陸離花影當尊壘翦綴  
驚從漢殿出折攀幻却羅浮來新萼紛紛屑寒  
玉舊葉猶懸千片綠檐下將催宮女妝箇中欲  
聽羌人曲是時微陽猶未歸菊後那復花芳菲  
豈有窮陰見春信胡爲殺候看生機不見今年  
救荒政太守能操化工柄雪禱平迴田野枯轉  
移生奪黔黎命黍谷不待鄒律吹雲間四候春  
能私非關偏地力偶爾移天時故向冬前吐春  
色天心特表循良跡古今異事好並傳十月梅  
蓼蓼閣全集卷十一 七

花兩岐麥

岱宗行贈馮咸父時將北上

五嶽諸山長泰岱稱其宗生人紛紛總司籍帝  
王往往皆登封封禪之家七十二金策依微猶  
可記石檢深藏玉牒書紫雲尚護豐碑字千里  
青青齊魯同下盤地戶高盤空天關一門松樹  
上峰頭三觀蓮花中聞君昔振中峰屐身出羣  
山高七尺濯手攀翻玉女盆晞髮馮陵丈人石  
瞥眼分明小九州俯身滄海如杯浮扶桑夜挂

陽鳥影白榆日灌銀河流又聞 國家備符  
考功已識天人意王者今逢受命期山祇久待  
升中事向來秘策曾手探禪儀封草君能詣此  
去應趨太史列尋常莫自留周南

感知篇爲沈孺休賦

伐木久廢友道絕曹沈之交那復爾無乃汝輩  
三代前死後重扶古人起沈郎自云始且貧突  
撥蓬蒿去鄉里寒曳西河子夏衣雪行東郭先  
生履曹君兄弟見卽憐上賓延入高堂裏換來

蓼蓼閣全集卷十一

八

冠服眩春雲拭後塵顏照清泚行傭豈待吳門  
春傳賦頻抄洛陽紙買田近傍采花涇置宅深  
依垂柳市三人不暫遣參商一家何自呼庚癸

王伯固云  
突出奇語

能有交知久失羣龍君遠戍潘郎死周郎方郎  
雖宦遊滇蜀俱縣萬餘里邠家誰念隱士居東  
方難索長安米耕田水旱筋力疲采山風日形  
容毀蒼茫驟聽感知言淚射青天瀑秋水

王伯固云

千古絕唱

過陳玉叔廷尉留飲談詩率成短歌

鍾山滿落官舍清野夫叩門非世情倒屣何熱  
鴈門守開尊旋醉糟丘生看君談詩貴清致秀  
色欲餐聲不墜美人奚必施豔妝驍將應須選  
精騎余聞此語起自嗟長風欲散春空霞貳師  
飛突陰山虜越姬走浣青谿紗吁嗟乎淮陰月  
兵多益善無乃斯言偶雄辯三公世婦覲後宮  
縣璫鳴珮徒玲瓏東南爭倚君立幟野夫卷衣  
歸山中

麥麥閣全集卷十一

九

惆悵吟寄周國雍

國雍居南吏部援余稱石交辛巳夏余將入  
楚便道訪國雍比至金陵而國雍業領蜀郡  
前數日西發矣追晤不及作惆悵吟寄之  
我有所思周國雍幾月別離心獨苦手策余來  
東柵塘腰章君出新林浦新林浦上東風多柳  
人傳說去關河梅根渚北前夜發散花洲畔今  
朝過聞此茫然立惆悵西日無輝兩相向弱羽  
那能卽奮揚狂心只自紛飄蕩憶昔同遊競綵

天箋捲出雲飛濤自謂文章近典誥直將歌

詠兼風騷月明並卧清涼石花開共踏長干陌  
曾攀星象天闕門或題日月霞山壁只今出守  
向蠶叢千盤鳥道懸高穹蜀西天地一斷絕江  
東雲樹孤青蔥惆悵吟涕交雪千行落背痕難  
滅寄將一掬向君前碧華點點萋弘血

龍公席上醉歸明日病酒戲簡短歌

生平嗜酒不得飽昨夜官厨醉欲倒雙眼模糊  
扶出門踉蹌遠走城邊道夾道高低花木分柯

麥麥閣全集卷十一

十

山還卧牀頭雲客來日晏呼不起酒香衾簾紛  
氤氳昔年君病曾止酒酒星幾墮采石口忽予  
禹步禳青天奪還君命君知否我今潦倒不可  
支五斗解醒君勿遲不然埋向赤壁土或有遊  
人酌酒時

齊民行寄上別駕陶公

會稽陶懋中以省郎謫宦毘陵視篆陽羨數  
物色予于漁樵牧豎中會予遠適湖湘未獲  
躬承下士之禮聞而感之賦此寄上

長星亘天白如練，具區水嘯沈吳甸。地災天變苦驚心，僻壤移家住陽羨。杏花村口花濛濛，僦居竄入喧卑中。伯鸞賃舂就無下，君公避世來墻東。是時蹤跡差近市，市中誰識亢倉子。眩世寧爲有道容，向人自謂無名氏。大都交結在樵漁，小有生涯落山水。出處惟諧木石心，聲稱不墮公卿耳。別駕陶公安，所聞問予數。向漁樵羣致辭，近托兩谿水。傳聲遠破千山雲，誰道辭吳却行楚。狼藉煙霞適無主，拏舟已入武陵津。抱

麥寥閣全集

卷十一

七

甕空留漢陰，圃古來下士。或有人物色，那解加齊民。南州一榻久寥寂，陳蕃無乃君前身。

吳明卿先生宅觀雪山冰井歌

君不見雪山遠峙竺乾國，六月長飛沍寒色。又不見冰城列作仙人居，玲瓏清映如方諸。仙居佛國饒奇事，二者曾稱最靈異。胡爲飛向君家堂，雪山冰井置兩旁。西城分明入南紀，玄冥何自徙炎方。我來暑天日復午，臨山傍井頻摩撫。微風欲射千片流，朔氣平吹六花舞。天時變幻

亦須臾，纖絛不耐清寒驅。向君捋得添衣坐，外炎蒸尚畏途。

神鴉行

甘將軍廟富池口，廟前羣鴉何太馴。商舩經過浪索食，撲刺雙翅飛近人。上投餅餌或片臠，高拏低攫捷若神。競言此鴉莫彈射，將軍精靈所變化中之不斃，亦不傷風波。恐使神明咤吁嗟，乎將軍氣槩籠古今。強吳捍魏人所欽，精靈縱化亦貌虎安得瑣瑣爲微禽。王伯固云神鴉神

麥寥閣全集

卷十一

七

鴉汝曹憑藉將軍力，不加彈射還投食。何殊僕隸在權門，安然請索無不得。

蒼蒼閣歌爲王行父賦

王郎白眼厭城郭，青眼留將向寥廓。橫江館側赤壁南，百尺巍然起高閣。八窓豁達天中央，波間日影翻雕梁。亂峯西來水東走，千里映發俱蒼蒼。左眺武昌右夏口，楚甸座中吞十九。樊山青翠撲人眉，鄂渚風帆拂其肘。王郎居此何所爲，著書不遺時人知。日邀仙客飯白石，夜令太

乙然青藜書成便作藏書室玉笈深函蟲鳥跡  
好聽他年絲竹聲嘈嘈似出尼丘壁

短歌送周子中之金陵兼簡吳瑞穀

通籍金閨年且少何人遽肯輕華要或思畫省  
握蘭香多求紫殿宣麻詔周郎宦情非世情自  
乞冷局仍留京但無塵事溷掌故敢薄月俸分  
諸生看君虎頭復猿臂似非老生不解事那甘  
齋舍坐青氍僅向詞壇稱赤幟吁嗟此意吾獨  
知卑棲豈是徒爾爲練成萬事待揮霍養就七  
芻芻閣全集卷十一 古

大饒行贈汝順

六饒眉目美且清軀體似是孱書生胡爲手握  
五寸管雄心猛氣飛縱橫遣辭直欲祖西漢鋪  
張五色卿雲爛文星陋劉勰書哀曲寧爲楚  
妃歎龍門司馬差可斟酌居其間師心

肯落屈宋下取材直遡黃虞還有人如此生不  
易一生未了諸生事郡中尚自無辟書輦下虛  
勞問名字王郎宅裏相見來汝與小饒俱異才  
一雙神劍暫埋沒那愁此物無風雷

懸壺歌夏門逢任別駕作

黃鶴南頭沽酒陌夏門西畔懸壺客杖屨青飛  
五嶽霞齒牙白漱千江石壺中窺測可所藏金  
書數卷多禁方外訣親傳僦貸季內經夢授軒  
轅皇更有刀圭賣人藥時或探携入城郭青錢

芻芻閣全集卷十一 古

僅取償酒家白骨平教起溝壑壺邊長供貝葉  
經晨緇夕誦還繞行自說參方藥王室曾令問  
疾維摩城乞藥紛紛滿其側改服向人人不識  
只疑醫緩來西秦或道長桑走南國乃我故人  
我識君相逢大笑喧人羣牽衣浪踏市心月翻  
身欲跳壺中雲市人持問君姓字我謂任公少  
爲吏此非滇海老波臣即汝郢都舊從事

短歌贈王勁之

見汝七歲八歲時應聲屬對何神奇是時料汝

身名事總角青雲殊易重來汝垂二十強姓  
名猶落諸生行魚服倉皇失波浪龍媒局促牽  
車箱豈汝才高薄瑣細遊心不入千時計疎視  
偏能望古人攢眉不耐逢當世人言汝亦遊酒  
徒清狂坐上長酣呼眼底模糊小天地胸中八  
九吞江湖江湖踽踽獨醒客勸汝休通醉鄉籍  
負俠母貽汝父憂有才莫遣他人惜汝不見楊  
修有才不善持忌端爲言如石之不可磨  
有才亦太露禍機因作鸚鵡賦古來高才厄事  
多汝守太素奈汝何

麥參閣全集

卷十一

五

和屠長卿弄臣篇贈詹淑正

有序

往見長卿賦得弄臣篇贈淑正逸句雋辭淋  
漓滿楮遊戲中不失矩矱心竊豔之近讀王  
伯固屬和之什誠未辨青藍余不勝技癢亦  
踵韻和之蓋長卿以文爲戲余與伯固感情  
生于文耳

天帝大笑電飛走青天遠裂摧星斗弄臣走避  
天都峰犀兕驚啼豹羣吼掌書之仙亦帝臣夜

來失事遭帝嗔謫爲郎官入蘭省攫君萬里  
安塵夷門執轡有公子漸離擊筑無傍人連臂  
踏胡燕市土市中側目勢如虎顛狂濡髮壁上  
書意氣提刀酒間舞戲出東方帝轉頭迎還劇  
孟軍安堵刺眼有俗物回首無英雄醒來歡譔  
醉後舞水嬉紫海山空同手搏兩丸劒口吐雙  
飛虹談王說霸意自快揮金辭壁裝俱空爲語  
漢天子勿臣河上公玩世聊居衆人裏倦遊還  
躡層霄中昔余曾賜天門履逸氣與君雙栩栩  
麥參閣全集

卷十一

六

別來應是幾千年碧海揚塵三見汝

雷雪行

紀丁元父事也

壬辰新年人日後迅雷轟轟電飛走同雲震燁  
天欲崩雪片吹來大如手誰其司令殊周章雷  
雪那得相遭當是時異變豈無爲黃門議罷丁  
侍郎侍郎昔爲海陽令侵年奪得蒼生命巫馬  
差同單父勞魯恭不忝中牟政輕裝去縣不滿  
肩鄂城斗室如磬懸去年買山葬慈母券書借  
得西家錢人云海陽錢窟耳有吏清貧直如此

良數自登薦書橫議何來挂人齒寄言堂事  
諸老成烏黔鵠白殊分明思遺禎符應期至莫  
令災眚隨時生由來春前送飛雪寧藉豐隆與  
列缺六月飛霜事亦同天地陰陽好調燮

貧吏行贈王伯固

時將候  
調北上

王郎昔爲太湖令廉貧不數萊蕪賢人稱廉者  
但飲水君如飲水還投錢世途萬事來颯沓繁  
費何能免酬接凋敝那徵邑子金枝梧却賣先  
人業更逢突豕起邑傍官兵往往稱國殤萬戶

麥寥閣全集

卷十一

七

奔亡實造次諸屯討叛殊蒼黃列校材官遠調  
集供需萬竈誅求急時平事往罪轉移臺史彈  
章妄相及赤身納印歸楚都道邊鬼物紛擲榆  
藝林都空陶氏產種魚盡廢朱公湖晨昏瓶甕  
耻無粒牛衣相對妻孥泣不是殘書接棟高四  
壁蕭蕭只徒立况兼夙逋滿故鄉門前索者真  
雁行耳傍交謫寧解顧糲糊仰視天荒荒有時  
墜戶日屏息把卷屬辭祛偏側中郎之文續八  
惟箕子之儔衍六極嗟哉貧吏固可悲生花五

可握者誰苦行雖遭長官忌雄篇賴有時人知  
姓名縱說居人下調去仍教領民社勸君但受  
賣文錢廉吏依然可爲也

聽呂生彈琴歌

鄂城城南花木平喧妍春夜人無聲江干湘靈  
罷鼓瑟漢臯遊女停鳴箏哀鳥不語月高上緒  
風微吹隔珠網呂生坐撫朱絃繩死後孤桐發  
清響初疑啾啾青鳳啼又如隱隱鳴天雞陡然  
振迅切流徵空林急雨來淒淒苦調哀音忽中

麥寥閣全集

卷十一

六

亂南客思歸楚妃歎離鸞欲舞下雲霄別鶴將  
飛起江漢再調暢引聲未闌洞庭淥水楊微瀾  
積雪分明滿秋竹歸風髣髴吹幽蘭五音參錯  
屢更曲俄頃風雲變涼燠庭前白鵠翔且鳴波  
面遊魚聽以目是時四座氣轉清聞之若安還  
若驚胸中覺我蕩塵穢指上信爾通神明師襄  
已往師曹死匏巴雍門那復起廣陵絕調久不  
傳眼中妙技惟吾子昭文之後有昭涼或可相  
隨鴈行耳

卷十一終

麥麥集卷十二

東吳俞安期羨長著

吳郡徐 波元嘆校

七言古詩二

甫柏行爲李本寧太史作

太史庭前蒼柏樹  
直不欹斜裹蛟皮  
皺復裂墜穹若蓋  
新發枝壘塊如瘤  
舊存節曲根瞥見  
青羊眠密葉時容  
麝香齧陰綴苔花  
斑駁開歲添蘿蔓  
紛糾結赤峰  
麥麥閣全集卷十二 一  
晴挂衡嶽雲朔氣  
寒吹黑山雪問云  
此樹先人植遺物  
吾家更何得愛護  
差同孔廟前攀援  
每抱王褒感時過  
幸免搖落悲物重  
終無斧斤厄曾看  
仙甕灌靈泉猶懷  
神手塗香澤築臺  
移種臨茲庭風雲  
昏曉通精靈撫玩  
寧貪供耳目瞻依  
儼爾存儀形但求  
美蔭庇門戶敢期  
隆棟歸朝廷水霜  
肯變九秋色雨露  
或保千年青嗚呼  
此物老死空山亦  
時有析薪往往同  
衰柳今得經君父  
子手橫邀天幸垂  
不朽君不見武侯  
祠

外泰山南古柏時時在人口

五日病中李本寧見惠麈尾古竈名香新

茗賦簡短歌時本寧杜門謝客

楚俗歲時重端午  
浴蘭懸艾仍汎蒲  
或函巧製相贈遺  
臂間綵線釵頭符  
君之惠我破常格  
錦藉文麈物充片  
璧尾含風縷細垂  
毫甌出土花猶蝕  
更兼玉麈產月氏  
綠芽新采來天池  
旋登几案出筐篚  
光生逆旅香紛披  
書來謂我病雙目  
茗椀鑪薰供幽獨  
暫理清言握麈遊  
猶勝痛飲將騷讀  
時余見之目稍清  
慰藉豈不銜君情  
嗟君閉門一不出  
此物終非療人術  
欲令居士起霍然  
除是君來問余疾  
君有辯才如曼室  
累累積蘇歌爲魏  
穎超題  
高高屋室城南陌  
木蘭爲檮莖爲壁  
彩繪羞同戚里居  
清嘉稍類神都宅  
竭來市隱真可憐  
雲霞朝暮相周旋  
谿鳴水樂過堂下  
山橫卷畫羅庭前  
魏生之居有如此  
題額翻令掩其美  
自云持比化人宮  
吾廬累累塊積蘇  
耳嗚呼君言殊不



莊嚴寧在金銀邊維摩室止廣十笏菴羅果  
亦含大千神遊迂誕何足數鄭圃寓言浪誇詡  
華藏能開妙有光處處皆爲化人土

京山溫泉歌

王亮卿  
邀遊作

京源山南有溫泉四候風吹氣長燠波面煙如  
甌底炊池心火似爐中伏誰遣神人設棗來曾  
聞仙女設車浴沃消糜稟香欲需照發鬚眉清  
可掬下沈積石隔泥沙別甃小池覆亭屋驪山  
想自縮華清滄海應知失湯谷王郎載酒邀我

麥麥閣全集

卷十二

三

遊往來便酌泉上頭解衣裸體恣澡濯持螯把  
盞還拍浮身輕不獨出汚濁心蘇兼得蠲沈憂  
憶昨龍飛郢都起帝鄉何異歌風垓此地天  
成號湯沐永奉園陵萬千祀

任白甫云  
許大氣魄

題李本石玉文館

華館藏書同石室琬琰鐫成代緇帙玉字疑從  
石簣來璜文似向璠溪出李君苗裔本玄王五  
千道德尊中央延喜時飛慶雲色水蒼夜吐奔  
霓光我來冥搜叩君戶金檢瑤函盡開覩洞庭

山下入靈墟羣玉峰頭窺策府龍章鳥篆多  
茲古文隱僻人不知李君李君與爾閉門且翻  
讀要使揚雲來問奇

短歌贈周仲登

微官何人稱最賢齊安郡裏周從事由來世胄  
出名臣誓抗家聲作廉吏驅馳辛苦西復東一  
錢不識篋笥中君家元傍虞仲宅廉讓無乃遵  
遺風吳船時泊楚江汜粟麥供炊來故里有時  
間取郡中物赤壁磯頭一瓢水嗚呼達官大吏  
麥麥閣全集

卷十二

四

冠進賢朱輪華轂如神仙黃金揮霍廣名譽笑  
爾區區空歲年

夏門逢王行甫遊南嶽賦得短歌送之

夏門驛前風浪多舟人勸公無渡河沙頭繫榜  
索羈客醉酒同喝蛟龍波却憐婚嫁汝畢矣五  
嶽今從南嶽始十百千錢挂杖頭七十二峰懸  
屐齒日中高摘朱鳥星天上遙尋赤帝時响屨  
峰下玄夷臺石簣玉書憑汝開古文詭譎盡  
讀誰云王烈非仙才我今與爾累時累那得



從遠遊轡雲中倘遇魏夫人爲報昭京遭酷吏

劉功甫新書成贈以短歌

劉生好古氣亦雄手搏霹靂青天中結辭求與  
古人異出胸羞遣時人同遊神不在六合裏眼  
前之物寧挂齒逸典奇書帳內藏山精海怪圖  
中指洛陽貴紙書八分新書一出驚人羣綠字  
深拖鴨頭水錦函薄護魚鱗雲持此遙思走薊  
野黃金唾手燕臺下葉公倘亦好真龍公孫寧  
獨談非馬里人爭笑劉生癡厚費胡不酒肉爲  
麥麥閣全集卷十二 五

陳望父別駕邀飲蒼梧酒紀以短歌

潯州別駕武陵客遷官歸來舟最輕鬱林之石  
載一片蒼梧縹清仍數罌罌中浸以桑寄生粵  
中此酒古有聲味如甘露微帶冽色似玉乳還  
加清碧沈一盞纔傾後芳液流涎滿吾口多粘  
太淡殊厭斟萍實傷甘不思割蘭生百末法不

存余之所嗜差可論安家二泉之新釀魏郡易  
水之上尊二酒輕滑亦足比意外風味寧相似  
新豐平樂傳紛紛一斗十千浪言耳

逸我樓歌爲龍伯貞司農作

司農一作歸田賦武陵走返漁人路荒畦已滿  
新竹叢舊宅猶連古桃樹高樓直起竹樹中赤  
欄林上縣玲瓏香嚴似類法雲地清綺真若天  
人宮紫磨金色如來相瓔珞龕幢中供養萬笑  
高函貝葉書一身穩納蓮花藏宰官晨參夕梵  
麥麥閣全集卷十二 六

歌閒時遊戲文字多著論居然昔龍樹譯經再  
現今鳩摩自言已得身中寶蔭界能空度煩惱  
是應天意尊吾生竟使君恩逸我老遂令逸  
我名茲樓吾輩法侶容淹留跣趺便得自在法  
經行亦是逍遙遊嗚呼長安市上走傀儡爭似  
逍遙觀自在誰能濁世開化城遽遣浮生離苦  
海樓雖尋丈舍空虛大千之界藏無餘只少諸  
天散花者豈殊摩詰毘耶居

峨嵋歌送錢翁還蜀

古雪長如白雲白峨嵋一片英英色萬尋直挂  
墜中天千里周盤奠西極重巖復澗深烟霞其  
中古洞名女媧積氣千年覆琪樹長風六月吹  
瑤花磴道盤雲八十四靈龕穴石一百二法相  
山腰寶吐光祇園絕頂金成地山勢真同雪嶺  
開妙高別是清涼臺異鳥長呼化人現斑麟亦  
馭遊僊來錢翁家與茲山近有子司刑武陵郡  
衡欽行爲禽慶遊花津遂逐漁郎問司刑爲政  
翁歎顏翻身便爾歸舊山呼兒但了立功事我  
麥麥閣全集卷十二 七

也永臥峨嵋間

逢王不疑貽之短歌

見汝蔡家壁上詩骨清語雋思頗奇逢人輒問  
汝居處市門幾欲相尋去樓前雙屐聲鏗然眼  
中那得汝突前喧闐握手笑相向筆之擬並騷  
壇上却云貧窶愁未驅一經不售猶桑樞勸汝  
區區毋疾首吾徒貧賤豈長有我兄汝弟且定  
交汝不見孔融少作忘年友

沅江廣文行

郎氣槩籠入極竦身直任扶天力下瀨思清  
瘴海南犁庭欲出陰山北著書輒自籌邊疆何  
奴部落尤最詳一丸可塞函谷道兩眼何有種  
裘鄉西自居延至遼左萬里搏爲掌中果套賊  
差懷肘腋憂三衛惟防肩背禍更兼椽筆五色  
鮮飛霞掩映匡廬泉蕃露文藍就新草國門爭  
購雙高懸製裁衆體亦俱備變態縱橫無不利  
文章隊裏淮陰兵鉛槧塲中貳師騎有人如此  
文武全 國家安危真在肩乃若腐儒不曉事  
麥麥閣全集卷十二 八

麥麥閣全集

卷十二

八

青藜一片沅江邊沅江之邑水中沚蕭然三戶  
魚蝦市生徒束脩一不收卽收亦不飽妻子慙  
中之猿轅下駒逢君局促嗟復吁雖然銷盡豪  
其氣翻令練就艱難軀丹服東南虜北徼萬變  
安能出君料近日邊愁可察眉事來始急求賢  
語

南嶽望日臺觀日出歌因寄任白甫

祝融峰左望日臺片石凌嶒刺天出蓮漏未殘  
鐘未鳴山僧呼看咸池日乍視模糊一氣同須

微紫開鴻濛忽然彩赤蕩五色地爐中訝金  
膏融靈鳥屢躍始翀起迸出火毬穿海市雲扶  
霞捧乃麗天六螭接御東來軌遲迴望之輒復  
驚春來多雨何遽晴羲輪况出曲阿曲下方始  
聽晨雞聲僧言昨日任公子異遇沾沾自誇美  
洊盤濯髮晞陽阿晚雨朝晴亦如此任公任公  
縱得奇觀向我語我乍來遊君復去爲問遲遲  
海色中可識君家釣鰲處

二孤

寥寥閣全集

卷十二

九

長江瀾瀾西來水小孤大孤中突起水府裁成  
寶樹林波神捧出青蓮蓋蓮蓋中聞清磬聲疑  
有化人來化生舟師涉險漫惆悵箇是西方寶  
池上

龍丈人歌

龍丈人居玉華谷白坂山扉隱層曲巖上高傾  
正女漿牀頭暗疊仙人籙經時善病不離村黃  
犢小車行里門檢方朝起蒸芝水呼名晚出收  
龍豕年垂八十無他嗜近者著書仍滿笥白頭

不廢日論詩碧眼猶能夜書字昔年我叩包山  
雲龍威丈人彷彿君金簡玉字不敢秘靈寶世  
上傳真文今我藏書玉華室煩君爲護千年石  
餌盡苔花莫浪開風雲變幻蟲魚跡

夜遊武山吟

朝望武山北暮經武山東南巖更轉西巖宿月  
中忽遇清華童相邀禮斗武姥石復留給飲浮  
丘宮尋丹遠叩陶皮井赤泉捲出朱絲綆握來  
五色如流脂紺霜散結風門嶺搥以三靈華和  
寥寥閣全集

卷十二

十

以黃月景一嚼身清涼再嚼通靈境潛行窈窕  
穿石房琳腴平結仙人牀東迴西往十八處處  
處上漏青天光楸枰參錯白瑤絜衣籠罨羅朱  
漣香虎鼻峰頭石如筍補陀巖下龕如困天鼓  
今宵鳴屏風今星隕劒分裂今雲根芝成區今  
夏吟青丘玄壑低復高掘地徧是雲蓋膏村婦  
之雞啄丹粒世人食比綏山桃仙童歷歷細指  
點忽然辭我歸煙臯朝日漸明月漸黑周遊不  
記山南北隔林仙曲聞玉璫穿雲又在西巖側

青襟袖歸路遲千峰幻入青霞色

### 梅陂放筏歌

玉泉之竹圍三尺萬竿結筏橫江直綠湍倒浸  
瀟湘雲碧浪平吹渭川色芙蓉城下醉欲迴乘  
流遠見從天來篙工屢喚始泊岸一躍如上凌  
波臺初過深潭行尚澁高灘漸淺聲漸急忽下  
梅陂度石梁千竿萬竿總林立飛流中開勢若  
摧雪花捲作千巖溼宛如天傾西北頭瑤池崩  
却崑崙丘又如蹴翻麟鳳洲弱水側墮金銀樓

麥寥閣全集

卷十二

十一

豈向廣陵弄濤返翻身遠落鮫宮遊咄哉奇異  
不可數醜恠潛妖揖偃僂龜鼉秋冷不敢蟄山  
靈拍手冰夷舞盧敖向長或未逢漢武秦皇那  
得覩君不見漢家博望尋天河乘槎絕域辛苦  
父又不見龍門之夫稱善沒猶自濡身復被髮  
豈若茲遊勢欲僊若驚若喜身安然清歌美酒  
坐超忽蒼雲片片飛江天

短歌贈甘子開兼憶唐蔡秦諸君子

并序

往執政者不歸喪其親太史海虞趙公毘陵

吳公法曹檣李沈公巴陵艾公進士吉州鄉

公一時上疏指斥之天威震怒俱付廷杖

時甘侍御子開秦中翰汝立唐法曹惟良蔡

法曹伯華各以曹好閭閻之義觸冒時忌橐

鞶而維護之遂得不斃執政偵得其跡中翰

遽以察廢二法曹左遷鹽官侍御有天幸僅

出僉外臺輒復引歸旣而執政以權敗吳趙

諸公相繼詔起顯用而子開猶堅卧不出

余過吉州作短歌以贈之

麥寥閣全集

卷十二

十一

問君年纔三十餘已持憲節乘使車法星未入  
益州部長雲自乞匡山居乞歸宛轉身稱疾恠  
來時事多倉卒孤憤難排閭闔雲片心忍逐蓬  
萊日今日羣龍正滿朝覽輝孤鳳仍雲霄少年  
安得學巢許清時未可輕唐堯憶昔蘭臺稱侍  
史青驄長陌行人止立仗朝朝侍從行直廬夜  
夜承明裏此時得罪多直臣嘆惜動遭丞相噴  
君出外臺恩自厚流離多少橐鞶人

蒼梧行送沈道微知

九疑南去蒼梧丘重華巡後歸中州牛女北來  
野垂盡鬱黔南瀉江分流地連五嶺多巖竇雨  
暘寒燠稱殊候九月惟看月似霜一冬不斷花  
如繡由來風氣稍雜夷跣行鼻飲還蹲踖女兒  
晝挂金錢舞變童夜捧蘆笙吹更有猺人便騎  
射輕生每獵孤城下賦稅寧來大國供衣裳未  
習明王化分藩此去今屬君虎牙高建蒼梧  
試使通化外萬里安事銅船軍

苦酒吟戲簡陸郡丞

麥麥閣全集

卷十二

三

臨江米汁誰堪比黃河汨汨桃花水千錢一斗  
求上尊又若甘飴欲膠齒城中春寒雨不休二  
月飛霞如幽州北風獵獵并欲寒人想殺長  
安遊長安美酒多清醑復有葡萄及桑落中婦  
調絃小婦歌雕盤高擁雲飛騰當時行樂君不  
嗔虞衡分俸償酒緡君今謫居但飲水那知酒  
惡難霑脣酒人獨醒懷遠奮夜來夢落長安近  
若更從君宦轍遊除是分符酒泉郡

雪壇謠

郭南雪壇畫蒼蒼古樹旅列繚遠牆繁花在地  
地上香我來怡服春衣裳同遊者薦肴與漿歌  
以言志歌且長所願雷通氣雲紀祥霖雨時若  
厲風不揚物無疵癘同萬方人人擊壤欣樂康

紫霞閣歌

豫章城西章江中孤洲巍閣丹龍從雕甍似結  
太霞室冰城不異方諸宮赤瑤迴帖青泥岸彩  
檻紛斲三華幹天路憑將虹作梁簷牙每借雲  
爲幔珞幢華蓋擬絳晨侍從聯翩呵鬼神似期

麥麥閣全集

卷十二

古

僊輶下朱鳳還疑水府朝赤鱗碧水碧天無二  
色驟風驟雨颯昏黑石出波吹虎豹局珠明月  
捧蛟龍國沙中之魚潑刺飛取而食之曾不饑  
石藍著花已燦燦蘭沙成霧長霏霏吾聞帝居  
疑梵爲城郭凌景懸居起樓閣靄垣霓壤鴛鴦  
庭霞關煙戶麒麟鑰形埤藻衛雜沓成丹臺釣  
簾參差聲玉娥鼓瑟瓊姬舞八鸞歌嘯九虎鳴  
嗟哉此閣固佳麗喧卑猶落人間世擬將從此  
升天行高步叢霄謁羣帝

鐵柱行

旌陽觀內有僊井鐵柱中立殊突兀繡蝕分明  
綵漆身水衣重錯青蒼髮漢渠瞥見蛟龍首稽  
山誰致防風骨濫泉寒落始出浮大江春漲還  
沈沒井中何得信盈虛地底乃知通溟渤相傳  
僊令藏孽蛟遂置神物莫深窟縱費鑪錘幾日  
工永平水土千年伐古來訛言多可嗤此事推  
測或不欺君不見庚辰治水日泗州亦鎖巫支  
祁

麥麥閣全集

卷十二

五

龍沙行

豫章城北橫高沙蜿蜒如龍蟠地軸岡壘廻環  
護女墻丘陵遷變填平谷善崩不壓阿曲寺  
峙低窺市中心屋化工若爲梵王居鬼力非因示  
相築相傳此沙高過城當有聖人從此生誤  
宸濠驗識記肆行稱亂窺留京孤城未下古舒  
國長蛇已獲鄱陽兵罪人一時膏鼎鑊 武阜  
快意仍南征吁嗟識緯豈足信那取沙高比河  
潤姬姓玉璜猶浪傳漢家赤伏元虛進術夫喜

隱怪文謀人易起紛爭釁安得終古明天心  
萬年有德歸堯舜

剪柏行

逍遙山前古柏枝遺識千年著地垂僊人八百  
五陵起爲治孽蛟重出時至今隣人畏蛟厄剪  
枝去地常十尺蒼髮時時髡靖廬綠雲歲歲崩  
仙宅近來方士何訛傳枝已到地人將僊每遣  
生食事黃白更教冒色求嬋娟狂走人人失精  
魄爾曹那得通仙籍卽令此識應不誣君不見

麥麥閣全集

卷十二

六

先年李八百

夕虹引

有序

萬曆丙戌春淫雨不休三月廿一日巍甫佳  
甫二王孫招余飲園中酒及半長虹東見彩  
赤亘天傳云虹見雨止各沾沾私喜居亡何  
雷雨復大作余竊疑之席上賦此

一月淫雨至三月况乃不絕連晨昏衝泥汨汨  
向朱邸西園張蓋羅青尊酒酣亭下日將夕長  
虹懸彩遙相射圖雲巧幻五色紋曳電橫分半

人生一見喜欲顛卜晴從此長青天明朝  
雙蠟厭原展白日一拍洪厓肩須臾東來又雷  
雨疾風捲地千林舞簷聲高瀉絳渚波池流逆  
上平原土吾聞虹見雨止古所稱此物今日胡  
不靈寧同美人化荒歲豈有壯士謀秦庭無乃  
陰陽氣舛錯使人鑒戒垂天經吁嗟誰人爲此  
咎徧令萬姓蒙昏晉江南小麥爛死多虹今虹  
今止天漏

五子行

寥寥閣全集卷十二 七

豫章一社五王孫猛氣憑陵空所向篇牘竒正  
法不同取勝無乃俱大將啓明作人無町畦談  
藝逢人輒高抗體裁或落神龍初材具多窺太  
業上鬱儀納納稱書淫遠慕前規薄時尚入手  
平操武庫兵揆詞棟列天門仗元長骨氣清且  
揚情文婉縟聲復壯小弟德操何英英神來出  
語亦豪宕伯也前驅仲也隨清廟之音迭飛颺  
圖南一往有父風攄懷屬思獨疏暢平如江月  
吹微颺急似山泉發新漲其中四子俱壯年啓

未老丈人行結撰微持擬議心物情未盡紛  
紜狀更期獨造排鴻蒙滄溟浩浩天高曠

章江逢周穉尊

與君同鄉不異縣半生悠悠不相見水田驅人  
走四方君移吳興我陽羨逢君章江江上舟白  
日不墮江花浮欲醉未醉蕩槳去近泊城陰高  
酒樓

泊舟投書渚寄方子及于金陵

石頭津前罷津鼓沙洲繫纜繁芳杜浮花鷓首

寥寥閣全集卷十二 六

吹夜風古樹龍髯挂寒雨殷郎不作置書郵投  
書曾此隨流浮連波卽與豫章近遠水只向江  
東流我有題書久難寄隔年未過金陵使相思  
翻欲托流波或有鯉魚下銜字

郭美命云無情翻作有情

寥寥閣全集卷十二

懷東館



麥麥集卷十三

東吳俞安期

常熟毛晉子晉校

七言古詩三

排語代序程仲權詩

海陽稱詩有數君嘉隆之後如雲起非無材具  
比鄧林亦有瓊麗傾都市泛駕俱堪上乘  
門少合風人軌誰知汊口漸江隈吾得程家仲  
權氏世情擯斥耳不聞時體紛紜心所恥只將

麥麥閣全集

卷十三

一

先哲辨雄雌不向今人賭梟雉乍可蘭摧漫作  
薪肯令橘化輕爲枳虛將歌詠送華年烏有聲  
名在鄉鄰不污詎識泥中蓮可食翻云道傍李  
葉公轉自駭真龍遼客徒煩珍異豕往時讀爾  
箋上詩片辭偶得商山趾今歲開君篋裏裝秘  
草全窺漢江汜到口如餐沆瀣漿入眸似插中  
冷水掃除洞壑散陰霾澄汰江河絕塵滓宗廟  
之音翕以諧離羅之服清而綺格調稍振隋餘  
波風骨深追唐正始或吐高言破沈湮或流小

麥麥閣全集

卷十三

二

語歸名理濃加矯健淡加腴深不晦冥華不靡  
諷吟朗響颯飛空咀嚼流津溢生齒胸次真教  
豁爾開足音不覺跼然喜竊誇天眼見天人寧  
勞名下求名士馬相貴神非貴色魚聽以目不  
以耳余言過矣太炎炎汝氣吐今私唯唯縱飛  
光怪出松蘿莫授斯章示桑梓讀之誰復照是  
非見也惟憎謬臧否老成猶恐意不平輕薄將  
無髮高指春秋不諒董狐書日月容招叔孫毀  
卽今草莽真太災更獻芻蕘願同矢丐者多干  
筆札中壬人亦托詞場裏那知世上工索瘢但  
向人前甘舐痔紛紛橫議生風波哀哀雅道藏  
奸宄雕梟浪冒布衣榮鵷雛與受冠裳嘗動以  
瑕疵抑賤夫並將污濁論清泚自爲峻地足矜  
夸無乃偏辭溷排抵垂紳試舉百臣僚操行曾  
看幾曾史竊脂互掩食肉人苦節槩求縫掖子  
仲權仲權末途遊道已若斯高位人言總如彼  
浮踪慎類垂楊花出世要同優鉢蓋迷旣母爲  
畫棟禽養威莫寢青林兕閉門且自盡汝才擱



管還應進千技一時瀾倒猛須迴萬古河清亦  
難俟當成大將拓邊疆勿恃偏師堅壁壘津涯  
守去尚迷途蹊徑由來元敞疑縣解終忘故我  
形與文重得前賢髓揮斤霎可失望漫游刃恢  
平經髑髏變態師心信吐吞神機在握隨張弛  
但遣竿頭更進身孰能冠上仍加履千時藉爾  
風獨倡吾道終焉謗能弭行好停參下雉城歸  
須走謁千秋里倘逢二老質前聞定知不易吾  
言矣

王伯固云創見  
之格難致之辭

麥寥閣全集卷十三

三

潯陽篇張侍御  
席上作

潯陽江上停客車匡廬山下尋玄墟匡廬古稱  
靈異窟潯陽近接神仙廬神仙靈異詎足誇行  
樂先過御史家璇題秘室羅綺饌瓊華仙液流  
紫霞行行繡幄連烟縷面面錦障飛雲華滿堂  
盡種合歡樹滿地齊開解語花桃葉桃根成隊  
出鳴璫鳴珮同聲入輕綃紅霧單衫飄離羅碧  
水長裙溼履輕釵重行難前列轉行分步偏習  
乍來回首恃嬌憨並令拜客含羞澀含羞轉態

換舞裳沈爍作猛過漁陽紫駟朱鸞屢傳變短  
簫橫吹紛頡頏琵琶當膺發胡語瑤箏落手流  
清商胡語清商拂將遍揚衫赴節羣飛燕掌中  
兩兩柘枝翻盤中七七蓮花旋別有秘戲傳內  
工梨園小部法伎同胡曲既進上雲樂雲裝復  
變方諸童旌幢遊僊若天上旌旗習戰如回中  
有時幻作冶遊子有時幻作思悲翁郭美命云  
寫出傀儡  
伎倆前  
無古人紛紛男兒却女子世人優孟還如是不  
分身蒙巾幘間生教名托冠裳裏眼前雌雄那

麥寥閣全集卷十三

四

解分眼前真偽誰能理獨有張星本在天縱歸  
謫籍猶稱僊直將變幻弄真宰翻托歌舞引長  
年任他轉盼傾下蔡任儂顧曲隨長筵競信儂  
家意禁得年來曾賦定情篇

廬山佛手巖

誰運神斤開石戶上有青天下仍土寒氣深含  
出入風石槩長吐朝昏雨巖前佛手垂何年白  
雲擁作兜羅綿機鋒向人解領取箇是西來直  
指禪

短歌答朱七京父

長安百丈高風塵赤身便走西江濱黃金爭結  
許史輩青眼誰下屠沽人章江東來見君日識  
君意氣過君室朱家節俠世無雙匡氏神仙君  
第七龍沙飲過豫章臺鷺息堂前醉不迴眼前  
山嶽一培塿胸中傀儡雙崔嵬新詩投我寒相  
射剖出飛雲滿堂碧緩節微興與蠡壑波疾聲欲  
爛西山石向人持此且勿歌人間此調側目多  
携歸三洞藏秘室猶恐光怪生煙蘿

寥寥閣全集

卷十三

五

閩海歌送許將軍去疾

七閩地盡漲海前連波九萬南窮天驚滯只欲  
一鼇極積水亦自通虞淵彩赤中流迸朝日陽  
鳥冲舉蛟人宅夜怪高燃陰火紅海童遠駕水  
湖白居民每與水族羣赤身盡刻蛟龍文珊瑚  
挂網采紺樹璚瑁攀鱗截彩雲昔年互市通窮  
島島夷獍起滄溟道兵氣吹來賜谷波血流沒  
遍江南草只今烽埃急春防戈船橫絕搜窮荒  
閩閩龍蛇壓浩蕩森森魚鳥陳蒼茫將軍却自

書生起將種偏生相門裏煙嶼橫分百三關風  
濤直領三千里蜃樓坐鎮高且雄勿開互市貪  
奇功但令弁服歸禹貢舉手可挂扶桑弓

丁南羽畫維摩說法圖贈以長句

維摩昔家毘耶城說法思爲衆生利辯才居士  
稱無雙了義法門明不二當年顧長康每傳其  
像留鴈堂張僧繇陸微效之差可方復有孫尚子  
亦傳行變空門裏吳道子程繼之頗相似瓦棺  
甘露壁俱毀定水聖慈復崩圯靈光飛散成雲

寥寥閣全集

卷十三

六

煙粉彩沈淪入泥滓更兼秘本久不傳丁生創  
出遙齊肩神手疑懸造化力慧眼應破天上權  
越雋空青武昌綠齊宮統素吳江穀毫端現界  
忽三千色裏看身還丈六諸天既雜沓萬國何  
續紛天女天花散若雨龍神龍部歸如雲問難  
文殊若賓主仙音似共迦陵吐隱几真看示病  
容彌天徧入莊嚴土人人諦聽繞縈迂法力變  
現成須臾室中坐乞燈王座鉢裏食傳香積厨  
嘗聞爲此畫每向中天晷幾年工巧殫神明一

晴瞻禮生歡喜應知盡力施丹青只欲邀人出生死俞居士丁畫師前身同住香海水偶然並出青蓮池只今宛在阿閼國神通遊戲相追隨

方于魯墨歌

太乙燄青熬燭龍揚朱光雍州枯黑水溟海收玄霜玄霜萬杵魄俱死却和中山麝臍紫秦女還添白鳳膏麻姑或送青麟髓工力往往于仙靈于魯之墨始出型堅如黑山石森削燦如赤水珠晶熒珽如重圭錫夏后規如瑞璧來虞廷

寥寥閣全集

卷十三

七

怪如天吳川后隨玄冥物狀珍奇表幽異按圖一一窮殊類燹鼎神姦百物陳郊牧休徵五靈至瞥見周天列宿形更逢赤水玄夷使琪華瑤樹何紛紛雲飛陸走俱成羣字形省識神龜畫刻鏤分明繡虎紋徧遺禎符散中國胡爲萬象皆黯黑東南無乃入玄墟當代應知王水德裹以天孫錦養以文豹囊臨池不散五雲氣貫日高懸百寶光其中名有寥天一非霧非煙若無質獵獵香吹楚澤蘭英英色奪齊州漆嘗聞韋

侍將復有奚廷珪微名亦空有古法不足稽螺子當年之玄彩踰糜漢日猶青泥 宣朝內制徒貴重煙質僅與中下齊吁嗟乎于魯由來攻不朽千首新詩在人口豈期餘力殫神明也令絕技傾前後 天子曾聞草莽臣騷人尚結文章友即使君家列市廛猶勝東壁圖書數

吳左于畫佛歌

吳郎善畫能畫佛僧繇道子與髣髴神化稍讓顧長康其師丁生堪比方當年吳偉事龕放醜

寥寥閣全集

卷十三

八

惟惟開羅刹相仇英工緻差足珍嫵媚或失如來真 國朝畫佛有數子丁吳兩人稱絕技吳郎昨圖接引師西土莊嚴開寶池蓮花葉葉住千佛行樹冷泠鳴六時又圖釋迦說法舍衛國纓幢百寶玲瓏飾法界全歸妙有身毫光普放神通力吳郎吳郎汝非夙學無生來安能下筆劃然心巧開似曾親與如來遇宛然示我菩提路我今且叩最上層不煩次第求三乘請貌震維老居士傍添直指西來僧

元夕汪司馬宅觀燈歌

飛霞無光黯將夕玄雲如灰厚如積義和墜其  
輪望舒匿其跡微雨未敢吹飛毛明月何由見  
圓魄遺風不問太乙祠甲夜還投故人宅登堂  
踞履坐上頭火城忽破天陰幽枝枝絳炬列  
椀旣膏浮燭龍來寒門火穴移神丘滄溟何人  
漏積水陸海忽地生炎洲千燈百火出俄頃輓  
轡牽曳朱綵綆彩輪細織鮫珠明玉毬薄胷冰  
綃冷大如十日薄咸池小若羣星聚東井菡萏

寥寥閣全集卷十三

九

銀花四照光珊瑚火樹千重影郭美命云酣暢花木變  
幻紛成叢更兼百羣飛走同氣噴薄兮虎豹煙  
吐納兮熊鵬鳩棲兮苦竹帝江舞兮孤桐赤  
龍下來接松子朱雀飛去呼安公復有五色屏  
四起光相射分明按圖史彩錯繪陳跡下有豪  
華人上有遊仙客茫茫今古若同時歷歷江山  
在咫尺對此不覺情飛揚大嚼滿浮殊未央吳  
醪越醕葡萄光寒雞炙鴈椒花香庭下何須樂  
部張堂上不用歌繞梁飛談接辯快心意論兵

說劍非荒唐吾徒豈是悠悠者天遣英雄老山  
野自詫飄零狂布衣相視淋漓醉司馬十年猛  
氣已漸消一寸雄心不堪寫生無勲業上旂常  
死但聲名在風雅憶君當日封燕然萬里夜獵  
山陰邊豈無火炬赤滿地亦有燎煙紅漲天謗  
書翻入中山篋論封不及汶陽田細料橫行絕  
塞外何如安坐華燈前

白嶽贈別慧月天人歌

高高白嶽神仙廬紫庭綠宇開帝居萬峰合沓

寥寥閣全集卷十三

十

擁珠闕百靈趨走朝琅輿琅輿珠闕光相射有  
美翩翩聿來下天人瞥見行天門羽士爭看迎  
不駕曳玄服飄華巾步丹宮謁絳晨誰信毘城  
散花女只疑帝所彈璫人自言身是謫居者家  
臨大道通車馬羞厠東園桃李間肯赴西陵松  
栢下花間樹下虛可憐春來秋去能幾年任是  
學歌兼學舞爭如事佛還事仙故衣拋却黃金  
纓稽首皈依梵王土江上曾投曼室師閣中曾  
禮香嚴主今來問道陟名山寶函玉檢探雲關

詎隨鳳史吹簫去也乞浮丘授藥還聽者何紛  
紜望之俱歎息遽絕上官要旋整東歸軾歸時  
應報女件知從今勿復忌蛾眉謫期暫在桃葉  
渡化身終去蓮花池舊事繁華總堪悔滄桑旦  
夕頻遷改石城女子寧久留臨春美人復安在  
卽遺艷曲傳人間何似幻身辭苦海

豐谿放筏歌

吳文始邀飲作  
是夜復飲翹叔

吳郎醉客白玉壺凌波片筏瓊筵鋪幔亭高霄  
青厓縣闌干詰曲紅珊瑚遠傳異味何甘腴美

麥寥閣全集

卷十三

士

人纖手親當厨華裯四列坐自趨嘈嘈樂部紛  
前驅前谿新水熒熒碧波神遠展琉璃席輕颺  
吹散日華赤鳬鷺下點黃金液高低綵纜沿溯  
來煙林夾岸隨縈迴歌臺吹榭中流開秦聲西  
曲飛落梅晝眠龍女生微哀上灘牽入春山綠  
山影陰沈水幽曲神來條條厭繁縟清吟微緩  
若不屬青天飛綵挂金粟忽然戲啄雙白鵠齊  
心合願歡情多千行不放金叵羅日薄下春其  
奈何白月死魄風起波煙嵐失紫夕雲變放纜

迴篙下如箭瞥驚飛渡長河練疎星照水光隱  
見皎宮似秘天孫面更端此日多樂方迴思陳  
迹生慨慷茲地茲遊經十霜兩堤芳樹今枯楊  
人生榮悴亦何常却云爲樂應無荒且須舍筏  
譙高堂不然汎瑟臨曲房

夕燒行

同汪法曹諸君  
子飲問政山作

返照落盡蒼煙飛萬山模糊月未輝桃花嶺頭  
酒樓畔朝來看花晚不歸紅光百丈天邊見四  
顧驚猜目相眩直似霞生建赤標橫疑天笑成

麥寥閣全集

卷十三

士

奔電又如飛下雲中君燭龍遠駕來南雲夢澤  
平移楚王獵齊城忽到田單軍問是山中火耕  
者野燒春來山盡赫龍蛇急屣大澤間狐兔驚  
啼灌叢下山田堯塙固所同吳越那有荆南風  
欲令煨燼變膏沃徧焚草木兼昆蟲嗟哉草木  
與昆蟲生育亦開天地功何能得似蕭丘上萬  
物蕃滋炎火中

黃山主人歌贈程明夫

黃山主人住山磧滿堂亂落芙蓉石施地長居

學佛人采山只飯游仙客聞君先人如此賢好事亦有家法傳笑他七國四公子一時身後俱茫然主人生兒且跋扈見客逢迎氣如虎骨相嶙峋眼目清異時又有黃山主

望浮丘峰

浮丘源上浮丘峰浮丘道士若可逢一雙白鶴稱使者翩其邀客時飛下此翁元住嵩高山周王太子通往還何年仙居亦改卜蓮花平捧青霞關

麥麥閣全集

卷十三

古

浮丘歌答丘謙之黃山見懷

昨日我叩浮丘宮停驂不見浮丘公今朝我還新安市衡書却遇浮丘使龍文鳥篆寄新篇寶珠檢雲錦箋謂言憶我雲中岫剛是去年別君候雲中咫尺尚離羣晝啼猿欲哀難聞君心自識君心苦我亦憶君愁莫吐搔首高天望帝臺峰頭馭鶴待飛來攀髯莫逐軒轅駕游戲寥天去不廻

海陽三異謠

丁令君民子育老幼熙熙覆華屋淳風舒徐扇邦域致有嘉祥感羽族嗟哉白雉何太馴引雛飲啄遊西牧

丁令君理冤牘洞開圓扉放疑獄怨氣紛紜散邦國致有嘉祥感鱗族咄哉盆鯉亦有神化作飛龍脫魚服

丁令君去害馬孰敢依馮城社下暴夫驅走出提封猛獸驚啼散郊野咄哉猛虎遲渡河楊干寺前遭鬼打

麥麥閣全集

卷十三

古

和張羽王拾薪辭

張家京兆挂冠返避客著書門下鍵倦恒擲筆起前軒閒每拾薪行後苑後苑風折梧桐枝昨時芳樹今枯垂委來終作溝中斷拾去容遭爨下知研亭東類樵人道小婦相迎戲相惱爲詢暮返抱薪勞寧若朝來畫眉好

徐醴陵歌

徐翁昔爲醴陵長項骨堅強身骭髀青春綠綬拋向人赤水玄珠探在掌歸闢谿南二畝園灘

山一片壓短垣畦邊引水自灌菊堂後開庭仍  
樹萱望氣惟邀異人駕集仙高高築樓榭塵軼  
寧容駟馬過雲輶只有輕鴻下羨翁世事一不  
關散髮日夕看離山青雲大業付兒輩紺霜獨  
守丹爐還

籌世樓歌爲徐象先孝廉賦

君不見晏子當時在尊俎折衝萬里國安堵又  
不見南陽卧龍在草廬三國已料鼎足居賢豪  
何必出庭戶萬事區區始能覩徐君有樓地十

麥寥閣全集

卷十三

五

弓坐籌一世如掌中四壁何所積輿圖國乘經  
綸籍凡上何所陳賸糜斑管論天人丈夫七尺  
既墮地要須肩負乾坤事世務紛紛正可憂君  
勿樓中久高視

棲霞篇

并序

棲霞篇爲棲霞洞作洞在七星山半七峰參  
錯離列洞亦迂曲盤旋蓋穿亘七星而行其  
腹中約七八里遼遠奧冥瑋惟萬象啓堂皇  
支廬柱中有佛老二像羽則鴻鵠介則龜龍

毛屬則麟鱗屬則鯉屏帳旃幢繆石鼓鍾花  
卉珍異咸是膏乳所成爲桂諸巖洞之冠張  
羽王志桂勝嘗首譽之以乏班張左陸盛藻  
發其靈秘僅有宋季諸作爲憾余以退之汝  
成二王孫導遊擬其實際加飾鄙辭組爲斯  
篇殆得十二雖不類漢晉諸公弘製頗拾唐  
初四子之遺羽王其稍能釋憾否耶

桂海紀殊域桂林啓神垌山水竭嘉讚巖竇修  
圖經中有羣峰列斗象上摹七曜成山形神斤

麥寥閣全集

卷十三

六

鬼斧構靈窟綠塗碧綴開仙庭靈窟仙庭非一  
所陰深獨有棲霞府到如天表叩明堂入似星  
躔穿廣宇麒麟吞吐黃金鋪龍鵠盤迴蒼玉柱  
毬場舞榭各經途旋室傾宮頻改戶改戶經途  
透紫煙平原曠藪何延綿朱泥鑪冶鍊藥地球  
沙阡衍分區田紫蓋挺芝芝九幹絳雪成丹丹  
九還瓊實青柯積乳液瑤萐碧葉滋膏泉乳液  
膏泉結奇倪變態續紛難具擬誰謂雕屏百堵  
非競言黼帳千重是迴頭毛寶左顧龜振鬣琴



上翔鯉東渡神僧趺寶蓮西行道士歸仙李  
別有璚琳列簾縣帝庭樂器羅鈞天華幢九華  
導飈駕采旂七采迎雲輶孤上金莖承露起並  
垂玉筍排空連南遊萬里航奇客秉燎窺臨每  
驚魄仙偶難逢日月華王孫到共煙霞癖顧影  
疑過絳氣居題名恍隸瑤臺籍詎信青山寂寞  
區翻藏玄圃繁華宅

飲張羽王竹林遇雨歌

張公宅後離山前琅玕密蔭青嫵媚欣酌中林

麥麥閣全集

卷十三

七

清暑地總忘南徼長炎天須臾雨驟林亦黑高  
陸俄看水深尺泥流轉似濁河黃池影都非  
川碧巾垂屐溼衣離披研亭西去仍銜卮清寒  
尚警肯辭醉倉皇既過翻稱奇喜後生悲悲復  
喜萬事當前那定擬君不見京兆初除詿誤來  
庭鞠淋漓亦如此細看忌者真可嗤行樂如君  
今有誰但諳悲喜眼中幻造物徒然播弄爲

黃使君邀飲榴陰亭以余不得醉欲倩白

將軍爲犄角戲成短歌


昭州太守太無事荷鋤手闢衙東地藝蔬種樹  
復灌花千片鮮霞錯青翠我來痛飲榴陰亭光  
如九枝圍夜屏蒼梧縹緲清恰所好但願在地爲  
酒星對君瀟灑大快意百觚千鍾不得醉驚謂  
酒城不易攻欲乞將軍出飛騎君不見漢時落  
魄高陽生酒徒膽氣縱復橫舌下齊城七十二  
誰言不及淮陰兵

麥麥集卷十三

麥麥閣全集

卷十三

六





麥集卷十四

東吳俞安期羨長著

樵李項聖謨孔彰校

七言古詩四

觀火架歌

吳元壽解中作

日中走集吳公衙鯨吸亂翻銀不律返照歛盡  
山郭昏却試神人幻火術梨花初見開西偏樹  
根倒綴玄雲邊高低飛舞十萬朵無風盡落瑤  
堦前須臾一線忽東駛變作葡萄結如綺衆實

麥集閣全集卷十四

一

相駢蔓下垂顆顆螺青兼貝紫再看飛電復兩  
流火城中起金銀樓上有游僊互拜舞甯封之  
子臨炎丘醺忽崩天急上走吐出華燈分左右  
右懸十五火各然左懸十二皆如斗猛張華蓋  
驟及顛宛然自轉車輪旋其光四出射亂燦千  
花百卉飛中天萬變踰時曾不住丹鳳黃龍遠  
翔驚或流屋上爲赤烏或挂簷前成絳樹生空  
始見喜復疑幻火之幻何太奇六合之外所弗  
論神工鬼術誠有之昔聞安公有煙駕通天五

在死堪訝爛然是物無乃同輒欲乘之隨上下

廿年行送李子行守珠崖

李公廿年作廉吏考功之郎最能事遺直翻疑  
徇者流至公每遣時人忌以茲參省出江湖一  
黜浮沈在遠途別乘羈棲向姑孰郎潛偃蹇仍  
留都守土雲間三月住歌聲處處來何暮謫籍  
俄傳府主行郡人死乞臺臣疏慟哭高天不得  
請罷市倉黃萬家井借寇元同河內心劫留錯  
類潢池警治兵使者興鼓輦千軍奪得太守西

麥集閣全集卷十四

二

一官楚越任流轉三遷秦郡仍卑棲千磨萬鍊  
風塵久一麾又作珠崖守慈母同爲渡海行孤  
臣直向殊方走近聞珠崖亦可居絃歌誦讀接  
里閭黎人山中已貢賦蛋戶海上皆詩書使君  
此去只卧理海錯猶堪作甘旨懷將忠孝向波  
濤往還不懼蛟龍水

平虜行

并序

勃氏異謀遽懷竊土內外臺臣咸及于難諸  
城守帥匪降或遁壘壘營堡具爲賊有時蕭

大將軍以叅戎守平虜孤城岌岌殆若繫  
九相持十旬悉出私橐以佐軍需內君亦脫  
簪珥徧行犒餼士卒歡呼矢死保衛又裂帛  
大書赤心報國揭之旌竿以示虜衆虜衆且  
屢中設伏旋已遁還塞外天兵西下賴有置  
營地以獻 廟捷云余至朔方聞其事于諸  
部曲遂作長句紀之

壬辰二月彗星見倉卒叛臣興朔方盡收內地  
思割據更邀黠虜來跳梁夏州四十七城堡一

麥麥閣全集

卷十四

三

時靡靡隨風草城上都懸僞將旗城邊盡是夷  
人道平虜將軍身姓蕭孤城兀守死不搖靈光  
獨存魯王殿砥柱特立黃河標私家盡收登陴  
平夜露晨行不歸室赤心吐出示敵八青天高  
大如日外援不至經十旬軍中食盡眉不顰  
旄釵解釧出勞士義俠更有楊夫人奇兵往往  
出城下射殺名王奪名馬虜騎踉蹌夜遁歸猛  
氣平翻武安瓦是時王師下朔雲四郊羣幕猶  
紛紛平虜城南夏城北幸有片地屯其軍倒流

力挽黃河水縹盡鯨鯢就東市 天朝重地  
奪迴六月飛書報 天子爭云平虜不有蕭將  
軍六師那遽成元勲 九重論功亦稱首金印  
頒來挂于肘嗚呼近者誰堪仗折衝竟許此人  
遊赤松

題霖雨圖呈田中丞

商家中興合有人箕星下化為輔臣蒼赤倒懸  
哀燠旱手携霖雨蘇八垠雲霧前驅擊其鼓屏  
翳紛紜亦翔舞飛龍飛曳阿香車娑羯龍神出  
麥麥閣全集

卷十四

四

水府馬駿三滴灑九天雨師滾滾傾如川水族  
那能得寧處造化不敢私其權嗚呼賢臣濟世  
豈偶爾神物奔趨有如此誠心一奮爲蒼生肥  
蠶潛藏女魃死

題十八學士圖爲田中丞

楊花飄盡李花白一時學士歸天策一十八人  
皆儒賢神仙之輩詞章伯寓內承平粗少事筆  
札張皇參盛治虬髯主人講席廻詩酒紛紛競  
遊戲或伸側理點彩毫或搖白羽傾葡萄聚觀

圖障復坐隱停杯擘阮還執翽游藝逍遙足自  
適人人盡是瀛洲客那令海上三神山居然縮  
在長安陌瀛海田公仙者流出爲柱石扶神州  
其中房杜頗相似身登宰相仍黑頭

### 八駿圖爲田中丞題

穆王昔日恣遨遊撰轡直指崑崙丘天閑六飛  
不得控雲驤八駿凌神州其名絕地來西域翻  
羽超光及挂翼策府白玉裝成韁懸圖黃金鑄  
爲勒更有超影與踰輝奔霄騰霧並若飛龍媒

### 麥麥閣全集卷十四

五

盡是渥洼產山子還從大宛歸松鶴道人老畫  
手貌出形神生欲吼毛色雖殊筋骨同紫光生  
眼赤生口柳陰羣地生晚涼綠波清淺莎草香  
吳官牽出競洗濯羣龍戲躍臨陂塘近者田公  
鎮西服九姓羌戎爭內屬天馬輸來應此圖八  
騶看曳還口朝轂

### 盧畫師歌

盧郎丹青近無偶今人一雙古人手晉唐以來  
名本多一一臨之無不有見我收藏三笑圖夷

齊采薇兼並慕儼然扶起河陽李神貌那得秋  
毫殊持贈神君留犢卷子母有情真戀戀車前  
送者出傾城莫不人人哀著面似聞承旨天水  
公亦有此本稱最工當年開厨想飛去偶落君  
家行篋中

飛來峯歌爲博羅張孟奇仲蔚兄弟邀遊  
作

三竺之西靈鷲東飛來峯石何玲瓏南穿北往  
局屢圻縱入衡出途難窮狀如星躔廣宇隕深

### 麥麥閣全集卷十四

六

谷勢若叢雲萬疊隨微風其上玉井標芙蓉下  
有化人變幻青琳宮翠壁蒼巖高崕吼雕成法  
像因山骨面面如來現化身竺乾何異耆闍窟  
傳從西域東飛來雪山蔥嶺經龍堆廻翔鷲首  
不肯下墮地忽作蓮花開君不見巍巍陽城石  
秦皇鞭之盡起立又不見零陵山石作燕飛帶  
雨乘風長不歸卽云此峰是飛至今古亦非殊  
怪事昨歲山東岱麓崩風雷交作萬石騰今年  
隴左山移徙十里成河只留水拔却雲根此地

空安知不向他方起君家博羅四百峰海面浮  
來亦如此

短歌訪胡京孺作

紫薇樓頭詩滿壁讀君佳句甘流液清澈何堪  
與比方秋空雨後凝新碧記君姓字問君廬孤  
城歷盡西南隅手撥蓬蒿入土室作賦何殊左  
思宅雜著門庭句未刪舊編新草猶狼籍吁嗟  
乎君乎勤苦人不知比隣翻笑書兒癡吁嗟乎  
賦成欲使人稱善須令玄晏先生見

麥麥閣全集卷十四

七

飲顧八思戢書屋歌

顧郎玉立殊挺拔筆花醉吐鮫珠滑潘家玉人  
併一雙荀氏羣龍呼第八結成書屋如畫圖千  
作垣松作樞浮圖燈火映初日燭龍高挂東  
南隅牙籤盈萬架高插四壁華棖低欲壓金廂  
自著雕龍文玉笥家傳司馬法其中清曠飲我  
曹凡充海錯肥流膏左手持綳帙右手持紫蠟  
痛飲美酒狂歌楚騷卽非名士興故豪况有茹  
生工射覆戚生偏奇出其右湯生六博呼繞牀

之理該文弱張顧郎恂恂侍名父胡郎相對  
多父行貌則繆恭心或狂耽飲興不可量顧  
郎名父少司馬垂老雄心未能下身當諸伎各  
分曹猛氣欲吞三百人我初渡海逢滕流醉來  
快意仍滿浮甍然身歷國書府酒星占作糟之  
丘

雙紫薇樓歌爲顧思齊孝廉賦

顧家長君書滿樓紫薇雙樹照上頭交枝高冒  
碧欄慢接葉直拂朱簾鉤簇簇繁花錦霞密欲  
麥麥閣全集卷十四

八

殘不殘開百日千篇色映彥先文五彩光添江  
分筆樓中何所陳柘弓銀研几案新几上復何  
有圖史秩然分左右壁間鳥跡兼蟲魚隱怪半  
列三皇書古文那出秦火後奇字直求羲畫初  
周秦以來及當世述作前人無不備文章經術  
復九流竺典道書仍百氏王圖帝略何紛紛陰  
符六韜傳秘文竹素韋編若積甲縹囊綳帙如  
屯雲羨君塵事六時屏倚檻披書坐花影天際  
真如仙客居花邊又類中書省

雙瑞歌爲李元祉明府賦

指李君家世爲姓玄王孫子由來盛仙胄元稱  
苦縣人神君却作鹽官令提封東盡隣沃焦尋  
常災疹君能消斥鹵耕來變膏壤滄溟喝去迴  
驚濤天心特表循良跡瑞草駢着灌靈澤紫英  
並挺九光芝綠穗分垂兩岐麥將雛紛紛壘雉  
鳴花宮朶朶紅雲生行春不異漁陽境采秀儼  
入泉陵城非君辛苦三年政那得身操化工柄  
曾傳漢代歌張君民生之樂茲復聞又聞樂府  
麥寥閣全集卷十四 九

芝房曲采風東海今應續瓊闌須君指佞來還  
看屈軼堯階綠

吳之矩谿樓歌題趙文度畫障

銅官之北荆谿陽樓居高起臨迴塘水煙時漲  
接空翠日夕不斷浮青蒼蜀山東盡西離墨百  
里銀濤遙捧出練影斜翻虎豹宮蓮花倒挂蛟  
龍室谿山一覽收無餘輞川溪陂皆不如天上  
移來化人國壺中剖出飛仙居吳君始官虎署  
郎批鱗上疏天茫茫一謫宜君尉再理鄙之陽

直臣遷轉公論定蘭省推含雞舌香父也臺中  
名御史按節巡行三輔裏獨君高枕臥樓中典  
禮南宮徵不起尋常几上鳥跡書埋頭甘作老  
蠹魚有時啓關拋筆硯淋漓却接詞人宴秫田  
供饌豁供饌自謂何心大官膳華亭趙文度詞  
客兼藹師樓居寫作丘壑障主人貌出煙霞姿  
千峯萬瀨縮尋丈飛雨飛雲欲來往何當更置  
長嘯人壁上齊令衆山響

白萼花歌

麥寥閣全集卷十四

十

神斤細斲玉魂裂白萼抽莖衆花結乍出孤懸  
絕似簪盛開六出還如雪余家堂前四本生一  
本特盛生七莖一莖花攢卅餘朶恍如羣玉新  
雕成大友玉蘭弟薔薇更兼神異堪稱獨世上  
花俱五出開此花開時出偏六花呼神異真足  
奇余嘗對對輒歎之世人見此不驚異叢因易  
生還易致視之凡草何足恃有如瓊華世無二  
本傳又如優曇出地須千年聚觀應不遠千里  
離欄玉砌人喧填呼呼賢人只合坐自保莫令

相視同凡草有時一見稱世寶

燕姬篇爲謝洪伯紀事

名姬小小名燕市家近南城連戚里明霞符采  
雪凝膚水碧形神貝繡齒弱態靈和弱柳枝天  
顏露井天桃蕊游戲何曾溱洧問姓名闌入姬  
姜裏南來北去地繁華並遇齊看路狹邪銅溝  
水次五花駿玉河橋上七香車孝廉郎婿小年  
紀良家女子待年華丰姿本是憐潘令子弟由  
來重謝家小星不惜輕身嫁迴颺願逐南轅駕

麥麥閣全集

卷十四

七

海上文經合並游樓中紫鳳歡雙下錦織春雲  
佐彩毫簫吹明月當清竿依倚何由離暫時歡  
娛那得虛長夜依倚歡娛歲四周省親棄妾遠  
行遊長干絡繹豪俠窟金陵佳麗帝王州不虞  
歡入蕩子路不疑歡落倡家樓從前未識生別  
苦此時豈耐單棲愁楊柳高樓懷遠道咄咄西  
悲向蒼昊可憐昨日受憐花那作今朝斷腸草  
車輪直似心迴環鏡臺拚取容枯槁春風帳幙  
病忽嬰朝露身形墜應早妾誠薄命死亦休猶

勝未接歡綢繆萬金憐愛容相抵千金恩義茲  
難酬未及逢歡乘駟馬未得生男字阿侯何遽  
參辰昏曉隔寧甘溝水東西流臨訣殷勤寄將  
語字字俱含涕酸楚妾死終成異代人君留尚  
有齊年侶空煩計料百年軀已化模糊一杯土  
有石寧填滄海波有神不作巫山雨妾甘留滯  
白雲鄉君且逍遙白玉堂步幄無庸少君術靈  
洲難乞返魂香分途總間幽明地度阨同依般  
若航異日修成共命鳥一身雙首還西方

麥麥閣全集

卷十四

七

西湖七夕篇何公露憲使邀飲同賦

重湖周匝蒼山映縹清沈碧波紋靚不鏤石像  
學昆明爲出金牛號明聖峰高南北雙挺蓮水  
分表裏三成鏡袪服常時寶馬行繁音鎮日樓  
船競是時辰火流金方天漢斜指西南廂莫惜  
半抽早秋莢桂輪分吐初弦光歲時七月還逢  
七期會雙星偶作雙乞巧香筵布庭庀穿鍼綵  
縷當樓窻水陸舟車湖上路都人士女紛來聚  
漢事渾如百子臨粵風何異滇池赴天街仰望

才義移水府平看二妃度跨堤梁似填鵲成中  
洲亭類牽牛住西陵還走油壁車南屏又轉錦  
綵輿阿誰舍後升華薄阿誰捐乘登飛廬貴介  
郎君擲果處冶容閨秀破瓜初漢臯戲請明珠  
佩化宮邀執離羅裾清歌別有倡樓妓新詞復  
佐安陵子瑟怨箏哀出趙秦竹典肉奮含宮徵  
振響紛教灌木驚聞聲直使潛魚起獻巧邀妍  
百伎陳旅行密坐千場徙故人持憲節邀我卜  
夜歡既罷堂中宴暫脫柱後冠更命蘭橈蕩空  
寥寥閣全集卷十四 三

濶平移綺席浮清寒采香闌入芙蓉渚迎颺就  
泊鴛鴦灘伶人歌舞冠綠幘樂方幻出前朝跡  
少年輒爾皓髭髯男子俄然冒巾幘賜劔忠魂  
鼓越濤浣沙村艷傾吳國旌旗遊獵茂苑西干  
戈轉鬪三江北乍看烏喙長諸侯驟見鷗夷作  
逋客遊人詎敢近霜威波間但望仙舟飛乘槎  
錯道海客往隔水疑邀織女歸從占身影誤犯  
斗定取靈石廻支機爭言今夕明河上復有法  
星躔少微

西湖行送丁哲初北上

巨靈宰制千山起雲根溢出重湖水西來拔地  
兩飛龍東障千雲千列雉南屏遙接北嶺陽長  
堤分控六石梁蓮萼雙峯撲南斗梅花孤嶼浮  
中央清夷綺麗無不有名勝東南此其茲歌管  
時時畫舫行香塵日日鈿車走仙庭佛窟參差  
懸浮圖四出青霄連漢池豈直昆明上楚澤差  
若雲夢前丁君來司郡中法湖上清輝映相發  
波紋絕似飾文章水鏡真同鑒毫髮政成徵握  
寥寥閣全集卷十四 四

畫省蘭傾城走送湖之千舟子拋將桂樹檣漁  
人擲却珊瑚竿馬蹄君踏長安地湖上誰來了  
公事從今積水當漸深日日應添去思淚

題薛飛瓊像短歌

昔年我渡淮陰水西洲北岸舟曾艤紅萼梅邊  
遇麗姝角枕文衾宿花底是時問年十八餘朗  
姿秀色玉不如明月珠英曜華飾微風紺采吹  
輕裾二十年來忽相見一片秦雲落水練仙仙  
不減昔風神冉冉猶疑藹顏面綠鬟未變高髻



非雲裝換却金縷衣願辭微妙天人列願向莊  
嚴淨土歸傍觀欲問伊誰氏字曰飛瓊薛家子  
若取今人比古人西蜀阿濤母乃是

二妃行爲安茂卿連舉第二第三子作

二妃靈迹遊戲行塵緣下結人間盟凡骨曾辭  
鄭交甫仙才獨戀安期生相逢不在漢江汜干  
却住膠山趾何由請佩雙得珠且復懸弧並  
生子二子者骨相殊崢嶸之首青碧之矚大者  
麒麟天上種小者鳳鳥丹山雛安期生足怡悅  
麥麥閣全集卷十四 五  
仙翩翩遽成列昔嘗憂作東門吳近來却類  
河東薛他時滿意更可期暮年行樂任所爲堂  
中安坐對三婦陌頭車騎過諸兒好時候未足  
擬萬石君難與比風流鼎盛兩兼之安期先生  
爾爲爾

古梅行簡梅禹金子馬

山中古梅樹樹上發雙柯南枝花何少北枝花  
何多我聞昨朝北風起北枝吹壓南枝靡每爲  
南枝三四花困雪歆風私歎嗟雙柯元是同根

從兄弟由來分一體翩反韓聯作霞胡不學  
棠棣華

送龍元基下第還西昌

文齊尚不第憤在幾時釋心剗淮水橋淚盡長  
千陌子襟猶自青父冤何以白那忍身擔千百  
憂依舊西昌孝梅宅

潘彥明歌

往過爾家若水頭毘山堂下維扁舟是時爾軀  
未墮地尊人尚有東門憂別來年歲過二十君

麥麥閣全集卷十四

六

年十九如玉立小車來叩青溪居問我詞場將  
關入家世因之與細論法曹之子尚書孫通家  
南代偶道及翻然執禮推余尊時余愕然驚且  
喜故人之子仍名士爾許時來信不聞安得寧  
馨便如此美如明玉不足誇手中五寸飛江花  
新詩出示絢五色半空高挂天台霞江左名流  
交欲徧何人不願君相見近來耆舊凋喪多見  
著年高輒欣羨張家伯起百谷王前丘吳六允  
水口臧音叔新都汪仲嘉忘年友況余忝竊稱父



張明子江都陸無八十年餘競尸祝爾平  
執業一問之二老騷壇定推轂

蕭伯良煙鬟館歌同芙蓉社諸子作

春江晴煙飛綠絲宛如粲女雙鬟垂蕭家高館  
出城上川后江妃儼相向江南奔走參差峰雲  
衣雨沐螺黛濃佳麗三千列几案緇帙瑤編不  
相亂對之不覺心眼開文章吐出錦繡堆蕭郎  
才高神復王賢豪誰敢輕皮相記取高舉月桂  
時一枝分插煙鬟上

麥麥閣全集卷十四

七

送許伯倫歌

伯倫異姓稱骨肉辭我北上公車牘臨別自言  
年過強隨例奔走徒蒼黃金門待命苟不下州  
縣猶堪領民社雲霄故人豈不多長安市上皆  
風波今人擇官每仇敵熱者欣欣冷戚戚余安  
義分任所之竭心撫字力可爲我聞君論真懷  
慨彼此不作兒女態我復贈言君請裁壯心未  
可過自灰年過半百未云老晚達前賢曾不少  
君不見日暮公孫名始收身爲漢相還封侯又

不見尚父鷹揚待暮齒與周開齊勲莫比丈夫  
得時卽遠駕區區州縣徒勞耳

諫諍行送華職方應召北上

近來諫諍多忠告人人骨鯁聲名噪封事難逢  
聖主開危言博得人間報臺省紛紛雅道傷  
往復翻爲爭鬪場風稜節氣寧不有豈宜黨籍  
俱分行君今蒙召赴天闕上考定然歸禁闥  
朝廷闕事亦不稀平生悃悃終須達軍需不給  
胡運昌邊士脫巾真欲防宮闈帑藏若可借道

麥麥閣全集卷十四

六

逖征稅能無妨言官罪廢久幽翳煙雲好吐忠  
實氣此論雖然悉朽陳挽回滄海寧無計

廖廖集卷十五

東吳俞安期羨長著

構李李肇亨會嘉校

七言古詩

金陵元夕篇

有序

萬曆壬子上元之夕何公露參藩修舉社事  
同社客各賦金陵元夕篇聲調步趨一稟駱  
丞之帝京篇盧簿之長安古意余授簡以思  
謂近代歲時新典與漢唐殊異六朝以來篇

廖廖閣全集

卷十五

一

什多未經見苟采入則世以爲杜撰棄而不  
采則語屬虛稱甚至湊砌舊詞數人家寶蓋  
亦難乎結構矣始余屬草非不擬體唐初以  
從社約旣而縱筆任情芻以摹寫象境爲主  
豈能盡合唐初之聲調襲二公之步趨哉往  
鄧遠遊賦燈市篇悉取目前之所經見傳以  
唐初之音自首逮終無一語不類復無一字  
經唐初人所道者此真點鐵手也余于此篇  
之出不能無慙色云

先皇留後分帝京垣臨天市垂象明蒼龍闕倚  
蟠龍阜白虎星連踞虎城奧域古垂佳麗號令  
辰茲有繁華名春首上元歡節早月初圓魄所  
宵晴節早宵晴可憐候處處燃燈白于晝銅街  
跨架塗朱丹綺陌分棚施綵繡膏收白鳳貴金  
張脂采玄飢競田竇六市家家朱火懸九達戶  
戶紅煙透九達六市漲丹埃重關蕩蕩魚鑰開  
攢出九枝鳳翔舞貫成千蠟龍盤迴鐵騎追風  
轉迅電彩毬動地飛輕雷神皐鰲負三山起水

廖廖閣全集

卷十五

二

府犀窺百怪來百怪迎眉睫靈奇煩應接羣棲  
鳥獸翻羽毛隊奮蛟鯨鼓鱗鬣奔光疑出田單  
軍舉燒驚逢楚王獵光明藏裏擁千門卉木尋  
常難並論纓荷五色非生藕絳樹千株不屬根  
別有幻火術經營出人掌樓臺倏忽變萬端彙  
物紛紜肖羣象燦九光迸小月騰裂爆聲連震  
霆響葦銜流曜接漢迴筒嚶飛花抗風上流曜  
飛花驕屏翳却學神人火爲戲扶桑十鳥欲灼  
天桂樹孤蟾那照地豪舉偏諧高視心輕捷欣

看上征勢安公正可駕煙霏褒姒何須悅烽燧  
鈿車玉轡盛遊人相擊南轅與北輪明妝士女  
鉛華靚絃服王孫彩艷新分窗隱隱驚仙媛寒  
箔盈盈覩洛神徹明誰禁青樓夜淑氣平添朱  
邸春青樓聯伴呈歌舞朱邸爭場振金鼓鳳簫  
合吹繞鳳臺龍笛齊吟度龍浦俳優結束溷女  
男樂部喧填失宮羽嘈嘈難辨人語聲後人趾  
接前人行過間旅進難辭遠經途信足何論不  
垂臂無能結遺襪舉頭聊可窺飛甍城郭都成  
麥麥閣全集 卷十五 三

絳霄道路來步步紅雲繞何人不謂倒景中誰  
家不擬鮮霞表是時何公陳酒厄徧飲詞人邀  
賦詩拂簡春容紀盛事含毫麗則駢新辭世運  
爭疑王火德文章竊幸明黃離更將駸彩卜豐  
歲還因繁盛協昌期側身遠望燕臺下 九重  
倘出祈年駕炎帝趨蹕爲紀官燧人先後來司  
夜侯家射鵲設衢樽從臣酺飲浮商竿小子窮  
經乏世資布衣老去終何施蚪蚪虛探古文字  
蠶魚一守敝書帷徒懷扈蹕甘泉禱空慕奔趨

太乙祠幸得中堂陪宴夕未辜東壁竊光時

送莊靜父還閩歌

君出閩山客吳甸我乍行遊識君面年少同登  
俠客場時清共領詞人宴是時君方三十餘美  
才嫩臉調當壚黃金盡作酒家直素衣肯曳王  
門裾談詩同調飲同興兩人握手交先定越絕  
看山旅並羈燕臺擊筑歌相應催人白髮短復  
稀驚心始作閩山歸里門丘墓或不改長楸喬  
木都應非到時第一祠宗祖以下諸喪當並舉  
麥麥閣全集 卷十五 四

歡會應過鄉黨賢哀辭更誅同時侶詞林晚輩  
倘聞名烹豚置酒爭相迎甘腴海味復在口紺  
青山色尤鍾情人生此行不可失況隨五馬榮  
輝姬想見盈門歡笑多兼令滿路光輝溢君乎  
應喜我若驚從今肝膽同誰傾今年我年六十  
一君長六年幾近七三十來年世上交除君之  
外無膠漆

題函關紫氣圖贈李宋衍

苦縣老翁來應世五千輒欲留文字紫氣招搖

函谷關青牛想像流沙地太原之喬已開  
崇歷世稱玄王玄珠炯炯出赤水紺廟巍巍表  
瀨鄉其後雲仍起雲杜岳伯巖巖接門戶五花  
韓韓開一枝萬葉紛紛遞千古而翁手秉文章  
權當門家督何仙仙擲辭期作濟美事著論還  
窺象帝先只今年纔過二十藝苑蹴翻思直入  
平掀細帙盡牙籤細檢玄文空寶笈文人楚國  
多不存君家老手誠獨尊縱使穠桃之接葉安  
能如仙李之蟠根願君初志力自保願君登壇

寥寥閣全集

卷十五

五

須及早父子詞場得並名猶勝繼相韋玄成

巖端伯宅觀榴花歌同邵耕夫巖道澈道

普瞿虞卿金雅少錢休民際卿分體得

七言古分韻得七陽

巖家廣庭廣以方榴花庭下開焜煌托根元倚  
西南墻垂枝覆及堦中央花葉相間艷發揚翠  
雲棒出千紅妝真如萬手持絳囊坐幄圍成綺  
錯裳仙母之袍碎赤霜片片綴上東扶桑漢宮  
翦綠施林塘緒瓊何得懸綠楊炎丘之醺煙微

范朱鳥星散爲榮光又如上元盛夕張輪燈膏  
燭懸滿堂百枝火樹珊瑚長君家酒出葡萄漿  
蘭肴蕙藉炊都梁杏衫桃頰夜度娘摘花手進  
赤玉觴風來繞地飛紅香斑斑點入苔蘚蒼賓  
朋列藉喜若狂翠紅鄉裏開詞場彩毫五色成  
篇章人人剖示錦繡腸今年花事異尋常爭言  
可卜家熾昌卽看磊磊子滿房頻來丹穴小鳳  
凰

許太公九十歌

寥寥閣全集

卷十五

六

老人之星現南極飛來金華墮仙窟昔年已出  
黃初平羣羊叱起山中石卽今復見許太公行  
年九十顏若童評出里中稱長者行來地上呼  
仙翁生平競詫還金事處世何求復何忤僮豎  
誰聞叱咤聲困窮悉被周施義家督生來六十  
年被肩鶴髮在膝前孫曾林立數三十瓊枝琪  
樹森森然飲噉猶能同少壯飛行不藉鳩頭枝  
衛武恪恭寧足歌伏生經術還須讓十年以前  
方耄時猶子中丞初諫司徧乞文辭事修爵煙

雲篆光淋漓只今九十稱黃耆仲孫來縮星  
郎綬携將祖德德蒼生何人不願公之壽邑中  
人士相浦君周行代索觴公文玉壺近酌澄江  
水錦函滿翦東吳雲八詠樓前遠相致壽公千  
觴樂公意麻姑已備青麟盤瑤池更到青禽使  
越西盛事如此稀徵文前後紛重輝猶子已看  
八騶駕仲孫又躡雙鳧飛仙種偏多將相出一  
時貴盛良堪述盡室俱行濟世功滿門盡授長  
生術東白山頭擁紫霞千年洞府開君家待君  
麥麥閣全集卷十五 七

百歲期相過來獻家園棗似瓜

題五老觀太極圖壽楊太夫人

堯日五星流入昴仍下人間爲五老觀圖瞥見  
太始前展卷能窺形象表壺中有藥可長年玄  
霜絳雪收紫煙服之可躡赤精天秘之擬獻瑤  
池仙繪者何人乃吳偉落筆還師吳道子衆老  
欣欣各喜顏似向圖中悟深理楊家太母金母  
流地行已經六十秋大洪西麓開丹丘漢東之  
水爲瀛洲有子來爲海虞令召公杜母中牟政

長逢水旱年赤誠每奪陰陽正神君廉介  
太可憐公家翻用私家錢更煩太母脫簪珥有  
時并棄供餐田今年五月懸悅日邑士爭思酬  
母德揚圖來乞野人題絨辭遠致神仙宅余嘗  
遊楚聞母賢欣然點筆飛雲箋傾壺欲獻刀圭  
藥按圖復進坤儀篇兩儀却向圖中出手握樞  
機從肇畫願母常爲萬物母後天之壽同無極  
吳門送茅止生歌

賈生稱穎異終童號英妙與爾千載間今昔三  
麥麥閣全集卷十五 八

年少爾纔墮地十八年鳳毛文彩何翩翩笥草  
豈獨公車業筆花兼與詞林權爾祖文章真老  
手爾翁濟美成不朽爾伯爾叔仍鴈行爾復翹  
然出其後三世五公世所無余因騷雅俱爲友  
爾今淬劍出幽燕四詩別我辭可憐誓將七尺  
置寥廓局促轅下心不然長安冠蓋滿當路世  
交屢代兼親故執禮先修前輩盟閉門還著名  
都賦天門詆蕩開紫宸當廷奏罷氣可申好文  
應自逢明主引薦何煩藉里人我今送爾發西

笑期爾燕臺月雙照明年秋色滿  
薊門看君得志長安道

舟中與張使君酌酒對廬山

樓船破浪溢江道長帆迅捷先飛鳥  
雙杯開幔坐風前九疊看山在雲表  
仙仙快意歌且謔五峰首肯若見招  
明朝且住潯陽郭拉取廬君醉上霄

聽顧無炯漁陽搥撾

顧生不是漁陽吏淵淵鼓聲金石墜  
緩操初似

麥麥閣全集

卷十五

九

落晨星急節渾如聞震霆濤來風捲石  
欲裂廣陵江頭聲不竭看君神色愉閒  
氣超越人人墮一座驚何有漢季禰正  
平嗚呼廣陵之散遽爾絕此調賴君能不歇

訪蘇子晉歌

蘇生昨向金陵走訪我青谿幾株柳  
俠心結得古劉生徧地交稱不容口  
謂言周旋潦倒時大江南北相追隨  
旅居却指秦淮水深衷吐贈長歌辭  
以茲聞者爭把臂無不交歡重君義  
逃禪

名類飲中仙俠徒身作朱家季別來日日每憶  
君海西東望秦駐雲丹青擬乞虎頭障卧遊將  
紀宗生文今叩武原祠君處柳市南頭過飛絮  
索君手筆請開厨發紛紛盡飛去

沈仁祖畫永堂成歌以長句

羲和騁鷄朱鳥翔日當昴位晷候長華棖上蔭  
文筵藉八窗豁達開華堂堂名畫永紀時就萬  
年擬卜慈幃壽酒鐫茶鼎置兩廂玉檢瑤函分  
左右堦前綠挂文梓陰隔垣竹樹分祗林琳宮  
麥麥閣全集

卷十五

十

寶剎映丹彩仙歌梵樂飛清音主人是時適歸  
省清霜不飛晝披錦日邀令母御輿行夜領詞  
人賦詩飲雙雙介弟俱仙儀彩衣同舞啼嬰兒  
臺上荆花並吐萼庭前玉樹生連枝看來似列  
羣仙隊叢霄選境成嘉會福庭翻落宅以西化  
宮只在堂之內東濱滄海隣蓬瀛金銀宮闕仙  
家城紫雲浮車下王母靈波和曲來雙成東行  
客有安期生偶來望海臨前榮阜亭肯置秦皇  
烏中山每醉君家觥內厨供客分甘旨羹取文

鯉鮪王鮪更兼下藥延年蔬琅菜瑤莖雜瓊蔬  
當尊滿瀉赤玉漿主賓安坐樂未央畫卜如開  
酒泉郡醉封却入通侯爵君更欲乘仙驥拔  
却斯堂雲壤寄慈顏得奉職車行何如將母勤  
王事

松鶴芝蘭圖題贈錢太學太學年七十志

公車業不衰

王孫仙仙出霞表年當七十髮未皓披書不離  
董生帷挾策還驅帝京道袖中賦草發光華握  
麥麥閣全集卷十五 十一  
裏柔毫飛麗藻開閣孫弘達亦遲鷹揚尚父年  
非小暫采山中芝草餐仍看膝下蘭蓀繞長松  
落落鶴皤皤君平與之同不老

采香涇歌

吳王程香香山下采采宮娥出妖冶直流如箭  
壘長涇只遣乘舟不乘馬鳳頭小舸龍鱗幃手  
携蘭槳行如飛五彩妝成競晨出衆香載取仍  
暮歸千古繁華不相屬留得長涇界平陸年年  
野草付樵人杜若靡蕪不禁綠

題杜似良春江花月圖送胡元敬就養  
京乃休復吉士尊人也

杜生丹青真好手花月春江運其肘紫霧輕籠  
閣畔花綠煙倒挂城陰柳更圖月出天微茫似  
濃若淡暄妍夜氣吹暖玉熨平波影浮  
金槳是時胡君首燕路舟渡春江搖練處只疑  
槎貫月中行直似人從天上去以君抱道耽隱  
淪生來不夢長安塵青雲一蹴起令子中秘抽  
書仕方始嚴侍相依三十年一日烏情豈能已  
麥麥閣全集卷十五 十二  
我來送君春未季到日毋忘魚腹字坐看令子  
賦上林應憶春江花月地

沙彌兒歌

談摩執手莞率笑欲界天人最微妙下來忽作  
須彌兒輕身俊敏如妖姬結束有時當綺薦滿  
座驚看天女現王家第七黃鬚奴愛汝固若昭  
京珠馬家兄弟情亦篤見汝喚作豐年玉世人  
箇箇抱食癡愛汝見汝俱若斯老奴我亦鍾情  
者不知子姣無目也



武夷山歌爲黃元幹尊人

武夷之峰聳幔亭下蟠九曲上撲星虹橋低垂  
接孫子綺宴高設邀仙靈山氣鬱蔥開瑞異却  
降黃公字公瑞阿母元祈九鯉神山祇輒報五  
靈嗣紛紛羣從起成名中年識命拋諸生秘寶  
懷中有道德浮榮曉下無公卿託乘周遊薊西  
北老翁遇授長生術易水那求豪士歌太行直  
叩至人室行年七十行不扶鶴步昂昂山澤癯  
碧眼猶能夜書字紅唇宛若時塗朱千時五月  
寥寥閣全集卷十五 三

懸人艾並有蓬桑挂門外華筵也設幔亭峰稱  
觴想見羣仙會

送楊脩齡歌兼簡龍君御

邊儲強半藉煮海繡斧東南照文采煙騰萬竈  
日氣昏春迴千里霜威改巡遊遍歷吳越間政  
平自省居多閑皇甫禮儀下縫掖謝公詩賦遊  
名山滄桑不移水不嘯天吳遠避清水操戀戀  
輜軒誰忍行煌煌 帝命應還報漁郎洞口桃  
花津里門暫過觴嚴親香山覓進樂巴酒蓬瀛

索脯麻姑麟橐中此外無餘獻高堂歡喜添顏  
面五色采衣舞不休九如周頌歌應徧還偕令  
子同致辭高篇復有述祖詩衣挂霞緋先後列  
綬懸艾綠參差垂詞林懿戚同社友次第筵前  
起爲壽樂部喧闐榮邸人比隣擁簇秦遺叟紫  
雲迴繞金母輿下來先報青鳥書 帝子儼臨  
丹鳳輦遊仙遠駐斑麟車君家舅氏有龍伯當  
代詞華剖奎壁頌出千言色欲飛懸來四座光  
相射箕疇五福誰得俱一門全盛尤所無況有  
寥寥閣全集卷十五 四

文章接三世武陵千古仍仙都芒芒楚國爭傳  
勝文昌南極星交映慶筵旣畢早北征 朝廷  
闕事何人諍

短歌贈盛堯民

吳人浮薄特著名無吳人習惟盛生義俠真可  
託妻子藝能直自通神明三板橋西一茆屋門  
人供役如僮僕貧能供客客但來觴有酒今索  
堆肉交遊亦有稱君奇二人最號深相知二人  
者太史李雲杜居士俞震維



雨望岫嶠峰

岫嶠一萬五千尺，禹跡三千六百年。玉牒靈文久秘矣，古碑奇字仍茫然。欲往從之阻谿路，急雨崩流上黃渡。羣峰出沒猶海中，雲氣朦朧辨春樹。

中秋洪塘行

是日抵洪塘宴曹能始山池作

我來洪塘秋正中，曹家讌我鮫人宮。蒼水浮空若展鏡，石梁當戶如飛虹。東來皎月懸空度，泛舟直入空明去。水輪思挽望舒還，霓裳欲闔姮

寥寥閣全集卷十五

五

娥處須臾，二女弄珠遊羽衣。舞罷歌不休，初爲棹歌更水調。繼以越艷仍齊謳，居人士女爭來聚。肩摩趾錯銀塘路，清響疑從月裏聞。餘音只道雲中度，彩閣夜深仍繫船。居人轉聚飛梁邊，周遭環倚行不前。昔聞天姥幔亭峯，亦于是夜會讌諸仙翁。下呼曾孫升彩虹，于時人境無乃同。千秋武夷誇勝事，誰道今宵落此中。

交州木山歌

有叙

弘治中許黃門使交南，交南僧有木山供峯

勢聳拔孔竅玲瓏，大類英山之石黃門愛。携歸且題詩鐫其上，字微漫滅猶可捫讀。余入閩見之高景倩齋頭，輒有米公之顛便欲下拜。先是陳惟秦陳正狂徐興公胡白叔倒用蘇子瞻送陸渾韻，各成短歌，遂次其韻繼作。

木山似受神斤弄，夏雲一片如飛動。立處奇令虎豹驚，携來遠有蛟龍送。題詠曾經漢使鐫，撫摩尚繞蠻僧夢。有峯直聳蓮萼高，有磐不藉雲

寥寥閣全集卷十五

六

根重變幻將成文，梓牛依棲儘著金。車鳳蒼紋類繡濕，餘苔赤點疑霑火。後禾風穿衆竅，或有聲雨剝全膚。不知痛崖蜂管穴，欲成房野馬飛屯。豈煩輶珍奇元合供，瑤臺符瑞何能出。銀甕莫言腐朽材，不材側身猶可支傾棟。

十二月十七日迎春同諸社友集陳長源

宅觀舞獅歌

是日長源尊堂開壽筵讌客

東郊春色迎已罷，北堂春酒筵初張。綵仗街頭各分散，舞獅庭下來騰驤。始看奇毛青螭捲，猊

瘁怪狀環紅眼低蹲高跳儼猶生東突西馳那  
可辨須臾蠻官出牽曳羈絡猶然不受制千迴  
百挽力稍疲餘威尚有咆哮勢吁嗟獅子我聞  
百獸皆稱臣猛噬見之無不馴胡為庭犬亦不  
避豈于王者非其真又聞漢宮有角觝魚龍百  
獸皆成戲幻人西域古流傳獅子獅乎無乃是  
曹能始荔閣嗽荔子歌

曹園古荔滿林壑中連雙樹如團幕間葉紛疑  
火齊生垂枝定道紅星落主人抗樹起高閣荔  
麥麥閣全集卷十五 七

子環如挂瓔珞紺紫纍纍高下懸朱丹點點東  
西鎔千枚任摘雕闌前金盆沃浸青琳泉香觸  
何知屢嚙唾口饒便覺雙流涎須臾裂却丹霞  
齧剖出水肌皎于玉薄綃淺絳卸中衣滑澤光  
瑩恣餐足牙後深甘玉女舂喉間不饜楊妃肉  
一時遽盡三百枚通靈已覺成仙胎毛髓初疑  
換丹藥羽翰輒欲升瑤臺漳州大橋大如盎甘  
美不如何足想吳越楊梅豈乏甘較之仙味寧  
不慙龍眼猶令奴作匹其餘瑣瑣安足述海內

百果王鮮食荔支終第一

景氏江樓觀諸姬演章臺柳歌

陶西之丘  
麟喻邀飲

同諸  
子作

城東南岸紅樓出嬌歌妙舞神仙宅平臺裝出  
妖冶姬長席看來詞賦客邀人地主陶與丘邀  
者一一皆名流東吳老人髯雙白披裘曳履坐  
上頭此中元是名花數一羣嬌鳥嬌啼久艷色  
臨風露井桃長條拂地章臺柳女人真女女作  
男眼前優孟能相參游戲搏成騁世界架虛演

麥麥閣全集卷十五 八

出空言談紛紛何必論真偽當場瞥見唐年事  
憐才却有李王孫任俠何來許將仕故姬奪與  
韓君平武夫那畏沙叱利憐才任俠世所稀驚  
覓對此色欲飛但得才人屬才士藝林千古長  
光輝

麥麥集卷十五

麥麥集七古補遺

桃花嶺歌爲楊太宰賦

桃花嶺下桃滿蹊千樹萬樹花欲迷飛疑丹竈  
赤霜發粲如陽谷丹霞棲問之此樹種誰手三  
千年來花已久核授金門老歲星種傳瑤島西  
王母關西夫子高丘公參差結構花林中雲房  
窈窕藏嶺曲丹樓虧蔽臨花叢林間子熟時時  
食餌膠且有長生術漢苑雖誇露井春仙家不  
數綏山實行遊歲歲還年年追隨洪崖侶倥傯  
麥麥閣全集 七古補遺 一  
偃卧居然錦城裏登臨忽陟炎丘顛更開曲逕  
多迴互出林長恐重來誤怪底山中宰相家翻  
移洞口漁人路

飲馬貞白藥房遂爲短歌

馬生施藥隱城市好客偶取黃金錢得錢卽買  
竹葉酒邀我去汎桃花船湖堤小醉意未已再  
陳綺饌丹房裏羊膏雪白魚子紅海苔沈綠湖  
蓴紫山妻割煎不厭頻咄嗟卒辦如有神庖事  
在手變常味難炙難辨炊勞薪藥鼎溫丹復溫

酒酒溢歎火火不走醉來誤食化金沙絳雪玄  
霜在吾口

嚴夫子水墓歌

汨羅昔日靈均死多少詞人哭湘水哀哉時命  
續離騷漢時復有嚴夫子嚴家有村名尚留夫  
子水墓浮孤丘荒煙亂卉掌大土默然點破澄  
潭流不象祈連山翻成落星瀨卑埏難容樹作  
林墓門僅許荷爲蓋網以綠薜荔終之芳蘭荃  
一杯似有水神捧片石亦疑精衛填吁嗟乎墓  
麥麥閣全集 七古補遺 二  
胡爲乎築水中靈胡樂兮遊水裔置冢寧無汲  
縣山開阡豈少南陽地當年深意人不聞千秋  
之下我解君無乃仕漢傷讒毀却與靈均事相  
似縈身亦慕彭咸居垂死遺言瘞于此謂生不  
葬魚腹中死亦長埋河伯宮

麥麥集七古補遺終

麥麥集卷十六

東吳俞安期羨長著

構李朱茂時蔡石校

長短句

草堂讀書圖爲鄒平如吏部題

咄嗟管生汝胡不寫冠裳走集天官曹又不寫  
旌旗羽獵雲夢野却爲鄒君貌出讀書圖蕭蕭  
獨坐菲茨下數枝竹樹任棲禽三尺庭階不旋  
馬束帶寧非仙吏乎下帷猶若書生也管生管

麥麥閣全集

卷十六

一

生吾知汝畫善寫真能識鄒君心與竹素親應  
跡雖墮宰官列寄志不是繁華人要得神奇在  
糟粕眼中浮雲萬態俱紛紛但見琅函滿東壁  
架頭高下惟羣籍倉頡繙來鳥篆文羲皇譯出  
神龜畫金版分明蒼水司玉書想像龍威積結  
繩以後六代前百家論著何茆茆遺言陳迹有  
逸典王圖霸畧多新編或陳竺乾東來之四部  
或參函關西去之五千牙籤玉軸幾萬箇充塞  
梁棟如雲煙看君草堂圖憑君草堂几宛然眼

前境縮入紈素裏窺盡奇書落畫圖不如化作  
君家蠹魚死

張無疆云奇正相生自是孽雲手段

春夜踏雪過飲李憲使署中醉歌

山城北風吹雪來武陵源上成瑤臺津口桃花  
十萬樹一一變作庾嶺梅花開往聞南雪不到  
地今年厚積爭傳瑞騎馬夜踏銀海行闌入官  
厨索春醉堂上不設文錦之華筵堂下盡屏喧  
闐之鼓吹却開西清臨帳房小几清饌俱美嘗  
龍牙土笋玉片小燕嘴海魚水縷長名酒自携

麥麥閣全集

卷十六

二

銀鑿落中有粵桑寄生藥滑冽毋論漢上尊酣  
醇稍類胡清酪飲酣意氣紛飛翻停杯頗悉平  
生言由來自許骯髒骨寧肯輕受時人恩非君  
置我形骸外安能棲棲野服遊冠蓋况君念我  
窮途愁又復念我內顧憂對君畧不露慙色知  
非世路情悠悠嗚呼諒非世路情悠悠且舒懷  
抱封我醉鄉之列侯

醉擊唾壺歌贈吳文叔

吳家酒色新柳黃金膏注射掣晴光菜羹綠經

荷碧玉谿鮮之腹肥截肪菲堂小讌各快意山  
日不午客將醉起來醉擊唾壺歌氣吐在天雲  
在地丈人莫匆匆聽我歌且終秋水那得驚海  
若寒水何由識夏蟲爽鳩不得長有萬年之齊  
國倚頓又豈得爲千年之老翁勸君六時須痛  
飲糟丘麴臺夜高枕贏得青山荷鍾埋酒痕淋  
漓帶衫袵貧賤肆志真良圖達士往往藏屠沽  
縱使西家黃金滿百萬只抵盤龍一擲之梟盧  
世人瑣屑見眉睫是以不得知我徒壯心一動  
麥麥閣全集卷十六 三

耳雙熱失手寧知唾壺缺霹靂乍響白玉裂滿

堂飛墮峨嵋雪

崑崙謠爲丁元父  
太夫人

崑崙之墟乃在黑水陰赤水陽古稱地首天中  
央高高天柱三千里崇標直立于青蒼星辰隔  
輝挂其上日月引避行其傍琪花寶樹覆以萬  
古之絳氣醴泉華池注以五色之神漿瑤房積  
石開玄圃削成迴屋連天寓壖城雲闕帝下都  
下有仙人治九府灌溉紫乳耕耘素虎木禾芝

草夾琅玕分畛原田綠膻膻主以西王母高居  
碧琳堂曳斑文之虎帶垂七寶之鞶囊玉童前  
執葢靈妃列吹簧雲琳之瑟步玄曲鳳鈞鸞舞  
紛迴翔有子分爲白嶽長迢遞相從下雲壤青  
鳥從錦旌斑麟負羈鞅披服赤霜袍飛擁青霞  
幌教兒鍊藥軒轅峰丹爐飛雪九轉紅山石化  
金濟人世併得行滿成玄功我從華蓋宮下來  
踏培塿屑琅玕以爲饌掇木禾以爲酒長跼再  
拜敬進阿母阿母受飲之後天而存長不朽萬  
麥麥閣全集卷十六 四

年長住崑崙首

仙棗行爲安太夫人

東海之上蓬萊之島嘉樹離立萬年不槁仙果  
紛紛不辨名實之美者安期棗赤心絳質大如  
瓜三千年前始一花灌以天淵之甘露蒸以陽  
谷之流霞奇形類玉文異味逾石蜜西海聞來  
玉女餐玉門曾設瑤池食仙棗本是出仙家世  
間凡種安足誇齊王赤水元虛問晉代華林  
未嘉安家之母真仙母仙棗爲體長在口一

年千年再食壽萬壽只今初度六十秋三千甲  
子第一周苑蕩東開卽瀛海膠山北晨爲丹丘  
何必餐雲液又何必鍊五石此棗家園歲歲生  
朱顏長作人間客

題何巨源雙輝樓畫壁歌

何郎買屋梁谿上高樓直與行雲抗塵壁模糊  
浣拂來古色嫣然存畫障左壁老松奮出如怒  
蚪橫奔欲赴東南流牽崖帶石不得去脩藤倒  
挂相纏糾別有一株高欲斷抹霧橫烟淡枝幹

寥寥閣全集

卷十六

五

雖然未受秦帝封竭來每作幽人玩誰其畫者  
廷章過氏真名流于時孝廟癸巳之首秋右  
壁團樂兩岸琅玕竹雨後春流散文縠數枝低  
亞點波心幾竿直上穿雲腹卽令未封千戶侯  
渭川千畝同臥遊畫手崑陽處誠屈氏者寫在  
次年甲午閏月也兩君筆法俱出九龍山樵老  
手王國朝三子各擅長前人好画乞李老後  
來好事歸何郎青蒼葱蒨分兩傍清輝雙映浮  
中央何郎何郎朝向松間撫奇石暮倚竹杪

自謾謾蕭蕭生肘腋憑空百尺仙人宅遊仙  
我亦好樓居勿令再作他人廬不然儼我一牀  
地與爾拔宅同飛昇紫虛

西玄洞主歌爲茅止生悼亡作并序

陶姬楚生之亡也止生爲之立傳幾二萬言  
自古作傳者飛燕外傳失其長梅妃楊妃失  
其豔余習聞止生遇楚生事甚奇旣讀其傳  
鴻纖具備敘事繪情宛在目前而又若券合  
廼取傳中語次第其韻豈其悼止生之亡亦

寥寥閣全集

卷十六

六

欲紀老狂之異耳余衰矣江才旣盡神筆已  
還何止不文而言不過十一事不能悉其十

五云

隴山東開大洞天列以第四名西玄肇天西接  
蟠冢下佐嶽南與青城連縱廣峩峩二千里真  
君裴君向分理楊柳天橫碧玉堤芙蓉地溢黃  
金水眷屬中逢女者仙雲裾霞珮飛連翩無乃  
真君之愛子下來欲畢浮世之塵緣真君衣羽  
衣夢中特相委匹與茅盈雲仍少孫子孫子茅

郎嗣得陶氏姬楚生其字真可兒明姿豔質冰雪肌一如夢中所見仙容儀陶姬生自維揚里次第余歌紀終始父爲胡翁教授里中兒不識通都城與市相女雖然有異姿何能得邁賢豪士父有姨今母有姊平康俊姬陶爲氏滿堂歌舞買如花還往交游盡羅綺偶來視妹却見姬瞥然警眼稱大奇有此名應甲天下汝何咄咄日憂貧賤爲妹云我女甘隨汝爲母彼翁善相無相負當爲詩禮貴人妻豈堪餽餉農家婦縱

麥寥閣全集

卷十六

七

令暫挂章臺柳得人或付才郎手從此携歸屬姓陶顧方覆髮才且高工技母論善音律翻書直自通詩騷十三已及破瓜候來車流水傾豪右但覲才人試與偕料非令偶終難就相逢不博目前歡乍交卽作終身看善避常令防突豕暫依亦欲求翔鸞雄貴有何貴人子求匹曾遭屢輕鄙恨舉單辭給婦翁故使僵桃代穠李以茲避地辭維揚不耳錢塘纔過十四臨十九美名日日勞人口觀者一國皆如狂茫茫

小膽經四霜明聖湖頭青翰舫容讌茅郎雙蕩藥青禽飛下忽傳音覓郎欲剖中銜心何處狂且忽遮道拔却堤邊菴苑草自此佳人作檻猿問津已失桃花源匹鳥雙棲限南北靈犀一點通朝昏汪家然明乃俠客聚謀倚徧西陵柏一見思酬女子知多方不爲佳人得是時深秋湖氣清友人選色徵新聲妖姬頗盡越國艷酒徒悉集高陽生湖波吹動襦衫影周遭錦浪翻千頃樂方遁出爭歡呼茅郎一人終向隅扁舟澄

麥寥閣全集

卷十六

八

練光中出中載鈿車漸相逼一姬忽復臨瑤席微波不動塵無跡輕身一舉擁清冰媚眼雙流碧五方冠履孰不驚四座花枝盡無色嗟茅郎面未識向來只作空相憶不知人就虞侯功相看私有陽城惑何知箇是想中人青天忽墮隨風輪豈謂亡珠返滄海真如合劍逢延津詢之謀出然明也佐以力士程生者持刃爲人持不平劫人聊塞癡有情席前起壽人人遍致辭有若論功宴夜深同上船上樓燕私不及



泣不休張燈自敘從前事某氏席間郎不記首  
未加冠意氣豪曳衣剗襪踉蹌至儂心奇郎陰  
詢郎旁人譽郎語頗詳文士云郎筆力强龍雕  
虎繡苞鳳凰劍士云郎俠骨香兩丸赤白能善  
藏策士云郎志四方沈謀遠略雄心腸酒客云  
郎託醉鄉所嗜不在壺與觴由此儂心印郎影  
詣郎願有終身請不謂輕塵但逐風終是濁泥  
難離井今日艱難虎穴開豈求一見郎君迴傾  
身付郎郎見拒但令一死酬吾父片心如此言

麥麥閣全集

卷十六

紛紛將來作計當何云坐深已下西嶺月語畢  
欲曙東方雲茅郎聽罷潛出涕男子胡嬰兒女  
計薄緣何敢望因依深心寧不酬知契上策無  
如姑緩兵歲云暮矣促使伊人行四方佳偶爲  
汝擇東之吳會西石城遙遙天壤不可得勉許  
佳期卜龜筮中路俄遭鬼物言爲道婚姻已通  
籍娟娟伉儷詣何日是在辛亥春正之十一  
氏太君親擇吉翟車遠赴監成匹歸來遽抑深  
深淵玄雲上益滄浪天幸逢呖氣開屏翳試期

得賦遊燕篇太君語姬我以兒付汝長路艱辛  
慎居處時時爲詢寒與飢讀書爲伴毋相離總  
爲成名望須早兼以抱孫心恐遲入燕超忽遂  
經歲郎下書帷妾周衛秋來焚舟一不濟妾淚  
不乾郎下第南還羞見鄉里間僦居東近鍾阜  
山久住知非遊子願忽歸促覲慈親顏爲言兒  
妾已復孕未得隨郎佐溫清明珠倘奉掌上  
兒報太君初志竟生離東下春旣過千時四月  
天清和樂聲隱隱聞簫鼓持幡青衣下仙府羽

麥麥閣全集

卷十六

十

長者云被命來促召西玄洞中主姬知帝召不  
敢違從容起沐還更衣致語郎君妾初意佐君  
人立非常事有懷志意兩不諧人命何常朝露  
願郎好畢功名緣見期相待第四天久遊顧  
樂西湖邊青山埋我湖之埂期報太君莫忘前  
囑語曾進燕吳五淑女薊門不成趙與張邵孀  
已去今留楊我相榴房定多子早令蘭夢生蘭  
房語畢雙睛瞥然閉氣剖頂門神已逝雲壤花  
收觀裏瓊月宮樹倒輪中桂痛哉郎君聞訃音



蒼黃欲飛天上尋僮僕銜恩競流涕太君斷食  
還椎心郎君最恨不面訣嘔血酸辛慟幾絕痛  
定平將痛一思情深無奈情多節憶昨再登湖  
上船善談酬客客駭然超超名理下及經世術  
言言中窾如流泉偉論雄辭供下酒世出世間  
無不有一腔穎慧付黃壚天乎忍掩機鋒口除  
夕無人午夜時白堤楊柳行相持細剖私腸寸  
復寸風吹縷縷還絲絲十八年來兒命薄五年  
齧藥閒擔閣今夜明朝歲已除爲兒除却春光

寥寥閣全集

卷十六

七

惡何難一命畢君前胡能再作他人緣柔辭激  
語尚可數銜哀帶怨深可憐既而落却機人殼  
日夕艱辛在中篝策人劍客計莫施籠內孤雛  
莽中獸以姬自謀潛發覆脫身得共燕臺走中  
途有盜先已疑宵分坐守私備之驟然警發身  
捍刃幸姬得免倉卒危入都無事不相賴當余  
病劇幾遊岱醫巫竭術不效靈皇皇晝夜祈身  
代悼姬豈盡兒女仁爾恩我戴同一人飛鯁半  
失相比目迦陵中割共命身那能不判生捐棄

九地九天何處寄雲積玄昊決背愁水添滄海  
抽心淚再世因緣未可知重還魂魄真無計輕  
生非爲慈幃憂忍悲何樂人間世所恨夢中不  
情之羽衣來胡爲今遽使歸何不令吹簫似秦  
女雙雙煙霧千年飛

題小瀛洲社會圖

十洲之西武原之上中有五畝青林宮水周堂  
下流繞城之中襄陽太守徐老東濱翁開林結  
屋小與瀛洲同相看卽有弱水隔咫尺遊邀每

寥寥閣全集

卷十六

七

有飛仙通往當嘉靖壬寅歲徐翁招要九老成  
社言墨山陳子善丹青傳神肖貌人人意態咸  
生靜聽衆口語言笑傲疑有聲九賓一主人  
成十錢臨江與吳岳伯仙令龍岩與光澤齒德  
朱陳二隱君好文更有劉將軍徐翁臨枰與對  
奕石林敵手天寧釋或羣而竚立相徜徉或聚  
而比肩窺卷冊中有南昌使君西臯公威儀楚  
楚軀幹偉且豐是爲我友念之之祖翁此圖成  
自東濱之賢主題辭紀事文亦古子孫傳來七

十春裔孫承祖老乏似續人後來流傳恐失守  
擇人却付念之手謂得收藏有如鍾念之可保  
千秋萬歲存無疑但令玉軸長在乾坤裏其于  
鍾氏猶徐氏念之聞之喜欲狂入手合圖與記  
旋裝潢我來一叩雖啗館懸圖對酒樂飲爵無  
筭嗟嗟香山洛社徒落文字間寫真却失諸老  
之面顏天策學士亦有瀛洲之圖繪元非隱逸  
耆舊輩若斯圖者諸勝都兼備念之念之肯令  
視作尋常事

麥麥閣全集

卷十六

三

讀表慰集歌以代序

丹鳳銜來一尺紙特表貞婺慰生死文詞傾動  
海以西余請備書悉本始死者何人劉敬止方  
岳熙臺之仲子仲子少年才藻儁且雄十七首  
選費序中居常孝友力家政宗黨懿戚恩禮無  
不隆美名赫赫耀鄉里擇婿來賓曰項氏墨林  
長女維行既就婚是爲尚書襄毅之曾孫結褵  
得偶歲纔七玉折蘭摧忽焉卒呱呱有兒未二  
暮拋却貞婺年廿一貞婺之貞真可矜駁容截

茶苦誰能勝手操兩握凜烈之霜雪守懷一  
片瑩潔之清水啞啞夜半尚機杼四十餘年備  
酸楚百方嘗穢延病姑丸熊訓子卓立成名儒  
孝也義方訓不孤療母之疾股亦剝母貞子孝  
末世之所無嗟哉至行居然動奎壁詞苑紛紛  
競操筆澹園之誌雲杜碑治中孝廉立傳無諛  
辭謝臨川與李明府表章阡墓共揚詡采文學  
賦叔弟誅更悲幾人歌詠遙追思紀君事實在  
四十年之後一一信詞咸不朽至于貞婺詠歌

麥麥閣全集

卷十六

古

頌說文更多一時墨海翻却陽侯波其人上自  
公孤下韋布作者家家開武庫蜀閩趙晉楚粵  
豫章三吳兩浙地盡五方復有撫越之中丞巡  
越之直指郡邑之守令鄉校之博士以至雲棲  
大師天潢帝子閨闈彤管文媛女史宗人五世  
六十有四人貝壇瑤席更有感降之仙真羣仙  
漢史崖道士仁翁國叟何姥純陽賓探芝上士  
瀟湘主莫不聖凡騰喜各各翰墨紛來臻編成  
次第付毫楮褒然天球異寶窺臨羣玉府太史

朱君述端緒真足鋪張茲勝舉表慰名集意何  
居爰揭采風使者疏中語嗟哉苟非孝子矢心  
痛父早亡母早孀何能感格寓內文秭塲又非  
詞流不重懿德彰誰肯筆端妄鼓剖出五色之  
心腸莫謂文辭燦爛亦何益名紀千秋藉方冊

琴瑟集卷十六

琴瑟閣全集

卷十六

五

琴瑟集卷十七

東吳俞安期美長著

梁谿黃家舒漢臣校

五言排律一

勞勞亭與所知叙別

長河落廣庭  
酌酒濕秋星  
出戶輕生死  
藏名托醉醒  
一言曾夙昔  
百感豈飄零  
朋好從茲別  
山川信所經  
亂雲高進侵  
大澤莽揚舲  
巖石臨圻白  
湍流入峽青  
懷沙悲楚客  
倚竹見湘靈  
風土

琴瑟閣全集

卷十七

一

還徵記鄉音  
欲改聽清芬  
紉岍芷赤實采江萍  
畏路元輕犯遙心不自寧  
懷親愁日短憶友悵雲停  
縱使身仍在勞勞似此亭

近事

近事天難問  
微辭衆強同  
理端終汨汨物態苦  
匆匆爲纍緣持法貽猜自直躬  
驚心看市虎射影見沙蟲  
不問王言矯惟憑謗牘工  
拾塵爭自惑積羽竟相蒙  
遠撫真何意深文豈至公  
畏途三黜吏瘴海獨從戎  
憶昔追驕寇飛塵捲疾

風軍聲平欸後殺氣跨蠻中拓地西南盡飛車  
貢稅通孤臣疑黨籍盛世薄邊功誰使窺秦鏡  
爭教失楚弓尼丘封遂沮蜀坂道終窮巖譴仍  
虛及殷憂抵亂攻入山悲介子去國感梁鴻忍  
抱紛紜恨吾將蹈海東

入彭蠡迴眺有作

紀域桑經遠分瀦禹績勞中流淪象曜衆委共  
波濤北滬居陽鳥南方失斷鼇山形存縹緲地  
表絕周遭潛物安鱗介飛禽怯羽毛雲光沈水

麥麥閣全集

卷十七

二

碧日彩泛金膏川后窺丹笥波神厭赤刀險傾  
心竊戒空闊氣令豪逆旅情深遣遊僊曲緩操  
冷風嗟莫御乘鯉憶琴高

謁徐孺子墓十四韻

亦運將移日玄纁遠聘時數辭寧自矯獨立恐  
難支輔弼非無具經綸未有資從容高士列特  
達衆人師仲舉專求禮林宗頗受嗤穡田聊食  
力絮酒或酬知紀述前賢史分明相國碑青林  
歲古墓紺石表荒基除掃前無闕封埋此不疑

清風遠樵采白日久茅茨靈氣山原異餘輝草  
樹私綿綿冀神理歷歷諒心期余亦眈微尚君  
其惠令儀後先論契合三歎薦江離

四月一日同張長倩元吉君霖集楊懋功

岫雲亭

探韻得一東

慢出從龍上梯乘峭嶺叢疊山庭似隔穿石逕  
非窮潦水平池溢行雲上岫空含櫻時下鳥截  
雨晚垂虹綴壁花多異分區樹不同林梢懸檻  
坐竹外向厨通紀候初炎月稱詩並國風酒頻

麥麥閣全集

卷十七

三

行衆客歌近立雙童隱逸邀天幸逍遙識帝功  
藝文誰不見今在草萊中

遊逍遙山

山有玉隆宮舊爲許  
旌陽拔宅上升處

名山深隱曲佳氣久扶輿乞地曾仙令棲雲  
故墟去家乘霓壤盡室載飈車境擬玄真國  
開羽客居蛟龍深壓後雞犬上征餘浣腹谿  
鼠全生沼放魚楓枯中可坐竹老實堪茹神  
飛茅近鄰人翦柏疎赤精雙井涸白石一函  
刺有鐘兼轂藏無藥與書霞房通降陟煙埒

躊躇誰復西林借道遙遂結廬

方士功法曹招同徐次念方伯孔陽建父

二宗侯讌集江樓各賦金字

樓閣雄孤起川原迥四臨江淪蛟井闊地入女  
牆深虹遠盤天色山長赴水陰浦雲低曳練日  
浪細吹金裘謁容陪乘冠裳遂盍簪寓形忘土  
木觸目見瑯琳物理看深意微辭托短吟風流  
河曲讌今古未蕭森

遊太平宮紀述二十韻

宮爲詠真第八洞  
天唐玄宗詔祀九

琴琴閣全集卷十七

四

天使者宮殿之盛自古未有後煬兵燹  
今小有存者是或重構丹井寶池鹿場  
僊石益淪而無聞矣

深洞臨崖近平原進窰覓珠宮連谷起碧澗亂  
雲盤嶺障藏真氣風雷闕夏寒高芝立車蓋新  
樹長琅玕傍格花平覆綠樓薛上千通廚多廢  
水觸石自哀湍彩失池中寶煙沈井畔丹故塲  
空擾鹿僊蹕渺乘鸞石戶懷靈跡雲璈想秘彈  
獨存三絳殿剩住幾黃冠在昔蒙飛詔于時美  
異觀山祇稱使者禮典頒祠官佐命南隣嶽祈

年上築壇效形圖魏闕賜榜出長安列聖分儀  
仗羣真接羽翰琪園通窈窕琳屋徧嶢屹直謂  
叢霄並平教劫火殘悲來齊物理事往見衰端  
全盛期重覩冥標冀遠看異時吾避世留采赤  
霞餐

東林寺

僧自鴈門至燈繇象教傳林先迎慧旭峰不斷  
鑪煙化國棲禪日神基感夢年過谿危禁虎置  
漏巧爲蓮背殿泉流伏分堂壁影懸三千窺遠

琴琴閣全集卷十七

五

界十八禮前賢修業猶荒社邀人亦善權陶潛  
今不起戒律但如前

遊天池寺

廬山高未極祇苑鬱中藏赤寶縣龍藏玄金覆  
鴈堂雲移銀海色天棒上池漿園柰垂花碧崖  
松偃葉蒼竹林窺縹緲蘿石禮清涼行樹鳴諸  
樂齋厨受衆香塔珠依化佛臺火現燈王禪味  
高僧悅僊蹤聖祖揚河山同轉眄津路豈微  
茫坐見人天外空輪擁慧光

瞿伯明熊惟遠徐幼魚吳倬倩臯倩諸子

結青桂社成賦贈十四韻

獨取淮南樹遙同慧遠遵誓稱如此日社集似  
當年並自師前輩真無忝後賢風遵周道始賦  
屬楚材先非馬談何益承蠅志欲專高尋建安  
去卑視永嘉旋擬入參軍品期歸樂史編馳驅  
憎鬼物吞吐挾雲煙變通羣象調音合衆絃  
從容求隱閔商略較嫵妍豈直才華重兼令友  
道全譽齊徵不朽迹異諒無愆或漫嘲濡首寧

麥參閣全集

卷十七

六

須請息肩從看文苑傳名似列星懸

七夕別吳明卿先生敘述六十韻

雙星渡靈駕七月紀幽詩設果成嘉集飛蓬動  
遠悲關山初短日湖渚已涼颼咫尺辭庭榭蒼  
茫別路岐晚花悲躑躅芳草颼蕤蕤中曲哀頻  
起前征慘不怡斯須聊並立今昔漫遙追感夢  
憐多歲傳書彼一時互稱神契合偏使見參差  
許可聞君慎游揚到我私入吳虛遠問歸楚悵  
低垂伐木歌誠苦紉蘭佩欲貽錢元戀子母紉

亦嘯雄雌竊自遵廬阜專求問具笑歡悲殊未

定肝膽了無疑交引忘年事居要累月期名園

藏詭異高枕避喧卑煙逕歌斜入雲房窈窕窺

林分千樹古石擁萬峰奇玉髓逶迤洞璇源宛

轉池追涼遷坐得畏影息陰宜榼每傳餐至舟

因載酒移炎蒸天赫赫道路水瀾瀾使者行相

望畦丁供欲疲桂香多釀秫芝火數烹葵河朔

仍輕詣高陽亦浪嗤誰能狂似此只恨醉何遲

歌任徵桃葉中從岸穀皮卷衣承夜露晞髮向

麥參閣全集

卷十七

七

朝曦小臥便松几深眠穩薛帷觀魚諳遠性調

鶴愛仙儀間自尋芝室幡然剖竹籬渴投冰井

側熱撫雪山陲點檢參圖籍摩娑辨鼎彝登樓

寧獨徃沿汎復相隨蓴菜湖中艇蓮花嶼下碑

泊洲依宿莽拜墓擘江籬篇牘頻交和私衷每

共披會心懸片語憂世託微辭海嶠同何子濠

梁忝惠施明星窺並枕殘燭罷彈棊詎遣遊濡

足還聽說解願驪黃真自失雞肋詎難遺直取

吾文定深扶此道衰骨偏收骭髀病不掩瑕疵

不路誰爲侶中年始得師借名容後進審法尚  
前規序復煩玄晏詞竄諛左思生叨隻字重死  
有一人知喜劇紛爲舞驚迴莽若馳生來空所  
向子在敢何之驟得三吳信全荒八口資丘陵  
枯赤帝畎畝屬水夷無用豐年玉那支併日炊  
一身猶落拓萬事且艱危盡力應嚴父啼饑恐  
幼兒往來心百轉歷亂淚千絲輕別堪長忍多  
憂奈強打情文俱竭矣去住總淒其安得攜家  
隱相將併在玄

麥麥閣全集卷十七

八

席上賦贈賈別駕于景德分署

佐郡題輿久分曹領事偏官疑陶正後才出治  
中先儒術元宗魯悲歌不習燕健身隨短日苦  
行慕長年蛇豕驅應盡鱗蟲荷獨全自公稀退  
食結客屢張筵理辨天人秘情勞地主賢誰期  
行路者猶得醉君前

遊攝山同陶懋中徐茂吳鄒爾瞻夜宿樓

霞寺聽講解作

山蟠閼寢後路遶亂峰前懸度松梁水高穿櫺

路煙霞樓林合沓雲抱磴迴旋寺想徵君宅碑  
摩僕射篇曇花開慧日僊草擢長年清磬投精  
舍疎鐘禮梵筵法門元不二巖壑總成千珠戒  
山神受金裝帝子捐月明龕影滿雨霽塔光懸  
蒼壁中開石清池上散泉鹿源隨客飲虎穴引  
僧穿絕壑搜窺底危岑奮陟顛江流微坼地雨  
勢不鄰天遠徙孤鵬小低垂二曜圓高窺非陰  
界下視若迷川勝事時濡足塵勞夜息肩三乘  
披講解七識悟攀緣疑作漫空網形稱渡海船

麥麥閣全集卷十七

九

無生俄得領了義詎重宣不藉雙修力平教五  
漏蠲宰官身卽法居士病爲禪縱復歸城市俱  
開火宅蓮

秋日登雨花臺同王仲房郭次甫孫齊之

鄔汝翼姚伯道吳允兆余食其謝少廉

姚叔度馬從甫陸纂甫梅禹金項仲連

謝少白許元實劉俠君方嗣宗潘景升

吳翁晉梅李豹孫子喬張去華社集分

韻得五微



已臺留佛域靈岫奠王圻地展黃圖闊江橫白  
練微寢園瞻羽衛城闕辨旌旄嵐影深浮紫霞  
紋迴挂緋羣山莽廼互孤日遠光輝香氣成雲  
上墨花學雨飛天文乘霽發草樹入秋腓亭起  
張飄幔帷成結舞衣設盟人並列投飲客如歸  
野饌兼鱗羽山糧帝蕨薇豔歌移夕照梵樂下  
煙霏題清妖姬送絃徵麗豎揮冥搜遺物象新  
語著玄機照夜龍銜燭諸天列宿稀

題澄照塔院十韻

院故秦長水縣縣沈爲  
神而院基獨浮水上

琴琴閣全集

卷七

十

香刹浮長水秦城變劫灰龍扶經藏出蜃吐化  
宮來塔影蛟長狎鐘聲鴈詎猜林爲雙樹苑峰  
作九蓮臺

左有

九峰佛似曇花現春疑忍草迴象王

西域至鱗族下方開客到看移艇僧歸學渡杯  
慈燈傳日月法鼓殷風雷海氣初煙變潮音夕  
梵催誰將門閤國直自寄蓬萊

聞安茂卿隋水傷足賦寄十韻戲之

傳聞什水厄翻抱下堂悲竟使傾如鼎胡能衛  
似葵醉禁鵲鴻舞走侍臣虛多苔削西林跡花

加院思寧辭行汲笑只與著書宜藤杖終難  
倚藍輿或可隨躡雲愁度嶺濯月夢臨池天意  
尊投邇吾生忌處危也知行露少直恐御風遲  
幸待丹成後飛翔定有時

石壑新居飯隱峰天逸大拯月山神乙逸

西本靜七上人賦紀十韻

厨借衆香國泉分七寶池芝杵呼再濯松火命  
新炊稻米蒸紅雪芹莖剖綠絲錫邀空外響齋  
候日中期入藉行爐引來惟應器隨慕羶蟲詎  
集想食鳥頻窺城學毘耶化居將舍衛移呪餘  
仍送難磬罷或咨疑言語投機捷威儀出座遲  
人來看自異七佛豈同時

卜居後值歲祲入秋貧困鄒彥吉招遊金

陵遲予三日會之行費不赴寫懷寄之

因簡王承甫

妄計居堪定何知歲再荒稍營蓬華宇盡典芟  
荷裳有壁眞徒立無貲豈善藏一身行偏側廿  
口坐蒼黃貧粟同莊叟哀歌類子桑故人遊建



業邀我共舟航珍重三山使艱難百里裝直將  
晨廢爨何以夙春糧軒舉俄將奮低徊復自傷  
江山歸想像城闕望蒼茫渡憶千舟蕩臺思百  
戲妝土風猶宛洛淮水擬天潢古樹銅溝闊踈  
花簞道長軒車何赫赫京邑本煌煌鐘磬南朝  
寺笙歌北里倡以茲佳麗地昔我俠游場曳履  
將軍第揮毫御苑牆停車爭執轡舞馬或登  
壯佩解春遊女聲徵夜度娘屠沽金錯贈博塞  
寶刀償結托慙方外沈埋誤醉鄉詎知今日困

麥麥閣全集

卷十七

三

始悔少年狂君但開文苑人應問草堂登臨雖  
帝里棲宿定禪房蟠踞窺龍虎崔嵬陟鳳凰烏  
衣弔王謝貂珥避金張談自諧名理歌偏發慨  
慷舊遊招滿座新政督傳觴邀笛誰能識論詩  
孰可當醉來如俯仰天壤只王郎

自芙蓉峰頂下遊芙蓉寺因參達觀禪師

過嶺疑無地南山更有南鐘聲窺絕壑蘿蔓下  
清藍香氣成蒼霧廚煙上翠嵐珠林雙澗遶金  
地高峰含薜荔紋青嶂芙蓉影碧潭秋陰過竹

院夕梵禮花龕大鰐云初住宗乘感昔參法門  
開不二居士到曾三刀尺應何去機鋒了莫擔  
豈期從末世又復見瞿曇秘密旋相授支離肯  
浪談拈花如解取四部總空函

贈帥惟審

列宿乾文著卿雲瑞彩披昭回看法象擬議發  
鴻辭申素紛摘藻探玄奧握奇侶顏工應制法  
謝組遊詩性癖過中散書抄若左思迹融流玉  
隨標立擁金支詎類文人行頻罹逐客悲清曹

麥麥閣全集

卷十七

三

疲建禮殊域守羅施政事蠻酋喜聲歌鬼族疑  
酒泉封久罷鹽海秩新移膠鬲藏名地梅仙作  
尉時詞臣翻簿領傲士轉驅馳繁昔逢攜手伊  
余說解願遊遨陪後乘歡愛惠前綏琳觀登迴  
嶠遙流汎曲池犀然窺水怪毫舉役山祇汗漫  
無期別蒼黃有所思來因探禹穴飲擬續南皮  
理愜知如昨情鍾諒在斯欹歔相對語豈測路  
傍兒

贈郭相奎參知

徵省參時傑儒林擁大名一身歸矩矱萬事寄  
權衡典學周師氏傳經漢伏生書存求大酉詩  
闕補由庚搖筆殊便捷抒辭實老成遊心還上  
古製體必西京河漢高疑澹波瀾遠若平銛鋒  
收照耀理術陋縱橫無始窺斯道多岐閱世情  
事過期著史憂至習談兵賓從時無雜門庭日  
向清何人登上座有客拜前旌昔許樞衣見今  
懷執轡迎班荆聊並坐伐木儻同聲名姓卑難  
附肝腸炯獨明貧居雖汨汨微尚轉硜硜水涸  
麥麥閣全集卷十七 古

長鳴

遊靈隱寺

金布蒼山寺彤疏碧殿扉龍銜經藏轉馬負竺  
書歸梵樂流晨響尼珠發夜輝洞呼猿父出峰  
駕鴈王飛鱗甲看松古鬚眉鑒水微徑深疲晚  
後泉冷薄秋衣曾託逋臣隱還聞謝客依千林  
幽曲地吾亦息吾機

遊天竺寺寺爲大士道場

奈繞千年苑松開九里關名同西域國殿擬落  
伽山瑞木飛光後曇花出井間慈容瞻月滿梵  
響聽潮還石竹分叢紫霜林間樹班人來五方  
遠僧住百寮閒澗作恒沙渡峰爲鷲嶺攀一行  
窺定水驟使變塵顏

遊虎跑定慧寺留飯

密箐盤樵路攢峰隱梵天穿雲中剖日呪井上  
翻泉曲嶺丹廊轉高階碧殿懸髯青松落落膚

麥麥閣全集卷十七

五

綠條娟媚靈氣栖禪侶神蹤紀昔賢虎曾跑石  
過龍欲護經還院寂微鳴梵廚空忽爨煙偶來  
分鉢飯飢鳥下翩翩

哭王敬美太常四十韻

才彥瑯琊族珉珣望旅驅竹材良並箭荆萼燦  
同株冠蓋俱名宦辭章各大巫天倫捐愛弟文  
苑失真儒西嶽峯偏折東溟水半枯十洲存特  
几二華立翻孤莽莽蒼煙合匆匆白日徂書留  
前董業世絕次公呼憶自登除目煩君佐斗樞

雅音搜闕逸邦禮定規模儀度參諸代車書拓  
四隅衆星繁列署一曜朗中區歲月聲名徹雲  
霄拔擢殊從容郎吏起陪奉列卿趨近御勞  
封璽爲丞與典符相門移雨露官制入江湖漲  
海關全部終南漢故都建標行校士擁傳坐經  
途龍出延津劍驪探素滄珠匡廬仍詰曲嵩少  
或崎嶇藤杖隨旌節芒鞋間履絢山山停轍跡  
一一見操觚漢愷人爭重虞夔世急須奉常歸  
美秩耆舊逼高衢毫髮祛時陋心思協古圖樂

琴琴閣全集

卷七

六

諧羣獸舞典備百靈娛升時天清切行陵路鬱  
紆病來旋潦倒齋後轉清癯起色偏難發沈竟  
遂不蘇乍聞如諱鵬迴想若疑狐遠道驚那問  
流言冀偶誣任將投鉅碩死盡忍須臾物理傾  
全盛斯文限獨扶鵠詩悲大老麟泣痛潛夫玄  
夜終泉室青山邈酒壚聽歌蒿里是聚飲竹林  
無帝欲求遺草予思贖賤軀風流憑隴木雪  
涕寄原蕪遙集鴻無序哀鳴鳳有難劇思南園  
月寂寞晚啼鳥

琴琴閣全集卷第十七

琴琴閣全集卷十八

東吳俞安期羨長著  
鹽官胡夏客宣子校

五言排律二

樊川謁杜少陵祠紀述四十韻

廓落樊川曲遙村問拾遺原蒿長廢逕石薜故  
荒碑蒼樹高巖僻青山短屋欹懸弧云舊宅列  
俎見空祠虛壁穿孫竹幽庭冒旅葵梁空驕雀  
鼠土裂竄蛟螭守祀多年病比隣儉歲移陰風

琴琴閣全集

卷六

一

摧枯柏春雨損茅茨葺補慙無力光輝望有司  
先賢曾不遇此道轉堪疑稷契身空許胡戎禍  
屢隨天王頻出狩宗社幾瀕危倉卒長憂患遭  
逢總亂離賊庭同汨沒間道獨驅馳龍起新供  
奉鴻飛漸羽儀救房旋斥逐依武久栖遲遇梗  
仍離蜀將家亦寓夔浮江辭白帝入楚哭湘纍  
又值潭兵叛還罹耒水悲哀傷皮骨老奔竄鬚  
毛衰酒負餘年癖詩存異代師干戈行滿眼筆  
札藉伸眉氣色煙雲變晶英象曜垂生將愁送

日死欲語驚時溟渤寬飛席壇場迴建旗左徒  
堪伯仲中散或偏裨勢動神開闔機行合正奇  
經綸多上計感遇每微辭事去吟搔首愁來誦  
解頤唐風開矩矱周雅樹藩籬膏馥千家飽音  
聲萬籟吹化工殊變幻元氣太淋漓排蕩天應  
忌飄零老固宜伊余稱後死彷彿慕前規心力  
終疲矣容觀尙庶而物情偏睥睨世路遂參差  
魑魅時相弄風塵日見欺有家徒夢寐無地不  
愁思今古眞同病肝腸卽故知淒涼薦蘋藻痛  
麥麥閣全集 卷十八 二

哭盡吾私

不羈宗侯招同少連伯明叔融士簡尊生

季鳳伯聞諸子社集祭杜少陵

盡漿開 帝胄圖畫展詩翁列俎先師位成儀  
自薄衷齒咸昭次第動必契冲融綠酒爲玄鬯  
朱門儼闕宮迎神羞楚舞被髮陋夷風瑞鴨歎  
煙白盤龍列炬紅祝辭稱弟子祭酒僭微躬敢  
擬精來合還期祇降同道爭恢廣大語各破鴻  
濛未盡當時業留遺我輩中

伯明宗侯邀同諸子社集時尊人攜羣從  
在坐率爾成篇

朱門詞社合白纓野人同少長簪駢盍圓方几  
特充炙行鱗次上觴度鴈行中日氣臨堦薄林  
聲隔院通庭槐高結蔭石竹小成叢清詠偕羣  
從歡顏接老翁宗臣俱繡虎壯士亦雕蟲光燄  
文相敵幽玄理必窮駟遵魯頌駟賦薄秦風  
辭任兼騷雅音知辨羽宮稱詩昭盛世搔首望  
姬公

麥麥閣全集 卷十八

三

伯聞主社分詠秦中文士得傳仲武

仲武詞章彥深憐舞賦奇四言稱我祖七激誠  
當時憲府才賢地蘭臺典籍司偕班筆札盛並  
賈校讎宜清廟仍豐頌連珠復麗辭官曹曾不  
達禮數或叨師幸及中郎拜愁罹外戚知幕寮  
三主記軍事數操持乍可卑栖意何堪早逝悲  
流傳文苑傳讀罷有餘思

重過新都述德詠懷奉呈汪左司馬伯玉

先生一百韻

西絕崑崙極南窮瘴海隅陰陽周地域黃白表  
靈區誰出關真宰公生紀瑞符分崩天渾沌辟  
易鬼揶揄風氣開應盡乾坤立遂孤羣經歸副  
墨餘子備操觚古野鄰墳素鋪張翼典謨天人  
窮倚伏禮樂盛規模寶器陳清廟瓊珍入禁廚  
全蒸皆碩美片臠亦甘腴虞牧尊諸瑞殷人重  
六瑚變收羣象出力轉巨靈趨萬嶂隨森削千  
江競委輸業雖成竹素志復在桑弧遠視無驕  
虜空談陋曲儒學兼司馬法險究職方圖豕突

麥琴閣全集

卷六

四

防郎塞龍飛重郢都漢江方式辟閩會最艱虞  
卉服紛稱亂樓船屢獻俘後先三授節辛苦幾  
揚枹降寇齊回面分功特奏膚爪牙庸左右毫  
髮仗諮諏職事平邦國班司近斗樞乘邊疲將  
帥代狩簡師徒旅進看庭實分園逐遠逋濫功  
裁貴戚推轂奮屠沽賜履封疆遠專征節鉞殊  
聲初傳漢塞名已制單于部長求輸貢賢王擁  
執爰陰山移古戍遼左引亨衢飲渴玄溟小燒  
荒白草枯權宜容市馬經略塞飛狐養士懷孤

入平羌試一呼 國威申廣漠石畫斷須臾  
喻疑皆定爲猷世莫渝告成還舊列遣使勞長  
途子舍終依戀侯封肯覬覦疏求初服返 詔  
遂綵衣娛供帳辭三殿舟航下五湖朝車縣畫  
鹿野饌飽羹鱸寂寞耽玄草風流主白榆公開  
社於一麾招後進多士奉前驅地亦饒丹赤家  
能握瑾瑜善華從採擷波潤必霑濡並琢俱圭  
璧兼裁或砥砭不才同莞芥遠擬附葭苴縱溺  
持鉛槧猶矜曳曼胡蹉跎淹左癖汨沒棄終繻

麥琴閣全集

卷八

五

塵空埋盤郢苔花繡僕姑韓鷹閒不放檣驥老  
偏堵南國多游俠秦淮集麗姝十千散歌舞百  
萬落擣補寄食長都市藏名只酒壚垂垂殊苦  
李颯颯漸凋蒲顏色窮難變肝腸醉易朝脂韋  
元自少恩怨詎能無朋舊交情改公卿禮法拘  
買山專徙宅避地學全軀僮僕春鋤芋妻孥夜  
辟蠶樂甘同壤父業豈羨陶朱薄技聊相效長  
謠偶自偷正音求振拔大雅懼榛蕪皇古規堪  
尚前賢法敢踰神偏遊浩蕩材豈廢錙銖獨造

思窮化同聲避合汚每慚冰倚薄安貴錦模糊  
蹊逕猶桃李心思若蓼荼乍無田子傲絕有宋  
人愚歎業誠休矣風騷殆庶乎時方賤縫掖世  
但寶康瓠炳蔚空憐豹雌雄孰辨烏以茲悲落  
拓特地走崎嶇谿谷還經楚門牆幸邇吳再容  
登孔座久媿冒齊竽酒德差中聖才情尚小巫  
時令翻楚豔日遣奏巴歛歎息論斯道殷勤向  
野夫山林稱汝在藝苑更誰須感激心難死沈  
淪氣漸蘇向知無外獎茲意儻中孚筋力期將  
麥麥閣全集卷六 六

壇坐可敷下籤懷諷誦展草願跣趺香水平浮  
象江流穩渡蘆但能收爨下覺路敢踟躕

天子鄧須彌菴同吳瑞穀余食其不其詹

公抑社集十二韻分得天字

三鄧尊地首半剎挂雲邊江勢分開遠山形下  
矚全覆崖吹古雪綠樹凍春泉花萼愆時候松  
杉老歲年潮音通澗瀑香氣發庭煙井挾蛟龍  
雨林藏日月天桐關棲獨客蓮社入諸賢戒酒  
隨僧律論時借梵筵同時憐契合少日幸周旋

麥麥閣全集卷十八 七

石室千秋業花龕五夜禪深言開蔭界高視出  
述川題罷羣峰石孤名迴並懸

集陳從訓山齋同吳明卿先生郭次父茅

平仲吳叔嘉隱君茅季雨冒伯麟文學

分得江字

竹館屢盈戶蘭厨酒滿缸徐看清謙出遂覺旅  
愁降雲氣庭中岫濤聲郭外江石叢青到閣林  
實綠垂牕坐竹人同七啼花鳥故雙談猶稷下  
衍隱是鹿門龐桐井投車轄松龕傍法幢齊前自來

內供維摩居士 誰操郢中曲屬和向吳邦

自潤州同吳明卿先生過江入楚留寓北

園卽事奉和四十八韻

遊嶽追禽慶依劉擬仲宣龍隨葛洪杖鷁作李  
膺船路始三山下江開萬里前家雖憂口累行  
不待腰纏乍見驚攜手相持笑拍肩應呼堪爾  
汝氣象尙神僊克俎芹絲美傳餐水族鮮飽分  
方朔米臥割謝公瓊沙霧蒸衣潤汀花並枕妍  
榜迂邗水曲纜繫石城邊處處邀車數人人擁

麥麥閣全集

卷六

八

簞先河山尊片語日月費詩篇貴客疑歸市詞  
流若附臆孤標何復絕同調乃周旋翠嶺承歌  
慢滄波汎舞筵曼音催赴節誤曲顧調絃酒每  
開雲液書爭乞錦箋旅愁羞不劇高興動相延  
白苧衣新換黃梅候忽飄 栗花初纂纂荷葉已  
田田啼過千村鳩聽來萬樹蟬潮音日東轉帆  
影曙西懸險越天門浪昏投秋浦煙郵籤驗畧  
候旅跡寄潺湲驚霍過開幔匡廬落扣舷衆川  
高起漲兩岬汨沈淵縱賈千鈞力那施百丈牽

弄風纔奮迅上瀨是迤邐屢傍廬州泊高乘柳  
浪眠感時心歷亂畏暑病沈綿以我神情困煩  
君撫視偏形骸容嬾慢禮數廢拘攣身在云疲  
矣心蘇遂霍然枚濤堪自起韓藥竟何權六著  
間頻攬雙杯醉不捐忘言時聞寂詼語或喧闐  
玄理能齊物機鋒豈離禪微軀安水宿分野改  
星躔汎汎波難定匆匆月再弦占風惟五兩問  
路已三千帆忽滄浪下居仍洞戶連行穿新竹  
樹坐穩舊林泉展簟殊涼冷移尊頗靜便禽魚

麥麥閣全集

卷六

九

元自習主客倍相憐行路心誠苦居山計益堅  
但求茲地僻永博此生全詞社開青桂禪居對  
白蓮回看虞險處浩蕩總逃川

咄咄

咄咄殊多怪彈章爾最誣以茲持法吏曾是竊  
金夫漢廣玄雲洩天白日徂直躬元誨忌太  
潔易成汚誰惜文如豹猶疑黑匪烏沙工潛自  
射簧舌巧相呼昨者掄多士羣然索大儒勞忘  
捐薄命怨取荷微軀澄汰空泥滓甄收必瑾瑜



爭窺汗竹辭解剪繁蕪力轉詰竄習身開博  
洽圖此功胡泯泯物議總區區 聖主非輕棄  
詞臣遽遠通竭來途轉畏歸去谷仍愚觸事煩  
推几憂時竊向隅欲看孤憤意雨泣滿衡巫

題魏穎超簪篋園

蒼蒼新竹圃十畝陰河干水引淇園至山移嶰  
谷看風疎諧節奏煙暝助檀欒涼宿秋雲早炎  
通午日難夾流俱樂沼拂石總仙壇客入逃形  
影禽來托羽翰葳蕤防露密蔚映息陰寬歲簡  
麥麥閣全集卷十八 十  
材成箭春收籜製冠叩王扶老杖公子釣鼈竿  
並入君林取千年也不殘

訪王太僕汝化先生譚文論道率爾成篇  
得十六韻

庭階樞敞褐標幟問騷壇巷似烏衣入人如鶴  
瞥看屏高懸回命身老濯湯盤服禮仍筋骨爲  
形欲羽翰髦期勤不倦歲月隱相安書出多新  
著評餘儼故歡蔚然窺虎豹粲矣見鵷鸞赴捷  
驚嗃矢邀危妙纍九運斤神郢國擬步陋邯鄲

好我方投轄呼童忽具餐文稽稗史少狂責野  
人寬道術論無始言辭貴不刊遠心雖物表時  
事或憂端害馬真應去猶龍竊自歎江雲飛空  
闕城日下嶢岼旅邸歸如矢援琴獨夜彈

恭謁 華陽王有述得二十韻

駉駉稱魯頌蟋蟀詠唐風豈乏遺篇在都非睿  
製工維藩開藝苑作者在王躬響振風騷後辭  
探典誥中燕歌輕魏主幽雅續姬公敦古尊儒  
術驅胡述 祖功聲華高震蕩光耀遠昭融紋

麥麥閣全集卷十八

十

浪揚江漢卿雲擁華嵩橐鞬馳絕漠鐘鼓出深  
宮讌賜雕龍客師求牧馬童賢名聞獨盛微尚  
保難終捐珮經蘭浦投戔詣桂叢里人奚待薦  
謁者遽前通步趾階遙降扶攜禮過崇巍標瞻  
嶽立 equal 論識淵衷聖範身長儂奇姿準獨隆  
華飛彩粲玉樹陰青葱斷拾溝中木枯收爨下  
桐德輝招鳳覽道要問鴻蒙坐有鷗羣狎還疑  
海上翁

華陽王拓園詩

青園

朱邸蘭江北青園桂殿東鷺山移翠律虬樹蓋  
蒙龍晞髮陽阿近藏書宛委通彩鱗嬉水藻文  
羽托煙叢花折媚媚雪松聆謾謾風出林天漸  
剖逐徑地難窮陪乘隨羣彥懷仙引八公何殊  
滄海曲重起太霞宮

玄園

後嶺圍玄武中園負翠屏稱追閨風圃名類蜀  
雲亭脩術連珠薄平林切絳庭朱藤移樹綠紺  
麥麥閣全集卷六  
石界山青樹蕙花多馥餐芝草獨靈藪攢麋鹿  
角巢下鳳皇翎桂館藏金地松臺出紫冥臨高  
看北極遙夜禮辰星

素園

北扉通石徑西苑隔宮牆屨閣乘空遠虹梁飲  
水長成林俱玉樹濬地卽銀潢潭晦潛虬臥沙  
暄匹鳥翔朱華文後沼翠條冒前岡靈雨興秋  
汎神飈引夏涼夜遊飛羽蓋晝卜命華觴宛在  
瑤池上長謠進赤漿

恭謁南嶽廟有述得十二韻

方位黃軒定靈祇帝舜崇司明宗火德命嶽奠  
離宮濤霍登爲副匡廬佐亦同巡遊來萬乘典  
秋視三公絳殿千櫨覆雕廊四復通斧斤驚鬼  
力木石讚神功丹陛臨高曠青林抱鬱葱瓊柯  
藏雨氣珠蕊接煙叢刻桷鸞文獸影旛曳綵虹  
赤龍飛馭下朱鳥挂壇中瘞土歸深地燔蕭達  
遠空瞻依虔鄙臆稽首頌玄風

遊湘山寺禮無量師塔因簡舒孺立并序

麥麥閣全集卷六

三

湘山寺爲無量師道場幻身留塔中八百餘  
年燬于丙戌則孺立太史唱臚之春也孺立  
皈心法乘獲無上智識者謂爲無量後身云  
禪宮開寶地覺道引金繩殿轉松廊入階綠蘚  
石登谷深通午日澗遠挂春水鈴韻清疑近爐  
煙暖欲蒸林花總優鉢簷鳥卽迦陵恭禮標空  
塔還瞻出世僧有窮元幻相無量始真乘華語  
遺經出毫光化佛憑法中誰復起身後汝堪仍  
自昨登庸際曾聞禪代徵龍華寧雨絕象教待

雲興永願相從意思傳不盡燈

張羽王京兆邀同徐崇德明府張質卿太

僕呂惟師京兆汎舟江上自灘山過雉

山至龍隱山賦得八韻

百壺攜縹碧雙漿發漣漪穿石舟全進浮江席  
緩移勝從鄉老習風恰旅人宜灘下無懸勢山  
來各異姿羽毛翔雉舉鱗甲蛻龍遺雲溜疑星  
海虹梁類武夷出隨山簡醉遊卽羨門期杖履  
行方始下峰屬望時

琴琴閣全集

卷六

十四

題徐隱山賦得八韻

隔水平開圖字近對家餐松三逕樹嗜菊數  
畦花竹嶼風鳴籟楊堤雨臥槎壘峰移玉乳築  
館貯琅華葱蒨仙靈草鉤連子母瓜曉廚炊白  
石夜鼎吐丹霞靜得聞天籟幽宜避市譁樓居  
徙倚日候五雲車

悅師義師開黃曲社于伏牛山黃曲峰南

集宰官居士同修淨業余首赴之賦紀

長律因轉遊海內諸同志

嵩山投足跡一杖赴心期積石尋谿險高雲出  
坂遲雙峰黃曲社入水白沙池到却先諸彥行  
甘後二師安詳詢捷會次第習威儀五濁拋緣  
聚千門得總持蓮花旋在舌米汁罷攢眉壁立  
孤參偈城崩數舉疑慧流深遽涉陰界朗全披  
旣轉聲聞悟仍需正徧知厭離寧世法遊戲或  
文辭云住應如是求依諒在斯愛河空浪跡淨  
域有弘資並集懷同志羣迷入等慈香林叢道  
樹祇苑擎禪枝塵駕毋攀戀優曇出此時

琴琴閣全集

卷六

十五

恭謁中嶽廟有述

帝位崇諸嶽名山正萬方儼山稱峻極測日辨  
中央神降生周士聲呼荅漢皇標分兩戒地總  
會百靈鄉奉邑開前代明禋率舊章闕門窺象  
魏宮殿擬林光峰影垂黃蓋池流引玉漿瑞煙  
叢翠彩珍木覆青蒼諸耳聞鈞奏顯精薦異香  
眞圖金作檢僊窟石爲牀衛士司冥藏祠官節  
羽裝願邀笙鶴侶伊洛共翱翔

恭謁西嶽廟有述

虞巡省方至軒駕會神遊靈嶽尊稱王  
秩優星文麗井野地軸接雍州帝德司金位僊  
儀拜玉旒彤輝高碧殿絳闕擁朱樓直影三峰  
下榮光八水浮周庭琪樹覆溢井醴泉流埋瘞  
遵皇古歸藏協素秋捧天勞巨掌與雨仗神休  
幽贊瑤篇發玄功瑞檢留祈靈需盛世勒字紀  
冥搜願託雲中乘逍遙御玉蚪

蕭季馨送至四十里峽中夜宿曉起賦別

八韻

琴琴閣全集

卷六

七

午煙投赤峽夜火傍青崖一宿衾同展雙飛羽  
欲垂停車猶月色度嶺卽天涯葛屨行濡露楊  
林立雨霾壯夫猶有淚志士本多懷飛將歸寧  
老吾徒隱自佳途分同躑躅事往且沈埋醉倚  
蒼天語浮雲氣可排

曲江送春同少連叔融伯聞賦

鑽榆行改火藉草坐臨池秦地三逢爾江千一  
送之每從茲候別動是隔年期仙里留應住星  
臺信不移帝禽垂欲換奔騎邈難追隕露花驚

柳解悲野夫居旅日鄉土繫心時羈客  
偏後停杯却賦詩

琴琴集卷十八

琴琴閣全集

卷六

七

蓼蓼集卷十九

東吳俞安期美長著

鹽官吳文獻

五言排律三

還家述事十韻寄胡元敬朱太乙

總爲貧驅逐關山強獨奔十年垂橐返萬事撫  
心論當戶弱兒息同居少弟昆塵埃空一室煙  
火幸諸村種秫田俱廢藏書篋稍存所羞饑鼠  
雀那望長雞豚鄰舍多嗟咄妻孥只淚痕殷憂  
蓼蓼閣全集 卷九 一

非盜賊恒慮是饕餮僮僕半生死交親有怨恩  
鴈行諸債主獨少爾過門

同高存之行人安小范司封遊銅官絕頂  
歸雲菴賦十韻

冠石開茅宇峯危鷲首同香廚元虎窟池水卽  
龍宮樹短叢偏老山寒嶺半童吼鯨奔伏獸怖  
鴿逗飛鴻炎月融留雪晴霄落斷虹雲雷藏谷  
底枕席展天中爐氣疎霞合潮音衆壑通宰官  
雙妙相居士一微躬禮佛心非伎繙經義並空

迴看萬仞下暮色總鴻濛

徐汝念大司空初度奉寄十二韻

龍沙迴寶地蛟井壓琳宮靈識傳先哲仙曹領  
上公玉臺前執蓋 帝室副司空殊錫歸桑梓  
名園託桂叢丹丘連宅後玄圃隱城中松巷麟  
驂集花關鶴駕通壇高元擬葛厓古亦名洪侍  
櫛乘鸞女應門牧馬童安居並圓嶠問道卽崆  
峒竹取編書定椿將紀歲同文詞兼紫籙勲跡  
總玄功但恐 皇儲建還須角里翁

蓼蓼閣全集 卷九 二

正月六日爲長耳佛降辰過法相寺有禱

遂宿衲雲竹房紀事十韻

紺碧山藏殿青蒼樹繞樓經繙空義出佛示幻  
身留長耳垂形好高禩共禱求曇華追始現蘭  
夢乞先投擊轂羣馳逐傾都慣出遊迷多汎有  
駕悟卽智人舟燈宿諸方火厨通絕巘流石林  
高以遠竹舍曲而幽梵唄方晨和塵勞且暮休  
問余唯二事植福與冥搜

贈姚叔祥 吳兼簡沈司馬

忽來新著作甘我遽輪君奇語數驚衆明姿特  
掩羣法非沿屬國品定首參軍麟吐千崖霧高  
排二華雲精縵迴日馭神遇運風斤莽蕩求新  
旨雕搜汰舊聞孤操師仲武八詠和休文爲報  
中堅旅前鋒讓獨分

聞國初秋聲

積潤湖水溢乘虛艇子平鷗絲罷繁瑟鴈柱停  
哀箏伎隔蓬間作歌由扇底生層揚氣難襲肉  
奮韻加清辭託微波送音馮爽吹迎簾通汎疏

琴琴閣全集

卷十九

三

越慢出豔分明倚枋藏顰巧臨舷按節輕知非  
越人調憶是秦娥聲魚目聽翻切鷗羣凱欲驚  
哀雲吹恐斷逐籟續還成擬倩神妃喚凌波襪  
並行

李元祉明府招同王德載彭孔嘉魯汝華

龍大章祝無殊姚礪石徐仲和集雙瑞

堂賦得今日良宴會

今日是何日吾徒皆酒徒彈碁與擊筑鼓瑟且  
吹竽識曲有真賞昭詩無異趨樂方還通進微

願亦同輸玉腕傳歡伯雕盤頌木奴圓方充客  
几珍異費官廚弈亂臨枰覆巢成繞座呼極娛  
恒失夜庭柏曙飛鳥

書贈錢懋穀十六韻

家學身曾受浮榮意自憎賢書兒輩起獨行古  
人稱世業連綿拓詞壇通代登玄成西蜀草墨  
副刻谿藤清韻能鳴籟新聲善采菱所親唯筆  
札癖好是賓朋釀秫全供客炊菰半飯僧典衣  
猶日給倒屣數宵興自昨遊滄海余長過朗陵

琴琴閣全集

卷十九

四

盤餐曾不簡餽遺每相仍白粲流匙滑黃柑出  
糗澄柔絲新旨蓄蘭藉美肴蒸不到還相寄頻  
來若有恒殷勤無乃過感激恐難勝歲月情何  
竭江山興轉增陶潛思冥報此意總堪憑

陳中湛調繁秀水賦寄八韻時中湛以故

光山令起補唐縣再調茲邑

南國鳴琴日中州臥轍餘家無壽春犢金有蔡  
蕪魚劇邑官新調銓曹目再除操刀三製錦置  
水數投書巧宦中寧合賢人佐或虛化恒馴雉

子智不祀鷄鷄轉爲鄉園近應知結納疎余慚  
累安邑客舍未成居

題沈爾侯仲貞兄弟北園

入苑梁飛度循山徑屢稱竹林行嶰谷松嶂倚  
徂徠霞袖峯如舞風斤石似裁洞深橫截渚梯  
遠曲登臺夏澗凝藏凌寒巖恐蟄雷平岡同華  
子脩坂卽邛崃朱閣隣虛上丹廊逐水迴池清  
文荇藻石古衣薜苔瑞樹枝連起嘉蓮並並開  
異花繁結實灌木老成材神獸呼羣至仙禽伏  
琴琴閣全集卷十九 五

卯來何人作幻術滄海縮蓬萊

過橋李辱夏伯蓋卜康侯陳季襄戴寵父

鍾脩諸同社邀同王德載錢虞伯分

日宴集賦謝八韻

社客多詞客主人皆酒人賦詩恒結伴置驛各  
邀賓期飲先分日留居已及旬碧絲羹圃菜銀  
縷膾江鱗看竹宵醒數炊菰曉飯頻歡來詎有  
極交定豈無因汎水移蘭槳遵庭藉草茵居然  
忘逆旅狂嬾信吾真

車子仁使君初度

衡嶽尊南紀灘濱委渚宮瑞圖迴地軸真氣剖  
鴻濛名世生人傑 清朝起國工分符煩臥理  
露冕示尊崇清靜高公望循良簡 聖衷賜金  
酬治行頒詔表神功冠服榮慈母絲綸貴贈翁  
嘉禾紛部內神雀集庭中衆父仍稱父仙公況  
屬公酒堪中聖日政有上皇風技擅雕龍客行  
逢牧馬童珠曾探象罔道欲問崆峒鼎鉉三台  
入襄城七聖同攀髯倘扈駕不隨鼎湖弓

琴琴閣全集卷十九 六

爲吳敬輿賦得虛室

虛室依文杏端居見六幽有函行類谷不怒觸  
同舟夜白光難滅秋清響易流四通疑地肺萬  
事總天遊談起卑非馬刀藏善解牛心師應自  
得苦縣有前修

奉呈大司寇王元美先生一百五十韻

子晉縱山遠王喬葉縣翔僊家元有種公族遂  
無疆詎數飄零榮寧論善御良河汾徒教授江  
左必飛揚昔侈烏衣巷今推婁水鄉內臺興赫



海表泱泱遞代諸軍節綿延御史章殊恩  
懸赤紱故事習青箱君起仍寥廓時清共頡頏  
鳳鸞還矯矯鶴立 昂昂驟列鸞班客初除虎  
署郎一司艱展布四國藉爲綱屏翰齊兼楚經  
營越與唐到來安衽席隨處立金湯職事與司  
重 綸言罔命彰 行蹀躞燕市入騰驤牧  
苑多龍友天閑盛驕驪許身何磊落奔命轉動  
勤 帝念憂南顧賢勞竭外攘桓桓持鉞鉞肅  
肅撫鄖襄粲矣車生耳居然地搯吭寓農兵隱

麥麥閣全集

卷十九

七

隱乘鄧士沈沈庸事鳴 弩何曾缺斧斤策先  
夷險得敵取伐謀強田事嚴鋤耒戎衣罷襦襜  
功偏輕盪寇畫頗類平羌拔擢爲廷尉班  
接廟廊客爭填傳舍仇或避東廂結襪寧論  
屈高門預自量漢宮媒嫉妬周道失康莊白日  
呼蛇鬼青雲嘯虎俚此身元若梗彼舌任如簧  
世法猿拘檻浮名鹿覆隍高冠挂神武初服返  
滄浪煙客求風子僊姬侍玉姜怪藤剛作杖瑤

草聚爲糧炊鼎枯朱溜披袍眩赤霜玄言尊苦  
縣真訣授軒黃服氣局蘭戶安神據葯房猛思  
升霓壤併欲叩天閭輕駕乘雙翮靈璫聽八琅  
長生丹總就濟物意難忘再出平邦國爲猷定  
職方海防修圻堠水戰習餘艘傳警聞飛羽衝  
圍卧武岡開邊遠朔漠置郡過燉煌玄扈效朱  
鳥天驕貢 狼要荒俱版籍寶髮盡梯航秩領  
三司入民煩五典防署名文劔上定律斗樞傍  
風美緇衣詠星垂貫 示光恩多加肺石囚欲罄

麥麥閣全集

卷十九

八

圍牆巧詆羞鷹隼深仁效鳳凰科條明法簡訓  
誥布刑祥報主身猶健歸田志已償人憂關國  
是天放主詞場是藝俱兼長何書不漱芳禮經  
嗤戴勝詩學正毛萇武庫征南杜奇文執戟揚  
異同參史乘幽側考縑緇小或窮毫髮高能出  
混茫崢嶸元骨相著述本膏肓粵自嘉隆際深  
憐雅頌亡音聲專綺靡筋骨變披猖世遠隳成  
矩時新競豔妝雨前行蛭蟻霜後奮啼蜚檣櫟  
還爭斷枋檣祇獨搶縱伸終尺蠖解轉亦蜚蜚

迷淫霧信信吠太陽真教亂朱紫那復  
宮商非賴哀顏俗疇堪示典常理蕪存季代索  
隱及前皇盡發千家覆橫開萬古荒青春陶物  
象玄夜吐光芒日月添昭晰乾坤剖秘藏成書  
分四部編帙究三倉揮霍諸疑盡爐錘衆體詳  
江河盤地厚雲漢竟天長八九吞雲夢三千激  
呂梁商郊盟組甲會稽集冠裳融比金流液晶  
如玉截肪朗開星粲粲繁會樂鏘鏘利斷雙飛  
劍堅持百鍊鋼瑞圖窮赤雀土怪辨犢羊鳴籟

麥麥閣全集

卷十九

九

天舒疾操機聖弛張削成殊突兀變幻忽洗洋  
玄圃千山表滄溟百谷王登臨紛後進漁獵滿  
中央窟任藏冕免羣容牧跛跬化生曾雉雀啄  
食有鴻鵠衮衮饑長附匆匆飽則颺即求拘牝  
牡所執棄圭璋歎也應糟粕揚之實秕糠不成  
偷酒拜儻獲佐饗嘗門戶虛推轂津涯竊濫觴  
何人遙並駕愛弟藪相望華類翻棠棣材真並  
豫章儒林居楚楚文苑步踟躕引病歸南省遊  
竟北叩雄篇孤海嶠幽夢斷池塘水接惟清

雲興自大鄣三分仍峙立五子半淪喪予每  
師前哲長懷綴後行高枝攀析木弱植寄空桑  
非馬談疑恠雕蟲賦頌倡石將攻繡蝕土取淬  
鋒鏦迎刃牛思解操刀錦慮傷低徊慚立幟忝  
竊與升堂擬受中郎籍頻沾荀公香語遂逢若  
士問道比雲將末坐陪長宴深杯盞太霞堂中  
歌蟋蟀梁上詠鴛鴦桐逕徐調鶴松厨遠射麇  
炙行甘澤雉鮮進貴伊魴碧浪東西渚青林上  
下岡市心穿翠壑地底劃銀潢雷戶冬偏燠風

麥麥閣全集

卷十九

十

臺夏必涼飛樓憑月榭畫舫汎沙棠入谷呼雲  
乳臨流迸石漿龍吟宵奏笛漁唱晚鳴榔曲室  
留藏簡前谿擬釣璜綠盈千橘柚青殺萬篴簫  
秘笈探珠藏經函禮寶坊微吟哀以思劇語醒  
而狂數許窺中幕長容臥下牀尊前借齒頰象  
外授肝腸矢意驅鞭弭成言結佩纓散材施漆  
牖泛駕受羈韁幸爾吾徒在深期此道昌時情  
遭困莽人事苦彷彿是客令頻出搜賢詔不遑  
苦甘那辨并清濁久同漳鴛馬隨周穆鷄鵠祀

癡伐愁先直木處特蔽幽篁壘笑春遊女輕  
挑夜度娘小家憐碧玉絕世忌毛嫱末路應罹  
困天心復降殃堯年先潦水殷歲只恒暘空切  
桑林禱雉憑禹步禳莊生悲賞粟蔡澤想持梁  
蘭旬居差穩衡門臥自僵身雖喪家孔舌或解  
願匡微尚甘岑寂私衷獨慨慷土苴關內印敝  
僦以面勞敢同精衛貧從典鸛鸛聲名長不  
朽皮骨老無妨月旦評須定風騷事孰當但令  
知已在死不恨穹蒼

麥麥閣全集

卷十九

士

附錄

王世貞

俞美長贈余五言律百五十韻凡千五百  
字尚有餘勁可飲石梁老夫見之不覺  
絕倒走筆一歌以酬勿謂老年意態未  
盡除也

昔哭歷下生疊韻百二十精誠所感注真宰  
爲雨泣可憐氣折才亦盡從此無心事長什  
間時乘興三兩篇薛家小樣昌蒲箋隨寫隨  
竭心茫然篋之不得翻恨傳竭來臥病滄浪

邊默坐欲撫琴無絃豈有餘勇鼓少年少年  
之場誰跋扈其間俞生稱繡虎贈余一千五  
百字字字心源綜今古初疑帝鑿銀漢翻復  
道風挾馮夷舞秦師出關六十萬姪伍嚴旌  
不相亂石家錦帳五十里一展收盡河陽卉  
昔賢誇長城長城亦浪耳遼東西去指臨洮  
望若連雲直如抵生乎真作蒙內史香山骨  
朽少陵化嗚呼操觚之人吾老矣

麥麥閣全集

卷十九

三

麥集卷十九

夢夢集卷二十

東吳俞安期羨長著

華亭陸慶曾子玄校

五言排律四

少師申公初度日敬呈長律六百字

上公方五嶽中輔法三光峙地同尊秩儀乾獨  
秉陽一人叨虎拜百辟領鵷行國是關公論天  
威藉肅將臣謨兼益稷主德佐軒唐表率人倫  
特丹青衆庶詳化工敷湛露歲事失恒暘扼領

夢夢閣全集

卷二十

一

持綱紀吹毛備典章泰階符大象法座御明堂  
批政陰令革神功善獨藏抉雲開浩蕩夷險得  
康莊心每操荼苦機能轉木強輔飛鴻有翼代  
勤鼻無傷不忝姬公美無煩太傅剛逢迎頻握  
爰趨走且循牆素產家寧殖同升路肯妨德機  
那自聖謗木任人狂肱股功交讓毫芒善必彰  
賤疵收管寧貴盛抑金張鴻業長鍾鼎名言永  
縹緗綸扉仍藝苑台宿卽文昌獨力兼諸體全  
經頓衆芳咀華成繡虎博物辨商羊制誥程中

書式太常詠詩榮草木編輯費管石室  
非少邊防慮復長馳驅歸將帥區畫本嚴肅  
堂上看諸塞帷中歷四荒城先摧碎葉厚早挂  
扶桑北帳移沙漠南琛到越裳窮天分郡吏拓  
地爵蠻王比德周公輔論功趙破羌江河同不  
廢夷夏盡于襄萬事安如砥羣言鼓似簣黑頭  
辭玉殿赤舄下金閭速性親麋鹿高輝覽鳳凰  
逃山求善卷遊海遇諄芒梅蕊清長把尊羹滑  
細嘗輕熬經絕巘小艇出橫塘疾苦田家語蕭

夢夢閣全集

卷二十

二

閒野客裝尋真頻改轍采秀或攜筐五木燃爲  
燎三花歛作糧八珍時石髓一斗日天漿近者  
皇儲定油兮始願償起居塵 詔使湯沐有江  
鄉眷眷傳官府殊恩賚尚方是時秋正半爲候  
氣初涼璇斗迴標酉金飈緒吐商桂枝方滿月  
冀英始凋霜僊譙虹橋後賓筵鶴市傍懸弧臨  
此日繞膝侍諸郎玉擁孫枝粲金飄寶樹黃輶  
車雲並下賀客道相望進進天廚饌紛傳御座  
觴竊霑光祿酒更接令君香侑祝辭俱竭爲歡

鼎並揚後堂歌細細小部樂鏘鏘飲禮過三雅  
靈音更入琅舞興容盡善坐久樂難忘嘉會逢  
全盛昭詩懼太康

送朱文寧司業之南雍

晉代儒林長周年樂正司非人曾不處得爾乃  
云宜優遇同三老衣冠若講師傳經尊道術習  
禮重威儀胄子多純穆儒官儻素絲稍將時態  
變便可士風移入室皆蘭芷經途少蒺藜吾將  
觀上國幸使覩昌期

麥麥閣全集

卷二十

三

寄祝無功十韻

憶昨風初變幾令地欲空倖臣驚故國中使出  
深宮直北天難問維南旣莫終君輸旋轉力家  
荷保釐功瑣闥勞深積符卿秩乍通殊勲曾不  
計黜典遂相蒙豈是君恩薄難憑吏議公明  
農歸亦得遊客道俱窮穿眼鄧山外傷心建業  
東感時多少淚能不怨蒼穹

九口清涼山徵會登高喜汪仲嘉自新都  
至謝友可自燕中至曾端甫自豫章至

兼送方子及挂冠還閩尹恒屈奉使還

蜀分韻得八齊

是日總二  
十四人

遠界清涼內崇筵建業西夕占徵聚曜秋夜事  
逢躋菊酌期初薦萸囊典共稽蛇盤循曲徑鴈  
齒歷危梯江勢來魚腹林香隨麝臍在房徂日  
短干呂度雲低潭近藏玄蜈天長竟彩蜺風臺  
同戲馬月渚類然犀霜老蒼髯柳霞深紺葉梨  
狂從歌側注興任倒偏提張慢憑巔坐興文借  
石題饌行烹赤雉盟合祀丹雞列籍參鸛鷺爲

麥麥閣全集

卷三

四

羣入鹿麕報音須聽鵲奏曲間歌驪喜逐來驂  
集心懸去軌迷蜀人稱使者聞客賦歸今離聚  
蹤難定歡憂事偶齊遲迴送迎意不忍散輪蹄  
同臧博士王明府齊王孫集于文若納言  
署中因談河事觀弈基納言善書工畫  
座客多不善飲併及之

臺署秋酺賜章縫晚興過繪圖懸紫海飛語走  
黃河架立工言鳥盤行換字鵝微辭參諛少加  
豆嗜甘多蘇吻呼清酒昭心賦雅歌態狂殊不

爾飲縱亦無何庭積蒼苔露天旋絳渚波飛觥  
稀下算觀弈久支柯屢度辭贈鴈頻飛繞燭蛾  
喜來何俟醉自起舞婆娑

吳允兆王曰常曹能始諸君子適至吳門

過沈從先借楊孝廉園亭同集

分韻得花字

轍跡期非豫朋簪盍漸加客來多遠道圍近過  
隣家陰倚交生竹春留未隨花觴呼清桂醕薦  
薦綠芹芽論藝諧孤癖聽歌息衆譁莫誇金谷  
宴今日會非邪

麥麥閣全集

卷二十

五

賦得月映清淮流

與同社諸君子分得四支韻

絳渚雲銷夜清淮月上時輪如宵練曳桂作浪  
花吹潮滿光能應波馳彩詎移分明沈璧處恍  
惚影娥池漁艇璜堪釣鮫宮鏡可窺弄珠遊女  
出蕩漿獨歸遲

又代朱無瑕美人賦得十真韻

月度長淮水空明夜色新翻教迷浴鷺轉自見  
潛鱗細掬輝盈手低窺影近人短長波上練圓  
碎溜中輪川后呈膏玉河靈捧燭銀薄帷還可

旦奉華茵

七夕賦得雲漢有靈匹

天煖工鳴杼仙郎事服箱相望候金節爲匹渡  
銀潢靈駕方宵引星房既夕張就看牛飲渚行  
藉鵲成梁歲苦歡常暫秋憐漏稍長猶勝蕩子  
妾一往但空牀

社中分賦得四更山吐月

東嶺俄升月南樓屢報更天雞時欲唱林鳥亦  
多驚弓向峰頭挂眉還黛處生芙蓉差辨色桂

麥麥閣全集

卷二十

六

樹已辭盈纖影如初魄微光類啓明日來相繼  
處合璧繫深情

賦得明月照積雪

鏡影高懸漢瑤華滿綴林光聯俱是璧波委不  
成金天壤清相映星河白欲沈桂浮銀海潤水  
掩玉壺深明徹書堪覽寒多斲莫禁西園飛蓋  
罷乘興又山陰

賦得樹影中流見同陸長倩于孟武陳玄

度蕭伯良宜生汪遺民山民何白最閑

士行次公社集江樓賦

江流迴浩渺樹影落橫斜倒挂龜鼉室低連鴈  
驚沙拂波如亂藻擁浪似浮槎美蔭漁人艇慈  
陰帝釋家參差交苻菜疎密在蒹葭夜塔懸燈  
火疑開四照花

賦得陂塘五月秋

同李本石秦京宋公謙  
程孺文柳陳父徐潤父

汪九監葉循父王無文陳叔嗣韓中散  
魏考叔和叔陳庚美康侯王元重江  
偉長王彥倫示無瑕蔣霞城二文姬微  
會秦淮水閣同賦是日五月十三竹醉

也日

麥麥閣全集

卷二十

七

演漾陂流滿陰深夏木連風偏翻碧湛浪欲損  
紅鮮半度炎生候全如氣肅天涼驚方茂草冷  
咽始鳴蟬淵客綃難御班姬扇誤捐夜長疑節  
變汎月未迴船

七月六日李豐城汝昌主社各賦得皎皎

河漢女分韻得十灰

案戶看河漢長流一道開天孫弄機坐靈匹服  
箱來雲葉連清曲星榆拂絳隈離悲牛渚隔會  
待鵲梁催後夜飛香馭凌晨返鏡臺乘槎人不

信蜀肆問應迴

賦得新綠

荷生未製服蕉卷不成書絮盡垂楊日花飛灌  
木餘老蒼枝久變故絳色全除嫩比春波動鮮  
同曉黛舒九疑逢萼始金谷舞珠初鸚鵡雛生  
羽紛紛擬或如

送王滌玄司農

靈均身太潔長孺性非疎公道胡堪恃廉名不  
可居物情過眼日私憤疚心餘易盡哀時酒難

麥麥閣全集

卷二十

八

攀恨別車嘯歌君不廢痛哭我焉如蕩蕩千山  
裏徻徻且荷鋤

吳太僕誕辰賦寄十二韻

世德延陵後冥心象帝先學扶將墜日道剖欲  
傳年銘以湯盤著文將罔命懸緇衣美鄭武經  
業繼韋賢玉樹盤根大孫枝接葉妍過庭時訓  
禮述祖每成篇更得長生訣兼多涉世緣弘功  
俱道行小語亦玄詮清白從遺後逍遙不厭仙  
麟車人獻棗鴻駕客登筵師事惟黃石交游盡



仙俗誰知塵壑境總是赤霄天

南山精舍二十韻

有序

黃門應與黃公干甫南鳳凰山靈巖寺之普  
門菴傍因隙地而構精舍門徑詰屈蔭以松  
竹中有樂志堂周植荔枝橘柚右跨谿底羣  
木爲橋曰木末次谿壩駕臺爲軒曰聽泉其  
西爲館讀書其中曰擷華又精舍左構閣供  
普門大士曰水月先是黃門公始祖侍御公  
在唐季肄業于普門菴乾寧中登進士捐田

麥麥閣全集

卷二十

九

供菴僧爲長住產菴僧世傳祀之以迄于今  
已數百年如故而黃門公構精舍以輔公祠  
匪直爲誦讀遊覽之地寔以彰厥祖德云余  
聞而侈之迺總其事成二十韻寄題其上雖  
云託之夢遊自謂略盡其梗槩矣

南山立鳳凰隙壤給園傍樊圃依龍藏求隣買  
鴈王結廬夷枳棘分徑折松篁尊祖祠黃石皈  
禪樹寶坊歎濤谿雪白引雨澗煙蒼精舍規康  
樂虛堂志仲夏嘉荔子赤霜實木奴黃水月

清音閣虹霓樹杪梁詞華擷今古泉響聽宮商  
憶昔藏玄豹聞仍叱白羊出山蒙帝祿析產給  
僧糧祀事因無關前賢久更彰地寧遷與變代  
有熾而昌世系元名宦聞孫又交郎紀遊鐫賦  
詠述德寄篇章起療煙霞疾來扶日月光指邪  
齊屈草驅濁藉清漳國是論終定天心倚未  
央風雲方直上林水豈全忘總待功成後封留  
卽此鄉

焦弱侯太史誕辰賦詩八韻

有序

麥麥閣全集

卷二十

十

萬曆己酉十一月廿六爲弱侯太史揆覽之  
辰適當長至之日是日也陽氣乍迴融風聿  
至三節正乎玄武五緯集于牽牛聯璧編珠  
乾象成文南極諧音調律天人有事圜丘登  
臺以書雲樹表而測日羲皇推初陽始動而  
乃配乾之初黃帝邁己酉臨朔以爲得天之  
紀令節有履長之賀禮擬元正太史上稱慶  
之觴事同亞歲陰剝已窮旣祓不祥之祲陽  
生曰始可卜無彊之年莅此適然咸稱希覲

九如天保賦頌騰乎執牀四達人文賓客隘  
平門巷余既辱登座之未能無上修爵之辭  
大白醕于三浮小技成乎八韻

義輪南極至太史上樽開靈算籌方進微陽管  
驟迴踐長爭獻襪紀瑞數登臺測日重光正

侍講 儲宮 曾 上養正圖說書雲五色來蘭萌寧畏雪荔挺

不因雷芸馥資仙籙蒲生待壽杯祚徵同遇朔  
機應若飛灰八士求君急調音漢殿催

臘月八日同陸無從謝曰可閔願之李純

麥麥閣全集

卷二十

十一

仁陸季薦李成白冒伯麟李開美吳非  
熊程公寅蔣元貞顧所建汪遺民陳懷  
一何玉長齋集定社于董子祠同用陽  
字

節逢秦臘日社結漢祠傍酒德稱三雅詞流至  
五方報殷稽祀典摘藻應文昌釜粥兼諸果齋  
廚類衆香彩毫廻朔氣土鼓逼春陽執苑尊儒  
術天人頌舊章

蘇爾宣卜居虎丘

虎丘高丘處孤峯開給園王家捨東宅吾子卜  
西村香水中分地浮圖倒挂軒書摹周石鼓酒  
注漢銅樽比屋封鄰里全家託子孫恐令千載  
後山亦號蘇門

訪潘叔朗

茗陽舟泛泛湖曲水瀾瀾世里無難問名流亦  
易知入門迎接手喚酒語揚眉暫乞趨庭假專  
申捧坐私書窺青李帖詠理白蘋詩夜臥樓西  
月依依鑒薄帷

麥麥閣全集

卷二十

十二

夜過吳允兆

屢問名村石頻詢著姓吳驚廻晚行路喧起夜  
聞廚家幸貧非赤顏誇老尚朱愁心余稍釋病  
則爾全蘇撫掌平堪抵探腸直易剗法乘期共  
御方廣有前途

笠澤漁父題贈周友白

煙波數百里君獨長漁師亦有綸竿挂何曾網  
罟施身甘投笠澤名遂託蘆漪桂樹爲舟窄芙  
蓉結屋卑桃如秦洞植杏似孔壇移勝友逢逋

將無越子皮

于惠生得陳麗人阿登時出佐客酒姚叔

祥紀事十八韻余爲次之

靈姝御碧檐紅汗玉無粘膚氣香如佩容光秀  
可拈步輕疑離土力短故持簾意合驕微減心  
煩怯轉添喜行差覺敏小立動成淹名寶釵愁  
重離羅服耐纖帶顰眉更曲護甲指逾尖表讚  
奇如謬申辭弱類謙情專元易測曲誤幸偷覘  
不遠身難迫無疑性復恬矜莊翻取倖狂狡特

麥麥閣全集

卷二十

三

生嫌擲處形成管飛來墨滿縑文如霞檢笈味  
若水投鹽爲樹名宜絳成花唾想甜矢言期操  
備獲偶慕才兼舞態羞長袖仙儀悅美髯衾稠  
私有秘掌膝愛無厭互擬雙燕幾成兩兩鸛  
抵潯陽訪曹能始已先向蜀道徘徊新卜

居下以雲笈七籤留寄而返

風浪舟千里追隨念久離問君先蜀道負我泊  
江湄升峻行無侶論文坐有誰霞房窺以盡雲  
爰解而遺釋遠何曾問廬君亦遂辭惟令悅小

日不過期

題程仲秩隱園

湖塘深闢壤屏曲屢分階寬比中人產幽添上  
古懷障空樊若若避潦岸如崖廣甸平分楚清  
池近接淮成林惟杞柳繞戶半荆柴卑儉殊汾  
曲高奢異館娃亭臺分不次花萼旅無爭槎偃  
橋頻度藤纏闌易排親人魚樂穩求友鳥聲諧  
在在杯堪覆紛紛鍾欲埋紅翻善舞袖青寄遠  
遊鞋醉醒從俱入能令事事佳

麥麥閣全集

卷二十

十四

鹽官望海朱伯遠吳邦爲吳達生蘇子晉  
何元長邀飲鍾園分得開字

南服山形盡東維水觀開浮光含象曜積響殷  
風雷采碧漁師出航琛島戶來花飛濤雪霞樹  
拂蜃樓臺窮髮觀無止名園宴復催水童招待  
坐海月拾銜杯圓嶠懷仙室玄虛憶賦才醉看  
陰火近甲夜照人迴

廣陵平山堂邀集李本建木石夏玄成張

冶生黃元幹商孟和孟羽尼顧所建馬

仙王先民汪建民冬月采字

容五方至山堂一嶺懸仙伶雲際曲旨酒閣  
中筵蔬供分僧舍林叢布野田岡連歎蜀雨山  
遠隔江烟幸復初禪地兼搜舊品泉千焉開稅  
圃慧業借同傳

卷二十

全集卷二十

五



麥集卷二十一

東吳俞安期

吳郡金俊明孝章校

五言排律

五

三山詩

有序

金焦北固世號三山鉅麗固讓平東溟湫隘  
寧同于太液根蟠水府勢列江門亦稱殊詭  
之觀矣癸丑夏五新野馬仲良遇之廣陵結  
爲三山遊渡江首抵于金山登岸徧窺平石

麥集全集卷二十一

一

刻循聲而論雖云四壁皆詩卽境以談寧有  
一言合作卽締觀李獻吉之三章似未覩張  
承吉之二語也余與仲良跋扈一心卽于酒  
間牽綴六韻固稍遜樹影鐘聲之句自謂多  
循真際實之辭次及焦山阻于風伯卽仲良  
未至乃鄙人舊遊遂按物象于圖經復詢故  
實于地主輒擲管而思構不移時以成章出  
覽旣同用韻亦六互加謹賞爭謂神來何期  
二作並懸似與前哲無媿矣及登北固古殿

脩廊冠平嶺首松寮竹院櫛比山椒南瞰千  
山北臨江水金焦峙其左右鐵甕列乎南偏  
昔王灣泊舟之境僅分其半而我輩登臨之  
作務舉其全豈可較量風正潮平江春海日  
之詠耶亦摘六韻克配二山是爲三山詩嗟  
乎蘊靈未剖豈山祇有待乎人蓄意將申邁  
仲良同挾其秘音調翕爾篇韻一如我兩人  
竊幸夫操管之同時寧自計古今不相及哉  
地主者陳汝修汝季二生也

麥寥閣全集

卷三

二

金山

寺有中泠泉留雲塔  
諺云金山寺裏山

蛟宮開淨域鼉窟捧高丘僧舍全圍嶺江程半  
渡舟中分江樹立高擁浪花浮觸石雲孤起緣  
崖水四流挾湍龍子出倚塔鴈王留一畝中泠  
上身輕寶地遊

焦山

寺有華陽庵鶴銘  
諺云焦山裏寺

雲根寄水國雲臥領焦先但有波相蕩曾無地  
與連散香花四照倒影樹中懸空曲深藏寺孤  
危近覆天僧來杯渡處鶴瘞石銘前欲傍仙居

隱荒林帶雪眠

北固山

脩廊行詰曲覺路繞虛空迴抱人煙郭高懸帝  
梵宮海窺樓樹日江激吐花風地紀南開始峯  
形北顧窮朝宗流競下參立勢偏中試向滄溟  
列仙居較或同

耶谿法師開講雲門寺

去路樵風正登臺慧日中瑞雲先晉代講席後  
支公引楫迷津破爲梁義海通蛟螭離水府龍

麥寥閣全集

卷三

三

象出天宮影影懸珠入身身得寶同更微無礙  
相花散雨彌空

謁禹陵

水土開荒服憂勤任聖躬八年忘內顧四載畢  
前功歷數虞咨及巡遊夏諺同會稽臨絕徼道  
里記方中玉帛諸侯集梯航萬國通重輝扶舜  
日後至戮防風論德人無間傳家祚莫終寢園  
非遠隧祠廟異卑宮祭本天酬孝民猶俗尚忠  
穴深藏詭物石立窆神工秘守玄夷使奇探太

史公爲魚心感歎酌水意尊崇草莽成臣禮  
靈鑒鄙衷願爲松柏樹朝暮護青葱

遊雲門寺

紺園經曲折碧殿護崔嵬山借卿雲現天教佛  
日開捨傳中令宅詔起法王臺屏負當秦望基  
成遇劫灰寶池疏廣大金澗繞滌洄竹看青膚  
立泉分白乳迴廚羞僧供出碑字御題來講席  
懷支遁華龕誌辨才說經疑網破禮塔慢幢頽  
坐聽蓮花舌獅音吼似雷時耶谿法師開講寺中

琴琴閣全集

卷二十一

四

張肅之騎曹天鏡園

臨湖天鏡滿疏沼地輿空蘿徑三分往花關九  
曲通霞房波捧日雪舫陸乘風堰竹檀欒繞庭  
槐天矯蒙蘆叢穴鮪叔蔣實飼鳬翁室可藏書  
簞磯堪繫釣筒初疑隱士宅終識化人宮處處  
看蘇積將無累塊同

張肅之邀遊表勝菴抵天瓦巖晚望香爐峰

鳥道過僧舍羊腸轉客筇巖空天覆瓦雲往石  
城墉足爲探竒迅心寧到險慵近潭龍自蟄隔

澗虎頻逢興欲霞高步愁惟日下春爐峰催暝  
色故故紫煙重

讀張爾蘊著作驚而賦贈時年二十一

筆端天發籟言出總新竒未有人曾也誰云子  
庶而心應懸五賊手可折羣疑敢曰忘年友終  
期異代師冥詮通戲論情語放淫辭精耀開東  
壁斯文諒在斯

同馬仲良王叔治戚不磷汪遺民黃伯傳

遊靈巖寺寺爲館娃宮故址梁天監中

琴琴閣全集

卷二十一

五

造

梁日開肅寺吳年想舊宮繁華銷慧日梵唄出  
高空寶塔千花處香臺萬木叢看山俱檻下住  
地已雲中池影分明月林香吐逆風函牙飛彩  
現壁像化身蒙殿壁有智積菩薩化像衆嶺諸天接三州  
一水通坐令心廣大無量白毫同

同馬仲良諸子由光福抵鄧尉山看梅次

韻作

浦野霜懸樹穿山雪滿株衆香聞總和一白望

似瑤彩寬浮地水華近帶湖猶從雲處見翻  
向月中無接圃迷來陌連林惑去途難分惟玉  
燕易辨是玄鳥  
疑羽客聚合似名姝絞室機中素姑山鏡裏膚  
密寧窺綠萼繁直掩紅村皓色收全潔榮滋壓  
衆枯歲寒心待放春霽首成娛夢斷羅浮女天  
長不可呼

紀李美人與施孝廉別次周長庚韻

暮暮晚蕩帘戀別擁帷幃倚玉身那逐成珠淚  
參寥全集卷王

六

可拈愁先棄膏沐麗復駭飛潛互恐雲歸岫頻  
虞日下簷語深辭轉怨行緩步猶嫌帆挂風思  
遲丹膠水慮添歛襟同燕紫贈髮比鴉黔眼欲  
枯秋碧光俄減夜蟾亦知終是去且冀小成淹  
樂奏音憎急觴飛政罷嚴覆甘障日扇化擬護  
風簾越地雖違遠看天肯翳纖有盟徐待合何  
願不能兼生許終持帚緣寧藉卜籤賤軀如永  
託餘馥幸微沾義可成金鑄情毋割劒銛郎文  
應結綺妾縷定成緜但聽臚傳日嚴妝赴鳳占

觀國華麗華諸歌童作劇同馬仲良限十

八韻率成

賓座敷華席伶歌代塵談曼聲肉競奮異馥口  
如含往復諧辭出升沈變態諳妖姿假巾幘貴  
寵儼冠簪直爲形容肖偏于耳目貪琳琅那易  
掩絲竹豈宜參調任徐還疾音兼北與南車喉  
轉並似李律協同堪私授卷衣慣恩加斷袖甘  
暮暮香美少黛綠總真男飾貌紛非一觀身幻  
有三驟趨驚急節忽暈誤餘酣善戲終非虐多

參寥全集卷三

七

情半類慙花攢錦粲粲樹列玉粲粲寓事悲常  
間爲方樂且耽名姝看起妬小史侍生慙坐聽  
寧思臥行觀欲弛擔梨園唐技絕宛入夢中探  
五日觀趙郎作劇同馬仲良如前例限十

八韻

葵榴當候放花氣午微蒸絕技人那再歡塲事  
可仍煙鬟蟠晚綠波眼汎秋澄帝也胡然降仙  
手倩爾憑輕身猶舞雪清骨儼支冰微籟吹將  
出迴騰捧欲升衆妍紛豈逮百態弱能勝看殺



絲幪喜姿多不負矜頭須纏蜀錦被想嚙吳綾  
明玉工誰斲流脂滑自疑容堪傾國比聲以繞  
梁稱瓊立銷魂樹珠懸益媚燈微辭從慧發流  
韻逐慙增步曳嬌千轉羞飛暈百層留髧元薄  
枝效董更深能坐爲貪看密餽非待勸騰審音  
寧有誤催興總無恒儻使時時見朝昏失寢興  
鄒彥吉愚公谷觀僮客作伎得險押二十

四韻

一入愚公谷谿山已不廉再開歌舞障旋理翠

麥琴閣全集

卷二十一

八

珠奩非鳥聲相續如花色可拈整妝人遁出改  
飾女猶添事勾分身應妍多觸目兼檢喉殊滑  
滑垂手亦參摻男也翻紅袖童耶挂白髯黛螺  
從傳綠面墨不施黔態送心招豔音遺耳食甜  
疾徐行愜順輕重字安恬衆止齊如截餘牽斷  
欲粘調爭分正變體各中穠纖邀險臨趨緩迎  
機赴節嚴襦飛紛燁燁裳曳互襜褕薄重安  
薦裝鮮不衣簾顧多寧有誤坐久實無厭沾沾  
舒眉曲炎炎迸鼻尖疑來庭鶴避驚近沼魚潛

湖月窺過檻峯雲住滿檐迷樓深倘敵金谷麗  
應謙聚想資千鎰看思損百縑長教春駐幄每  
使夜更籤饒眼何時飽遺香累日霑誰知煙霧  
裏仙宅有閭閻

馬太夫人稱觴辭

鶴算尊天姥鴻圖得貴男靈符佩戴勝佛驗長  
優曇視草司農起宣麻太史參立言雙赤幟接  
武兩華簪承日元多照儀坤不少慙文章機上  
出水雪鏡中含考德崇諸姓宣詩美二南家風

麥琴閣全集

卷二十一

九

閨範定園勝板輿探名必千秋副身將百行擔  
箕疇福備五周禮爵稱三庭篲芳同秘宮桃色  
並酣果多懷陸橘漿更蓄黃柑送喜禽能解忘  
憂草亦諳實餐桂樹嶺水飲菊花潭報國賢曾  
佐宜家樂且耽由來堅茹苦老去慰分甘秘錄  
窺珠檢真圖發寶函仙凡曾不隔蓬闥豈虛談  
觀黃貞父虞衡白兔賦得八韻

山澤搜虞後衡精表瑞先赤珠懸目炯皓雪傳  
毛鮮純質看如一脩齡想及千秦裝狐並潔越

貢雉同妍月殿胡爲下星宮竟不還行忘驚趨  
趨馴得撫娟娟素節官曹應仁恩 帝德宣竊  
欣垂老日好待中興年

馬仲良初度日同諸子釀金觴之紀述二

十韻同用九佳

蓬桑晨挂戶冠履早升階室擁紅雲燦關飛紫  
氣佳青禽逢遣信玉燕想投懷酌露杓如斗流  
霞酒似淮伶人方幕伎麗豎比宮娃登薦歌障  
扇臨盤舞落釵任教施善謔獨自放淫哇送款

麥琴閣全集

卷王

十

眉能語論聲肉最諧吟從聽水族瑟亦鼓靈嫺  
理曲多徵艷興文小雜俳蝕仙窺羽蠹合部佐  
鳴蛙審律宮商協昭詩比興偕暫令朝食退寧  
廢晚衙排直許詞頭稱誰云簿領乖才惟艱處  
見名豈醉鄉埋心噉如當日瞳懸不受霾言深  
衷肺腑情至外形骸地望尊先世交親重我儕  
珍辭盟白水寶錄啟丹厓攜手期煙駕同遊詎  
有涯

小春社集賦得朔風吹飛雨

同何无咎王  
太古徐潤父

魏考叔和叔陳康侯畢康侯冒伯麟陳  
叔嗣胡仲修魯波臣喻宣仲叔虞吳彥  
先郭伏生諸子  
分韻得一先

雨散高空裏風來朔漠邊絲輕看細捲聲急望  
斜懸日照紋無定颺迴勢復還疑來成瑞雪滴  
處濕微煙鵬舉思南息鴻征慰北遷獨憐塞向  
者想見艷陽天

蔣子良席上賦得絕世有佳人贈王姬小  
昭

趙姬歸漢殿王媛出胡沙絕世無妖艷當筵得

麥琴閣全集

卷二

十

麗華名元傾北里生只在東家色絳宜呼樹容  
鮮不讓花歌喉香吐霧酒頰暈分霞想到橫陳  
處清冰影薄紗

九日登高首集曹能始石君社因與同社

諸君子論詩共用登字時坐有喬姬玉

翰董姬小雙

蒼池舟曲泛赤坂屐高登亭石尊爲主籬花就  
作朋海鱗容入饌林羽戒施矰倚曲工吹竹聞  
歌醉采菱埒長便戲馬臺迴擬呼鷹詞客含毫

慣姬人織字能賦成元有則調變乃無恒莫涉  
當時體微傷異代稱

又代董姬小雙得年字 時方待年

步入香階上催來錦幔前何期小家女得侍大  
羅仙也逐高登屐還陪伎舞筵囊裏懸半臂籬  
菊繞雙纏曲誤重勞顧慙多不爲憐西隣覩未  
敢下里和難傳雕管鴛鴦譜鈿箏峽蝶絃閒時  
遂學弄長得奉年年

重陽後一日同社諸子登佛樓山因憩飲

參寥閣全集

卷王

三

上園亭待喬姬玉翰不至分韻得一先  
登頓過重九微茫見大千山高看自昔樓出想  
當年下嶺人煙接中天佛日懸雲孤觸石起江  
曲抱磯還沙積疑恒水僧來似竺乾樹根聊息  
影米汁且逃禪綠圃穿松外紅亭次菊邊不逢  
天女散差負賞花筵

朱參戎席上賦得鶴頂杯

海鶴何年骨爲杯頂獨丹喙垂支案迴腹仰受  
漿寬加足成周爵分持捧漢檠輝煌金作飾珍

重玉同看緩帶堪同醉張筵借合歡回思高步  
日豕食侶鵲鸞

陳長源據梧齋夜集同賦梧葉秋聲分韻

得三肴

金飈吹北戶玉露結西郊枝上聲徐動階前響  
細拋濤松元自異韻竹頗相淆緩發成孤奏驚  
傳若衆嗽空堂蟲赴穴鄰樹鳥移巢燈下聽來  
久翻令客罷嘲

再集陳長源據梧齋席上賦得雨聲分得

參寥閣全集

卷王

三

兼字

少女風初至巫神暮應占過堦鳴忽驟入樹響  
仍兼密逐蕉花亂踈經竹葉添虛聞來綺席近  
拂到珠簾旣集鴛鴦瓦還垂鳥雀簷宵分曾不  
住轉得飲淹淹

十月廿三日再舉石君社代董小雙賀喬

玉翰生辰分韻得二蕭

小春懸悅日半月下弦宵石社筵成綺滄池水  
卽瑤使乎青鳥侍歌者白雲謠靈境金爲屋華

王建標變成隨母氏幼女與仙韶願捧流霞  
酒千年奉紫霄

至日喜張紹和孝廉至雨中同集曹能始

浮山堂因送計偕北上時小喬小昭二姬佐酒

義輪行北陸旅服寄東山仙客御風至巫神行  
雨還吐新文翰裏論舊酒杯間似柳依張緒如  
花對阿蠻方看小垂手旋作遠離顏鶚羽思高  
舉龍鱗往獨攀分飛同落葉持贈少芳蘭獨遣  
懷君夢相隨繞漢關

琴琴閣全集卷三 古

和曹能始立春前三日觀五美人行園之作

春日逼春華春妝出內家攢成五明錦分立幾  
叢花奚止三爲粲欣看衆作譁屢笑寧須買多  
妍豈暇誇俯仰驚魚鳥迷離逝鹿麇愁催後堂  
入尋常纂絳紗

題謝在杭積芳園八韻

平橋橫渡入隔堰到林局河貫儀天象臺臨踞  
地形倚藜穿翠綠繞座積芳馨谷韻簫簫徑牆

陰薜荔庭簷危巢鶴樹沼亂飼魚萍樹想懸鈴  
角桐看下鳳翎時見四子行園窪成樽較淺臥去石多  
醒總爲三山近生來草亦靈

九月八日鄧遠遊邀同來子魚梅子庾游

勿弔曾敬華華子岡登高同用重字十

二韻

歲時方屬九日月已將重遠載長房酒高登華  
子峰紅泉瀉丹腹綠岫捧芙蓉客每分場坐人  
能落帽從石奇疑踞虎山勝借名龍白髮簪更

琴琴閣全集卷三 五

短清樽泛菊濃會成同楚記歌艷出吳儂高想  
霞軒舉低愁日下春殷勤催客醉窈窕覓仙蹤  
秘檢求丹藥玄文剖石封暝雲歸短杖新月徙  
長松且就雲門宿將謀石戶農時有卜居麻源之想

穀雨日同幼晉王孫張善之蕭瑞陽梅子

庾許盡卿飲劉宗孔江上居觀紅梅結

實八韻

臘日過君宅庭梅絳色開相傳花不實今見子  
當杯映酒懸青顆臨牆隱綠苔垂垂亞藜薄歷

星綴條枚味可調仙鼎羹須和帝臺瑞圖堪自  
著靈種詎應猜夏待梅風熟春先穀雨催商王  
飛夢日兆應傳巖來

六和堂爲羅結璘題其義見法華經中

聞有錢塘塔堂名亦與同弘開盱水曲相望海  
門東貝葉經函處墨華法藏中深規藏簡室高  
視化人宮無諍成三昧圓根徹六通光塵同老  
氏學業嗣先公繞座金蘭契當堦玉樹叢相看  
無忤物諧樂竟何窮

琴琴閣全集

卷三

共

暮春鄧遠遊同諸子汎舟圭峰渡遊王園

紀興十二韻

園有牡丹已殘  
猶存大紅一枝

春江春水平畫舫涉江行文穀風漪散金膏口  
浪生林暄方墮絮汀綠始生萍載酒樽傾數行  
庖餼附輕潛魚欣屢躍浴鳥喜如迎短檝前灘  
泊芳園次水成花存傾國艷肉奮繞梁聲林影  
薄松陰晚益清雲生催返棹月出傍巖城  
重遣觴頻轉那論漏火更行拚呵醉尉飲且對  
公榮起視東南景歸輿已迨明

輓龍伯貞二十韻

朱鳥隕衡嶽青霜枯洞庭指南星遽失善下水  
難停天意災能料斯人卧不醒壑舟移忽去泉  
戶錮長局藝苑留規範人倫喪典刑月沈虛白  
室雲泣草玄亭昨者逢君日居然侍德星立談  
一把臂入坐遂忘形妙理解迎刃玄言出建瓴  
詩篇歸渾厚飲興入沈冥樓起承天佚居成占  
地靈花隣秦洞樹實辨楚江萍霽雪千峰侵春  
煙七澤舸佩來沅正綠枕處德山青晚著神仙

琴琴閣全集

卷五

七

錄曾傳父子經雙開連棣萼一病餌芝苓久擬  
投仁里長教醉德馨同期白蓮社竟去紫雲輶  
鄉曲哀同盡交游計忍聽相望不斷意祇待鶴  
歸丁

哭張伯任黃門

官作長遷客身同苦行僧幽閒明主賜品隲  
里人憑莫及愚如甯難能孝似曾儀形那不起  
理道若無恒日慘輪疑墮山孤玉恐崩德鄉哀  
長者執苑哭良朋諫罷輕焚草書成貴剡藤憂

月十年意空自俟河澄

追輓來職方望之

聞道神明宰憂勞痛亦隨六年酬簿領萬事履  
艱危身作遼陽塞舟憐夜壑移詎知馴虎異翻  
作獲麟悲月旦存諸史星文隕二儀皎然留玉  
樹曾得倚連枝

余與長君陽伯次  
君馭仲同社稱詩

顧太夫人哀辭十二韻

雲舉三雛鳳冰開兩孝魚慈幃安養日子舍顯  
揚初夜績身操作冬儲手拮据壁經家自授彤

麥麥閣全集卷王

六

管事堪書南服崩天燒中霄隕望舒素帷遺挂  
處塵室斷機餘霞表飛鸞馭花間罷板輿神追  
靈匹駕行攬化人祛懿德存宗黨哀聲驗里閭  
誅辭賓客盛禮典寵恩虛泣雨翻簷雷噓颺咽  
綺疏儀刑寧再得家國共焚如

哭何公露少參

參岳雄藩服迴車謝要津山中呼宰相物外領  
詞人賦手元稱聖文心剖入神千秋貽矩矱萬  
變倚陶甄豈意傷哉目難還逝矣身占星惟隕

石候日竟沈輪弟子墓八服鄰家泣掩巾庭存  
三謝樹園什一莊椿何地重開曙終天已失春  
銜恩余獨至老淚雨秋昊

麥麥集卷二十一

麥麥閣全集卷王

九

麥麥集卷二十二

東吳俞安期羨長著

荆谿吳 炆旭涵校

七言排律

遊牛首山弘覺寺同倪公甫吳公擇吳允

兆分賦

檜柏陰陰覆路蒼金繩百轉入清涼桑門乍到  
猶中嶺羅逕高瞻更上方巖擁紺垣松棧闊空  
垂金絙石梯長白龜池小含龍藏丹鷲山危捧  
麥麥閣全集卷二十二

鴈堂天闕名稱傳晉代雲厓身施憶梁王輪光  
倒挂浮圖影霞氣深藏別殿香花綴法幢成彩  
翠樹鳴梵樂應宮商經林總是梅檀色飲水俱  
為甘露漿客戒容開沽至酒僧瓢炊供乞歸糧  
貧看佛日孤懸界長夜翻經坐竹房

暹公新構西來菴成精修淨土爰賦長律

代爲偈言

化宮小結楚江湄極樂誰將國土移雙樹門成  
行背郭九蓮臺起坐臨池曇花出地經千歲慧

鳥流音和六時羅網似聞諸樂奏齋厨旋有衆  
香炊東來獨現莊嚴界西嚮勤瞻導引師地上  
布金煩長者衣中得寶悟貧兒神龍開藏長畱  
衛狂象銜羈敢浪馳律社邀人俱淨業迷津置  
筏總深慈法燈高掛傳無盡香海弘開渡不疑  
苦行堅辭天供養戒身穩住佛威儀上乘未暇  
談摩詰初果寧勞問辟支直擬化生登七覺忽  
令超劫免三祇優婆各得皈依路羽客還投發  
願辭我欲棄家畱爨下似因米汁稍攢眉

麥麥閣全集卷二十二

吳明卿先生初度日敬獻七言近體百句

衡嶽千峯擁地長滔滔江漢引三湘豈無靈氣  
開文苑遂有名流降武昌材自東南稱竹箭器  
先磨廟識主璋下帷日月成書癖出治星辰拂  
初鋒少冠賢良騰鄂渚旋偕計吏起明光趨班  
曉殿陪鷺鷥染翰春池近鳳凰天路羽儀真肅  
肅神京冠蓋總煌煌 朝廷侍從延時指瓊闥  
清華拜夕郎裘馬經過非趙李利權交結謝金  
張千官雲集繁華里六子風流翰墨場肯向清



時誇劍珮齊將大業付縑緗東竝立龍爲友  
歷下同聲鴈接行騁目前賢驚屈左抽毫異代  
失班揚音求正始心殊苦俗挽淫哇力倍強萬  
象更端歸麗賦片辭折事重彈章炎雞哭友過  
東市斬馬除姦請上方豈爲身謀容執政惟將  
骨鯁佐嵒裳聲稱湖海傳差定謫籍泥塗去不  
妨萬里浮蹤隨遠適頻年弱羽任迴翔匡廬曾  
主談經席公謫豫章主昭武尋爲剖竹鄉俄爲  
島夷增保障重看粵郡借循良公自邵武能名

麥麥閣全集卷二十二 三

誦比韓馮翊戰備修同趙破羗天遣漢儀通鬼  
國詔令儒術典遐荒振衣倏淨千谿瘴樹節  
遙飛九譯霜藏甲巖前行使者舞千階下立蠻  
王馬逢顧後登沙苑鱸遇銜來集講堂公望轉  
高天北極名藩分轄地中央懷賢恭執夷門轡  
問俗行浮洛水觴不少丹衷常戀闕偶乘秋興  
倦遊梁江皋旋卜縣車地花底深開鍊藥房志  
遂初衣裁薜荔卧偏幽洞鬱松篁甘醪歲釀中  
山色雜佩時紉大國香展簾雪山秋倍冷抱書

氷井夏還涼舉芳極浦聊捐袂投竹清流儻釣  
璜無意求珠臨赤水有時濯足下滄浪林攀徧  
倚三花樹瓢飲長翻五石漿手植青藜需短杖  
袖携瑤草代贏糧紺砂已化封金檢寶錄新編  
祕玉箱天姥內庖羹赤雉仙家遊騎叱青羊六  
時玄覽通冥寂八極遙心托混茫思接琅輿隨  
汗漫笑呼玉斧與徜徉求真縱說希弘景好客  
仍煩學鄭莊竊荷溝中收斷木常從畏壘事庚  
桑題箋每許新聲豔使酒偏容故態狂郢里放

麥麥閣全集卷二十二 四

歌爭刻羽洞庭張樂聽清商受書黃石甘操履  
采秀丹丘願挈筐短塵譚玄陪末座長筵浮白  
與飛觴更期結伴增城裏便欲將家壽域傍周  
步道言終不朽壺丘靈紀獨無疆朱繩爲奏高  
堂瑟安坐千秋共樂康鄒平如云俳不傷氣麗

周國雍以大中丞督撫寧夏時勃賊初平

公經理使宜華夷振肅賦寄二十韻

王師百戰賊初平凋敝何堪廣武兵驅虜未歸  
玄關帳乘邊猶警黑山營詔求經畫勤明主

任領艱危拜次卿幕下受降蒼珮出壁中勞卒  
絳騶行身當沙漠西羌肅臂斷匈奴右地清設  
險再修光祿塞屯田先築典農城弓收繁氏千  
鈞力士募劉生六郡英秋盡荒原頻舉火風高  
列戍徧懸旌徵來甲騎春雲滿礪後戈鋌夜雪  
明十道深圖窮地紀重圍遠獵樹軍聲穹廬誰  
復思南牧超乘翻令候北征國恥因仍羌已雪  
天威震蕩肯教輕檣邀諸部俱臣妾羞指羣胡  
是舅甥往憶叛夫與鹵莽浪招孽虜入縱橫蛾

寥寥閣全集

卷二十二

五

肩領國持相賂馬血臨城軟共盟鹽澤爲池湮  
海賀蘭作障失崢嶸人當逆釁情難定將鑿  
門陣屢驚遙遣東南芻粟盡久貽西北鼓聲  
鳴老成力盡虛推轂俠烈心長數請纓早是材  
臣能坐鎮豈容烽燧達燕京

陳泰始侍御宅夜宴紀興同陳振狂曹能

始洪汝含胡白叔俞清父林異卿鄭維

寧鄧道協分韻得十一真

鄭莊驛騎四邀賓繡壁文筵綺宴陳併有鈿車

牙北里不令鐘鼓震西隣艷歌堂上登三婦  
沐林中見一人名勝未容探逆旅繁華轉遺領  
蕭辰談鋒稷下紛雄辯醺醺湘東總亂巡饌出  
琳腴升海鎔膾飛瓊縷壁江鱗呼教僕御投車  
轄醉任狂夫吐錦茵行樂他鄉添老興冶遊還  
擬小平津

寥寥閣全集

卷二十二

六

麥麥集卷二十三

東吳俞安期羨長著

荆谿吳 栗白涵校

五言律詩一

卜居陽羨雜言八首因寄海內諸遊好

吳淞辭舊里陽羨卜新隣山水元吾土漁樵亦故人  
高天鴻逝遠豐草鹿遊馴回首秋江色西風憶紫蓴

壤僻艱深入家貧輕遠移稱臣依草莽避客掩

麥麥閣全集卷二十三 一

茅茨禮法從人棄煙霞或自私生平隱成癖非是薄明時

游俠非吾事沉冥頗自諳攀芳從澤畔飽粒藉

江南石挂千年洞山藏百丈潭仙蹤近吾宅步

屐任幽探

雞犬成墟落蕭蕭半畝宮湖山元作長田舍復

稱翁五口中人產千家太古風無由知帝力耕

鑿自爲功

叢桂招難負青山願豈違全家今日定孤尚此

生微市近魚鰕入人幽鳥雀依風塵應滿地那得上荷衣

敢謂江南樂謀生計亦長伐枚晨執爨拾穗夙春糧司馬遊方外通侯老醉鄉寧勞詹尹卜吾自信行藏

遠心投澗壑痼疾抱煙霞藥采經春草松餐帶雨花同林惟鹿豕失路任龍蛇無復歌彈鋏歸來已有家

幽居無不可傲骨况相宜醉醒隨朝夕耕漁給

麥麥閣全集卷二十三 二

歲時異書窺鳥跡曲几隱烏皮落落思同好長謠伐木詩

借宅

借宅東濠上茅堂水國通歌長答孺子琴或聽漁翁采黍蘿垣外比鄰柳市中亦知非久住種竹也成叢

嘿嘿看生態幽棲興頗饒菜畦頻坼甲藤屋亂垂條廡下春甘賃牆東隱自招虛疑斬蛟處猶是伯通橋

自東濠移居石墅漫志八首

石墅銅山北蘭原荆水南喧卑去井邑踈野就  
雲嵐萬木諸村聚千峰一室含春流紫榆澗錯  
類百花潭

榆柳村扉合蓬茅土室開鹿門携婦入石戶問  
農來場圃風人紀耕桑月令催山厨思卒歲林  
黑抱薪廻

夜澗遊蛟出春田乳雉行每防兒釣弋真愛物  
生成蒸餌芝英赤登庖竹筍清腰鎌憑汝力日

寥寥閣全集卷二十三 三

給免經營

百步青泥坂爲園後舍連灌蔬寬負水乞竹遠  
移煙問圃行呼客開林醉欵仙高堂有垂白秬  
藥助長年

周侯遺近事風土續編成茶苑蛇銜種神祠犬  
作牲賣蘭微佐稅織屨半謀生無賴山中戶腰  
弓射鹿行

庚桑逃畏壘泄柳閉衡門異世將無合吾生敢  
自尊藝茶初赤壤佳樹已青村間遇清齋日山

仙許扣闥

脩脩成隱跡更復避人窺谷畏傳聲出林防息  
影遲千花迷道窄一木擁橋危或免方明御勞  
勞問具茨

山通射虎谷水隔飲牛津語不輕污耳居能遠  
竄身穰田隨土習爭席任比隣今日唐虞世巢  
由若有人

南都逢張羽王

乍喜逢遷客猶憐病未蘇半生仍薄宦八口任  
寥寥閣全集卷二十三 四

長途夜雪征裘薄春星旅舍孤論心向楊柳啼  
殺白門烏

方子及方思善二司農爲同舍所中候調  
南歸寄唁二首

比舍多疑事同時竟累身流言移聖主謫終  
占詞人宦跡淹宜拙才名忌始真風波各相生  
何處問孤臣

行指柴桑里心驚虎豹關謫甘肅異議歸且戀  
慈顏暮日悲長坂秋雲辨舊山翻因稱傲吏名

齊起人間

同周國雍方思善遊清涼寺用韻各賦二

首得清字

紺殿開京國青山入化城林藏千樹古天抱一

江清風定垂旛影潮來引梵聲峰頭蘿徑曲徐

步若經行

又得涼字

看雲藉疎豁布席選松房暝接人煙近春依佛

日長藤花懸樹密竹氣汎杯涼回騎空街月聽

寥寥閣全集

卷二十三

五

鐘已下方

崇因寺候周吏部不至同吳孝甫作

萬木覆葱龍長林叩法宮陟岡臨石子立馬候

山公夕照諸天盡春雲衆壑同遙遙心斷處月

白虎谿東

寺在石  
子岡

分賦席上諸子得姚匡叔

弧矢生平志衣裘落魄身瑟曾聞趙女曲豈和

巴人地盡雙遊屐天容一釣綸買山非計晚通

隱任風塵

憶家

故國千山外經秋遠別離浮生能幾日爲客此

多時衰眼高堂淚寒砧少婦悲天涯念遊子風

雨共淒其

寄故園親友

一入關山路艱虞卧病中離心繁暮草旅跡斷

秋蓬獨夜江湖雨孤城木葉風淒涼此時意何

可托飛鴻

送項思華還越二首

寥寥閣全集

卷二十三

六

黃石求功疏遊僊憶羨門昔人寧盡妄此道可

重論萬事歸方定千秋隱獨尊冥冥鴻自舉越

鳥共南翻

試問石城樂何如隱苧蘿行聞越女調應憶莫

愁歌顏色窮難變閒情老漸多平居仍御母花

底板輿過

晚投龍潭驛

野色蒼蒼暮馳驅客思孤人煙稀斷岬馬力盡

長途山影潭深黑江痕石漸枯停燈逢酒肆醉

舞暫爲娛

龍潭曉發

歸途臨古驛拂曙戒征轍山壁銜風冷江濤捲  
霧昏人烟非故土旅食更誰門從此冥鴻羽離  
哉自遠翻

陳從訓山閣對雨

高閣俯孤城空山片雨鳴轂催林葉苦秋入鬢  
毛驚淪落非吾意蕭條總世情橫江客愁思風  
浪若爲平

寥寥閣全集

卷二十三

七

焦山四君別時余東下吳康虞返真州郭

次父崔子玉留山中

欲知不忍別看取各沾巾一水東西棹三山去  
住人暮陰兼海樹寒色遲江春生事毋煩問行  
歌獨負薪

至日對雪

短棹水仍阻長途雪故飛花先千樹發寒妒一  
陽歸雲物臨臺變炊烟卷幔稀夜機悲少婦應  
念客無衣

句容道中卽事時兩僮以病畱吳門

不爲羊腸險征途亦自難雙僮一病後獨客幾  
憂端點檢防垂橐殷勤倩解鞍蕭蕭心對影向  
夕未能安

林朝介司農載酒雨花亭招飲同方子及

分韻作

舊雨曇花地新開灌木林雲房千嶂闊人語兩  
曄深僻壤元吾好窮居賴汝尋倘容千日醉朝  
夕卧松陰

寥寥閣全集

卷二十三

八

將遊攝山出郊關作

出關車馬色蒼翠漸斑斑棗市通諸壑樵居共  
一山懷心求異跡飛興待遙攀聞道餐瑤草真  
服九還

遊衡陽寺同徐茂吳作

人間融師法僧傳晉代衣引泉龍女至開塔鴈  
王歸竹色分林斷松煙過嶺微晚來鐘磬發馴  
鴿豈驚飛

夜過承恩寺與吳允兆談舊得離字

兩度高樓夕孤鐘落木時悲歡殘夜語生死故  
交期傲骨貧偏長浮名久漸疑十年身借客猶  
自媿要離

送歐楨伯虞衡請告還嶺南四首

班司名重日山澤賦平時身計青雲薄歸心白  
髮知爲農石戶業求藥羨門期一悟浮生理風  
塵轉自疑

勞苦頻年事殷勤再疏情高天容鵠舉名嶽有  
禽生地道通句曲仙居接五城遐方奇洞壑第

寥寥閣全集卷二十三 九

一是朱明

初服猶能返榮名獲自全善刀牛解後避弋鴈  
歸先春樹粉榆宅秋租嶺海田也知腹臘計併  
有乞文錢

久說羅浮上璇題七十房石扉藏秘笈金簡紀  
靈方藥市朱泥竈芝畦赤玉漿君歸畱一壑遲  
我白雲裝

立秋後方子及招飲郭氏竹園同陶懋中

吳公擇吳允兆分韻得心字

平園無異植萬竹鬱爲林剩水穿池小窮畦拓  
徑深日中猶積氣雲墮已秋陰稍聞喧卑地居  
然稱隱心

又得青字

林上鐘陵色冥濛墮廣庭雨來山氣白雲往石  
花青晚興涼全進春醪夜轉醒直思重荷鋪埋  
就水邊亭

吳公擇具齋飯于衙齋同方子及吳允兆

分韻

寥寥閣全集卷二十三 十

騎省論兵後蕭齋飯客初細羹蔬並滑新藝竹  
猶疎飲癖深難遣塵情薄易除遲徊畱夜色殘  
月隱周廬

八月十三夜寶光寺對月同陸纂甫趙幼

安張去華王羽吉分得流字

爲報西園讌寧如寶地遊人憐問何夕月喜近  
中秋挂塔移珠影臨河濯絳流纖毫見祇樹飛  
鵲更南投

送朱朗初兄弟還樵李



事苦莫料因君見是非衆憐緣失路雙涕欲  
同歸紺石雲中硤青林阜下扉依然讀書處東  
壁耿餘輝

梅子馬携妓邀汎句谿限韻

但共親魚鳥滄洲獨會心浮圖孤倒影涼雨薄  
生陰江靜聞歌細天長進艇深飄飄懷遠去雲  
月在前林

自敬亭投一峯菴作

青林穿窈窕麋鹿接人羣樵逕千崖入禪關一  
寥寥閣全集卷二十三 七

壑分低窺山半雨暝觸石中雲松際隨僧飯齋  
厨午磬聞

同盛行父虞質夫沈景宸盛元宰伯旋飲

馮顯父綠雨齋各用齋字

紅膾盤新薦黃花酒復佳客身從放浪醉語涉  
談諧雨竹橫垂逕霜梧墮覆堦依然舊時榻秋  
色滿蕭齋

十年前曾  
下榻此齋

陳仲醇謝諸生屏居池中教授生徒能漏

道言宗旨

儒服捐何急浮名隱自憎人仍師鬼谷妻頗類  
於陵短棹危懸木深房穩覆藤縱然居隔水還  
接渡蘆僧

亦是城隅地園居斷市聲僮奴添嬾骨鱗鳥仗  
餘生

仲醇置放生田租  
入悉買魚鳥放之

竹堰齋厨小松寮石坐  
清桐關曾一啓隣圃乞花行

徐孟孺棄國學隱居東郭爲逍遙遊

徐孺空徵漢巢由竟謝堯里名高士得身領外  
臣遙日出行杖策風鳴坐厭瓢仍思避僊籍海  
寥寥閣全集卷二十三 七

嶽去飄飄

宋彥邀汎白龍潭作時遲美人不至

晚榜開清漲涼尊引赤霞揚歌出煙樹移艇進  
江花潭黑蛟龍水洲寬雁鷺沙美人呼不至生  
惱宋東家

送聞人仲璣赴泉州郡幕兼乞寄蔡端明

碑記

圖史稱名士簪纓拜幕官七閩趨府去十月下  
河干衣服蕉絲布饗飧海錯盤呼僮碑細榻猶

勝寄琅玕

盛行父濠上居

蓬室不在市花源稍近城春田看雉乳秋水習  
魚情壤地容相類濠梁同此名平居人竊擬或  
恐是莊生

端陽前一日道上逢姜神超載酒邀集李

節之齋中同虞質甫盛行甫郁孟野沈

孺休于乙先各賦先字

道上偶遮客隣東聊布筵火吹鑽柳後酒出汎

麥麥閣全集卷二十三 吉

蒲先吐曲流清吹傳花落綵煙所憐名下士誰

不在尊前

席上探韻送黃先生自華亭廣文遷教海

州州故春秋鄭子國  
卽孔子問官處

祖罷羣公酒行牽獨客衣再携儒術往莫以官

情違風氣隣鄒魯星墟入海沂青鸞將白鶴長

繞絳帷飛

郊子千秋國宣尼百代師儼然釋奠處想見問

言時張樂波臣聽談經島客知華風仗文教因

汝落東夷

南園紀興

舞盤憎趙女汎瑟罷齊姬並挾安陵子交歌楊  
叛兒餐英金錯落倚樹玉歲蕤對此不沈飲畱  
歡還待誰

寄徐四直卿

孰與徐公美誰如季子賢斯人殊矯矯濁世更  
翩翩廣野飛雲下滄江斷雨前銷覓望不極秋  
草綠萋然

麥麥閣全集卷二十三 吉

楊世叔孝廉宋彦文學釀金招飲

漢酺寧待賜趙舞不須陳何似臨瑤席相將倚

玉人展詩稱伐木炊饌辨勞薪獨是論文讌星

河易及晨

夜泊春申浦因懷雲間遊好

夜色正蕭騷扁舟坐鬱陶離鴻飛落月驚犬吠  
鳴濤行役孤棲遠興懷百感勞秋寒臨水國那  
不憶綈袍

岳伯潘公豫園五首

拓地引煙霞林懸蜀坂車移山寫四岳疏水折  
三巴亭館葱青樹房櫳隱見花却疑工幻術海  
外縮仙家

艇進滄波濶蹊盤錦石紆獸羣深窈宅鱗族有  
江湖山壁蘿關小雲垂竹嶼孤何年移海樹碧  
澗透珊瑚

池上臺仍曠風多石氣清苔花行漸滑梧葉坐  
還平泝水知潮汐遙林變晦明緣堤白榆影歷  
歷夜來生

麥寥閣全集卷二十三 五

果苑平丘上蔬畦剩水西翻驚漢陰地併入武  
陵谿谷放將車鹿林飛啄藥鷄石梁遙可渡木  
下挂青霓

石室深疑合檐廊曲互通屢迷皆委宛高眺忽  
虛空松偃邀僊閣花攢禮佛宮總非員嶠側應  
卽化城中

王延年故羅秘書子變姓避讐著書海上  
事已漸白予爲此詩表出之

浮蹤長海嶠寄姓偶瑯琊朱季寧無吝羅含白

有家一身曾廣柳雙眼歷空花借問成書後何  
名在五車

雪後過集張長興潛玉齋同趙子大朱士

模潘虞則潘季文次韻作

賦雪人疑謝擔簦客類虞酒能傾下若譚偶雜  
陰符石吐英英玉冰縣樹樹珠歌兒頻按節不  
遺片雲徂

訪張夏父

谷口尋幽士蓬蒿半畝宮貧憐清吏後達有古  
麥寥閣全集卷二十三 六

人風天曠孤雲往林疎落照通結隣堪避世吾  
欲傍墻東

晚坐玉女潭

潭上有古瓊樹

山抱蒼潭水林藏玉女祠碧花新石竹紫蘚古  
瓊枝雲實分舖罷天漿就沐時星輶招儻下觴  
酌比瑤池

沈君典太史過訪濠上草堂晚畱小集因

訊姑孰事

似有觀魚興維舟過草堂玄言到秋水小立向

濠梁晚亦開蔬圃涼堪飲竹房艱危訊時事天  
意欲飛霜

春日寄懷海上張長興杜開美

野處最岑寂春來翻苦悲  
柳思張緒日花憶杜陵時  
黃鸝歸飛遠青禽遣信遲  
幾穿東望眼海上碧雲知

奉陪喻邦相使君遊石亭山遇雨二首

共學山翁醉仍忘海客機  
鹿行雙挾轂鳥至數銜衣  
渡澗雲同往開林雨欲飛  
殘花霑濕後直

麥寥閣全集

卷二十三

七

似借春輝

席展憑虛檻杯流坐小渠  
狂言呼爾汝高唱和  
樵漁林色含雲白峰文出雨疎  
吐茵吾已醉歸載大夫車

寄羅敬叔

客議時方禁王風日恐揚  
詩憑哀以思語慎醒而狂  
地絕經年雨林繁正月霜  
予愁向雲漢灑淚想周行

董述夫北郭居成二首

遊葉東屯業歸成北郭居  
谿深安簡僻客至半模  
漁匙飯村春後盤鮮水  
獵餘還營下帷處待

課幼兒書

述夫六十始舉子

芝苓開藥圃花竹入茅堂  
圖裏青山業厨中白石  
糧乞書人若市托疾醉  
爲鄉呼酒墻頭過東鄰  
恰賣漿

述夫善書畫爲一時所重

寄吳公擇允兆兄弟

愁來懷汝急貧後出山  
稀歲歲憂杭稻朝朝藉  
蕨薇吳牛餘一喘越鳥  
健雙飛猶念蓬蒿士煩

麥寥閣全集

卷二十三

六

來叩竹扉

寄臧晉叔

異地名相似同棲畚耒  
畫雲蒼茫五湖上阻絕  
兩谿分遠道思青草芳  
洲把綠芹尋君夢秋水  
飄斷落鷗羣

寄姚伯道叔度兄弟

秋樹秣陵西秋花坐不  
迷切雲雙側注累月一  
偏提祖散分鸞鶴歸來  
伍鹿麕懷君歌舞地霜  
月古前谿

同陸宗楨釋大拯石亭秋眺

行櫟循原轉樵歌進壑間漸高窺石戶稍暗截  
雲關樹亞中盤澗林懸近映山縱橫點秋色嵐  
影暮斑斑

歲暮寄懷鄒彥吉時備兵嘉湖

憶別梁谿酒松庭向月酣一身歸澤國數口共  
雲嵐已習丘中隱終懷稷下談法星看永夜只  
隔五湖南

理裝頗欲訪問路苦難登埋屐寒塘雪膠舟夜  
寥寥閣全集卷二十三 九

澤水身畱疑汨沒情竭想飛騰清切逢君夢松  
間對石鐙

時事艱虞日人傳訟牒清稍聞嚴寇盜轉自簡

逢迎小海轅門唱前谿樂部敲自公操筆札越

絕著新成

凍壓窮年候煙沉午爨時寧甘同室笑難遣故

人知藥餌餐松慣饗飧辟穀宜尋君向滄海還

赴列僊期

還家

從歸自得寧待故山招新水鷗鳬喜窮林鹿  
豕驕居仍依白板隱亦藉清朝莫謂貧無事臨  
河日緯蕭

嚴五道行過訪石墅草堂適之海上不值

賦此酬之

聞道竿舟客深移石墅來晚江高忽動秋雨颯  
將迴我出緣浮海君過敢鑿坏歸時多惋惜不  
獨損蒼苔

陸元德陳長倩過集濠上水亭分得花字

寥寥閣全集卷二十三 辛

濠上觀漁客墻東習隱家厨煙報炊黍籬菊引  
餐花山黑經秋燒林緋挂夕霞鷗鳬浮近席新  
水漲蒹葭

吳惟用惟中兄弟邀遊石亭山同沈君典

陸元德吳叔行分韻得山字

路經蒼峽口亭隱翠微間苔磴高相拾松門曲  
自關水喧盤澗石雲抱隔林山列坐清人骨涼  
陰滿白綸

潘子敬伯誠叔姪招飲同陸元德王

分得交字

列席依蘭祀開厨出蕙肴飲偏宜濁世醉復藉  
貧交山近雲偷暝林喧木漸苞盤餐期後會麤  
糲任人朝厨餽稍豐故未及之

大中丞陸公輓詞二首

內史雲間族中丞殿右班霜曾飛魯甸風特表  
齊關鴻駕乘煙早熊車挂壁閑遊覓歸岱嶽元  
是部中山公開府山東

節鉞空秋府旒車忽夜臺遙牽白馬去似擁絳  
寥寥閣全集卷二十三 三

騶來潮亦西流咽雲疑北嚮哀墓門仍樹栢烏  
鳥數啼廻

哭張玄超先生

竊慕官翻棄詞場業遂司分評添注史比類繼  
編詩不朽名空著長生術未窺身前閉關事應  
只盡魚知

不分貪名者懸書每竊君老成翻鬼籍魑魅尚  
人羣哀壑悲徂日荒原哭斷雲縱能齊物理終  
自痛斯文

哭張士正

讀騷兼痛飲汝獨任清真鄉論終名士僊遊亦  
酒人乳烏哀永夜衰木領蕭辰憶奉當年醉醒  
時淚掩巾

哭莫方伯子良先生四首

四岳平頽日三江盡涸時關心災青事何意老  
成悲門士存經術僊班有帝師無依吾獨恨澁  
盡對芳籬

自若詞賦出新體忽驚非製語懸秋實含毫吐  
寥寥閣全集卷二十三 三

夜輝殺青歸石室垂白守泉扉精爽松楸上文  
禽五色飛

濯研池猶墨邀賓徑欲荒草青仍倒薤樹白已  
垂楊夕鳥行書几寒雲發影堂修文之帝所扶  
侍有僊郎時雲卿先已長逝

弟子爲玄冢黃壚隱絳庭沈輪休夜日隕石瘞  
春星闕帳參山鬼空衣護地靈何年重化鶴清  
夜語華亭

寥寥集卷二十三

麥麥集卷二十四

東吳俞安期羨長著

荆谿周世臣頴侯校

五言律詩二

訪沈純父于綠蘿莊二首

長薄隱孤蘆茅堂水外孤  
閉關宜病客排闥偶  
狂夫身且文章寄憂難  
藥餌扶只令魚共鳥得  
伴在江湖

朝廷誰可仗澤國遽先歸  
世已金人口君胡海

麥麥閣全集卷二十四 一

客機官眉非舊畫絃曲漸  
新徽草莽無能事長  
歌望蕨薇

寄王大古於海虞

避人一閉戶望汝數登臺  
耿耿少微見蒼蒼海  
色開多憂關歲事獨立  
抱秋哀誰念蕭蕭影孤  
鴻夕下來

曾閣逢虞質夫

重繭吾遊足新絲汝鬢毛  
別離何日月涉歷久  
風濤駿馬真空老魴魚  
亦太勞相逢終夕語商

畧隱蓬蒿

驄馬祠爲王彥貽尊人賦

抗疏存遺草開祠卽故林  
音容歸莽蕩神理寄  
幽深霜日寒原澹靈風  
斷壑陰還占鬱葱氣玉  
樹護森森

送安小范行人使楚云訪吳明卿先生於  
下雉因寄之

太牢將祀典四牡急征途  
融雪江沱滿明星夢  
澤孤再歌哀帝子屢舞  
識靈巫但覓論文地詞  
麥麥閣全集卷二十四 二

人在郢都

吳公我前輩同調乃逢迎  
問訊登龍處遲迴下  
雉城孤高窺嶽色空濶  
坐江聲爲報相思眼藤  
蘿日夜生

安茂卿簡暢齋坐雨有懷西林

得林字

長謠清漏夕短褐故交心  
花屋雲留氣松厨雨  
積陰人情愁黯澹吾意  
托高深隱几青山夢蒼  
茫自一林

吳閶逢顏範卿參軍舟中夜坐作

側弁醉今日方舟語夜分榜歌工少婦詩品任  
參軍水挂初榮樹城懸欲曙雲因隨野人宿鷗  
鷺稍同羣

送顏範卿還永春

長往君未得有時鄉夢飛都緣向子累猶作故  
園歸驅豕桃林牧鳴雞竹堰扉到來呼小婦還  
緝遠遊衣

虎丘對雨同沈君典莊靜父程子虛限韻

空山平易陟雙屐雨還登片石寒猶卧游雲醉

寥寥閣全集

卷二十四

三

可乘聲繁林壑樹冷積澗陰藤今古多遷變君  
看谷與陵

過平望訪王良父別駕追會殊勝寺照公

房同王承父飲牡丹花下

紫舟臨野市問客過精廬酒恰逃禪處花疑獻  
佛餘卧茵陳綠草齋供壁青蔬影落澄湖水疎  
燈照夜漁

過虞信夫質夫兄弟藕蕩田居

經過坐茅宇兄弟各情親祖德知虞仲儒冠見

魯人春旗楊柳市夜漿藕花津酒罷看星斗相  
將語及晨

陸汝階移居東郭余過訪之讀其所著北

窗雜編因畱小飲汝階久不舉子落句

惱之

徙宅依東郭編書向北窗商歌聊自隱客難豈  
能降羹菜傳鄰圃盤鮮射遠江簷禽窺食慣引  
子故雙雙

同虞質夫過真如寺謚公新菴

寥寥閣全集

卷二十四

四

隨客餐香飯尋僧譯梵書桑留三宿死草緝再  
成廬寶水秦開後寺傍長水乃秦皇所鑿金神漢夢餘月  
中高禮塔燈影出林疎

過李伯遠夜譚

黃金散不復俠骨尚依然語到仍孤憤貧來或  
衆憐月沈吹火候寒急雨霜天何處傳哀響離  
鴻起夜田

期陸仲行同過其姪汝階墓

已罷竹林飲翻期蒿里行通家雖異姓哀曲冀



擬窺松栢谿先采杜蘅不禁兒女態忍  
淚向君傾

春分後三日社集范元微白雪山堂同朱

朗初濮抱真嚴時父范元楚謚公舷公

探得風字

詞客無方外山堂似郢中社隨玄鳥至羣與白

鷗同挂幘翻松露開林散竹風采詩須里巷誰

謂薄雕蟲

春夜再集范元微竹所同朱朗初濮抱真

麥麥閣全集卷二十四

五

舷公各賦時字

佞佛仍耽飲齋盤坐不辭炊菰無菜甲看竹是

花時月出聞鐘早煙深散展遲酣餘頻隱几短

夢亦譚詩

朱朗初招集玉樹堂同張慎伯姚伯達范

元微元楚項民逸濮抱真沈恒甫舷公

探得堂字

沈沈琥珀光仙酒醉茅堂游客向詞人引

雁行金波垂千月玉樹結春霜歌入林亭去松

望夕莽蒼

濮抱真邀汎淝湖同范元微朱朗初分得

湖字時邀美人不至

春煙淨綠蕪春水坐平湖風弱扶雲嬾天長抱

日孤捲簾呼獨鶴迴艇入羣鳬何處邀神女波

間戲采珠

塘栖訪丁元敬

形骸今始合夢寐嘗過航髒予空大淸癯爾

較多霞飛青欲下水至綠仍波喜劇翻無語情

麥麥閣全集卷二十四

六

勞發短歌

集李舍之宅同章太僕陳永昌俞慎二茂

才各賦先字因談金陵舊遊

論交總方外入坐竟忘年名借羣公後杯行野

客先春衣承竹露夜炬引蘿煙迴憶新亭酒舍

悽望遠天

俞叔懋招飲孤山山莊因憶孟武在燕中

山居起孤嶼宛若捧蓮花迴照重湖水分樓隔

嶺霞座侵啼鳥樹澗釣魚槎醉騎燕南望蒼

立晚沙

瑞石山觀奇石

矜奇看瑞石森削想神斤拔地穿如闥垂天巧  
類雲風還恒欲起徑隱忽難分獨慮秦鞭至齊  
驅下海濱

石屋

高洞開如屋飛崖隆作屏雕垣成佛座石扇閉  
仙庭霞氣懸厨赤藤陰抱榻青幸開深谷裏長  
得玉山靈

麥麥閣全集

卷二十四

七

高麗寺

寺爲高麗王  
子所造故名

人來句麗國林起給孤園想見夷風變能令佛  
日尊影堂圖海氣經藏帶潮痕雷罷疑龍出湖  
雲繞殿門

美人病起

洛神縱體日越女捧心餘重出青槐陌依然油  
壁車應呼猶懶怯理曲半生疎遊罷歸何事花  
間校藥書

美人新粧

妖姬曉出帷縱髮試妝時屈髻初矜巧爲鬟尚  
怯遲誤來釵更著憐處鏡頻窺事事誇能慣須  
人止畫眉

美人彈琴

綠黛妝纖柳朱絲理爨桐曲成數指下音賞衆  
心同花裏候弦月松間迴緒風游魚誰出聽深  
入爲嫵容

過飲潘孟言

市喧雖不遠入戶隔塵凡徑蘚厚堪履庭葵冗  
麥麥閣全集

卷二十四

八

不芟殘燈映短劍餘瀝汗輕衫美味無停飭甘  
鮮任老饒

人日同袁孟逸錢象先黃伯傳劉元聲元

博集范東生湛園梅花下分得天字

人事方占日春陰忽霽天探梅開有爛期客到  
無愆城遠通湖氣林空積市烟天文爭麗藻故  
發綺霞鮮

重過謚公樓居

不改樓居榻依然林壑情幻重窺塔影齋已過

鐘聲厨宿經春火窗橫隔水城因懷別時語回首似前生

舷公禪房分得鉢

幾祖傳應久千門乞可隨終同雲挂塔洗共月臨池菰米炊分後蓮花呪出時月支曾見取八家詎能移

同謚公過訪姚叔信因畱小坐

分得招字

水市聲垂斷荆扉隱自招地深畱雨屐林靜棄風瓢厨酒吹松火羹蔬帶藥苗清言支共許名

寥寥閣全集

卷二十四

九

理托逍遙

四月一日集朱朗初林阜亭

分得書字

未至余傾坐西偏爾卜居林亭卜夜處花事送春餘僧飯炊菰供詩題上竹書新交名下士大半得樵漁

四月三日集姚叔信

分得花字

日紀冀三莢春畱樹幾花越衫初換葛吳酒細流霞海嶽遊仙客圖經外史家各言寥廓志遺賞待雲車

四月八日范憲長招集湖山園

分得陽字

湖同范相宅山異陸渾莊鶴逕迴池曲魚防截水長佛生元此日客醉已殘陽歸棹凌前浦漁歌入渺茫

早秋湖陰旅泊

人煙初異國舟楫自江村旅食先秋鴈悲吟與夜懷山鬱全赤土禾黍半青原信美淹留地風波重可論

望蟪磯憶往年與張羽王同登悵然有懷

寥寥閣全集

卷二十四

十

往時張別駕執手望蟪磯湍水無風急驚雷不雨飛畏寒頻藉酒當暑欲添衣今日遙相望秋風自歸

黃州初過王行父余曾與行父同遊金陵

迴車經柳市蕭寂草堂開畏影今能息逢人乍免猜竹分新卧几花憶舊銜杯桃葉君家楫曾同問渡來

飲鄒彥吉黃州

蕭然耽卧理一日布衣交避客多違俗因子或

解嘲頌偏稱橘柚酒似出菁茅不信譚天事翻  
緣案牘拋

王行父柯山園四首

王伯固云此自足  
令人齒舌自殺

疎豁城東墅蒙籠野外山花津過竹嶼松逕赴  
桐關遠涉千盤去纔穿一壑還壺觴隨地好累  
日引躋攀

林亭紛小結幾處學山村剖竹聊爲瓦編花亦  
代垣得羣麋子戲候食鳥雛喧漸入幽深地居  
然在鹿門

麥麥閣全集

卷二十四

七

深鑿空山曲寬容遠澗流獼猴分翠壑鳬鴈得  
滄洲衾枕凌波閣尊罍汎月舟定知東海上早  
脫失壺丘

草堂思傷汝崖谷似東柯窄戶斜穿竹高林密  
更羅幽蹊通日少亂石墮星多老作移家計扁  
舟奈遠何

王伯固云樂天有不復措辭  
之歎讀此乃知何代無賢

王春草携詩過訪柯山園沽酒不得炊黍

餉之

偶來章甫客曾變越中名詩法兼鍾品方言近

楚聲留君坐黃葉呼僕具青精恨殺隣家甕翻  
思乞步兵

龍蟠磯同行父伯固賦

磯在江中  
上有禪居

一片青蓮萼橫江宛自浮僧居憑亂石龍卧挾  
驚流地豈禹功斷名從庾賦畱津梁猶可渡早  
晚信孤舟

贈金華郭山人

杖底江山盡游仙萬里餘數窺三氏易枕秘八  
公書遇醉癡能絕謀生老易疎羣羊歸可叱亂

麥麥閣全集

卷二十四

七

石故園居

同劉元成王行父陳公庸瞿無長集龍君  
揚衙齋限韻

離居纔隔日便欲折疏麻遣騎時邀客啼鳥晚  
罷衙松煙炊紫蕨蘭氣發朱華起向青天語孤  
城北斗斜

與丁元父羅敬叔有兄弟盟余忝居仲賦

此

少長名初定成言敢自渝叔今期上駟伯也奉

前驅犬馬非同齒龍蛇或異途  
所求齊令魯後死憶吾徒

湘妃祠

帝女沈湘久遊竟定有無儻歸虞  
寢廟空祀楚靈巫庭實中洲草門  
溪北渚蒲夜猿班竹下猶似哭蒼梧

酒香山

何處長生藥空山化美漿曾聞求  
武帝竊自飲東方林葉經秋醉湘雲  
抱石香因親乞升斗歸

黎黎閣全集卷二十四

十三

憶薦蘭堂

初發洞庭湖舟中命酒寄馬明叔

浩斷巴陵酒揚帆醉洞庭所愁非浩蕩  
一往是沈冥濯渚晴沙赤舉舟宿莽青  
獨餘傷別意淒淒瑟中聽

青草湖

水落湖出青草生焉故得是名

秋霜枯洞庭秋草入湖青漁屋遷卑壤  
風帆就遠汀鴈鳬沙不整魚鼈塹多腥  
回想波濤日陰沈托水靈

王伯固云與湖爭長

過洞庭湖

南北占星日相隨任遠飄興圖淪浩蕩  
舟楫變昏朝鴈力翻風盡蛟宮隱浪遙  
最憐無定處雷雨失青霄

武陵

雲荒非故俗風壤亦堪畱赤石清陵館  
青泥紫芝洲種花秦叟洞剝木古人  
才避世今何敢爲漁信可求

朗江至日

黎黎閣全集卷二十四

十四

汨汨窮陰變悽悽朗水行歲時仍異俗  
語笑豈人情子月周年正辰雲楚望平  
此時懷土意弧矢悔吾生

沅江雜述十四首

并序

龍君揚分守辰沅往平五開之亂將余  
西征會戎事孔亟君揚先取陸道抵沅  
余護其行篋從武陵進于時冬盡水落  
舟行石間備歷諸阻紀里僅七百餘而  
舟行幾浹月矣獨處岑寂乃執所舊聞  
實以近事山川風土之故

峰巒巖石之奇與夫灘瀧谿峒之險諮詢畧  
備經見亦繁援賦短篇總十四首非敢好異

聊以述征

王伯固云國朝五言  
近體必以此為壓卷

孤舟經歲客更欲犯千山窮竿猶三戶荒雲漸  
百蠻天疑虧浩蕩地轉入潺湲更道前谿惡何  
當命解顏

忽報桃源近寒花亦自穠山川歸楚甸桑竹想  
秦農杖履將孤往幽深儻異逢長風難旅泊雞  
犬望前峯

寥寥閣全集

卷二十四

五

山過白馬渡千里斷平原水出雲根上帆行石  
硤門未寒厓已凍不雨晝多昏何自聞人語荒  
荒虎豹村

懸渡高都隘飛流益自危乘風移咫尺避磧引  
參差警夜隣舟少崩崖戍屋卑不眠矜敏捷呼  
酒慰篙師

聞有田強壘蠻酋仗節難却投新室印自服漢  
臣冠諸子欣相拒三城險自安西京叨祿者多  
少媿心看

呼人荒驛下轉柁竭灘邊灘驛名鱗次盤江石蛇  
行入峽船頽沙連雨動高壁引風旋賈力朝還  
暮瀧濤猛自懸

後嶺看長合前津望層巒峰延千折去峽圻一  
江通寓目思皋壤關心驗土風飄飄舟楫與日  
夕萬山中

甕子空舫入舟師徙岸過牽江人力盡栽石鬼  
工多風氣非全古華音已半訛向西聞小梗羣  
盜喜橫戈

寥寥閣全集

卷二十四

六

平明逢絕浦幽晦氣蕭蕭青浪吹花湧玄雲作  
葉飄傍林愁嘯鬼刺水懼潛妖近午欣看日羈  
始自招

村懸木末叢篠間林皋土室峰陰立炊煙石  
壁高夜闌輕虎豹日給近猿狖行汲看谿女攀  
援也不勞

入谷少青泥綠流盡石畦開田翻截嶺分畛若  
懸枌黍林收長早陰陽氣不齊灌叢延晚燒異  
獸遠驚啼

水曲壺頭下移營憶漢師避炎穿石苦轉鬪落  
星悲沙土猶殘甲靈風自夜旗榜人爭拜舞前  
過伏波祠

冬來無定候春至有炎暉遠近分蠻樹朝昏變  
旅衣窮陰雷不斷季月雪仍稀畏是黃茅瘴先  
時已念歸

淫毒武谿水腥風吹黑波龍蛇驕自宅猿鳥怯  
相過把奏書生笛行隨漢將歌欵茵毋久亂士

馬過黔多

汪伯玉云可與少陵秦州雜詩並  
觀王伯固云三復諸詩直是第一

黎黎閣全集卷二十四

七

辰谿道中寄王行父

石齒千盤峽瀧濤八百灘愁予非畏險憶汝不  
同看谿峒行無梗煙霞隱獨寬五開憐薄伐一

戰罷材官

初夏同馬明叔集胡用豫孝廉北郭山園

得高字

山行穿澗壑過嶺進平皋短堞藏厓近荒雲挾  
石高擊鮮傳水族酌醴佐谿毛傍峽牽歸艇前  
灘落夜濤

計辰州光父同登郡齋後山卽事爲贈

吾愛辰陽守看雲獨遠心人長放衙去山與閉  
門尋磧石空堦伏厨煙一壑深誰能郡齋裏日  
夕卧青林

計使君隱兼樓雨集同馬明叔分得畱字

官厨步兵酒山郡謝公樓簿牒人初散胡牀客  
共留城昏千嶂雨峽斷五谿流總謂銷憂日關  
心獨故丘

出小酉李茂才招試釣藤酒

黎黎閣全集卷二十四 大

山中少秫米歲釀採雕胡測甕須臾熟垂藤次  
第呼松餐石平几芝火竹深厨莫是逢煙客雲  
漿薦玉壺

飲戴司理北郭山園是日以鳥聲爲觴政

計徑仍千折煙霞自一畦高低山到郭隱見竹  
虛谿曲罷看雲在杯行按鳥啼澗芹香可飯采  
不向青泥

抵興國謙之先歸麻城賦此爲別兼簡

元和

不從豫章郭到及楚江湄川陸同千里壹夢只  
此時但能存不朽誰復免相離別有依劉念求  
君轉未遲

雨後青桂亭小集同徐幼魚吳倬倩皋倩

分韻得生字

亭榭風微引池臺雨漸清炎衝林氣薄涼藉水  
陰生坐稍花傾飭狂偏鳥數驚試看今日醉河  
朔損前名

吳茂文携酒載集青桂亭臨池汎舟分得

寥寥閣全集卷二十四 九

江字

好事能携酒池清曲汎雙盤山深坼地引水汎  
通江卽有新知樂難將故態降參差歸任客吾  
且卧南窗

北園答吳明卿先生戲簡之作

小苑居真穩深林逕嬾開就陰頻改坐候晚或  
臨臺爭果猿相習攀花鶴不猜自今籬下犬翻  
欲吠君來

奉和明卿先生喜斗孫病愈之作

病劇孫初起詩來氣已蘇喜占僮僕通愁遣故  
人無述德期揚祖傳經定學儒百年君漸老能  
不藉相扶

吳明卿先生北園雜題四首

海上失壺嶺天中涸絳流移山便鹿豕積水受  
鳬鷗陰洞雲根老高崖月樹稠客來長命酒多  
在水齋舟

鄰翁青桂社仙侶赤松居軒飼長乘鶴池添不  
射魚剪樗憑給麤選竹藉編書可是庚桑宅依

寥寥閣全集卷二十四 二十

然畏壘餘

隔水東西塢梅林更竹林經春分采實避暑並  
垂陰白雪香臺澗蒼雲石几深清宵堪候月隨  
地一鳴琴

斗大湖南郭林扉見女牆霞含深樹紫天抱積  
流蒼菱芡波臣業煙雲野客裝濯纓歸遠棹猶  
繫小滄浪

同熊惟遠吳皋倩小飲田間

看雲墟里曲草屨出林逕酒脯疑秋社葵梨佐



晚炊聞雞坐深樹隨犢飲清陂酣論農事歡  
歌七月詩

同吳明卿先生汎門坊湖舟宿山下

雙石門微坼重湖水獨寬入山開浩蕩逼嶼犯  
清寒沙草時依槩秋花晚落盤傍磯高枕處別  
是客星灘

拜吳中憲公墓

是爲明卿先生尊人也

通家殊忝竊瞻拜慰心私地合搜山記情懸酌  
水辭峰蓮開宛轉隴樹護參差只有中郎筆無  
寥寥閣全集卷二十四

註

慙有道碑

富口訪瞿伯明熊惟遠雨集得供字

繫舟期夙昔對酒坐從容秫米高畬入魚鰕近  
中供晚江吹濁浪夜電坼遙峰聽盡西堂雨論  
詩轉未慵

題金山寺聽潮軒

松寮山際出蓮石浪中扶雲影看生滅潮音聽  
有無燃燈窺水怪分飲習沙鳬隔岸逢僧至風  
江穩渡蘆

冒伯麟潛歸雉皋歌以變徵之調送之

懷璧身堪罪償金跡未明龍蛇一失路虎豹屢  
相驚蹇遺虞羅急終知漢法平須憑魯連箭爲  
汝射聊城

時吳明卿先生爲白當路未及之

跡類飄蓬逝身憑廣柳歸善刀藏似得神劒嘯  
應非皋雉防施翳沙鷗待息機蒼茫憂汝淚長  
送海雲飛

陸無從夏玄成邀汎邗江奉同吳明卿先

生及諸詞客賦

寥寥閣全集卷二十四

三

夾岸垂垂柳通川湛湛流天長高捲幔波蕩穩  
方舟夜火多漁市人煙半酒樓榜歌猶艷曲花  
月古邗溝

讀吳明卿先生寄張開府詩偶作

誰解尋常字裁成老健辭看君寄開府真自得  
吾師蟠曲松根古青蒼石骨奇少陵夔府後心  
法似同時

王伯固云讀十字轉自見少陵耳

初抵興國同徐幼魚飲吳倬倩書齋

遊展從而父初筵卽汝齋亦非耽劇飲稍欲慰

離懷墮入雲浮郭涼歸露滿堦歎然弟兄會忘却  
却是天涯

再寓北園答吳明卿先生病中戲簡之作  
園扉行頗熟隣火乞仍分徑木添新果山禽領  
故羣飲求水洞乳眠抱石臺雲宛爾吾廬在翻  
疑欠借君

王伯固云以下六首  
字字何將軍園詩

君偏稱善病誰復和高歌菰黍隨僧飯衣裳畏  
客過浴侵魚穴淺居並鳥巢多縱遣山靈妒終  
期卜葺蘿

麥麥閣全集卷二十四 三

再題北園四首

穿畦容進履遵堰阻扶藜槎老沈新漲花繁掩  
故蹊澗毛魚競采峰背鶴分棲頗怪盤空色林  
端吐白霓

雙沼深通澗千峯巧作林石苔山漸古沙竹水  
長陰午日容睇髮涼雲待擁衾獨行歌詠慣禽  
鳥亦知音

小簪甌甌洞深藏委宛編流槩堅化石陰磴側  
通泉飛鼠翻雲過潛虬出樹懸中林警幽黑山

見住荒煙

珠宮依嶺背香刹隱巖阿林外馱經馬池中換  
字鶯樹扶前代古花乞異方多畏說歸吳計烟  
霞奈汝何

與王行父夜談因憶龍君揚感賦

盡吐十年意都拚五夜醒孤心日曠曠細語風  
泠泠聯卧暫依榻起行還繞庭啼鳥亦愁思不  
住向晨星

昔者初過汝華軒接故人是時重作客瘴海憶

麥麥閣全集卷二十四 三

孤臣遠戍傳書絕高天雨泣頻忍冤東海婦苦  
早久酸辛

輓姚叔信

貧居寄深柳方藥施長桑展季堪呼惠黔婁令  
諡康漁歌沈別浦靈旒掩空堂獨有南塘路終  
名隱士鄉

麥麥集卷二十四

麥寥集卷二十五

東吳俞安期羨長著

吳郡周茂蘭子佩授

五言律詩三

九峯寺

九峯擁一壑高吐九蓮花曲引樵蘇逕寬藏帝  
釋家蛟泉移聖水虎澗積恒沙賜鉢傳看罷分  
齋坐石霞

洪山寺

麥寥閣全集卷二十五

一

道樹開疑網禪枝乞化城經諳探海出塔想聚  
沙成佛日珠林古曇雲寶地平坐看山帶起高  
掩暮鐘聲

訪丁元父盟兄于廬居

遠道驅行騎孤城問倚廬官貧猶借宅客至亦  
安居語出酸辛際生看涕淚餘縱遊方以外吾  
敢忘盟書

君先悼慈母子亦背嚴君所恨書郵誤難將痛  
哭聞生芻行隔歲旅食犯災雲羞薦通家禮衰

已滿墳

寄汪仲淹

少別五年往孤懷百慮兼交情貧漸損嬾骨病  
尤添夕露警長薄秋星立步欄試看襟與袖念  
汝淚頻霑

時時聞汝病汨汨卧山村縱苦身爲累須令足  
自尊賣書充藥裹削跡老衡門羽翼誰相假離  
哉復遠翻

寄汪六士能時士能尚未舉子

麥寥閣全集卷二十五

二

聞汝豐干宅青山長薜蘿醉耽清聖少業領素  
封多閨夢蘭須入林遊竹可過誰憐飄泊羽孤  
汎洞庭波

飲開美王孫玄覽齋分韻得八齊

小齋通仄徑客至稱幽棲綠酒茅茨底澄湖竹  
樹西簷喧窺食烏庭祝試丹雞醉藉王孫草歸  
途較恐迷

訪任白甫于山莊同丁元甫分韻得甘字  
漁樵問水北猿鳥共山南竹逕投陽崦松扉款

久嵐文章名漸老農圃語仍諳酣罷臨前澗寒  
流漱復甘

過靳春尋王無寄不見云是山中人邀去  
遙聞酒壚畔滌器有詞人繫纜城陰晚流涎聾  
裏春炊煙虛起望徂日更逡巡恨是青山侶長  
邀徃負薪

飲郝震卿書齋次吳明卿先生韻

小齋容步屨把酒坐苔間殘雪比隣樹叢雲入  
市山膾看魚供出石想燕飛還

往庭下有嘉石明卿先生詩中

麥麥閣全集

卷二十五

三

有疊石擬名山句竟爲人移去晚坐清冰裏高城月色閒

飲王伯固同王元執分得宗字

吾友齊安酒窮途慰嗣宗杯盤傳造次裘褐坐  
從容晚堞雲高幕晴簷日下春篇詩關氣色寧  
作漫相逢

立春前一日王元執邀飲東郊同朱仲良

王伯固用春字

時序關心客江山載酒入村春炊黍急野酌放  
歌頻花信移殘凍禽言候上春行厨喧斫膾澄

溪山池鱗

題王無見居士如菴

曲轉幽林逕禪關隱石蘿涼依嘉樹古香雨異  
花多律社邀僧住齋錢待客過誰知火宅裏重  
見病維摩

登之王孫春草館

築館供操翰依人春草生騷曾憂後著詩或夢  
時成碧浪窺池小蒼煙隱几清萋萋天畔色無  
復遠遊情

麥麥閣全集

卷二十五

四

分賦燕山送袁子理之京

百里隣王甸千秋憶寶家盤天壓虜道特地  
衛京翠雲氣諸陵樹秋叢五桂花汝行題有賦  
高遣勒青霞

王伯固席上送春

各用四支韻

楚客尊初滌青神旆遽移物華臨欲變天地爾  
安之有女懷仍劇羈人怨獨知西南遊倦者不  
分後歸期

放舟

放舟江最穩細細日華浮宿莽緣沙沒壘觸  
槳流偶然看去鳥率爾下前洲叩榜相酬答漁  
歌滿渡頭

題熊汝瑞象賢館汝瑞爲元乘中丞孫

竹宇顏仍構松扉靜不扃詩成述祖德道在薄  
玄經嵐氣懸城紫江湍抱石青端居修世業非  
是托沈冥

同郝仲隆飲吳待之進士宅因談龍君揚  
事觀鄒孚如詩

麥麥閣全集

卷二十五

五

賓從隨登座江山與定交桂芬添酒杓蘭藉出  
山肴楚語哀微吐齊諧醉自嘲起吹鄒衍律春  
色滿寒郊

下雉贈寇巨源

如戟髯何美猶龍性豈馴乍逢驚俠士片語識  
詞人邊微籌堪借山林氣儻伸誰知徐孺子高  
卧負經綸

送蕭舍譽孝廉二首舍譽自言道豫章遊  
羅浮謁武夷經越入吳渡江淮買姬廣

陵而返

夢落朱方遠行占紫氣分息徒庚嶺樹侍宴幔  
亭雲涉歷春無恙幽奇日有聞石間蟲鳥篆徧  
勒五遊文

吳越應遙集江淮亦遠浮周遭太史轍淹泊孝  
廉舟古驛千厓道通川萬國流瓊華如買得移  
種下邗溝

寄張羽王

聞道湘源水穿君屋下流盤雲桂嶺展銷暑洞  
麥麥閣全集

卷二十五

六

門舟諸子邀過食羣姬昇出遊長囊百金劍歲  
晚爲誰畱

索居應閉閣柔翰想興文豔曲誇三婦新辭詠  
五君秋林花變雨暖水氣蒸雲日夕浮湘意禽  
魚亦稍聞

樊山王邸宴集同伯凝仲良叔衛兄弟余

孔治郭順甫郝震卿茂才分得唐字効

唐初體

內苑櫻堪薦西園宴乍張圭形桐接葉玉髓蔗

流漿含醴思中聖稱詩懼太康競疑吳季子聘  
魯爲歌唐

端陽後一日同程時卿魏正甫朱子魚王

幼度李本石黃伯武飲李本建宅兼簡  
本寧

醒時狂不減既醉復何如荷鍾埋身日繩絲續  
命餘人羣諧鹿豕客座間樵漁笑殺離塵子寥  
寥抱影居

題魏穎超屋亭

寥寥閣全集

卷二十五

七

孤懸亭似蓋曲抱水如汾涼幔他山瀑晴簷短  
堞雲花深入漁艇林黑響樵斤時見波紋亂前  
灘過鹿羣

同諸子飲王幼度宅

世家王衍族鄰舍李膺門來往登龍客招要汎  
蟻尊遙峰移戴郭嘉木繞成村四坐爭詠語紛  
如炙數髯

飲魏穎超竹素堂

背郭堂新築親人物最饒內庖移饌近中坐引

山遙頌酒文誰稱傾壺典獨驕清音諧水木絲  
竹晚飄飄時坐中諸君子多  
不善飲中遂及之

題李本石亭亭

離立琅玕色軒軒擁座青林深晴宿雨逕黑晝  
窺星籬籬堪常貢官商有異聽美材俱可截何  
必羨柯亭

竹醉日同諸子再飲李本建

山市經過熟君家索飲便綠拳羹野蔌賴尾饌  
谿鮮雨竹移乘醉風花舞入顛驟然看物態遽  
寥寥閣全集

卷二十五

八

可獨醒眠

贈朱子魚

偶將遊戲事里巷且浮沉畫手通玄理文心入  
苦吟飯牛哀白石射雉入青林夜夜聞君夢腰  
弓出塞深

魏穉恭招飲萬始堂同李本建本石本立

魏正甫玄平穎超朱質甫金昭甫

河曲開涼讌山堂盛晚供庭昏橫雉堞池綠影  
鳬峰強酒從人意酣眠定客蹤况恐厨饌美妄

擬數過從

李本建本石餽問相望走筆志謝

旅人時息影使者日盈門  
函物封題密呼童應  
接煩半生懷感意三嘆  
詎能言別後迴看處君  
家亦故園

別魏正甫

旅居寧渡落汝在最殷勤  
濁酒墻西過清言石  
上聞貪風眠竹露看水  
立松雲迴憶從遊地秋  
江苦夢君

寥寥閣全集卷二十五 九

遊何仁仲詹簿三洲園六首

司寇明從地宮僚子墨林  
灌叢存舊本寧翼乳  
新禽蘭逕元湘畹疏畦  
卽漢陰逶迤行屢誤華  
薄紫煙深

曼倩十洲記郊驛得三稍  
容鷗鷺宅直與鳳  
麟參積水浮葱蒨分林  
捧蔚藍只疑遊海外不  
信客荆南

蒨谷三堤外平橋二水間  
綠陂浣花去涉澗采  
芳還積氣吹涼榭重陰  
冷石閣儼然銷夏處歸

卧具區山

白板開茅屋青帘挂杏花  
村酤薦園叟野興當  
漿家布席厨頻改催籌  
鼓亂撾晚臨谿曲飲重  
命網魚鰕

衾枕松梢閣饗飧竹裏庖  
儻非畱賦客定是引  
窮交古樹龍蛇窟荒蒲  
翡翠巢若過綸紱士塵  
鞅遽思拋

遶堤牽畫舸隔水入青林  
種秫燒畬近飛花出  
峽深江湖藏樹裏島嶼  
負城陰試使秦當避窮  
寥寥閣全集卷二十五 十

雲不易尋

遊何仁仲甘露園六首

瑞露園三畝流雲徑百尋  
陂塘穿市澗丘壑閉  
門深汨汨藏龜兔欣欣  
托翥禽物情看若此吾  
轉愛長林

植檜紛紜薄編花屈曲屏  
蒼林巢鶴樹綠沼飼  
魚萍行逐階高下眠分  
石醉醒城烏啼子夜清  
切夢中聽

銀杏參霄幹金莖濯露盤  
天漿供夜渴霜實飽

晨餐色借千窗徧陰垂衆屋寬曾聞稱瑞日珠綴挂雲端

分區頻轉折結屋任西東芝厦深疑盡筠房曲互通或遵滌水上半隱石林中穿竇仍遙入莊嚴禮佛宮

處處蕭疎色全于物外同乳縣陰洞雨泉歎石池風雞犬茅茨下麝麝竹柏叢坐來長僭擬宰相住山中

海嶽懷鉛客搜奇屢叩門興來稱酒頌事往記

麥麥閣全集卷二十五 十一

卮言林挂鴟夷大沙畱鳥篆繁著書兼痛飲高卧亦文園

何將軍允祖載酒過集采芳洲允祖爲仁仲從子

尊疊携小阮宛是竹林期以汝人能達兼之叔不凝晴波照散髮凉石引評詩大樹陰垂處偏宜晚酌時

贈鄒孚如文選

鳳池簪筆罷進典冢司來周道行邦政商衡準吏才委蛇三殿入詠蕩四門開曾有山公啓時

帝臺

屢讀爭鈔賦前賢若可追舊臣歸汰盡新器出型多有滄徐興雨無風或捲波縱看陵谷變那得廢江河

王元執宅逢李文甫自燕中歸

古巷問烏衣秋星對少微羈人懷故處旅雁送將歸賦後貧難逐癡來畫可飛儻安垂老骨贈汝北山薇

集梅伯陽赤文館分得初字

麥麥閣全集卷二十五 十一

星照朗陵夕霜飛夏汭初尊疊丹液酒篋箭赤文書渴病無能減狂名稍自除空庭遷坐得凉滿衣裾

再寄馮元敏于桂林

桂林何日至道遠幾增悲獨自君之出因成我所思側身湘水過望眼楚雲知無賴將愁立

天一詠詩

冬夜侍華陽王遊宴東園應教

西崦陽光歛東園夕氣澄行筵祛藻衛複徑引



新燈山擁瑤津石池含玉井水恍如經紫蓋宛  
轉叩朱陵

澧上逢林元琳止宿因托寄殷龍君超

相逢臨大道風雨暮江干止客河無渡遺君澧  
有蘭片言寒燭短聯卧夜堂寬起舞窺幽恠然

犀欲共看

是夕元琳  
爲恠所警

天地行寥廓哀歌亦自勞思投武陵住直作枉  
山逃石鼎青精餌槽牀玉乳醪誰家留醉客千  
日卧蓬蒿

麥麥閣全集卷二十五 七

訪陸季明新居季明爲吾吳人移家武陵  
少小隨名父移家過渚宮一屢新郭北四姓舊  
吳中蹤跡逃堯日衣冠入楚風桃谿問津至花  
外路微通

酬龍伯貞司農過訪玄都譚金剛心經作

仙地過龍伯人天下象王琳宮譚般若海岸示  
津梁幻相窺生滅浮空破杳茫摩尼舍五色交  
攝盡珠光

過林君舟南坪田居

玄泉分複逕白板次平郊衆木連墟里孤煙上  
竹庖水鮮供老母霜實款窮交得汝隣先買東  
坡定結茅

立春日龍伯貞司農邀同陸季明爲米汁  
會時龍君超孝廉在侍分得春字

淨居參散聖米汁對佳辰菜摘稀疎甲盤行雜  
杳辛池水輕圻日社鼓亂搗春但解逃禪意何  
妨是酒人

過林元琳下陽田居夜譚

麥麥閣全集卷二十五 十四

修吟叩田廬龍蛇滿壁書詩工秋病起黍熟晚  
春餘蒼澗魚飯市青林鹿豕居非貪山水地汝  
豈托樵漁

夜集陸季明草堂同林君宴林君舟龍君

超作

高逕來非遠茅堂坐自深騷辭歌楚頌里語出  
吳音插几寒花老臨睨夕樹陰對君醒不可懷  
土易愁心

元旦雷雨答龍伯貞司農見簡

葦索符新插椒觴俗不違陽和初月令朔日已  
天威急電盤雲坼驚雷挾雨飛司農詩思苦憂  
國語何微

人日同陸季明胡孟弢集陳天全明府宅  
時陳性父茂才在侍分韻得春字

浮生人是客此日客逢人佐酒羹絲菜行鮮膾  
彩鱗煙黃添市暝雨白妬江春短髮簪華勝形  
容忽改新

龍伯貞司農邀同陸季明胡孟弢陳天全

麥麥閣全集卷二十五 五

二爲米汁會時龍君超孝廉在侍分韻

得時字

蘇老逖禪日陶公入社時濁醪容在掌弛律爲  
攢眉庖筍香炊玉羹芹碧汎絲醉鄉生可托導  
引不煩師

龍伯貞以詩招過山莊有作

出郭晚成約題詩晨遣迎江雲同不住途雨復  
催行逕剖叢花入村依灌木成濁醪能細款久  
語悉農情

於文學爾劉邀集潮音閣鍾玉汝携酒榼  
亦至

尊開堤上閣天曠郭西臺雲弱扶欄下江清抱  
石迴故人仍送酒款我更深杯月白潮音發隣  
僧夕梵來

遊湘南寺

化城開鳥路息力山之阿樹偃蟠雲曲泉流貫  
石多衡峯真嶺湘水擬恒河就坐貪涼冷微  
風出薜蘿

麥麥閣全集卷二十五 六

經石廩峯寄調王伯固

石山不藝黍石廩豈振貧王家有廉吏怡然稱  
主人妻子屢見謫官長亦以嗔近調臨漳令寧  
復喪其真

投上封寺

寺在祝融峯旁舊爲光天  
觀隋改爲寺左有望日臺

千峯懸度盡紺宇一鐘聞樹色天中地雷殷嶺  
下雲仙移鸞鶴馭僧住鹿麋羣起望咸池日鳴  
雞過夜分

遊高臺寺

寺在碧蘿峯  
一名觀音巖

高壇青玉近幽徑碧蘿寬佛閣懸厓險禪房置  
石安籤分諸品下厨借衆香餐坐攝真空界庵  
羅掌上看

煙霞峯尋嬾棧巖

空山獨遠尋山逕盡穿林泉石幻非幻煙霞深  
復深洞寒吹雨氣巖黑冒藤陰間寂高僧住真  
諧習嬾心

遊福嚴寺寺在雲居峯下舊有唐太宗御

書梵經

麥寥閣全集卷二十五 十七

松林開寶地蓮嶠負雲居譯字看華語函經想  
御書厨翻巖瀑亂香引石霞疎乞食齋時過鐘  
聲落日餘

過南臺寺飯僧舍

乘空下天柱拾磴問南臺山霧聞鐘入厨煙乞  
食來雪流高澗發石氣亂峯開說法松間坐雙  
林鶴盡迴

將尋蓮花峰經西明寺小憩

壁立青岑道峰西息化城支松經閣小列石講

臺平截嶺山田瘠穿厨竹溜清貧僧供筍蕨不  
雨亦留行

入蓮花峰遇雷雨大作紀事

度嶺俄昏黑穿雲若夜行衣前盤電影馬首過  
雷聲盡力排諸險安歌撫衆驚懷奇成老大始  
慰向來情

遊方廣寺寺據蓮花峯峯巒周擁如在千

葉蓮中

千片青蓮萼浮天捧化宮人俱萃藏裏臺卽寶

麥寥閣全集卷二十五 十六

池中鐘磬僧寮潤雲煙石棧通旛旛標覺路搖  
曳引微風

登石鼓山合江亭

地形臨檻盡嶽色繞亭懸渡合雙江水人喧而  
岸煙朱陵穿石往白浪觸磯還獨立羈遊屐  
飛釣艇前

衡陽逢王明府聞丁元父兄補官晉中報

人言銷骨後天意賜環初仙令聞除目吾兄定  
謫居雨中汾水渡天上太行車總府應非久時

凡想諫書

遊鴈峯寺

孤峰一培塿隱起似高臺稍陟苔階入平看  
奈苑開龍參龍藏至鴈禮鴈王廻車馬城南陌誰  
因問法來

遊花藥山報恩寺尋香林上人

紫邏通丹殿蒼山入紺園藥堦花作供桑苑樹  
成門幻相窺慈相華言解梵言尋僧投別院香  
氣出松垣

麥麥閣全集卷二十五 九

將遊南山渡江墮馬還卧雙華樓作

心落蒼山日行衝碧瀨煙馬驚因突豕身墜若  
飛鳶孫壽妝羞似羊公臂幸全扶還尚餘興把  
杖遶樓前

坦之宗侯携酒雙華樓過訪同曹子韶盧

孟龍各賦孫字

淩落羈遊客殷勤接帝孫禮偏高白恰交已  
結青樽山綴煙林障江吹日浪痕停歌遙縱目  
秋色起楓門

曹子韶弟子允携酒江樓同諸子宴集

名藉曹丘譽尊勞仲氏携嬾能容傲骨醉忽忘  
羈棲風落盤空鵠雲扶飲澗霓清江廻席下歌  
舞似前谿

與曹子韶紀別二首

眷眷雙攜手臨岐未忍拋吾真憐俠骨君亦戀  
窮交雨急沈秋樹濤飛出夜蛟路難舟且繫幸  
免柁師嘲

三日綢繆宴千秋結托情朝眠中別酒夜語泣  
麥麥閣全集卷二十五 十

哀箏雲日驚微坼江濤視欲平長風催挂席暫  
立涕縱橫

輓黃宗陽

古父尊人好  
修煉服食

荷柱秋江屋脩脩市隱成兒曹如叔度仙客類  
初平藥尚函雙井名疑籍五城欲諳遺蛻去試  
舉玉棺輕

哭丘謙之太守

死友滿吳楚哭君心最悲三年歌薤久千里東  
鄉遲暮雨巫神去晨星幕客移可堪求草使遺

曾窺

自昔傳君計風流遠近傷酒姬多罷市詞客盡  
霑裳玄廢亭中草青畱陌上桑儻逢精爽至五  
馬自東方

廬阜還鄣嶺連篇倡和多別君猶旦暮邈爾隔  
山河峰坼題詩石池傾濯研波傷心舊遊地雙  
屐畏經過

載石歸東粵誰知宦橐貧閒居仍好客貸米向  
鄰人死去廉名著生平俠骨真青山誰施地痛  
寥寥閣全集卷二十五 三

切未埋身

哭吳明卿先生十首

星彩隕朱鳥雲車逝赤龍帝應收謫吏世已失  
詞宗史館哀題誄山城哭罷春蒐遊應不遠高  
古祝融峯

我昨過君宅妖聲屋底傳心驚禳禹步力盡費  
周旋只此聞梟夕真同諱鵬年皇皇三月別形  
影遽窮泉

數子詞場裏雕龍業竝專昔君超後乘爭自讓

中堅赤管驅神物玄機總化權斯人仍不起心  
絕中興年

仙舟附來楚兩送渚宮春我尚未歸客君成長  
返人江山轉空濶道路總逡巡多少生前事憑  
誰細細陳

城北名園樹參差手自移翻風俱殞葉障日已  
孫枝曲洞藏書室流波放舸池撫膺傷地主恐  
入雍門悲

凝香宵寢處幾度候晨興屢問酬無恙重經痛  
寥寥閣全集卷二十五 三

不勝山移經夏雪井坼禦炎冰惟見虛簷卜秋  
星挂玉繩

不爲愁甘旨枯楊豈憶秬物情寧見察吾臆倍  
含悽煙冷饑鳥語天長獨雁啼但遭真宰妒事  
事豈終齊

晚歲摘辭翰清真出本懷大言卑宋賦怪語薄  
齊諧平海身遙涉頽山力勇排史臣思正始續  
藁豈沈埋

夢偕松月下容色異平時不作詼諧笑多申涕

養生虛著論憂國浪題詩勸我江東隱書

成去莫遲

生平重臧否好我類君偏濫出風霜字高評月  
露篇藝林期不朽山澤謂無前此道還誰賞悲  
來筆可捐

哭顧子敬

倉皇聞汝訃痛哭盡予哀共有肝腸寄平教羽  
翼摧泉臺一以去江漢若爲開颯颯思精爽秋  
空雨下來

寥寥閣全集卷二十五 三

自昔殷勤別君懷隱不聞那知由我累竟已棄  
人羣咄咄今成古匆匆雨絕雲將誰酬地下徒  
有淚紛紜

二十五

寥寥閣全集卷二十六

東吳俞安期羨長著

松陵徐白介白校

五言律詩四

赴池陽遇龍君揚作

邂逅東來信倉皇遠道身獨行拚警夜百感犯  
蕭辰漢法驚延蔓人情苦束薪相逢吞淚語風  
雨倍酸辛

下澤車方御中山謫却來孤心懸九辯深譴答

寥寥閣全集卷二十六 一

羣猜午夜垂枯淚清朝未盡才陽迴縱有日

時命已堪哀

鄒彥吉云二首絕似少陵

玉女巖

高盤經險絕丈室寄氤氲髮髻巖日天漿結  
嶺雲荒臺傳異跡迸石見靈文遠覓增城馭青  
鸞自一羣

過龍君揚少叅于甘谿相畱累月雜題四

首

墟里木蒼蒼秋山赴草堂門羅求鳥設陂水種

魚防累日陪羣從淳風得此鄉儻然容避世吾  
欲近東墻

待食日何衆山田歲不支貧非緣罷後廉已著  
當時祖德仍如此身謀豈自私不禁愁欲絕廢  
詠北門詩

諸村無異姓累世或同家少長邀皆去盤餐喜  
不奢千林甘竹色六月孝梅花點檢先賢事題  
詩嶺日斜

絕勝諸泉石逶迤數里間仙靈還處處烟火自  
粼粼閣全集 卷二十六 二

山山壇訪羅公入巖尋玉女攀淹畱好隨地昏  
黑也忘還

飲龍望卿鴻臚

園實經霜老陂魚出水長行盤稀舊摘斫膾美  
新嘗淹汨非吾土蹉跎且醉鄉前村復催飲夜  
火過山梁

尹教父參軍來訪甘谿夜會龍少參席上  
教父舊識南都別已十年撫今追昔率  
就二章

東行誰報汝真氣儻曾占悲喜情相勞親朋會  
偶兼秋星窺露坐寒燭影風簾省識當時面參  
軍故有髯

舊遊勞問訊近事幾參差薄宦元堪棄窮交漸  
可疑艱虞曾虎口汨沒但鷗夷無恙江山色猶  
然屬爾時

飲龍觀卿

山屏帶白雲曲巷路中分陰坐空庭柏香餐遠  
澗芹長貧惟飲客未識已知君三謝慙慙意醇  
粼粼閣全集 卷二十六 三

醪獨易醺

飲龍周卿茂才

雪色新炊黍霜花乍剖柑內庖分美供中坐理  
清談分日招何數經旬飲自耽谿流甘復冷一  
軟漱餘酣

牆西

牆西吾久住薄技媿人知僮僕諳鄉語交遊誦  
客詩有言長對影此出豈緣私那得荆高輩論  
心又一時

飲龍君時茂才

鷄黍期難負，楓林往欲逃。山盤深塢曲，天曠短垣西。入坐形骸放，飛觴酒政齊。易令忘客久，一月已如泥。

飲龍志卿

醴知因我設，尊數爲君空。愛客非今日，爲儒自父風。入盤寒芋綠，銜燭夜花紅。點檢歸來轄，何能出井中。

飲龍仕卿

麥麥閣全集

卷二十六

四

苦愛山家飲，偏多地主憐。霞漿杯往急，雪片贈來鮮。倚醉詠諧出，忘形禮數捐。平生潦倒態，今

日盡有

飲龍行恭

處處邀堪醉，君家飲興寬。嬾容疎掛讓，貧不簡盤餐。陽月含春氣，陂雲變晚寒。向生今日感，哀

笛在林端

行恭乃兄與余交于沅州今已物化末有感焉

飲郭公琥西爽樓時以登山雨阻

登樓一空闊，莽莽看雲行。峯嶺遙俱合，川原曠

不平。寒多輕酒力，天遠散歌聲。閑殺雙遊屐，浮陰苦未晴。

遊梅陂四詠

梅峰巖

險絕重巖路，高雲護百盤。風銜山壁冷，雷坼石房寬。蘿石披衣卧，芝畦拾髓餐。倒懸低寶樹，五色長琅玕。

函三院

萬嶺中開院，平皋僅一區。泉分過竹道，虹飲入

麥麥閣全集

卷二十六

五

松厨曲岸清。江東欹牀錦石扶，居人怪幽劇，偏稱是潛夫。

玉漿巖

危巖接混茫，雄下帝臺漿。風急吹微斷，雲高挂復長。玉盆畱浣髮，藥杵借春糧。惆悵僊靈去，苔花繡石牀。

芙蓉城

片片芙蓉萼，羣峰列雉成。人烟非蜀郡，仙室似增城。曲抱江流轉，橫開石闕平。儻能移直北，一



爲固神京

過賀大理池園雜題四首

瞥然山郭裏何得有仙源  
截水寬爲渚因城近  
作垣松房收子細花障引枝繁  
漸覺深雲霧穿林過石門

巧置諸亭榭丘中或水中  
過橋方繫後蓮樹曲爲宮  
沙鳥同孤嶼煙林各一叢  
遐方來異卉寒月最青蔥

陂種魚千石畦叢橘萬頭  
水鱗洧水色霜實洞

寥寥閣全集

卷二十六

六

庭秋伏臘茲堪給身名亦易謀  
總令求避世猶可抵封侯

飛渡津梁外禪樓別有林  
芙蓉寒立委藤竹歲交侵  
出定逢僧語分齋識磬音  
經過聞白法證得宰官心

遊西峯寺同無學上人

鹿苑連蒼莽長林鬱自迴  
雪高松覆閣天遠日平臺  
僧行三祇積池流七寶開  
看山如有解峰勢亦西來

西峯寺除夕讀楞嚴後寄家人

歲曆將窮夜精藍再宿時  
客貧安獲落親遠念  
衰遲感事寧無恨翻經強自支  
妄心徵盡後難遣是歸思

龍君揚赴永安賦此爲別

迢遞邊夷戍悲酸絕海行  
百憂緣國事一哭豈私情  
積氣寒相結江聲夕未平  
離鴻何意識哀怨向人鳴

功罪寧論實馳驅祗自傷  
一身爾謫牘九死列

寥寥閣全集

卷二十六

七

戎行海樹交吹瘴蠻花不受霜  
長城誰可倚今日爾投荒

粵南元異俗豈意托孤臣  
語嘯多蛇鬼舟航總蠻人  
華音應不解夷習更誰親  
颯颯形將影遙天對苦辛

伏闕心仍在從君未可期  
死生謀不定悲喜見應遲  
變徵歌殘夜分途淚盡時  
誰諳兒女態寧直有情癡

慧力寺雨花菴尋月泉上人

遙臨寺尋僧別叩菴松關猿爲引花座鳥  
同參瓢飲宜春水林行愛夕嵐鐘聲相送罷月  
出向谿南

訪曾鴻臚以仁於莊居

莊居隱事清匡坐語生平宦跡貧方罷農功老  
自明叢山蒙夕氣華薄殷春聲妒爾他鄉業幽  
深足名

憶管長干陌逢君趙女家雙棲金帖燕四照玉  
爲花夜曲清啼月春衣薄卷霞十年回首處三  
麥麥閣全集卷二十六 八

歎鬢成華

登臨江天寧寺飛閣

地餘龍藏表閣迴鷺峰前雲抗垂檐氣香飄出  
市煙幻身仍半刹慧眼已諸天下見帆檣影春  
城晚泊船

晴江上人淨六山房

林阜乘階上禪關背殿分市烟隨起滅人語斷  
聲聞積晦多庭樹微風自嶺雲六時俱淨業何  
假遠離羣

敬叔以余至豫章遂止武夷之遊促之以  
詩

我居就汝室汝去且名山及母猶強健乘春易  
往還藥須分石井詩可署雲關莫慮貧家在饗  
餐也未艱

過楊懋功禪悅齋

高阜青林出長垣紺戶開人應初地住齋以八  
關不雜草平依石披花曲上臺爲諳禪悅味小  
坐損蒼苔

麥麥閣全集卷二十六 九

遊百福寺

鮮徑平猶滑松寮寂不扃高畬春燒黑廢水石  
池青香供行分飯華言坐譯經尋僧稽舊事方  
語亦煩聽

陳司徒仲舉祠

半符分往日一榻紀前風名轉依高士官仍亞  
上公鮮雲飄斷石靈雨泣荒宮咫尺隣徐墓居  
八酌酒同

溫太真墓

牛渚然犀後南州返節初成功猶綠髻拔齒遺  
玄廬夕漲江煙闊春雲隴樹疎老奴誰喚汝山  
月鏡臺虛

題孔陽王孫像教精舍 并序

具此法身棄彼幻身西方有是教也既焚幻  
身取其灰燼而範成佛像者是其徒循著攀  
戀心乃猶真法身所依耶孔陽得其像遂立  
精舍以瞻禮之此將攝心依界而進悟三一  
不立之旨諸勝流讚述已具獨闕五言近體

寥寥閣全集

卷二十六

十

余爲備之云

僧伽遺聖像 帝胄立禪扉恭禮幻身幻暫從  
依報依布金卑置埒裁錦學傳衣一淨諸緣相  
靈花不著飛

過明承飲得七虞韻

亦是王孫邸翻疑寂寞區避人長墜戶邀我一  
開厨甕酒涼吹蟻簷禽靜乳雛客居隣並汝重  
醉不煩呼

帝斯宗侯攝弋陽國事賦贈二首

擢國煩同姓推賢命徹侯詩書新秉魯宗社  
藩周術異耽鴻寶恩齊賜豹裘綠圖金簡字紀  
世又千秋

聞昨遺金匱爭窺擁若雲羣情徒失計三讓獨  
歸君敦睦身求禮春容首好文從今看赤社佳  
氣漸紛紜

題徐汝念方伯瑞芝園四首

身爲寧親乞園因卜瑞名金光衆草色雲蓋五  
芝英臺館深連宅江山僅出城臨高通外望水  
寥寥閣全集

卷二十六

十一

市遠煙平

赤坂懸梯窄青丘隱榭寬林高凡衆木逕遠亦  
多盤花綻陰崖晚雲經石戶寒依依諸鳥雀棲  
托每相安

引水池深鑿臨堤樹曲屏垂藤刪作杖飛絮墮  
爲萍窮磧沙紋古幽源日氣青出林天已曠高  
鳥去冥冥

豈獨能幽事無聞有至情邀人題竹往御母采  
芝行水破紅鱗膾天寒綠筍羹歲時中自給無

復外經營

題健甫王孫薜荔園

公族周同姓初衣楚獨醒所憐依薜荔直取置  
林亭雨氣過牆綠春陰抱石青長歌向山鬼颯  
颯更誰聽

題君霖宗侯六書樓

古法師倉頡高樓應斗墟畫求龜出後形辨鳥  
書初粟雨臨窗暗松煙出市疎可曾窺孔壁君  
似魯恭餘

麥寥閣全集

卷二十六

三

元長德操二宗侯招飲池上樓同啟明鬱

儀圖南彭次嘉

西日清池影樓中倒射明蒼蒼看衆嶺一一上  
孤城厨酒行雲液羹蔬間石英怪來飛動意醉  
醒總難平

遊西山暫止望城菴

菴新移建嶺上

廣原迷漲水半斜掩江聲遠近開香海分明望  
化城乍移林樹短不動法雲平苦爲尋山屐蒼  
煙送晚行

佛日過空輪寺畱宿

初地長林曲荒雲短屐前浴香逢佛日分飯少  
人煙夜炬惟松火山糧賸石田依依桑下宿片  
月擁高眠

訪李林宗於谷中

屢過林曲折四起嶺交加禾黍千區谷饗餐百  
口家馬煩朝莖草鳥共晚餐花石壁題詩罷莓  
苔吐赤霞

過周穉尊胡雲從於舟中適圖南携酒至

麥寥閣全集

卷二十六

三

遂飲分得桑字

相逢聊一揖入坐遂行觴舟楫今何夕江山共  
異鄉芳洲依杜若薄業問耕桑容與臨前渡菱  
歌出浦長

喜貞吉至自廬山同周穉尊楊懋功宗夏

京父訪之集嘉遯堂各用明字

我至初垂柳君歸已薦櫻驚疑申慰藉遊歷語  
分明持贈孤雲色畱餐五石英總憐遲會面差  
小負生平

過徐汝念瑞芝園同健父長倩小飲同  
公字

芝畛英英色松林謾謾風經過仍問主供具旋  
呼童席暝雲陰度杯凉水氣通清池臨共鑒美  
孰似徐公

遷寓宗良王孫石蘭館

亂書移敝篋高館就閒身花石依人喜禽魚挾  
子馴授餐忘旅食習嬾漸吾真不爲同幽癖朱  
門敢遽親

麥麥閣全集

卷二十六

十四

題余靈承奇賞齋

隱閼空齋裏陰深入薜蘿異圖山海盡古字鼎  
彝多風后傳經至侯芭載酒過永懷千載意高  
視奈君何

端陽前一日喻邦相楊懋功宗良孔陽觀

甫佳甫載酒過丘謙之客邸邀余同集

分得先字

客邸勞頻慰蒲觴亦預傳驅車大夫後爭席野  
人先榆柳行厨火松筠近郭煙候明看競渡移

席上江船

望湖亭

亭接微茫出天隨浩蕩來地形歸數澤水氣積  
雲雷莽欲乘桴去真疑汎海迴飄搖匡阜色隔  
岸似蓬萊

將入匡廬雨中題宮亭廟

乍整名山屐行窺古廟雲松扉隣水族芝蓋接  
廬君雨豈朝靈至風曾送客分併教晴可乞報  
以五遊文

麥麥閣全集

卷二十六

十五

次潯陽胡司農邀飲署中同謙之君霖作  
時將入匡廬

豈爲關門氣壺觴遂濫邀諧談寄名理酒態入  
逍遙山近長吹瀑江高不受潮著書留未住心  
赴遠公招

邢刺史招飲攬秀亭同謙之君霖作時三

美人在坐

青阜高平郭紅亭遠入烟臨花孤迴轉出樹衆  
峯懸縱意寧防醉徵歌競取憐如澗今日酒易

盡美人前

自東林過西林寺

寺在香谷

青天將下日偏是近西林花木遙中斷藤蘿各  
上尋衆香平谷氣孤塔廢庭陰何處看馴虎雲  
山日自深

宿下大林寺

衆壑千峰翠色山近疊屏珠光虎崖碧燈影雁  
飛雲霧凝疑朝沐風泉亂夜聽爾時清可悅不  
寐靜緇經

麥麥閣全集卷二十六

六

宿禪悅齋

齋室秋何爽林扃夜復澄懸燈孤對佛移榻四  
隣僧響入驚風竹涼飄拂露藤徹明聞梵唄宛  
轉和迦陵

禪悅齋謝楊懋功使君供具

學禪開竹院留客住花壇內卧旋分帳中厨遠  
具餐依桑三宿過藉草六時殘領悟空王義還  
則證宰官

留別豫章諸遊好

秋至懷歸急情鍾怨別真因成久住客轉似遠  
行人涕淚猶孤憤憂思併一身還從舊征路來  
往是蕭辰

獨客稱詩日羣公頌酒年禮偏容醉後交每定  
尊前舟楫風難繫衣裳候屢遷中秋南浦月愁  
絕爲離筵

石亭再別朱宗良羅敬叔孫子開袁吉卿

那忍離亭酒斯須向水涯俱飛黃鵠意孤汎白  
鷗期璧月將齡夕金風欲正時最憐東去眼還  
麥麥閣全集卷二十六

七

顧只西悲

舟夜再與敬叔賦別

黯黯弟兄意勞勞相對歌心知來日短苦是別  
年多變徵驚風起橫參視夜過汎瀾俱不斷流  
涕與流波

鄒彥吉云律詩中有古意人所罕及郭美命云情真語盡

過景德鎮因投宿東山禪寺

萬家成聚落衆嶺合欽崙水日晴谿曲陶煙晚  
市深東南偏瘠壤楚越競鄉音遠借禪房宿穿  
雲古澗陰

同汪司馬過宿無量壽宮宮在白嶽太素

宮西是司馬新構

石壁開精舍松門入夜濤法初通象馬食每施  
猿係一壺天長窄千峰枕自高琳瑯雜鍾磬隔  
嶺近神皋

與陸伯玉王承父宿汪仲嘉閣中夜話

秋星懸枕簟高卧絳河津疾苦憐予在歡悲向  
爾真霜清微照客山黑遠疑人永夜滄洲語殷  
勤舊釣綸

麥麥閣全集

卷二十六

六

投松蘿菴宿

昏黑投雲屋援蘿取逕勞偃松支棧窄懸竹引  
泉高山怪飛青人空王擁白毫齋餘思小卧隨  
處穩蓬蒿

自松蘿山踰大備峰投大備菴菴爲汪仲

淹主構遂簡仲淹於病中

樵路峰頭立禪扉嶺曲看一山經阻絕百折盡  
艱難深壤垂天小窮林抱日寒欲因摩詰病聽  
去住花壇

丁南羽携酒過集任山甫蟠臺

桂酒携雲液松臺坐石根名因避城市醉合在  
丘樊曲水通深沚遙峰屬短垣寥寥會心事應  
接總微言

簡丁元父明府兄

因君長白嶽未敢住仙都口累逃安邑身謀遠  
畏途不成爲上客儻自稱潛夫解識冥冥意鴻  
飛孰可呼

昨日慈親至東征賦有無官貧應喜色身健復

麥麥閣全集

卷二十六

九

長途瞻拜虛吾禮衰遲仗爾扶魚梁如返鮓蔬  
食口雕胡

仲淹士能見過肇林

中公谿北寺仲氏宅南隣乞法雙居士稱詩一  
旅人醉寧妨戒律病豈厭沉淪坐占祇林樹巢  
鳥不解嗔

欲雪

天地蒼黃色煙沙慘淡時野泉冰漸涸爨火冷  
難炊獵犬馳翻疾驚禽噪自疑旅魂驚欲雪阻

山期

肅余食其廬居見寄兼憶其弟不其

望遠支鷄骨憂思竟若何  
蓼莪終廢詠伐木稍成歌  
林水流音苦山雲互影多  
哀哀鴻鴈語霜露泣長河

徐子裁自蜀歸遇之新都因訊張伯大侍  
御時侍御罷官居定遠

客馭青城鶴遙知自蜀來  
炎天看雪嶺幾日離琴臺  
旅橐支機石王門酌醴杯  
可曾歌九辯一

麥麥閣全集

卷二十六

壬

和逐臣哀

迎春日飲汪司馬特室

深頌酒搔首縱論文  
狂覺年猶少驚看歲  
土膏催凍雪簷樹候春雲  
隣近東郊路喧

鼓吹聞

丙戌除日聞雷同汪司馬賦

冰藏初凌室雷出已窮泉  
天意寬司令春轂逼  
故年草應私甲坼花底  
促鮮妍誰信山川裏  
龍蛇卧自堅

丁亥元日桃源塢卽事四首

異鄉三正朔敝服再經年  
汨汨甘人後棲棲老  
客邊身元歸梵行名偶  
仗詩篇藜杖餘生濶春  
來萬壑前

駘蕩今朝日喧逐昨夜雷  
天心誰敢問占候漫  
相倩春漲歸期近新煙  
旅食開椒花紅汎汎隨  
興客中杯

寂寂桃源地誰來半晦宮  
詩郵司馬使隣舍祝  
雞翁隱跡秦年似遺風  
楚歲同耕漁懷舊業水

麥麥閣全集

卷二十六

壬

泮五湖東

生事微關意憂端亦近情  
年來艱索米春入待  
餐英墜戶從容出刪書  
寂寞成魚龍陳百戲今  
日漢西京

春日簡仲淹于病中

藥草千山濶春苗爲爾長  
形能隨槁木方定乞  
長桑嗜嬾餘生穩歸禪  
晚計強新詩關鍵在骨  
力迥蒼蒼

雪後寄王仲房



積雪山城霽長煙旅望開君家隔蒼莽我馬嘶  
崔嵬茶事鋤雲罷漁歌出浦來桃花東郭酒春  
色候登臺

吳茂文會于興國別經年矣余入新都茂  
文亦歸海陽會余避丁令君嫌不及走  
訪寄此申意并訂黃山之遊

相逢憐下雉相憶望來鴻尺素長天失孤心皎  
日同身慚爲令客肩擬拍僊翁倚仗期君處軒  
轅有故宮

麥麥閣全集卷二十六 三

鹿苑分蹤訪野萍法師談楞嚴經

鹿苑禪枝壁龍宮貝葉探發揮千古祕領悟六  
時談旛影林中閣蘿陰石上龕似逢新佛日又  
見長優曇

哭吳虎臣

一哭谿橋路年年墓草腓荒臺長夜色哀壑斷  
春歸海嶽窮交盡村墟酒市稀醉覓終未化千  
古綠煙飛

麥麥集卷二十六

麥麥集卷二十七

東吳俞安期羨長著  
松陵顧有孝茂倫校

五言律詩五

暮春登天子鄣至須彌菴作

鳥道千盤度祇林一室懸生雲長半嶺住地已  
中天花發將炎月松留太古煙平生愛奇絕龍  
井枕流眠

誰謂禪關小能容法界賒僧年看嶺樹佛日驗

麥麥閣全集卷二十七 一

雲華瀑散晴林雨燈搖晚壑霞坐添居士室人  
擬在毘耶

三龍井觀瀑

瀑流林末下石井硤門開天捲陰晴雪山飛日  
夜直挾湍龍戲出飲澗獸驚迴不是匡廬上終  
疑絳渚隈

遊靈巖四洞詩

卿雲洞

飛棧凌危壑移燈破杳冥挂崖僊樹綠赴石亂

流青井宅棲煙客風雷闕水靈卿雲將玉乳五色互熒熒

瓊芝洞

窄戶欹巖入傾崖滑自懸蛇行途屢變猿挂絙長遷蓮萼垂垂石芝英曲曲田空潭太幽黑深恐犯龍眠

含虛洞

地道乘梯下幽端秉燎窺力窮仍奮迅奇絕轉艱危水窟龍堪擾雲厨石自炊仙家疑不遠鷄

寥寥閣全集

卷二十七

二

犬望前陂

蓮華洞

三竇雲根坼羣峯玉筍長虛無移鬼谷空濶隱僊房雷或鳴寒井水多結夏漿蓮臺長跼石似禮白毫光

宿雙嶺菴

聖水臨階定祇林截嶺開雨水龍子出嘯月虎俟來喻法高移座緡經小築臺梵音中夜發誤作海潮迴

遊丞相原作時汪仲翔諸子讀書原上

平原開絕澗四候失炎蒸氣黑千峯石陰清衆壑水虎巢穿灌莽猿嘯出深藤崖背看青火僊家自夜燈

觸石看雲出懸崖聽瀑鳴尋常生雨雪倏忽變陰晴土室彈琴坐旄丘采葛行怪來天上住猶有讀書聲

尋源至海日峯

緣水穿荒楚尋源入杳冥燒痕林樹黑積氣澗

寥寥閣全集

卷二十七

三

花青地絕時行石天垂晝辨星高峯一登望夜日在滄溟

逢馮元敏夜譚

邂逅湘源上殘宵坐不煩逢人羞客計向汝盡余言起立移驚鵲哀歌動嘯猿文章重屈指高視欲飛翻

別君遙入楚飄泊歲頻移樹蕙畱湘久迷花去鄂遲短歌山鬼習浪跡里人疑歸計毋煩問蕭蕭旅橐知

自湘山至獅子巖

一壑分巖古千松引逕長水流無磳戶石覆有  
僧房秉燎穿雲紫乘空吐霧黃迴颺吹洞口猛  
欲吼獅王

舒太史招同蔣文學集高山寺夜譚

塵井蒼雲下香臺翠嶺前倚林翻積雨把酒入  
孤煙語破聲聞醉身歸散聖禪但看蓮在火萬  
事未須捐

舒孺立再邀夜譚

麥麥閣全集卷二十七 四

濁世何妨住毗城豈必家厭離元小果孰見復  
空花起妄重輪月浮榮五色霞未圓諸有漏誰  
免飯炊沙

舒翁邀飲湘山別墅在湘山寺西

別業清湘地仙翁太古人杯如行玉乳坐擬近  
瑤津老樹蒼林戶曇雲紺宇隣月來鐘磬罷蓮  
漏隔花頻

遊盤石

盤空巖壁立屈曲展呆愚石類雲千變崖驚乳

四垂怒濤龍出喜怪樹馬經疑只謂穿巴蜀牽  
江上峽時

遊興安乳洞三首

斷磧藏沙渚飛梁渡澗門履田分石畛探水渙  
雲根凍雨坐空結春雷殷地奔將無異人隱紫  
氣擁朝昏

右下洞名歎雷

雲屏中自劃雷澗下長聞入戶坪堪宅穿厓道  
屢分石牀平覆雪玉柱遠支雲蘚壁紛題墨玄  
龍錯繡紋

右中洞名貯雲

麥麥閣全集卷二十七 五

遠叩三重戶如登十二樓燎過翻蟄燕履墮犯  
潛虬雪乳浮沙積霞紋抱石流花源津可問隔  
水見平疇

右上洞名飛霞

初至桂林訪張羽王悲喜相勞率成二章

夏木經秦戍春花發武陵重陰寧敢息高漲總  
堪乘驚喜初持袂悲涼數撫膺遠期當日意垂  
首媿飛騰

君謂擔簦苦余看度嶺輕易來炎徼地難處故  
清恩及身前報遊隨興裏成所嫌徐孺子塚

東弼行

張質卿太僕邀同張羽王京兆載蒼梧酒

過集灘山旅館

款門張僕正京兆復能俱嶺外此名士尊前惟  
野夫玉羹沈綠笋碧醪出蒼梧屢喚墻頭覲微  
喧警夜烏

張質卿太僕邀過其兄壽卿府公青蘿園

共集

兄弟雙稱美池園獨見邀蟠簷蚪樹老夾逕鶴

麥寥閣全集

卷二十七

六

林遙樓迥山俱入波涼雨數飄隔谿喧忽動歌  
吹晚迴橈

逢趙仲選藩幕

曾令

謫宦趨藩幕悲辛嶺外逢妻孥憂日給山水怯  
遊蹤架帙防頽壁題詩寄遠峯鳴琴舊時曲彈  
向一長松

同張質卿由南谿歷劉仙巖汎舟至大墟

懋壽隆寺前大樹下

樹陰十晦  
狀若蚪龍

張平猶駛仙巖迴更深雲中與煙際水汎復

山尋幽興通玄理微言入短吟繫舟探海藏龍  
樹覆慈陰

汝成王孫邀同退之遊七星山

有引

山有七峯位置如斗小峯旁出亦若輔星腹  
多空洞則有棲霞玄風爲之奇絕

桂尊攜帝胃松磴引黃冠空翠深同入山形

駭獨看洞疑霞變幻峯學斗闌干不耐披襟坐

玄風吐夏寒

徐醴陵崇德邀同張京兆張紹興張太僕

麥寥閣全集

卷二十七

七

呂京兆呂中翰遊汎西江歷郭西諸勝

返飲水月洞警家洲

南國初遊宴西江復溯洄舟移千堞盡戟立萬

峯開擊汰潛蛟逝鳴絃小鳳來長洲淹水月夜

榜未呼迴

呂惟師京兆邀同張京兆徐醴陵張隨州

張紹興張太僕呂中翰汎舟桂江憩飲

汎波山

水流連汎蘿巖宛轉過將舟平次石張坐曲

迴波雉堞垂陰短蛟潭積晦多夜珠方把玩月

白起關河

山有玩珠巖

呂惟謨中翰邀同諸君子汎舟陽江湖石

梁西上

放舸遵陽水牽江上石梁氣衝微雨白影入衆  
山蒼雁急絃移柱龍閒笛卧牀還歌采菱曲月  
山下迴塘

張質卿太僕邀同諸君子汎舟南谿飲白

龍洞歷山南

麥麥閣全集

卷二十七

八

水汎情難極山看態轉新鷺形峯作首龍影石  
成鱗溷濕更裘急寒吹引酌頻穿雲見花竹煙  
火似秦人

張紹興壽卿邀同諸君子遊汎江上自訾

家洲至東郭浮梁以雨不果登屏風巖

鷗鷺洲邊水鼉鼉郭外梁刺舟行屢泊呼酒罷  
還觴山近含雲暝江空入雨長名巖頻起望飛  
興落蒼蒼

張隨州拱卿徐醴陵崇德各載酒過集琅

華館適退之汝成二宗侯攜榼亦至

花間驚屢報竹外起頻迎客屢參差至壺醪次  
第傾厨煙林徑夕江雨石堂清羈旅寧無事沈  
埋向酒城

徐象先孝廉邀同張汝靜集琅華館時聽

李長姬歌悽然有懷

華館颺微爽瑤罌酒至清才人由趙地艷曲善  
吳聲就竹涼陰過移蘭夜氣生絃心那得顧懷  
遠正多情

麥麥閣全集

卷二十七

九

張汝靜孝廉載酒琅華館與徐象先同集

時命珠兒侍宴

諸張佳子弟仲氏更風流好我談詩坐呼董荷  
挿遊衣香隨几合酒氣入林浮興裏珠兒握深  
貪照夜留

徐象先邀同張汝靜汎舟至木龍渡

障日斜垂幔迎風細覆觴叢蒲新葉短獨向晚  
陰長石齒膠舟澁谿毛引筇香渡頭龍化龍禹  
夫梅梁

同張汝靜徐象先遊辰山因尋劉升之隱

士故居有引

登山之半三巖層杳石室穹然有五城十二樓之想一云虎山以石形似名一巖曰蟄龍昔人命嘉稱以擬劉升之之隱操焉

雲閣三重出煙堂萬石扶數經皆洞府高倚亦仙都叱虎蹲寧去探龍卧未蘇縱看陵谷變故里識潛夫

張蹇叔侍尊人羽王攜舟追送

寥寥閣全集卷二十七 十

捧杖侍嚴親分甘餞旅人呼舟方桂水醺酒下蘭津片席風催久哀箏夜款頻斯須聊暫立雲月共逡巡

逢龍伯豫郡丞

余思武陵住君是武陵人相見嶺西郡終期洞口鄰牧豕無害馬懸處有枯鱗如此聲名起何能謝要津

駕過訪因談耒陽杜少陵遺事

益逢城題輿見異才君家衡嶽近我過楚

雲來遊跡驚相問時情總不猜耒陽山下路各抱杜陵哀

由張超谷投青柯坪

進屐投仙館扶藜絕鳥羣谷中五里霧山半百盤雲苔樹青柯古花坼赤溜分峽門看渭曲水日蕩紛紛

雨投牛頭寺

直上牛頭寺如臨鷲首峯高堦雲進屐深樹雨聞鐘挾殿山屏曲穿坼土室重夏寒飛枕簟風寥寥閣全集卷二十七 十一

氣落長松

入終南行雲霧中不辨物色

自入蒼雲峽惟聞澗戶聲驚雷垂欲斷鳴水復相成詢徑猶窮輟衝林只冥行鴻濛真未剖太始得吾生

雨憇大悲寺

松梁過遠澗蘭若坐平丘稍息名山屐因乘法海舟谷昏舍苦霧檐響挂驚流寒劇空林雨真披五月裘

投竹林寺

松谷千廻徑花宮百丈階已臨蒼嶺上更擁白  
雲嵯枕澗寒聞雨窺林晝積靈竹深厨饌美笋  
脯佐清齋

遊天池普光寺

即隋龍泉寺故址秦愍王  
新建以居西域無壞尊者

西域神僧至南山寶地開隋年聚沙在秦國布  
金來石捧天池水峯攢梵帝臺盤旋雲霧裏疑  
叩雪山廻

士簡宗侯邀同諸子對酒論文社集于曲

寥寥閣全集

卷二十七

三

江亭時遇大雨

臨江衆水盡坐嶺一亭高聲各卑秦缶辭偏習  
楚騷酒香成霧靄雨色動波濤回憶豪華地干  
門入野蒿

進父宗侯樂志園二首

寤寐仲長論逍遙莊叟心煙波穿沼得丘壑閉  
門深地遠花分逕風多樹出林相依羣鳥慣隨  
杖和行吟

窅窅穿幻地深深到沅泉翻車鳴井上亂水散

畦邊花藥叢栽闊葵蔬小摘鮮幽偏饒初色昏  
曉細周旋

寄徐固原

聞汝邊州守能名虜盡驚吏才非巧宦臣罪是  
譚兵射影工何事含輝剖更明樓蘭猶未斬終  
藉請長纓

午日答李量送酒

他鄉逢午日深見汝交情酒遣雙尊至詩兼四  
韻成興當吟罷發愁仗醉餘輕小婦明人意浮

寥寥閣全集

卷二十七

三

蒲勸細傾

不羈主社分詠華嶽一物得千葉白蓮  
幹擢金莖直根連玉井長座開疑寶藏羽化是  
仙糧搖動風翻雪玲瓏石結霜祇應逢玉女集  
作素霓裳

自鄜州投甘泉縣先寄蕭季馨元戎

鄜時窺秦祀雕陰度漢城衆山高下處千里苦  
辛行雪澗寒輕犯冰崖滑屢驚路難非獨慣知  
已爲鍾情

初至延安與蕭季馨坐雨花亭夜談

把臂林初入看天霧已披只疑猶在夢不信遽  
相持短燭鳴雞後微言警鶴時生平懷抱意一  
夕慰君知

集楊子立金吾晚登問月臺同蕭叔馨季

馨席上分得龍字

改席候殘月登臺對晚峯喧呼驚過鳥筆札見  
雕龍山色城頭樹林叢谷口鐘醉鄉吾已得奈  
竊比侯封

麥麥閣全集卷二十七

十四

楊子賢子名兄弟邀集

借汝園中榻邀余堂上樽出花登几席翦韭具  
饗飧禮數新酬酢詩書美弟昆淹留對山色嵐  
氣夕成昏

蕭叔馨邀集鳳覽亭同季馨子立賦

花亭窺市裏蘭酌倚山腰樹晚禽言急雲清鳳  
覽遙石臺移露坐巷曲辨風謠莫是臨天姥成  
霞起赤標

題清涼山頂萬壽寺與蕭季馨同賦

峯磴入清涼峯頭到鴈堂中天懸住地下嶺接  
迷方午日臨階近晴雲積樹蒼一燈開夜色處  
處禮毫光

楊汝植八埏陟卿彤卿四兄弟携酒邀飲

伏玉軒次壁間韻

延州名下士楊氏復多才樽榼摩肩集琳琅觸  
目來轄亡花覆井坐徙樹臨杯擬試盤中舞新  
聲倚醉裁

岳伯高孝廉有孤癖能數數就余飲論并

麥麥閣全集卷二十七

十五

投以詩次韻酬之

君自抱高尚余仍處不才胡然孤癖者翻作嗜  
痴來竹素傷時語槩槩累日杯余狂君似簡相  
對互堪裁

過平涼王茂洪少卿邀遊韓國暖泉園

桂醕清卿席楊洲帝子林波喧龍戲劇樹遠鳥  
居深酒榭通花氣歌臺過竹陰絃絲與山水通  
代起清音

蕭管移青雀林塘曲轉長煙波開郭裏蒲葦似



江鄉魴鯉看依漿鴛鴦詠在梁中流榜歌返月  
色破蒼蒼

真乘寺迴眺因歷諸刹

崆峒山有五峰亦名小五臺真乘寺

五峯五梵刹中起是真乘離立崆峒石分懸日  
月燈往還嵐數變高下氣同蒸儼縮清涼地穿  
雲處處登

過安定與惲遠卿明府夜談

徙宅余陽羨通家汝晉陵何期遊度隴相對語

麥麥閣全集

卷二十七

六

張燈朗就銀潢月清分玉井冰經年客秦塞今  
日意飛騰

酬周中丞對月憶余西來在途之作

支策尋山久揚鞭出塞遲驚看度隴月又過下  
弦時對此勞頻憶憂予力已疲塵沙垂老面媿  
比嬋娟姿

感君看塞月念客走秦山帶暈愁逢雨流輝想  
度關况驚輪漸減復恐路行艱如此慙慙意難  
酬榮翰問

九日塞上宴周中丞幕府時榆關大虜初

退次中丞韻二首

名王遁沙漠酒客命高陽塞菊叢枝短山萸艷  
顥香胡雛雙舞伎少子數行觴忽報傳鮮至玄  
熊射遠荒

登高秣陵曲汎菊把杯長勝事曾他日新醪復  
真方蓮花深坐幕萸實小坐囊醉望關山月欹  
斜徬笛牀

微軀

麥麥閣全集

卷二十七

七

微軀委天意志失且龍蛇卽事存忠朴逢時遇  
咄嗟青黃文斷木稠密樹空花誰識栖栖者毳  
城自有家

塞上對雪飲周中丞幕中作

朔雪陰山下涼風北極回吹過雞鹿塞飛滿赫  
連臺玉樹輝依坐瑤囊巧入杯何期東郭履曳  
向幕中來

苦憶龍沙外瑤華滿地新寒應愁戍卒深轉壓  
胡塵游騎搜荒少饑烏噪食頻此時蘇屬國特

節倍酸辛

家僮至自故園雜詢得諸事

髯奴鄉國至驚起舞婆娑家事殷勤問艱虞次第過詩書兒學嬾桂玉婦憂多東壁塵埃裏惟懸舊釣蓑

自散高陽會谿村罷酒帘社盟諸老盡董迷夫陸元德

陸華父皆已化去宅相兩甥添榆影過千屋藤枝長入

簾癡奴偷匣劍刈草損鋒鋷

周遭諸手植花竹漸森森竹耐隣兒斬花供幼

麥麥閣全集卷二十七 六

女簪疎籬頻夜警荒蔓已春陰獨有將雛鳥爲

巢日以深

寂寞煙山墓林叢虎窟憑松楸哀斬伐樵牧痛

侵凌經雨封頻圻逢春土漸增時時勤展視猶

賴故交僧

日日愁晨爨凶年廢業頻蔬畦存後圃黍地屬

東隣但有催逋客誰爲貸粟人那知朱義士別

後也遭貧

南嶺芙蓉寺來時集講師齋錢曾不送檀越更

誰支聽法龍神散啼饑鬼物悲苦空諸老衲入定已多時

龍君御過西樓談眺得庭宇

地極赴寥廓樓居隣杏冥聊舒河外望直過幕南庭磧雨關城黑羌煙海色青遠心將猛氣異域忘飄零

又得曹字

余也過龍勒君乎滯馬曹悲懷同俠烈小語且詩騷水東盤山急雲蒸入塞高共驚春屢別花

麥麥閣全集卷二十七 九

月怨湘皋時談楚事

遊伊闕因與丁元父別

白天開闕塞傍險坐煙杯衆水臨崖窄千龕剖

石深漲青山忽雨晝黑樹多陰一寸難寧處關

門怨別心

慧麓千章木扶風萬石家因山買林沼特地領

煙霞長綠仙家草頻開異域花畦塍鈎帶處併

藝故俟瓜

西來列九峯青翠九芙蓉隣近藏山寺晨昏隔  
澗鐘繁音喧衆籟積氣護深松率意穿前塢僊  
源又幾重

冠久林間挂尊長竹裏呼臨臺猶翠柏藉地亦  
青蒲帝賜山中相人疑谷口愚往來多羽族不  
去是啼鳥

亭館高低置橋梁屈曲連峯移渡湖石階遶出  
山泉扶杖行多誤携杯坐數遷醉鄉封足老何  
羨汶陽田

麥麥閣全集卷二十七 辛

次答吳允兆諸同社兼簡史靈長太常

簧巧元讒者神明亦令君旋能諳罪狀未至薄  
斯文公論真偏出傳言誤有聞感知還邑老聲  
氣竊同羣

次答吳瓊峯讀余麥麥集見贈之作

辭章苦長夜曙色剖微微艷恐無紋錦明慚有  
類璣同聲今日賞何字挾霜飛自許山林骨煙  
霞老共依

白門逢龍元基

遇客白門旁驚廻喜復傷何從雙涕淚不改一  
肝腸皦皦當心日深深雨夏霜所期君特奮寬  
氣可飛揚

寄懷張質卿太僕于嶺西

朔塞連南極曾通萬里書九秋孤鴈後一紙十  
年餘柳絲編同出公有同良集余有蓬飛跡遽  
疎君家難再見天際似仙居

僦居

壺居接東廡卜肆倚西隣無意在干謁不然非

麥麥閣全集卷二十七 壬

隱淪巷談投社客戶屢購書人遊士空秦禁商  
歌氣獨申

關樓對月

月華明盡檻水影散雕盤霞彩綠輪薄金波委  
地寬握珠開夜晦倚玉辟秋寒細落高天桂飛  
香不讓蘭

待雪謝曰可主社  
分得二蕭

冬暄行欲解春令豈全驕流霰應先集同雲莫  
更飄飛思紛薄木積願不封條珍重祈年意三

殷璠可邀

蕭宣生邀遊西莊同社中諸子各用青字  
杖屨赴郊垌莊居度小汀池寬含水白山遠隔  
江青衝凍魚將起投叢鳥亦寧野人驚浪飲不  
解託沈冥

南陔刈麥爲秦京賦

來牟布中野刈穫過南隣饑免號童穉嘗堪慰  
老親兩岐寧足侈九穗亦徒珍誰似腰鎌者猶  
勝負米人

寥寥閣全集卷二十七

圭

分賦得風生松下涼

松陰秋落落晚吹坐來微謾謾清音動泠泠爽  
氣歸輕花黃粉墜密葉翠濤飛入耳殊堪悅  
陽聽後稀

梁君肇主社賦得綠波館

華館子城下前榮俯綠波色深因映柳文起爲  
翻荷靜可攤書坐涼宜解帶過豈同南浦上春  
水別愁多

花朝前一日來陽伯招集旅館同諸子賦

吳地客來秦翻如地主入君乎能置酒余也規  
稱賓饌出盤高溢觴飛飲亂巡興餘還候曉接  
宴酌花神

花朝李汝謙孝廉招集讀書處同社中諸

子賦時來陽伯後至坐有雙姬

藏來書接棟載至酒盈車期客初看竹稱觴併  
酌花簷光先挂月城影尚浮霞子夜過豪士乘  
酣擁麗華

章吉父携具邀同盛孝常沈元美過飲章

寥寥閣全集卷二十七

圭

彥星園亭時章伯明兄弟亦出酒肴卽

事成詠

短垣穿竹嶼曲澗入桐關石捧花間屋灘連水  
上山酒肴分次第人地各蕭閒不有城中伴昏  
鐘未遣還

罷楊園宴再過史辰伯池亭探得羣字

內巷行初盡南榮坐始分簷光花墮月池影竹  
連雲是處宜于酒吾儕會以文自嘲同鹿豕來  
往不離羣

孤松赴主叢山戒珠寺

競愛叢山寺危峯擁梵筵  
總持僧寶定孤烟戒  
珠懸含衛城疑化恒河水若遷吾期營九品相  
望九青蓮

鴈冢有序

客有遺張長興雙鴈畜之最馴忽狸奴嚙其  
雄而雌遂不食三日以死長興義之瘞于蔬  
圃高其封稱鴈塚云

雙鴈忽傷雄孤雌亦義終斷行高柳北表冢大  
麥麥閣全集卷二十七

江東影失窺庭月覓歸出塞風長令嫠婦見干  
載媿心同

瓦棺寺齋集汪肇邵招同尹司馬恒屈齊  
王孫吳自先諸君子

香刹行看竹齋盤旋摘葵偶陪文學乘若赴尚  
書期時司馬欲識余故有此招風浪無高處李供奉詩有風浪高干瓦棺閣  
句幢旛不動時禪心俱捷會悟語併談詩

乞干文若河賦序卜居圖久未見授促之  
以詩

事虎頭絕辭華玄晏才序文期草出厨畫想  
飛來兒女鄉心急衣裳旅橐哀所須將二物氣  
色好南廻

同王德載葉茂含過慶壽寺悟心上人房  
留飲因讀其詩草

關從精舍入不遣客眉橫鉢呪蓮花滿杯浮米  
汁寬詼諧通梵語鮮錯互齋盤海上雲俱碧湯  
休句裏看

麥麥閣全集卷二十七

卷二十七

五



參寥集卷二十八

東吳俞安期

松陵沈自南留侯校

五言律詩六

朱允修少司成署中新齋成次薛千仞十首

乍見蕭齋曠能教隱吏真山常望樵者水可著  
漁人魚鳥高深托仙靈窟宅隣軒窗屢遷坐寓  
目每更新

參寥閣全集卷二十八 一

師臣雖傳舍魁父亦靈丘堰借藤陰暝林添水  
氣秋窺臨諸鹿豕眠食並鳬鷗問道崆峒轍毋  
勞遠出遊

秀野衙齋地蕭疎小隱情于焉隨自賞舍是更  
何營池委泉難涸林栽竹易成階前舟儻置日  
可懼歌行

惠風初夏日樹影午清沈偃草平跣足看雲遠  
置心射堂長晚出墨沼亦時臨石上張琴處還  
飛燥濕音

松杉能直上蘿薜善高緣食任禽餽子書容蠹  
蝕仙詩章餞似鄭經笥卧如邊購得黃庭字東  
華祕玉篇

桐徑棘樊開雲根辨古苔長鏡身荷去繁卉手  
芟來真愛松無曲難容不才赤霞標建處擬  
賦借天台

選地十弓幽清華一鑑收直愁塵轍汚祇與逸  
人投樹以桑名女村將竹比侯築臺仍惜費無  
事擬三休

參寥閣全集卷二十八 二

殊方來異卉種色署嘉名花遠籬籬密荷高几  
案平風長流谷響雲迴落樵聲外望隣黃屋方  
知在帝城

往往貧交至牀頭割半瓊壺携竹下坐具展  
松邊日日長推食家家待舉煙以茲無長物齋  
壁四蕭然

臨流圍竹柏秋至也青蒼碧藻周堂下頽鱗族  
水旁雉投將化蜃石踞欲成羊宛在滄洲業鷗  
三勿涼

遇徐子裁自蜀歸因訪蜀中諸友

巴子千秋國逢迎任所之周郎應顧曲江令可  
言詩筋力貧猶健數名老不疑因君意飛動霞  
色起雙眉

寄懷屠田叔

田叔時年八十  
餘步履甚健

如君安舊隱支枕日高眠海氣蒼蒼閣春陰泯  
泯天新詩千象緯獨行表林泉黨遂求仙願隨  
君可記年

吳仲玉吳建伯見過遂留小坐

寥寥閣全集

卷二十八

三

客竝衝炎至清標若吐涼以茲非襍穢健我倒  
衣裳午命新炊飯春酣久漉漿評詩快奇語老  
興亦飛揚

過吳仲玉水榭

俠士朱家輩名都子建篇結交非落落著撰亦  
翩翩交枕淮流月懸燈水市烟秋涼頻過汝好  
辦酒家飲

吳建伯讀書鳴山

青龍二西經三乘龍出聽宵誦鷄鳴警

鳳興林煙懸塔火湖月隔城水商畧藏山事愁  
令紙價騰

知希齋爲王德操題

悟得知希貴空齋每畏人名言署老氏獨行表  
遺民自絕逢迎事能尊寂寞身紛綸冠冕士誰  
可汚車塵

次劉黃門送劉其生

還蜀

舟開石城水天接錦江波擲地新篇滿搜山秘  
記多巴黔流尚穩灩澦早宜過爲訊同行侶仙

寥寥閣全集

卷二十八

四

仙興若何

題曾波臣友石軒

幾片軒庭石久要宜託君時時邊晤對嘿嘿勝  
人羣寒至從經雪風翻不化雲孝標逢若輩無  
事絕交文

贈丹青王孟德

長生君自解善息在忘機閉戶蘿頻長開厨畫  
欲飛霞漿朝夕酒芝製歲時衣夜識城南屋秋

對少微

爲馬存默題種杏圖

成林俱杏樹疑與董僊處處移栽者紛紛病  
起人實丹虎伺日花白燕來春乞藥門填委山  
居似要津

遊妙峯寺

蘭若初開地花宮已近天江疑恒水下峯作妙  
高懸藜杖千重路松龕五夜禪塵勞借茲息深  
抱白雲眠

夜集劉少彝明府侯官衙齋

寥寥閣全集卷二十八 五

飛鳧仙邑令驄馬占劉生曾不厭狂態一何敦  
故情官厨初命酒海味晚催羹細語別來事起  
看參已橫

閩中秋前一日集陳振狂百尺樓同陳泰

始曹能始胡白叔小喬小昭二麗人

秋閨將中夕樓空乍軸簾雙看珠影照獨遣月  
光添醉客酒難罷中人寒稍嚴殷勤畱客卧恐  
有下牀嫌

是夜再過賽姑館紀興

已逃樓上醉復向隣東行藉地女男雜倚歌絲  
竹清乍來方月午仰視已參橫僊姥仍開宴虹  
橋向曉成

閩中秋賽姑  
邀宴山園

閩中秋宴賽姑山園是夜無月

豈意月添閨還看秋再中昔傳天姥宴恰與仙  
娥同西氣管絲發南音歌曲終不逢輪桂影別  
是廣寒宮

十六夜再宴戴氏池亭紀興

階下賞初落輪中桂復探無論秋是閨復喜粲

寥寥閣全集卷二十八 六

成三水綠杯光入風香酒氣含清池臨席畔直  
與影娥參

重陽前一日喬姬玉翰觴余與胡白叔曹

能始諸君子時賽姑携絲管在坐

絲管更新調盤餐悉異珍更將歌佐酒不藉舞  
畱賓就水遷瑤席臨花布錦茵囊萸兼蠟屐約  
束待來晨

滄池夜泛小憇石君亭

月出水痕平平池况復清臨流愛虛曠移艇進



空明曲岸少淹泊孤亭聊改行迴橈命輕撥鷗  
夢不曾驚

九月十二日再舉石君社觀葉園菊花分

得枝字

前月秋曾閩南方寒不遲得霜花盡放間色錦  
紛披石社盟重舉陶家酒暫移爲期應可再猶  
是未殘枝

代董姬小雙得孤字

離下花齊發臺端色自殊繞庭施錦薦映戶奪

寥寥閣全集卷二十八

七

金鋪未忍插雙髻惟令浸百壺笑看多竝蒂何  
意不成孤

賦得白雲軒壽費無學

軒在白雲鄉雲來片片香吉雲國有香雲因風吹畫幔

如絮宿雕梁昔悅陶弘景今貽費長房持將三

素影聊以代霞觴

同曹能始諸君子携喬姬玉翰再過葉園

賞菊得逢字

新枝已豔舊莖色猶濃再舉觴三酌增看繡

一重花添紅袖錯酒有白衣供後死陶元亮茲  
辰豈易逢

余與白叔邀同社諸君子集石君社賦得

燈下菊影分開字

移菊夜堂來然燈影四開低分承露掌靜倚避  
風臺寫葉終難辨圖花亦浪猜燭蛾旋繞處誤  
是蝶飛迴

九月十五日同社諸君子集高景倩戴德

堂爲乃郎楚材賦花燭詩分韻得八齊

寥寥閣全集卷二十八

八

堂上客來齊香雲出繡閨當筵聞珮細隔幕喚  
郎低乘霧鸞雙下巢梁燕並棲新人看不禁花  
下欲成蹊

美人題竹集鄭汝交齋頭同諸子分韻得

八庚

垠玕青欲破題識字初成帶粉詞加艷逢斑畫  
倍明釵將金作筆署以玉爲名裁管人能得猶  
疑題葉情

送湛寰法師還天台

貝葉非難譯曇花豈易生南來少檀越西歸  
松迎僊飯供持鉢霞標入化城儻求通彼岸前  
澗石梁橫

雨夜同王粹夫王玉生徐興公胡白叔集

林司農宅

丹微氣恒煖玄冬雨驟寒是時貪縱飲卜夜始  
成歡跋燭雙花落添香五木殘主人歌勸酒客  
碎欲酬難

賦得美人蕉集鄭汝交席上分韻得五微

寥寥閣全集卷二十八

九

共得八  
首有叙

是蕉惟閩土有之幹葉不異諸處獨至秋深  
中心抽出紅瓣一二十片片大如蓮高不逾  
尺攢成如花萼色鮮媚欲奪緋絳名之美人  
得其似云

美人呼恰似叢列近庭闈名旣偕紅袖身猶被  
綠衣還疑絳樹出欲化綵雲飛曉看多霑露翻  
疑行雨歸

又和趙十五分得一東

軒舉傍簾櫳亭亭立漢宮柔心不卷綠鮮葢只  
抽紅觀舞輕成態窺妝艷作黃門爲懸火齊恰  
在翠華中

又和胡白叔分得十灰

一花秋始發衆葉日爭迴似有紅綃吐疑承綠  
萼開代箋翻錦字學舞下瑤臺庭際參差立仙  
姬擁衛來

又和鄭汝交得七虞

蕉種本來殊逢秋忽間朱綠翻羣葉亂丹吐一

寥寥閣全集卷二十八

十

心孤日射光相映風欹勢欲扶好將紅粉態品  
百花圖

又和俞清父分十二侵

蕉葉捧森森中懸吐絳心在盤渾欲舞疑葢不  
堪簪毫彩光難奪衣紋綠較深宛來誰氏女艷  
發倚牆陰

又和曹能證得二蕭

美女借名蕉踟躕細舞腰旁翻迴翠袖中起吐  
葉標不遺飄紅雨蕉花不落每  
瓣復成綠葉還疑護絳霄彤

庭好侍立莫作上宮要

又和李季美分六麻

異種誰堪比紅顏擁碧紗  
翻翻頻舞葉片片亦  
成花霞挂葢珠樹丹懷  
萼綠華玲瓏奇石畔處  
處是儂家

又和陳長源分八齊

花下不成蹊佳人醉欲迷  
窺紅倚妝鏡掩綠處  
中閨誰捲緋衣坐何來  
赤鳳棲窺人似隣女偏  
向短牆西

寥寥閣全集卷二十八

士

送胡白叔之漳州

秋中及冬首同住晉安城  
我已厭久客君胡仍  
遠行旅衣欣向煖海味  
美調羹不有嚴寒逼毋  
忘歲晏情

和曹能始移竹過滄池藝植

移竹過滄水浮舟載綠烟  
土滋乘雨後芽發及  
春前下繞臺陰密高思  
樹隙連所期逃暑日涼  
飭石君眠

十一月望夜方次倩廣文招飲齋頭松下

對月欣然成篇

不道苦寒月月中仍可遊  
乃知殊氣候直似對  
清秋移坐桂輪下當樽  
松影流因思故園夕水  
雪豈堪留

閩清天王寺荒廢已久屬劉廣乘來令茲

邑延支提僧住持興復有漸喜而作此

帝釋存荒殿神君護法林  
網空鳴後寶地辯布  
餘金山擁莊嚴色灘成  
梵唄音火蓮多隔岸一  
筏渡慈陰

寥寥閣全集卷二十八

士

春日同陳誠將陶神父洪汝疑集鄧道協

霧居園紀事

久住閩遊客君家飲獨憐  
身憑蟻甕綠手擘蠟  
房鮮鶴下松林雪禽歸  
柳市煙後庭扶醉去隨  
意飭花眠

還鶴詩爲吳汝鳴賦同用廻字

憶侶朝飛去懷恩夜復廻  
似遭羅網設稍覺羽  
毛摧舞月仍孤榭眠雲  
認舊臺報君應有日霄  
馭仙才

法雲寺夏日坐德雲上人房

扶藜過蘭若岸幘坐松房炎日影差薄法雲陰  
已涼龕花香不落庭樹綠無章習習風吹頂真  
如灌露漿

趙子合邀同王玉生周喬卿王叔晦徐典

公高景倩鄭孟麟集法雲寺古香書舍

梵天逃暑日書室作糟丘蔭以淮南樹成茲河  
朔遊天空山近遠江出地沉浮醉起馮闌望飛  
來片雨秋

麥麥閣全集卷二十八

圭

至前一口聞雷

陰律將窮候天心忽震威似因羣慝警恐掩一  
陽歸定是炎方異將無月令非災祥亦何兆仰  
屋坐歔歔

由閩中過建昌訪鄧遠遊畱宿齋頭次第

紀事十首

始計遊閩罷歸途過所思只虞嚴旨後難緩赴  
官期遠得慈幃訃深憐草土悲通家元拜母一

豈容遲

罷嗽中林荔催牽上瀨舟炎蒸午不息寇盜夜  
多憂改陸行穿履經途費典裘路難君自信辛  
苦更何尤

舟師纔抵郭迎使已臨流入戶衆心悅牽衣二  
子留相看惟失喜忘却是居憂一置生芻罷論  
詩遂不休

蒼黃迎候處顛倒著衣時爨女出看客隣翁驚  
問誰寒暄了不及衷款遽相披數及從前事交  
親盡可疑

麥麥閣全集卷二十八

古

厨饌勤中婦盤鮮進侍兒舌存甘尚辨齒落軟  
偏宜聚飲中宵過分眠五夜遲所憐諸婢僕候  
立不云疲

一楊壺園住貪眠事漸慵老來多恃粥遊出每  
支筇轉却供張盛難勝食飲重殷勤致參朮服  
食輔衰容

汝壯才方盛余衰志不前未能忘短述漸覺畏  
長篇一字勞相定千秋儻借傳鴈行甘獨後寧

論齊肩

麻姑同問訊摩竭遠壇迴仍叩第三谷思營九  
品臺幾行祇樹接五色寶蓮開便欲將家住俱  
修白業來

天半芙蓉閣低看四壁山繞行無次第高卧當  
躋攀酒至難防醉詩成不待閒寧須留委曲累  
月未輕還

尊酒徐徐酌交情細細論誇予食猶健感汝意  
何真不間形骸友何如骨肉親移家惟一水願  
以托比鄰

寥寥閣全集

卷二十八

五

鄧遠遊新第落成次題十二首

入郡開新第爲園若故家梁喧初乳燕屋止試  
飛鴉遊侶赤松子仙妃萼綠華相携吹絳雪已  
報大還砂

閣對雙峯秀芙蓉夾岸栽三休幾盤路一似九  
成臺粉絮晴雲入金膏日浪開翻飛看獨舉黃  
鵠羽離哉

宛轉蘭房曲流蘇結絲雲蛾眉隨意畫鵲舌共  
薰豔可歌三婦交還咏五君乍施天姥術卧

起卽興文

幽寂庭陰色閒心不自憚故叢草帶新葉覆  
桐圭迎餌魚紛上銜花鳥一啼惜芳障暑日油  
幔覆旋題

寶輪函釋部海藏儼龍居曲折禪栖室周遭法  
乘書古文更隸後逸興出焚餘二酉秦人洞藏  
來恐不如

中厨羞膳美後圃藥苗齊珍味消人進瑤筐少  
女提太玄輕覆醬小惠肯求醯自覓金光草春

寥寥閣全集

卷二十八

六

過有綠萼

屋後憑高地寬開子墨林書雖藏詭異語不構  
艱深室聚鐫經石門懸易字金秭成千古事宜  
跡縱升沉

營取醉鄉處却于塵市中墻西苑樹綠水上妓  
樓紅春舍餽梁伯槩家居薛公過從曾不雜儻  
許祝雞翁

鬱金堂上豔婦本出盧家不辨合歡樹俱稱如  
花眉寧邀黛色妝豈污鉛華拔宅丹成日乘

烟定一車

曲几無塵玷幽窗若水澄  
厄言品名士華語傳  
胡僧局鑰門長杜繚細閣可凭清衙署方外也  
忝秘書丞

軒皇移特室海客讓方壺  
婢解談經侍兒能學  
禮趨宿春煩水碓負郭倚秋租鉢食無須乞清  
齋號佛奴

花市城臨北麻源水向南紫芝莖斲九珠蓋樹  
移三江抱澄清練山橫紫翠嵐朝昏看不厭卽  
黎黎閣全集卷二十八 七

幻也成貪

梅子庾攜小婦移居北郭園同鄧遠遊次

韻四首

烟火已離郭雲霞半近村  
灌花分瀝水藝竹繚  
周垣艷婦矜夫壻詞流托弟昆  
不煩施步障有美日行園

沼引芙蓉水門穿薜荔牆短衣歌變徵急節掩  
清商臺鳳栽桐引陂魚緯竹防荒畦花事近月  
令故催忙

乞花還自種葺架轉多勞  
編竹呼兒理飛蓬代  
婦搔步無金作葢飯有玉流膏  
解佩終處事何  
心憶漢皋

耕桑墻外地藝植亦分區  
絕類東屯宅誰輸下  
濕租談詩習婢子給爨仗僮奴  
早晚焚香罷青蓮座可敷

梅子庾移居鄧遠遊再次前韻四首余再  
和之如其數

客徑仍多折仙源自一村  
樹蘭開棄地插竹衛  
黎黎閣全集卷二十八 六

低垣樓擬新棲鳳池呼小定  
昆更深松竹趣日  
涉在芳園

池水盡成墨人來如堵  
牆書皆能法晉貧不解  
歌商道許錢編埒門須鐵作防  
經營筆塚地也自有微忙

小婦相携入臨妝亦耐勞  
垂膺珠作佩代手玉  
爲搔旣與眉添黛還令髻拂膏  
只疑居士室天女下神皋

營宅元三畝栽蔬僅一區  
無多田種秫幸免僕

租人或稱仙侶身元號佛奴設茵林卧處自  
有落紅敷

遊從姑山同遠遊子庾

輕輿轉山陸彼岸出江烟覺路迴旋入香臺上  
下懸定僧鳴磬後遊女散花前處處維摩室誰  
參不二禪

循環階數轉登頓地頻遷坐倚巖坐處行窮壁  
立前路迴千級磴石折一痕天稍出風門口川  
原又豁然

麥麥閣全集卷二十八 九

遠望麻姑嶺真如從小姑及登天半石還復地  
分區月出雙懸鏡星垂各佩珠神鞭儻相逐疑  
疑竝前驅

石棧攀援上鉤梯曲屈通飛梁亘天表躡鳥度  
雲中山辨四隅盡江窺衆水同前峯懸度去仙  
駕渺煌鴻

黃伯陽太學頻伽園次鄧遠遊四首

名托西方鳥園開南郭林花刪庭覺廣屏折徑  
口深樹撼周來覆藤條互往侵真如阿閼國那

遠相尋

斷續千章木分迴十畝畦時招共命鳥自祝應  
名雞階石履蒼壁垣苔衣綠綈羹來芹獨美似  
是采青泥

樹穴松枵腹林叢笋露胎煙稍疎漸合風簾聚  
仍開石脚携琴坐墻腰點筆來更憐蒼翠幹下  
上繡莓苔

初疑玄號圃終訝綉成圖藉蔭營諸屋分花隔  
幾區南榮芳樹覆西爽短垣扶只恐昆侖側仙  
麥麥閣全集卷二十八 二十

家也自無

李休吉鴻冥館同遠遊題

館在城下

委巷開高館臨濠背曲流冥鴻在天外烏鳥啼  
城頭每有幽人問應無弋者求惟嫵索書者戶  
屢長留

一室應何有長看几發光籀文周太史隸釋漢  
中郎古鈕金爲璽奇形玉作章壁中絲竹響恐  
有漆書藏

題費無學甲秀園五首

翳然林木處三晦列儒官深秀甲天下重湖丁  
地中龕供緇服侶祀列素心翁百折花深術邇  
迴似不通

家近隱難能園規立有恒厨惟炊黍僕門有乞  
花僧卉木編成史禽魚引作朋獨餘詞賦在不  
奈世人稱

層構仍疎野梅林間竹林庭寬位置巧徑曲往  
來深爲樂清求志興文隱稱心幃屏與几案何  
處不書箴

寥寥閣全集卷二十八 三

柿葉坐書几藤花覆釣船倦餘臨帖罷興至泛  
湖還酒氣衝花霧茶香起竹煙何人喧後浦舉  
網得谿鮮

自遣夷情岳天教竭愛河經過諸子暫勅斷內  
人多剩有真僧住差容達者過所遺墻外產更  
不問如何

上巳日同太神澤弘茂深諸王孫陶西之  
游勿弔黃孝先周不害吳慧林張道益  
諸子集梅子庾園居賦得風雨亦來過

時景美  
人忽至

行雨巫神至占風少女多霜衣曾不憚曳屐也  
能過簪盞中林地觴流曲沼波忽看纖月出若  
爲照清歌

王青蓮邀同諸子集青蓮閣同賦青字

逃禪江上閣醉裏托沈冥倚市招歌妓臨江見  
水靈霞紋漏天紫雨氣入林青潦倒乘餘醉歸  
輿已帶星

徐大章含章兄弟邀同泰神幼晉由庚澤

寥寥閣全集卷二十八 三

弘張善之張道益飲池上竹林同用清  
字

穿林石坐平移席晚陰生簷挂柳枝短池添竹  
氣清獻酬賢與聖斟酌弟還兄不分催歸促林  
端月已明

羅結璘邀同諸同社宴集六和堂

白髮短無賴青樽老更耽冥心歸醉卧名理入  
諧談霞舉張晴堞雲還下夕檐歌人金縷發花  
月滿城南



王允良邀諸同社集鬱華亭

時坐有歌姬同用華字

對酒倚名花虛亭背郭斜賓朋雲入座兄弟璧  
同車醉罷興難已文成點不加渡頭歌復好桃  
葉在王家

羅觀如邀同社諸子集籜龍齋

坐有歌姬共用君字

風籜正紛紛深杯對此君庭留過城月檐墮隔  
江雲靡靡方終曲詹詹卽論文是時林下與阮  
氏好同群

吳慧林邀集同社諸子晚移尊坐大樹下

麥麥閣全集卷二十八

圭

分韻得三江

鄰家開蟻甕飲客對鷄窗羹菜傳前圃盤鮮射  
遠江雄心老未減狂態醉難降晚酌遵奇樹童  
童若蓋幢

題黃孝先文露齋與王曰常同用言字

晨興研墜露文字造來繁捫壁摹蟲篆臨花譯  
鳥言地深盤曲巷天迴度高垣不涉塵埃迹時  
人安可論

遠遊還社中諸子鑠金飲於袁又玄齋頭

各賦得思發在花前時正月二十七日

北鴈還飛日南枝著莖先春心不自主歸思故  
相牽歷亂催花雨氤氳入柳煙回思遠遊處三  
度上春前

同劉人龍張羽從韓王孫集壚頭社因觀

待渡同用谿字

壚頭看滌器閣上坐臨谿岸近舟橫渡人喧漲  
滿隄波澄雲在下天遠日平西晚興添詩思當  
杯挂紫霓

麥麥閣全集卷二十八

舌

麥麥集卷二十八

寥寥集卷二十九

東吳俞安期羨長著

檇李黃 濤波僊校

七言律詩一

望海四首

積氣茫茫九水都望來空濶盡東隅雲霞午夜  
浮光動雷雨中流片影孤日有靈鳥棲析木時  
無遊馬繫秦蒲島夷向識滄波道烽燧防春亦  
遠圖

寥寥閣全集卷二十九

一

紛紛靈異變昏朝陰火隨波遠自飄龍藏函經  
連水府蜃樓開市借雲霄星臨東極無分野山  
入南荒有沃焦日日潮來長應候似應西答百  
川朝  
湯谷遙看接漢津浮槎真可犯星辰天窮島客  
西開戶水濶鮫人下結隣異鳥避風曾祀魯神  
鞭驅石想經秦桑田那接蓬萊上翠輦東南總  
浪巡

萬經自管疏千國漢記還聞著十洲不辨波濤

開異域但從雲氣識靈丘遠人浩蕩航環入羽  
客飄飄接葢遊積水願令長不溢斷鼇今古控  
神州

張侍御周吏部二方司農過集旅館席上

分賦得春月

春煙護月度南樓隱映金波萬里流關塞鴈歸  
驚弋去江湖龍起抱珠遊光搖玉樹臨歌席影  
傍垂楊入御溝天畔萋萋芳草路王孫能不望  
刀頭

寥寥閣全集卷二十九

二

初夏張伯大侍御劉長欽大理周國雍顧

道行二吏部過集驚峰寺得孤字

清齋佛日過春醺蕭寺攢眉酒重沾白衣冠  
俱上客青山禮數任狂夫松杉徑引流雲細樓  
閣天垂片月孤不斷尊前鄉國思新聲一一聽  
吳歎

遊靈谷寺同陳從訓作

松杉十里擁香臺萬木中看紺殿開谷奏絃絃  
天樂繞水移功德寶池來蛟龍出海扶經至麋

鹿穿林禮塔迴晚宿詎妨畱樹下鐘聲雲際莫

須催時寺僧無畱宿者故及之

遊獻花巖飲星槎閣

雲嶺紆迴石磴斜鴟夷偏戀遠遊車閣臨星使  
乘來樹巖墜天姬供後花林上雙燈懸日月壑  
中初地領煙霞浮生久醉聲聞酒縱飲猶過帝  
釋家

白門逢胡孟弢兼有讀書匡山之約

啼鳥啞啞馬蕭蕭都市相逢傍柳條白石歌聲

寥寥閣全集卷二十九 三

猶自苦黃金顏色未全凋霜花飛劍吹衣薄桃  
葉浮江進艇遙便擬西從讀書處廬君天際亦  
相邀

送余伯祥太史奉使還朝

虎觀頻年侍聖顏乘輅忽下五雲間剪桐遠  
奉分封命視草重趨入直班仗外晴煙看薊闕  
馬頭春樹識燕山懷君不爲彈冠意清夢時時  
繞漢關

分賦得雲夢澤送丁元甫還楚

茫茫大澤繞巫丘在管爭誇楚勝遊雲抱孤臺  
朝夕氣江通三峽古今流蛟鼉窟宅深相隱舟  
楫風濤遠獨浮到日子虛應有賦旌旗羽獵詫  
諸侯

南征曲爲周憲使征南作

揚旗朝壓雕題部迴戈夕下黑骨蠻索纒徑度  
山爲柱碣門躋險石作關逐獸西躡雪山壘浴  
馬北渾叩海灣不爲征夫太意氣胡天未盡終  
未還

寥寥閣全集卷二十九 四

寄衣曲

天山白雪八月飛那能九月方授衣秋風昨日  
忽吹慢賤妾連朝不下機都護飛書北奏捷夫  
婿搜逋西合圍莫謂相思可少著前度寒過始  
得歸

寄馮元敏職方

攤書粉署亦燃藜明月啼烏夜共棲籌虜夢過  
鞬汗北護羗心在月氏西宮闈奏事合雞舌輦  
各趨朝散馬蹄更道國門懸著作燕雲五彩曳

長寬

寄潘士遠

時在憂居

千山霜露轉凄其，伏枕遙憐涕淚時。  
應漸短毀來鷄骨，恐難支天連海嶠孤城。  
遠秋盡關河獨鴈悲，采采芙蓉愁日暮。  
涉江何處寄相思。

送陸履素工部出守漳州

名邦剖竹幸清時，此地曾聞戰伐悲。  
豈使島夷輕出入，即防海舶定艱危。  
天臨浩蕩虛疑盡，屋接樓臺莽欲馳。  
倘許玄虛同作賦，逢迎倒屣莫教遲。

黎麥閣全集卷二十九

五

送薛舜恭還嶺南

都市行藏一敝裘，擔簦千里欲何求。  
功名華髮猶難助，岐路青山信馬頭。  
垂淚遙同綃客去，賣漿誰共薛公遊。  
月明大庾寒梅發，好折瑤華寄遠愁。

贈陸伯達行人

時伯達奉使中州便道歸省

刁史衣冠代有人，况逢詞苑接清塵。  
青雲祿領

修辭吏黃髮歡承典禮臣，車馬從容還過洛。  
書闕逸半搜秦看君少，歷清華地著論母勞戲答賓。

送劉長欽備兵滇南四首

時滇有永昌之役

南國初辭法從班，霜飛繡斧棘雲間。  
前驅弩騎三千士，內固巖城十二關。  
傳過赤虺浮嶺水，詔來金馬祀名山。  
文章須遣通南極，為領華風到百蠻。

柱後高冠著惠文，旌麾按部擁風雲。  
山行金齒搜蠻壘，水戰昆明習漢軍。  
落日重圍原上獵，有時小隊障前分。  
西南君長孤懸地，天際銅標想舊勳。

黎麥閣全集卷二十九

六

分野天南望轉迷，居人千里半雕題。  
孤窺夜月蒼山北，馬踏寒花赤水西。  
版籍要荒開欲盡，土風諸部較難齊。  
更聞窮髮多殊類，內向須防急鼓聲。

永昌風壤接蠻雲，徼服通關久不分。  
漸使眾酋侵內地，虛聞飛將下南軍。  
漢冠曾賜貂蟬珥，夷

部長驅象馬羣持節也須勤遠略隱憂今日繫諸君

方子及至自滇南便訊滇事

土風天外異人情瘴草蠻花暖易生戶到越裳應北嚮兵連金齒定南征碧雞可有祠官出白雉曾通貢使行形勝此邦知不惡長安池水學

昆明

方子順嗜琴好道雅能誦南華經賦贈

翛然綠髮未成翁避世行藏事事同廣野置身

寥寥閣全集

卷二十九

七

猶散木高山托響自枯桐將懸紫氣函關上曾

獲玄珠赤水中悟入寥天都不語有時雙目送

飛鴻

早春同范陸史三法曹集方子及法曹樓

中

長安趙李日經過文酒何人雅嘯歌禮數敢云

絳貴詩名元屬法曹多晴燠禁苑青相引春

水銅溝綠始波醉聽烏啼門外柳高城殘月夜

蹉跎

李臨淮惟寅小侯汝藩載酒天界寺半峰

亭招飲分得青字

招提列簾坐雲亭珍重元戎玉騎停小隊花間依佛日少微江畔動春星霞垂半嶺嵐陰紫石抱長林雨氣青直是尊前寬禮法吐茵車上且沈寔

送將軍督儲北上

逶迤九塞朔雲層士馬頻年障自乘更議增屯

防虜市屢煩飛粟佐軍興沙明薊野秋多雪水

寥寥閣全集

卷二十九

八

急漕河夜未冰第一論功君不忝鄴侯關內事

堪憑

李臨淮惟寅邀同諸詞客集瑤華堂分得

荅字

山堂秋滿白雲蹤寒色蕭蕭竹樹重林實霜前

青橘柚峰紋日下紫芙蓉儘教客禮從疎放豈

藉軍容寄折衝鎖鑰嚴關畱夜啓不須人散禁

城鐘

送顧道行憲副之山東

東方千騎五花文齊魯封疆遠道分青海樓船  
橫唇氣黃河旌幟度秋雲懸衡坐執臺中法清  
壁長過濟上軍登嶽定知懷故國吳門匹練影  
紛紛

鬪雞忝馬俗稱雄絕島窮夷路亦通弁服仍教  
歸禹貢短衣須遣變齊風嶽雲今古懸封上海  
日尋常起夜中我有所思愁遠道自今長望泰  
山東

吳公擇招集冶城山飛霞閣同郭次甫孫  
寥寥閣全集卷二十九 九

齊之鄔汝翼姚伯道吳允兆謝少廉梅  
禹金方嗣宗吳翁晉梅季豹分得中字  
秋山騁望接羣公萬井樓臺下鬱葱水石荒池  
探劍冶煙霞高嶺坐珠宮霜林蔽殿晴雲繞陵  
樹連城紫氣通向夕真疑遊帝所月明張樂在  
天中

九月八日同陶懋中臧晉叔宋忠父集李  
臨淮惟寅宅分得城字

訂下邀賓緩帶行諸營軍令自分明酒期累月

仙郎雨逼重陽滿 帝城雲氣葱青宮樹近  
峰陰宛轉石池平久因逐客羞詞賦敢借尊前  
一論兵

贈魏懋中吏部兼寄懋權懋於燕都

曾曳朱衣玉殿東周南何意借山公諫書縱不  
干時議啓事猶能達 聖聰爽氣看山官舍裏  
春雲題賦舊宮中同羣更有雙黃鵠南北高飛  
六翮同

病後飲梅禹金天逸閣同賦冥字

寥寥閣全集卷二十九 十

高閣岩堯夕未局故人尊酒慰飄零低垂半壁  
星河白不斷千家樹色青病起文章干氣象醉  
來天地托沈冥城頭疊嶂寒堪倚面面芙蓉十  
二屏

遊敬亭山時沈君典避居山中

迢迢雙屐款霞扉百里葱龍盡翠微秘室藏書  
逢太史幽蹊紆組憶玄暉巖龍水壓溪溪卧雲  
鳥風扶翳翳飛秋氣蕭條悲滿目客心惟有北  
山薇

邵長孺以國學生捧 詔江左過訪宣城  
奏賦聞君入漢庭山城何意問飄零高樓對酒  
同明月故里乘輶傍使星拂練晴懸江影白吹  
霜寒落劍花青歌殘變徵悲風起秋色蕭蕭滿  
敬亭

寄屠長卿

京國當年詠式微北風雨雪幾人歸罷君蘭省  
還初服逐客咸陽及布衣海月投綸秋竹遠林  
霜吹劍夜花飛茫茫天地看生計越嶠吳山各  
寥寥閣全集卷二十九 士

采薇

劇藥尋僊事豈疎名山依舊四明居丹房自下  
歲粧鑰玉笈兼揆宛委書芝蓋如雲驅赤豹蘭  
沙成霧駕神魚郭美命云寂寞中寫出神奇語烟煴東海求靈  
氣渺欲攀援八景輿

龔子勤自嘉興守擢參浙省駐節金嚴奉

寄二首

爲郡風流似汝稀衣冠鄉里有光輝著書近識  
咸玄草參省遙分出紫薇虎豹文章還並發蛟

龍羽翼漸高飛采風幾處褰帷去明月千山緩  
帶歸

部內江山是與區定搜遺事歷崎嶇雲林叱石  
逢僊客星瀨披裘問釣徒大有土風書越絕能  
無歌詠憶吳歛故鄉寥落扁舟客浩蕩鷗羣在  
五湖

寄潘士遠于蕤都

紫禁平看接紫薇遙聞寓直向彤闈尚書日給  
長簪筆侍史寒添入直衣護殿雲深龍語出繞  
池風起鳳毛飛致身漸逼三台上肯逐天南望  
少微

吳姬年十五爲馮元敏賦贈內人

吳姬十五嫁前谿樂府翻成手自題持檝揚歌  
津吏女上堂挾瑟侍中妻花藏寢室流蘇暗山  
擁粧樓翠黛齊每起校書臨鏡早催人不恨汝  
南雞

王伯固云盧家少婦之次

聞周國雍以順慶守擢建昌兵備進平西

南夷遙寄三首

總爲征蠻武功翻從化蜀借文翁浸浮黑水  
蒲江盡懸度青天熨道通窄馬全教歸漠北竹  
王那許擅南中乘邊更欲開新郡露布先飛入  
漢宮

使節馳驅拓地寬遠隨飛矢過且蘭熨童轉習  
軍中樂漢法新彈柱後冠貢賦千山開險阻輜  
車五道失艱難孤縣萬里豺狼窟已作堯封赤  
縣看

渡瀘無復瘴紛紛詞藻長飛五色雲帳下新聲

黎黎閣全集卷二十九

七

橫吹曲馬前雕管檄蠻文搜荒暫借青羗卒清  
壁深移赤甲軍自分書生跡劍術却思長揖遠  
隨君

潘大司空起拜御史大夫再督河漕奉寄

二首

徵書新起大司空再歷宣房舊築宮芻粟轉輸  
關國計漕渠疏控見神功河源爭謂來天上  
水勢齊驅入地中秦日豈須論鄭國周年何忝  
拜毛公

蘇子悲歌似漢家老臣寧許久懸車鑿渠昔見  
傳龍首開府今仍建虎牙淇苑秋雲分捷竹金  
隄春水下桃花從君儻許尋源去斗畔重占犯  
客槎

古意新聲十首

有序

世爲七言近體者效法於唐取材櫛字上者  
神龍下迺規規大層至于漢魏古辭若弁髦  
之矣余讀古樂府愛其語直而真情婉而切  
時發豔辭終無雕繪其猶存列國之風乎竊

黎黎閣全集卷二十九

古

取其語意漫爲時體名曰古意新聲苟云善  
用孰謂古今異宜哉存之于集是亦不廢鄭  
衛之意歟

城南壁月照屠蘇丙夜烏啼尾畢逋安坐丈人  
憐小婦當壚女子重前夫河邊不解思青草天  
上空傳種白榆爭似雙雙花底宿流蘇羽帳枕  
珊瑚

銀鞍朱絡柳條鞭綵繡青帆桂樹船東岸碧枝  
何纂纂蓮塘綠葉乍田田妖姬壚畔年三五斗



酒尊中價十千日日長千遊戲罷夜深還在狹  
邪邊

破瓜期嫁執金吾歌舞工來冠上都自叙小家  
輕碧玉盛誇貴婿羨羅敷五絲履下連煙繡七  
寶幃中妬月珠解笑河間貧姹女數錢朝暮獨  
當爐

情人不自怨天涯泣盡鮫珠綴臂紗暮日西洲  
鳥曰樹春風南渡白楊花遙傳公府盈盈步恐  
落錢塘小小家秋夜獨長君不見年年白露變

麥麥閣全集

卷二十九

五

蕖葭

芙蓉錦幔綠雕窗碧水瑤池汎綵艘畱著茗華  
移夜帳催教桃葉渡春江徘徊鴻鵠千餘里羅  
列鴛鴦七十雙北斗橫天絲紉繫凌波朱火爛

金釭

璇室新開覆井梧赤綈衣壁柱金塗秦家桂樹  
鳥生子趙氏椒房燕引雛寶帶解懷珠襦祿鈴  
盤罷舞錦璫瑜阿侯待作中郎貴金絡生光滿  
路隅

正室高臺發艷時春煙微動合歡枝秦年畫扇  
乘鸞女漢日珣弓射鳥兒四角流蘇坐七綵中  
心錦帶結雙絲可憐暝暝橫陳態海水天風總  
未知

鬱金霍納間都梁紫氣高飛五木香堂上絃絲  
調少婦道傍金絡返中郎冰簾珠綴招涼館雲  
帳燈懸不夜房自秘樂方傳素女由來天老教  
軒皇

別院高高十二樓相携同坐復同遊蘭池對浴

麥麥閣全集

卷二十九

六

鴛鴦水桂箔雙攀翡翠鈎宛轉柔情金繞指參  
差醺態畫搔頭張星夜夜天河上不作東西溝  
水流

柳條門巷接金隄獨鴈羈雌夜共啼西北高樓  
蕩子婦東南孔雀吏人妻蓬飛日日清塵路藕  
落年年濁水泥不若邊關行戍客書歸猶報在  
遼西

東家曲

牽袂經過路狹邪市中驚立見羊車南隣曾是

王昌婦西舍元連宋玉家芍藥春留持贈草合  
歡夜作受憐花願修共命西方鳥不羨仙山萼  
綠華

相望曲

同時同里住平原相望相憐隔短垣心拔菴苑  
終不死目成桃李只無言綠珠墜後悲金谷紫  
玉歌殘怨墓門爲語名園花發處莫教春水出  
僊源

寄懷徐汝念岳伯時聞虜警方息

寥寥閣全集卷二十九 七

寒雲南浦慘離顏一隔波濤斷往還再擬天中  
瞻四嶽何殊海外望三山秦人警罷猶支枕吳  
客春深獨閉關莫笑謝公輕自出終煩小草濟  
時艱

寄懷楊懋功使君

罷歸名郡挂塵纓爲樂憐君薄宦情宋玉未  
忘楚辯楊家本自善秦聲高懸西日心難下遠  
托南雲夢獨行問字扁舟思載酒三江風浪若  
爲平

寄豫章諸王孫

星彩天潢燦獨明詞章秣苑鬱同聲騷經每爲  
憂時著鴻烈母勞待客成珍木夜藏華館密朱  
華秋冒綠池平無能再奉忘疲讌涼月清雲總  
繫情

陸元德新居成

東郭蕭然卜築成閭閻車馬有逢迎燒畬種秫  
偏臨市疏牖看山半隔城早晚牆頭過濁酒醉  
醒石上寄浮生亦知風俗非吾土垂老其如避

寥寥閣全集卷二十九 十八

世情

輓顧汝和祕書

汝和以佛日生

侍從 先朝傍御筵曾聞簪筆鳳池邊圖書藜  
火窺中夜花石蘭林送晚年出世久知同佛日  
化生今想住人天若逢帝釋參香案只謂重經  
祕殿前

江進卿侍御自南臺移入北臺甫至旬日  
遂卒余哀而哭之

詔徙臺臣近日邊神羊遙去秣陵天乍從燕市

乘驄日却是長沙賦鵬年南北封章傳闕事春  
秋筆札罷全編侍御以麟經名家長安忽散清霜色悽  
斷青門薤露篇

蕭然廉吏遽玄廬一室空留海上居午夜劇知  
焚諫草清朝虛遣問遺書陰風暮壑移丹旆  
靈雨秋原哭素車一劍向君懸龍樹青雲從此  
結交疎

輓朱貞吉王孫

操觚詞客氣爭高翻羨王孫著述勞已向秣林  
蓼蓼閣全集卷二十九 九

成說苑曾憂宗國賦離騷舟移夜壑埋玄鬢哭  
斷春雲散綵毫後有千年身後事一經傳業在  
兒曹

蓼蓼集卷三十

東吳俞安期羨長著

橋李李新枝子木校

七言律詩二

庚寅元日立春寄京師故人效神龍體

寶曆難逢四始辰辛盤栢酒竝紛綸寒迴玉陛  
千官入水解金河百戲陳在野近聞鳴雉日縣  
門遙想磔雞晨颺然蘋末條風起元會思清輦  
路塵

蓼蓼閣全集卷三十

春日病起得宗侯芾斯父子書問并詩

榆柳林扉午自扃春風穩卧入沈冥書來朱邸  
開雙眼病起青山奮獨醒不廢賓僚長授簡有  
時父子自傳經何能更弄天孫杼雲錦連翩落  
紫庭

歐陽子奇來陽羨得朱宗良書

一騎西來自楚州遙將玉札問林丘書成中壘  
誇新序事過南陂憶舊遊雲漢夜光垂石戶魚  
龍春信動江流鷁雛但戢文章羽縱設虞羅不

可求

奉同萬大宗伯登通真觀文昌閣

肅穆珠庭擬絳晨迴攀霞閣望瑤津司文北斗  
瞻星帝典禮南宮對老臣城上亂山千澗雪窗  
中遠樹五湖春草堂背郭居新卜咫尺仙家幸  
結隣

徐學士卜居來陽羨

向聞持橐侍金闈何意遷家共畫谿我自殷憂  
耽僻壤君胡心事到幽棲朝廷未許捐魚佩

麥寥閣全集

卷三十

二

歲月虛煩著馬蹄秘典若藏三洞穩龍威也過  
五湖西

題蔣司農數峰樓次韻

望闌朝暮白雲流信美登高可共畱總說大夫  
能作賦還同僊侶好居樓嵐飛紫翠窗前辨峰  
落芙蓉掌上收西眺更疑臨佛土青螺如髻滿  
城頭

送路司農考績北上

鬱鬱炎塵送客車水枯帆影斷河渠空江未雨

芙蓉老遠道先秋草木疎仙吏度支猶漢日黎  
民苦旱似周餘艱難歲事看如此災祲須君一  
上書

得陳玉叔廷尉書并寄雙龍篇

列卿如月迴縣空末世偏高下士風好我傳書  
來谷口勝他結襪向廷中雙龍羽翼成新草獨  
鶴音聲起爨桐築室轉期巖壑穩嵇生未敢絕  
山公

書中致築  
室陽羨意

陸元德草堂次韻再賦

麥寥閣全集

卷三十

三

睥睨雲霞覆草廬瀼西不減少陵居禽言木末  
閒相譯龍性尊前老莫除芝熟青田平帶郭花  
臨紫邏曲通車墻東弔古披榛莽竹素應窺汲  
冢書

草堂東多  
古冢在焉

吳惟範見贈遷居之作次韻奉答

移家猶自傍人門白首菟裘未可論隔水樓臺  
多在郭過橋楊柳別爲村雉依大澤神應王駿  
老長途骨僅存所向孤心何可托死生惟仗一  
青樽

登銅棺山絕頂遂宿茅庵

懸崖窟遠登攀身入煙霄進履閒水乳近窺  
三洞雨金庭遙辨五湖山銅棺仙塚雲連峽寶  
地禪居石作關明月雙池龍自出相隨午夜弄  
珠還

送徐公望學士還朝

南紀分茅轉使槎病來離墨賜移家青山起色  
逢瑤草玉署趨班直禁麻漢殿長懸雲五彩燕  
雲初拱日重華陽春萬里回新令十月行看樹

麥麥閣全集卷三十

四

樹花時有解網之令

金閨持橐有司存出入從容步掖門紫氣臨池  
宮日動晴光隨仗禁花翻石渠史職書堪定虎  
觀師臣禮自尊近事分題多應制 聖人長日

幸詞垣

寄梅禹金時方法曹將過禹金托問沈太

史遺書

三禮憐君伴索居席門蕭瑟斷行車出廬定倒  
中郎屣遺篋應求太史書失影關山悲斷鴈時

弟之戚過河風雨泣枯魚儻憐同病能相問  
骨那支涕淚餘

西林送安緒卿遊南都分得松字

長歌揮手出雲松落日前山路幾重艷曲後庭  
聞玉樹空江西涉采芙蓉亦知裘馬時稱俠肯  
使功名老漸慵遙憶西林池草夢幾回驚斷白  
門鐘

鄒彥吉使君招過梁谿時使君以上計事

畢暫爾南歸

麥麥閣全集卷三十

五

尺書西下獨相尋月照孤蹤出舊林春水携舟  
雙槳入夜堂懸榻一燈深論非堅白卑齊辨歌  
有流商和楚音可似郝家能置宅 主恩不少  
賜廻金

送安小范行人奉使還朝

水綠芙蓉接遠汀坐來秋色滿津亭離絃操曲  
悲徂日故里乘槎轉使星香氣想趨三殿紫雲  
陰隨渡九河青修詞羨爾無文苑載筆時時直  
帝庭

題鄒彥吉閨四首

一官輕棄遂滄洲飛閣懸居宛上浮老去欲藏  
玄草處卧來聊托赤松遊天移虛壁繁星過日  
隱疎簾積氣流最是高寒人不信但教六月上  
披裘

棟花迴照石梯閒曳屐時時迴獨攀下視煙叢  
臨水市西來雲氣隔城山挾僊累月長留駕避  
客中天不掩關枕簟虛疑露濕冷明河清夜落  
潺湲

麥麥閣全集卷三十

六

東南孤眺入吳天遠勢盤迴卷幔前夕氣巧成  
連海市春雲微辨汎湖船山圖挂壁芙蓉綠野  
服憑闌薜荔鮮連客憂時仍北望騷人落日自  
高眠

高高畫檻離風塵坐擁雲霞此寄身豈謂山中  
歸傲吏翻教天際見真人蜃樓遠近看雙立絳  
氣朝昏與四隣郭外春流橫繞樹似從析木眺  
四津

九月十日馮元敏學憲邀同虞質夫汎舟

金閨城下

樓臺兩市夾清流萸菊殘尊坐汎舟曲似榜人  
歌鄂渚酒仍使者送江州波紋綠寫秋衣動雨  
氣涼翻夜幔浮引接縱隨鷓鴣鷺羽鷗鳬只在水  
中洲

送鄒彥吉備兵嘉湖

法冠好去漫逡巡吳越封疆若比鄰右武暫嚴  
南徼戍左遷猶領外臺臣時情直道知音少歲  
事關心下淚頻願假霜威作霖雨江河六月能

麥麥閣全集卷三十

七

揚塵

旌旄觸熱且臨岐出處於今莫自疑汝笑野人  
翻勸駕予知使者正憂時菰蘆早按湖南郡卉  
服時防海上夷處處流亡都滿眼病夫行乞更  
何之

贈李叔玄計部

時分司吳關

漢家國禁重關門仙吏舍香出省垣豈少舟航  
通水市更多賓客向平原仙曹日與滄洲近山  
色天垂白石尊遮道不須畱紫氣聞君自著五

千言

贈王良父別駕順父行人

接羽青天雁影高  
烏衣冠蓋總仙曹  
使臣故里新持節  
別駕名邦舊佩刀  
並美鄉評歸月旦  
同聲歌曲近風騷  
湖干誰道雙珠出  
直吐清輝照綵毫

魏塘舟中夜飲鄒彥吉兵憲惠山泉酒因讀其新著出山草

樓船東下水縈迴  
風裊旌旗夾岸開  
小隊偶乘

麥麥閣全集

卷三十

新月出上尊還自故園來  
微霜夜劍寒初動  
亂火春流暖欲回  
誰道軍中翻握管  
饒歌吹曲有新裁

訪李祠部舍之

元禮龍門到自難  
奮從縣水問湖干  
覆塔樹色看仙李  
入握花香憶省蘭  
城踐青山寬市隱  
鑪炊絳雪飽晨餐  
波臣幾歲投滄海  
多少珊瑚挂釣竿

奉同龔參知集顧學憲諸賞園

名園同問辟疆過  
解帶幡然挂薜蘿  
竹裏行庖全野饌  
花間高唱雜農歌  
危丘壘石開蒼嶺  
曲沼浮舟轉綠波  
風起泠泠清嘯發  
遙傳鼓吹出林多

屠長卿明府邀集二陸先生祠

花擁高筵白玉盤  
一尊坐對晉衣冠  
同時賓主狂相倚  
異世風流好並看  
水抱郭門通日氣  
雪融林鳥變春寒  
月明還聽華亭鶴  
露下高天夜欲闌

麥麥閣全集

卷三十

九

聞李本寧來不疑汪仲淹遊洞庭山余候之吳門先寄此詩

龍威何日遠邀君  
藜杖東來叩紫氛  
共向金庭過綺里  
誰從玉宇辨靈文  
山形全墮蒼茫水  
峰磴高盤縹緲雲  
縱是相逢能把臂  
煙霞吾恨不同羣

李本寧來不疑汪仲淹結爲汗漫遊比至吳中而不疑仲淹先別西歸余携歌人餞之虎丘分得裝字

同裏煙霞萬里糧秋風有客自懷鄉  
夷始問三江艇禽向先歸五嶽裝  
尊酒斯須愁短日篋哀苦泣微霜  
青山抗手尋常別纔入中年也自傷

朱在明谷與園

薄宦清時自乞休煙霞五嶽是菟裘  
竹藏溪徑通飛棧沙圻清池散汎流  
騷客衣縣香草佩美人歌上木蘭舟  
芙蓉一一青堪數隔水羣峰半在樓

麥麥閣全集卷三十

十

陳明府招飲同李本寧王承父葉茂長朱

在明賦明府以侍御謫靖江

過江名士忝相隨遂有平原十日期  
召對未逢前席夜風流轉見左遷時  
江雲變雨寒能劇海氣成樓晚自疑  
沾濕不須愁路滑花封扶醉任歸遲

朱在充園亭與李本寧汪永叔諸君飲

蝕劍殘書飽共看江鮮海錯細加餐  
飲稱名士曾何忝禮到潛夫好自寬  
月樹迴廊煥晚綠雲

華錦石媚秋寒百年大隱真堪托  
恐爾滄洲未安

登靖江孤山同李本寧朱在明王承父葉茂長分得浮字

飄飄飛蓋躡仙丘衣鳥雲扶笮上浮石  
削孤峰懸海色天低廣野抱江流  
人煙疎濶窺千室文字虛無記十洲  
欲破鴻濛高出世翻然長御九花蚪

遊龍井

麥麥閣全集卷三十

士

嶺入風篁響漸聞高低池井剖神斤水如龍  
吐時時雨石學鵬飛片片雲亭榭倚巖行  
屢曲江湖出樹望重分驪珠掇取歸堪照  
松燎何煩向夜焚

遇雲中使寄吉懋初于威將軍幕中

帳前草檄故紛紛誰似陳琳五色文  
但曳短衣稱上客不妨長揖重將軍  
幕南巖黑燒原火馬首蒼黃出塞雲

王伯固云十

四字燕然碑聞道月氏新入貢

蒲梢西北自成羣



初入黃州雜述四首呈龍君揚府君

四塞風煙積暮陰相逢蹤跡轉蕭森  
半生薄宦淹吳服一別哀歌變楚音  
江漢蒼茫孤憤日河山迢遞異時心  
平生不爲銜恩事誰遣巢由出舊林

西來行路更多憂風浪荒江日夜舟  
痛定尊前重涕淚居依廡下失窮愁  
擘衣慰藉形容苦執轡逢迎禮數優  
勞問移家尚蕭瑟空將盡室寄他州

麥麥閣全集卷三十

三

澤國湖田也自寬變來滄海入波瀾  
隱居天地非全定歲事東南未忍看  
杼軸村村隣婦哭萊蕪日日野人餐  
荒涼眼底愁如此辛苦朝昏菽水盤

慷慨酬知意豈平三年空談何所成  
廣門徒食白驢肉延瀨未起蒼龍精  
小人有母敢輕命壯士非時且避名

郭美命云千古賞心王伯固云詩中荆高

把贈寸心又自見照君一片秋霜明

樊山懷古

雲嶺寒谿九曲通青山欲盡小回中  
高江直瀉巴渝水絕壑深含鄂渚風  
謝客乘春陪廣宴吳王銷暑築離宮  
試看卓犖詩名在未擬虛無霸迹同

答劉元和元成兄弟招遊麻姑山兼寄丘

詩之聞謙之買燕姬常以琵琶佐酒

何自浮蹤動遠聞漫勞兄弟憶同羣  
人停邾子城頭騎書寄麻姑洞口雲  
黃鶴旋呼千里駕青山敢托五游文  
欲聽秦女箜篌曲一爲風流報

麥麥閣全集卷三十

三

使君

龍君揚有備兵督學辰沅報期余同往志

喜

南徼炎塵萬里臺霜清使節藉君來  
戍連谿洞多蠻部士得黔巫亦楚材  
儒術能兼司馬法主恩寧負樂羊才  
書生尊俎論兵事趨走今看幕府開

同龍君揚赴沅州奉寄吳明卿先生

西南群盜自兵戈漢將征蠻選士多飛羽每來

繁瓠壘揚舲直犯洞庭波身同王粲從軍去計  
失侯芭載酒過登座期君殊不遠災方那得久  
蹉跎

登漢陽城迴眺江夏

百雉孤城氣鬱葱傍臨虎窟下蛟宮山臨大別  
荆襄盡水落前江漢鄂同隔岸旌旗分設險異  
時寇盜敢稱雄也知方召經行地今古猶存式  
辟功

寄周國雍使君於蜀郡

黎黎閣全集

卷三十

古

嘉陵新領虎符年循吏西來事已傳神雀郡門  
長自下石犀江岸老仍眠天橫雲漢孤城上山  
擁岷嶓卧閣前不藉王褒供筆札中和輪爾賦  
新篇  
有客風塵尚轉蓬舊遊虛望秣陵東漁樵未穩  
他鄉業詞賦偏遺末路窮山憶青城通塞外地  
稱天府接秦中尋君辛苦西行夢鳥道千盤入  
遠空

遊君山

青螺盤水半沈浮路入重岡曲自幽樹挂蛟鼉  
垂北渚山迴煙火隱中流登臺一去軒皇駕鼓  
瑟雙逢帝女遊僊酒長生聞不斷孤亭留醉乞  
千秋

懷方子及時謫滇南鹽官

一辭藹省動經年疲馬長驅萬里天漢女蛾眉  
同輦妒楚臣芳草異鄉憐謫居敢怨監鹽井領  
郡應須乞酒泉竟夢蒼茫愁遠道夜郎西去總  
蠻烟

黎黎閣全集

卷三十

五

送李郡丞傳長沙

雞肋功名未可論風流何異在梁園除書左史  
官非薄儒術諸王禮自尊哀瑟月留湘女怨荒  
祠雲泣楚臣冤莫因懷古悲蕭索前席他年是  
主恩

谷余伯祥太史見懷時有妾傳余仕楚者  
併爲解之

片片飛雲錦字章直煩千里問行藏身留蠻服  
非他事書托名山任異鄉豈爲執珪來仕楚敢

同太史學浮湘長林猿鶴今休怨依舊山人向  
草堂

偏崖洞

百盤高下路逶迤欹磴橫梯遠漸疑石迸瑤漿  
寒自結雲扶玉柱巧相支風雷秘戶藏今古花  
木懸崖識歲時試覓井公期六博雲房深黑渺  
難窺

得龍僉憲五開提音

黎平忽報凱歌還飛馬西來露布傳羣盜孤城  
寥寥閣全集卷三十

大

聞散欵諸軍左部罷乘邊衣裳風變蠻中日堡  
戍天清戰後煙試問功懸銅柱上何如車騎在  
燕然

客沅州寄歐楨伯工部時龍使君新平五

開

輦鼓西南不可聞腐儒新逐伏波軍五谿幸罷  
龍櫛卒二酉因窺鳥跡文永夜刀環驚漢月經  
時旅服傍蠻雲一從吳市逢歐冶看劔於今苦  
憶君

龍憲使邀同馬明叔宴集兵書樓有作

陰符檢點藏書地使節逢迎好事名誰謂褐衣  
雙揖客也從尊俎一談兵山坪通市人煙古夷  
部歸農戰壘平落日射飛看列校黑鷗連墮郭  
南宮

時樓下黑鷗飛  
集益南方所無

大酉山有周秦藏書  
室鍊丹池

僊山窈窕五谿連遠憶周秦壤最偏石室遺書  
猶辨竹丹池靈草盡成蓮高封曲抱歸雲嶺陰  
洞中盤赴壑泉夙咎異人期儻遇飄飄鴻駕想  
寥寥閣全集卷三十

七

乘煙

小酉山

煙霞猶護石門廬蠻服曾開遜世居山著圖經  
歸漢日書窺史籀避秦餘谿流竹箭巴黔水星  
撲蓮花翼軫墟習隱千秋風自古山靈儘許寄  
樵漁

桃源洞

廣原幽蔽亂山叢洄遡靈源谷口窮泉掛巖雲  
封礪戶林藏煙火抱仙宮村墟花木非秦日里

巷農桑共楚風  
鷄犬可堪稱隱地  
輪蹄早晚石橋東

奉訪吳明卿先生

以下丙戌再入楚作

吳門相失恨無期  
楚國今來喜自知  
縱苦地遙非異域  
卽嫌生晚亦同時  
倉皇入坐身宜健  
顛倒披衣拜轉遲  
夢裏逢君猶昨日  
形容差老漫驚疑

玩世曾聞起衆猜  
揮毫誰復妒君才  
卽干星象天仍縱  
遂剖鴻濛夜漸迴  
仙第似從雲際出  
客

麥麥閣全集

卷三十

十六

舟非爲雪中來擬將變響  
吳儂曲遠和離騷楚客哀

初至吳明卿先生北園而先生父子載酒

來集同丘謙之熊惟遠賦

名園偃息藉君留  
倒屣仍來共客遊  
問渡遠携新甕酒  
看山徐放曲池舟  
雲林障日淫陰動  
石洞含冰積乳流  
醉卧儘教移枕簟  
晚涼先據竹深樓

過下雒不過方仲美留寄一首時仲美遊

襄中

遙傳盡室寄江干  
相過題門慘不歡  
遠去卽襄爲客久  
怪來吳楚識君難  
漁樵轉自謀生闊  
妻子深知習隱安  
不分滄浪湖上月  
柳條虛繫舊綸竿

寄王行父

西行已入楚江灣  
一夜鄉愁遂憶還  
舟楫未能過鄂渚  
池臺虛復想柯山  
窮來傲骨終難變  
難後朋情苦自關  
近事仍悲南海戍  
幾時天遣罷

麥麥閣全集

卷三十

十九

愁顏

遊吳昨泛五湖船  
江上曾煩郢曲傳  
總爲校書留馬隊  
遂無題字報魚箋  
蹉跎事失要君日  
生死恩深歛母年  
雙眼豈堪懸碧血  
至今揮向楚西天

黃省吾侍御以抗疏謫判興國寄之

一封遙自蘭臺入  
半刺翻勞楚澤行  
驄馬步工猶謫籍  
麒麟事往總虛名  
寧論宦跡終遲暮  
實君恩自聖明草莽也知憐  
直道青雲敢附

結交情

追至潤州遇吳明卿先生因同入楚

辛卯年作

白馬婁東悵未隨青尊江上幸如期倉皇小艇  
來何遠檢點貧家出較遲花擁雲山深握手月  
臨潮海靜談詩吳飲楚曲旋相和鄂渚荆門任  
所之

陳清父明府吳祚虞太學携妓再泛邗江

同吳明卿先生陸無從夏玄成吳叔嘉

吳臯倩賦

麥寥閣全集卷三十

壬

僊舟晚放興猶新海氣涼吹麴米春河曲仍多  
陪乘客波間復遇采珠人江通蜀井開蒼嶺樹  
老隋堤覆綠津醉卧風前還卷幔飛來鷗鳥狎  
綸巾

吳孚可長公招飲湖上草堂畱贈

吳翁短髮垂肩黃邀我痛飲湖上堂禮數真如  
古人古酒杯浪許狂夫狂渚魚沙鳥共心事青  
菱綠芡資餽糧相見母煩問出處釣竿不挂蟠

谿璜

王伯固云  
字字珠

立秋日王伯固邀遊赤壁

絕壁樓臺擁石城高標何異赤霞生過江嵐靄  
樊山色喧浪魚龍鄂渚聲秋至風雲催作賦時  
平天地罷談兵青尊綠醕臨流醜落日哀哀弔  
古情

贈郭美命太史

扈從頻年侍翠華直廬通晚聽官鴉帝尊虎  
觀諸儒學人識龍門太史家給札工裁中秘草  
含毫潤吐上春花名山盡發藏書室惠子何能

麥寥閣全集卷三十

壬

負五車

題郭美秩孝廉觀日樓

曜靈五夜上樓臺憑檻先驚曙色開乍有金膏  
浴海動忽如萍實楚江來繞庭華萼傾相向出  
幔雲霞捧欲迴下見層城宮闕近翻疑日觀倚  
蓬萊

寄方子及學使於滇南

書札三年泣斷鴻人傳文教日南通蠻王旋服  
儒生禮漢使能迴異域風漳樹出關寒自綠棘

花迎響晚仍紅江鄉搖落君寧見肯信悲秋楚

賦工

寄李本寧於中州二首時數招余不及赴

徽省分開建節同坐參方嶽亦稱雄名隨河水

通天外身與嵩山表地中玄酒也應酣累月不公

飲善神斤遙想運成風提封萬井周南境畱滯終

憐太史公

停雲聞說望天涯風卷旌旗每罷衙無件繞牀

呼五木有時解帶坐三花平臺白雪梁荒苑苦

寥寥閣全集

卷三十

三

縣青山爾故家莫是野夫遊屐嬾秦庭客禁在

煙霞

贈熊幼達移居明月橋

移居近傍石橋煙明月驪珠夜並懸四壁湖流

元故宅幾車竹簡是新編蒼蚪吟卧探深窟黃

鶴翻飛見遠天怪爾貧家能供客賣文長付酒

胡錢

寥寥集卷三十

寥寥集卷三十一

東吳俞安期羨長著

校

七言律詩三

塞上五首寄汪司馬伯玉先生

塞垣高築切雲霓烽燧驚聞斥堠迷未遣漢師

犁漠北浪招虜騎牧關西三秦士女移旃帳百

二河山入鼓鼙更說洮州損諸將可容無罪問

羌氏

寥寥閣全集

卷三十一

一

佛牙每說迎西域虜道長聞借肅州誰遣單于

通右臂遂煩飛將射旄頭六師塞外難憑險五

郡河西獨隱憂縱馬放牛非往日居延龍勒早

防秋

夜傳毳幕寇西涼朝輦金繒委朔方既有羣胡

看太白寧勞諸市貢飛黃郭美命云二語具世變江南輓

粟輸垂盡塞上屯田事太荒今日乘邊休浪議

安危須問趙平羌

先皇套賊未曾搜竊土犁田古夏州千帳依憑

元內地幾人憂患自西鄰虛誇積甲齊熊耳誰  
議稱兵飲虜頭會牧昨聞通外援可堪肘腋據  
旃裘

往時君有籌邊議九塞中懸十萬師馳去直清  
胡部落敵來分應漢旌麾遠耕牧地軍儲入漸  
逼窮荒虜帳移早遣廟堂諳至畧天驕今已哭  
燕支

王伯固云五詩直是一代鴻音急  
誦十過可當十政平章軍國重事

登黃鶴樓并序

司勳之詩供奉推服蓋緣調合不覺心傾後

寥寥閣全集卷三十一 二

來耳食遂廢題詠余登茲樓懷僊吊古則俛  
仰千年馮負矚遐則迴環諸郡亦稱鉅麗之  
觀及諷白雲黃鶴芳草晴川之句成聲則優  
取景微近蓋俊逸有餘而沈雄不足者也竊  
排衆議爰賦八言自謂頗極才情兼抒實際  
非敢掩美前人聊免閣筆今日爾

重樓迴望楚疆分仙駕經過久浪聞東陸蒼龍  
低竝照中天黃鶴渺難羣江流高漲三巴雪山  
勢深盤七澤雲不分登臨爭罷賦筆干星象故

登晴川閣

東來黃鵠隔潯潏夾岸樓臺控楚關隱浪魚龍  
江上宅繞城雲雨漢南山波神向夜聞歌入遊  
女乘春解佩還飄泊總憐形勝地故園明月阻  
刀環

登大別山

孤嶂橫開楚甸雄西來江漢望初同梁城近識  
憑岡成禹廟長懸導水功廣澤漲煙雲夢火遙  
寥寥閣全集卷三十一 三

天落木洞庭風青山亦有朝宗意千里猶然拱  
祝融

逢鄧震卿給事

侍從名縣玉筍班拂衣老學赤松還飄飄爭擁  
仙人駕邂逅真開旅客顏鳥下濤聲漢陽渡袖  
中雲氣木陵山長途蹤跡勞相問浪有詩篇落  
楚關

中秋月夜同鄧震卿王行甫任山甫黃契  
甫張公覲程仲子集丁元甫東園時其

弟達甫子方平在坐分韻得歌字

明月關山秋半過綠尊綺席坐藤蘿經天銀漢  
光全澹委地金波冷漸多入座吳趨留汎瑟滿  
堂楚豔進成歌淹淹長夜思耽飲星斗闌干奈  
樂何

陶使君于邵內人有寵忽舉雙子代贈此

章

盧女紅妝下石城若耶谿畔蕩舟輕月明鮫室  
珠雙出水淥蓮房子竝生堂上免教歌挾瑟花  
寥寥閣全集卷三十一 四

間私遣坐吹笙登樓驕殺看夫婿南陌光輝五  
馬行

聞君霖王孫刻六書樓稿附余倡和詩却

寄

聞道新書世已傳吳歛同向國門懸時名敢恥  
居王後客禮曾煩讓歎前五里洪厓窺早霧千  
峯匡阜立秋煙仙庭帝座追隨地長憶逍遙杖  
屨年

酬鄒彥吉督學喜余至自荆谿之作

文學兼稱執法臣向來避客好誰親直令張楚  
無遺士乍喜浮湘有故人猿鶴豕山空蕙帳煙  
霞名嶽上綸巾行藏敢作干時計老合花源著  
隱淪

送舒崇孝黃門還朝

三年善病卧林扉侍從仍還舊瑣闥身伏青蒲  
論國事班趨玉筍近天威桂宮實望皇儲  
定榆塞須令虜帳歸周道逶迤行莫緩聖躬  
聞說尚宵衣

寥寥閣全集卷三十一 五

答任白甫見寄時白甫方憂居郊外

讀禮仍勞慰旅途新詩滿握是秦珠豪疑東海  
任公子愁類湘潭楚大夫秋塞煙塵驚獨鴈晚  
林霜露泣棲鳥憐余不耐天涯淚鷄骨干今病  
未蘇時余亦抱  
先君之戚

訪鍊之王孫

詞林江漢爲君開朱邸能容曳履來結客頗聞  
公子俠著騷翻類逐臣哀湖流滿郭花間艇山  
色當庭竹下杯今日相從遊宴地賦成那數舊



蘭臺

贈張公觀孝廉

閉戶頻年著賦勞，開厨醉客興仍豪。  
清觴飛去無停羽，綵筆含來有腐毫。  
駿馬歎沙黃澤遠，蛟龍跋浪渚宮高。  
何能忝竊稱名士，痛飲從君讀楚騷。

同鍊之王孫山甫別駕仰父山人小集戴

安父客舍分得看字

鷄黍邀人共旅餐，清尊相對竹皮冠。  
歌同鄂渚鷺鷥閣全集卷三十一 六

逢王子地似遼陽，避幼安城樹連山。  
垂暝色江雲拂座落，秋寒楚鄉信美憐。  
風土松菊何如故里看。

贈丁達甫武闈得雋兼簡元父兄

國士掄材細柳營，輸君校藝復談兵。  
劒離雙鞘龍交舞，矢入三侯鵠屢驚。  
籌去幕南無虜帳，身當塞外有長城。  
何家兄弟看俱美，第五堪齊驃騎名。

立春日陶懋中使君邀集衙齋同王行父

朱仲良詹淑正王時鳴王元執賦

飄泊中年旅思驚，霏微江國見春生。  
歲時舊事荆人記，賓客辛盤傲吏情。  
水怪龍蛇蘇凍色，陽林鳥雀變新聲。  
孤亭壁上重移席，絕似霞標坐赤城。

使君郡齋後構壁立亭正當赤壁之上

送郭美命太史還朝

輶車天上赴彤庭，帝簡師臣署御屏。  
定向羣儒頻奪席，豈如五鹿浪談經。  
周廬霽月煙花紫，馳道春雲禁樹青。  
宮府天容開講幄，台垣珍重

鷺鷥閣全集卷三十一 七

護前星

安小范擢禮部郎遙有此寄

一官蘭省入鵷行，議禮哺時下建章。  
可似中郎能倒屣，定令小婦識含香。  
賜酺帝里陶嘉月，侯祀園陵警薄霜。  
今日桂宮無羽翼，清朝何計佐垂裳。

新題

東南日出照氤氲，流映華疏五色文。  
香濕寢幃經峽雨，影懸妝鏡下秦雲。  
漢皋珠佩羈遊客，陌

上瑤筆謝使君長恐歸風吹欲舉雙瓊暗繫越羅裙

答王元執人日見懷之作

郵筒渡江光陸離王郎憶我題新詩隔年歡宴但夢想一月滯淫殊苦悲驚雷迸電候太早同雲急雪春故遲陌頭遊騎久待汝安得霽色臨花時

訪郝仲隆于李坪仲隆與余別十年商隱

坪上工聲詩精內典賦此贈之因懷王

寥寥閣全集卷三十一 八

仲修于壚頭社

十年商隱獨稱廉頌酒耽詩興轉添盧女乞書金縷曲楚傖解問水晶鹽蘭枝采罷紛成佩貝葉繙來自下籤東去壚頭懷舊侶春江花月夢青帘

齊安逢胡伯良酬贈

讀汝殷詩屢歲華相逢乍對楚江花客山書就司蒼水絕壁尊開坐赤霞有宅尚遺林屋洞無仇也傍魯朱家

伯良故家吳之包山向肝腸共依朱子得兄弟居滬水

仙鄉事城月娟娟過白沙

寄甘子開法曹

惠文柱後擁崔嵬彈壓三登內外臺謫籍忽投青嶂去法司仍領白雲來煙花南部晴相望涼月西清晚自開隱吏蕭閒曾不惡行吟莫抱楚臣哀

得何仁仲宮詹燕中書

梅花驛騎忽南還宛轉題書涕淚間官比貲郎殊得意君因時事却愁顏內廷苦憶商山老

寥寥閣全集卷三十一 九

東府虛隨法駕班千里停雲予北望也飛秋夢入燕關

入楚經年不及訪劉長欽於漢東寄之

飄泊西來旅思驚芳皋重見柳條生芙蓉結屋秋江住桂樹爲舟夜雪行紫氣不過湏口渡華星長望漢東城白門可憶啼烏處花底銀筆泚曲轂

寄李本寧

一疏聞君解綬還比來近事屬諸艱殷憂長夜

應支枕善病清時獨閉關誰遣玄珠亡赤水  
容秘典在青山遙空搔首過風雨萬里蕭條灑  
涕間

遇溧陽祥雲寺通公施藥齊安時諸長者

子結寶慈菴居之

擔頭刀尺意如何足底名山處處過總爲乞方  
參藥上好令問疾對維摩晨興衣衲盛花早夜  
坐軍持藉草多近築精藍黃子國楚江今得比  
恒河

寥寥閣全集卷三十一 十

贈王大元執元執爲稚欽太史孫博學工

詞賦猶困諸生

牙籤高下滿精廬徧讀 先朝太史書存笥雄  
文探虎豹入編古字辨蟲魚卽看垂世名先著  
不遺干時術漸疎氣色凌雲新賦就里人可解  
薦相如

贈劉寬伯時以酒貲見遺

五陵衣馬日駸駸誰似飛揚翰墨林重諾人偏  
尊李布傳經君自薄劉歆龍文嘯雨群星暗鵠

勢盤雲萬里深解識長門曾買賦橐中分贈有  
黃金

寄題長沙賀司農瓠落園

帶郭名園擬辟疆開林暫挂度支章藝花巧障  
千盤逕剖瓠寬容五石漿名嶽峯移垂紫蓋曲  
池水入引清湘誰知舞袖難旋地儘許侯封托  
醉鄉

任白甫云  
結語巧絕

贈張無疆時新補郡諸生

騷壇向汝願忘年莫向交遊執禮偏列籍已登

寥寥閣全集卷三十一 士

周士後屬辭元讓楚材先魚龍新候驚春水蘿  
薛初衣卷夕煙名父傳經聞往日尚留鄉澤在  
遺編

安小范請改南吏部寄之

鷄舌仍含粉署香持衡南國亦輝光非緣戀母  
懷吾土那乞移官遠 帝鄉萬樹入宮寒自綠  
千山出郭晚俱蒼登臨儻念同遊客獨立荒臺  
詠鳳凰

王綏甫移居赤壁下

鷺空洲對白沙市，穀漸遠好移家。城邊立廟黃石壁，下安居。捧赤霞，卷幔晴雲歸野樹。繫春月，墮江花。自今王氏新開巷，晉代烏衣未誇。

入郢道中先寄李本寧

塵風捲入炎天遠，道驅車敢恹前。自擬和歌郢日儻，如問禮適周年。樓居看擁千秋氣，林行穿五色煙。墟戶向云辭俗駕，築臺今或望

仙

麥麥閣全集卷三十一

三

遊魏玄平墜洲園

河干竹色映漣漪，臺榭芳洲鬱蔽虧。步屐漸欹穿徑狹，冠纓頻挂出林遲。石移近嶂成員嶠，水信清濠是曲池。隨意名花春共發，蔥青玉樹總

連板

任白甫云苦無大境爲寫獨佳

遊唐山巖洞同魏正父王亮卿李本建本

石王幼度

峯嵐迴合逕陰沈，何意山登復水臨。酒脯行還潭上座，衣裳坐拂谷中林。瀑飛涼雨巖高下，石

吐晴霞洞淺深。形勢只疑秦坂路，笛聲欲奏嶺頭吟。

竹素堂爲魏穎超

茅堂花木覆潺湲，雲氣時看閉石關。青簡藏來多祕笈，玄夷司處卽名山。搜書使者深堪入，載筆詞人老未還。異代儻聞絲竹響，紛紛多在壁中間。

玉照亭李本石

塢曲孤亭抱影斜，林梅迴繞玉光華。巡簷近擁

麥麥閣全集卷三十一

三

三珠樹捲幔高懸，四照花肯學漢妝飛。主第不教羌笛在隣家，玲瓏帶雪仍堪鑒。宛坐雲中七寶車。

遷寓魏穎超竹素堂答李本立以詩見訊

詩郵五彩發煙書，遠問新遷客裏居。只謂探奇如藏室，更容穩卧若吾廬。花潭響落泉流細，竹堰涼飄雨氣疎。閉戶况臨濠上水，惠施何得並觀魚。

何仁仲詹簿邀同楊文植方伯劉長欽僉

憲譙集采芳洲分得香字

中洲載酒度飛梁，衆木繁陰委地涼。  
客許狂夫拋禮法，人看耆舊領文章。  
臨流枕入芙蓉綠，藉草衣薰杜若香。  
昏黑儘教風雨至，雙珠席上夜生光。

楊文值方伯邀集藏西樓

軒敞中天畫檻開，川原物色滿樓臺。  
雲邊水卽三湘下，郭外山疑二酉來。  
涼樹含風穿薄幔，晚霞將日射深杯。  
東行不爲懷鄉事，河朔蹉跎醉

麥麥閣全集

卷三十一

西

百廻

聞馮元敏憲副已赴西粵寄之

彈治西南借惠文，殊方驚識大馮君。  
喻蠻檄去傳酋長，下瀨船廻罷水軍。  
寒入林花那見雪，氣蒸嶺樹自成雲。  
土風不類江東地，遮莫新編著異聞。

寄周國雍憲長于臨洮

往歲皋蘭急羽書，關西無那亂離餘。  
稍聞漢使新持節，卽遣秦民已定居。  
水出隴頭疑竹箭，天

龍平野似穹廬，知君徼外長行部。  
羅列羌人隼旗

金城絕域畫蒼茫，白日陰陰隔隴長。  
雪後旌麾秋逐虜，雲中燎火夜搜荒。  
桃花東道來天馬，木葉西山見玉狼。  
不耐因君懷出塞，笛中新曲奏伊涼。

王元執構鬱雲樓成讀書其中喜而賦此  
聞道仙居每好樓，董帷懸處似壺丘。  
簷前翕鬱青雲氣，几上潺湲絳渚流。  
羽客時看吹笛過，諸

麥麥閣全集

卷三十一

五

儒儘許說經留，更疑新府開東壁。  
狼籍圖書滿上頭

寄徐汝念太常

恒榮稽古重西京，製作清朝禮樂成。  
五時近縣蒼珮出，諸陵遙擁赤車行。  
禁花春入棲雲暗，燕樹秋深覆雪明。  
却憶擁衾高卧地，干齋誰復問周卿。

寄方子及于廬居

落落三年客楚關，聞君扶杖日南還。  
郵筒阻絕

飄零後者舊凋傷涕淚間夜渡風濤三澁水寒  
林霜露七閩山看雲千里遙相接垂索溪悲道  
路艱

和人江上觀攜家妓

雙槳凌波蕩彩霞鳳頭青舸載琵琶乍辭南陌  
垂楊樹還入東園穠李花步襪佳人由洛水鳴  
箏少婦本盧家妾居容易行相問處處妝樓在  
狹邪

題郭別駕一粟園

寥寥閣全集卷三十一 七

林水蒼蒼清復嘉丹丘咫尺在君家登樓邀鶴  
比鄰樹隱隱聽鶯曲徑花臺展道書秋曝日庭  
含靈岫早棹霞炊砂自得謀生計絕勝東門老  
藝瓜

侍華陽王姑射山房宴同劉功甫應教

山房冰雪散鱗鱗四壁梅花借上春列坐仙庭  
帝子疑臨姑射對神人軒縣奏雅幽詩古鞞  
揚歌漢樂新設醴屢陪詞賦宴久忘羈旅在  
晨

西園侍華陽世子宴同劉功甫作

托乘西園侍玉觴紛紛寒豔媚山堂楓林變葉  
驕陽月菊坂畱花受夜霜彩筆撰辭歌入譜朱  
衣進伎舞成行同遊更有應劉在宛向南皮坐  
未久

初至武陵李善徵憲使載酒玄都見慰

琳宮清穆坐玄都桂醕蘭樽勞遠途樂似鳳鈞  
張帝所饌疑麟脯出僊厨林梅隱月飛華玉庭  
樹懸星散葢珠乍汎洞庭臨絳闕宛浮弱水過

寥寥閣全集卷三十一 七

蓬壺

李善徵憲使備兵湖北賦贈二首

南天地淨煙沙按部迢遙建虎牙佩劍吹霜  
孤樹樓船乘月武陵花要荒通賦實千里戰  
歸農井萬家金鼓經秋長自臥風清壁壘但

聞笳

荒雲夷部拓千山版籍新開洞壑間土俗已非  
三戶楚衣冠漸出五谿蠻塚邊樹色巴蛇斷旆  
裏桃花竿馬閒獨有犁庭西北議無人重出玉

門關

以詩代書寄龍君御于武林

洞庭雪罷意飛騰自謂山陰興可乘我汎木蘭  
臨在渚汝看松柏過西陵北風天地霜長雨南  
國關河水盡冰相望十年情欲寄尺書阻絕恐  
難憑

題周志父文學玉林閣

近郭林林玉樹高龍從飛閣起神皋俯窺庭下  
遊麟趾平觀雲中集鳳毛拂簾夜香沅水芷窺  
麥麥閣全集卷三十一 太

簾春色武陵桃登臨倚檻宜成賦佳氣時時儗  
綵毫

甲午元旦客武陵作

關心時事失鄉愁作客翻成避世謀北市金繒  
誰早計東征卉服自深憂爲漁想住桃花路問  
蘆思鄰橘樹洲向擬寶池開淨土蓮臺今卜水  
中流

答毛揚州人日見簡時揚州杜門謝客上

餘年矣

善病君元托隱淪開門咫尺斷風塵十年伏枥  
過時事七日題箋到故人落手梅花驚素雪關  
情栢葉感青春相尋欲逐詩郵入何待花源復  
問津

寄陳玉甫吏部二首時以推轂臣忤 旨

削籍

萬里西看析木津憂時涕淚每霑巾非因直道  
扶遷客那遣清朝有逸民采藥雲連峨嶺雪浣  
花天入錦江春賜歸莫道 君恩薄轉爲艱虞  
麥麥閣全集卷三十一 尤

見古人

客遊鄂滯南冠三采春香佩澤蘭名嶽周旋  
逢赤帝故山迢遞別銅官盤天蜀坂驅車險上  
峽湍流進舸難况是窮途垂旅橐思君只在楚  
雲端

登德山 一名枉山卽善卷逃堯處

青林路轉出縈迴進履孤峰野色開在渚春流  
盤地下梁山雲氣拂城來千花深覆高僧塔片  
石平懸隱士臺敢擬古人逃僻壤唐虞世遠更

堪哀

寄李龍陽

僻壤從容吏若僊  
單舟漁父邑門前  
波間歌響滄浪曲  
花裏琴聲蜀國弦  
李君爲蜀人  
護鼎蛟龍蟠  
石瀨傍簷鷗鷺接  
湖煙荆西銅墨分  
如許剩汝神君事可傳

麥麥集卷三十一

麥麥閣全集卷三十一

二十

麥麥集卷三十二

東吳俞安期羨長著

新都汪汝謙然明校

七言律詩四

登嶽麓山

嶽峯東盡起嵯峨  
片片湘雲引嘯歌  
寒氣遠吹衡岫雪  
春帆微辨洞庭波  
鸞音隔嶺仙車近  
鳥跡懸崖禹字多  
清夜巡遊逢赤帝  
朱旗高擁月明過

麥麥閣全集卷三十二

一

登祝融峯四首

峰勢孤懸禮祝融  
支藜迴眺四隅空  
九江地盡湖流圻  
百粵天長嶺嶠通  
鳥起海中隨夜日  
鴈來山半轉秋風  
飄飄擬借游仙駕  
雲擁青鸞繞帝宮

中天積氣入清涼  
雲霧翻看地混茫  
兩挾蒼龍奔下嶺  
星懸朱鳥定南方  
何年石簣藏金簡  
自古山祇禮赤璋  
壇上長流青玉乳  
神池高捧帝臺漿



七十名峰屐底迴芙蓉四出向人開瀟湘似帶  
盤雲下廬霍爲屏佐嶽來瘞壁猶存虞祀廟乘  
櫟更見禹登臺瀑流處處吹飛雪觸石驚聞萬  
壑雷

連山千里接炎州下視分明海色浮斗極星辰  
開地底禺中日月挂峰頭授書想見玄夷至擁  
節思從赤帝遊向夜波聲臨堂上坐天絳渚復  
南流

黃庭觀謁魏元君有述

寥寥閣全集卷三十二 二

桂觀松梁暗綠塵穿霞遙禮魏夫人金苔珠草  
探丹井煙道雲區望寶輪漢殿豈過青鳥翼帝  
車寧扈赤龍鱗萬年命作名山主不似彈璫向  
玉宸

過都梁訪曹子韶侍御先寄此詩

楚客離騷幼婦辭華陽國裏誦君詩毫光飛出  
高爭避骨力藏來健可師瘴樹聞蟬辭粵嶺清  
流飲馬涉夫夷儻憐黃鳥嚶嚶意縫掖母令側  
徒遲

曹子韶侍御邀同諸君子夜集江樓時三

歌姬次第至共賦清字

列席江樓粉堞平晚涼把酒月華生簾櫳交映  
明珠坐閣道徐聞響屧行天墮雲山峰影綠江  
含石瀨浪紋清樂方子夜邀人住醉殺嬌歌倚  
鈿箏

初度日盧孟龍携酒雙華樓同諸君子過  
集時有五姬佐觴

懸弧深媿久無聞何意稱觴過數君南國更誰

寥寥閣全集卷三十二 三

聯似壁東門有女出如雲青分近壑通霞氣涼  
入清江挂雨文爭擬瑤池池上宴月中絲管遞  
紛紛

曹聖徵太學攜具侍尊人侍御公集諸君

子飲郭西提閣觀漲

飛閣高原飭石谿谿山迴合郭門西漲衝蚪樹  
雷喧動瀑挂猿藤雪向低亭上酒翻銀鑿落女  
郎歌踏白銅鞮青帘相望花驚目疑出襄陽醉  
大堤

鄧秋芳舒文仰同約遊寶方山不果攜具

過集江樓夜有行邀仙之術者併及

臨江高坐接清秋酒載雙尊客滿樓昨日已拚  
今日醉看山聊當入山遊晴雲平覆蒼藤峽晚  
漲橫分紫苑洲向夜更邀仙侶駕月中頻望下  
青蚪

遊寶方山作許興邦父子邀曹子韶聖徵

同集

響答煙叢遠漸聞山藏空谷抱峰紋禪宮平引  
寥寥閣全集卷三十二 四

雙林入仙洞中窺七道分花木層臺通絳氣藤  
蘿高石擁蒼雲深從祕室探書去磻戶龍神護  
赤文

馬盈盈小姬遇之侍御席上色既清華性

復警敏柔情綽態矯若游龍後來之姝

可冠楚國喜而賦贈四韻遂成

楚姬小小試明妝清艷姱容映滿堂隣舍何心

窺宋玉時年有待嫁王昌哀啼么鳳臨筆柱輕

轉游龍出舞廊掌上風吹不定仙仙只合在

昭陽

登玉華山

蘿磴攀援鳥道連鳴鐘高閣禮羣仙池流綠映  
叢雲上山勢青分衆壑前陰澗垂虹秋自飲遙  
天初日夜孤懸試憑玉女求靈液渺渺鸞車隔  
絳煙

沈道徵兵憲招飲署中道故有感

憲府秋霜忽欲飛饒歌清吹擁朱旂軍容帳外  
嚴刁斗禮數尊前借布衣天入周廬雲氣盡月  
寥寥閣全集卷三十二 五

來飄慢燭光微舊遊自醉新亭酒高會能如此  
夜稀

春夜集孫使君郡齋偶及時事

燈火千家夜不陰月明官舍坐更深郡樓紫氣  
烟花繞城堞春雲鼓角沈微醉忽增羈旅色高  
談俱發故鄉音潛夫亦自關時憤劇有王符著  
論心

毛上林池園作

懸圃僊居若遠移葳蕤煙木抱春滋丹樓綺榭

仙館鶴逕虹梁曲漸疑花是上林分賜後池  
將滇海學疏時松陰五色纍纍石賭墅猶傳太  
傅基

函是上林尊人太傅  
公征安南後所構

### 遊玉笥山

嶺郭縈紆遠未分仙人窟宅護紛紜衆峰高起  
中盤日百澗爭垂上出雲洞裏流音聞法樂壇  
前裂石想神斤輕颺徐待浮丘馭霄漢高陪鶴  
鶴群

絳靄朱煙鬱自迴鳳鈞長集九靈臺天垂玉笥

寥寥閣全集卷三十二 六

丹經出山擁珠宮羽駕來玄夜銀光成瑞燭青  
春石髓接仙杯氤氲忽遣明霞散清切真看帝  
座開

陸履素郡丞邀飲天寧寺佛閣同用天字

山城吏散白雲邊竟日壺觴入梵天托隱也知

遷客好逃禪似覺酒人賢風飄夜閣高翻燭月

出春江薄護煙不道片心灰欲盡猶餘一寸吐

君前

### 登塔

自穿石道出層扉直倚天中望九圍畫壁周看  
龍部列雕簷迴見雁王飛往來衣拂雲霞氣高  
下燈懸日月輝歸路下方驚莫辨春煙城市入  
霏微

### 登夕佳樓因寄丁元父兄

縹緲飛樓載酒過異鄉搔首一悲歌高沙北郭  
晴偏近佳氣西山夕更多濫有虛名歸草莽動  
隨詩興阻關河美人南浦遙相憶獨鴈春江怨  
綠波

寥寥閣全集卷三十二 七

### 集伯融王孫時坐有狂客放言者

置酒蕭齋坐晚涼卽看朱邸是高陽湖流平帶  
芙蓉綠日氣晴熏草樹黃忽遣寓言窮轉放儘  
容故態醒猶狂何人解識柯亭竹不似齊竿濫  
滿堂

### 贈蔣崇甫都護

從容藝苑爲時平經略深知萬里情帳幕日開  
煩客禮旌麾天遠見軍聲炎雲間罷滇池戰水  
雪思爲瀚海行塞外勒銘余健在願隨飲馬出

郭美命云近體中古聲

初夏同方士功徐汝念元吉君霖集健甫

王孫鄂南草堂

草堂步屨遠相從園菜江鱗次第供揖讓野夫  
真懶慢衣冠上客自從容晚轂短堞啼鳥鳥夜  
火浮圖擁燭龍卜里知君初借宅漸看池水有  
芙蓉

題二子相和篇

安世故交久不見履直新交相見稀日日把君  
麥麥閣全集卷三十二 八

相和作沾沾療我平生饑壁上雲霞莽欲墮梁  
間風雨寒仍飛似有仙靈護此物天陰月黑生  
光輝

登蕭史峯

是西山最高處上有蕭史仙壇

孤峰孤立衆山叢上有仙壇氣鬱葱牛斗東西  
分楚野鳳簫來往自秦宮滄江雨外低懸日翠  
壑衣前忽起風向晚鮮霞飛五色猶疑雙駕在  
天中

宗良芾斯貞吉孔陽勉甫佳甫邀同喻邦

相丘謙之羅敬叔集嘉遜堂分得詞字

飄飄冠蓋遠如期裋褐蕭蕭短自隨未遣絕交  
同叔夜翻因置驛就當時絲桐宛轉江聲入燈  
燭蒼涼雨氣吹解識風流能賞會進來樂府亦  
新詞

蔣崇甫都護招宴署中同丘謙之韓孝可

賦

鈴閣陰森暇日開充庭樂部對銜杯曲中朱鷺  
新翻出庖下玄熊晚射廻近渚風歸雲北轉高  
麥麥閣全集卷三十二 九

城電繞雨西來書生疎濶尋常事曳履閒登上  
將臺

遊龍沙同宗良京父孔陽履方履中履直

作

百尺高丘曳履攀北來宛轉遶重關珠塵遠起  
吹成霧寶剎深藏擁似山應候何人關識緯  
云龍沙高聖人出哀時旅客寄愁顏遊僊錯謂蘭沙地  
擬食飛魚卧未還  
記寧先生遊海事

聞杜朝介司農擢銅仁守遙有此寄

昨日除書下漢關聞君將溯五溪間玉麟銅虎  
蠻中守白石丹砂部內山古道近來多拙宦全  
家遠去莫愁顏他年殊俗知廉吏萬里輕舟載  
石還

### 遊上大林寺

懸渡祇林遠未辭高山窮壤見春遲炎花變候  
疑三月寶樹微風自六時雲白澗門低不動天  
青巖壁近還垂廢興幾度經灰劫初住猶傳訖  
法師

麥麥閣全集

卷三十二

十

### 登上霄峯是廬山絕頂

鳥道遙攀草樹登高峯近日少炎蒸陰崖自宿  
千年雨積氣翻吹六月水雲際樓臺經變化地  
中辰曜屬馮陵衣前瀑水高相擊疑逐南飛海  
上鵬

風振僊衣出白雲青天絳氣上氤氲爭趨大壑  
千江定纔入中峰兩郡分刊木鴻荒懷禹跡懸  
崖鳥篆辨靈文滄溟東去知非遠食李曾過度  
崇君

千疊千霄出斗傍萬年爲障奠南方赤旗來往  
通炎帝翠輦巡遊憶武皇險接洞庭苗壤濶名  
齊天柱漢禪長小臣儻使論封禪瘞玉升中台  
此鄉

飛梁駕嶺遠行空天際逢人語笑同佐嶽靈祇  
稱使者結廬兄弟總仙翁湖流下繞神林出石  
扇中開帝座通望遠忽教懷故苑白雲如練起  
吳宮

同丘謙之經九奇峯懷吳明卿先生

先生謫南

麥麥閣全集

卷三十二

十一

康時嘗遊是峰

初日晴開黛色濃青天分立九芙蓉並隨楚客  
遊時見似與僊人謫後逢題字峯峯蒼石破藏  
書處處紫煙封卽求辟穀尋師往回首看君是  
赤松

寄沈純父太僕于滁陽

聞純父新創解醒閣故未及之

南來龍馬亦成羣監牧官僚六廐分帝語長  
懸周罔命座箴應表漢雄文春肥綠草連江雨  
天入青山繞郭雲聞道解醒明月夜披襟高

坐氣氤

答周國雍蜀中秋日見懷之作

太守新詩萬里傳封題珍重薛濤箋舊遊尚憶  
新亭酒清響如操蜀國絃離思江山秋自動窮  
交歲月晚逾憐亦知倒屣迎縫掖劔閣其如隔  
遠天

奉酬汪司馬伯玉先生招入白榆社

清時騷雅定誰援野客吳趨恐未堪漫有空談  
傳稷下遂煩招隱賦淮南林攀月樹分秋色山

寥寥閣全集卷三十二 三

擁星榆坐夕嵐總謂采風須里巷簪冠何以廁  
朝簪

奉同汪左司馬登白嶽紀述四首

靈嶽名稱五嶽同千年真氣鬱青葱懸崖擁樹  
樓臺出遠棧盤峰輦輅通玉晨雲浮瞻帝座石  
門天削表神功清華苑在叢霄上鈞樂時聞出  
絳宮

前星應耀憶當時賜秩名山紀 睿辭禮借高  
祿尊祀典 詔開帝時集靈儀趨庭絳節中天

繞拂殿玄旂北斗垂爲是恩輝私草木煙霞猶  
護萬年枝

遠歷危岑倚赤標深探絕壑下青霄谿濤吹雪  
山形斷洞戶含風地肺遙方外恰隨司馬至雲  
中仍赴列仙邀醉乘虹影蒼巖畔羽駕輕飛度  
石橋

貝闕分開向斗樞雲門對起接仙都天窺北極  
隣清切地望中州入有無羣聖夜陪雙蹕下五  
丁時擁萬峯趨琳庭信是稱神籙金版還應著

寥寥閣全集卷三十二 三

異圖

暮秋汪司馬招諸子宴集太函

桃源咫尺似僊家叢菊翻開栗里花山入城中  
扶第宅人歸方外領煙霞也知蔣詡容求仲更  
擬桓公醉孟嘉社裏白榆星未散起看北斗故  
橫斜

過任山甫定閣同金孝先賦泥字

赤欄小閣遙臨谿林梢飯客看鳥啼松牀欹  
支白石片絲香滑擧青泥千山不動迴向北四

部高函來自西佛燈高挂無盡火夜溪孤照迷方迷

小至

澍雨飄風晚更狂書雲明日紀農祥劇愁歲事妨吳會實賴供需轉朔方猿鳥窮林隨短日龍蛇溪澤候微陽腐儒豈是輕憂國擬藉豐年老故鄉

雨集汪法曹遂園同殷金吾

林塘雙屐頗蕭閒三徑高低灌木間野客煙霞

麥麥閣全集卷三十二 十四

生皂帽郭門風雨閉蒼山春催花柳關詩興寒飭壺觴破旅顏夜散不愁呵醉尉金吾車騎載同還

寄送方子及督學滇中

子及曾謫滇中鹽官

霜飛使節凜生寒雲散西曹罷握蘭軍督但迎持法吏主恩元賜進賢冠天垂洱海南行盡月出蒼山北嚮看井畔謫居乘傳過諸生曾識舊鹽官

登三天子鄣絕頂因簡汪司馬

地首高標出紫氛名山曾向禹經聞東南峰勢朝宗立廬漸江源隔嶺分深井蛟龍低飲雨清天鴻鵠下盤雲翠華儻駐南遊蹕司馬還應草禪文

贈余元成太學

故鄣靈氣護重關峯嶺縈紆百里還遂有龍蛇生大澤却隨麋鹿主名山新書種樹千秋事高閣燃藜五夜間元成諸子皆雋才莫向清時營老計美人南國尚紅顏

麥麥閣全集卷三十二 十五

湯池

石擁神池逼澗開湫流宛在五城隈應穿地道通湯谷却引天漿下帝臺日射金沙光互動霞蒸陰壑氣爭迴曾聞玉女窺妝至直似華清賜浴來

汪司馬偕諸君子餞余東歸席上賦別

蕭瑟悲歌風雨間長筵綠酒酌郊關何煩名士傾城出爲惜羈人躡屨還清淺尊前江上水參差杖底越西山預愁回望雙穿眼復恐傷離獨

度嶺

度嶺西賦得黃鵠篇先寄張羽王

獨鵠南飛粵嶺開雲中五里一徘徊翩然黃菊  
爲裳在率爾蒼梧下食來太液池頭聞漢曲鄂  
城樓上馭仙才舊恩不爲懷儔侶已逐青禽去  
帝臺

聞馮元敏轉楚參知分省鄖襄已從嶺西

戒行在道候之全州先寄此詩

桂林南望久霑裳千里從之險道長我過衡山

黎黎閣全集卷三十二 七

臨粵嶺君乘湘水下襄陽猿崖壑底藏雲黑鳥  
道峰頭挂雨蒼會面殊方心更急不堪征馬日  
玄黃

從安刺史得安小范吏部上疏報已削籍

歸里賦此寄之并貽緒卿茂卿

清朝聞說罷鵠班故里君恩已賜還啓事儘  
堪傳畫省諫書真易博青山三池花月盤盤近  
半壑松雲華戶閒曠達由來稱小阮沈冥同在  
竹林間

安刺史邀集帶湘樓飲蒼梧縹清

載筆登臨席晚移丹樓粉堞擁參差山連華嶺  
廻成展郭帶湘波引作池白苧清歌翻調古蒼  
梧名酒醉歸遲風流刺史同山簡騎馬南街倒  
接羅

安刺史邀遊柳山同文李二孝廉

澗曲虛堂紫翠分坐臨山帶劇論文仙家酒饌  
携安上吏隱詩書憶柳君遠甸攢峰藏楚水清  
池飛石墮湘雲春遊何必邀童冠鹿豕千厓自

黎黎閣全集卷三十二 七

可羣

楊德遷廣文同登翔鳳樓因憶方子及樓

子及守全  
時題字

郡門何處鳳凰樓萬室孤城望已低舊憶使君  
曾陌上乍逢夫子自關西隣天五嶺窺窗近出  
峽三江到郭齊題字梁間生彩色驚看漲海接  
虹霓

過興安吳彥卓明府過訪因得歐工部楨

伯林居消息彥卓以詞賦神交于十年



前茲喜得晤云

路盡湘流暫旅居轉煩鳬鳥問樵漁舊京著迹  
同轂後異域江山會面初藜杖晴雲支越嶺松  
舟春水亂秦渠喜傳工部強筋力黃髮逍遙下  
澤車

吳彥卓明府邀同麻將軍廖李二廣文飲  
湘灘分水處

飛鳬下鳥逐人羣酌酒晴開水上雲楚粵舟穿  
千石過湘灘江向一洲分操觚詞客仍憂國緩  
黎黎閣全集卷三十二 大  
帶將軍亦好文卉服驚心滄海畔故園書札幾  
時聞

酬退之王孫過訪兼約導余遊山之作

逃祿曾聞作隱侯忽驚仙駕轉相求越人丹穴  
搜難得吳客青山導欲留玉葉自尊同姓表瑤  
華獨慰異鄉愁願將嵩少浮丘馭長侍周王子  
晉遊

陳思進大中丞過訪灘山旅館賦呈二章  
以代報謁

世都忘下士時野人何得上公知清途將校  
花前至擁巷兒童樹裏窺直恐踰垣虛盛典故  
令捧坐侍仙儀功成待報如瓜棗煙駕相將碧  
海期

往聞黃髮老臣名秉鉞逢君是世卿白雉遙通  
荒外貢絳騶親勞嶺西營雲標漢柱山川古天  
遠秦關部落清文教漸蒙南極地腐儒無事走  
論兵

汝成王孫邀遊疊綠山晚眺遇雨 有引  
黎黎閣全集卷三十二 九

巖石橫疊彩錯成文洞穿山背曠望北陸僧  
舍其陽樓峙其左獨秀孤峯巍然當前彤樓  
畫觀燦爛其上

鶴駕飄飄引客先手攜綠竹向蒼煙山南入洞  
過山北寺後綠城遶寺前嵐氣近飛青浪濕石  
紋高疊彩霞鮮孤峯隔雨看樓閣何異仙居海  
上懸

陳思進中丞邀同張太僕呂京兆呂中翰  
遊舜山飲南薰亭賦 舜山在桂城北隅  
世傳駐虞蹕云其

亭亦號南薰俯視七星諸峰而斗柄可挹韶音之洞弘敞其下

翠微昔爲翠華開彩牀今隨彩鷁來谷靜雲端  
停騎吹霞流天半引仙杯韶音近逐南薰入峯  
勢低看北斗迴更侍窺臨多石室祕書藏處似  
蘭臺

送俞克仁都護入賀 萬壽節

周道飛旌挂彩霓征轅塵起嶺雲西秋屯騎吹  
臨燕早曙接爐煙出殿低扇裏龍顏看日近仗  
前虎拜祝天齊宸居儼未紆南顧爲報戈船罷

麥麥閣全集

卷三十二

壬

水犀

畱寄張端孟公仲兄弟時端孟令大田公

仲遊學溫陵

旅客遙尋八桂間美人翻在七閩山雲中白鶴  
飛雙去嶺外玄猿引獨還夢入東南臨漲海愁  
臨巖洞閉霞關輝輝棣萼期何處同照清尊罷  
苦顏

同諸府公集白參戎雅歌亭

風微旌纛戟門閒緩帶虛亭紫翠間置驛賓朋

飛騎入搜山將校射生還檐前雨氣臨池樹墻  
外嵐陰隔水山爭謂折衝尊俎上勲名猶勝舊  
平蠻

黃明府邀同劉從事飲控粵樓

碧幔朱闌絕壁開登臨復喜接行杯晴雲西嶺  
神君下明月南樓從事來孔雀林梢翻錦過蒼  
龍水上抱珠迴空江入夜湍聲隱清嘯嗒然滿  
釣臺

劉汝宇從事邀同黃明府陸郡幕汎舟江

麥麥閣全集

卷三十二

壬

上觀戲龍舟作

畫舫中流載酒多坐看魚戲滿江河齊揚萬楫  
翻蒼水競奮羣龍捲白波投忝遺風傳楚事采  
菱古調送吳歌欲携餘興乘流去月黑前山奈  
晚何

五日劉別駕招飲舟中再觀競渡

桂酒蒲觴汎汎傳樓船列坐汎寥天孤標懸樹  
潺湲上衆舸看爭咫尺先夾激濤聲寒擁雪低  
衝水氣夕成煙誰知嶺外依劉日翻似湘中吊

年

胡憲長將選名山招宴余以行促不

及赴由臨賀出疆入楚寄此謝之

荷衣昨曳桂林間漸有炎塵上客顏旋已竿舟  
歌別浦空勞飛騎選名山簪萸嘯月思吳苑嶺  
馬盤天出楚關歸卧自今洞穩公才真足濟  
時艱

廖廖集卷三十二

廖廖閣全集

卷三十二

三

廖廖集卷三十三

東吳俞安期羨長著

海陵宮偉鏐紫玄校

七言律詩五

關中詠古六首

轍跡軒皇徧八埏合宮獨自在甘泉集靈會祀  
非空紀鑄鼎騎龍併浪傳遂使秦興頻出狩况  
令漢駕數祈年還聞穆駿崑崙去西極高窮萬  
里天

廖廖閣全集

卷三十三

一

斗牛城郭起秦皇隔岸平連雉堞長渭水貫都  
橫閣道終南表闕對阿房却圖天象開京邑擬  
逼關門列苑墻土木十年空藏府徒勞楚炬照  
咸陽

未央雙闕建章東臺殿猶傳漢代功高起銅盤  
承狄掌分開輦路接離宮天低萬戶黃圖裏水  
抱三山陸海中自古帝王佳麗地長歌麥秀對  
秋風

唐家三內接蓬萊御苑宸遊處處催閣道鸞輿

空裏度夾城仙仗月中開舞酣臺馬登牀奮鬪  
罷坊雞賜錦回行樂未終遙狩蜀漁陽胡騎自  
東來

長安冠蓋簪繁華絃服飄飄散彩霞第宅八衢  
通戚里歌鐘九市列侯家飛薨遠接長秋樹游  
騎頻迴杜曲花獨有青門東去地布衣猶說邵  
平瓜

上林千里列高垣鄠杜長楊總禁園一自昆明  
開漢水却教豐鎬失周原舟航習戰飛鯨舞羽  
寥寥閣全集卷三十三 二

獵誇胡猛獸屯宣曲射熊那可問獨令揚馬賦  
空存

登太華絕頂四首

作障金天嶽勢尊削成峰石類崑崙周盤千里  
風雲府中斷雙崖日月門懸掌仙人朝捧露洗  
頭玉女夜翻盆下都元與清都近親切叢霄見  
帝閭

絕磴窮厓細細行列仙陳跡見分明絃絲洞裏  
蔡毛女搏局峰頭漢叔卿日出峽門窺雨氣天

清石鼓報雷聲誰將擁腫形骸換自信翻飛羽  
翼成

井上鈎梯倚石標晨居高逐百靈朝羽旄白帝  
雲來往鱗甲蒼龍雨動搖河遠塞門天外曲日  
過濛汜地中遙蒲池自古神仙館携手明星坐  
赤霄

蒼藤虬杖挂三峯靈異猶然入夜逢吼月神人  
驅石馬呼雲酒姬挾茅龍關門氣接千崖霧陸  
海陰連萬壑松玉井醉眠香不細中天枕席捧  
寥寥閣全集卷三十三 三

芙蓉

過驪山故華清宮浴溫泉有作

翠輦長聞駐不迴故宮想像蔽山隈霧蒸暖液  
分池起雲結神漿觸石開陰谷振衣新浴罷陽  
崖被髮晚晞來金鳧銀海枯千載回首秦陵事  
可哀

登終南太乙峰

太乙峰高接漢廻清都親切五丹臺綵舁命祀  
星祇下翠輦祈靈漢帝來天送羣山通楚蜀地

蒸積氣變雲雷試憑蒲海看西極落日崦嵫萬里開

上巳龍池修禊伯聞宗侯邀同少連叔融

伯純尊生季鳳不羈諸社丈作

龍去龍池池水荒渠分素瀦引流觴遺風似洛逢修禊詞客如雲坐列行朱萼蚪藤蟠異態蒼柯鶴樹覆微涼夾城南望芙蓉苑春草淒然動慨慷

沈香亭觀牡丹同諸社丈作

麥麥閣全集卷三十三 四

沉香亭子昔繁華讌賞千秋屬內家新樂盛傳供奉草空堦剩看牡丹花開林日炫朝酣露拂地風翻幕結霞北向一枝低亞席尚疑國色倚闌斜

尊生宗侯邀同諸子社集合元殿故址

風流帝冑敞行筵亭幔高移古殿前詞賦近逢開社日衣冠遠憶侯朝年春轂北渭濤新起夕影南山月舊懸總是御爐香散久尚看麥隴吐晴煙

季鳳宗侯席上分詠古蹟得太液池

白蕩華池漢日明積流自昔繞蓬萊終南諸水勾宮入滄海三山擁石來裁曲曾傳黃鵠下泛舟仍夾龍迴只今翔燕投荒阜宛避狂風過舊臺

尊生主社分詠秦中人物得張博望驀

黃河東下遶龍堆博望尋源萬國開牛渚星槎乘遠去大宛天馬奪曾迴蒲萄綠蔓秦關入苜蓿青叢上苑來一遺西荒諳道路漢家亭障接

麥麥閣全集卷三十三 五

輪臺

寄意

章臺街北舊停車遠夢翻勞出狹邪楚使春江傳織錦秦聲夜雨泣胡笳上山合采靡蕪草遊洧虛調芍藥花其奈宋生新有婦窺人偏自負東家

代答

樓前柳下望迴車每見闌干北斗斜團扇已甘秋在篋空幃不耐夜聞笳城烏棲去家家樹宮

簾後殘處花豈是蕭郎情太薄心知薄命是儂家

賦得白七孃

蘭池玉樹白飛香名在秦宮隸教坊綈屋四垂  
花衣壁妝樓十二杏裁梁雲扶啼鳳驕絃隊風  
落驚鴻貫舞場第一才情呼第七小姨合嫁侍  
中郎

代答

翡翠山西花水香象臨南內近雞坊曾辭五馬  
麥麥閣全集卷三十三 六

停桑陌愛繡雙鸞帖桂梁薄命生憎歸舞榭微  
名何敢動詞場蕩舟不逐江南去死願青谿作  
女郎

午日荊谷宗侯宴集社中諸子

到來憶醉三月三五月五日仍盍簪艾葉懸門  
結彩豔榴花映酒流紅酣秦中歲時亦楚俗水  
上放戲皆湘潭龍舟五色張綵幔遠想爭標江  
以南

長安遇張憲周因讀其餘清樓集賦贈

以諫議出爲憲使駐蹕  
關今擢參知守隴右

關門昨日擁高居紫禁何年下直廬隴右移來  
新建節天中携至舊藏書縱橫詩法三曹上蒼  
老文章兩漢餘讀罷炎雲飛欲散蕭蕭林木遠  
風疎

乾州道中遇苑馬卿王茂洪入賀

梁山西北日未昏忽看道上來雙轅下車驚喜  
各長揖戴笠斯須仍片言云將嵩呼祝丹闕不  
得野酌開清樽馬曹王猷君豈似崆峒使節何  
麥麥閣全集卷三十三 七

其尊

登清涼山自萬佛洞歷仙石巖

高壁香林逐磴攀盤空雙屐屢迴還十千洞列  
西來相百二關連北控山石挂樓臺分上下水  
通沙塞合潺湲中巖飛出桃花片咫尺儂家紫  
翠間

初夏雨花亭對雪同蕭季馨楊子立分韻

作

同雲四月尚陰陰急雪風前白滿林亂拂垂楊

朝紫晚密經灌木雨花深乳來梁燕飛難試轉  
罷山鷺凍不禁天意災祥高莫問憂時座客總  
驚心

延州過桑道馨郡幕飲次賦贈

里中月旦許雄才趨府翻從幕下來秋草防胡  
秦上郡春雲弔古漢仙臺官貧傷舍長爲圃客  
到論詩亦舉杯舟楫五湖談故旅顏塵土對  
君開

遊楊子立神仙溝山園同蕭季馨分韻得

麥麥閣全集卷三十三 八

仙字

一壑中開日月天隔林度曲聽遊仙亭臺平捧  
流雲石池澗涼分挂壁泉徑逐高低行轉曲山  
通南北坐頻遷自誇吳客從遊日同似秦人避  
世年

登橋山

橋山松栢曙蒼蒼不斷清陰覆道涼巡幸仙臺  
思漢帝衣冠陵寢拜軒皇河聲四繞沮流曲石  
峽孤連翟道長信是髯龍來往地五雲每在碧

瑤堂

回中山謁王母宮

回中馳道接蕭關武帝祈仙遠未還玉殿憶歸  
玄圃駕涇丘望祀綵雲山空宮古柏青蒼裏虎  
帶輦囊縹緲間歌吹靈妃看像設似從九府列  
仙班

謁問道宮

宮左有皂鶴洞洞有皂鶴時偶見之

神皋自昔廣成開清切軒轅問道來萬古至尊  
曾轍跡千峰羽客尚樓臺繞庭蒼駕飛龍下拂  
麥麥閣全集卷三十三 九

洞玄裳舞鶴迴總爲下風傳祕論紛紛托乘有  
仙才

登崆峒絕頂因望笄頭山

百盤厓磴出微茫獨立青霄辨四荒直削羣峯  
當北斗遠分千嶂下西涼涇河乍圻流非濁世稱  
濁涇發源二百餘里則其清云積氣長屯樹轉蒼迴望笄頭高  
欲並巡遊也自駐軒皇

戴將軍江深州張蔚州戴南部王蒲縣楊  
長治王楊二孝廉招同楊瑩甫姻丈飲

南園作

背郭名園坐小堂，阜蘭山色近雕梁。酒催諸伎  
絃歌急，禮借羣公語笑狂。欲雨簷雲流座溼，兼  
風庭樹拂杯涼。西來萬里親朋在，嘉會居然是  
故鄉。

張憲使建節皋蘭，屢出塞追虜，投贈以詩。  
揚兵出塞護羌氏，行部胡天信馬蹄。小隊合圍  
秋射隼，雄心起舞夜聞雞。增屯遠出松山北，通  
道深過積石西。生縛火酋還拓地，河關無用塞  
黎麥。閣全集卷三十三 十

出塞先寄周國雍中丞

仙山名嶽徧遊軒，尚有雄心出塞垣。列戟君應  
開幕府，棄繻客已度關門。亂山嘶馬流泉苦，遠  
磧鳴沙漲霧昏。天外直思煩導騎，瑤房華蓋問  
崑崙。

中秋奉同周中丞塞上對月

朔方久絕羽書馳，幕府秋閒醉不辭。玉笛風傳  
久入塞，金尊月出坐臨池。沙明欲數胡屯帳，影

靜微翻漢戍旗。信是從軍多樂事，滿城鼙鼓夜  
關時。

塞上得潘庚生王幼度書

絕塞沙煙鬱未開，髮緘何自郢中來。故人字字  
愁時淚，旅髻絲絲異域哀。鴻鴈日思江漢水，虎  
豺秋滿朔方臺。莫言幕府居堪穩，不似陳郎記  
室才。

聞莊靜父主時余在中丞幕中不得晤悵  
然寄之

黎麥閣全集卷三十三 士

聞汝邊城昨解鞍，病依幕府會艱難。尋常猶自  
思顏面，咫尺那能借羽翰。憂逐邊風鼙鼓急，夢  
臨關月酒杯寬。西來不散秋雲色，試看離心滿  
賀蘭。

塞上聞客有談余與王承甫齊名者因寄

承甫

遠從絕漠賦從軍，梅信江南總未聞。哀角寒宵  
關隴月，黃沙澹日塞門雲。卽依幕府無長策，翻  
托詞場有薄勲。與汝齊名驅海內，別來却似未



北胡分部過伊涼青海旂裘更一鄉列帳參差  
蟠隴蜀彎弓來往寇洮湟氏羌種馬妨焚牧士  
卒營田損稻梁近報土蕃能助戰捷書三度奏  
明光

榆關昨歲斬渾邪將吏論功久自誇一遣戎心  
生馬邑屢看胡馬過龍沙 朝廷爵賞歸羣帥  
邊地人煙廢萬家六郡纍纍諸子弟吞轂遠看  
雪山花

島夷南逼黃龍府韃韃西來黑水關遠左欲窺

麥麥閣全集 卷三十三 七

秦障塞幽州頻獵舜封山雨水屯戍災仍見渡  
海王師老遂班悵望要盟諸卉服幾時燒柵盡  
東還

南粵中丞撫朔方稍將威德欵名王降人度磧  
輸天馬游騎搜山射白狼檄去蹕林胡社遠修  
來絕漠漢關長賀蘭千障無秋警刁斗空懸五  
夜霜

聞龍君御移官湟中邀謝少廉同行寄之  
昨歲魚鹽混越鄉移官聞已到臨羌暫依青海

居龍伯况過烏衣得謝郎一蔽浮雲連北極雙  
懸明月照西方定看天馬來東道太乙蒲稍擬  
漢章

夏州余上赫連臺千里黃雲望汝哀朔野長風  
高闕動西荒白日塞門開殊方氣候驚搖落兩  
地兵戈隔往來消息秋鴻那得寄南飛不過白  
龍堆

聞李汝藩冊封日本寄之

聞汝飄飄汎海煙 詔書八月定傳宣夷王冠

麥麥閣全集 卷三十三 酉

冕通天外使者樓船繫日邊烏射扶桑弓獨挂  
龍行島樹節雙懸須教舟服風應變西向毋容  
再控弦

寄蕭季馨元戎

秉麾昨總朔方戎飲馬長城略地空獵過賀蘭  
搜雄免營如細柳肅熊雷屯何忝營平筴爲  
將真看卻穀風山後千章秋樹綠至今不敢挂  
胡弓

臘日作却寄丁元父

北風不揚河外塵臘日雲日相鮮新遙聞河洛  
飽雨雪轉覺邊地偷陽春三秋南去未歸鴈數  
月北來猶帶人此身萬里得健在苦寒幸不遭  
酸辛

歲除有感

三歲荆南又粵州今年仍作塞門留他鄉老至  
餘衰鬢故國書來負隱憂梅柳寒深沙海氣魚  
龍水壓大河流誰將儼戲驅愁鬼不遣窮途泣  
荆綏

麥麥閣全集 卷三十三 圭

丙申元旦塞門雲日鮮麗因呈中丞周公

二首

年年雨雪滿窮邊今歲正朝氣獨偏雲度黑山  
猶彩色日臨玄闕故暄妍椒花紅照衰顏裏池  
柳春生短鬢前物態天時俱媚客殊方把酒一  
掀然

幕下脩脩大隱徒每參繡佛寄微軀辛盤齋後  
煩虛設米汁禪餘任浪呼肝膽不疑偏國士形  
骸自放許狂夫爲詢杜老依嚴日得似于今

無

正月三日爲周國雍中丞初度賦呈二首  
王朔邊城正始餘周家嵩嶽降神初椒花再泛  
歌行章細柳新開賦出車庭下白狼夷使貢幕  
中青鳥列仙書風雲晴繞轅門樹佳氣央央護  
建旗

弧矢由來志慨慷十年秦蜀領封疆每看節鉞  
麾諸虜不負桑蓬射四方獨坐臺端中執法羣  
趨帳下左賢王仙都只在崑崙側問道還看拓

寥寥閣全集 卷三十三 六

遠荒

酬龍君御遣使見迎之作

流沙西望接西戎擬學青牛苦縣翁豈爲著書  
來塞外却勞遣使出湟中錦函封字雲披月紈  
扇題詩雪墮風自此少微光欲動直從北斗過  
崆峒

夜抵湟中龍君御邀達大將軍虛左以待  
時少連見客新故論心遂爾達曙分賦  
得思字

獨隨西日過崦嵫微外驅車赴遠思公子中堂  
虛左席元戎小隊候前麾坐談邊塞秋期近起  
視星河夜色移醉剖肝腸臨短燭相逢渾昨夢  
來時

同謝少廉再集龍君御衙齋讀君御哭汪  
司馬之作悽然悲感因懷白榆社諸君  
子分得懷字

塞露涼多夜氣佳燈微月白照空階定交乍喜  
千金薄讀誅溪悲片玉埋雲葉垂陰驚地絕星

寥寥閣全集 卷三十三 七

榆流影望天涯壯心初出關山外無那東南動  
遠懷

劉憲使持節湟中賦贈

鄯湟絕徼接金城青海迢迢秉節行坐嘯樓中  
劉越石屯田河外趙營平橫開右地空胡幕遮  
入西羌護漢兵敢借軍聲還出塞名王闕下繫  
長纓

昨過宜陽渡洛濱居人泣誦舊神君錦屏履跡  
留蒼石玉柱題詩挂彩雲久望借來河內守翻

移駐海西軍卽看去後恩如此何武同轂  
浪聞

劉憲使邀讌西射堂月下飲葡萄酒

微風秋府拂旌旄清讌西堂下客叨遠矢星飛  
穿柳葉涼杯月出醉葡萄烏啼臺上翻歌曲鵬  
度雲中落羽毛騎馬夜深還出郭千山獵火照  
人高

劉憲使邀同達總戎張叅戎再集西堂

林堂綺席對秋清走馬仍勞使者迎總爲將軍  
麥麥閣全集卷三十三 大  
容揖客遂過憲府坐談兵餐庖隔樹催行炙獵  
騎穿花報射生今日湟中稱樂土從戎王粲賦  
詩成

湟中寄龍五君超

城東楊柳別長堤一出關山徧馬蹄短髯飛沙  
秦塞北遙心落日洞庭西臺思九片蓮花出洲  
想千頭橘樹齊聞道驪珠新入掌高懸明月照  
羅谿

送秦萬年之燕京兼寄吳允兆

接席他鄉日下帷居然低首老書癡往時趨府  
文無害同舍償金直不疑湟峽馬驚穿石遠漳  
流孤聽度冰遲眼中博古吳郎在燕市相逢更  
汝師

同謝少連秦萬年登玄朔山謁太玄宮

曲棧鉤梯倚石攀登來儼在小參山峰懸丹殿  
扶天起颺引玄旂拂斗還出海羌雲西度幕盤  
崖塞水北臨關帝前清切參香案身列叢霄第  
一班

麥麥閣全集卷三十三 九

張憲使邀集南郭蒼蒼園

山堂載酒入蒼煙萬木陰陰半隱天西嶺泉殷  
盤檻過北岑雲氣隔城懸林叢披草深深屐石  
座臨花處處筵妙理飲中吾自得逃禪只在百  
壺前

遇張參戎于湟中談論累月贈之以詩

河西飛將遠軍嚴九塞羌胡盡識名生縛左賢  
輕上賞奪還右臂重橫行搜逋直渡卑禾海圖  
地深窺碎葉城解道瀉儒雄膽氣陰符私授夜

言兵

王茂洪問卿中馬至湟中追隨數時短述  
志喜

崆峒山畔清尊別湟隄關前使節過東望青禽  
勞遣信西來天馬自成歌商鼓暮入羌雲遠彩  
雲秋扶塞月多旅客追隨顏面好光輝一夜滿  
山河

自建武過洪都訪徐汝念大司空留住郭  
南庵居旬日追話今昔各賦四章用韻

寥寥閣全集卷三十三 壬

老臣憶昔遣居東旅跡飄飄付斷蓬舟楫追隨  
千里外晨昏食飲十旬同姓名久付青雲士義  
俠今成白首翁往日人言如見惑百年誰復鑒  
微衷

嗟嗟當心白日明別時曾約豫章行乍歸卽抱  
亡兒慟遠赴空懸國士情友誼敢忘捐命易窮  
愁難遣著書輕十年離析中宵話起看參星曙  
已橫

南越辭吳涉險舟經秋迴閉閩嶠

三年客依戀麻源累月留已幸過從徐孺里更  
陪登眺謝公遊佛燈懸照尊前語吐盡愁心始  
罷愁

祇樹園居雜豫章滿林霜月且徜徉詩憑老去  
騰毫管酒任狂來進羽觴盡幾行新涕淚剖  
空一對舊肝腸浮生莫再論離合蓮藏同皈九  
品場

公許全湯九品  
道場同修淨土

信宿建安王園居因贈嗣君

王家爭詫建安賢信宿頻看榻下偏省識金銀

寥寥閣全集卷三十三 壬

飛瑞氣靜聽池沼吐靈泉擁衾詞客雲同卧執  
席儲君夜不眠此夕天潢連絳渚移來應有少  
微懸

蕭元戎載酒園亭同陳山父讌飲因懷李

馨征虜五兄

紫禁春深朝下直綺筵清晝列池臺風行小隊  
邀詞客雲切高冠對酒杯大白捧尊飛騎至中  
黃供饌射生迴因蒙驃騎淹留坐令弟還思第  
五來

六月十六日爲余初度載酒麗山湖上登  
文昌閣邀集曾波臣陳鼎卿何玉長金  
升卿時仁長勲長兩弟法慈長兒在坐  
併及之同用湖字

風雨扁舟載酒徒飲登飛閣下臨湖水敲迴見  
波吹雪夜色平看月弄珠林立聯翩成雁字沙  
行隨逐引鳬雛百年畱得桑弧在老去猶思一

射胡

生中聞遼陽虜報

吳德聚四十初度賦四章爲贈德聚藏書

黎黎閣全集卷三十三

圭

甚富故中及之

家自延陵世德遺大郭山下下靈基江開漸水  
通瑤島地踞商山翳紫芝季子喬孫成德里匡  
家兄弟總仙儀九還立待丹炊後雲壤終看拔  
宅時

黃金不爲購書慳萬卷樓成日自攀逸典撥來  
空二酉仙方傳得自三山室虛坐處能生白髮  
鬢膏餘不遺斑即使金門通籍去東方元在列  
仙班

張矢懸門昔報生由來志節重鄉評東南誰似  
無雙士驃騎何如第五名金地爲園稱長者玉  
臺執蓋見仙卿玄功祇待三千滿煙駕終看赤  
雀迎

琅環有洞比張華竹素藏來世競誇書目較多  
唐四庫文心直類漢諸家山樽獻處窪蒼石天  
酒觴來汎紫霞仙客向來稱故友安期今進棗  
如瓜

李本寧太史携家還楚李汝藩故侯移席

黎黎閣全集卷三十三

圭

瓜圃邀諸同社餞之分得遲字

玉壺春酒悵臨岐歌曲同聲餞所知瓜圃故侯  
移席早花津榜婦挂帆遲別逢垂老能無痛會  
想重來未有期七十野夫恩獨厚望君嗚咽更  
西悲

安小范初得孫華晉民以二詩相慰次韻

喜色占來日正暈不須春令氣能溫終期述德  
誇吾祖乍慰分甘抱弱孫挂戶長桑弧可射繞  
林喬木蔭多存鄭公百世后堪穩通德今名號

里門

詞場有主未云遲學語先能誦祖詩九幹金芝  
生瑞草雙標玉樹長孫枝過庭亦遣聞家學繞  
膝欣看酌酒卮玩弄掌中堪對笑真如匡鼎解  
人願

春巖三弟五十生辰

市隱華年半百逢由來生計托明農湖浮綠水  
芙蓉起杯泛流霞琥珀濃力食也知因世德生  
兒還望大吾輩平生世事知非始好傍春巖第  
幾重

麥麥閣全集卷三十三

音

麥麥閣全集卷三十三

麥麥閣全集

麥麥閣全集卷三十四

東吳俞安期

淮陰陳台孫階六校

七言律詩六

初入榕城望三山因簡詞社諸君子

三山參起立城中臺殿無諸有舊宮擬向醉鄉  
淹累月敢於地主借諸公虹橋宴接清秋月閩  
嶠詩開列國風騷雅如雲堂奧在可容廊廡廁  
通翁

麥麥閣全集卷三十四

洪汝舍中翰邀同曹能始俞清父胡白叔

飲妙峰寺時喬姬校書在坐

慈流隔嶺坼江沙客座高懸帝釋家酒氣成雲  
吹竹葉林香蒸雨出曇華身登寶地窺星緯手  
拂璇霄挽日車機辯更逢須密女天人何似在  
毘耶

女校書小喬

冰綃輕袿素霓裳玉樹亭亭不斷香生本喬家  
嬌小妹嫁來曹氏侍中郎身同眠起宮前柳心

託歌辭陌上桑校罷異書閒不耐夜機猶自織  
流黃

同胡白叔楊子聲陳荆生江仲譽林存古

集徐興公風雅堂次韻

仙居直似海雲中地逼三山一畝宮爭席林間  
逢野老建標霞際對興公庭花香落秋深月簷  
樹涼飄晚度風縱飲尊壘那易罄墻頭濁酒過  
隣翁

登釣龍臺

漢閭越王餘  
善釣白龍處

寥寥閣全集

卷三十四

二

南郊特立起南臺南望蒼蒼海色開靈蜃氣同  
樓閣繞神鱗餌逐釣竿來山中漢殿虛無見井  
底江潮旦暮迴西北相懸天萬里幾時飛墮白  
龍堆

楊子嚴之武林寄送秋社諸君子

論文憶昨西湖濱樓船筆札爭紛紛左席先  
推皂帽新詩一出廣紅裙送歸秋色鴈無侶  
罷湖光鷗失羣武夷周遊我未返奇字可詢楊  
子雲

秋集施正之總戎園亭同徐興公胡白叔

分韻得九青

樂部伶歌出畫屏風清閣外不聞鈴晚陰荔葉  
青浮座秋色蕉花赤滿庭故態狂來忘約束醉  
鄉封處入沈冥登臺今夜看垂象豈使文昌犯  
酒星

洪塘逢丁哲初吏部因送還朝

明聖湖頭送使車白龍江上攬仙裾釣徒元是  
君房侶吏部曾無叔夜書就列舊曹持鑑後臨  
寥寥閣全集

卷三十四

三

軒新政收絃初清朝第一相關事可使羣賢老  
謫居

寄上葉少師

蒼茫海嶽氣爭迴相業初逢草昧開麻詔忽從  
黃屋下鋒車曾遣白門來星辰北斗高持柄巖  
石南山上捧臺莫謂神仙懸弱水堤沙元自接  
蓬萊

黨論清朝最苦顏不辭雙手慰時艱玄功久布  
調和裏臣節高懸出處間西北浮雲辭帝座東



日臥家山縱煩堯母頒遺詔多小

飛冬候氣爭廻况今寺宦歸除掃博得清平對酒杯

編竹書成閉石關蒼霞繚繞護藏山姬公禮樂兼三代遷史文章列百蠻終待父師黃髮老豈容宰相黑頭閒風雷併使羣心悟夢想天南衰繡還

東柵塘邊古渡頭論文一繫孝廉舟金從探橐曾相授市有懸書未盡酬南北宦途頻遠望東西溝水各分流十年多少離愁在颯颯楓林葉正秋

向聞談麈自從容身後津津及老農羊祜虛勞稱舞鶴葉公轉自好真龍亭開一畝成玄草家近三山是赤松久爲掃門吾獨恥可容策杖客

蔣國平轉運邀同胡白叔集林員外池亭時平幸息轉輸勞載酒池亭下客叨一徑林高遲上月三池水廣易生濤

麥麥閣全集

卷三十四

四

麥麥閣全集

卷三十四

五

相從

狂縱不知冠倒著夜深猶自醉

平遠臺觀隔城馬射

葡萄

山上高臺近碧空俯看七校柳營東弓鳴霹靂

送蔣國平轉運入覲

環城下馬作奔星在地中楊葉矢穿遙碎綠桃花汗灑亂飛紅欲看日出扶桑外平遠終期濕冠功

炎徼波濤戍守同軍興不少佐南中珥貂旣罷橫行使煮海仍高轉運功述職無慙尊吏治濟時有策慰宸衷栢梁成後應開宴重爾詞才集

簡韓璧哉憲使

時新轉海道

漢宮

秉節東南領外臺三山新見戟門開戈鋌下瀨

以詩代書報林咨伯司成

將拜方子及墓因訪司成

安船出冠服航琛島戶來風送寒潮聲不動霜

往年相遇方僉事傳說君能好我詩及見君詩

我忽驚高調可爲師過荀天畔占星夜哭  
友松間挂劍遲便欲傳呼乘九鯉不煩匹馬赴  
心期

寄陳元朋于林居

舊令陽羨

龍門仙令昔差我浪許山農步履過下澤何知  
車遂穩中山其奈謗猶多家園荔子餐非少書  
閣芸香費幾何池上儻容鷗作伴門前莫爲雀  
張羅

陳德家茂才招同陳泰始侍御洪汝舍中

麥麥閣全集

卷三十四

六

翰曹能始憲長林異卿文學蔣子梁徵  
士二喬美人宴集西園

華棖覆沼渡飛梁筵列樓陰玳瑁長少婦調絃  
歌自緩次公投轄醒猶狂繁花水映芙蓉紫纍  
實林懸橘柚黃較是南方寒獨少酒酣不信夜  
飛霜

閩清訪劉尹少彝

仙尹山中似隱居從容相對執仙裾空堂有壁  
千峰下小邑無城十室餘曉市經營非估客夜

開出入任樵漁寒深獨不悲搖落萬木葱青接  
里閭

劉少彝邀飲衙齋

山縣開樽不藉肴飲來惟稱布衣交釀呼白墮  
元家僕羹出青蔬是內庖供帳憑雲施席外絃  
歌倩鳥送林梢若非徧歷三家市慢客何由得  
解嘲

登池汝化茂才山亭因畱小飲

山巔亭館立雲根遠出千峰四壁屯衆木樓雲  
麥麥閣全集

卷三十四

七

俱覆屋雙松巢鶴似監門青傳密果盤中具赤  
瀉霞漿座上樽小飲縱非田父勸何殊野外坐  
山村

朱參戎初度日同叔嘉興公席上作

陰符已向枕中探猛氣還飛稷下談秉鉞由來  
能盪寇懸弧真不媿稱男日車曉挽扶桑外樹  
色春迴細柳南朱鷺饒歌催進酒霞杯流紫日  
同酣

吳汝明醉雪齋賞紅梅同陳誠將陳長源

席上作

庭梅滿着近簷花  
席外紅光掩絳紗  
落向笛中難比雪  
映來杯裏卽流霞  
驚看姑射仙人醉  
別是羅浮少女家  
不爲寒姿開臘候  
誤疑豔質闕春華

迎春日爲施正之大將軍初度賦詩以贈  
南下樓船載大荒  
三山滄海護金湯  
遙持節鉞平諸虜  
不負蓬桑射四方  
朱鷺帳前陳樂府  
白狼階下貢夷王  
長生正接青春酒  
好領新銜署  
黎麥閣全集卷三十四 八

醉鄉

立春日宴施正之大將軍春風堂同徐典  
公吳叔嘉陳誠將陶神甫賦

春風乍滿鬱金堂  
柳色鵝黃酒復香  
却有新聲翻樂部  
曾無兵氣動文昌  
林殘梅萼除餘臘  
地煖桃花比艷陽  
酬酢稱詩賓主合  
爭看武庫在詞場

聞周蓼洲司理從林若撫知余姓名往往  
稱及賦此謝之

一室秋江繞杜蘅  
青村閉戶著書成  
交遊幸結通家子  
蹤跡虛聞浪士名  
刺牘門墻何敢濫  
衣冠鄉里豈無情  
五漿逆旅爭先饋  
誰謂王公片語輕

丙辰元旦

時借宅曹能始有鐫書之役是日禮千佛名經

柏酒盈觴歲已除  
自慙犬馬此生餘  
筭當六十年七經  
得三千禮佛初法  
寶轉輪先懺罪黃  
金懸市未成書游  
揚幸借曹丘舌一  
往寧論客計疎

黎麥閣全集

卷三十四

九

徐典公高景倩陳叔度王永畏趙子舍鄭

孟麟元夕結社萬歲塔寺

同社者吳叔嘉陳振狂陳

惟秦王王生陳汝翔王粹大陳誠將張集虛陳長源蔣子材鄭思黯黃伯寵分

韻

紉園祇樹擁金沙  
白社重依梵帝家  
燈借神藜吹幻火  
人携夢筆散天花  
輪光繞殿銜朱曜  
塔影標空挂赤霞  
誰道桑門幽寂地  
驟令今夜變繁華

鄧道協博雅堂十三夜燈宴同徐典公陳

誠將陶神父陳長源

家家酒事接新年賓客高堂又綺筵厨出辛盤  
人日後燈燃甲夜上元先畫屏掩壁廻朱火絳  
燭懸空散紫煙西域誰來教幻術更看角觝戲  
庭前

施正之大將軍廿三夜燈宴同吳叔嘉陳

誠將徐興公陶神父

列藉華堂散紫氛然燈綺席擁彤雲當庭樹幻  
千花影繞壁屏開五綵紋月待下弦看欲上醉  
寥寥閣全集卷三十四 十

同元夜坐將分喧闐更奏伶人曲簷外難教鼓  
漏聞

春日集王永畏塔影園詠瓶中紅白桃花

春入園居春事奢瓊枝采供並瑤華驚看一種  
仙家實何意雙開間色花度索平懸梁苑雪綏  
山低度赤城霞閨中試取姬人比濃淡分妝盡  
可誇

酬葉少師喜余過訪之作次韵

春過徑草未教除廡下高懸四望車不遺布衣

尊酒薄轉看故吏履痕疎清形鶴類珠林鳥文  
體鯨牽碧海魚同是灘邊漁釣侶君房無事子  
陵書

長者子葉汝習營建純石浮圖廣大而堅  
鐫鏤精妙世所未有余登其上讚歎不  
已遂爲題之

浮圖逼漢壓香臺長者經營實壯哉幸有神人  
驅石至豈如童子聚沙來鴈王挂鉢秋先入龍  
女銜珠夜不廻樓閣現前吹蜃氣儼然彈指見  
寥寥閣全集卷三十四 十一

門開

遊瑞巖抵北巖寺宿

徑出巖端高復低雲根如綫棧長迷洞藏仙宅  
局仍斷峯削神斤石不齊海色微痕窺島戶鐘  
聲背嶺隔禪棲雙林莫漫論南北大意由來總  
在西

迎春日過建陽汪承景明府枉顧除夕且

頒盛席賦此奉謝兼簡黃履玄中丞

飛鳬仙令下翩然鄉里衣冠事可傳不謂征途

逢歲盡却勞迎客在春先于時筐篚遺金幣除  
夕招提薦綺筵近說當途方謝客何當安邑獨  
畱賢

酬丘文舉居士

老寄山城送物華題成四壁燦雲霞心通半偈  
兼全偈書積三車更五車門外飯僧甘貸粟手  
中傳法悟拈花擔來刀尺機鋒在開取門風似  
舊家

毛肇虞三尹次余謝汪承景明府韻贈余

麥寥閣全集

卷三十四

三

余亦疊前韵酬贈

捧檄南來亦輟然衰親祿養孝能傳微官趨走  
元非左仙令吹噓特爾先抱牘勞人朝入幕賦  
詩畱客夜張筵名流晉代風塵吏誰信王家短  
簿賢

次題鄧遠遊芙蓉閣五首

飛閣臨城迴建標四開闌檻面迢迢芙蓉山列  
花分墜衣帶江懸練直飄客到中天疑羽翼人  
來曠野訝僕僥功成暫作仙遊戲曾有飛書遠

射聊

挹漿北斗挂橫斜天酒何須問酒家夜飲雲端  
涼醒露朝餐檐際赤舉霞桂輪金粟低垂樹藻  
井纏荷反植花寫得黃庭高置架玄文每出對  
東華

接檻煌煌紫府隣綠河歷歷白榆新麻姑搔背  
墻東女華子停驂幕下賓案戶秋聲流絳渚叢  
霄游氣護青旻更看五夜紉緇帙藜火携來照  
異人

麥寥閣全集

卷三十四

三

花連琪樹遠冥冥雲葉龍蔥不斷青梵字千函  
同皮藏玄文十賚可書屏危峯掛瀑吹飛練遠  
水臨城影釣舫客座儻容名士入也曾飲酒讀  
騷經

人羣下視隔崢嶸惟見經天日月明乍可諧談  
畱曼倩不令飲酒對公榮江山繞座高低出風  
雨臨窗變幻生暇日捲簾通爽氣卧來枕簟散  
餘清

中秋夜同梅子庾飲鄧遠遊芙蓉閣同賦

中字

虛閣孤懸四照同，八窗全入廣寒宮。置身疑踞  
吳蓉，揮手如探桂子叢。但覺水輪光恰滿，何  
知秋候氣方中。曲闌迴倚臨高處，携手嫦娥路  
或通。

中秋後一日同遠遊飲梅子庚新居池上  
臺又得中字

秋月高懸列宿空，照來池上影娥同。鱸膾傳纖手  
勞中婦，酒佐清喉命侍童。莫羨乍看凋檻外，桂  
麥寥閣全集卷三十四 古

枝未覺減輪中，登臺高倚金波色。似接飛梁躡  
彩虹。

入山詩爲朱園南王孫賦

家國憂深祿已捐，煙霞一往不知還。空山隱類  
逃丹穴，丙舍居因展墓田。老去書篇藏竹簡，拋  
來章服挂蘿煙。遲君化鶴歸來日，城郭人民尚  
宛然。

金友璠左史邀飲更上樓同吳茂人梅子  
庚游勿弔

高高樓慢接清都，簷樹青葱拂蕊珠。吏隱人間  
逢許史，仙壇瀑上對麻姑。瓊漿傾出分王醴，珍  
膳調來供內廚。有美青衣行酒立，歸途拚取醉  
相扶。

吳茂人教授邀同金友璠梅子庚宴集復  
攜酒登更上樓

王門曳履已登壇，道上相邀老鵷冠。新秩豈期  
逢酒監，舊遊相憶在鹽官。道尊設醴旋分飲，客  
好居樓復借看。呼得臬盧仍大叫，怪來行樂幾  
更端。

麥寥閣全集卷三十四 五

二月十九日爲梅子庚生辰賦贈

弧矢懸門事較奇，充閭喜色報生期。誕隨大士  
元同日，名並都官却異時。花事正繁春半樹，桂  
輪猶滿月中枝。四方多少男兒志，那向深閨老  
畫眉。

抵建昌寄建陽汪承景明府

時聞明府有  
喪子之戚

同里同聲識面遲，征途猶幸對仙儀。繆承隆禮  
相逢日，未竟交情欲別時。旅客雨中艱往路，麻

春半喜還期傳聞子夏西河泣寫入琴聲也  
自悲

張道益文學邀同泰狎幼晉由庚澤弘諸  
王孫遊勿昂陶西之羅結璘黃孝先諸  
君子泛舟南江晚登中洲待月分韻得  
七陽時景氏諸姬侍宴舟設鼓吹

帆陰列坐容成行障日平將綺幔張歌出紅樓  
風落近宴浮畫舫浪吹長潭魚起躍聞清吹江  
鳥驚翔避艷妝容與中州過甲夜弄珠猶待月  
寥寥閣全集卷三十四 十六  
流光

阜平曙生鳴生二鎮國兄弟邀同彭謙之  
遊勿昂梅子庾丘太生劉興宗黃雲卿  
集華萼軒

賓朋朱邸對銜卮池草春深吐媚姿剪後主桐  
還接葉倚來玉樹亦連枝賦成含筆毫初腐座  
起飛觴羽不遲歸路筍輿高復下葛巾欹側醉  
淋漓

彭謙之益王國師其誕辰鄧遠遊賦長篇

壽之余爲七言近體以附其後

轉因儒術學長生曾導賢王禮樂成柱下立言  
尊老氏漢庭稽古重桓榮呼來野鶴仙人馭狎  
去沙鷗海客盟盛世百年長健在外臣何幸樂  
昇平

余與孔陽宗侯別且二十年丙辰宗侯年  
七十海內士各賦雙壽詩爲祝余時客  
閩中未得一言爲獻每負愧于中今丁  
巳自閩來建武遇令子幼晉遊麻姑勺

寥寥閣全集卷三十四 七  
神功泉寄獻二尊人余爲心勳賦此寄  
之

名山丹液吐靈泉乞得神功薦壽筵恰與故人  
同客處正逢令子獻親年滄桑安測麻姑歲淇  
澳多傳衛武賢安得同來蔡經里修真長此奉  
飛仙

五日鄧與然招同社諸子集高空山最上  
乘

繞地葵榴綺宴張芳園令節對端陽樓臺高出

隣虛地翰墨平開結客場檻底千峰圍艾席雲  
中雙瀑濺蒲觴隔城下見龍舟戲弔屈翻疑在  
楚鄉

張道益移居西郭與諸同社落之

卜來形勝徙家初西爽高臨近郭居一畝貧非  
仲蔚宅卅車多比茂先書山連鳳嶺雲根接水  
挂龍門瀑布舒葱蒨乍瞻新氣色庭前玉樹已  
扶疎

金友誦左史五十誕辰賦此爲贈

寥寥閣全集卷三十四 大

氤氲紫氣繞江關大隱王門輔導班何意歲星  
辭闕下却畱長史在人間雲車華子行堪侶煙  
駕麻姑坐可攀宣室賈生相召日尚餘黑髮被  
朱顏

諸同社集景校書流波館席上賦得華館

寄流波

錢綺疏窗文杏梁下通江漲接銀塘香衾薰水  
房櫳近響屨行空閣道長花瀨似鋪連理錦文  
漪欲動合歡妝月來檻外光吹散手弄蛟珠夜

未央

秋日苦熱劉宗孔邀登許盡卿得月臺同

用得來字

秋城苦熱上仙臺臺上煙光百里開高入中天  
風漸冷低窺東嶺月先來酒徒狂對公榮飲仙  
史欣逢玉斧才向夕琅璈聞隔巷神皋涼露未  
云迴

追輓毛北洲先生

一畝儒宮寄席珍廿年師範表彝倫及門羅列

寥寥閣全集卷三十四 尤

談經士林難生成任俠人草坐青山閒肆志藜  
羹白首老甘貧生兒亦白傳家學篤行堪稱濟  
美身

喜祝憲使分巡湖東賦呈二首

霜使寒飛水國空六條分察蠡湖東節經廬嶽  
逢匡續詩到麻源接謝公銷跡江山蛇豕盡覽  
輝天地鳳皇同一屢願借山農住里巷思還上  
古風

相逢憶昔帝京塵車騎先過問野人曳履論兵



登座久獵纓譚藝引杯頻離心每積江南日吏  
跡曾經嶺外春几案剩留珍惠在隨州詩法最  
清新往曾見貽劉  
隨州詩集

羅伯愚爲明德先生孫能修祖業且編葺

從姑山講堂賦此美之

從姑山下講壇深不是緇林卽孔林更有孫乎  
能述祖真如伋也解傳心壁間絲竹長留響峯  
際亭臺再覆陰曾遇山僧談往事拏舟漁父亦  
聽琴

麥麥閣全集卷三十四 壬

重陽前一日許蓋卿邀集得月臺晚登鳳  
凰山與劉宗孔張善之劉伯闇同用顏

字

時逼重陽菊已斑高臺黃佩拉同攀花當插處  
先衰鬢酒欲闌時已醉顏魚鳥親人時到座鳳  
凰招客晚登山回臨雲閣逢仙駕月裏遙聞下  
珮環

重陽後一日鄧遠遊邀同梅子庾洪汝如  
登東芙蓉峰

四分立雙芙蓉九月十日登東峯黃菊已過  
九九節蓮藏如入千千重萬竹參差作蔭界兩  
江分合來當胸去年憶在麻源日華于岡頭支  
短筇

麥麥集卷三十四

麥麥閣全集卷三十四 壬

麥麥集卷三十五

東吳俞安期羨長著

構李朱茂暉子溶校

五言絕句

答遠人

何處問儂家  
儂家大隄曲  
昨夜春風生  
垂楊盡吹綠

古意

美人蕩輕舟  
秋江不可越  
采得白蓮花  
拋却沙

棠檝

儂本江南人  
曾識江南樹  
北風吹楊花  
復向江南去

贈趙小姬  
席上拈得四韻

小小妝新試  
飄飄步欲僊  
秦雲一片影  
飛落鏡臺前

雜興  
下歸輕煙飛不定稱結掌

中衣

金屋乍成居  
含羞意有餘  
持將癡小態  
嬌殺破

瓜初

初日東南照  
妝成眩絳霞  
臨池私詫影  
別是水

武陵伎

城東長春院  
戶戶朱簾垂  
爭鋪合歡被  
蠻錦五色絲

歡到赤山  
湖北風阻大  
舸六槳飛  
江船何不遣迎我

辰州闊頭  
扁遙看渡湖  
水長帆落門  
前爭認舊

歡子

客至

客至少盤餐  
一飲清谿水  
不敢采谿毛  
昨夜魚生子

杖藜來者  
誰白髮照秋  
水若非角里  
翁定是壺丘子

銅陵五松山

李白經遊地  
青山尚五松  
向來題字後  
名已並秦封

雪山水井爲吳明卿先生賦

片石如雪凝炎天散微冷胡爲丈室間幻入峨

眉影 右雪山

瑤缸貯清泉瑩潔擬水井一飲肺病消再飲宦

情冷 右水井

與陳明府汎枉渚分韻四絕

枉渚石粼粼湘纍朝發處吊古須輕舟深剝木

蘭樹 得處字

微風掠水來秋聲散清冷平吹輕幔陰飛疊孤

麥麥閣全集 卷三十五 三

峯影 得冷字

爲訪馮夷宮回橈近前止誤拾黃金膏日華在

秋水 得水字

向夕生蒼煙煙中隱漁筏橫笛下中洲吹過前

谿月 得月字

澄洲園五詠爲魏玄平賦

臨高臺

旄丘孤削成築臺領高視黃鵠翻離哉手接游

僊騎

依斐亭

樓雲臺上亭倒景濠中水陸離五彩文交映如  
結綺

墨丈室

五笏室中地衡端倍而十試納須彌山恢乎半  
分入

于于軒

欣欣衆木榮開軒面東嶺晨曝靈烏暉夕挂蒼

龍影

麥麥閣全集 卷三十五 四

局局齋

高齋嚮空濶西陸在眉睫遠見若木枝分明數

華葉

題魏穎超十畝之間

龍葱十畝間居室朴而野前林遇樵人中林見

桑者

題李本石珍李坂

五步青泥坂仙李陰垂布何得獨稱珍箇是君

家樹

又題習觀亭

默坐坐虛亭靜觀入冲漠朝見薜蘿開夕見薜蘿落

孫光祿山居雜詠并序

光祿治竹樹爲宮室以幹爲棟柱條枚爲榱桶花葉爲垣蓋入門有慈竹巷磬折可深三百餘趾又折得小逕踰樅垣有杏亭亭之西構三楹爲葡萄軒又西有桂坊越坊而得榴榭榭之側有梅房一梅數幹枝葉四出詰屈

麥麥閣全集卷三十五 五

外覆若曲房焉又西爲松閣架松而庋又折而南有椒室室前轉簷葡屏得栢洞深亦五十餘尺而菱沼在其尾光祿邀余與諸君子遊之所至咸布坐設具飲復酣暢遂各題二十字以效輞川之集

慈竹巷

分行慈竹叢結巷覆長堰空洞綠雪間扶筇畏深遠

杏亭

作亭孤縣蔭棲息支牀近華榭卧采仙入食

葡萄軒

連楹覆葡萄何殊施翠幕參差梁棟間玄珠挂瓔珞

桂坊

亭亭桂之樹複道引來往秋風試著花高立黃金勝

榴榭

麥麥閣全集卷三十五 六

綠葉間朱華飛榭若張綺高下百枝然坐卧華燈裏

梅房

梅根如曲房四壁花相亞舉頭視晴空南雪縣不下

松閣

綴木長松腰乘空架飛閣何物是比隣托巢珠樹鶴

椒室

樹椒成秘室芳辛凝燕寢朱實蔓延生片片菜黃錦

栢洞

列栢幻洞府深叩蒼雲坐晨招赤松餐夜引青羊卧

槿垣

朝從槿垣入暮從槿垣歸經眼垣上花乍開復已飛

丁南羽山房十詠

麥麥閣全集

卷三十五

七

藜牀

青藜架匡牀縱橫各因倚高卧山中雲竊擬巢居子

石枕

采采蒼雲根高枕任醒醉中藏鴻寶書復類山簾

藥籃

紋籃采仙藥山山瑤草肥晨朝携獨往月出雲歸

竹根杖

天矯奇竹根扶健偕出入何待化葛陂已似髯龍立

匏樽

霜匏慮爲樽廣腹盛斗酒自愛提挈輕黃金陋犧首

木鼎

擁腫怪木形窪中日以鼎焚香吐紫煙雲興博

山頂

麥麥閣全集

卷三十五

八

癭瓢

木癭剝爲瓢酌酒復酌水縱遣挂風林無散聒其耳

垂雲笠

編草製笠成垂檐薄障日一荷徧噴岬千山曝芝木

木芝拂

木芝銜塵尾披拂見清真能令客座上不着規塵

曲几

小几曲抱躬塔焉聊自隱于時吾喪吾世與無  
懷近

范元微精舍四詠

清立齋

離離數琅玕分綠淇園裏清陰下空齋人來立  
秋水

白雪山堂

寒月寒有餘炎天寒不絕但聞和歌聲開門滿

寥寥閣全集

卷三十五

九

堂雪

竹所

片片綠雲高瀟湘在窗戶小有一空庭留煙宿  
留雨

栩栩

曲曲小房櫳儵然晏眠處仙夢吹冷風青天  
飛去

雨坐曹重甫大士菴雜賦五首

卷居遠城市瑟瑟何聲聞谿風捲谿雨吹濕

雲

得雲字

形槁坐若木神灰濕不飛非以示皮相偶杜先  
生機

得機字

清鐘鑄秋金孤磬裁寒玉冷然發遠音空林破  
幽獨

得玉字

緇殘貝葉文牙籤散寶笈無聲戶外猿聽經學  
人立

得立字

有爲空作好無言寧事奇身外固長物卽我終  
爲誰

得奇字

寥寥閣全集

卷三十五

十

題丘齊雲掛杖松二首

藤杖如虬懸松枝如虬俯只恐變風雷交飛復  
交舞

千年齊雲松不及齊雲杖一日掛山頭居然出  
松上

紫霄峯尋駕鶴亭尹真人飛昇處

山峯無改移羽客有來去處處接飛仙盡待浮  
丘馭

尋華嚴廢寺題小塔上

龍藏經已空鷄園草如積悲喜莊嚴居差存聚  
沙跡

坐半山亭

間關出峯頭仰欲探河漢息力坐空亭猶云是  
山半

芙蓉峯坐講經壇

赤精子  
授經處

蒼水司書使雲中不可逢還尋赤精子壇上坐  
芙蓉

丹霞寺與東泉上人小語

麥麥閣全集

卷三十五

士

草坐衆香林遙遙見平楚松風吹不聞靜對山  
僧語

經軫宿峰

軫野立孤峰軫星照其上熒熒四明珠高捧蓮  
花掌

尋李相國故居

鄴侯架萬卷故居久淪墜荒坪芸草生約畧藏  
書地

望雞公巖

隔水朦朧石空巖澗霧中有人巖下住定是祝  
雞翁

過青寮同宗良詠

松寮結清陰禪枝墮繁果雨後石鐙煙依微吐  
青火

又詠海雲寮

珠光月不晦清梵風遙飛孤雲欲霑溼夜逐潮  
音歸

望雲門

麥麥閣全集

卷三十五

士

雙峯削如門高倚天中立軒皇去不還惟有雲  
出入

同張羽王晚酌離山盤石上

小飲坐盤石石氣夕復昏漁燈照江水見我石  
上樽

劉仙巖十詠爲張質卿賦

并序

劉仙巖仙人劉仲遠所居抵山之半入戶旋  
返而上登者爲升真洞仲遠鍊真神舉咸在  
茲焉左下有坪質卿因故址構閣曰通明爲

上帝行在又左考室曰栩栩半嵌巖中中設  
几榻以供燕寢又左由別道上曰穿雲巖又  
左爲仙迹巖足跡宛然趾輪可辨傳謂仲遠  
所示出巖稍左有石方平徑五笏餘可設奕  
具曰奕石下臨絕壑斷石闌之又上而左有  
石高出下削上寬曰凌風臺又左行爲道數  
十百趾三峰特上峙如鼎足中有土坪構閣  
曰山鼎北有一闕下矚南谿延眺城郭比出  
羣山參戟竝列復折而右履巘屹間數十百  
步

麥麥閣全集

卷三十五

三

趾有石突出亭冠其顛曰縣居復右行數十  
百趾左右折而上最高得石坪類若九成入  
二十餘笏橫亘數十笏背負絕巘下臨升真  
南出諸峰舉伏趾下度可構樓十二楹質卿  
欣然將有事焉豫名曰中天樓異日待安期  
羨門之屬同爲遊處之所命余各賦短篇紀  
之總得十首

升真洞

仙關磬折登仙客鍊形處北戶吐烟颺時爲上

征馭

通明閣

丹閣擬絳晨窿穹挂巖際羽衛蔽山來月中下  
羣帝

栩栩室

丈石巖之阿高眠我忘汝僊僊夢裏身微風自  
飛舉

穿雲巖

巖行穿白雲巖卧藉白雲到來巖下客卽是雲  
麥麥閣全集

卷三十五

古

中君

仙跡巖

劉仙住巖下足跡留石間諒非斧斤力不類滌  
吾山

弈石

石面五笏平恰稱圍碁坐誤教傍立人樵柯爛  
幾箇

凌風臺

凌競百尺臺近瞰仙靈宅恒慮逐風移人指飛



石

山鼎閣

三峯列作叢孤閣出其裏奚待燔名香煙華日

浮紫

縣居

翹然石上居宛爾空中現高接絳霄叢下捧蒼

雲片

中天樓

天半綴飛樓應如化宮化每候好居人龍鸞息

寥寥閣全集

卷三十五

五

參駕

寥寥集卷三十六

東吳俞安期羨長著

構李項隆錫子介校

五言絕句二

桂林巖洞雜詠

并叙

昔人謂桂林山水甲天下非以巖洞勝乎歲  
甲午余度嶺日與桂人士遊宴江山其峭壁  
削成銳鋒攢列固云奇矣然有山俱石有石  
俱空一山之間至函數洞或闢山顛或次水

寥寥閣全集

卷三十六

一

際或突竅幽廻或高昌朗徹瑤漿葩石豎立  
倒縣罔不駭目悚神恍惚若幻凡此數十計  
咸又彙列郭以內外不數里間蓋桂若巖洞  
之數信寓內不復更有也竊以遊宴有詠僅  
舉其槩而巖洞詭異豈遑備陳乃取諸洞夙  
被名稱者各注小引綴以短章至有被名稱  
而足跡未至足跡既至而蔑有名稱與夫被  
名稱而非嫺雅及別有專詠者咸不及已

水月洞

離山東北如石梁跨江門出水上陽江合

離水南去分貫洞中

洞戶引江流南下清瀾瀾月過影孤沉潛蚪抱珠起

雉巖

雉山欲翔巖啓北麓石門屈曲入復數丈出登高臺離水當臆

雉舉山形高蛇蟠巖逕曲臨臺見春江百折巖扁綠

寥寥閣全集卷三十六

二

玄風洞

洞腹深廣如橐籥然積氣噫風時出其戶當之震悚豎髮粟肌

深竇貫陰崖寒飈生不絕縣泉石罅垂炎月吹成雪

冷水巖

石門低壓碧澗中橫直渡飛梁壁竇更下過此虛曠北達棲霞

入門渡石梁穿隘述石棧深隱參龍潭橫盤飲

虹淵

彈子巖

石壁高削如張幕天中巖局高下橫開百丈俯眺平野環以遠山

石壁挺嶢嶢巖局覆空濶隱几見平原遙山雨飛越

龍隱洞

洞跨彈谿藉舟乃入仰矚其上裂石蜿蜒長亘洞顛若龍去蛻存鱗鬣備具

寥寥閣全集卷三十六

三

刺舟穿石行寒風中衣袷石頂蟄龍飛森森挂鱗甲

龍騰巖

龍隱左上巖類廣堂龍物既騰平廣可坐玉泉下滴清韻琤琤

神物羽翼成翱翔去雲戶涓涓玉髓泉猶滴龍鬚雨

月巖

獨山穿透空洞圓明望如月輪起挂山半

穿石映圓輝明明月輪上樹影挂橫斜還如桂枝長

屏風巖

兩壁瑩潔如琉璃屏鍾乳森然神雕鬼琢空巖多寒風壁列如屏曲苔石紛倒垂琉璃掩蒼玉

玩珠巖

巖嵌狀波局垂石柱室有石紋宛然二龍圓暈如珠適直所嚮

寥寥閣全集

卷三十六

四

石柱支巖門珠暈嵌巖室競攫兩蛟龍疑向迴波出

韶音洞

舜山之麓石穴虛明北牖爰臨清江來繞水石發嚮日奏簫韶

石闌久江潭琤琤發靈異水樂諧古音率舞魚龍至

大同

三

交加文綠塗金絢爛驚目

石扇劃煙堂四壁塗青翠葩乳擁翠檠翻成地

玄巖

石關北嚮陽曜寡臨玄井玉池昏莫可測舍舟南谿南穿巖北山北白石夜微明玄井晝深黑

白龍洞

上高下廣石室邃深凝乳延貫其上若蛻龍骨

寥寥閣全集

卷三十六

五

曲折叩清寒風雨藏靈窟白石結瑤漿具如龍首骨

隱山六洞詩

有序

在昔諸洞得水增觀西湖既陸洞壑亦枯往侈名稱未厭余意既讀韋吳二記想其湖池臺榭之盛蓋不勝陵遷谷變之慨焉

朝陽洞

雲竇玲瓏開石漿涓滴灑曉來含日華垂垂雨猶下

南華洞

石室山之陽靈泉湛湛挹寒氣動颯然時有熏風入

夕陽洞

石窟呀然深風出濯煙霧西林返照來涼陰納疎樹

北牖洞

亂石騁瑰姿陰霞結深翳涼風留醉眠自獎義

皇世

麥麥閣全集

卷三十六

六

白雀洞

昔人獻神雀洞名適見取皜皜仙鼠飛猶疑下

霜羽

嘉蓮洞

靈洞被嘉稱神膏效其詭倒綴紫芙蓉同心復

駢蓋

舟行自桂林至昭州雜述六首

日出江霧低蒼涼汎江水岸人趁墟灘灘漁

入市

深潭夾峻壁白日青湍多波心浮沫動下識遊犀過

拔地復刺天千山若羽筵何山非石峰何峰無巖竇

大山如鵬鷖小山如鷺舞孤峰斜奮頭連峰曲張羽

怪姿更萬端異形盡羣變紛紛最好山多隸陽朔縣

三百六十灘懸沫飛如撒晚計晨發初已過一

麥麥閣全集

卷三十六

七

百八

水擊

灘嚮息時少江流定者稀不因鵬徒擊湍瀨自

高飛

浦城見雪

南雪不到地北風吹滿山不知吳越路凍斷幾時還

題肇鄣宗侯吉雲樓

法界亦云廣樓居亦云適君窺不一箇是吉

一洲記東海古雲國  
有香雲而雨香雨

又題竺觀

悟取如來旨大意西來得白觀觀雪山儼在竺  
乾國

殷汝寅喪內汝寅善畫

幾度倦遊歸何人爲下機長將畫看筆圖作雉  
朝飛

麥閣全集

卷三十六

八

六言絕句

東濠雜興五首

日劇青精炊飯雨芟綠草編衰老合爲農石戶  
貧寧貸粟監河

青谿東九西九白鳥朝雙暮雙結屋何殊桺浪

投竿別走桐江

楊桺渡頭東畔杏花村口西邊沙田芝菌春熟

水市魚蝦晚鮮

送客偶經花塢呼童莫上松關雨晴隣叟乍去

麥閣全集

卷三十六

九

月黑樵人未還

散髮久拋巾櫛閉門稍絕冠裳異世踰垣干木

前身畏壘庚桑

汎舟

亂渚桂舟下放舉芳羅袂中捐浪影層層夕照

人轂岸岸春煙

汪虞仲田居二首

榆柳深深北戶峰巒歷歷南扉青原雉兔春乳

赤坂牛羊晚歸

竹塹平臨絕澗茅亭倒映清潭擁簾亂雲高下  
負暄初日東南

同周國雍沈道徵二文選遊桃花塢因嘲  
顧道行司勳卧病不至

長千里邊西曲秣陵城外南頭千晦煙霞深塢  
四時花木平疇

曲曲岡巒廻映遙遙阡陌交通林外僊家不遠  
一聲雞犬雲中

谿水蒼茫歸路桃花開落殘春笑殺武陵病客  
寥寥閣全集卷三十六 十

縱來恐是迷津

題李本石國香步

十步湘皋楚曉千叢綠葉紫莖燕姑閨中夜夢  
靈均堂下秋生

又題三玄室

紫杏三玄舊種綠蒿半畝新宮琴聽孔壇漁父  
餐分南嶽仙翁

自浦城登舟下建溪雜紀十首

入邑已離越橋登舟乍泛建谿分野難占南北

盤山屢折東西

列戟千峰夾峙建瓴一道中分水陡難安漁艇  
雲深獨響樵斤

當頭三板橈長銜尾清流船小三板青流皆船名避磧  
轉若遊龍下瀨先于飛鳥

吳地輾轉土少瞿塘灩澦堆多上下不占牛馬  
沉浮轉畏龜鼉

反出峯頭泉水橫開隴上梯田絕壁高低禾黍  
半山斷續人烟

寥寥閣全集卷三十六 十

幾處束薪滿地十錢買得盈車若論長安燃桂  
羨他老作山家

柘浦灘殼未盡武夷夷溪水來同心憶幔亭太姥  
宴邀綠屋僊翁時所

爭詫建寧郡郭最雄覆屋橋梁襄接雖隣甌越  
貨陳浪比蘓杭

建水多經淺瀨延津獨見增坡曾說雙龍變化  
郡前潭水深多

但向蓬窗卧穩不知江路多長日晏纔過困口

天明已上洪塘

三山雜言十六首

雉堞周廻一郭陸地參立三山行旅皆知海客  
居人總似仙班

華屋橫懸梁上修楹曲覆城頭堅堞真堪墨守  
善攻不畏輪謀

歐晦山基高曠諸司解宇龍從省識中書外省  
曾是無諸故宮

難得青山在郭更憐烏石成峰書室每依灌木  
寥寥閣全集卷三十六 主

園居多就長松

富室喜營花事貧居也築花壇戶戶簷端茉莉  
家家庭內叢蘭

灌木任經夏漲羣花寧待春風至日梅英已白  
臘前桃萼俱紅

蟬螳長解紅甲蠅黃復剖紫房不信西施有舌  
惟知公子無腸

除却荔支鮮美莫如柑橘甘香金色柑如佛手  
玉瓢橘似仙漿

卷華不抽春日吐花翻在蕭辰絳樹昔名歌妓  
紅蕉轉號美人

元夜人人結束祠神夜夜出遊環繞洪塘街口  
踏翻東嶽山頭

北屋日開燈市連門夜結火城接幔禽魚飛舞  
繞欄花木叢生

解纜乍離北渚乘潮早泊南臺結伴浮青雀去  
看人釣白龍來

六市土人行樂諸天欲界移來妖童攝入淫席  
寥寥閣全集卷三十六 主

角妓勦上歌臺

小小童兒勵志區區安富爲圖居願東街第宅  
產思閩縣膏腴

由來奴視龍眼只合仙稱荔支噉著江妃細核  
勝他玉女豐肌

世上傳呼不定眼前稱謂難明童少輒呼契弟  
優人翻曰先生

寥寥集卷三十六

麥麥集卷三十七

東吳俞安期羨長著

京口潘 陸江如校

七言絕句一

對雪有懷金陵諸遊好

歐水部楨伯

解帶看花官閣前江梅千樹不生煙新詩一吐  
清寒色明月高懸積雪天

余太史伯祥

麥麥閣全集卷三十七 一

雨雪秦淮暫卧時籀書竹簡不停披冢中新得  
周年傳編到鉞山遠獵時

方法曹子友

柳市新居太可憐漢宮西畔御溝前雪消流出  
銅池水乘漲清谿下酒船

陸文學無從

霞屋雲房覆紫藤龍文鳥篆雜三乘雪花吹溼  
青藜火夜半移書近佛燈

吳兵曹公擇

折衝元只在高堂列坐談兵雪滿牀多少圍棋  
門下客夜來賭縛左蠡王

顧司勳道行

散衙歸去脫冠纓紫綺宮裘荷笠行釣罷池流  
鋤罷雪烹魚留客飯青精

馬山人明叔

都市行歌不易逢江頭結屋住芙蓉青天寫出  
峨眉色積雪飛來第一峰

陳騎尉天樞

麥麥閣全集卷三十七 二

秦淮渡口柵塘邊雪覆茅齋斷午煙垂老閉門  
僵卧日何如出塞枕戈年

謝文學少廉

錦裘披過莫愁家顧影翩翩度狹邪走殺赤騮  
奔即住雪中飛汗落桃花

釋雪浪

雪山曾叩道場來林下優曇樹樹開白鹿青禽  
聽法後瑤花銜滿說經臺

梅文學季豹



遠携小婦住青谿楊柳行行列大堤一夜北風  
吹遍雪饑烏啼過白門西

酒家逢吳仲實因談舊事

秦淮煙月五陵花走馬相逢碧玉家一擲金鞭  
笑携手錦屏春酒醉琵琶

伶人歌舞出中流乘筏當年水上遊日暮忽傳  
收綵纜錦裘行獵向沙洲

周吏部署中賞海棠二絕

海外名花手自栽托根猶得近鸞臺有香不是

寥寥閣全集卷三十七 三

昌州種曾向郎官握裏來

細蕊疎花帶雨開同人綽約媚春杯睡時恐是  
喬家女顛殺周郎夜照來

朱郎教褚楊二美人歌索贈

按節雙教碧玉詞調中宮羽宛相移無因坐上  
偷迴顧只待新聲有誤時

次韻書所見

曲房朝卷紫綃衣簾幙重重護翠屏妝罷春雲  
輕不動鬢花低向鏡中飛

楊家妝室詞五首

金鏤闌干曲曲通交窗七寶挂玲瓏香風檐下  
微吹額一點梅花入鏡中

曲房絕勝避風臺繡戶金鋪叩不開昨日迎人  
簾一捲東隣姊妹鬪妝來

玳梳斜下縷生香擬試時新寶髻長生惱侍兒  
催見客春雲飛上合歡牀

紋籠開處紫煙微蘇合薰多繞不飛一樹菱花  
明似月珊瑚枝上照更衣

寥寥閣全集卷三十七 四

明軒寶瓦覆琉璃私逕斜通閣道低每是臨臺  
天近晚塗蘇障日步廊西

客梅禹金館招何四叔度

樹遶重簷雨氣青空齋薄冷醉初醒我來河朔  
君知否中夜高懸一酒星

沈君典乞病歸杜門謝客月夜徒步訪余

大隱園

閉關聞爾避人羣卻過狂夫問白雲徒步莫令  
當醉尉易教猜作故將軍

酒家夜答梅禹金見寄

水調歌殘夜不暹城頭北斗漸移杓阿誰更寄  
梁州曲翻得新聲滿玉簫

酬欽之過訪石墅新居不遇留詩閱羽客

見寄

春水春雲日掩扉客來空自望漁磯輕舟聞過  
花潭上鷗鳥逢君不肯飛

海上余方汎客星余時遊海上相如翻自任都亭時欽

之來訪陳宜興憑教羽士傳書至只道琅函落絳庭

麥麥閣全集卷三十七 五

過新都朱太乙旅館

俠客朱家任往迴市門西畔草堂開荆谿不是  
爲陶處却有鴟夷變姓來

代送中使織袞還朝

織罷冰綃進御歸蛟人水國暫停機自憐不  
及吳蠶老一吐新絲上袞衣

題明妃出塞圖

黃雲深處日淒淒青塚猶聞草色齊漢殿曾攜  
羅帳去春風留在玉關西

題蔣氏青谿水閣

小姑一曲蕩舟還閣在青谿第一灣日氣高懸  
千仞壁石城疑對赤霞山

逢青山喻叟

采石壚頭散酒車柳枝吹落幾迴花昔年同住  
桑麻里君在青山是谷家

寄賽兒

行雲無計落瑩篴飛影空懸十二樓記取合歡  
他日事茜羅裙帶解雙頭

麥麥閣全集卷三十七 六

懷化道中觀龍僉憲所俘欵長

昨夜飛書報賊平卽看騎士獻俘行翻風翔隼  
旌旗影動地鳴鼙羯鼓聲

前行引幟兩行開後隊縱金逐隊催弓劍鐙鐙

三百騎朱衣齊護檻車來

徐行甲騎擁材官白日遙開殺氣寒高挂觸骸  
猶帶血腥雲百尺墮旄竿

有苗亦自舞戈還炎徼毋勞百二關奏凱總傳  
新盪寇論功應薄舊平蠻

以黃庭榻本寄張羽王侑之以詩

遺墨昭陵俱殉葬黃庭舊榻已無多贈君博得  
新詩寄絕勝仙家白羽驚

桃川宮讀方子及壁間詩悵然有感

次第仙宮弔古行題詩驚見故人名逐臣一識  
湘纍怨便有新辭變楚聲

北園答明卿先生見留

壺山無暑石門開留客殷勤未許迴不信尋人  
心盡折登高俱是望鄉臺

麥麥閣全集卷三十七 七

答明卿先生暑夜見柬之作

苦熱中宵望遠空詩來深自憶山中始知冰井  
牀頭色不及甌甌洞口風

後園曲和王行父

西水灣前寄狹邪南津橋上度香車後園萬樹  
蕭條裏穠李雙開解語花

遇張姬調仲權

漢臯手挽七香車問是張家小麗華官道中間  
栽李樹一株願作兩邊花

飲梅伯陽孝廉因觀沈啓南畫障

盤行碧玉椀碑礫綺席高堂宴客初愛殺君家  
饒異味湘東春酒武昌魚

秋色蕭蕭驚旅魂相期累月索清尊醉來忽起  
東歸思畫裏青山認故園

書宋家故惱王郎

鴛鴦五彩羽毛齊遊戲雙雙湖水西祇爲王孫  
長挾彈合歡枝上背人棲

寒夜凌乾甫席上聽杜姬歌三絕

麥麥閣全集卷三十七 八

霜月依微北斗斜寒簷垂幕醉流霞後庭似有  
春風至五夜吹翻玉樹花

酒畔寒雲溼不飛忽令四座淚頻揮愁人不耐  
哀傷曲堂上聲聲歎楚妃

開元法曲變來新西調南音總絕倫唱出內家  
供奉曲宛疑相對舊宮人

昭涼詞百一首 并序

昭涼者鄂渚女子警敏多慧工藝解文侍余  
讌遊眷焉周歲事無幽顯悉紀詠言余學佛

人聞之教典凡作愆過戒在覆藏是諸詩也  
非逞淫辭聊懺我實過云爾

麗媛初逢南陌花驚猜不定立咨嗟乍疑天女  
辭河渚或是麻姑落蔡家

微辭遣致態逡巡問是東園桃李春眉黛未添  
京兆畫腰肢曾試楚宮塵

置酒高樓送欸頻夜深翻去避西隣擘箋一奏  
千言賦乍許開帷奉錦茵

皓體溫香骨肉勻撫來猶恐夢中身誰家巧藝  
麥麥閣全集卷三十七 九

能如許明玉雕成解語人

水碧形神絕代姿滿堂清映色飛馳騷人擬作  
名花看春雪羅浮第一枝

拋擲黃金謝冶遊冰心一片落筌篲人間倘問  
憐才事俠氣于今在女流

賦罷江妃誦不停心知比興託仙靈新居旋結  
臨流水小額教題解佩亭

密籬編處對城隈西面堆成小石臺土恰逢  
春雨後催人連夜乞花栽

水華香佩雪華巾畫出湘中九畹春上面各書  
題識欸署名云是散花人

指下朱絲信仰揚解從舊譜辨宮商楚妃遺歎  
傳來絕西調新翻爲補亡

春城月出夜啼烏赤石磯邊坐綠蕪子夜酷憐  
江左調新詞一一唱吳歛

疎密安花自酌量瓊枝翠羽繞釵梁鏡前引鏡  
重光裏燕尾能窺背後妝

紋籠薰被復薰衣日日含香在翠幃蘇合添多  
麥麥閣全集卷三十七 十

頻啓視博山雲上彩煙飛

飾殘耀首立徘徊涕鏡重將錦匣開寶架盤龍  
橫却月畫屏半掩著衣來

郊門東去遠探春墮馬妝成意外新翠蓋珠璣  
都罷插隣園頻遣索花人

逸態仙仙出掌中登山長立綵雲叢身輕多佩  
昭華玉下高臺築避風

月色低垂素練光王孫亭子臥中央縞衾斑駁  
渾如繡花影窗西落滿牀

鈿車飛渡水南洲選得園池任意留每愛分曹  
施古戲海棠花底對藏鈎

機警由來有妙思慣能邀錯吐微辭當筵一倩  
司觴政座上杯行不敢遲

投壺堂上賭銜杯燕子雙飛矢不迴貫耳分開  
齊報中似經天帝笑看來

一春花事讌遊中又見庭葩漸吐紅製得綵幡  
長尺五赤竿低挂牡丹叢

結社蘭林宴曲池名流畢集每追隨故將險韻  
寥寥閣全集卷三十七 士

書花片分送尊前索賦詩

赴宴時容暫入城侍兒隨處遣相迎牆東知有  
窺人女防殺隣家孟浪行

頸長腹廣小銀罌曉起渠邊注水清杲杲東方  
臨出日手携微雨噴花行

柳林花薄趁芳菲每却香輿遠步歸淺立微將  
春帶緩風香蛺蝶遶裙飛

呼盧得雉罷呼聲五木都拋薄忿生起步庭前  
邀不轉隔花背立打黃鶯

江南小別離也題錦字報相思妾心  
迴迴轉試看車輪道上馳

春雨江頭不斷飛春江衝雨望儂歸食程長恐  
身霑溼先備來時索換衣

繡架蒙茸掩戶斜薔薇開落爛成霞欲收香露  
研膏粉綵索金鈴繞護花

落花風雨晝茫茫春去心情倦理妝早晚客來  
伴卧病盤餐長在合歡牀

髻髮紛披曉自盤遺釵枕畔覓飛鸞起來不必  
寥寥閣全集卷三十七 士

窺明鏡知是唇朱夜夜殘

苔綠官甌貯碧流中浮異石擬蓬丘遣收水藻  
周遭放偷伺朱魚散子游

白白水盤勝燭銀櫻桃盛滿試嘗新圓勻徐食  
紅鮮實纖指長疑點絳唇

渠几光生對綺疏薛濤箋紙鎮碑礫抽毫細寫  
江妃賦學得黃庭小法書

城下清池似影娥薄籠半臂弄微波墨花繡却  
端州硯日日臨池自洗多

日晴園草向城南草品花名色色諳摘罷衆芳  
都袖却裙腰獨自佩宜男

鴛鴦枕上晝眠時秘事傍人不遣知侍女近前  
齊喚出玉鈎微響慢低垂

飯罷中庭小戲行養花甌畔動歡聲試將雞首  
相思骨水面分浮看合併

酒酣同立綠莎堦驟去翻身墮爵釵三五微聞  
花底笑東家姊妹闌詼諧

文窻明透網鮫珠半壁青山展畫圖避客重扉  
麥麥閣全集卷二十七 三

教反閉葳蕤銀鑰挂金鋪

高高簷幔捲纖羅無事前廊晚坐多嬌語慣調

鸚鵡舌聲聲佛號念彌陀

朱欄綈幔坐飛樓江上携看競渡舟五綵絲繩

雙繫臂赤靈符佩玉搔頭

杏梁巢鳥喜幽清絃管經時絕沸聲乳雀試飛

窻下墮黃花采餽羽毛成

移住名園夏木陰坐臨池水日調琴聞聲每有

游魚出窺見嬌容陡自沈

涼榭乘空水面開曲欄試作並頭來倚腮私語  
聞香氣似有蓮花舌上栽

蜀扇持來出內家繪成五綵粲如霞中間翡翠  
雙棲鳥立向交枝菡萏花

鰕魚色似季鷹鱸膾出銀絲味不殊飛下鑿刀  
身手捷纖腰約束自當厨

分根手種菊花苗名色書牌各自標指問磁盆  
郎認否均州青樣蜀山窻

蓼蓼茉莉自交加夜夜臨簷採素花簪罷常時  
麥麥閣全集卷三十七 古

留數朶浸香泉水煮新茶

樹陰滿地午風疎石坐清池下釣初驚喜厨中

人語亂柳條飛送玉鱗魚

水亭炎月坐相宜顧影翩翩不暫離錦袖追嫌

垂手日玉釵不惱挂冠時

睡酣檀口氣氤氲紅汗微微溼簾紋玉枕故彈

頻喚醒夢中長慮去爲雲

桐樹前軒雨氣浮晚來風起漸颼颼短衣雙捲

輕綃袖香水金盆代洗頭

卧起凉開近水門水純籠體不生溫縱橫玉壓  
留微緒猶是交紋寶簾痕

眉黛微微薄遠山可憐最是病中顏經時不耐  
開妝篋白玉橫簪作小鬟

晚浴東廊拭絳紗避風周取畫屏遮偶從屏隙  
偷窺視錯道芙蓉出水花

畏遣蘭燈照解襦恐添暑氣入厝酥冰毬籠取  
流螢滿帳底呼爲不夜珠

庭堦露坐寂無譁林籟泠泠月向斜病酒不禁

麥麥閣全集

卷三十七

五

中夜渴剖餐冰井浸凉瓜

連枝錦帶繡飛凰歇力尋常出步廊買得江魚  
親飼鶴呼來教舞白霓裳

日晡汲水灌池臺就取微凉小醉來薄薄銀冰

千片落并刀雪藕佐雙杯

紗幮如罨碧煙輕獨卧長看午夢驚笑靨微開

時寐語分明聽是喚郎聲

遣興閒將奕譜傳日葵基局坐花前自從輸却

金跳脫置子長爭一道先

曝臺屋頂架亭亭別造飛梯豎小庭高步屢看  
簷際立蜘蛛網上放蜻蜓

携尊濠畔對緋霞蓮葉亭亭似若耶喚取侍兒  
長近立恐他偷採並頭花

速水千花點蔚藍微風小艇蕩湖南就根剝取  
蓮房子鮮味餐來第一甘

邀人七夕共祈靈酒脯香筵布廣庭頃刻持鍼  
穿九縷喧傳得巧拜雙星

三尺長竿罨綵絲裝成遊鼠落果愚東西擺作

麥麥閣全集

卷三十七

十六

迴旋勢戲引金猫撲地追

城濠濠北住畦丁知是山村結屋成携饁改裝  
田舍婦就陰同飯荳花棚

旃檀買去供菩提偏及諸天大梵師別施金釵

裝佛母乞靈惟願便生兒

因果朝昏漸有聞竭來事佛轉殷勤今生猶恨

前生業學禮高僧懺悔文

曲室沈沈卧晚晴起來索慰病心情比隣抱得

嬰兒浴愛殺金盆拍水聲

庭下涼生共晚餐試求新果薦雕盤高枝滿挂  
葡萄實攀落銀鈎綠玉竿

中秋明月挂城頭夜半無人始出遊歸向薄帷  
施角枕東南日出照妝樓

桂樹花開采滿筐金膏研就色勻黃印文小作  
鴛鴦餅先和閩州白蔗霜

玉枕霞漿曉帳前擁衾同醉復同眠倩人去典  
黃金釧怕有隣家索酒錢

齋室雙扉晝獨扃焚香擗管坐銀屏貝多葉上

麥粦閣全集

卷三十七

七

飛雲字虔寫飯依淨土經

麥粦閣全集

卷三十七

六



漢虛簷幕凍雲六花如掌積紛紛晚厨

餐餘飯拋向前除施雀羣

積雪松梢色皎然瑤甕收貯水澄鮮春來更和

花房露留賽中冷第一泉

城鼓無聲玉漏踈煙花爆竹夜紛如獸形紅炭

圍爐側綵炬雙蕙待茂除

元正令節盛新妝列拜醺醺笑滿堂紅沆椒花

持獻酒祝辭同進百年觴

拜歲西家挈共趨臨行舉袖小踟躕出門卜得

麥麥閣全集卷三十七 尤

新年兆當面飛綵挂喜蛛

翦綵爲人色色鮮戴來針傍翠花鈿別鏤金薄

雙華勝帖向圖鸞帳額前

自入新年戒殺牲獨餐淨肉噉魚羹更逢月六

清齋日小圃城陰摘蔓菁

小齋隣近葯房開細帙縹囊滿架堆女史欲編

今古事花間別起校書臺

四照花開火樹高瑠璃光裏醉葡萄踏歌不待

雲中月夜夜燒殘白鳳膏

芳甸萋蒿雨乍生曝乾千縷綠沈莖縮成空

同心結彩盒裝來贈出行

結束遊裝去楚關蕩舟相送涉江還離尊携出

愁成識不忍同登大別山

分岐欲去重躊躇迴復叮嚀早附書一月郎無

江上信恐教剖盡武昌魚

雲杜李維楨叙云古人有言秀色若可餐惟

毛嬙西施昭君太真曹植謝朓李白王維可

以當之而司馬長卿夫婦各擅尤以爲難近

麥麥閣全集卷三十七 辛

世無絕代佳人詩人乃似不乏此吾友王敬

美持論云爾余嘗讀唐人詩賤日豈殊衆貴

來方悟希承恩不在貌教妾若爲容繇斯以

譚古之名佳人者要焉有天幸身在閨檐非

人人所寓目欲以評騭優劣無適爲據詩人

之作有目共睹上下數千年按其言而差次

之毫髮莫能遁然則詩人成名之難非佳人

可同日語也俞羨長爲昭涼詞百首比于羅

虬能以有盡之詞而抒不盡之情比于王建

能以有盡之事而發不盡之才可謂詩人矣  
余不識昭涼何狀顧美長脾睨一世當不令  
魚目混珠而挾瑟市門之賤一旦與江妃漢  
女並流聲竹素間豈不甚幸哉夫天忌人多  
取其最忌者莫如才用其才于詩足以賤貴  
者而生死者幾奪造化權王司寇所著文章  
九命固其宜也彼佳人之世何輕重而天恒  
忌之貧困玷缺偃蹇天折無終無後略與文  
章九命等何也目之於色性也世寧有見好

麥麥閣全集

卷三十七

主

色而不知愛者乎彼才士者有識與不識猶  
未必爲衆所曹好而人少則慕少艾無賢愚  
不肖觀若畫一樹高千林風必摧之女以色  
博名高爲天所忌職是故耳嗟乎佳人如昭  
涼得美長詩以不朽而無救于既往之淪落  
詩人如美長抱志四方無所遇而僅一得于  
昭涼名之爲祟從可知已柱下漆園著書首  
稱無名有味哉其言之也

安陸劉紹恤敘云楚之有詞賦自昔記之屈

左徒無論宋大夫親纂其緒決決乎表江  
共成一國之風而宋所最著者惟高唐賦後  
世譚藝之家志之不倦卽以陳思王氣雄千  
古所爲洛神賦大都壹稟于高唐世之持論  
者謂憑情寄興觸象游神窮極要眇以各適  
其適二賦實狎主其盟昭明取而合併之有  
以也吾友俞美長遊楚乃賦江妃其人則鄭  
交甫其事則解佩其取材則宋大夫陳思王  
之間余讀其賦以謂美長弔詭爲交甫補亡

麥麥閣全集

卷三十七

主

爾比誦所爲昭涼詞則知質有其人又生當  
江之汜美長賦不足而又繼之以詞詞以累  
百不言而意甚得可知余比而觀之賦以敘  
事故法勝法而不詭於情詞以宣心故情勝  
情而不詭於法總之美長優於才故才勝才  
而不詭於法與情辟諸運斤承蜩然儻所謂  
專一自然之符非與余嘗驟然調美長曰卓  
文君良家子司馬卿厖厖以琴心挑之文君  
卽委心以終其身雖長卿有貳心文君不貳

也彼昭涼何許人其有胃無心者耶不然美  
長從他人國中奪賢豪者權而嘔心自苦亡  
慮繁數千言何脉之漠如也美長歔歔良久  
曰此籍楚宮者也余曰司馬長卿遊梁時鄒  
陽枚乘嚴夫子之徒相得躍甚梁孝王授簡  
稱上客藉令當時有一人若昭涼者得當於  
長卿余意旦莫舉之乎獨獨耳趙主大國而  
王之賢不減孝王賦奏而王奇其才舉  
以畀子如亂所云云良非虛語豈所與游者

卷三十七

生

無復鄒枚諸君子其人乎殆過之無弗及者  
豈其以一女子故令賢豪者僕僕于我土地  
哉美長不能語更爲歎歎久之嗟夫寧詎歎  
遇合者之難耶李本寧謂美長厄于時而昭  
涼托非其所若將曰造物忌多取心切切憐  
之余曰唯唯否否造物所以生成人亦多術  
矣藉第令美長以其才資適逢世必將斤斤  
奉軒冕不啻析楊接榴也何暇議於繩墨之  
外昭涼生閨閣爲貴家子所適一非其偶終

身鬱悒名不踰閭內卽天下後世奚稱焉繇斯而譚則兩人之相得益章者可盡謂造物忌之乎本寧又曰漆園杜下必首無名余不覺其爽然自失也因味言之以規羨長乃美長所爲詞若賦具在嫺于詞賦者有同好焉無所俟余言矣

琴瑟集卷二十七

望望閣全集卷三十七

音

麥麥集卷三十八

東吳俞安期羨長著

校

七言絕句二

同李本立遊觀音巖分得斜字

巖石高開菡萏花飛泉百尺挂風斜松音也學  
潮音響並禮青山似落仰

題魏正甫一曲亭

城南花木覆澄灣逕復谿流繞竹關別置孤亭

麥麥閣全集卷三十八 一

分一曲只疑舟入武夷山

題魏穎超影娥亭

池上清流石上開天中明月照徘徊亭間反射  
波間影還似姮娥曳縵來

題李本石金粟齋

庭下叢陰覆石新蕭齋日與桂爲隣秋風盡吐  
黃金粟偏見如來化後身

大谷園

入谷蒼蒼玉狼籍千樹梨花覆林白洛陽絕似

張公居春雪飄香滿瑤席

劉長欽約携酒過集采芳洲適以病足不

至次君怡獻將命作主率賦三絕惱之

虛期載酒問狂生病足艱難采杜蘅但遣過荷

持杖者高懸真氣也東行

已拚從事林間醉復載歌姬水上遊只少鴟夷

同汎去沙棠不似五湖舟

意惟愁卧葯房開飛思應過石上臺卽有侍童

承唾立何如妃女齧唇來

麥麥閣全集卷三十八 二

紀事爲何二題贈張茗華

春風花滿鬱金堂力倦逢人倩理妝畫就雙眉

那可報自研膏粉傳何郎

爲劉二題贈李水玉

風帶霞衣縞雪裳飄飄雲外學仙妝山中自與

劉郎遇不放胡麻下石梁

寄張公覲二首

顛狂昨在酒家眠醉裏君長送酒錢一出夏門

行澤畔獨醒吟對雨霜天

借客輕生已廿年輪君俠氣更無前曾煩遠射  
聊城箭不遺黃金報魯連

簡陳天全明府時聞閉門抱病日讀內典  
相逢苦憶十年前鼎水秋雲在渚煙飛槩逍遙  
遊汎處平移歌吹木蘭船  
居士君稱大辯才天花天女散香臺近來知爲  
衆生病曼室猶堪獨問來

訪蔡象貞文學壁間見王不疑詩喜賦

王城問客晚停車驚見中堂挂彩霞解識煙書

麥寥閣全集卷三十八 三

題壁上方平曾過蔡經家

常武錢司理過訪因訊陳玉甫吏部

碧澗無由獻美芹更憑何物結殷勤城南江岸  
多沅芷采得春香手贈君

往時陽羨神明宰君是隣人我故人近謝天曹  
歸劍閣可曾天上送麒麟

將入南嶽途中穿松樹三十里

遠道遙遙接萬松道傍紛攬起髯龍籃輦穿却  
蒼雲去疑向徂徠入岱宗

過赤帝峰題棋盤石

片石如盤置帝臺細看分道拂蒼苔居然六著  
堪憑攬似有秦王對博來

文殊峰下觀絳絲潭

潭上懸泉出翠微風歸搖曳白紛飛驚看萬縷  
絲成絡吹下河邊織女機

觀石舟

石舟膠石傍雲關若處飛來久未還倘遇秦王  
驅入海東行好載石帆山

麥寥閣全集卷三十八 四

雲密峰

雲密峰高立紫煙禹碑蚪蚪字虛傳仙家石室  
容誰住風雨孤燈夜夜懸

渡浯谿讀元次山中興頌

浯谿山水倍清華谿上聞營漫士家曾頌中興  
高勒字蒼厓千尺吐苔花

別盧孟龍

久客都梁不復留交遊情重更添愁殷勤別後  
君消息小婦生兒字阿侯

時孟龍尚  
在子

外極翠幔擁如花別酒樓頭照落霞夢裏  
行樂處鳴箏長在莫愁家

龍賓華少參公尊行也家玉華山下自謂

得賓此山以賓華自號焉題贈一絕

矯然龍伯在人羣家世瑤林住白雲汝在青山

應是主豈宜終讓玉華君

爲公琥贈歌人

鴉青衫子茜紅裙鸞影翔風態不羣寶髻臨臺

妝墜馬鏡中初日擁春雲

麥麥閣全集卷三十八

五

閤早山雜詠十五首

太極峰葛仙公上升處

縹緲孤峰擁赤旆蓮花直撲絳晨居五芝服盡

乘煙日想見風飄入景輿

玉女峰

仙公上升帝遣玉女迎之憩此

九曜華旛列左行峰頭玉女珮鏘鏘寶函遣賜

朝元服遙捧飛羅絳綵裳

丁仙峰

丁令威修鍊處

秘室靈壇紫氣濃丁仙曾表赤泥封去家未化

凌雲鶴直是千年住此峰

東峰

上有葛仙公禮斗臺

峰勢蒼茫北面開飛雲絕巘有高臺丹琳一片

平如掌曾捧仙人禮斗來

西峰

張道陵行化有壇

峰磴縈紆鬱自盤真人行化有仙壇琅函玉札

飛雲字檢得芝封秘錄看

凌雲峰

石勢馮陵擁黛青熒熒秀色墮仙庭白雲平捧

麥麥閣全集卷三十八

六

雙螺髻似有天人掩玉屏

藏丹室

仙公藏丹石室

寶丹還後寄東厓石室冥冥闕彩霞滿地凝膏

銜紫翳風雷春幻鬱金花

禱藥臼

仙公禱藥鳥啄遺丹其鳴作禱藥聲

綠壁蒼巖紺石平披雲丹日采金英靈禽啼過

前峰月猶作仙家禱藥聲

雙鯉石

琴高乘鯉駐此化石

化石雙魚遂不歸赤鱗曾是拂仙衣山風吹雨

春雲溼還似零陵燕起飛

金沙池

仙公浴  
丹處

金沙流湧辨仙蹤洗藥清池近碧峰應墮紺霜  
沈綠水靈花長結紫芙蓉

丹井

仙公鍊  
丹所鑿

丹井深沈覆紫房空山仙去廢銀牀紅泉飛上  
青絲綆給飲猶勝五石漿

鳴水臺

臨澗平臺覆綠蘿朝昏石上水聲多琅琅似拊

寥寥閣全集

卷三十八

七

靈波曲清玉哀絲出絳河

効鬼臺

仙公効  
鬼處

秘符譴鬼著玄功僅有荒臺碧草中魑魅于今  
驕白日人間何可去仙公

會仙橋

仙公會  
仙處

平橋短短截煙谿路接丹陵近不迷每是列仙  
期採藥羽車飛過澗門西

四時桂

四時  
著花

娑娑桂樹是仙藂日日飛香繞絳宮解結關河

如東實紫花長不待秋風

同宗良雜詠諸體

萬善菴

十笏青泥起鴈堂幢陰旛影水中央波濤晚罷  
聞清磬似有蛟宮在下方

晚投茶園

花木家家覆短垣衆山迴合見平原清夷風土  
如陽羨只謂茶園是故園

投剪石黃家

寥寥閣全集

卷三十八

八

雨來下馬青林堂主人飲我金梨漿澗頭白石  
夜不賁恐待明朝叱作羊

遇王煉士

羽蓋雲冠雪色裾潯陽江上御廐車自言家在  
仙壇畔來爲麻姑遠寄書

入廬山道中遇雨積水三尺輿夫褰裳濡

足而渡紀事

水聲滿道接仙丘疑汎籃輿向十洲平陸沈爲  
紫泥海飛濤懸作絳河流

黃龍菴送君霖南歸

初月同遊過月圓分岐猶在白雲前莫論千里  
成吳楚山北山南已各天

送韓都護視船之淮陽

挂席南州向楚州軍需遠視沘河舟荒丘儻弔  
王孫塚爭識君家有故侯

元吉出餞石亭

石上津亭酒獨携當尊含語復含悽片心直取  
長留贈但看青山隔水西

麥麥閣全集卷三十八 九

張恭父以丹青客新都移居就殷金吾北

園賦贈二絕時恭父新娶婦因戲及之

幾車家具寄江湖半是煙濤海嶽圖似恐夜行

呵醉尉移居偏傍執金吾

黛篋珠箱手自移盈盈小婦婉相隨莫令閑却

丹青手日日閨中只畫眉

爲何二題梅

水部揚州閣已荒只留春色向何郎冰花斜倚  
房櫳畔也學君家傅粉妝

吳德藏居士壁觀作

花戶松房綠澗前空巖蕭寂對安禪依稀飛墮  
嵩山壁片石長看佛影懸

題吳用賓讀書臺

高臺攤徧五車餘早暮松陰自索居爲爾名山  
藏副本沙間蟲鳥盡成書

題吳鳴謙蘭生閣

并序

按蘭生漢武時酒名百米釀之芬芳布列吳  
鳴謙善飲而嗜上尊余以蘭生名其閣從其

麥麥閣全集卷三十八 十

嗜也且鳴謙未嗣兼期燕姑之夢云

山閣煙雲擁幔青日携美酒醉春星國香待入

閨人夢熬火還傳父子經

題吳克階盤臺

蒼石高臺勢獨懸飛階十二屢盤旋中天往往

神仙下輕駕長留五色煙

入全州安刺史過訪問南嶽之勝且談昆

明山水賦贈三絕刺史家滇南其先梁

谿之膠山人安緒卿茂卿兄弟行



浮湘西入粵關初旅館先過五馬車入座未論  
鄉曲事但從石簣問探書

蓮花千葉水潺湲聽說昆明越雋間總使長安  
開漢武池邊那有碧雞山

膠山山下安期宅相過年年醉紫霞更復看君  
仙骨在弟兄今日似匡家

舟經秦渠卽景作

秦渠曲曲學三巴離立千峰插地斜宛轉中間  
穿水去孤舟長繞碧蓮花

麥麥閣全集

卷三十八

士

初出灘江

桂檝輕舟下粵關誰言嶺外客行艱高眠翻愛  
灘江路枕底濤聲枕上山

曉起簡張質卿

桂父元居桂樹邊安期東海過尋仙拍肩昨日  
逢君後始信張星不在天

聞汝仙巖結屋成山晴邀客彩霞生能停閨裏  
雙眉畫便喚江邊雙槳行

舟中贈彈琵琶者繡兒

故王門侍姬每有流落之感

緩調鴟絃敘恨端每因流落自悲酸浮江但侍  
舟中宴出塞猶勝馬上彈

席上贈吳歌李長姬和象先玉字

嬌歌送欸情飛屬扇底羞顏掩紅玉識儂本是  
住江南偏唱橫塘采蓮曲

張羽王將李小卿餞于舟中

蘭舟歌舞出南津白雉山前判袂辰最是傷心  
難別處可堪長袖更留人

過相思江有懷

麥麥閣全集

卷三十八

士

水字相思若有神湯湯日夜苦南行微波欲托  
江妃夢那得東廻過楚城

唐吏部惠酒

昭州名酒碧如泉遣送翻呼旅客船拚我尊壘  
蓬底醉學君隣舍甕頭眠

過宋大夫玉墓

曠野招魂望四垂長歌楚些寄哀思荒原無樹  
離離草何待秋來始自悲

過黃叔度墓

千秋信我師道逢孤塚薦江離誰知壘塊  
一抔土埋却汪洋萬頃陂

### 沈碑潭

西峴山邊卽古潭沈碑曾說杜征南文章似是  
生光怪早暮緋霞映蔚藍

### 郎中曲四首

雞犬田家滿翠微棘垣竹戶樹相依扶犁婦女  
山耕去背籠兒郎市販歸

衣裳楚楚緝麻成筐籠深深采食行巫鬼喧闐  
麥麥閣全集卷三十八 圭

同楚祀人言剛勁帶秦聲

城裏擔柴換白鹽村邊賣酒挂青帘土人領下  
斜懸癭士女鞋頭直豎尖

山城拓地挂嶙峋烏府開來色象新簞簠已非  
三戶俗陶居多是五方人

### 雪後自鄖陽汎舟至均州將謁太嶽

雪山兩岸照行舟一道銀河白白流不待天中  
之帝所逍遙先在玉京遊

### 周督學遣使見訊報以四絕

周遊名嶽歷雲關雙屐襄中偶未還不是龐公  
戀妻子棄家將入鹿門山

昔從馬隊校讐年竹簡須君藏室編珍重甌甌  
洞中叟生時曾寄乞書箋

浮沅汎鄂屢廻旋橫有詩名落楚天往日武昌  
丁給事聞傳新草到君前

一室長逃散聖禪聞君示病入新年觀濤豈必  
校生發片語吾今起霍然

### 晚蘭曲爲王叔治賦贈張麗人

麥麥閣全集卷三十八 古

宛洛名姬拂靚妝何殊蘭萼在清湘紉來一作  
騷人佩花譜爭傳是國香

### 題面壁石

菩提多羅來面壁片石中留色身色塵埃拂拭  
試相看折葦秋江舊曾識

### 無題

上東門外莫愁家春酒壚頭赤似霞總爲羅浮  
音信斷春深一看洛陽花

金谷佳人洛水仙病中嬌怨倍相憐微情何限

難將語吐在鵬雞第四絃

函谷逢方子東因託書訊子及于寧州

西來函谷亂山叢故友相持大道中  
遮道我真逢尹令出關汝豈遇仙翁

舊遊語罷意悽悽鴻鴈分行遠道迷  
欲訊汝兄題錦字青禽煩過豫章西

玉泉院觀李本寧太史碑適華陰王明府

送酒至

窈窕仙居谷口分看碑下馬立孤雲石間字

麥麥閣全集卷三十八 五

生真氣莫是周年藏史文

小院藤深古木蒼玉泉投飲乞清涼  
入門忽遇持罍使王烈分餐亦石漿

樊川尋杜少陵故宅

西從韋曲過樊川故宅山中問昔賢  
宛是吾家新石墅小渠流水稻苗田

樂遊苑

樂苑紛紛起漢家樂遊南絕曲江涯  
至今滿地羅輪錦四月風開苜蓿花

次韻答子斗見贈

海上三山遠別家秦川久客廢餐霞  
布衣近作青門隱生事年年五色瓜

年少仙人點筆豪西秦公子楚臣騷  
手携一片秋江色贈我枚郎賦後濤

答季量見贈時季量新刻自吟亭草

弟兄鼎立總詞場不獨陳家重季方  
亭上自吟今始出年年春草過人長

索觀進父宗侯蘭亭古本

麥麥閣全集卷三十八 六

流傳定武蘭亭本聞汝深藏似辨才  
那得飲君缸面酒蕭郎醉眼飽看來

宋生楮尾傳題字形體真如急就章  
若比十三承旨跋屈蟠骨力迴蒼蒼

雨花亭中雙姝有乞贈者同諸君子分韻  
空亭綺席坐花陰青鳥雙棲玉樹林  
眼語尊前俱送款那能兩處託琴心

高高明月照平林珠影雙懸夜色深  
油壁車停何處好西陵松柏結同心

過宜君是吳之矩謫居處

上城下郭蒼雲叢驛路高懸千嶺通仙尉謫居  
佳三月鳳凰谷裏玉華宮

五月十三日過六盤山遇飛霞

六盤山上密霰飛行人五月添重衣遙憶江南  
竹醉日長林磴礧愁炎暉

溫明夫客死桂林詩以哀之

入粵淒涼客計違羈心苦憶舊林扉兩年兒女  
遙相望誰道蕭蕭旅襯歸

麥麥閣全集卷三十八 七

登桂林西山遙哭計辰州光父二首

南遮桂嶺欲西遊隔嶺炎雲學火流不爲哭君  
仍遠望誰懸雙眼向龍州

辰陽郡裏月登樓馬援祠前雨汎舟哭罷遲徊  
懷舊事山川此地似黔州

麥麥集卷三十八

麥麥集卷三十九

東吳俞安期美長著

校

七言絕句三

北征雜述十五首

北征北盡右扶風幽野民居土室同巖裏炊煙  
峰頂出白雲長似起封中

泥陽郭外小停車狄相祠堂拜水涯碑下流民  
三日哭血痕斑駁變苔花

麥麥閣全集卷三十九 一

堡戍壘曠野間憑將溝壘結重關高原一望  
千餘里獨有胡雲似遠山

扼險無如北地軍慶陽城冠鳳山雲西看介子  
千秋墓東望周家不啻墳

環州北道入噴崕靈武臺荒辨已難傳是唐年  
天寶後曾看龍起復長安

山城澗水白粼粼鹹苦由來不入唇驛卒陰厓  
挑積雪日晡炊黍餉行人

行盡千山出遠沙萌城北望地無涯叢生處處

甘草蒼葉低枝紫白花

黃漲飛沙白漲塵茫茫度磧晚驚神趁煙燐火  
行隨客拜月妖狐語學人

澹日涼風白豹川由來北地少炎天高低小麥  
看初熟六月黃雲滿塞日

官道斜迴鹵澤通池鹽白白水晶同道傍雨後  
沮洳變也吐霜花夏日中

寒日茫茫地不毛平原目盡見秋毫旋風磧上  
移沙去一片黃雲十丈高

麥麥閣全集卷三十九 二

故壘荒荒近石溝天陰異物語啾啾一枯紅柳  
池頭水沙草叢叢貫觸骸

雨出玄漠入塞門石溝沙井晚雲昏地中石骨  
疑龍脊堆上沙紋似浪痕

靈州東去朔方臺樹古沙移土未頽邏卒架梁  
探虜至行人掩涕望鄉來

夏州渠水散潺湲禾黍新生戰壘間羸馬蕭蕭  
外地近人漸有賀蘭山

周宗易黃庭榻本系此代跋

道士驚羣龍去後千秋留此右軍書洛神殘賦  
東方贊蘊藉風姿總不如

意外巧妙二十四右軍筆法每兼施汝書却類  
河南楮元出黃庭帶媚姿

渟中寄龍伯貞司農聞新舉幼子卧病

西來遣使渡滄津聞學維摩示疾身更道毘城  
散花女翻爲滄海吐珠人

陂上雙洲一水通栽松種竹想成叢莊嚴好護  
清涼地花裏同開禮佛宮

麥麥閣全集卷三十九 三

遠遊歸答贈鄒淳父

黃鵠高飛未可羣梁鴻谿上却逢君遠遊何物  
酬君贈五嶽携來袖裏雲

遊賦書成落紫氛君圖名嶽萬山雲楮間並闢  
毫間彩五色丹青五色文

鄒淳父盛稱俞懿甫爲鄧尉山主人

客有吾宗雅好文青山分主鄧將軍不緣鄒衍  
談天口萬樹梅花冷白雲

寄何望臣德臣兄弟因訊其尊人轉運公

第五元齊驃騎名何家雙建玉標清因君擬撥  
沙棠櫂長憶山陰道上行

去年一月醉秋星秦望雲開石氣青今日登高  
思蠟屐何須春暮向蘭亭

著書披髮掩林扉明聖湖邊客屨稀我欲藏山  
臨禹穴丈人封護乞龍威

名父久爲蒼水使可曾秉鉞絳騶行野人欲罷  
憂時淚實向君家望老成

和范東生

麥寥閣全集卷三十九 四

出廊步屨響遲遲彤管偏能對客持慙嬾尊前  
最憐惜唾花翻處吐微辭

張孺愿贈余四絕報之如數

秦楚燕齊萬里行還吳客越遇同聲憑將挾得  
明珠在南國翻開不夜城

西陵松柏鬱森森道上相將共息陰縞帶却勞  
持作贈情深也自結同心

麥寥雜籟吐微吟博得新詞一賞音早是君家  
話曲調向來不破伯牙琴

謝客同聲起越關君詩風骨永嘉還鑪錘自鑄  
干將劒破却銅精赤堇山

遇謝曰可法曹於西陵江上憶去年與其  
兄友可同遊于此

會同康樂美遊遨愛弟重逢謝法曹寄獻難兄  
得詩否西陵江水正風濤

遇周伯申因訊方翁恬

金華山下到初平聞汝羣羊叱石成却問堯年  
方隱士可曾服食鍊雲英

麥寥閣全集卷三十九 五

寄懷李元祉明府六首

燕山北去望淒迷秦駐峰頭獨杖藜日暮佳人  
題別怨碧雲長合海門西

內衙新起鬱金堂瑞氣猶籠五色光何處芝英  
生九幹紅雲燁燁在雕梁

兩繫孤舟滄海濱尋仙轉自遇神君伶人奏技  
清宵醉華燭高堂落彩雲

飛來靈鷲坼峰文穿盡玲瓏日未曛脫屐同眠  
龍井上夜涼卷簾入秋雲

明聖湖中汎酒船明燈夜照六橋煙別來那得  
追隨處歸穫銅原石埜田

與君世祖是同宗指李翻隨外姓翁那得合併  
修譜牒借將賢達振家風

聞蘇小仲移舟渡江數從扇上見其新詩

傳聞桃葉渡江來團扇新題手自裁眼底詞人  
看漸少綵毫偏惜女郎才

薛素素諸詠

行九

麥麥閣全集

卷三十九

六

錦籠玉臂束齊紈纖手拈弓巧百端忽看空中  
星歷亂後九飛去中前九

工書

斑管柔毫不畫眉水花成墨日臨池腕中生就  
黃庭法小帶河南撫媚姿

賦詩

文心艷句吐微波古調偏于短調多自著新聲  
參樂府愛翻桃葉渡江歌

走馬

沙塵起薄氤氲馳騎中飛一道雲紅雨道傍  
渾欲滴桃花汗滿石榴裙

朱太乙移居武陵過訪有作

陽羨山中共藝茶西陵江上獨移家同心更結  
衣前佩蘭坂秋香正著花

徐季恒初度日過薛素素薛畫蘭竹紫芝

爲壽并具伊蒲之供爲之稱觴

蘭竹紛紛拂練裁紫芝燁燁五雲開誰能似爾  
稱觴處却有天人獻供來

麥麥閣全集

卷三十九

七

徧通上人叅方還奉母居白苧菴賦贈

地盡諸方已遍叅竺乾親自禮瞿曇歸來一室  
還將母金剎元生智慧男

送何仲雅按閩中

飄飄衣繡爛如雲飛步虹橋度紫氛多少列仙  
稱部下幔亭第一武夷君

山海南中瘴氣侵炎風五月苦難禁巡行待爾  
霜威散一夜紅酣荔子林

章服行行滿路光觸邪處處識神羊蹴翻漲海

搔山嶽却是當年傅粉郎

白日陰沈霧靄濃豺狼任任未潛蹤尚方請去  
朱雲劍莫到延津化作龍

贈黃近洲

仙仙霞舉鹿裘翁玄髮蒼顏眼碧瞳問訊汝家  
何處住逍遙山近玉隆宮

蘭草堦前春未芽庭中空發五桃花蓬蒿半畝  
煩君卜宅相終非在外家

煙山福源禪院

院有古井凡僧  
誦咒水卽上涌

麥麥閣全集卷三十九 八

花宮掩映艷陽阿門閉清池樹影多每是人來  
長呪井翻教定水自生波

相逢行爲薛氏作

鶯脰湖邊得故歡渾如合鏡在長安笑啼多少  
相看意賦得新官對舊官

二十年餘費苦思尋卿只有夢魂知向來夢裏  
相逢慣猶道逢時是夢時

滿院秋花也自穠鬱金堂裏再相逢玉顏莫怨  
春憔悴猶勝崔娘寄畫容

關干北斗夜悠悠溝水東西兩不流賴殺秋風  
解人意飛花吹上木蘭舟

舊事重題淚滿膺朝昏卧起總無恒往來吳越  
舟千里說出離愁載不勝

徐娘未減昔風姿獨自潘郎髻有絲但得合歡  
花結實白頭不恨子生遲

林茂之催妝詩

同年同住白門前家世同來荔子天恰遇中秋  
將滿月虹橋催下武夷山

麥麥閣全集卷三十九 九

玉潢按戶夜橫參七寶堂前月漸深繡帶早成  
連理結香車先抱合歡衾

却月珊瑚倚鏡臺將行何必再遲迴玉釵縱是  
牢安插冠上難教不挂來

女子長干出浣沙仙郎市上走羊車當時懷我  
先投果今日逢君未破瓜

宇非英辭

遊戲長干過狹邪看來粉黛失繁華三千年後  
蕭蕭地忽見優曇一樹花



琳堂上玉蕤蕤士女如雲看畫眉腰瘦沈郎  
花燭下相逢初是破瓜時

不動珠塵出步廊秦雲只恐逐風翔倘教更踏  
毬場上輕舉腰身似阿嬌

慧姓宜投翰墨場好將絕藝冠諸坊爲尼一自  
徐孃去近日詞林乏女郎

和瓊花詩次韻五首

質同縞雪量黃霞二帝曾移入內家元是天宮  
分賜種晶瑩微類葢珠花

按志色微黃宋慶曆  
淳熙中移入禁內逾

麥麥閣全集

卷三十九

十

年皆枯送歸揚  
州數策如故

靈祠漢代紀分明晚出仙葩壓衆英早藉名花  
稱勝地不呼此土是蕪城

南侵虜騎昔時迴盡揭仙根事可哀天授三芽  
旁再出婆娑依舊集靈臺

按志紹興中金虜南  
寇盡剪其本忽旁出

三藥久之暢茂  
婆娑不異昔時

玉顏帶雨淚闌干靈種枯來地若寒移補繁花  
相聚處祇應呼作八仙壇

按志勝國時種絕道  
士以聚八仙花代之

花事居然付劫灰小叢玉葢復移來遊人識得

他物曾是唐昌觀裏栽

按志八仙花復栽  
人以唐昌觀正葢花

鍾伯敬扇上讀朱無瑕詩

竟陵詞客莫愁鄉  
執扇題詩倩女郎  
風江東君自見佳人形管亦生光

贈張姬

小名黑兒

張家住近廣陵西  
遊出隋宮戲柳堤  
粲白不須微傅粉呼名何事托玄妻

浣紗元在苧蘿西  
艷目驚看逐大堤  
少由來

麥麥閣全集

卷三十九

士

工挾瑟上堂合是侍中妻

送吳仲玉

石頭潮落下蕪城  
吳市錢塘秋潦平  
江水新安更清淺歡聲都在櫂歌行

狐裘鶴氅紫綸巾  
卧入商山豈避秦  
名士交來今殆遍所思遠道幾何人

別芙蓉社諸子

贈言纔罷欲分途  
吾道殷勤好共扶  
別後新詩須健力于今雅韻在江湖

勝月風暄東解餘平江欲渡尚躊躇不因少

空閨怨留與諸君過歲除  
國朝詞賦太淋漓擇取精英事莫遲待得書成  
歸琬琰騷壇卽是建功時

送康季修同王羽卿大將軍入粵

軾前長劒挂芙蓉庾嶺瑤花度幾重四百崔嵬  
尋歷遍南天玉立又雙峰

含毫結撰不妨遲海賦題成可費思飛渡同舟  
過合浦雙懸明月照珠池

麥麥閣全集卷三十九 三

風土閒詢嬾著冠龍編花木不知寒浮山南去  
應無地惟有雲帆水上看

日向南天落易低經冬草色尚萋萋山遊不畏  
歸來夜荒徼應無虎豹啼

相逢肯受勢相臨任俠君平季布心客路誰言  
垂橐去尚餘一諾當千金

南流法寶有三車却爲高僧戍海涯聞道近來  
開講席林中應見雨天花

時印公謫嶺南講席甚盛

喜李宗衍入南雍因簡顧泰初司成

龍虎地詩篇應敵鳳凰臺  
已傳家學在趨庭又向橋門擁執經禮樂于人

爭入室衆中若箇似蘭馨  
遊集何如孔仲山由來帝學是賢關應知儒行

司成者得汝方稱玉筍班  
通家我忝與詞場齋刺應來宿就房漢日老成

聞郭泰下牀猶自拜仇郎  
送程孺則之淮陰

麥麥閣全集卷三十九 三

白門折柳立春煙回首驚如筈離弦乘興我思  
燕趙去逐君同汎渡淮船

貞性看君定不回縱過淮水未須猜騷人楚橘  
元堪頌肯似尋常化枳來

十竹山房爲呂六和題  
十竹脩脩檻外看炎天風動也生寒但令解報

平安信何必千竿與百竿  
揚州花果曲爲沈仲雨太史賦

移得瓊花下玉樞前谿種處卽仙都年年掌送

明珠看只合更名是藍珠

雙雙寶樹合歡衾連理爲根並覆陰留意一枝  
頻著實十年庭下玉成林

上林禁苑樹交加春色人人美內家誰似沈園  
貪結子石榴裙裏石榴花

華藏開來五色雲綠房還見蔭紛紛講筵每欲  
含香入只在蓮花舌上分

丁家麗人詞爲張使君作

千騎西行出上都鈿車開箔得名姝陌頭五馬

參寥閣全集卷三十九 古

曾相問喜是羅敷未有夫

藍宮通籍本仙靈小譚東南墮紫駢一夜春風  
從地起吹將天上伴張星

白門風柳比腰身佳麗傳名第一人艇子渡頭

催樂處莫愁桃葉是比隣

孔雀蛟龍勸錦囊勝花妝罷粉生光解將十索

邀新喜直是丁家第六娘

幾後枯桐置七絃樂歌翻出想夫憐徽音宛轉

傳心慣私語毋勞落枕邊

奕局時將列繡幃邀郎對壘試兵機每將一道  
爭先處賭取鴛鴦上下飛

洗馬圖爲張使君題

春流清淺柳陰多兩兩奚官洗馬過羣逐六飛  
天廐去芳池應號濯龍波

毛色權奇拭彩雲瑤池八駿是同羣于今安得  
存三駿五馬新分與使君

陳山甫邀集楊美人館同吳允兆紀事時

允兆斷葦止酒亦與遊戲又謂予不入

參寥閣全集卷三十九 圭

狹邪中及之

少婦頻燒五木香客來春滿鬱金堂次公不獨  
能投轄解取溫柔作醉鄉

寶帳玲瓏護絳紗列仙恰似降楊家合歡連理

憑誰種滿院春開解語花

浪說漁郎不問津秦人辱殺武陵春誰知隨地

遊仙客元是春風隊裏人

誰信天宮在狹邪一時遊戲醉琵琶笑他持戒

長居士也借名姬學散花

訪臧晉叔

茗水西來汎夕霞  
菰蘆百里到君家  
秋霜兩岼酣紅葉  
罨畫谿流似浣花  
聞君示病學維摩  
憂憫衆生近若何  
豈直文殊來問疾  
更煩天女散花過

鄭十二郎西湖寫梅寄鄭逢奇因題其側  
湖上思郎梅未開  
一枝貌取寄瑤臺  
月明倘亦能思妾  
解向羅浮夢裏來

過射的山因呈耶谿法師

麥寥閣全集卷三十九 去

路入耶谿水乍迴  
仙人石室射堂開  
近傳射的年年白  
定識廬陵米價來

晚投雲門寺雨宿看竹樓

薄暝兼行息化城  
卧深鮮碧氣淒清  
北窻無奈瀟瀟響  
萬竹聲中帶雨聲

釣臺

磐石中流繞急湍  
谿沙擁後半成灘  
當年想像任公子  
可有珊瑚挂釣竿

由釣臺望陶宴嶺因簡陶懋中

君家嶺在碧谿東  
一水雲門對梵宮  
倘得君爲漁父隱  
釣磯那遣屬任公

筆冢在雲門寺智永禪師瘞筆處

瘞筆高封近綠岑  
鐵成門限已難尋  
綵毫可有江郎授  
五色花猶雨寶林

乘月投昌源訪若虛禪侶會偶出山誦唐

人山空月色深之句遂成一絕

支藜步步入清涼  
滿地輕冰滿樹霜  
不是山空深月色  
到門誰放白毫光

麥寥閣全集卷三十九 七

迴舟出若耶谿憶內二首

赤堇山前水未平  
無端人送采蓮聲  
鄉心忽自思蓮子的  
的儂心抱苦行

谿水空名是若耶  
不逢人出采蓮花  
相思似在青門側  
五色鈎連子母瓜

靈巖寺西施井

碧流雙井捧高崖  
顧影長過越國娃  
料得山僧重潯日  
青泥猶自出遺釵

次韻和范長倩觀家歌僮作劇二十首因

調長倩

華屋深開玳瑁梁，暄妍夜氣不飛霜。變童樂府歌相和，衆舌齊聲似鼓簧。

分得唐昌觀裏花

諸歌童來自揚州

明姿選貯絳帷紗

薄施脂粉妝成女，額點芙蓉箭鏃砂。

子夜橫陳落錦茵，已誇絕世是男身。何知妙舞嬌歌出，又作心驚目眩人。

鳳曲鶯喉態可憐，步來嬌怯似前音。聲親切無如肉絕，技虛稱鮑四絃。

麥麥閣全集

卷三十九

六

機辯詼諧語笑開，慧心真勝女郎才。驟看步幄姍姍出，錯道香魂起夜來。

冶遊或赴上宮宴，宛轉柔情在絳綃。若唱後庭陳主曲，花翻玉樹背開腰。

調戲尊前亦解嗔，轉從眼語授心神。枕間若學行雲雨，不辨荆巫夢裏人。

鉛華却似傅何郎，並美當場逞艷妝。翩若驚鴻如計態，新辭也合賦陳王。

髮妝橫紫玉簪，忽如佛土長優曇。散花幻出

天人相也，向維摩室裏參。

按拍詞聽解語花，飛雲欲住墮流霞。若教蕩子時時見，只合繁華廢狹斜。

女子嬌容本共妍，冶心一點亦同憐。含情總在纖腰處，顛殺帷開絮枕前。

歌譜分明調復高，六么遞進鬱輪袍。紅裙結束濃妝就，裁取鮮霞落剪刀。

催過春江夜不寒，桂舟輕蕩榜歌殘。誰知渡口真桃葉，轉是軍中僞木蘭。

麥麥閣全集

卷三十九

七

移來幾樹玉連卷，明處看花暗處眠。聞道選姿初台部，揚州鶴背費腰纏。

明肌膩滑撫如膏，薄薄纖羅束紫絛。願執紅牙隨隊去，絳唇接處剖含桃。

五馬驂驪五玉鞍，使君小駐解纓繁。不知陌上相調日，可有筌篲作意彈。

登場既自引春心，妝卸相持樂更深。魚貫但能工薦枕，蛾眉何用買千金。

帷牀背地隱芙蓉，妝閣人知恐不容。請看白

苦茂陵猶自妒臨叩

博得狂夫醒亦狂盤盤結盡旅人腸那能夜夜銀牀裏絳蠟飛光照海棠

無奈傾城絕代人相携那得共華裯廣寒只擬同奔去竊藥仙娥併一輪

許瑩送李叔賓還順陽

時刻集甫成

爲訪吳關下楚關新詩卷卷落人間藏書先乞龍威護增重金庭玉柱山

著書事業在膏盲好乞名山住故鄉倘似文園

寥寥閣全集

卷三十九

辛

長病渴芝童呼下帝臺漿

爲姚百雉題錢六姬小像次韻

一看畫障獨驚猜顛殺姚郎得異才展處不知

圖裏出見時只道夢中來

闌入詞林更不猜丁家寧數六娘才新詞短簡

尋常賦婉媚何如十索來

渡太湖簡山中人

玉柱金庭已細詣渡湖今日更誰探有書自我

思傳布肯乞龍威護石函

出水捧玻璃縹緲前灣卜隱宜待我書成懸市日售來爲辦買山貲

爲呂姬調蕭二

雕成一片玉生香十五時年未嫁王識得蕭郎慣來去轆轤井上不安牀

趙姬詠

纖骨柔肌意態真雙眉淡掃可憐春嫣然步幄從容出驕殺屏間粉黛人

獨步幽庭翠草中海棠一點吐秋紅雙尖只合

寥寥閣全集

卷三十九

壬

金蓮捧何必香塵試楚宮

已迎桃葉木蘭艘留取桃根不過江明月半牀

窺枕簾綺錢疎影挂西窗

居士由來亦有家曾留女子住毘耶但令丈室

能容汝不礙雙雙各散花

廣陵逢彭仙翁紀事五首

秣陵西畔石城東寶地清涼避暑宮麟脯犧樽

金液酒仙班曾侍鹿裘翁

廿四橋頭白月天吹簫聲裏再逢仙錦囊玉匕

分丹藥付取衰翁引大年

教開靈根守洞房華池深灌碧瑤漿輕身肯逐  
遊仙去乞得溫柔不老鄉

飄飄北去八垠輿期我燕山比舍居鍊却此身  
堅固後一編還付未傳書

冠蓋母今到處隨恐教隱跡使人疑仙緣倘使  
逢明主黃石還爲帝者師

瓜渚遇呂姬文若附載還廣陵

明玉柔膚水玉顏掌中曾捧夜珠還楊花最恨

麥麥閣全集卷三十九 三

郎心性獨采靡無不下山

芙蓉渚畔木蘭船寄載驚逢水上仙若似鴟夷

老無賴便教窺入五湖煙

龍玉羅衫帶雪裁薄帷風軟不吹開卧時只恐

爲雲去未敢輕扶上掌來

蕭郎送去附儂迴僮直長年未許催留得遺香

經月在青蛱猶勝再飛來

施大將軍新納吳姬五首

絃服飄飄絕世容劍僊女子是吳儂行時躍入

延平水覓得雄來却是龍姬自吳入閩過  
延津覆舟溺水

夫婿東家亦姓施偶從西畔得名姬生兒待襲  
通侯印無事功成學子皮

曲房旋室擁翠恩一樹珊瑚掛鏡時莫道將軍  
橫膽氣風流也自畫雙眉

繡閣相携喜若何盈盈微步襪凌波尋常愛弄  
黃金印纖手長摩肘後多

列來侍婢劍裝新應佐夫君西出秦築得層城  
能却虜千年也使號夫人

麥麥閣全集卷三十九 三

瑟瑟曲同鄧遠遊作

閒情夫婿賦新篇金屋藏來艷可憐聞得佳人  
歌絕世阿兄元是李延年

天乎帝也縱堪驚頗暈元非帶酒頰聞得呼郎  
催點黛隔花飛送一聲鶯

繡闥香廊步幾重明姿輕態若遊龍仙家只近  
麻姑宅一夜飛來玉女峯

掌中長愛弄明珠小字仍將瑟瑟呼駕得鵲橋  
同七夕夜來織女詣黃姑

盈盈秋水溢星眸索得衣裙炫石榴十二金釵

分次列右行翻得在前頭

行次第七

尋常無事弄嬌癡三寸銅弓較履綦若向列仙誇指爪麻姑應讓玉參差

鬢髮如雲頰舜華玉釵輕壓九鸞斜移來合作連枝樹倚處開成解語花

繡帳銀牀翡翠稠文園新有茂陵求饋漿只合名消渴捧酒還應字解憂

又賦得第七娘

寥寥閣全集卷三十九 五

屏間七十畫鴛鴦十二金釵又兩行列在右行還作首何殊第一近中郎

鬱金堂上出如雲一一行來次第分甘與六娘稱小妹也將十索問夫君

並蒂靈葩七色誇聚來繡架錦成霞眾中非爾朱顏並那得呼爲姊妹花

洞府仙姝八景興霞衣瑤珮下方諸儻教主理名山上占過巫峯一半餘

遠望廬山九疊張重重雲錦是仙鄉化身若作

匡家弟小小稱爲最末行

千金買得價元殊清烟長堪掌上扶挂向帳中明似月由來七寶是真珠

時叟六十詩

家世金閨住子城十年老作豫章行每含莊舄懷鄉思歌出吳歊第一聲

清喉軟調媚人聽白髮紅顏六十齡曾習輕風流曲水教成弟子是秦青

長干徧歷倚紅樓桃葉親逢古渡頭多少學歌

寥寥閣全集卷三十九 五

南國女至今碧玉擅名謳靈波肉奮繞梁聲帝女相邀授法嬰一曲曾令王母笑小妻配與董雙成

索羅結璘酒

家僮白墮在君旁傳說尊醪柳色黃新釀牀頭春定孰分來五斗卽天漿

喜結璘送酒至

灩灩新醪肯復嘉滿巵何意送君家杜陵却笑耽詩老道上垂涎向麴車



索黃孝先酒孝先家醕

甘旨羅家酒復香飲來風味出尋常回思文露齋頭釀一沃平生烈士腸

謝黃孝先送酒

一尊春色玉膏融飲罷能增烈士風但得抱他清滿甕壚頭何必對黃公

五月六日送幼晉宗侯歸省

花月春江叩榜來別筵却過泛蒲杯青麟欲致高堂膳乞得麻姑擘脯迴

麥麥閣全集卷三十九 二六

景校書移居四首

仙居移處路無多北去牀樓共絳河金屋元開香水上依然華館寄流波

江皋戶戶綺羅叢花外鈿車近易通閣道長廊聞響屧分明吳日館娃宮

黃姑河畔本仙靈清淺銀潢引翠軒飛渡鵲梁何處往定應天上伴張星

盈盈一水對中洲移住仙家十二樓謂是麻姑誰不信從姑日日侍牀頭 卷三十九

麥麥集卷四十

東吳俞安期羨長著

吳郡毛漢祿詔廉校

誄

潘士遠誄并敘

萬曆十七年八月三日戊寅明從仕郎直內閣誥勅房中書舍人潘士遠以賜告歸卒于安仁里嗚呼哀哉凡在哲人異世追憶矧也同時並生南國結髮定交齊心協德中路奄

麥麥閣全集卷四十 一

棄痛悼孔棘匪予私痛比壤皆然百爾含識靡不喟嘆一托交遊涕泗橫漣嗚呼哀哉余懷爾德修報罔地不逮爾身惜乏爾嗣迺累懿行式壽厥世庶幾不誣以酬往義誄曰

昔在畢公子維季孫爰受采邑廼即于潘肇命斯氏厥緒伊繁綿綿支本雲發星攢芒芒海隅有播其後顯允恭定夙興未嘗荐領內臺亦居司寇服位匪輕服德孔茂元功屢敷歷我三后績戎顯考巖巖岳伯經營四方以似以續宣

力河渠再藩于蜀爰逮伉儷鳳繇在卜吳之門  
姓顧也名族長子維行來嬪有淑誕五斯男爾  
曰家督惟爾之生俊朗瑩然令儀令色奕奕翩  
翩宛其璧矣人孰與聯宛其珠矣不踰而旋碩  
念厥紹世德求輔淵塞內秉克何爾祖恢弘外  
昭克何爾父執柯伐柯道不遠取有閑懿則奄  
美其行友則因心孝也彌性媚茲二人有若其  
命友于諸弟藹藹無競睦彼宗姻終和且敬弱  
冠執經贊彼筆削比事屬辭允也精博思靡弗

麥麥閣全集

卷四十

二

淹文固沃若式啓 王庭玉匙金鑰既樂泮水  
載觀壁雕簪笏之奇慮遏我躬屢對公車擬被  
光龍梅亦在鼎金亦在銘流言之播困也弗庸  
迨于中歲獲覲顯舉國制閱成廁身帝所晉直  
機近參司 天語弄彼柔翰在前上處鳳凰于  
飛集彼池潄煌煌具瞻肅肅其羽用始戔戔名  
聿詡詡倏疲鉛槧蹙弛肩負輟直中堂省爾難  
老歸陳百禮誕其億壽爛其盈堂朱衣綠綬肯  
其盈筵庶珍三酒子道庶備 王命有期黃扉

丹闥待爾來茲微痾偶示景命遽際室尊在侍  
壑舟胡移嗚呼哀哉嗟爾良士惠柔寧謐如斯  
人斯庶幾無疾厲階之興實憂宗祐匪和匪調  
于彼琴瑟小星失明螽斯奚育嗚呼哀哉民之  
初生迨爾相續何辜爾身乃斬爾族疚哉衰嚴  
扶杖反服鞠哉季弟代子臨哭凡爾友朋百身  
寧贖嗚呼哀哉爾隸鄉評觀過在厚寧人負爾  
爾寧人負恩或濫施德罔虛受慈人之無喪已  
之有傷哉貧也匪懈于後爾之蚤歲好是豪邁

麥麥閣全集

卷四十

三

服被綺紈食糧精膾樹羽縣鍾嘉賓斯會恬憺  
之規予嘗爲戒誓蔑驟更言靡不拜短以較長  
善猶勝敗爾胡垂往心也自嗟正命之遺疏祭  
薄歛匪卽裸埋式從其儉嗟爾生平微爲奢掩  
胡于易簀困而靡檢粵爾之性無然濡染粵爾  
之疵故爲是點我昔爾主道以相師要結之固  
弗渝弗劓爾義匪山重莫舉之我心匪石堅實  
逾之曷慮曷度永訣于斯嗚呼哀哉玄廬昭建  
旒車載脂哀貽于世魂依爾慈孰是尺土永閉

形儀孰是曠野棄爾如遺嗚呼哀哉玄冬告終  
皓雪崇積白馬來嘶素冠遙集膿甘不御麗臚  
靡食知我之痛有同罔極悠悠終古念而無力  
嗚呼哀哉

丁伯母劉太恭人誄

并序

萬曆己丑冬十二月八日 丁伯母劉太恭  
人終于江夏之孝禮坊悲乎傷哉余與叔子  
黃門郎應泰族居異吳楚之疆要結聯兄弟  
之好痛齊喪妣分切比兒爰獲訃音冀奔大

廖寥全集卷四十

四

故屬余亦抱家嚴之戚薦罹憂病之加維再  
明年逮茲六月始衝炎日遠哭几筵則前四  
卯之辰已就億年之壙矣悲乎傷哉白楊新  
樹草根未陳哀猶得展于慟音禮竟闕行乎  
執紼情靡自解志蔑遑寧形骸遽掩顧泉戶  
以徘徊儀範宛存望慈幃而慨慕僭司外史  
用壘潛暉辭曰

御龍未胄粵有軍督帝顯瑞符世臻祺福坤輿  
效靈葵精再燭于夏之汭迺生邦淑懿茲邦淑

參服訓辭內含靜德外耀貞儀潛窺圖史動  
典藝譽侔士範言爲女師來嬪君子婦道有焯  
相事詩書以儋世爵肅睦宗嫺恪虔嘗矜力罔  
或遺職靡有忤宣威奪祿家運式衰中饋不續  
外侮是窺佐籌旁畫茹苦履危事罹變只德無  
間而命匹斯男以文以武仲氏明農陟彼畎畝  
衡能授業分途勒伍殿以成慈訓惟協榮叔也  
顯效通籍金閨敷恩嚴邑補闕 禁闈官貧則  
喜賢勞是怡之子之譽母氏之貽世祚載興壺

廖寥全集卷四十

五

模是詔家爾爲尸天平降謬桂魄爲灰榆景收  
曜夜色重玄慈輝失照悲乎傷哉翟軒改茀旒  
車驚輪涉江遡漢負嶺次潛隧途始闢冥物以  
陳潛局茂曙聖室無春悲乎傷哉余與叔也締  
盟爲耦事叔猶兄視母猶母豔美之習于何不  
有示別長辭痛心蹙首悲乎傷哉神壤曠兮靈  
淵深白日慘今隴樹陰何黃蕭之肆毒掩千秋  
之德音悵仙駕今遽難返托彤筆今紀所欽悲  
乎傷哉

擬封中憲王公誄

并序

萬曆丁未十二月十五日 誄封中憲大夫  
潞安府知府紹庭王公卒于里第悲乎傷哉  
劭德通聞曠代交契潛輝偶耀月旦獨許安  
有名儒醇士備百行之全徇死孝之節伏祖  
棺而迴風滅火襄塋事而甘露降庭神鑒至  
誠天昭禎應若揭日月而聲鐘鼓者一旦喪  
厥具瞻失其典則不爲之拊膺以申其痛悼  
榻管而累其行誼哉某也生先生化暨之邦

寥寥閣全集

卷四十

六

厠長君世講之籍懿美既習暴表奚辭誄曰  
厥裔瑯琊出自子晉孝矣休徵海沂是振逮于  
勝國步督神駿萊陽載遷沛西爰定從仕中起  
五世熾昌茂才廩食早折蘭芳哀節母幾殉  
北邙離公于裏忍死徬徨呱呱墮地口始水漿  
公生幼慧剝心明易連山倍精師說是翊稅業  
既成罔有遺力時發見落無纖忤色悉貽所業  
于二嗣君身爲都講四達來聞有造多士蔚炳  
其文超然遐舉絕足逸羣歲在辛卯二嗣得雋

寥寥閣全集

卷四十

七

煌煌賢書鴈行而進遺業之授曷虛庭訓誨言  
諄諄戒茲履盛展也家督先奮王庭司農持節  
易餉經營潞符之剖渤海同稱治兵河北四履  
謐寧仲氏繼起爲神明尹公高罹浸疾痛是軫  
衣食鰥羸祗席顛隕民社之司孰是隱惓二嗣  
功能疇非義方萬姓子惠疇遺樂康子代其業  
世獲其慶臻諸純嘏永佩無疆矧公鴻德躬行  
無度聲色不漁華綺不御義則由忠仁能强恕  
文謝浮華質緣太素事祖心殫安親慮周心喪

師李血食報劉孝思之感窮神貫幽隆施之典  
于何弗酬祝融爲虐炎炎在室赤幘巨人援之  
以出又逼苦惟危在咫尺雪涕叩顙迴颺載熄  
粵營祖墓爰降天漿玄庭樹柏渾渾灃灃禎符  
之現爰發百祥二嗣之貴三拜 朝章天人之  
際纖毫弗爽壽祉如茨宜膺宜饗未登耄耄岱  
遊長往哲人之思痛心疾顙悲乎傷哉里猶喪  
考巷若無人先塋是祔靈輻旣巾黃壚肆毒將  
闕芳塵玄堂一掩千禩無晨悲乎傷哉丹旄先

今素驥鳴玄候凋兮皓雪盈何慘黯之序兮  
瞻望乎遲旻違執紼之大義兮託毫素乎旂旌  
悲乎傷哉

鄭母董宜人誄

有序

萬曆癸丑六月十九日 誥封鄭母董宜人  
以疾卒于鹽官里第其誕以嘉靖丁巳之二  
月十九生爲大士出世之辰逝爲大士合覺  
之日蓋普門三十二應現善女身者五十一  
年種種母儀婦範風表人倫者于何不有願

麥寥閣全集

卷四十

八

畢而逝歸覺海之中獲自在之樂矣顧有子  
端濟念離裏之親蒙顧復之愛攀緣旣重欽  
德尤崇然而內奉慈命以出中聞凶訃而歸  
莫申永訣之辭惟抱無已之痛真有不能自  
解于中也者廼圖彰母之德壘母之行而屬  
之不朽余乃不辭而爲之誄庶幾慰孝思之  
萬一云其辭曰

虞庭賜姓厥有董宗孤稱良史父好參龍江都  
之相漢儒是崇綿綿似續逮紫厓翁維翁文行

麥寥閣全集

卷四十

九

從高序少卿鄭公聯席與處義篤通家交稱  
爾汝兩姓閭閻規肅雍交許爰少卿嗣有美治中  
粵在綺歲失侶氏鍾姑也擇繼聿來嬪公才淑  
之配里譽攸同禮義衛躬溫穆成性明玉外標  
方諸內映情情婦儀井井家政恬憺致柔爰也  
無競相彼夫子侮禦政成宦聲丕顯外患弭寧  
煌煌封誥佩服殊榮同心儷德天語是稱誨厥  
諸男慈嚴合軌讀誦在恒名操是砥室有前兒  
庶產後子顧之復之仁均離裏待姑善病無間  
晨昏夫子之疾禱贖以身姑感以歿夫感以生  
嫺嫺之恤屈指曷勝父之見背慟逾禮則旬日  
斷餐曷支瘦骨五十孺慕在古稀獲宜人死孝  
年五十一嗚呼哀哉宜人之孝固本性成恩勤  
死報式有前因獨于去來大士同辰或還等覺  
樂境是臻遺此孝子欲殉母死曰母殉父下見  
蒿里孰宜人子覲顏息視嗚呼哀哉子母之孝  
至性則同援經證古母廼匪中子行子道母安  
幽宮萬化歸盡物孰罔終亂曰新阡建今甘泉

鄉兩母殯今共一方慰母九原今在顯揚千  
萬禩今靈樂康

顧貞白先生誄

有序

鎮遠侯勲衛顧公私謚貞白先生歲在萬曆  
乙未二月二十九日卒于登雲里之西第又  
十八年癸未余履廣陵之疆習聞先生之義  
痛前哲之云亡嗟執鞭之不逮采鄉曲之公  
評與章縫之私謚迺壘其德輝申我哀志誄  
曰

麥麥閣全集

卷四十

十

粵維殷爵列伯曰顧顧余侯封漢存越祚逮及  
醴陵厥氏孔著嗣籍湘渾本支雲布夏國崛起  
履高帝戎行平蠻壘績功施鬼方勲開國運  
世爵允臧鎮遠之封實在文皇錫券分疆延  
及後裔而國是中淆式微三世英宗念功襄  
恪迺嗣榮靖繼之榮僖美濟河漕平成咸收上  
計厥有弟宇是爲勲衛屬奉先塋廣陵置祀維  
公仲子承學是名少也受易上究三墳漢儒諸  
翼兼王與京經明行修隸郡諸生人尚紛華爰

麥麥閣全集

卷四十

十一

贊

丁省吾長公像贊

儒而俠賈而忠爾省厥躬美而鬚肅而雍爾具  
德容瞻之而起恭非遼陽之仙客乃海陽之丁  
公

葛震父小像贊

清羸標骨冲夷襟抱新異置觀沕漠吐藻偶踐  
跡於人羣遠託心於象表風爲御以泠泠日當  
胸而瞰瞰誠謂若人影子亦好

聖賢閣全集卷四十

三

程孺則小像贊

并序

余友程孺則來遊成均其年則少其性情情  
飲人以和若醇醪焉然眉宇間時見俠烈之  
氣不細察其微不知也私心每異而愛之及  
讀其尊人程季公傳爲友人少司馬沈純父  
所撰始知其所由來也純父生平寡交游不  
輕許可其摹寫季公儒而俠矣又其處虎而  
冠者以金而不睚眦負恩人之講學非性真  
之和者能然哉則孺則之身體髮膚性真氣

象一季公也以所寫松下照視之一孺則也  
余未嘗識季公見寫照而詫爲孺則見孺則  
亦詫爲純父傳中人不意父子之間有氣象  
克肖者若此余爲作孺則贊又若贊季公焉  
贊曰

儒而俠者其事和而純者其氣其肖季公是耶  
非耶吾則不知其異

何巨源像贊

骨勁體豐顙濶準隆廣長口耳炯炯者瞳無涓

寥寥閣全集

卷四十

古

川之千畝若戶侯之素封中厨甘脆惟客是供  
及觀其衣冠舉止也又若佞佛之何顙

秦公藩像贊

其體羸其神王其心朗壯其志適上鶴步有渠  
龍德無抗其亦清者之流而壽者之相耶

薛希之像贊

其爲士也文龍門而學江都其掾文學也範關  
西之夫子而儀魯國之醇儒其爲令也標清廉  
之安漢而嗣神明之上虞其歸里也主汝南之

月旦而廣通德之門閭茲其希之先生之槩

汪有道像贊

有道者士曰伊誰氏越國之孫龍驤之裔心和  
而容肅形偉而神異有茗椀爐熏之清癖無持  
壽握算之校計中抱不二之心外備四時之氣  
家天都而出入雲門還一元以遊戲三昧桃花  
洞裏藏春松實林間爲精清淨爲宗丹鉛寄意  
護鼎則蛟龍來蟠命駕則鹿鶴爲侍姪女獻赤  
霜之丸明童擁太阿之器佇拔宅平叢霄乃應  
寥寥閣全集

卷四十

圭

龍沙之識記

吳伯實長公贊

仰海陽之先哲寔讓王之嘉胤凝重而濟寬和  
弘曠而含溫潤異不傷物同不害正每貶損以  
後人又孰與之爲競許子華裴讓之讓其鑒識  
明山賓劉善明遜其德行收遺孤普生成之仁  
篤交與盡人倫之信九族備敦睦之風諸男有  
過庭之訓恂恂然儒者之規井井者家人之政  
若人者宜其揚翊于鄉邦聲施于遠近子翩翩



其有父風孫振振乎而愈熾盛有不識君之范  
形者請觀其標第五之名者曰敬

王季高像贊

髯如戟眼澄碧其形也類酒人劍客囊有書牀  
有筆其究也爲枕林之伯卧南陽誰識其經綸  
遊王門託大隱之跡客卿子墨爲國人式

程方叔像贊

豐干之流河洛之派望族我我吉人藹藹德亦  
杜機道無行怪內明者離外塞者允運法坤維  
寥寥閣全集卷四十 七

聲爲天籟既委順于素封而寄目于玄對產天  
都之樞宅淮海之會滄流汪濊而當襟黃河屈  
曲而爲帶仰化宮而俯積蘇飲天漿而飽沆瀣  
出則人有范型居則物無疵疢彼肖者特以其  
形吾欽之寔窺其內

程仲像贊

隆者躬豐者容炯者瞳洞者聰錦者胸素者果  
其峙也若華山之峰其行也猶老氏之龍其儀  
也爲萬人之冠冕其洪也爲八音之鼓鐘繫斯

人之長率爲程氏之次公

周長庚像贊

豐爾容曠爾胸有達士之遐蹤俠爾衷飭爾躬  
爲吉人之溫恭文心而雄詞筆而工剖彼鴻濛  
成而鬱蔥居正而同習隱而通詢其所從其又  
爲關門之尹河土之公余披圖而瞻對與接裾  
而同遊者一皆有道之形容

姚百雉像贊

美而翬者汝之貌曠而遠者汝之抱隱而通者  
寥寥閣全集卷四十 七

汝之操韜而愈出汝之耀志狎鵠而運游鵬神  
猶龍而文變豹藉之以不朽者汝之詩託之而  
永傳者其汝之照歟

還元子像贊爲朱爾醇道兄作

嶽立而峰標者其幹之崇也日輪而月鑒者其  
容之豐也雲蒸而霞舉者其氣之充也玉溫而  
金純者其德之隆也龍彎而豹變者其文之工  
也知白而守黑者其道之宗也雪融而冰釋者  
其心之空也凡相好之具足與夫玄妙之冲

威備之於一人而總萃于厥躬詢真機於泰氏  
問道要於鴻濛修之以還其元始悟一法之玄  
同其居止也天都之府其遊戲也蓋珠之宮其  
大隱也始於僧牛之市而終於金馬之側其役  
使也左有屠羊之夫而右有牧馬之童蓋自目  
爲還元之子而人視爲抱道之士髣髴乎河上  
之公

蕭惟馨元次行樂像贊

爾壯心滅虜於千虜城邊爾豪氣震蕩於朔漠  
寥寥閣全集卷四十 大  
之天爾玄爾禪余以知其全且題破爾現前噫  
此是姬侍論兵皆義俠英雄遊戲似神仙

頌

芟槐堂頌爲許同生造

留京之司金吾之署爰有官槐鬱哉雲華蒼幹  
中挺玄蔭四蒙若周參公位而漢列辟雍倚歟  
許公英冠南服兩令巖邑神明相屬燁燁之政  
禔弱禍強云宦則拙于聲洵昌來參縱騎聿舍  
槐下叶公在在堂凡百修舉有嚴在侍有祐在  
人匪直莅事食息並臻盈畝者陰芘題者色憩  
此興思民胡有敦召公芟棠聽訟在斯民戒勿  
寥寥閣全集卷四十 尤

銘

吳敬輿虛室銘

虛爲用玄則白開沕穆昭朗晰是之謂吳季子  
敬輿室

偈

大士像題偈

觀音東土緣顓念還恭敬潮梵音互聞水月光  
交映慈爲信人航悲因衆生病乃如是一身具  
三十二應

題達磨像偈

我遊少室汝影在壁我見此圖依稀舊識隻履  
未歸江蘆可折佛法會麼只不可說

馮玄卿像偈

參寥全集卷四十一  
爾好也遊爲鯖五侯人遇之而色喜爾自處其  
何憂嘆今日已登歡喜地他年同上覺王舟

文殊臺觀佛燈作偈

恭禮室利尊瞻此妙靈異諸燈紛照耀流影互  
相踰似彼真如光文攝諸國土剎那惠寶相日  
月燈佛力願從衆光中現身說秘密得聞未曾  
有俱獲無上智

參寥集卷四十



參寥集四十卷

浙江孫仰曾家藏本

明俞安期撰安期有唐類函已著錄是集騷一卷  
賦二卷詩三十七卷禠文一卷安期之名本由依  
附七子而成故詩亦不出其流派朱彝尊靜志居  
詩話稱其賦景有餘言情不足如觀翦綵花青紅  
碧綠非不爛然卽而視之總與根株不相符可謂  
定評矣

# 江山人集七卷

〔明〕江瓘撰

北京圖書館藏明嘉靖刻本

附《四庫全書總目·江山人集

七卷》提要

霞石小稿  
詩以道性情  
貴有其才有

其才又貴有其學有其才有其學又貴養  
之養之久發諸性情之真自有婉雅蘊藉  
悲壯怨謫之妙溢於言表使讀之者愀然  
得其志之所之而泣爲之下是詩也是詩  
也求之於放臣怨女懷沙恤緯之口爲得  
其真故聖人採焉後之人不達聖人爲教  
之本才入雅道便涉藝門浮雲白日摘爲  
江山人集  
八序  
古選青枝黃鳥拈爲六朝曾不知古人賞  
其一字幾千金流轉如彈丸者爲何物卒  
使讀之者祇覺中闕餽飭剪裁千篇一律  
而竟莫得其志之所之是詩也爲詩邪韓  
子曰氣水也言浮物也氣盛則言之短長  
與聲之高下皆宜乃知古之大才與六義  
相左右一有所發不可刊置別處有本故  
耳霞石小稿者新安江叔子民瑩之作也  
民瑩讀書篁南山中又稱篁南山人山人

第禮部荆石子與余同年友善壬子春荆  
石起復北上過八寶見訪致山人書徵余  
序其稿久未之復也越今夏丙辰荆石再  
起復乞南補車駕邂逅首徵及稿序且曰  
昨與家兄書云此來無別事為兄索射陂  
處冷債耳已而山人亦自新安來相見歡  
甚秋齋美月把酒論文余因謹曰昔人謂  
帶二江今有之矣山人笑曰少陵言見一  
珠非邪雖然子秦續近矣何以教我於是

江山人集

下序

二

退而出其稿及近日所授諸作讀之慨然  
曰有道之言哉可謂發諸性情之真矣詩  
麗以則文核而雅足以一洗近日剽襲之  
陋方采山謂山人持論和厚有吉士之度  
汪穎谷謂山人用志不分獲誠壹之效可  
以得其著述之本矣余復何言山人少為  
舉子時有志於用世已而病棄去講軒岐  
之學間從方外者遊皆得其秘訣以其餘  
力洩於詩文故有精有氣有神如此而猶

不耻不肖拳拳下問因復之曰僕病矣五  
技窮矣不足以奉明問矣公之神方王而  
僕之技就窮第恐僕之急於問公更急於  
公之問僕也靈樞八十火記六百有真傳  
乎

嘉靖丙辰九月朔旦

賜進士尚書南主客郎中廣陵朱日藩撰

江山人集

下序

三

序

篁南山人集 卷其詩若文純雅追古持論不詭歸于和厚讀之藹然吉士之度可見云山人蚤習舉子業爲邑庠弟子試高等有名矣無何病其病爲舉子文則甚爲詩古文則若脫然者於是遂棄場屋繩尺而一意攻古文辭人謂造物者殆以病窮山人亦若以啓山人者方子曰世多言文人不護細行余恒以爲過夫士能研極典

江山人集

八序

四

籍黼綬其詞以名於世此其才有大過人者顧不如中人以禮法自束因遠于君子之域乃猶自矜其才謂若當然者豈不悖哉余結髮與山人遊逾二十年未嘗見其有過舉失言者恂恂樸訥不以文采自炫可謂君子矣山人雖以病不得奮庸於時然其文可以自見固不俟余言也余欲後世知山人者不獨以其文故著之云爾  
嘉靖丙辰仲春望友人采山方弘靜撰

篁南山人詩集序

走昔從升菴先生游間謂曰詩以寓道繼曰詩以寓禪及其久也曰詩以寓玄走請曰竭竟乎先生曰才趣迥別詩之道也冥契三昧詩之禪也根極無始詩之玄也三者合焉其妙於詩者乎走持此爲品藻之鑑爲日久矣忽謾拜爲崇安令俄山人有武夷登眺之緣邂逅若生平因偕往焉攬拈雲物探神漢采紫芝信宿而返乃出所

江山人集

八序

五

爲詩稿皆豪邁出塵若濯魄冰壺絕無煙火氣蓋山人自齡年擅舉子業博極群書棄而好古寄興清虛淵渥澄徹性貞明淨感情卽事不求工於詩而自工也据其本人情該物理而道寓焉陋下乘叅上乘而禪寓焉通山澤觀魚鳥而玄寓焉思致超逸固有脫然於象外而聲詩其餘耳非山人挺孤清之標流金石之韻而有是乎夫山人詩與禪似也禪而匪禪也與玄似也

玄而匪玄也何者有所托而逃焉得之心而寓之詩也善鳴感發海內親比誠山谷所謂蓋亦不須傾矣走也謬結心知詛浮肉骨人生良晤不其快哉矧今季子荆石公風雅玄思近代罕匹世稱二難真確論也嗚呼隋珠入目燕石匪寶正聲宣朗雜奏寢鳴走頌從遊端在茲矣何時上下今古盡發所蘊耶諒二難亦罔遐棄於走也嘉靖庚申歲季冬西蜀懷鶴山人王葵撰

江山集

序

靈石山人傳

明尚書郎汪道昆著

余觀作者之污隆壹稟於風氣由漢下逮則緣世屢遷譬之異日卒于不振

明興驅左袵而反之正執士奮起依馮出日之光軼輓近而稱古人斐然盛矣然皆三河齊秦之產而江淮秀異亦稍稍肩隨之其疆弱有差則疆域使然也新安地重其民深厚不浮依古以來文獻足述顧今

江山集

入傳

之學士大夫率高視一世其言不軌予先民善乎山人之言曰吾鄉多泛駕之材使開輿衛皆上乘也山人在諸生中輒有志述作會有疾謝學官去遂壹意修辭嘗讀史慕太史遷為人作而歎曰丈夫不能周游四方友天下之士徒抑首蓬戶享其敝帝將為遼東豕邪於是操舟東游登禹穴入浙觀海潮浮于五湖問閩閩春申故址遂杖馬箠之秣陵朝故都焉入郢聽歌郢

中望高唐汎雲夢而下其游知交傾東南之美矣比還郡郡中諸儒宿學爭顧交山人驩山人挾一騶奴篋書而出過故人厚善者輒肱篋發策喜人彈射其文猶能折節後生務章人之善士以此益附之入舍下帷讀書即家人治生業紛糾萬端不為亂其精如此山人故多病乃學養生為軒岐之言必入其室其一切從事不遺餘力盖天性也客見山人具草若干卷請曰自

江山人集

六傳

八

民瑩號召郡中而多士響應願揭旗鼓偏示之山人謝曰嗟乎古人成一家之言徒藏之名山俟知己者世儒紛紛務懸書以侘海內何為哉瓊徒誦法古昔自託於無能之辭柰何得當諸君子又惡用暴已之短邪客退語人曰江叔子猶然務深藏彼其握燕石而冒玉名徒豪舉耳汪道昆曰山人善聲詩尤長於古體夫詩書之教一也其升降相依今之論文者多不與昌黎

反推尊杜陵不啻日月余竊疑之或謂建安起靡麗之習陵遲于梁陳唐自陳伯王以下起而一洗之開元為盛夫持漢之三尺卑疵六朝敢不受令唐削雕為朴而體益卑卑猶之秦人聞新樂端冕去之乃拊缶鳴鳴為秦聲猥云可與道古聞者有掩口而笑耳舉世方馳逐近體無惑乎布侯於杜陵及為古詩且不能超乘而上則任耳之過也若山人之長言大都取裁魏晉

江山人集

六傳

九

行年五十猶塵塵不衰千載而下奮臂先登立江南赤幟吾郡有山人矣山人質行較著往往可書顧余材薄無能為役山人方以論著顯故特書其大節云  
嘉靖丙辰夏六月望



汪穎谷與江山人書

道昆頌首言望南先生足下僕何知肉好執事出千金之璧示之僕雖狂夫素何以冥冥操末議也吾鄉作者輩董古無論焉正德中某子甲受詩北郡每自多其得師頌其言不雅馴支離而畔於法其有合者亦中山之糟液耳抑或挾己之有而設為名高用志既分鮮誠壹之效其何以託不朽邪執事決筴盛壯之年抗志污瀆之外故為文甚富而皆盛美可傳名不虛立士不虛俯矣嘗竊論之

江山集

書

一

自貞觀創為近體國士雲興杜氏高距擅場世誦法然不能追復漢舊古調訕然雖其憂思隱約曲盡其形容而用意太深涉事太淺不可與道古矣昔韓愈氏早視六朝自立門戶誦之者謂其文起八代之衰顧論議滋多體復不振即求為建安且不可况其上乎昔之誦韓則如彼今之誦杜則如此是同功一體者說者謂文損於韓必取則左氏司馬誠如所云則漢魏之五言猶可戶誦尚安事唐執事先得我心之所同然竊自踴躍遂緩頰

長者之前而不自諱其言之迂也夫近體由唐之制取衷於杜而出入諸名家若從軍出塞詠史特興諸篇則皆漢魏遺音去唐如脫屣耳夫正體猶本業也近體猶舉子業也攻舉子業者必害本業惟通才能兼修之執事是已顧今人之趨唐猶百川之趨海即能為律詩得唐人之近似輒群和而推轂之曰某能詩藉令為漢魏之言觀者恐臥齊紫敗素賈且什倍非虛語也宋人齎章甫適越越雖不售寧詎毀章甫而從被髮哉執事負俗獨行

江山集

書

二

試宜一意修古抗駕於西都幸物近一時之名詭隨於俗千載而下必有知我者耳僕非敢為高論排擊當時竊負好古之癖幸得執事秉羽先登僕願操衣從之矣輒不知量僭為執事立傳其諸大指亦具傳中顧猶有未盡之言敢屬書以叩失得如以今茲之言去道遠甚願明教教之集中所見稍有異同不敢自隱瞬火不息無損大名執事必不以慙直而傳之罪也道昆頌首

江山人集目錄

明新都江瓊著

卷之一

林栖集

賦

竹泉賦

四言古詩

溪流送宗老蒙泉思召五章

樂府

江山人集

本卷之目錄

一一

從軍行四首

俠客行

出塞曲

五言古詩

初集高塘呈同好十三子

九日遊黃山偕同好十五子四首

詠史七首

送舍弟民璞會試三首

贈雪泉宗丈

贈胡元豫

登理山亭

賦東園

送方定之北上應進士舉

賦松山

和方際明下第見寄之作

烈婦吟

送別吳侍御竹墩先生之南臺

逢鄭思祈郡城有贈

江山人集

本卷之目錄

二

七言古詩

癡仙行

癸竹篇

唐明皇幸蜀圖

黃鶴樓圖

井幹樓圖

岳陽樓圖

雪江贈別歌送程一潞游建業無呈方定

之

吳生行

溪上行贈德甫

方二仲潛精小篆厥兄際明爲作蒼頡歌

索余嗣響

寄贈汪郎中伯玉出守襄陽歌

卷之二

林栖集

五言律詩

折楊柳二首

江山人集

卷之目錄

三

懷方二定之

送王四仲房秋試

寄鄭思祈

寄方二敬之方三定之

哭南岑先生二首

送黃汝會秋試

寄孫一貢甫

過故尹方南岑草堂

過程師魯墓

過故友鄭伯容館贈其子木

庭前瑞香八月復花

寄程自邑

游祥符寺

海陽建初寺逢姚唯之同李功甫飲城南

酒樓

石門訪朱楓林先生舊隱處

春日過富溪程漸夫諸君留酌

賦閒菴

江山人集

卷之目錄

四

東吳汝衡索山精

秋日得汝濟族兄詩簡次韻

九日懷李功甫

懷方際明

貽朱叟

上巳日吳元孝方定之孫庸甫見過

程子楚歸卧病詩以問之

過方特鳴墓

寄汪伯玉職方

元宵後二日訪汪一仲嘉

訪龍山隱居

酬荅汪氏叔姪

莫春遊千秋寺同汪仲嘉戴子京

送吳公甫之竟陵

送王仲房遊四明

春日孫氏山亭

雨集鄭思祈館

莫春喜汪仲嘉至留宿

江山人集

卷之目錄

五

夏日與王仲房諸公納涼金城蘭若醉別

溪市賦得空宇

聞孫一貢甫東歸久滯不至書此寄懷

倭寇侵境移家入山依項二子仁因過舊

遊有悲往事

方貞外定之與予訂九日之約雨阻佳期

涉望始踐賦得遲字

送俞一子遷舉人北上

夏日同汪伯玉庫部遊古巖寺

寄游汝潛黃門

同鄭思祈諸友訪程自邑

重遊漱芳園次方際明韻二首

贈吳三振聲

和潘仲文春日過訪之作二首

仲兄哀詞四首

卷之三

林栖集

七言律詩

江山人集

卷之目錄

六

壽朋峯先生六十

寄陳九舉

遊石橋巖

率濱亭宴集

歲莫訪竹翁席上有作

冬日同紫峯程教諭幾齋諸姻丈游問政

山次汪白野韻

賦溪村

酬程自邑歲莫見寄之作

贈送竹墩吳師出守温州

贈送宗兄白石出守麗江

和處西人未前

人日得鄭思祈書

對雨有懷

寄朱射陂鳥程令

方野詩

寄方定之東平

王德仁侍御過訪值雪

八月十四日同汪古矜訪陳鳴野休陽官

江山人集

卷之目錄

七

署

莫春重過讓溪草堂

送游汝潛給事兵備贛州

陳九峰司訓重領歛教賦贈

朱射陂許序予集久不見寄詩以促之

吳氏宴集值雪即席賦

除夕

季夏胡汝濟正郎方定之員外枉駕草堂

卷之四韻

閔二嶽靈別去經年迺辱川扇王履吉草

書之寄輒走筆酬之

寄戴子京

送殷養實給事出使還朝

歲莫偕陳貳達甫諸友集紫溪汪隱君宅

賦得烟字

送方定之戶部北上

送汪伯玉庫部赴闕

聞四弟移官南曹寄憶一首

江山人集

卷之目錄

八

送汪正叔推府轉秋官北上

去夏池蓮盛開日與舍弟觴咏今歲花時

不同此賞感而賦之

閔二嶽靈遷居鄰有讓址者詩以調之

生日述懷

飲飛雨樓遇九華僧

贈吳德脩通判奪情起復越州捍禦

送朱射陂出守江州三首

送方定之憲西二首

入日同朱新川集王仲房宅

七言絕句

王明君詞

春雨汎舟

春日汎舟訪王四仲房

桃花美人圖

聞王仲房煉藥不就詩以嘲之四首

鄭思祈下第買妾吳門賦寄之

寄巖溪道侶

江山入集

不卷之目錄

九

送黃一汝會之維揚

王仲房游武歸簡贈二首

送族叔雲軒入黃山

過汪逸人曝背軒

陳山人鳴野來遊新都雲卧漸江之上旬

日不面詩以見懷三首

小池紅蓮盛開中忽挺白蓮一枝聊短咏

送方爲瀾之宛陵三首

卷之四

毗陵藁

時興

歲晏行

貧女吟

雲嵯歌贈雲間朱太守

寄壽劉萬戶七十

暮春夏氏園池有贈

游君山遂歷峨眉諸勝謾爾放歌

兩後趙子剛舉人見過

江山入集

不卷之目錄

十

顧山寺山茶甚古云是五代時所遺者老

樹着花更覺奇絕賦此賞之

賦茅菴二首

溪上尋春二首

過故人莊

池陽藁

春同章汝愚給事訪章時試上舍

癸卯九日

雲芽

題牡丹宮人圖

白汚津亭和韋正郎初華子題壁集古

贈王子

憶四弟

吳越藁

游越留別諸友

謁嚴先生祠

謁禹廟

登越望亭

江山人集

卷之目錄

十一

留別南岑先生

西湖汎舟逢王仲房不至戲簡二首

謁岳武穆王墳

于肅愍公墓

楚中藁

江夏贈王氏兄弟

江行

贈程子

訪舊守三石馮公

節婦篇

同吳石桐鄭遠可重遊馮三石公山亭

憶弟

王莘菴卧病鐵佛寺詩以問之

暮秋舊守三石馮公枉駕留酌

尋鶴樓張鍊師不遇

別程二汝佐

別王子

別舊守三石馮公次韻二首

江山人集

卷之目錄

十一

寄荅孫一貢甫

舟泊尋陽

賦東岷贈巴子

金山寺四首

卷之五

白下藁

將游抹陵留別諸同志

仲秋附汪伯玉庫部舟至抹陵

同汪伯玉謁李白祠

汪伯玉還朝予偕至抹陵言別三首

登石灰山道院和吳白樓太常韻

朝天宮贈沈鍊師祖鵬

聞警

同黃汝會登觀星臺

訪方際明鷄鳴寺不值

偕舍弟民璞駕部游靈谷寺歸陟觀音閣

二首

葉石南朱肖若二司馬折簡邀游燕子磯

江山人集

大卷之目錄

五

枕上聞雨却寄一首

秋日同職方阮沙城車駕葉石南朱肖若

舍弟民璞游佛國寺因謁中山王墓有

作

同夏部諸公遊徐氏西園

九日偕駕部葉石南朱肖若職方阮沙城

四弟民璞登雨花臺飲高座寺作

九日同夏部諸公登報恩寺浮圖

秋日過冶城沈鍊師丹室

偕方際明四弟民璞游靈應觀沈鍊師携

榼大觀亭賦得霞字

登清涼寺臺

唐應德太史將應駕部之召詩以寄之

汪二有秋自楚入燕應內翰李公之召別

予白下詩以送之

劉將軍歌

登燕子磯小憩清江道院

金陵留別舍弟二首

江山人集

大卷之目錄

五

逢陳鳴野吉祥寺得越中諸友消息感賦

西遊藁

玉山道中

郡齋雜詠

桂

葵

吉祥草

南嶽寺二首

留宿南嶽蘭若辱玄石吳明府黃心齋徐



華陽二少尹携盃見過奉酬一首

郡齋月夜與舍弟分韻得連字

秋日同郡丞廬壁山別駕孫文溪節推姚

龍津舍弟太守燕集夏氏白鷗園

簡王崇安二十五韻

贈壁山廬丈

送鉛山令陳葛陂守橫州便道覲省

雨中抵崇安借舟王明府游武夷值新水

暴至不果夜復大雨聊短述

江山人集

卷之目錄 十五

天柱峰

武夷山偏覽古跡

登接筍峰雲壁迴絕人迹罕到逢麗陽道

人留宿玄元古洞

麗陽道人亦頗能詩因放歌贈之

麗陽子贈予九節杖永言酬之

登絕頂升真觀

附錄

送家兄霞石山人東還二首

卷之六

書

與高侍御南山論遏糴書

與王亮卿論李杜詩

寄方南岑先生書

與汪伯玉論文書

寄方定之員外

會游讓溪憲副

序

江山人集

卷之目錄 十六

贈送讓溪游方伯先生之閩序

萍會卷序

汪仲嘉集序

送四弟民璞知高安縣序

刻傷寒論序

巢氏病源序

名醫類按序

卷之七

記

游黃山記

游武夷山記

行狀

外舅東巖吳翁行狀

先妣孺人鄭氏行實

頌

世德頌

雜著

處士東谷翁誄

江山人集

卷之目錄

十七

雜器銘九首

附錄

序武夷游稿

送江山人游金陵序

江山人集目錄終

江山人集卷之一

明新都江瓘著

林栖集

賦

竹泉賦 爲休令林君乃翁作

靈丘繚繞劔水潺湲有嫵娟之篠蕩爰寄生於淇  
塹璫枝左蒨紕影右連振芳條以颺丹溜敷綠采  
而媚星躔上葳蕤而防露下瀏瀏而鳴泉陸離兮  
而緣曲岬招搖兮而帶迴川陰蓬勃以四積兮煙

江山人集

卷之一

一

雨晦而錯聯縈迴颺以唵唻兮標扶疏而綿延于  
時帝炎掌節熾日重光蘊隆蟲蟲逃遐靡方瞻少  
室之葱翠絕夏彩而引商對槩澗之泓冽氣泠泠  
以蒼涼迺有洛下七賢湘濱二妃汎蘭舟以流盼  
曳霧綃之逶迤聯娟綺靡沈湎霞扈倚絳籜以含  
涕撫篴簫而賦詩至若玄冥司神黃鍾變律塞北  
河堅閔南氣栗爾乃挺縹枝而負雪振崇柯以蒙  
霜厲發飄蕭聲似鳴璫松梅作朋蘭桂齊芳真傳  
鄢杜名溢瀟湘實離離兮鳳食稍檀藥兮鸞翔嗟

彼名園迂逕雕榭層臺奇葩隕悴嘉卉摧頽王孫  
詞客撫景興哀豈若此君中虛允直濯泉絕埃稟  
性介固而離俗以自縈哉有美人兮其中岿籜冠  
兮寡迎逢開蔣氏之三徑枉求羊之過從維箇簞  
之翥蔚結白氣之鴻濛產應龍於葛水棲丹鷺而  
臨空清颺扇乎廣野餘波漑乎大東羌擅珍於海  
嶽竄馳譽於萃戎蒼葭兮櫛蠹湍瀨兮瀕溶綺疏  
敞而暖旭淪漪皺而生風仰王猷之高躅希渭川  
之遐蹤亂曰彼君子兮脩如玉翩翩舞兮翠袖驚  
江山人集 卷之二 二

酹

四言古詩

溪流送宗老蒙泉思召

溪流湯湯葭葭蒼蒼之子南行宗祊是匡  
溪流瀰瀰葭葭淒淒之子南行宗祊是毗  
湯湯溪流維其深矣豈不是思誰同聲矣  
相彼獺矣毆鯉及魴凌波越汴祭于河梁被何人  
兮粲粲衣裳

有客有客駕彼駟矣百里驅馳不遐棄矣諗我宗  
人毋自貳矣

樂府

從軍行

男兒生懸弧所志在四方戰伐有勲名安能守舊  
疆飛符昨夜至應募赴河陽落日照旌旄獵獵揚  
精光親昵並集送含悽莫盡觴公家有程期父母  
豈遑將提戈誓儔伍一戰斬名王

朝出玉門關暮屯交河水我師多僬僬千騎羽林  
江山人集 卷之二 三

子鐵馬嘶北風鷹弓不遺矢一發墮雙鵬威帽單  
于壘捐軀報明主英聲播青史

伏兵陰山側夜寒刀斗息轉戰向臨洮日晏不遑

食野雲連大漠月出猶鳴鏑塞沙淅瀝飛殺人如

剪棘生繫五單于凱歌度窮磧

嗟予備行伍寒暑屢代更昔來鴻雁飛今往鶴鷄

鳴胡笳流客思羌笛雜金鉦豈不思故鄉四方寔

靡寧功成拜天子不慙世上英何能隱蓬蒿依依

事耦耕

俠客行

紫駟金絲韁翩翩游俠兒朝馳邯鄲市暮過茂陵  
遠邨血重片言猛氣浮酒卮腰間匿湛盧具鈎光  
陸離報讐不辭難殺身酬所知死生惟義激何言  
中顧私縱橫著奇節英聲流四垂

出塞曲

匈奴寇朔邊烽火照甘泉天子按劍怒將軍出祈  
連胡風吹百草盧山高際天騎馬如雲屯旗旄何  
翩翩帶甲百萬餘鋪敦逐左賢拓地三千里指顧

江山人集

卷之一

四

息狼煙

五言古詩

初集高塘呈同好十三子

達生感蕭晨星言肅徒御高館集時髦按分諧秋  
晤交道古所難歲寒變霜露不見松與菌貞脆居  
然著久要重明義豈以杯酒故嘉會敦勝引勞釋  
吝亦去碩質良非薄鼓缶濫韶護河清非所遲采  
蕙傷及暮感激平生懷聊用紆襟素

九日遊黃山偕程一自邑陳三達甫王四

仲房四弟民璞余一復初王一子容方一  
子瞻汪二玉卿鄭一思祈方三定之鄭一  
子金方一濟民鄭二文仲程一汝南鄭五  
思道

新安古名都大雅久寥落群英應運興翩翩挺鸞  
雀白社盟素秋志意凌五嶽涼風蕩纖枯清霜掃  
崖嶠齊契熙淳懿觚翰時間作

作詩亦胡爲風雅良難追黃初恨尚淺大曆一何  
卑遊思翰墨園素衣已成緇同心接高唱不異竹

江山人集

卷之一

五

與綵性得暢玄覽聯軫登高堤

高堤一以眺茲山何其雄勢將九疑連浸惟百谷

宗自古饒仙靈遐恠世難窮我曹值明時况茲秀

淑鍾季秋理雲裝霍駕凌八公

八公豈易凌求道戒六丁平明登天都中坐視流

星光風爛瑤華玉樹何葱青空中來列仙簫管有

先聲長跪問大藥九籥啓丹經携手入無窮倘能

度顏齡

詠史七首

范睢冀下兇秦拔羈旅中君王比仲父三蹠慶遭  
逢深言信奇策遠交當近攻韓魏天下樞收親各  
有功六國如蠶食霸業日豐隆臨難片言解無乃  
俠士雄

子房本韓人胷中蘊奇畧破產不爲家報仇志誰  
度傳浪揮金鎚祖龍已禡魄黃石授素書靈監在  
草澤矯起用漢祖籌畫運帷幕秦亡楚亦誅赤松  
便可託消息觀其深豈曰甘寂寞

韓信昔未遇淮陰垂釣緡饑從漂母食辱甘胯下

江山集

卷之一

六

頃重瞳既莫識隆準亦靡甄昭昭蕭相國延攬拔  
埃塵炎光始垂照拜將驚群倫坐條當世畫籌定  
如指陳嘯咤由已出指揮定三秦提師下趙魏燕  
齊遂稱臣撓搶墮垓下漢業歛維新伊呂可並驅  
功烈耀秋旻當其在泥蟠峴岷不謀身彼哉夸毗  
子擾擾何足論

馬遷良史材感會清平世極言救李陵一旦蒙罪  
戾發憤思彌精勒成一家志哲人炳幾先未信祗  
遭憐悲彼巷伯詩千載令人喟

隴西李都尉驍勇稱將材提師浚稽山一鼓單于  
摧步卒五千人轉戰昏陰霾道窮矢亦盡惜哉勇  
弗裁捐軀誠獨難大義豈不乖得當縱報漢二心  
安可懷迢迢五原關思歸隔天涯遂使鐵石心化  
爲土與埃終然沒胡沙竟爲百世哀

具有傲儻士姓朱名買臣負薪歌道由四十猶甘  
貧妻子不安室欲去恚且嗔一朝緡黃綬駟馬奕  
城闔胥徒擁道周揚揚驕故嬪貧賤不同憂富貴  
誰相因迺知採樵者不是蓬蒿人

江山集

卷之一

七

曼倩滑稽雄閭閻能呌嘯一言給朱儒金門始待  
詔懷肉雖不恭九重翻一笑倡優恣詼諧諫苑中  
機要廷議斬董君宣室不得召玩世依朝隱瞻詞  
亦微妙高詠衛簡篇斯人可同調

送舍弟民璞會試

與子連枝樹朝陽俟鳳儀何意同巢鳥羽翼乃差  
池逸翎遂高翔倦翮寧辭卑彈劍作商聲仰盼浮  
雲馳凌晨戒徒御轅馬悲鳴嘶

驅馬出部門馬疾不容駐廿載同衾耦判袂一何

邊王事有程期高堂豈不孺黃鵠離哉翻涼風振  
芳樹夫夫貴榮名諸所為得顧

顧瞻雲中鴻飛飛摩蒼天贈子金錯刀遠遊越幽  
燕道經齊魯墟傾蓋燕趙賢悲歌何慷慨舉足生  
雲煙努力眷飛翮令儀慎周旋

贈雪泉宗丈詩

宗兄雪泉翁枉駕溪堂留處彌月終日對榻陶  
然坐忘夜雨談玄出聃入竺因及周用賓棄官  
辟穀令人有飄然遺世之興爰書此以結雲契

江山人集

卷之一

八

他日鳬飛於煙塵之表幸毋忘青鳥之招也

吾宗雪泉翁煙霞有真色四年一相見終日但玄  
默蕨薇具盤殮臨觴缺瑤席北風吹零雨經旬阻  
車軌良夜燈燭輝燕語道肝膈莊周貴選生聃子  
戒知白故人周用賓鍊性江郎石山巔匯靈池碧  
蓮躍金鯽十年結霞想未解樊籠役婚娶一以償  
振衣便可適瓊也落魄生廿載懷仙癖終期謝  
紛高附凌雲翮

贈胡元豫

與君昔弱冠共分燈燭光遊精翰墨園壯思頗清  
狂青紫期拾芥六翮擬高翔獻策兩不售韜光過  
咸陽多病如馬卿途窮類阮郎別君二十載毛髮  
忽已蒼朱夏喜相逢執手共登堂晤言念疇昔相  
顧還悲傷舉觴傲青天擎筑歌楚狂纓綬為微纒  
何必熱中腸人生貴相知寧免參與商願言保令  
德皓首無相忘

登理山亭

朋遊躋險巖披雲望寥廓天路非術阡逶迤歷岑

江山人集

卷之一

九

嶠絕壁松可倚側逕竹宜託仰攀躡層巒俛矚聆  
巨壑落木響巖扃寒嵐午噴薄亭榭欲頽摧龜文  
半剝落代往道豈殊事昧迹非昨撫化眷彌重賞  
廢情難豁彈劍發浩歌班荆且觴酌

賦東園

方園十餘畝綠蘿結東籬鵬冠者誰子迎暄卧苑  
茨開窗瞰遠峰嘉樹臨清池微雨因時來谷風與  
之隨提鋤理荒穢畦蔬有餘滋採芣充盤羞酒熟  
歡自持抱甕忘機心日涉何委蛇曠哉沮溺懷千

載乃相期

送方定之北上應進士舉

言我當弱冠與子涉文園慷慨師古人游藝究詞源朝夕展嬾婉不異篋與墳我病類長卿壯心成煩寃毛羽日摧頽安能比翼騫斥鷃足蓬蒿鳳凰期朝瞰丈夫重意氣窮達非所論

駿駿歲云莫悠悠子遠行遠行欲何之杖劍之燕京離筵擊朱絃新商厲清聲川途渺煙霧佇立以屏營執手不能別酌子以兕觥薊門霜霰繁易水

江山人集

卷之一

十一

寒且泓蘭菰會披靡而况葦與荊茂子竹柏心慰我林壑情

賦松山

童童山上松枝幹何縣羃蔚然挺貞蕤不受雪霜厄偃蓋拂層雲重陰垂廣陌飛簌蟠龍形喬柯集鸞翮森竦振寒聲棟梁人所惜葱青烟霞浮匠氏竟莫獲微颺因時來清響奏金石茯苓餘千秋兔絲懸百尺美人偓佺儔食弄終日夕吹笙駕青牛輕舉乘雲碧

和方際明下第見寄之作

弱齡負沉疴廿載卧林壑薄劣乏時用撫心固多忤端居攢憂念遲莫乖行樂子也廊廟器夙抱荆山璞培風向南溟期振秋空鶚時哉不我與扶搖亦鍛翮歸來黃山中高詠悲搖落予方賦停雲事枉金聲作明月難暗投積久光愈爍授琴坐石彈清商激朱索

烈婦吟 為胡鑰妾程氏賦

碧玉小家女之子偕于歸昕夕事箕箒焉敢辭細

江山人集

卷之一

十一

微之子蚤捐世惠妾有音徽義哉主人翁三載間羅幃嚴命出高堂嬾婉傲于飛如何妾薄命中道復無依感郎同心意淚下不可揮君昔不負嫡負君妾忍非靈車羗戒途丹旆映寒暉經旬不粒食殺身罔相違貞節曜秋霜行人涕霑衣載詠桃葉歌陰厓雪霏霏

送別吳侍御竹墩先生之南臺

伊子昔弱冠挾策趨子隅附驥思一鳴聯鑣游皇艷顧盼無伯樂飛黃頓中途夙痾糾纖質二紀倏

茲逾風蓬離本根壯志浮雲徂夫子振高迹名邑  
駕雙鳬彈琴不下堂黔首如噓枯謳歌接阡陌流  
聲聞天樞寵命下 彤庭雙轂已耀朱欲埋都亭  
輪豺狼駭路衢驅車發南疆王事豈不劬河山邈  
以綿執手在瀕史頌言崇令德慰我長相於

七言古詩

逢鄭思祈郡城有贈

昔年篁墩一相見荏苒風塵昧君面城西市上再  
相逢咲把綈袍何戀戀握手登樓呼濁醪天寒日

江山人集

卷之二

十一

暮燃明膏讀書船肯守章句作賦直欲追雅騷莫  
春鼓柁下桐渚酒徒詞客日容與觀湖江上託胥  
靈探秘西湖問逋侶雲門禹穴日縈迴覽古更上  
越王臺秋風八月枚乘筆菰米三吳張翰杯歲晏  
楊舲返南國青袍尚帶烟霞色袖中詞賦擲金聲  
塵埃俗眼誰能識嗟予落魄本沉冥浙中山水舊  
曾經此夜相思杳如夢依依孤月可中亭

癡仙行

我聞方癡起閩海紫髯玉貌流光彩五嶽三山隨

所之焉真不道晉陵愷京師豪貴競逢迎一言不  
合輒生嗔由來能事負氣岍不遇知己寧埃塵暮  
春三月訪蓬室縱飲狂歌嬌白日貌我老親顏色  
真滿堂見者嗟神筆酒酣展卷更濡毫恍惚然置  
我松下石懸蘿掛薜褘裊垂清晝空庭雲霧碧斷  
岍迴瀾寂無喧細觀疑是武陵源神魂欲往杳莫  
即故園花柳空復存對君披圖歡未已豪吟醉漉  
倏盈紙我亦黃山煉藥師相期天都拾紫芝

癭竹篇

江山人集

卷之二

十三

春陽滋澤蕃草木穠李緋桃奪人目風林孫子渭  
川才淇園數畝惟種竹拂檻臨池紺影涼出雲入  
霧何蒼蒼瘦勁獨抱簫韶質森脩時有鳳鸞翔美  
人岍嶺幽林下醺酒弦歌不知夏王猷已死七賢  
孤長日難逢高士駕霜風飄蕭百卉枯此君之操  
終不逾恠道君身如竹癭鄙哉肉食胡爲乎

唐明皇幸蜀圖

芙蓉苑裏春正鬧海棠酣睡無人覺漁陽忽傳烽  
火來驚破梨園太平樂六飛播越出咸陽攜飯充



庖日未央玉環已逢山下鬼羅衣血污徒悲傷胡  
騎羗兵敢馳突潼關陳陶堆戟骨野僧文士洗足  
隨翠華無光隴蕭瑟棧道連雲劍閣深霓裳寥落  
羽衣沉岷峨山高氣鬱懔明眸皓齒夢中尋蜀道  
歸來南內冷李相劫遷若萍梗仙賞心違淚滿衣  
西內淒涼吊形影君不見姑蘇金上麋鹿遊雷塘  
路旁隋帝丘金粟堆南松栢拱白鳥夜夜啼延秋

黃鶴樓圖

我昔遊鄂渚訪古黃鶴磯夏登江上樓玉塵翩翩

江山人集

卷之十一

十四

揮鞏簷凌天風六月無炎曦西瞻雪嶺寒東攀若  
木枝青蓮居士曾槌碎黃鶴仙人安所之橫吹玉  
篴招子安逢逢鼉鼓來馮夷別來塵埃近十載秋  
今夢寐猶魂奇海陽汪翁隱淪者日披絹素流杯  
聳開軒邀我觀此圖恍惚乘風到江夏蛇山何崔  
嵬飛樓俯空闊鸚鵡悲禰衡高才多天闕九疑屏  
障疊連綿七澤波濤拍遠天朱簾綉柱層霄上芳  
樹晴江禹廟前回首風光如舊觀不須倚劍驚流  
年何當再鼓三湘棹騎馮虛控紫煙

井幹樓圖

吾聞仙人好樓居吹簫舞鳳不顧餘吁嗟漢皇萬  
乘尊窮奢極欲心不舒燕齊方士來海上荒唐迂  
恠動宸想十二樓傳白玉京井幹入雲赫弘敞飛  
薨層霄何崔嵬輦道聯屬神明臺金枝燁燁殿上  
陳夫容冉冉掌中開流連王母瑤池宴烟烟神光  
如可見萬雉遙瞻即五城露杯擬作長生膳皇情  
歷覽天步窮日邀上元駐北宮文成五利終誅死  
銅盤玉屑竟成空君不聞漢家天子非仙才晚年

江山人集

卷之十一

十五

岳陽樓圖

飛詔下輪臺離宮晏駕龍媒去金輿玉輦葬寒灰  
巴陵荆城勝危堞起層樓樓前二湖春水闊千詭  
萬象凌空浮璫軒玉宇三天上倒影却射九江流  
君山當面半空紫岍芷汀葭生素秋日去長沙懷  
賈傅山橫雲夢爭韓侯三閭詞賦縣星斗昭王臺  
囿空山丘重瞳孤墳渺何許湘靈鼓琴蒼梧愁風  
雨淋漓濕雲白驚濤洶湧驅龍虬水國遙遙周地  
險河山千里曠遐眸萬古往還已陳迹百代起伏

如浮漚憶昔登樓鬢未變披圖省識湖山面只今  
淩落在風塵回首廿年速流電人生適意湏及時  
莫向風前悲素練

雪江贈別歌送程一潞游建業兼呈方定之

歲暮黃雲晝不開狂風吹雪片片來三江七澤迷  
涯岍千峰萬嶂玉崔嵬竭來程生懷奇勝清直能  
飛剡溪興高挂雲帆向我辭貧交片言慚所贈朱  
門擁爐酒滿觴疑輝絢素不下堂多君不作兒女

江山入集

卷之一

七

態玄冬霜霰灑行裝津亭一樽聊出祖君爲楚歌  
我楚舞丈夫遭際不可期功名富貴等塵土寒氣  
掩靄暮江頭停橈罷棹且淹留會須痛飲彈長劍  
莫因淩落空懷愁鳳皇臺白鷺洲行邊倘遇采山  
子爲道相思何上樓

吳生行

吳生振武昔從子游其尊嚴又予師也  
感舊興懷即席有贈

汝昔垂髫氣食牛執經侍我金陵遊驤裏騰騰汗

溝赤頭角岐嶷如潛虬十載風塵駒過隙成均早  
入才賢籍淩落甘投噉谷棲清年好獻明庭策汝  
翁微時人所嗤一朝雲雨接天池丈夫窮達會有  
日愧殺粉粉輕薄兒余也及門道方適轉眼年華  
過半百往事重思夢幻中通家世講真莫逆龍駒  
爾本千里才一日湏期遍九垓獻酬交錯白日午  
酒酣擊筑山花開

溪上行贈孫三德甫

一別四年不相晤山海蒼茫隔雲樹莫春溪上共

江山入集

卷之二

七

揮觴高談却有驚人句後生意氣何激昂一日千  
里真飛黃豈如老驥長伏櫪空有紫焰雙瞳方君  
今鼓柁游吳越予亦乘槎汎溟渤寄語伯氏如相  
思期向秋風食鱸鰕

方二仲潛精小篆厥兄際明爲作蒼頡歌

索余嗣響

自從皇顓鳥遺跡蒼天雨粟鬼夜泣石鼓籀文出  
佛龕孫施數子勞蒐輯李相中郎著秦漢嶧山苦  
縣何璀璨開元之間蔡與韓入直檢揚動宸翰由

來六篆巧入神人間遺墨苦失真少陵評書貴瘦  
硬鷹跼鳥震難具論鑑湖孫子真好古學篆工刻  
心獨苦龜文螭紐信奇觀八分不讓書中虎狂余  
夙昔嗜古文垂金屈玉徒繽紛只今衰老才力薄  
臨池染翰心如焚君家伯氏鍾王侶長歌索我一  
轉語鼓缶和瑟矢不多煙霏霞結練溪渚

寄贈汪郎中伯玉出守襄陽歌

條谷汪子生江東少年文采稱才雄君門敷策致  
身蚤飛鳧綽有循良風如錐處囊方脫穎一朝含  
江山人集 卷之一 十八  
香列畫省璫輝赤霓淹歲年率土蒼生共延頸東  
南倭寇近縱橫君也揚眉奮請纓九重赫怒亟推  
轂宣威遂使海波平

宵旰俄殷肱郡分符千里寄專城秣馬脂車逝不  
處翩翩遙向楚雲征楚雲龍捷接宛許迢遙行路  
思羊杜褰帷露冕式行春竹馬兒童爭快覩王顏  
送酒歌銅鞮高陽池上日初低江夏群黎愛山簡  
幾人談笑伴留題回首清曹仙直緬滄洲故與吏  
情遣山橫白馬流丹泉水接龍門連漢沔龍門漢

沔聊棲遲富慶行聽歌兩岐補 袞還期入宣  
室峴山重植去思碑

江山人集卷之一終

江山人集

卷之一

十九

江山人集卷之二

明新都江瓘著

林栖集

五言律詩

折楊柳二首

灞陵二三月楊柳綠煙絲儂欲攀其條願言遯所思玉關千里隔落日萬重悲努力平胡虜年華難再持

青樓臨紫陌御柳帶芳堤念我愁思婦懷人事鼓

江山人集

卷之二

一

整白花繁戶亂黃鳥緯林啼腸斷關山路長條誰爲撈

懷方二定之

方子天下士風流亦我師少齡詞賦重萬里鳳鸞姿遙望音書隔頻驚歲月移山中開杜若折取寄相思

送王四仲房秋試

王子萬人英才名少日聞讀書誇左史獻賦掩揚雲鳳具扶搖翮羞隨燕雀群秋風桂花發看爾掇

高芬

寄鄭思祈

思祈吾畏友二十蚤知名作賦稱才子題詩震上京神駒應汗血萬里可橫行高價人爭重秋風拾桂英

寄方二敬之方三定之

昨自三吳返傳君應鑠聞高標聯棣萼飛翰動京畿濩嗟予獨機雲似爾稀

明王方側席莫遺寸心違

江山人集

卷之二

二

哭南岑先生二首

先生鑑湖後質朴古人心旅徇交遊難貧揮暮夜金青袍終作宰黑髮早抽簪遺傳那堪讀臨風淚滿襟

蠡城淹六載歸駕未經年俎豆民思繫文章藝苑傳蘭襟愁已斷寶劍悵空縣蒿里堪銘碣淒涼拱

木煙

送黃汝會秋試

行子竭登庸黃槐驕玉驄少年籌聖世勁翮向秋

空倚馬萬言就隨身寶劍雄青雲當自致白日馭長風

寄孫一貢甫

秋日重違汝春風長歧予如何隔年別不寄一行書花底鶯相和江邊人索居白頭吟欲附回首謾躊躇

過故尹方南岑草堂

不見山陰面言尋谷口居荒園猶挂菊虛閣祇圖書鮑叔知何早嵩丘跡已踈新墳埋宿草落日迴

江山人集

卷之二

三

含歡

過程師魯墓

程老吾邦望詩筒屢月稀只疑塵路阻竟作死生違宿草縈新隧蒼苔沒舊磯我來縣寶劍灑涕倚松扉

過故友鄭伯容館贈其子木

谷口懷賢跡重尋門逕蕪舊知慚鮑叔長逝嘆元瑜未見遼城雀還憐汗血駒他年應歷塊看爾到天衢

庭前瑞香八月復花

詫爾秋翻盛初疑葉更芽誰知搖落候乃發艷陽花叢藥蓉偏妬幽香菊並誇爲憐離索久故伴野人家

寄程自邑

鄉國談詩早風騷取善場雅音追正始文體陋齊梁白社心同結黃山興未忘雲霄有鴻雁欲報不成章

游祥符寺

江山人集

卷之二

四

叩梵披羅磴探幽陟碧岑靈泉堪試浴紺殿下春陰帝子遊何處丹爐雲正深未湏談浩劫懷古一長吟

海陽建初寺逢姚唯之同李功甫飲城南

酒樓

奕奕吳中彥神交近十年空門一把手雙樹聽真詮入市狂呼酒傾囊不計錢浩歌臨日莫那惜重留連

石門訪朱楓林先生舊隱處

昔人棲隱地朱夏我來尋一徑緣溪入石門煙霧  
深野梅猶覆隴初月故明林慷慨懷賢跡狂歌酒  
謾斟先生有梅花初月樓

春日過富溪程漸夫諸君留酌

千溪通島嶼一徑入雲霞山谷逃秦地池塘即謝  
家花飛寒食雨客試玉泉茶愛此淹晨暮臨流坐  
碧沙

賦閒菴

避喧棲谷口鎮日閉柴關性類稽康懶居同潘岳

江山入集

卷之二

五

閒白雲宿簷際好鳥鳴松間予亦忘機者從君拂  
釣竿

東具汝衡索山精

聞道茅山上深藏八洞天山精秘始秀採服可長  
年余往金陵道行登積翠巔三君如可遇丹訣定  
須傳

秋日得汝濟族兄詩簡次韻

踈懶渾成性桑麻不顧餘故人誰問訊蕭索獨離  
居池草牽幽夢江魚托素書晚年詩律細筋力定

何如

九日懷李功甫

別子值朱夏蕭然涉素秋黃花依候吐綠酒向誰  
酬閒把篋中贈獨登池上樓何時遊白嶽共爾騎  
青牛

懷方際明

不見方生久孤吟對夕曛風塵愆社約歲暮惜離  
群文彩流南國書神迫右軍山中瑤草長誰共採  
清芬

江山入集

卷之二

六

貽朱叟

神仙隔弱水念余獨縣情長日思鴻寶何年朝鳳  
京青泥丹鼎秘石室紫芝榮天路期携手相隨弄  
玉笙

上巳日具元孝方定之孫庸甫見過

遲日三陽暮光風脩禊天諸君灞洛客走馬來翻  
翩言續蘭亭會追歡上巳筵况逢花爛熳觴詠足  
留連

程子楚歸卧病詩以問之

去夏一爲別經年書不聞新歸南楚楫獨卧北窓  
雲白畫惟堪奕玄亭懶著文無由共把袂逸思轉  
續紛

過方時鳴墓

昔訪常譚劔今來悲絕絃故園花寂寂新壟草芊  
芊事定蓋棺日魂隨歸雀年素冠逢令子相對一  
潸然

寄汪伯玉職方

年少早爲郎雙鳬飛帝鄉司農方入署衛尉復舍  
江山人集

卷之二

七

香文體凌西漢詩名逼盛唐雲霄足鴻雁倘有奇  
來章

元宵後二日訪汪一仲嘉

地遠隔風塵乘春洽隱淪水村冰雪後門逕柳條  
新堂下陳蕃榻人猶原憲貧况逢燈月好莫厭酒  
杯頻

訪龍山隱居

策我花邊杖尋君川上屨逢迎多道氣信宿即吾  
廬風雨車難返盤飧意不踈朝來更東望煙霧滿

平蕪

酬荅汪氏叔姪

膏車朝欲發投轄復留連銀氣欣開舊金綵更割  
鮮客非蓮社侶主是竹林賢風雨過逢意相將擬  
拚年

送吳公甫之竟陵

江上棹初發楚中我舊遊竟陵何日到七澤片帆  
收時暑嗟行邁秋風擬逐舟故園有松菊公去莫  
淹留

江山人集

卷之二

八

送王仲房遊四明

歲暮閩中返新春浙上行如何歡會日翻動別離  
情柳色薰晴淺江沙入望明多君才藻富到處有  
逢迎

春日孫氏山亭

遲日堪行樂喬林見故家遷鶯時出谷戲蝶半銜  
花園竹新辭籜山雲欲變霞主人能好客仙掌試  
新茶

兩集鄭思祈館

兩年成契闊春日偶追隨風雨飛花片池亭對酒  
卮詞能誇白雪菜喜薦青絲不盡高陽興何妨倒  
接離

莫春喜汪仲嘉至留宿

幽屈寡輪鞅春事况多違忽枉故人駕呼兒具蕨  
薇空林鳴鳥變移榻片花飛秉燭休辭醉相看鬢  
已稀

夏日與王仲房諸公納涼金城蘭若醉別

溪市賦得空字

江山集

卷之十

九

人間苦煩熱世外自虛空何意當三伏來遊並八  
公雙林無暑氣大地迥生風別路仍沽酒狂歌清  
桂叢

聞孫一貢甫東歸久滯不至書此寄懷

聞汝旋吳棹經時消息稀風波舟楫阻日夜羽書  
飛爲客淹年歲懷人對夕暉歸與信何日共採北  
山薇

倭寇侵境移家入山依項二子仁因過舊

遊有悲往事

少日遨遊地重來三十春烽烟愁在眼山谷舊逃  
秦盡室誰堪託交情見爾真相逢飄泊際對酒一  
傷神

方負外定之與予訂九日之約雨阻佳期

涉望始戲賦得遲字

爲爽黃花約因趨白社期秋深萸半紫冬閨菊全  
遲令節饒陰雨追歡感歲時莫教風落帽已覺鬢  
成絲

送俞一子遷舉人北上

江山集

卷之十

十

寶劒十年就貽君萬里隨中原多事日臣子報恩  
時易水飛鴻斷北風胡馬悲袖中聊暫拔光見七  
星移

夏日同汪伯玉庫部遊古巖寺

香霧重巖隱叢篁一逕深與君尋淨果初夏到珠  
林法雨霑朱綬曇花照素襟妙峯延暮矚天際沒  
歸禽

寄游汝潛黃門

補袞仲山甫焚章杜拾遺首冬衝鴈雪指日到龍



鷺鷥班行舊梧垣退食遲雲霄有鴻翼那惜寄相思

同鄭思祈諸友訪程自邑

爾抱文園病新從建業歸我聯玄雀駕一扣白雲  
扉眉宇煙霞色形骸草木衣相看慰離索莫嘆世  
情違

重遊漱芳園次方際明韻

舊識愚公谷遙臨謝眺洲空齋無物累翠壁有雲  
流避俗曾題竹忘機慣狎鷗逍遙人境外天地一

江山入集

不卷之五

十一

虛舟

名園三世業水竹久成丘一榻陰招隱窮年賦子  
虛承家美堂構用拙且耕漁對酒須當盡無端歲  
欲除

贈吳三振聲

季子吾真畏青春薦栢臺高門嘶五馬舊業舊三  
槐汗血歸神駿承家在茂才百年有交誼秋日共  
銜杯

和潘仲文春日過訪之作

潘岳過逢日園林新雨晴綠楊低拂地紅藥半含  
英野水春時至村醪濁可傾今宵蘿月好相與話  
平生

邂逅方千宅相違動隔年慚非鍾子聽忽枉伯牙  
絃戰勝忘子瘳知希見汝賢重來還有約塵榻未  
須縣

仲兄哀詞四首

客觀毗陵遠歸程浙水漸離群悲斷雁落葉惜連  
枝甲子年初度先天數已奇慚非子由筆謾譏大

江山入集

不卷之五

十二

蘇碑

前年哀五弟今復哭吾兄昊天何不弔內難酷相  
并詩已追鄰幾婚裁畢尚平旅魂聊足慰隨雁尚  
南征

承家心蚤壯善後志尤專握畫伴計子傳經繼董  
賢孤舟還舊壤落日慘新阡

鳳誥何當下行期慰九泉

大造元無準浮生信有涯荆花榮復悴池草夢生  
疑江雨銘旌濕朔風猿雀悲行人問遺行應傳刺

史詞

江山人集卷之二終

江山人集

卷之三

十三

江山人集卷之三

明新都江瓊著

林栖集

七言律詩

壽朋峯先生六十詩

碧山學士傲煙霞蘭佩荷冠駕鹿車翠竹已開蔣  
羽逕青門自理邵公灰會看霜鬢迴春色長倒金  
壘忘歲華瑤草蓬瀛真可拾相期海上共乘槎

寄陳九臯

十載黃山卧病情傳君詞賦淨塵氛流觴取醉蘭  
亭酒揮翰時飛禹穴雲長夜狂歌白石爛春風獨  
采紫芝芬相思欲發王猷棹千里揚帆越水濱

遊石橋巖

百里肩輿恣遠尋早春結客眺嶇嶇瞿曇寂寂龕  
空在風雨時時龍一吟谷鳥晴鳴山竹裂天花晝  
擁石床深夜來雲卧衣裳冷石溜泠泠瀉玉琴

有石能

仙梵微微徹曉深幽探藜杖屬春晴松閑蘿逕通

靈島赤箭青芝艷化城碁局千年留異蹟虹橋萬丈凌空行徘徊已入天台路白日紅顏羽翰生

率濱亭宴集

程家亭子江之濱並轡來遊屬暮春細雨飛花移淑景蒼煙垂柳接平津主人好客敞清宴行酒狂歌動四鄰散帙分題洽幽賞滿庭涼月映松筠

歲暮訪竹翁席上有作

驄馬新從

帝里歸竹堂久愧舊趨衣衝泥問字狂逾甚下榻

江山人集

卷之三

二

開樽興不違入座黃雲陰裊裊當筵素雪暮霏霏少年同學飛騰蚤白石長歌老釣磯

冬日同紫峯程教諭幾齋諸姻丈游問政

山次汪白野韻

拊石捫蘿逸逕松蕭蕭歲晏吹天風飛鴻落葉酒樽裏晴雪孤城迢迢照中白水泉頭暮煙合鳥聊山邊野燒紅裁我天都屹在眼欲向逍遙叅八公

賦溪村

雲霞深護浣花溪楊柳新垂蘋葉齊灘鵝向人時

頤頤靡蕪亂渚何萋萋故家門巷依桑柘野客行藏隨杖藜清簾疎簾堪對奕雙魚斗酒定酒携

酬程自邑歲暮見寄之作

壯懷落落潯無成扣角狂歌春復生白社三年頻入夢冥鴻萬里自同情茂陵多病淹司馬江左逃名醉步兵狂淋雙魚傳尺素高秋擬度赤霞城

贈送竹墩吳師出守溫州

城當斗口連山海五馬駢駢亦勝遊鴈服幾年瞻北極虎符千里剖東甌行春花麗容成洞問俗風

江山人集

卷之三

三

主謝客樓神爵穎川期再見循良無讞次公儔

贈送宗兄白石出守麗江

三載爲郎淹上國一麾出守指南荒炎化瘴草迎旌蓋獠部夷官獻羽觴落日嵩臺鼙鼓叫春風石室刺桐香麗江蔽節棠陰滿青史龔黃豈獨芳

人日得鄭思祈書

聞君歲晏返三吳人日雙魚寄野夫柏葉細斟慚杜南梅花索咲憶林逋登臨念我情偏切潦倒逢人興不孤擬辦鄂筒沽滿眼花邊竹裏任行厨

對雨有懷

愁思逢春不柰春  
閉門風雨動經旬  
乍飛燕子如相識  
爭放桃花無數新  
過眼韶華稀老鬢  
荒齋幽獨謗傷神  
酒徒吟侶誰同調  
空憶山陰鼓枕人

寄朱射陂烏程令

聞爾才名二十年  
通家雲路獲瑤篇  
雅音迥出初唐上  
文體應超八代前  
桑陌即看馴野雉  
訟庭惟見撫朱絃  
關門令尹神仙吏  
不用勞勞倚昔賢

方野詩

江山入集

卷之三

四

谿上菑畲數井方  
美人中央開野堂  
風塵不入王官谷  
醒酒真輕李相莊  
邨墅曉煙桑梓接  
石田春雨麥苗長  
我來觀稼過逢日  
許坐層軒共舉觴

寄方定之東平

病懷愁緒向誰開  
每憶任城落鳳臺  
上疏難拋印綬去  
彈琴休厭簿書催  
朝端舉識王褒頌  
州縣何勞賈誼才  
神爵穎川應再見  
次公早晚即三台

王德仁侍御過訪值雪

雲臥溪山歲載陰  
謾勞驄馬雪中尋  
安仁早著閒

居賦范蠡長歸出世心  
當榻絕憐飛霰集  
圍爐遮

莫引杯深蕭條林壑堪  
携手扣角狂歌剡水潯

八月十四日同汪古矜訪陳鳴野休陽官

署李功甫携尊至集陳達甫邵格之汪

禹父對月時鳴野將歸越

聯鑣訪舊入城闌  
涼吹蕭蕭動葛巾  
清夜喜逢蓮社侶  
澄輝未滿桂花輪  
狂歌酌月杯頻倒  
選樹棲枝鵲欲親  
莫向尊前嘆離別  
與君俱是夢中身

莫春重過讓溪草堂

江山入集

卷之三

五一

春風兩度武陵溪  
流水桃花路不迷  
眷爾久辭青鎖闥  
携予同步翠微隄  
謾誇詞賦雄江左  
新築茆堂似瀝西  
猿鶴逢迎幽興熟  
不妨引滿醉如泥

送游汝潛給事兵備贛州

侍臣斧鉞下  
丹霄萬里東行駕  
使輅此去霜威宣  
百粵向來風節重  
清朝旌旄擁傳寒  
星動尊俎談兵瘴霧消  
祖席淹留期盡醉  
征途莫惜馬蹄遙

陳九峯司訓重領歛教賦贈

獻策蚤年觀上國之官兩度向儒宮山川雲物經  
行熱桃李門嚮喜再逢白首青氈憐鄭老河汾教  
授屬王通鄉邦自昔多才彥聞說先生道已東

朱射陂許序予集久不見寄詩以促之

家學相承冠一時何緣尊酒共談詩窮愁虞子書  
猶著多病長卿數亦奇北海才名推大雅西京文  
字見宏詞好音不附南飛雁雲樹江天幾夢思

吳氏宴集值雪即席賦

玄冬積雪日初消忽謾同雲暗瑤霄喜爾梅花先

江山人集

卷之三

六

有約恰憐柳絮復飄颻筵開素蟻疑梁苑客至騎  
驢自鄭橋三白定占年歲稔臨風那惜酒千瓢

除夕

幽居潦倒卧江村亂世沉憂不可論羽檄飛塵時  
警急蛇年赴壑黯銷魂寒衝梅柳春先報節入屠  
蘇酒謗溫人事天機更消息燒殘銀燭坐黃昏

季夏胡汝濟正郎方定之負外枉駕草堂

奉呈四韻

幽棲夙抱煙霞癖曲巷全稀車馬來伏日炎蒸雙

蓋過山齋清曠一尊開憂時每切書空嘆報主還  
湏撥亂才聞道三吳烽火急滄江休羨釣魚臺

書之寄輒走筆酬之

秋風江上獨離居尺素無由寄鯉魚此日忽貽西  
蜀箋開緘無得右軍書浣雲香送涼颺至草聖真  
令老眼舒貧病却慙生事拙不知何以報稱琚

寄戴子京

經年不見戴山人雲樹蒼蒼望轉深一水近看風

江山人集

卷之三

七

浪促尺書長訝錦鱗沉懷賢竟日臨江閣問字何  
人到竹林雪夜知予興不淺扁舟准擬棹山陰

送殷養實給事出使還朝

幾年出入掖垣中補袞真成五色龍簡命一承  
南國去寸心長向北辰通三吳未息豺狼闖東土  
誰憐杼柚空聞道聖明收諫草好紓籌策采民  
風

歲莫偕陳二達甫李一功甫吳二有中方

三定之汪二禹義程一朝甫汪二有秋

七子集紫溪汪隱君宅賦得烟字

白社荒涼不記年，玄冬兩度紫溪烟。  
竹林清曠開三逕，冠蓋追隨列七賢。  
思逸賸聞蕭史奏，坐有孫山人吹簫樽空那惜阮宣錢。  
謾誇詞賦無勍敵，更喜君家有惠連。

送方定之戶部北上

野館新晴日未央，春風送客柳初黃。  
祖筵華勝逢人日，仙旆翩翻指帝鄉。  
拂露鳴珂趨建禮，披星起草奏明光。  
縣知聖主虛前席，莫負蒼生引望長。

江山入集

卷之三

八

送汪伯玉庫部赴闕

少日登朝報主身，南歸今復拜丹宸。  
筵張練水鶯初變，輶入金臺柳謾勻。  
海上羽書飛白日，帷中運策屬青春。  
軍輸賸嘆空東國，獻納須教淨虜塵。

聞四弟移官南曹寄憶一首

爾別鵷行出帝鄉，十年遊宦尚爲郎。  
乞閒自分同樗散，歌鳳何當學楚狂。  
紫禁烟花迷遠夢，白門

風日麗新芳，春來池草深如許。  
欲寄魚書思渺茫，去夏池蓮盛開日。  
與舍弟觴咏今歲花時，不同此賞感而賦之。

憶昔同傾花下樽，賦詩長日奏簾幙。  
只今汝作燕中客，曳珮凌晨趨掖門。  
歲月睽離頻入夢，風塵去住幾銷魂。  
新秋雁影南飛杳，爛熳芙蓉空自繁。

閔嶽靈遷居鄰有議址者詩以調之

苦憶山人閔子騫，經年不見尺書傳。  
晏嬰舊宅昔何隘，杜甫茅堂今始遷。  
盡棟頻來紫燕語，買鄰不

江山入集

卷之三

九

費錦囊，錢落成擬和斯干詠。  
許坐層軒共解玄。

生日述懷

雲卧溪山二十秋，藥囊書卷日爲儔。  
參禪謾自窺三昧，訪道何時到十洲。  
多病一生長獨寐，百年強半更何求。  
紫萸黃菊秋堂莫坐嘆韶光，速電流。

飲飛雨樓遇九華僧

冒險尋幽曲徑穿，翠微樓閣羽觴傳。  
香金寶甕標三界，法雨飄蕭落九天。  
絳節摩霄時叩斗，黃冠入座共參禪。  
百靈搜盡塵緣滅，擬駕青鸞凌紫烟。

贈吳德脩通判奪情起復越州捍禦

秋高太白捷書飛三載勤王百戰歸鑿經忍辭新  
節制島夷猶惜舊明威重開小队行具會早敵群  
酋獻帝畿推轂保釐誰不羨含情忠孝眼中稀

送朱射陂出守江州三首

露冕褰帷觸火雲輶車五月瘳江濱白蓮開處雙  
林並湓水環來九派分

聖代詞人多岳牧通家樽酒幾論文山川自昔資  
才藻遊鵬遙知興不群

江山人集

卷之三

十一

星郎出守古名州皂蓋翩翩亦勝遊瀑布千尋銀  
漢落屏風九疊錦雲浮行春應憇王喬洞問俗時  
登庾亮樓聞道泉明有遺宅公餘定訪菊花秋  
製錦曾留蒲縣棠分符此去有輝光新誇刺史專  
城貴舊帶南宮粉署香虎渚漫尋三笑蹟龍門應  
建四賢堂叅禪攬秀鏡詩賦尺素臨風好寄將

送方定之僉憲川西二首

江空木落景淒淒江上維舟驄馬嘶舊握蘭香辭  
白下新持憲節戾川西行邊喜見巴童舞吟處時

聞蜀鳥啼滿路霜威風紀振文翁叔度信堪齊

此去休歌蜀道難王程雖遠未爲艱浣花溪邇應  
湏汎高峽書縣尚可攀賓布抒空輸漢女蠻箋草  
奏動龍顏錦江迢遞鏡雙鯉定有新詩到故山

人日同朱新川集王仲房宅

藍輿十里度江干鼎鼎行雲衝曉寒此日共酣新  
歲酒憂時同負舊儒冠梅花索笑宜人勝寶鋏當  
歌謔自彈莫向尊前嗟老大古來賢達屬艱難

七言絕句

江山人集

卷之三

十二

王明君詞

玉貌含情出禁遲君王莫恨失蛾眉艷妻一笑傾  
周室誤殺忠貞老畫師

春雨汎舟

野客乘春汎木蘭衝泥不用怯銀鞍微風燕舞晴  
空上細雨花飛綠水灘

春日汎舟訪王四仲房

我乘僊鷁鏡中來春日縱山桃李開愛爾風流王  
子晉吹笙共倒赤霞杯

桃花美人圖

彩牋錦字若爲裁羞對桃花春自開翠袖倚瓶嬌  
欲睡晚雲同上楚王臺

聞王仲房煉藥不就詩以嘲之

仙家方術本荒唐徐市何緣動始皇入海三神無  
處覓只今遺恨指江湘

少君浪說蓬萊春漢武東巡祠八神山下空聞呼  
萬歲世間不見有仙人

恠爾逃空煮汞鉛青泥紫焰耀壺天好憑寶帙能

江山人集

卷之三

七

延世何用金丹始駐年

自古真人骨法殊君今三十尚爲儒莫將九轉虛  
流畧湏向麻衣問有無

鄭思祈下第買妾具門詩寄之

少年文藻振琅玕長路風雲適意難空向巴人歌  
白雪且乘彩鷁引青鸞

寄巖溪道侶

九鼎遙傳歲月長雙眸借問幾時方懸知彭澤龍  
山上舊是仙人不死鄉

送黃一汝會之維揚

雀駕鸞觴綰柳條劒文光動斗南標蕪城春草嬌  
羅綺莫向隋宮問六朝

王仲房游武夷歸簡贈

八閩山水昔常聞綵鷁秋行半入雲九曲煙霞收  
妙思東歸應著五遊文

三十六峯禮白雲道衣曾侍武夷君九還親授長  
生訣好共丹丘理赤文

送族叔雲軒入黃山

江山人集

卷之三

十三

落魄江湖倦問津軒轅洞裏好藏身姓名已注神  
仙錄白日懸壺混市塵

過汪逸人曝背軒

貂帽狐裘未足珍負暄捫虱樂殘春隱君自是烟  
霞侶不作王門泣玉人

陳山人鳴野來遊新都雲卧漸江之上旬

日不面詩以見懷

秦望山前動桂橈乘春飛渡浙江潮遡洄直上灘  
三百仙洞初聞碧玉簫



越客揮毫通右軍經時高卧練溪雲踏歌岍上多  
賢達借問籠鵝今幾群

風流逸駕謫仙人千里尋僊一問津烟嶺雲林迷  
處所宣平予亦是前身

小池紅蓮盛開中忽挺白蓮一枝聊短咏  
冉冉芙蓉匝綠池共誇濃艷賽西施獨憐淡抹脂  
風立莫遣攢眉陶令知

送方爲瀾之宛陵

布袍曾染帝京塵落魄相如只舊貧南北飄飄

江山人集

不卷之三

十四

淹歲月相若何異一浮蘋

少年腰下佩吳鉤彈鋏雄鳴亦壯遊莫向謝公亭  
上坐此時風景易生愁

別館飛觴不厭頻潭口桃花好問津前路莫愁知  
已少由來此地有汪倫

江山人集卷之三終

江山人集卷之四

明新都江瓊著

毗陵藁

時興

四節逝不居戚戚傷歲暮霜霰日以繁原野幽陰  
涸螻蛄先旦鳴攬衣起徐步仰觀天上星歷歷布  
躔度朱火燼無光望舒缺靡吐羈人萬感集撫枕  
獨寐寤振衣聊長謠深懷托玄素

歲晏行

江山人集

不卷之四

一

疊疊天運周歲晏轉寥落索居倦晨暮有來一何  
迫素髮忽改玄違志似如昨繁華難久鮮春秋非  
有托駕言臨江臯魚龍自淺嚼嶢嶢峨鼻山冬水  
亦全涸想見山阿人蹇裳采杜若望望渺難即安  
能踰騫崔生不逢唐虞守道甘場藿不見榮啓期  
九十行帶索亦有嚴君平成都獨寂寞持杯發浩  
歌遠望青天霸

貧女吟

南國有貧女三十未結縭昏旦躬杵臼鉉華不得

施明晨秉機杼日入成綵締數口糴太倉婉孌恒  
斯飢功慧固絕人畫範靡不知盛年處重幙惻惻  
生怨咨俛仰歲將暮載咏標梅詩豈無良蹇脩玉  
帛不時綏東鄰多妖冶生不識刀尺一顧惑陽城  
行徒弭廣陌羅綺交明珠踰垣鑽穴隙少年輕薄  
兒稱艷競相索不聞媒氏營蚤見鴛鴦匹

雲崖歌贈雲間朱太守

山東益都縣人昔  
宰武庫陞戶科給

事今守雲間

吾聞雲門山載梓一千仞訇然中開兩石扉翹首

江山人集

卷之四

二

望之如懸鏡琅瑯渤海氣勢來岱嶽千盤逶相映  
蒼虬文竊何蜿蜒腥風白晝雲縱橫有美人兮山  
之中結屋玉井餐芙蓉烹霞煉日探元化洞中仙  
侶時相從一朝驂鸞謁上帝丹崖翠巘空冥濛閭  
闔初揚董生策羣黎久慕循良風士元頓足暫百  
里拾遺還入明光宮只今五馬下南國兒童爭覩  
天池龍平疇沃野倍淳朴訟庭無事彈焦桐神爵  
翩翩翔白苧漢詔行徵黃次公成功須及時山靈  
久相待巖敷一片雲白衣蒼狗須臾改富公遊處

生莓苔青丘千駟今安在他年抽簪追賀元嵩少  
三花明紫烟與君披拂塵尾談重玄笑騎白鹿拍  
手蓬萊巔

寄壽劉萬戶七十

南山甲第如雲起將軍聲名齊頗李只今七十猶  
矍鑠躍馬彎弓不遺矢芳筵綺席當秋開虎幕龍  
旌白日廻梁園賓客盛交結風前月下倒金壘大  
郎驍勇傳弓劒叱咤三軍肅雷電二郎英特騁詞  
章驛驢歷塊秋槐黃寒予宿有陳雷契臨風莫獻

江山人集

卷之四

三

萬年觴何以將之縑一幅崑崙玄圃神仙錄玉盤  
丹核代長存絨圖遠附南山祝

暮春遊夏氏園池有贈

上苑笙簫合名園桃李春花飛金谷酒鳥勸習池  
賓塵市憐予獨交情見爾真卜居今幸邇相過莫  
嫌頻

游君山遂歷峨眉諸勝謾爾放歌

君不見澄江門外有山突然千仞起俯瞰橫江萬  
頃縈玻瓈我來天風颯颯吹歲暮與客携手扶筇

扶桑枝西盼京口東海虞北眄淮楊南姑蘇雲霓  
明滅差可觀髮髯指顧荆與巫金陵遙遙通地脉  
鍾阜龍蟠憑帝宅由來伐鼓朝諸侯四十餘帝  
年三百兩港環曲濬其源豪華一去俱陳迹虞舜  
城季子碑杜康宅黃歇祠重瞳帝子招不返但見  
蒼梧慘澹湘靈鼓瑟悲寶劍當年挂何處所貴國  
士當酬知達人豈好飲與世哺糟而揚醅珠履三  
千盡豪俠說秦疆楚誰復稽舞龍劍歌竹枝劃然  
長嘯下我眉搜奇歷險窮三島滄江白石何離離

江山人集

卷之四

四

我聞茲山有道通包山上有美酒飲之可以留朱  
顏安得與君共醉青嵒間咲揮玉塵聯翩驂紫鸞

雨後趙子剛舉人見過

滄江靜掩白雲扉疎雨鳴窓漸細微隔葉林鳩啼  
自語背人野雀故翻飛十年寶匣空懸劍千仞霞  
岡欲振衣強把叩筒增旅興重嗟垂白故山違

顧山山茶相傳五代時所遺者老樹着

花更覺奇絕賦此賞之

結客穿蘿到梵家何年和露種山茶恍疑少室三

花樹化作珠林一片霞

賦茅菴二首

谷口長懷鄭子居荝堂清夏迥幽虛南風一枕羲  
皇上門外無勞報使車

誅茅小構鬱江天翠竹蒼厓彩霧連誰咲楊雄不  
曉事逢人空着解嘲篇

溪上尋春二首柬夏子

煙花三月遍開殘報道春風到牡丹上苑游蜂休  
浪採東鄰狂客未曾看

江山人集

卷之四

五

幾度看花被花惱可憐春盡獨傷春芳菲落盡無  
尋處欲寫春愁寄遠人

過故人莊

昔年予遊碩山訪陳隱君煮茗譚劍風藻燦然  
今來登堂而隱君已物故矣感逝興懷申此短  
詠

谷口曾過鄭子家談玄把手品僊茶重來怕聽山  
陽遂日落風飄枳壳花

池陽藁

春日同章汝愚給事訪章時試上舍

偶偕青鎖客一扣白雲扉懸榻勞雙下深杯喜共  
揮園林新霽爽鳥雀乍寒稀莫問朝叅事班荆對  
夕暉

癸卯九日

客邸重陽動客嗟秋風浙浙發秋花半生貧病悲  
司馬千載才名憶孟嘉黃菊紫萸何意味白頭皂  
帽任欹斜天空木落澄雲物獨上高樓望九華

雲芽

江山人集

入卷之四

六

十二峯頭爭出奇浮游蛟蜃媚朝暉  
隨石燕空中舞還向陽臺夢裏飛

題牡丹宮人圖

牡丹不及麗人粧錦繡叢中寂擅場折取相看魂  
欲斷春風幾得到椒房

白汚津亭和韋正郎初華子題壁集古

停車坐愛楓林晚只恐風花一片飛窮秋曠野行  
人絕極浦遙山合翠微

贈王子

越客南還日山城木葉秋抱珠難免泣談劍且寬  
憂逆旅欣重見離觴喜共酬風塵好自惜  
聖主待王褒

憶四弟

念余北征日伊予南紀留無由共把袂相憶失清  
秋鴻雁虛連影風塵不散憂計程千里道此日到  
揚州

吳越藁

將游越留別諸友

江山人集

入卷之四

七

玉露丹楓秋氣饒別君遙渡海門潮紅顏羽翰生  
雙脰直入天台訪石橋

謁嚴先生祠

嚴子風流百代豪栽栽廟貌肅清高客星帝座輝  
今古將業雲金一羽毛皓首那能縻諫議羊裘且  
自釣江皋先生未是巢由侶寂寞空山猿狙號

謁禹廟

萬壑千巖赴禹陵古祠雲繞栢森森探奇太史書  
仍在鍊藥仙翁井亦沉寔石珪環看崔化梅梁風

兩聽龍吟我來肅拜瞻遺像楓葉荻花秋滿林

登越望亭

野客窮秋至高臺照日孤海潮隨月上江鳥入雲  
呼夏后風猶在梅仙跡已蕪幽懷對搖落延佇獨

踟躕

復磴臨丹壑層臺出蠡城吳山天外斷越水鏡中  
明黃雀翔雲下金芝照壁榮卧龍應欲化隨念上  
蓬瀛

留別南岑先生

江山人集

卷之四

八

皂帽三年別青氍十日留宦情孤雀共客思大江  
流城郭絃歌滿鄉關雲霧浮臨岐惜分袂明月下  
河洲

西湖汎舟遲王仲房不至戲簡二首

竭來江上吊林逋更訪高陽舊酒徒訝爾尚書期  
不顧風情何處共提壺

孤山嵐翠媚遠天六橋風日冬可憐咲殺風流王  
子晉吹笙不向彩雲邊

謁岳武穆王墳

結髮提戈出塞師穎昌旗勢欲吞胡蠟書已搆三

人虎烈士空懷四字符墓樹南生巢鵲鶴湖烟朝  
起亂蘿蕪黃龍痛飲賁雄志誰向尚方請湛盧

于肅愍公墓

當年仙杖一蒙塵南幸西巡謾糾紛幸賴誓師征  
羯虜居然決策定儲君翠華終返山河舊碎首誰  
稽社稷勲柱杖中流發孤嘯西湖千載自寒雲

楚中藁

江夏贈王氏兄弟

江山人集

卷之四

九

黃鶴千年勝金沙五月涼薰風來二妙向我話三  
湘宋玉辭能續王褒頌早揚秋空雲鶚翮萬里看  
高翔

江行

江臯開宿雨浦溆亘長天野寺寒山外孤城返照  
邊風塵雙短劔行旅一青氍悵望煙波裏鄉魂倍  
黯然

贈程子

程子叔高將涉洞庭午日逢予漢口劇談牽觴

兩襟遽豁悵念風誼申此短章

程子吾邦彥薰風動楚棧衣裳雲夢霧舟楫洞庭  
濤客路逢佳節蒲英汎濁醪江湖嘆牢落作賦擬  
離騷

奉訪舊守三石馮公

南郡思黃霸東山卧謝安從知鳴玉珮不及煉金  
丹赤壁問江月瀟湘賦畹蘭我來攀几杖倘許共  
登壇

節婦篇

江山入集

卷之四

十一

委身奉箕箒比翼儔鸞皇燕婉未湏臾忽爲參與  
商哀薨摧五内淒淒涕泗滂盛年謝膏沐蓬首空  
蘭房捐軀誠亦易孤雛孰與將鞠育何劬勞弱羽  
今翺翔宗祧一以承歲序聊烝嘗君看連理枝終  
當摩青蒼

同吳石桐鄭遠可重遊馮三石公山亭

野客重過地秋亭落葉深誰知此城市迺有好山  
林谷鳥吟風露松蘿礙日陰蓬瀛在几席倚醉更  
登臨

憶弟

臺選而稱首魚書寄楚濱清宵常卜夢白晝獨看  
雲幾獻荆南玉當空冀北群若何秋日暮不附一  
鴻聞

王莘庵卧病鐵佛寺詩以問之

抱病殊方覓寺居炎天樓殿迥幽虛清癯既見應  
憐汝萍梗相思空跂予永晝愁聞黃雀逐一春厭  
食武昌魚歸歟莫待秋風起龍角山中早結廬

暮秋舊守三石馮公枉駕留酌

江山入集

卷之四

十一

野陰蒼蒼籠暮暝木落秋高塞厓聞謗訛重陽稀  
酒伴忽傳五馬到江濱開筵綽約陽阿舞對菊徘徊  
翰墨群水國煙沙追賞地殷勤杯酒莫辭醺

尋鶴樓張鍊師不遇

獨上高樓坐翠微新圖粉壁空芳菲吹殘玉蕊招  
黃鶴五月梅花亦自飛

別程二汝佐

萍水相逢意氣饒那堪江上問行輶牽裳謬促離  
筵酒遮莫春風萬柳條

西風一徂阻行舟南鄙垂楊紫駟取醉莫辭杯  
重把飛花萬片滿江樓

別王子

江上逢王石礪高懷逸抱坎壈靡遇迺混迹于  
醫蓋有托而逃焉者也晤語方諧征帆遽促感  
慨悲歌不能自已走筆賦此期之將來耳

扁舟江上喜相逢皓月清樽一笑同烈士暮年雄  
劍在不教容易哭途窮

別舊守馮三石公次韻

江山人集

不卷之四

十一

牽裳惜別苦匆忙祖帳官亭各盡觴擊楫已知違  
壯志挂瓢未許隱虞唐  
高歌雅和意如何况復名園感慨多楊子宅中塵  
欲滿翟公門外雀堪羅

寄荅孫一貢甫

爾浮兩瀾觀潮汐我吊三湘汎洞庾千里相思魚  
字杳北風吹霧海冥冥

舟泊潯陽

潯陽江頭夜泊舟岸蓼汀楓相映愁客子孤吟萬

感集誰家橫笛關山秋懷賢謾憶陶潛宅吊古虛  
瞻更亮樓縱倒芳樽不成醉依依殘月半桑洲

賦東岷贈巴子

岷山雄視西川州下有龍湫學字流巴子少年滄  
海志長饒未許慕蘇劉

金山寺四首

與客從初地停橈禮梵王江流吞楚漢偈石辨隋  
唐衲挂千年樹幢翻百寶光寥寥真絕世髣髴到  
西方

江山人集

不卷之四

十三

共醉江鄉酒言支石磴筇忘機狎鷗鳥鼓柁觸魚  
龍月吐諸天鏡濤翻萬壑鍾椅欄真趣遠吾欲奮  
冥鴻

鯨馭冬舡叱龍堂余一登澄波看沒鳥遠艇認歸  
僧問法依雙樹叅禪悟上乘朱顏如可駐同照廣  
明燈

紫嶠疏青海珠林占水鄉暮潮隨法鼓寶月哭繩  
床白石浮仙柱中冷吸玉漿高金一回首漁篷隔  
滄浪

江山人集卷之四終

江山人集卷之五

明新都江

白下藁

將游抹陵留別諸同志

仗劍臨岐路風塵暗不開  
言辭鴻鴈渚獨向鳳凰臺  
新亂經多壘舊游賦七哀  
清秋期返棹共醉菊酒杯

仲秋附汪伯玉庫部舟至抹陵

十載金陵興乘秋始一遊  
那知中散駕得共李膺

江山人集

卷之五

一一

舟擊楫浮楊子揚帆指石頭  
中流蕭鼓發聊以散離憂

同汪伯玉謁李白祠

江上賢人跡停舟共爾尋  
森祠下栢清逸有遺音  
俎豆存終古狎狂哀至今  
寒潮拍天際朝暮聽龍吟

汪伯玉還朝予偕至抹陵言別三首

冥鴻遵江渚禎鳳集河洲  
顯晦各有適緣念乃相求  
秋風吹六像一飛摩天游  
落日洲渚寒孤鳴寒

匹儔天路阻且長徘徊棲故丘

少齡振天衢六翮凌雲翔  
興文何譁嘩卓犖班與揚  
白雪有遺響四座無高唱  
邂逅一傾盖心爽神飛揚  
屢月結綢繆譚討指迷方  
未盡歡晤衷炯言佩韋藏

寒余卧林壑念子赴丹宸  
戒徒在昧旦鞍馬何駉駉  
朋知擁道周送子出城闔  
相將千里途意氣我所因  
出宏達士猶處協幽人貞  
交親望不淺各言善立身  
清歌正激烈豈爲兒女仁  
長纓濯秋水

江山人集

卷之五

二一

劒氣橫蒼旻特艱一以靖  
策足據要津日暮浮雲滋  
此意難重陳

登石灰山道院和吳白樓太常韻

廿年經歷地今日喜重臨  
柳拂經臺淨鶯啼道院深  
尋幽悲往事坐久息機心  
歸路風煙晚還爲澤畔吟

朝天宮贈沈鍊師祖鵬

致逸探玄界尋真入冶城  
迴廊經九曲絳節禮三清  
洞口芝長馥松閑鶴獨迎  
道情欣見爾一奏步



虛聲

聞警

氣侵冥冥接

帝畿晉陽已合數層圍九重宵旰推金轂十二圍  
營走鐵衣諸將只今憂汗馬承平長日閃朱旂乘  
時好斷單于臂誰向燕然勒石歸

同黃汝會登觀星臺

五月陰雲晝不開振衣同陟觀星臺冥冥滄海風  
塵際滾滾長江已蜀來肝食定思庶頗將彈碁猶

江山入集

卷之五

三

憶謝安才白門佳麗如常日獨拊龍泉賦七哀

訪方際明鷄鳴寺不值

訪友當秋日招提傍帝城畫廊行處熟禪榻坐  
來清不見軒車至猶勤僮僕迎夕陽催去馬對酒  
未能傾

偕舍弟民璞駕部游靈谷寺歸陟觀音閣

二首

十里松杉夾道陰清秋並馬一追尋林穿麋鹿相  
群地法問山僧不染心空谷聲傳磬砌響謂琵琶聲

量平駁古兩花深閒身已在緱山路何處簫聲起  
碧岑

回鑣何意復逃禪老衲逢迎話夙緣功德水頭離  
自性觀音石上悟真詮一竿矗矗留初地影四  
栢陰陰鑠洞天小憇蒲團成坐隱那知人世有烽  
煙

葉石南朱肖若二司馬折簡邀游燕磯枕

上聞雨却寄一首

狂風吹雨夜太顛佳日疑阻登臨綠清曹謾沽桑

江山入集

卷之五

四

落酒豪游忍負菊花天乘興出郊雲氣薄衝泥傍  
險馬蹄便嚴城更鼓報新霽一笑朝來好放船

秋日同職方阮沙城車駕葉石南朱肖若

舍弟民璞游佛國寺因謁中山王墓有

作

退食追僊侶乘秋覓寺遊後湖莢風日大隊鬱松  
揪世難懷三傑身閒儼四休莫言歸路晚新月挂  
城頭

同夏部諸公遊徐氏西園

公子西園憶 帝京何當攬勝屬秋晴  
琬金玉洞穿雲轉月宇星橋入水明  
霜欲細荷房已盡風踈錦樹葉猶鳴  
蓬壺未必能勝此莫遣歌鍾促去旌

九日偕駕部葉石南朱肖若職方阮沙城

四弟民璞登雨花臺 飲高座寺作

梁僧說法有高臺上客行厨對竹開  
珠火光中搖玉塵寶花象外墮霞杯  
呼鷹落帽懷千載餐菊分黃醉百迴  
佳節賸拚清興盡陪遊應媿大夫才

九日同夏部諸公登報恩寺浮圖

江山人集

卷之五

五

寶塔凌空起琇窓接漢開遊人節裏集  
秋色望中來王氣千年在江流一線迴  
長歌邀落日懷古有餘哀

秋日過冶城沈鍊師丹室

冶城清晝有雲封策杖尋真第幾重  
一榻蕭蕭惟翠竹迴廊曲曲鎖蒼松  
青霞塵尾招玄鶴白日齋壇問老龍  
神鼎倘分丹一粒紫霄峰上願追從

偕方際明四弟民璞游靈應觀沈鍊師携

槩大觀亭賦得霞字

松徑紫紆接霽霞樓臺縹緲上清家  
孤亭倒映碧潭靜絕壑平臨玉樹斜  
鏡裏飛觴親水鳥林間傳餉茹胡麻  
願言學道追仙侶試看蟠桃幾歲花

登清涼寺金

荒臺依舊枕寒流極浦遙山接素秋  
鐘阜石城蟠帝宅長江天塹遶神州  
新亭涕淚懷千古異代興亡祗一丘  
獨酌令人思讞眺吳歛入破不勝愁

唐應德太史將應駕部之召詩以寄之

挂冠歸去一漁竿時望同歸晉謝安  
聞說卧龍將

江山人集

卷之五

六

欲起驚猿怨萑草堂寒北風吹雪好  
逃名詫爾停車復問津謾道滄浪堪  
洗耳飲牛更有上流人

汪二有秋自楚入燕應內翰李公之召別

予白下詩以送之

抱璞南辭楚携書北向燕三湘曾作賦  
東閣正懷賢悵別當隆暑酬知及少年  
秋風玉堂上倚馬試新篇

劉將軍歌

長淮五月暗黃塵，雜虜橫戈殺氣新。毒馬越人何  
慘烈，金牛鮑寨空崢嶸。此時官軍聚如蟻，蹴躡那  
敢抽一矢。縣官奉首皆鼠竄，韓范軍中誰者是。西  
來賴有劉將軍，英敢迥出萬夫群。十年發迹自己  
蜀，身經百戰樹奇勲。廟堂肅穆急推轂，遂使長  
驅如破竹。張疑設伏若鬼神，島夷受敵連背腹。白  
袍雙劍衝虜壁，叱咤千人咸辟易。斬將劉旗白日  
酣，左盤右射如飛翻。火雲閃閃來天風，一炬蠻艘  
烈焰中。妖氛掃盡湏臾盡，擁屍流血長河紅。我軍  
歸來氣何壯，男兒功業雲霄上。庖頭燕頤豈徒然，  
會見封侯歸上將。

江山集

卷之五

七

登燕子磯小憩清江道院

披磴凭闌不倦遊，無邊雲物望中收。蒹葭歷亂江  
邨暮，菰米浮沉海國秋。石嶼蒼松迎白鶴，瑤壇紫  
氣見青牛。莫愁蓬鬢星星改，此是僊家十二樓。

金陵留別舍弟二首

仲夏逢吾弟，分襟及早秋。那知康樂興，得共惠連  
遊。並轡薰風動，還鄉大火流。朝來雲物晦，臨發更

淹留

玉露收殘暑，流螢欲二更。重呼桑落酒，共醉秣陵  
城。客舍砧偏急，秋天月倍明。離懷當此夜，惆悵鴈  
歸聲。

逢陳鳴野吉祥寺得越中諸友消息感賦

鏡水相逢歲已深，高才何處覓陳琳。空門邂逅叅  
圓覺，促席留權到夕陰。當日應劉俱落莫，頻年氛  
祲未銷沉。袖中寶劍應須惜，莫遣蹉跎白髮侵。

信建藁

江山集

卷之五

八

玉山道中

風雨須江道，衝泥足馬遥。征衫行處濕，村酒向人  
招。急澗橋初斷，連峯霧半消。靈山看漸近，時聽擊  
壤謠。

郡齋雜詠

桂

玉樹生幽山，誰移植。華屋青蒼不記年，靈朽半空  
腹。月下影婆娑，秋來香馥郁。道術頭相期，攀翻稱  
幽獨。

葵

愛爾園中葵青青向日舒孤根幸不折露葉後秋  
踈添室憂何遠鮑莊智不如懷公儀子拔之如  
棄直

吉祥草

此草名園罕嘉聲號吉祥綠堪齊篠簜勁不讓菖  
陽屈子騷何逸神農品未嘗不逢知己賞誰使對  
華堂

南巖寺

江山入集

卷之五

九

一逕紫紆入紫霞懸崖深嵌梵王家鳥音時向巖  
前度僧定真忘世外譚清夜桂香飄月窟瑤壇幢  
影拂天花塵纓一濯凡胎換莫嘆星星兩鬢華

月巖寶幢  
濯纓井

其二

何年絕壑開蓮界此日來遊愜素聞竹徑風蛩隨  
遠磬香臺野鳥散歸雲三車法演雙林靜一滴泉  
從八解分更有奇峰高五級不妨登覽帶朱暉

一滴泉

留宿南巖蘭若辱玄石吳明府黃心齋徐

華陽二少尹携榼見過奉酬一首

一宿繩床萬劫空忽傳車馬扣雲封林花拂幃晴  
偏媚野簌分厨午不春談玄共坐三生石濟勝還  
支九節筇引滿莫辭今日醉萍蹤何地更相逢

郡齊月夜與舍弟分韵得連字

吾懶非中散而才亦惠連風塵一以別歲月屢徂  
遷聚首驚時變爲歡敞夜筵停杯雙桂下皓月兩  
圓圓

江山入集

卷之五

十

秋日同郡丞盧壁山別駕孫文溪節推姚

龍津舍弟太守燕集夏氏白鷗園

西郭園亭麗清秋綺席開府寮連駟馬舊業憶三

台陟閣瞻

宸翰移尊近水隈白鷗沙際宿何事向人猜

莫道東門嘆聊揮北海觴平泉莊已寂金谷障全

荒細雨催詩急微風入座涼停杯傷往事欲去復

尚羊

簡王崇安二十五韻

升菴生民秀西蜀檀才雄秘室流英聲詞林寔宗  
工厥甥振逸駕蚤歲脫樊籠七步裁成綺萬言吐  
若虹一朝攀桂樹十載逐冥鴻卓爾超時輩居然  
有舅風鸞棲非枳棘鵠舉豈蒿蓬美錦才堪製新  
桃開正紅彈琴當鶴逕草賦倚花叢雉乳童胥化  
羅懸獄已空未暮頑梗格百里政風同卓茂欣重  
見王喬喜再逢清操懸皎日直道矢蒼穹余謝區  
中累來尋河上公浪遊環海曲攬勝到閩中策杖  
天壺嶂題詩武夷宮風塵雖骯髒世路任窮通傾  
江山集 卷之五 十一

贈壁山盧丈

閩嶺秀清漳山川瀟灑祥異才生間代之子應文  
昌妙年看擢秀清譽重巖廊鳬飛向霄川鳴琴不  
下堂三季單父蹟六載尚書郎 天門何崔巍五

陵豪俠場入宮讎見妬一謫滯江鄉吾弟忝同寅  
雲霄况聯翔曰余驚蹇姿馳驅蹶周行長歌白石  
爛避世非伴狂多病類相如遠遊慕子長揚鞭信  
馬蹄幾欲窮遐荒新從武夷來金風秋葦黃自顧  
管蒯賤濩落無所將夫子叅理暇玄草滿空牀揮  
毫倒三峽興文爛七襄握手即披胸何言惠與莊  
發難如扣鐘百氏祈毫芒扞掌縱談咲仰天歌慨  
慷片言蒙品隲瓦缶協宮商永言懷令德璫瑤乏  
報將

江山人集

卷之五

十一

送鉛山令陳葛陂守橫州便道觀省

吾聞陳仲舉矯矯百夫良墨綬淹花縣朱輪出瘴  
鄉金城秦郡邑銅柱漢封疆五馬盛親日班衣對  
菊黃

雨中抵崇安借舟王明府遊武夷值新水

暴至不果夜復大雨聊短述

野客西遊日山城卧雨聲如何迅流溢阻我盪舟  
情玉笈曾留記籤鏗風訂盟銀鞍如可借傍險亦  
須行

天柱峯

峯之巔有檜栢松竹芝草蕙蘭時見桃李橘實

仰瞻天柱峯高入雲表翠崖五千仞雄鎮東南微  
舍舟遵側徑陟峴捫蘿蕩遂登仙蛻巖崦然見藥  
銚玉樹杳恣青靈芝何翕燿髣髴逢真人長跼問  
要妙啓笈發靈圖授以玄閑竅鸞鵠連翩飛神鸞  
薄窮嶠下睇塵世人延佇獨長嘯

武夷山偏覽古跡

束髮讀僊史夢寐武夷山錢鏐肇秦傳登封表漢  
壇今來訪名蹟果協佳勝觀棹歌歷九曲到處即

江山人集

卷之五

十三

開顏始登大王峯仙家第一閑偈語提石室金籙  
名不刊白日度虹橋小憩止止菴鐵遂臨風吹玉  
蟾來海南劈手天遊觀更坐大藏崑上亘斗絕壁  
下瞰萬仞潭棧道凌疊巘石室四五間筍筍錯雜  
陳仙蛻宛數函不知何王代相顧訝且嘆逶迤三  
石洞僊風風來穆穆仰觀一線天森舉諒非難振  
永壑上船飄飄已雲端

登接筍峯雲壁迥絕人迹罕到逢麗陽道

人留宿玄元古洞

躋險叩岳樓谷深路欲迷懸厓無蔓葛絕壁有雲  
梯石室前生榻金鷄半夜啼頽然非故我風露曉  
淒淒

麗陽道人亦頗能詩因放歌贈之

日晡扁舟停五曲夏杪山中暑猶濤石磴昭嶢漸  
入雲丹梯萬丈尋仙籙手攀鐵鏤緣懸厓直躡峰  
頭招白鶴洞中偶遇餐霞人謾揮玉塵貢殊俗十  
載冥棲接筍峯一飯胡麻飢自足妙偈留題峭壁  
間飛泉灑灑鏘寒玉崑中崔守丹七飛樵人柯爛  
江山人集

卷之五

十四

麗陽子贈予九節杖永言酬之

綠玉杖何其古初疑張騫得大夏又似三尼蜀中  
舞乃出瀛洲之澳崑崙之圃壺公曾授費長房化  
作青龍授葛浦跋仙縮地何神奇鐵杖千年今復  
覩麗陽子何昂昂顏如渥丹鬚眉蒼五嶽尋仙不  
辭遠一朝跳入名山崱我來訪君多道氣掀髯一  
咲開霞房餐我九還丹坐我白石床金箱啓秘圖

寶錄覽軒皇不知何處得此物蒼莖踈節如瓊璫  
欣然持贈無所惜何以報之芙蓉裳請君鍊就五  
色石遲予拄杖度虹梁

登絕頂升真觀

芒鞋短褐躡丹梯清曉空濛露未晞石戶僅容身  
側入斗壇唯許崔相依峭厓光射仙人掌絕壁時  
聞織女機且喜尚平婚嫁畢不妨從此製荷衣

江山人集卷之五終

江山人集

卷之五

五

江山人集卷之六

明新都江瑾著

書

與高侍御南山論遏糴書

瑾聞古者大夫士居是邦也雖不與聞國政而民  
事之委蔽亦得以達於君何也事關利害則政有  
得失故上欲其達而下欲其聞則情無壅蔽而民  
獲阜康矣瑾新安鄙人也歲饑浙閩之糴都人皇  
皇靡所控訴伏惟執事昔宰吾歙甘棠係思民風  
江山人集 卷之六 一

土俗知之稔矣惟不棄蕩荒幸加擇焉竊觀武林  
蟠幽宅阻面湖背海爲水陸之會當吳楚閩越之  
衝故四方之賈咸輻輳焉舟車所聚礪川塞途負  
販往來晨聯宵屬爲日久矣頃聞杭守陳公曰凶  
旱之年下閉糴之令居積者封之行運者阻遏之  
甚至斷橋截柁木繫商旅咽喉阻塞行路怨咨恐  
乖柔遠之方而或謬於恤隣之義也其意豈不以  
歲歉民窮欲盡籠四方之粟以惠杭之民耳抑不  
知商賈之粟來自遠方非杭產也所以去鄉井捐

妻子而從事者以牟升斗之利耳况彼豐稔之方收蓄有餘而此增價和買適所以相濟而非以相病也今一切阻遏裁抑之減其常價則必耗其母錢而又有經過之攔截胥徒之挾騙使四方之賈退而不敢東向裹足不入浙吾恐貪目前有限之根而絕將來無窮之利也非惟鄰民不蒙其恩雖杭之民其匱可立而待矣春秋之時五伯迭興各有其土地各統其人民而桓文歃血之盟尚有閉荒遏糴之禁以通鄰國之利而晉國荐饑秦輸粟

江山人集 卷之六 二

焉魯文仲以盟圭玉磬如齊告糴齊人歸其玉而予之况今天下車書大同政令一統豈容違道以市私行小惠而忘大義哉譬之鄰居者守望相助疾病相視有患難而拯之亦其情耳寧忍怱然絕其生理耶夫水遇下則奔獸覲壙則走人見利則趨此理勢之自然而物有羨歎價有低昂稱物平施民志自定有司者亦不必以私意輕重之也况江以南諸郡連年荒旱人不克食嗷嗷待哺勢將流移其困可知也而徽地隘民稠雖值豐穰猶大

半仰給於他郡况茲凶歲乎所賴家商戶賈晨途夕舟輓輸不絕少紓其饑困耳而浙河一帶尤便多而且急者所謂命河也今塞其咽喉之路人將覆釜闔室坐以待斃而已萬一無賴之徒攘臂鼓衆不顧死亡之禍敗亂之危喧聚群噪縱恣攘奪駕帆張幟橫行江河小捕則拒大捕則匿勢極情蹙難保其必無也事勢至斯誰任其咎司國計者寧無恤綽之憂乎方今天下財賦盛於東南浙東西居江南十九而蘇松常嘉湖五郡又居兩浙十

江山人集 卷之六 三

九也諺有之曰蘇松足天下熟盖言使民貿遷其有無以美補不足斯民各遂其所欲此王政之大也若以私意閉而遏之則豐壤儲積爲長物而歎地枵腹爲餓殍有是理哉或謂徽民商遊者十九罔利末業此王政所當抑抑不知土瘠而齒繁無恒產以自潤不得已而之商賈耳况富商大賈充斥天下飛糧頓幣轉輸萬里接濟邊陲其有裨於財賦者不尠豈可以其逐末而抑之絕其糧道而困之哉夫物各得其所之謂仁事適其宜之謂義



疎通商旅因土俗人情順而治之可也今奪商之利以與民又塞其往來之路他郡之民何辜哉謂之得其所適其宜也可乎夫民一也自一郡者視之若有彼此而一省者視之皆赤子耳自各省者視之若有秦越之分而天下者視之皆吾之同胞耳是故地無殊方民無異國皆其所綏懷者也伏乞會同撫按衙門榜示所屬府縣加志通商存心弭變大弛閉糴之條弘擴恤鄰之誼則四方之旅咸頌出於其途而旁郡之民亦蒙通濟之利矣幸

江山人集

卷之六

四

甚幸甚

與王亮卿論李杜詩

不穀坐病淹廢索居林巖岑寂中獨喜譔吟以宣其狂惑嘗取李杜詩而讀之如入珠澤鄧林光彩炫目性寡神識罔致區別日辱不鄙寄示李杜詩選省誦連日若發盲迷辯礫揆珠指瑕摘疵真凌駕千古膽也但謂李失之誇浮杜失之凡鄙則似過矣僕與足下幸托雷陳之誼者胡可弗一質之聞之陽冰曰風騷之後千載獨步李白一人宋

祁傳之曰杜詩渾涵汪洋千彙萬狀兼古今而有之韓昌黎曰李杜文章在光焰萬丈長而近代衰城楊伯謙集唐音論者謂其得唐人之三尺而李杜不錄謂當觀其全集蓋慎選也騷壇宗法由來久矣足下乃能明目張膽肆爲評採安得不創觀駭疑而來任聲過實之誚乎愚謂二家之詩足下評之或過而古今人亦嘗有譏之者或者翫而未覈依俗詭隨耳曾鞏有云白詩連類引義寡中法度然其詞閎肆雋偉騷人所不及也何仲默曰子

江山人集

卷之六

五

聖治之什登覽寄興比事屬詞讀之可以考其世  
昔人謂之爲詩史詎不信哉其間嬉成流移思浮  
蕪漫間有一二濫觴晚唐者瑕不掩瑜君子采之  
葑菲可也足下謂其開晚唐卑弱之端蓋世代推  
移理有必爾甫也何尤又曰李多閒於古體杜多  
習於律裁詩人流風因之近達夫二家正變之體  
雖有間繁可誦法者惟歌行近體耳正體擬之古  
調尚皆有離而未諧也况杜近體佳處論者謂其  
前無古人亦何惡於聲律哉以此右李而左杜或

江山集

卷之六

六

未得爲定論也若曰初學未辯珠礫恐蹈其偏誠  
指南之盛心夫詩有恒裁思無定位隨性適分通  
圓在人以二大家猶病則餘響當盡廢乎茲集之  
行固已流布中外第恐知者稀寡而罪者紛拏夫  
承命不諱諤諤之評於是鄙陋之說進焉風便興  
有以復我幸甚

寄方南岑先生書

羶病困十年神情銷沮今雖稍勝然歲月坐成晚  
矣男子生不成名丈夫歿無所稱中直以思未始

不拊膺長嘆也今料理病骨之餘留意岐黃之學  
時或潛精墳籍抱琴行吟以圖生有益而歿有聞  
願亦畢矣然不能必也此隱衷耳不敢輒告人而布  
陳左右者以夙叨陶鎔沐愛最渥耳比來懶慢相成  
音問踈曠殊切瞻注恭諭出宰巨邑理道卓犖聲聞  
蜚耀喜慰弗寐然吾黨之士率以執事才大而用  
小惜之愚獨以爲不然士君子幼學壯行凡以達  
吾志耳弗以崇卑爲屈伸也故居約屢卑而志獲  
行不失爲伸苟高爵榮名而志塞焉君子猶謂之

江山集

卷之六

七十

屈矧親民莫如令啻天子之命以奔走百里之人  
平易近民民歸之矣先正有曰一命之士苟存心  
於愛物于人必有所濟故仲尼至聖嘗爲乘田惠  
朔達人安居卑位子文無欲卿相而三登令尹千  
載揆之知其有由也執事專其職達其志不負其  
所學當不可以爲之兆哉第聞爲政頗傷於寬此  
亦君子之過孔子曰政寬則民慢曲禮亦謂泄官  
行法非威嚴不行故猛虎在山狐狸不穴立文明  
禁操法示毒政令流行奸宄潛消固長衆之道也

然德禮以存良政刑以遏暴一張一弛存乎其時  
唯執事用之瓘聞稽山之陰大瀨之濱多薦紳嗜  
古直諒清脩之士句踐之遺風焉政理之暇延訪  
而敬禮之咨疑處迷考德問業者固宜有人集衆  
思廣忠益邁德種恩樹之風教而爲循良吏當于  
是乎得之彼徒以爵秩之崇卑爲執事惜者淺矣  
凡所塵瀆自左右所知而復縷縷者欲執事察邇  
而用中也盛宅闔門迪吉勿以爲念老父藉庇獲  
安敢附以聞南鴻之便幸錫教音公餘自愛呂膺

江山人集

卷之六

八

達到至頤至頤

與汪伯玉論文書

鄙

某草莽鄙人無所知識年來幸辱弗彼受益弘多  
秋間復獲趨侍南邁郵亭公署把酒論襟仙鷁雲  
帆犯濤弄月信通家至雅平生奇遇也龍江判袂  
戀戀可言既而欲復出城扳祖柰何蘭橈乘風逆  
發瞻望弗及矣精散思越惘若有失金陵留滯月  
餘登覽觴詠頗償夙願第爽缺日甚悵念如何歸  
來莊誦執事平日之文才秀思深爾雅典則馳騫

古人誠命世之作必傳無疑也迺連閱數篇頗覺  
辭調一律恐守而未化猶存蹊徑如舞霓裳無破  
終欠變極耳庾子慎云遠則楊馬曹王近則潘陸  
顏謝觀其遺詞用意了不相似王浚川謂人之爲  
文如山之生木喬者卑者蓬者纖者大者偃者臃  
者跛者疎者蔭者並者孤者叢者牙者靡不具備  
斯旨味無窮矣獨愛一物焉則眇爾以薄故論語  
易繫老子檀弓簡而義盡典謨雅頌古而不迫孟  
莊左氏弘肆自成斯文之上也君子以爲知言僕

江山人集

卷之六

九

遲莫頽齡聰明衰矣於此藝末省一班輒敢輕有  
倚據所謂不能自濡而運水河伯多見其不知量  
耳昔子建好人譏彈士衡遺恨終篇古今賢之恒  
念執事負振世之才夙尚謙虛之德而某又叨通  
家教愛之列故不以倭而以規耳當不以顛直狂  
悖而罪之深也清曹務間計著述必富幸付詩郵  
慰我遐思爲惠大矣所索朱使君書以北上戒行  
弗暇云至都下了此逋也此公蘊藉甚深譚品文  
藝竟日纚纚不倦極有妙趣請一扣之如何倭寇

蕩平東南暫得休息朝野愉快然武備尚未可弛  
廟堂之上當有成算無俟觀綏鄉往方深臨楮罔  
究

寄方定之員外

睽隔四稔懸仰增勞去夏獲奉教音并阿膠之惠  
殊慰岑寂舍弟歸辱寄示東平諸什匪惟調格高  
古風韻清逸而恬退之標忠愛之誠宛然可掬兄  
可謂上下無負者也追惟往昔道遙藝圃不量驚  
蹇之資妄學叩鄆之步惟兄不我鄙夷指迷摘疵

江山集

卷之六

十一

奉教甚厚年來奔走風塵藥裹關心遭家不造內  
難相屬文藻荒落故步復失日月冉冉五十之年  
忽焉已至河清難俟人壽幾何二毛生鬢臨鏡興  
嗟中直徬皇痛心疾首悲乎悲乎斯尼父所謂四  
十五十無聞而不足畏者也尋又自惟烈士之心  
老當益壯伏生耄猶授尚書伯玉省愆亦邁五  
十武公垂老進脩弗衰高適詩名成於晚莫有如  
壻者上之既無以高議於雲臺下之徒栖遲於一  
壑乃不能託迹文苑藏之名山窮年沒壽忍同蠶

蟻不大可哀耶于是強力苦心老而忘倦弗敢甘  
下窀汙以自棄於高明也自兄高舉飛潛異勢南  
北殊方同聲寥落質疑無從既寡麗澤之資徒興  
離索之嘆而已今幸喬遷南署清曹多暇時有順  
毛不識將何以教第也古人相思千里命駕甚欲  
策馬金陵一償夙願嬖嬖在疚不能奮飛明秋  
釋禪定當馳訪近作數首聊代晤言東望鍾山豈  
勝瞻戀

舍游讓溪憲副

江山集

卷之六

十一

離析以來逖德遠範鄙吝日增仰辱翰教曠若復  
面知君子體國勤民罔存于逸視楫垣中較苦矣  
承諭性氣剛直不能事上官所謂良吏不媚上而  
求懷于民者也其節外惠遺可想矣公雖職謝論  
思日遠清華然和衆靖民即戎禦侮昭遠明微叅  
順濟務西鄙之有長城鎖鑰其憑依豈小小哉朝  
野屬望玆重玆重每思匡廬彭蠡天竺崆峒之勝  
欲因訪公宦邸假以遊覽少紓心目茲辱見招敢  
不唯命屬腹下作滯難可遠行故人千里對楮

心飛頃聞山陝地震城廓廬舍傾陷居民十損七八此非常之變殊爲可駭東南寇盜無時息肩杞人之憂徒切昕夕方采山山東移文趣行近已北上舍弟補南車駕計已就道承示王光祿方乃燥脾平胃之劑常服非宜蒼木膏製法精妙固所願聞不靳細書見寄俾獲推以及人亦仁惠之餘覆也脾泄二方具如別楮公暇無替藥物爲國自愛

序

贈送讓溪游方伯先生之閩叙

江山人集

卷之六

十三

今上並登偶又以侍從之臣周習知民疾苦乃歷試諸外爲它日輔弼之資始公以進士爲行人尋入給事中抗直言決策天下事上以爲能居無何出爲江西副使部署贛州兵已而叅楚政撫五溪之蠻或難之公曰吾聞君子不易民而化人臣不擇地而治乃徧辰沅之巉極偏鎮之區矢身焦思結以誠信徃人感悅境內晏然聲聞

當宁於是遷本省觀察使持明懸平吏嚴民畏政聲籍籍會明年閩右轄告闕乃以公補人曰閩中

邊徼重地去京師數千里連山距海島夷時竊發四境盈壘斯民財力困矣非有兼資鮮繇厝理瑾曰不然盤錯別利維明能信公少屈首閩巷嫻於法令明於典故已有志當世其行義甚著有其本矣夫是叅瓌垣則職補飭兵衛則戎清撫蠻夷則賓服典憲臬則邦肅今茲入閩也其治不可逆睹邪夫天之生材其篤培之也必將鬱積磨礱而後長楸蓋本根固而美利生也故事中郎隸諫曹不抵外補率因緣徑約得躡取尊顯乃公爲諫議以

江山人集

卷之六

十三

抗直不容絀爲外司官又不獲善地而淹遲者數年更治者數省此無他凡欲歷試器使之以表樹休光爾我

太祖定海內畫十三省設官之制曰朕有天下更行省爲承宣布政司所以承者朕命宣者代言布者張陳之政者軍民休戚國之利病自叅政以下皆自辟屬蓋嘗御書其門額至隆重矣詩云四國于蕃四方于宣古今豈異揆哉籍令公第留內得超致鉅位其能章程憲辟宣布德惠俾粵楚之間

頌聲洋洋如今日辱余嘗觀公多才而任樸溥利而盡物燭猶而弗察衡法而不刻潔已而不敏至於敦厚舊故汲引晚近惟恐弗及斯平世之通儒詩所謂左右無不宜之者也夫物各適其宜之謂仁所以適其宜者之謂知閩中財力雖困公將仁以綏之知以裁之協寅敷化百度惟貞海方之氓其汔康乎行且持衡秉鈞以禔福元元爲社稷鎮當繇茲已瀕行諸姻友餞之郊壝于是効風人之義爲三疊之歌瞻彼三山峙若蓬壺鳳凰于飛爰

江山集

卷之六

四

集于梧君子戾止八閩其蘇其二悠悠南徼之子翺翔方舟翩翩螺江湯湯之翰之屏海波不揚其三卉木載榮回鴈春征彼交匪敖福祿來成豈第君子維明之禎

萍會卷序

海樵陳子鳴野越中逸人也有偶才放浪不羈予昔遊會稽相與翺翔山水間唱有和聲有繼浩歌漁父傲睨一世醺酒相勞定交久要莫之逆也磻緇塵鞅玄髯爲霜踰歷關河壯心摧謝不相聞者

念年於茲矣乃丁巳仲夏予遊金陵道湖陰訪山人吉祥寺一入方丈予大呼曰海樵海樵山人方卧禪房即應曰夫非江寧南邪乃呼觴劇飲執手道故恍如夢寐予贈之七言律一章今年莫春山人來遊新都會予練溪之澣予贈之七言絕句五章山人輒荅四絕尋予有黃山之遊山人病弗能從也風御言旋徂暑涉秋矣乃訪山人於海陽市上山人病新愈猶伏枕也聞予至亟起不巾不襪問奇叅靈狂興欲飛對月牽觴高歌擊筑余戲之

江山集

卷之六

十五

曰莫倚善題鸚鵡賦何須不着鵲鵲冠而山人竟不冠也予贈之七言一律山人性佚宕閨爽發發不樂拘檢秋風感懷歸思浩發迺檣舟江澣詣予言別則謂之曰曲禮羈躬聖人之教任情孟浪狂士所崇如琴牢曾點七賢四傑之倫皆以絕異之姿卓犖之行不凝滯於物而能與世推移所謂跼弛者非耶若心志弗通形骸靡適樊維檻束若拘囚然斯豈足與有爲耶山人世武弁乃不襲而襲厥子蓋有托而逃焉者也爲詩操觚漉藻矢口而

成始學初唐近出入中晚書畫雙美自稱三絕浪遊海內見尊官貴人輒長揖抗禮人多病其傲岸然英人達士顧樂與遊其風藻可知矣余與山人聲氣頗同念年之中會者三耳其猶萍乎河清難俟人壽幾何感慨係之矣榜人促發雲帆載張乃舉尊相屬扣舷痛飲三疊長歌大書萍會贈言於卷首系以三會之作匪曰世講庸繫遐思云爾

汪仲嘉集序

夫聲詩之道肇自邃古故宮商與二儀俱生風雅

江山人集

卷之六

十六

緣性情而發所以照燭三才輝麗萬有風教待之以暢庶情藉之以通達神明之德格兩間之妙厥旨宏乎淵哉堯衢舜薰風熙治皞三代盛時流風未沫俗美治隆王迹熄而詩亡晉宋王而新聲作由斯以降雖世運推移音節斯異然風韻猶有存者僖昭已還雅道陵缺自宋以下無譏焉我

明以經義設科詩道廢而不講國初體沿卑陋而氣猶淳朴後來作者調益紛靡李何諸君子起聲於敬皇之朝力倡古學妙悟真機廓清詩祲弘振騷

雅彬彬視昔盛矣然海內脩辭之士猶未免溺於剗剗淄澠並泛準的靡依此古人有敝帚千金之嘆也乃嘉靖壬子瓘逃暑山中長夏索處海陽汪子仲嘉以其所爲詩一編寄予商評予讀之數過作而言曰仲嘉氣格韻致不詭風人蓋取材于漢魏而憲章乎盛唐風泐乎一唱三歎而有遺音也其視庸聲雜體蠹紙腐唇者不可同年語矣昔人謂真詩乃在民間詎不信哉近時吾鄉鄭宜述程自邑詩皆傳乃有獻吉公表揚之耳今仲嘉之詩

江山人集

卷之六

十七

若是當與二子並傳無疑也仲嘉年方熙妙謙虛篤古與其仲氏講業岐山之陽摘菁顧華聯珠競爽他日之所究又豈止是已哉予昔也嘗游于斯藝每歎望洋顧質弱而才不逮迄今一未有得懶慢相成幾於廢墜故覽于仲嘉之集感焉聊述詩家宗流云耳

送四弟民璞知高安縣序

予弟珍舉進士之明年出宰高安取道歸省家慶禮成跽而問治焉家君曰子之能仕父教之忠古



之訓也吾敝族也自有鄉以來科第之事蔑聞焉  
今女策名委質微先君之靈不及此女爲邑其念  
諸唯有德者能以寬服民其次莫如猛故政寬則  
弛居簡則遺立文導政賦事行刑則民知禁女獨  
不見夫弦急者其苦迅櫛密者其髮疏乎其冢兄  
曰夫枉促則絃絕魚網而鴻離故文生導民巧刑  
一導民偷其政察察其民替替其政優優其民猶  
猶其二兄曰夫半牽則却驅則行馬控則行驅則  
逸其性殊也是故君子後除其心以和惠民考中

江山人集

卷之六

七

度衷以蒞之昭明物則以訓之制義庶孚以行之  
恩惠以存良刑罰以遏暴惟其時焉耳民璞翟然  
曰信善哉折薪有理導民有以斯剛柔之用也寬  
猛相濟以治之可乎其五弟曰瑄未之聞也靖民  
之道此皆然矣不曰思所以獲上乎今天下吏治  
烝烝靡矣刻峭以爲公聚斂以爲能而戕民甚於  
虺豹媚上以取容壞下以自潤而踪跡秘於鬼域  
上之人入境觀逆入邑觀趨去則觀所將獲則譽  
否則沮上下成風雖有賢令其或難焉其三兄瓊

作而言曰嗟是顛越之政也瓊聞君子之仕非獲  
上之難立而弗職之患苟行吾志遑恤其他予聞  
錫俗好閭閻祀賦繁弊滋民黎罷敝道殣相望徯  
良令其蘇子行矣不先敬讓則桀驚不移不明鬼  
神則陋民不悟均上下以備賦役勤恤民隱而剔  
其奸寧撫字之心勞而徵科之政拙也寧公家之  
需緩而吾民之志和也政之所通弗奪其公民之  
所瞻弗撓其庶是謂行志長衆之治將於是乎在  
頌聲作於下賢聲將莫蔽於上矣其於高安也何

江山人集

卷之六

十九

有民璞毅然再拜曰珍不敏敢不佩服以往

### 刻傷寒論序

醫自軒岐之學不傳唯素難二書又多舛缺遺文  
奧旨代寡玄參末學昧於源本任疑用獨而經乃  
樊亂逮後漢張長沙氏始因素問熟論廣伊尹湯  
液肆爲論說發其疑義而經復一明既而撰次於  
王叔和註釋於成無已厥後龐朱韓許之流因亦  
互有開發提綱揭要無越乎吐汗下溫四法而已  
蓋一證一方萬選萬中回生起死千載合符陶隱



君稱爲群方之祖孫真人嘆其特有神功豈無微哉然方土異宜古今殊運陰陽虛實之交錯其候至微發汗吐下之相反其禍至速兼以庸工固滯迷誤弗省致微痾成膏肓之變沉痾絕蘇起之望有由然矣大都此書條貫雖明詞旨雅奧時俗難入具眼幾何故醫門罕讀驚者莫售矧張經王傳又往往反覆後先魯魚相雜板本漫缺好古者致憾于斯嗟乎脉訣出而脉經隱百問行而傷寒論乖譬之俗儒專誦時文而昧經傳其失均也汪子

江山人集

卷之六

二十

希說氏以博雅名家慨俗學之昏迷憫烝氓之夭札出其家藏善本視汪處敬氏三復讐校乃命人梓而問序於余余故以多病好醫而未能也然耽味仲景之論有年矣輒援古炤今邇其流委於卷後且以嘉二子之有功於長沙也學者誠能潛精斯藉討其指歸斯可以凌駕前賢仁壽當代矣

巢氏病源序

嘉靖甲辰秋篁南子習靜山中其友吳士美氏馳使遺書發函展卷乃巢氏病源也字畫遒朗真類

宋刻瓊讀之既作而嘆曰予弱冠負痾喜攻方術每探古墳藉而窮其原曾於隋書經籍志見有是書目又閱宋郭雍傷寒補亡採摭其說而呂滄洲傳復論及之竭來金陵吳楚間廣詢博諮莫獲全本塵思二紀始得觀目甚哉古書之罕傳也雙泉子聞而索之以視汪處敬氏遂命刻而布焉不謂嗜古而公人哉自局方盛行俚師競習喜檢方之易而憚窮理之難雖張劉朱李之書率用棄而弗講况望其揆俞扁稽淳萃哉無惑乎巢氏之書渙

江山人集

卷之六

三十一

漫沉淪百世而僅存也世之論養生者高則蕩入僊筌卑則專守方餌遺落本始影響承傳按轡路岐自謂徑捷罔生誤死迷弗之覺豈不悲哉是書原諸病候而附以養生導引諸法下不著伎上不泥僊以之察痾可以弭患於方兆以之節適可以導氣而全直誠醫門之指南順生之要樞也或病其但言風寒二氣而不著溫熱之文抑不知各有所主耳瑾瑜匿瑕奚損於美玉哉觀其會通詮裁要旨存諸人焉耳矣

名醫類按序

予讀褚氏遺書有曰博涉知病多診識脈屢用達  
藥嘗撫卷以爲名言然山居僻處博歷何由于是  
廣輯古今名賢治法奇驗之迹類摘門分世採人  
列爲書曰名醫類按是亦褚氏博歷之意也自夫  
三墳隱而九丘湮方書繁而經論廢或指素難以  
語人鮮不以爲迂者醫之術日益濫觴通經學古  
世不多見昔鄭公孫僑聘于晉適晉侯有疾卜云  
實沈臺駘爲祟史莫之知廼問于僑僑具述高辛

江山人集

卷之六

三

玄冥之遺參汾主封之故四時節宣之道通國驚  
異以僑爲博物君子太史公作史記傳淳如意備  
書其治病死生主名病狀診候方脉詳悉弗遺蓋  
將以折同異極變化求合神聖之道以立權度於  
萬世軒岐俞扁之書匪直爲虛誣已也今予斯編  
雖未敢僭擬先哲然宣明往範昭示來學既不說  
於聖經復易通乎時俗指迷廣見或庶幾焉耳學  
者譬之曲規矩以求班因轂率以求羿引而申之  
邇流窮源推常達變將不可勝用矣書凡十卷爲

門一百五十有奇間附說于其下云

江山人集卷之六 終

江山人集

卷之六

三

江山人集卷之七

明新都江瓊著

記

游黃山記

黃山爲東南雄鎮盤據宣歙二州之境嘉靖壬寅秋偕諸友嘗一游焉然幽遐倬詭之觀未極領略戊申春予過青陽度箬嶺黃山在望逸興遄飛二月既望歸道黑溪訪道里於途人遂促駕往陟嶺東南行數里至皇思蕩纖雨霏微又數里至烏嶺

江山人集

卷之七

並黃山行陰翳倏收攢峰駢列橫絕天表登頓忘疲自黑溪四十五里達湯口平原臚臚阡陌交通遭夫人六峰程子一見如故交延入溪樓雞黍款洽盡歡而別遂肩輿入山亭午抵祥符寺廼有羅子尚絅方子叔玉路子子美藏脩山房賓主禮成結伴偕往風雨淒其登臨興阻日且曡聯嵐含暉仰瞻諸峰紫翠如沐羅子曰此晴占也薄暮山僧秉燭陳俎澗毛野簌雜然前羅行酒測數更闌乃罷醉宿繩床夜聞泉聲潺潺疑在嚴灘富瀨槎舟

枕流也黎明鳥聲圓囀旭霽微鮮亟呼童裹飭治

裝偕羅方二子從者七人二僧明章道常携梵樂與俱登山可半里許新蒸蔽道廼戒一僕前持斧斤剪伐蕘莽一僕鳴金繼之二三人肩輿執劔戟以隨斬木爲杖約四里許至一峭壁嵯峨陡峻鑿坎以託足曰天梯好事者爲木梯倚厓壁歲久而朽心甚危之前導二人遂扳援先登復懸絙厓巔之樹以爲援曳廼各解衣棄杖羅子引繩而先予繼方子又繼之又緣厓而左百餘步幽壑谿呀疑

江山人集

卷之七

不可越有二木貼厓若棧僅容武而度下臨絕壑未敢俯視折左紆逕可半里許蒼厓業冒有洞穹然飛泉灑灑落洞前琤然如鳴珮環四時不絕曰水簾洞水落輒滲下不溢洞深可三丈高二尋廣稱之洞徹裏崇一級二尺許復敞一小洞可羅胡床四五居之然嵐重晝日常黯黯二僧坐洞門吹龍簫擊鼉鼓疑入鈞天帝所仙仙如也洞石黑白相雜瑩潔可愛蒼苔翠蘚爛如綺繡坐洞裏歌嘯聲如出瓮中洞前群峰聳峭効奇獻秀冥坐移時

婁神凜骨不可久棲出洞循厓而左十餘步倚厓  
斜開二小洞高深廣邃視水簾半之時有高霞孤  
映日食霞洞有荆扉竹籬石床丹竈相傳鍊性苦  
脩者居焉廼與二子浩歌長吟摩厓紀石方列坐  
而麻時天風蓬蓬聲動巖谷厓上古木倒垂冬夏  
常蔚然上有丁公菴菴圯而基存聞猿狖所居豺  
狼所嚙榛莽苗裔莫敢爲之導者少焉陰雲突興峰  
巒滅沒疑有雨意復循故道而下至天梯挽繩緣  
磴幸抵其麓猶惴惴不自禁道常梯半吹蓬念法  
江山集 卷之七 三

馮遺刻左由石徑而上群峰夾磧峭立多桃李梨  
杏檜樨梗楠望春諸花搖颺蕨蕤草則蘭茝芷蕙  
赤箭青芝紛紅縹綠蒼香勃苾莫可殫述南行里  
許叢石怒撐交加澗曲縣水傾注漚而爲潭潭幅  
員廣可十尋清深可斟黛蓄膏渟有白石鱗鱗橫  
潭底衝湍動搖若龍起伏使人目眩心掉詎出雲  
氣作雷雨曰白龍潭懸厓剗龍潭二大字亦鄭師  
山篆也潭北半里許爲藥銚坑有石杵藥臼相傳  
黃帝燒丹處云出谷里許有石如虎昂首咆哮之  
江山集 卷之七 四

華如履坦夷嗟亦異哉抵寺日猶未昃擬尋湯嶺  
諸勝而羅子告疲莫能從矣乃強收玉子美以行  
出沙門過觀音殿穿杉篁躡石磴折而東下巨石  
蹲踞許若門青樹羃陰藤莎絡蔓水瀉瀉循磧鳴  
有靈泉自朱砂峰來湮爲二小池池皆瑩徹上  
池廣可七尺深三之一泉出石根瑟瑟不息若燐  
湯遂解衣試浴纖垢靡停令人神瑩體暢或云澡  
淪可祛宿痼理或然哉池上甃石如洞以便風雨  
來浴者池左丈許石壁如削有元鄭師山今郡守

湯嶺巔時日在西隅遼廓眇忽邇延野綠遠盪天  
碧九華排空出沒隱見岡原林麓田疇墟落秩秩  
如畫延佇久之歸途期復坐龍潭一條塵襟不覺  
乘風而過迷其奧區矣曉起與諸友振策登煉丹  
峰童童赤厓無大草木蟲蟲攀躋約三里許至一  
峰仰視褰峰猶在霄漢又八里許始躡煉丹峰過  
仙人石橋酌丹泉徘徊瞻眺尋藥爐丹鼎幻化莫  
知其所幽禽異鳥若歌若荅衝人不飛俯視千峰  
萬嶺皆在其下而仰瞻天靄卓絕雲際如方躡其

江山集

卷之七

五

麓問之明章云上多名藥採者裹糧以上三日可  
達其巔雖逸興飛揚而鳥道如線徒臨風翹望而  
已迺與數子引觴滿酌發狂大叫蒼然暮色灝氣  
迴合放歌踏月而歸再信祥符寺謂諸友曰茲游  
豈偶然哉與若鷺遠臨危搜竒發秘雖靈運盧阜  
之游孫綽天台之登未或遠過也凌晨別諸友促  
駕而返八里許至湯口六峰子復邀飢焉爲談巖  
洞峰巒之勝程子曰山川瑰詭此特其百一耳秋  
高木落風御重行暉當爲子前驅窮幽極遐可乎

復揮觥縱飲牽裳道別薄暮投宿撈干之旅舍隔  
岬鳴鍾迴風送瀨猶疑水簾之泉祥符之景也次  
日向午抵家霖雨連日迺徵山靈有相之者心竊  
自喜聽雨抽毫志其大槩或可資來者之旌鏡云

遊武夷山記

庚申夏四月四弟珍自信州致書曰此邦多名勝  
且密邇武夷兄夙嗜登覽足跡遍東南矣而此不  
遊非缺典耶且莫年兄弟假此聚首亦一快也予  
神意飛動遂戒輿夫破曉冒雨而行宿山斗廿九

江山集

卷之七

六

日抵婺源益甚山溪漲不可厲過讓溪游方伯信  
宿留焉又三宿抵玉山舍輿而舟薄莫泊信城下  
厥明入郡署弟驪甚曰風雨泥途途味得無苦邪  
予曰樂此不爲疲也信民淳訟簡弟休沐連牀對  
榻飲食必俱齋園寬廣卉木森列芙蕖茉莉盆盎  
香郁每景與意會賡唱迭和怡怡樂也既屢日子  
問武夷程弟曰十舍耳顧暑溽奈何距郡十里而  
近有南嶽寺亦隩區也耶以寄興何如翌日與猶  
子可均肩輿而行攬勝搜竒一宿禪房得詩五首

摩厓紀石而還既而彌月不雨萬姓皇皇吾弟零  
禱兼旬既霑足矣雨後稍涼乃戒行由鉛山抵車  
盤入分水踰大安衝泥冒雨七月朔至崇安令尹  
王君懷鶴聞之來顧傾盖如故交予即借舟欲行  
王君曰公興豪某安敢遏舟即可戒顧陰雲未開  
願少俟之對榻揮觴雨復集矣王君咲曰某牽吏  
事莫能隨杖屨天意殆爲余留且夕耳夜雨不止  
初二日雨復甚王君折簡曰高人之來山川生色  
今雨無它山靈欲爲淡粧濃抹耳凡信宿崇安王  
江山集 木卷之七 七  
君時時餽塩米果蔬燕勞至再初三日雨霽王君  
命一掾裹糧隨行乃肩輿出城三里許入建溪登  
舟時新漲方落溪水靚深清瀨急湍柳堤蓀岸村  
墟歷歷遠近映帶三十里而止乃九曲溪西出與  
大溪合處也有道士三四來迎曰自此至萬年宮  
可里許當呼小舟入曲也緩步溪徑松翠侵衣將  
入宮古木蒼然逕道紆衍榜曰天下名山第一稍  
北爲望仙橋橋北爲冲佑萬年宮有漢祀賓雲二  
亭拜章臺三清殿玉皇閣閣下列十三仙後爲法

堂左爲方丈碑碣森立詩刻盈壁日亭午而飭遂  
出宮沿岸百餘丈入溪縣一曲顧水光石望幔亭  
兜鑿蒼翠如畫下有九峯書院額敞蒿藿蒙茸弗  
及造乃泝二曲錢板巉峭玉女差肩虎嘯凌霄諸  
峰粧鏡之金小藏之巖翰墨之石皆列溪左右四  
顧氤氲丹光浮動溪右巨石突立中豁若斧劈然  
相傳昔控鶴仙人試劬于斯誕不足信有宋題刻  
布蒲石上鮮蝕不可讀下有小九曲榜人急進艇  
還遶一回予興灑然一觴一詠而從者莫知也復  
江山集 木卷之七 八  
遡流而轉仰瞻懸崖萬仞枯查縱橫掉石鏐間皮  
一小舟歲久不朽朱子謂疑上世道阻未通川壅  
未決時夷落所居而漢祀者即其君長蓋亦辟世  
之士生爲衆所臣服沒而傳以爲仙也理或然與  
四曲峭壁研開木板亂插如機杼曰仙機巖溪左  
一石飛聳欲墮入溪中曰釣魚臺右峻壁斗絕上  
有數竇皆橫挿木板望之如棧中列陶器如宮如  
笥如爐如鼎又有仙貌數函高下重叠歷歷可數  
有傘蓋旗旄豎其側蓋土人祈禱酬賽之具人迹

莫能達何由致之皆異觀也半壁外隘中宏木條縱橫如鷄棲狀相傳常有仙鷄鳴曰金鷄洞乘流而亂灘瀨縈迴夕陽湧金蒼厓浮壁至五曲掾曰此峪有伏羲洞顧蛇徑鳥道峇甚人跡罕至榛棘薈蒼莫能往也因陟沙岸穿松篁可百步許入紫陽精舍謁晦翁俛仰興懷得古詩一章仰瞻大隱屏接筍峰峭立雲表披榛覓徑乘小兜羊腸逶迤磽險處輒下步半里許達峰麓掾曰上有二道人居之壁巖巖立有巨木脩階倚厓壁遂乘輿躡之

江山集

卷之七

九

階凡三接始及徑四布牒牒據頓地少休緣徑折數步入小木門石壁峻峭徑忽斷有鐵鐮橫綴崖腹亘七丈所鑿及徑以託足從者二人先予躍然握鐮寸進之心甚戒弗敢俯視鐮窮箕踞盤石猶膽掉神懾不自禁韓昌黎登華山邑令百計取之得下非此類與復杖策躡磴屈曲盤折百餘級始及道人所棲曰玉華巖巖深可丈餘高廣倍之白雲蒼霧生滅無時飛泉風樹聲協絃竹道人揮麈而出眉宇踈秀神采睥然號曰麗陽子坐有間曰

峰之巔有道友訪蓋諸復杖策攀躋里許達之夷處帶土種蔬葵瓜蔓菴宇三楹四壁瀟然夔異人世道人揮麈出揖延入坐不出一語從者出蔬食道人亦同茹冥坐移時天風瑟瑟禽鳥絕聞昔人謂山深無鳥聲信哉復拄杖而下至玉華巖道人出黃精乾餼分啖之接竹引泉淪茗殊佳抵掌荒落浮蜚蜚蛻與余言導事甚悉且曰人世多放不下幻心障礙何由入道余領謝之向夕假榻窩中簾燈趺坐道人曰子棲此歷三閏矣然未嘗宿

江山集

卷之七

十

客也子咲曰此某前生榻直借君耳道人曰浮生逆旅光陰過客何物非借何寓非虛今吾喪我矣君尚識故吾邪對坐兀兀達旦予賦二詩道人亦輒賦答臨別贈予一杖頗奇余復賦長歌一章訂方外之交云趣具食下山道人並攀鐵鐮及階乃別予面階而下至麓仰瞻道人如在霄漢臨風頂禮而已循故道出掾曰從茲數里可至天遊乃肩輿入峪蒼松夾徑雲陰藉襟微雨如絲幽禽逐蓋頃復開霽乍步乍輿踰岡躋峴乃歷平夷清流一



澗松竹成列若聞鷄大聲忽蒼髯老人撚香出逆  
遂登天遊觀一覽亭贊教張廷安偕其徒二人逆  
予亭中相與據席飲前有嘯金空曠高爽隱屏立  
其前仙掌翼其右千巖萬壑俱入指顧高下起伏  
若翠濤澎湃出沒烟嵐縈青繚白頃刻異狀令人  
氣紆神發條然有馮虛馭風之興予賦七言一律  
傾雨復作退觀殿宇幽邃山水人物畫詩偈滿壁  
皆麗陽子所爲者假寐丹房覺夢俱忘已復開朗  
松風颯然沿故術而降抵岸入舟回矚隱屏仙掌  
江山人集 卷之七 十一

際毛竹洞白花丘公諸巖樵人時聞仙樂之音亦  
非凡界也已而頽陽在山落霞射水面撓洗爵撥  
藻寒蘅和晦翁權歌十章溪光樹色窈窕微茫復  
入萬年宮濡毫書所賦詩大雨如注託宿張鍊師  
丹室拂曙起飭登大王峰過止止菴謁白玉蟾輿  
行半里許崎嶇峯榛塞草長過人踟躕披拂而往經  
仙鶴巖霜翎朱頂宛然如繪有飄泉若飛絮縹緲  
游空而下予題其巖曰萬峰晴雪又里許豁然徑  
斷有巨木階倚懸厓斷峽間張顧予曰此第一洞  
江山人集 卷之七 十二



歇前趾已遠望之如乘雲空中階窮處兩木橫閣  
崖罅上布數板廷安立板上乃援之而升有石門  
頗隘側其身入忽見兩崖開敞夷曠嘉樹美箭葱  
蒨芬芳予曰此小蓬萊也緣磴復升迤邐漸高有  
石池長可七尺廣深半之瑩澈可鑑稱天鑑焉復  
躋數十步平坦可半畝新構數楹窓櫺未完所謂  
昇真觀也蓋廢而復興張言羽流居者曾盛於昔  
今觀宇雖糊而鮮人迹荒涼無養故爾折北絕巘  
爲禮斗臺上哆下縮萬山羅立如丘垤飛鳥皆視

江山集

卷之七

十三

其背烟蕪雲樹泚泚隱見建水東迤蜿蜒如帶浩  
歌楚詞聲應崖谷飄飄乎若與子騫張湛等接於  
物外嗟亦奇哉廷安曰南峰之巔更有洞厥曰窄  
小而深不可測垂綆百餘丈方及水以小石投之  
其響之激越良久乃已宋乾興熙寧間遣使降香  
投金龍玉簡於中曰投龍洞時新雨後石壁溜淙  
淙下莫能攀也少憇忽陰風勁甚不可再促步而  
下緣二階遵舊術不踰時及麓餘萬年宮日猶未  
晏乃促駕還崇安薄莫入城王令君復來顧備詢

遊蹤曰茲行冒險窮奧亦云奇矣仍遺水簾之景  
未探也此溪雪景殊佳玄冬能重來乎于是復崇  
酒相慰夜分乃罷明發出城會微雨小憇崇賢書  
院王令君復出餞執袂論衷依依不能別二宿抵  
鉛山從者曰日晡矣前途無止舍聞有普陀巖遣  
此二里許耳遂乘輿往平地突起巒障髣髴飛來  
峰中有一罅明透日影流光傍有泉滴瀝島中可  
安几席乃坐飲數觥倏倏淦雲釀雨明處寢暗雨霏  
霏灑席張蓋而飲予勒詩一章厓上因思武夷之

江山集

卷之七

十四

勝半生夢寐薤毛種種始獲一償乃徵靈仙窟宅  
洞天福地亦係乎緣分之至與不至非偶然也却  
說謂山行洗盡五年塵土腸胃予於此行亦云明  
春有天台鴈蕩之興與麗陽子期遍五岳又未卜  
天時人事何如耳七月九日向午抵信城爰撫其  
大槩以志茲遊之偉

行狀

外舅東巖吳翁行狀

公諱宣字子都厥先出唐侍御少微公生輩中書

舍人輦曾孫矩爲武昌太守矩四世孫晉咸通間遷休寧石田晉四世孫團五代時遷臨溪遂世爲臨溪人高祖廷柱祖道元考九思皆隱不仕世以貲雄生公兄弟二人公其季也生而修爽年十九失怙即克樹立把握門戶二十五始婚石門程氏時生業頗薄母孺人欲以田畀公爲婚娶資公弗受迺變易粧奩挾貲商遊與時俯仰有計然之畫往來荆楚間數年遂累千金已而刊木巴蜀下貿於浙浙奸商納交于公覘公剛直不逆詐悉易其

江山人集

卷之七

十五

名推于官已盡負其貲公處孤旅毅然鳴於浙司而奸商故大有財勢可使官官置不理反久繫公公詞氣慷慨官爲動容事雖得直貲竟莫復旣而販鹺青齊輒條陳鹽法之弊巡鹽御史遂以其所疏付之舉行而鹽法爲之一清群商德之繪圖請涿鹿侯闢在邦爲文大置酒爲百金壽公曰吾固治鹺事也利害同之何以酬爲卻其金不受諸賈人乃以黑貂裘進公曰解衣衣我朋友之饋其可矣嘗遊吳起人危疾其父輦金帛爲謝公笑而卻

之先君曾病疫疫勢方熾姻友罕相聞公親詣卧榻持七劑一飲而愈母孺人病公時商楚星言奔波匍匐千里而孺人已弗起公以弗及侍嘗湯藥慟踊幾絕心哀內疚三年如一日亡何有妻之喪一依家禮若世俗浮屠陰陽拘忌之習一切矯之所至好臨賞名勝見奇書及曆數百家言不恡傾囊購之酷好讀戰國策至老不釋手公爲人任俠有氣槩性侃侃不阿修幹偉標美髭髯步履矯健出入常佩劍弋矢有北人風詎族有貧而無居

江山人集

卷之七

十六

止者以其餘室居之晚歸老于家闢樓居以自適日攤書盈几席村居之偏有東巖之勝佳日良辰必携侶登眺觴詠自娛因號東巖老人平生茹柔不吐剛居鄉矯枉過直不能諧俗家亦坐是不裕或至屢空日晏如也昔昔病疝然不甚爲苦卒之前一日遣使賁禮以祭先君躬自爲文命壻代祭壻含哀悲愴嗚咽號泣不能已公年雖踰七十而膂力未衰鬢髮未變方期引年黃耆少盡子婿之情孰謂公遽弃養而逝也哀哉以嘉靖己酉十二

月二十五日卒距生成化甲午十二月十四日享年七十有四配程氏有內脩先公卒繼配許氏側室劉氏子男二長德恭程出娶閔口畢氏次德寬許出娶藏溪汪氏女三長慕潔次慕貞俱程出長適溪南江瓘即予也次適本里程世熙三慕清劉出適閔口畢武進孫男三文 文華文憲孫女二卜以踰年十二月十九日之吉將奉公權厝於上山之陽先期公子恭寬涕泣以狀屬予嗚呼予公甥也又豈忍狀公哉然公昔擇婿惟謹而以女妻

江山人集

卷之七

十七

予公知予矣予得諉之不知公者耶惟公豪宕之姿清脩之行蓋庶幾乎立德者乃竟鬱抑蕪沒草莽豈所謂賢人困厄廉士無名者耶於是揮涕掇其平生大槩爲狀以俟當世立言君子採焉謹狀

先妣孺人鄭氏行實

孺人諱某姓鄭氏厥先與周同姬姓出自厲王之少子友宣王封友於鄭是爲桓公歷武公莊公爲司徒者三世後日疆大子姓析處者以國爲氏漢末有庠者過江居丹陽傳七世孫汝霖居歙之雙

橋迄惟政徙官塘後遷巖鎮復自子高公徙澤富曾大父長壽公大父勝宗公皆潛德弗華考嵩公博洽古今率禮樂義里稱長者娶我再從曾祖仕堅公之女有賢行以成化甲午三月七日亥時生孺人性仁厚莊靜不苟言笑幼勤女紅父母鍾愛之謂必爲名婦難其耦聞家君穎異乃姻焉年十九歸不逮事舅然事姑婉順孝謹得其懽心妯娌于于如也時生業未遂孺人脫珥倒篋以助罔悵且晨夜力績不輟姑恐其瘁也數止之自是孺人

江山人集

卷之七

十八

每夜績必以衣蔽牖隙不令姑覺家君性剛毅不面留人過孺人每勸其容有從叔祖絕嗣遺產衆爭之二紀弗決郡守韋菴彭公以宗派公義令家君入繼孺人不欲也所入菓品稻梁之類置諸中堂肆家衆取之弗問且謂家君曰丈夫當自立安用此且衆服其勞而我受其利是益爭也家君即均之於衆衆心用平聞者服其賢而有識家君挾賢江湖動經歲年孺人綜理閭政綽有條叙歲時祭祀親族餽問婚喪吊慶禮節豐嗇罔不合宜躬

操井曰約身縮用組紉紡績之勤鷄豚之畜足以給家上事大母甘旨靡缺家君無內顧憂故得太肆貿遷業用益振於是大母沒矣戚焉以毀襄事罔遠禮弘治甲子伯父共治居室工役繁夥供應調停秩然有序每植產或爭直則曰立業傳子孫曷費之靳多陰取其奩益之歲饑佃夫告歉或以爲當取盈則曰顧彼終歲勤動而不得粒食吾何安即量減其數尤好施與見嫗族有憊獨困乏無聊者爲之蹙頰不安必思以賙之聞有死莫斂者

江山人集

本卷之七

十九

力給則棺之弗給則遺僮僕繒米使往瘞之外母年老孀居孺人歲一歸寧月致饋再三及沒哀思彌切躬往殯祭母遺衣佩遺物悉畀諸兄時鄭中圯不欲擾也於是諸子就外傳矣窮年供具無幾微厭倦日歸必問所讀書幾何夜分使婢勸勤誦則喜因遣賜茶果或少懈輒不懌詰朝歸必切責之家君所與共諱孺人有所減否厥後屢中家君每嚴其遠識正德乙亥娶冢婦八門蚤夜諄諄備叙其初年起家之勤劬儉約故克有今日爲戒丙

子娠且彌月然猶日視米鹽零碎物及供具塾師竟以產難終正月念六日卯時年止四十有三遠適無疏戚貴賤老稚咸咨嗟霑涕以爲天道無知善人不祿如孺人者宜食其報不應遽逝也生男四琇珮瓊珍女一璿弟時在提孩以二月七日諸子悲號痛裂奉柩厝於半沙之原不肖子瓘哀慕之餘敢掇拾遺行畧不朽於下執事顧孱弱餘息氣繭辭荒惟至仁矜念罔加斤外而錫之銘則光潛詔遠屋德至深歿齒銜矣伏楮恍然無任哽咽

江山人集

本卷之七

二十

頌

世德頌爲休令林三泉作

牛女臨野閩越開疆三溪縈帶休氣瀰茫斗山峻極天柱雄張榮光和蕩爰發其祥神靈聿降異人篤生弱冠味道探賸摘菁憤時揚策閭闔聲一麾幕府撤彼佛土闢邪翊正譽髦斯士湮鬱下僚鹽車駉駉挂冠歸來優游栗里時邁其德洪源肇啓挺發多男振振麟趾洵美令君如新發硎筮寧新會大盜以平復令海陽彈琴政清飛鳧入覲丹

府策勲 璽書煌煌其下如雲釐爾銅章王休對  
揚玄澤優渥閭里騰光綵衣翩躚燕喜高堂

帝曰吁吁下邑方蘇群黎瞻望如饑待哺汝往欽  
哉式遄其徂不遑將父肅我車徒名邑抗旌壺漿  
載迎豈無父母撫我如生鄰封有警我邦震驚政  
令誕敷百堵皆興民靡告勦有傲其城惠化流洽  
四境咸寧潘桃載賁召棠繼青嗟嗟父老扶杖盈  
庭謳歌載道曩勗勒銘遷命勿亟保此零丁製錦  
悅來爾卓爾魯秉鈞持衡爲申爲甫小子作頌

江山人集

卷之七

主

敢告太史

雜著

汪處士東谷翁誄有序

嘉靖乙卯十一月六日海陽東谷汪翁卒於戲  
哀哉鄉失老成社隕耆懿故舊興悲彥哲傷慕  
苟允德義貴賤何論焉故有韋布匹夫變化有  
概以成富大者太史氏足術焉翁蚤握計然之  
畫終埒猗頓之富卒然臨變而不驚橫逆加之  
而不怒深藏若虛體服非薄洽聞閑藝積仁潔

行年耄德邵鄉閭表率若翁者豈止爲貨殖之  
士庶幾有道者倫非耶瑾忝姻婭之末仰叨識  
達之深承諱切怛哀有餘音廼作誄曰

猗歟處士系自汪芒避地新都肇漢龍驤天啓有  
明我公篤生幼負卓犖百夫之英降節商遊握我  
玖璫累賞鉅萬猗頓齊群寇盜滿野商旅不行公  
以誠感秋毫靡侵連軻結駟縉紳推誠敦仁率禮  
色養寧親九族旣睦德洽宗姻多才豐藝強記博  
聞處恭如約知雄守雌克明克類知章知微喜怒哀

江山人集

卷之七

主

不形乘理研幾匪直也人今聞令儀猗歟我公旣  
富且仁亦旣壽考子孫振振寒余不類沐愛孔深  
摘光牖晦祗承德音日晏景西惠化是親天弗憖  
遺哲人其萎行雲徘徊哀風淒其衆罔不恫矧予  
辱知嗚呼哀哉人誰不沒達士徇名生榮死哀仰  
此銘旌

雜器銘九首

予家居暇日讀大戴記及金匱陰謀所載諸銘  
蓋有感於古人之勤惕托諸器物以著銘則而

象之以時觀省庶幾乎閑邪以崇德也

鏤金銅蟾硯滴銘

爾本辟兵煨凝赤精月中之崇席上之珍昂首蟠腹吸清固蓄沃我毛穎資我尺牘挹彼汪茲隨取常足

鎔金鎮紙

華其質繩其直齊紛鎮揚非徒爲爾飭

烏木臂閣銘

染翰代繩爾腕之所憑兮知白守黑常德之不忒

江山人集

卷之七

三

弓

劍銘

霜鋒之試兮斷蛟而刺犀也龍光之埋兮衝星而射霓也

燈銘

汝明煌煌暗室生光齊莊自持長夜無荒

枕銘

古木而圓于以警厥昏也今角而繁絛以滋厥慢也

席銘

肢體之劬兮籍爾以爲紓也夢寐之占兮匪爾以爲娛也

鏡銘

汝不設形故能形其形予不外身安能身其身

刺函銘

屈視其所親交游其可以弗慎乎中古貴施報禮至其可以弗應乎

江山人集卷之七終

江山人集

卷之七

十四

送家兄霞石山人東還二首 并序

家兄抗志烟霞雅耽文藝頃游武夷戾止信州晏息齋中行吟坐詠怡然忘倦余簿領之暇時一解頤金風應候驪駒戒塗瞻言興懷聊申短什

游倦慚爲客因君暫發懽如何歸興促翻遣別離難落日飛鴻迥西風池草寒軒車不可駐行矣願加餐

本是連枝樹離懷難可論余爲折腰吏子

江火集

附詩

作食霞人松菊鄉園近雲山客念頻江城秋色滿握手一傷神

歲在庚申秋仲靈玉山主江珍書

叙武夷游稿

叙曰予自結髮習聞武夷山奇特靈異顧海上三神山遠矣猶幸與茲山共分野庶幾獲寓目焉間嘗再造以兩潦之不時竟不能深入其奧吾自以爲未始游也自左官居信之二年俗恬而事簡信建二州爲接壤其山豐上歛下奇崛亦相似因復思武夷欲窮其靈勝而故事無越境不可乃喟然嘆曰夫會心處不必在遠吾齋園有

江火集

本序

方塘半畝細竹萬竿銀杏雜果羅列叢生早晚休衙屛幘倒屣徙倚其間致足樂矣遂不果行秋七月篁南山人江君不遠數百里尋真訪奇於三十六峰而歸歸而過其季使君公因為予談山中事曰天下當無有如茲山者山類巧匠削成巖壑水石皆異態且淒清渺藐深沉幽翳無比者留數昔得饜觀焉疑非人世恐仙靈所靳乃亟去之君言山中事如嚼蜜中邊俱甜復



出所為詩卷相示詩紀山中游覽事及行  
旅中景物皆隸焉題曰游武夷稿者志所  
專也焚香置几上讀之其覽古擢歌等篇  
玄虛縹緲有虹橋綵屋之秘興致自然有  
仙掌玉華之奇平淡瀟灑有丹井水簾之  
縈蓋景與意會者讀未畢飄飄然若乘雲  
氣游八極恍惚與神君天姥遇矣嗟夫世  
言神僊事皆傳記中語耳覽之猶清心徹  
骨而君親歷僊人所居睹其爐鼎器物及

江山集

本序

三

變化遺跡其為奇遇信矣吾登臨意興故  
不減君但不如君能賦詩且置身樊籠之  
中不得短褐芒屨從君後二者猶為負耳  
吾聞君舊治舉子業有聲場屋既而曰焉  
用此魔障為遂棄不事唯徜徉山水間充  
大肆力於詩當其為詩時體物構思折入  
蜩翼蚊睫間不復挂意人間事一日與君  
宴坐語前事因問之曰為詩良苦獨非魔  
耶夫山林臯壤蟲魚草木與我相遇欣然

適意足矣何事摘其靈秘狀其飛動君為  
之一戰然君往來建信間所至不告姓名  
過崇安崇安令王君奇士也見之知為異  
人止而飲之酒相得盡歡而去故賢者之  
相得見目睫而知之壁山子曰方今海內  
處士能為詩者不過數家然皆以處士為  
游俠出入公卿間故其詩多骯髒取容君  
不獨工為詩其為人端雅護細行予故爰  
而叙之

江山集

本序

四

嘉靖庚申秋七月既望葛陽散吏前司馬  
郎中漳南盧岐嶷撰



送江山人游金陵叙

山人高世不出山十五年矣先是弱齡明經有聲新都已乃以疾謝諸生歸卧霞石山中閉關內視叅訂靈樞發越人元化諸秘却病養生神氣辟玉於是采秀游仙歌聲中金石遂懷風雅次周秦漢魏名家博涉載籍嚮往不衰鄉人相語愕然不見異人當見異書問奇者屢滿戶外遵其術行之亡不意得久乃治裝東瞰吳越南歷荆

江山集

入序

五

湘北抵淮海所至吊奇懷古交驩豪士名隆隆起江湖間既而息駕篁墩之南結廬習靜屬書離辭以訊來許與郡中耆俊結社和歌逍遙自適一日告行將游金陵其友陳子歎曰山人蓋李士元鄭子真流也高視宇宙無意當世今乃入京搢紳人士久知名懷刺見之寧能避耶矧如廡棲長林志在豐草無然欣羨久矣日邂逅南山同侶揚推游詠山人獨發奇抱乃曰吾人

須獲遜世屬海寇假擾數年未平諸君當

決策請纓毋徒留連歌詠是亦足退虜耶

乃與武庫汪大夫伯玉談兵於東夷北虜

至忘寢食客有言山人近錄韶鈐要機彙

成編帙將以行世况乃弟尚書郎民璞補

南駕部寔留都本兵戎司且值伯玉北上

連鑣千里分袂秦淮寄言北邊當無遺矣

即握手令弟屬意東島日夕纚纚不休夏

節公卿見同官有是難兄賢疑論辨竊謂

江山集

入序

六

倭夷自後庶永無患哉或謂山人常稱仲

長公理崔元始為百代偉人雖忘世而持

論足濟當世茲行盡以效之人人山人懷

抱慰矣又何必自其身試哉同侶各賦詩

贈別余叙次冠于卷首

嘉靖丙辰秋八月上旬六水陳有守述

江山入集七卷

浙江江汝  
璞家藏本

明江瓚撰瓚有名醫類案已著錄是集凡詩五卷

文二卷汪道昆爲作傳稱其少補諸生以病謝舉

子業專事吟咏故其詩較勝於文特少嫌薄弱別

有武夷游蘂游金陵詩二集今皆未見獨此集之

末附存其原序二篇而已

少嶽詩集四卷

〔明〕項元洪撰

北京圖書館藏明萬曆三年項氏墨林山堂

刻本

附《四庫全書總目·少嶽集四卷》提要

少嶽山人詩集序

攜李項氏子瞻博學攻文尤長於詩余熟聞之惜未覩也

先帝壬申春爲白嶽之遊歸臻其地符卿戚希仲出而郊勞翌日觴余真如寺子瞻在焉兩家親睦也廼始挹先儀聆謦欬而心醉若其高蹈足以遺世恬澹足以引年似得衛生之術而深湛之思可以葆神亡何委化禪榻邈爲酒壚梵鍾悽於隣笛賦詩哀之焚草墓上

項少嶽詩集序

一 墨林山堂

茲季氏子京取其遺稿詮次之勒爲四卷題曰少嶽山人集雜文別行仲氏南考功卽子長爲之序子京附言於末昔夏卿表右丞之編吾孝常彙補闕之集異代同調矣展玩厥序氏原封國童挺帝師自遼徙洛佐漢翊晉代有令聞史不乏書爲越世家我

明若襄毅公勲德並隆文武爲憲詒謀慕服不在茲乎夫攜李者春秋時吳越分境故曰由拳吳之備候塞也論疆界則域盡揚州地也

吳會考山川則陽抱亘於胥山具區通乎長  
水項與戚本亦吳人茹言游之華而摘機雲  
之藻者也余與二君爲鄉人云符卿痛藩政  
之日敝上書極言下之春官不讐乞歸奉母  
爲綿上之隱奄隨朝露恨不及泉尋亦哀毀  
從逝矣孝哉希仲乎子瞻以貲授光祿非其  
好也授劾宅憂時並不遑年亦中促然希仲  
不朽者青藜在也少嶽集成足稱雙璧今觀  
古選冲逸陶謝匹也五言典雅王孟流也七

項嶽詩集序

二 墨林堂

字清婉錢郎亞也兼以人爵非榮天真自適  
開蔣生之徑灌仲子之園結東林之社置北  
海之尊密友良朋偕之歡賞金昆王季與之  
倡酬三俊齊名一時獨盛翰墨之精又其餘  
事耳昔彥昇王文憲集序侈原家風詳述宦  
履俾彼天授之資獎茲人倫之鑒未揚作者  
之本受知効德在門宜然乃眷棣華實遵斯  
軌昭明陶徵君集序夙欽高品深契曠懷謂  
其詩跌宕超類爽朗莫京橫素波而旁流干

青雲而直上異代賞音匪曰貢諛竊附斯義  
序論如左云

萬曆三年歲在乙亥首夏朔

賜進士天官司勲郎 勅僉南中憲使安定皇  
甫訪子循撰



百泉山

項嶽詩集序

三 墨林堂

伯兄少嶽先生詩集敘

仲弟篤壽謹撰

相古陶唐慶流姬氏兄弟之國五十餘人乃有  
肇封于項居遠之西者焉由茲以降鮮不得與  
斯文澤及苗裔故七齡天授蔚爲聖師譽論收  
遠巷之章春秋列世本之盛其源遠矣自齊人  
構難尋徙洛陽司徒策勲于漢庭刺史樹猷于  
晉室居江陵者以雄詞推守婺州者以循良著  
中丞二難休顯于唐學士兩葉修詞于宋文獻

張嶽詩集序

一墨林堂

中原亦代有聞矣自洛京失守皇輿播遷評事  
兄弟扈蹕而南族居既異派流遂殊員外益衍  
紹興之傳侍御萃開山陰之統嘉興之有項自  
評事始也吾祖八一公博雅有文篤生廉訪累  
世名德爲勝國冠冕迨入

皇朝先襄毅以文學振家聲以武功戡國難箕  
裘簪組代不乏人而文苑儒林亦寥寥鮮託矣  
自昔王氏以七葉重光侈談後世劉宗以聯華  
濟美獨步當年然則不墜人文光我先業者其

在斯乎非吾伯兄疇能當之哉伯兄名洪字子  
瞻別號少嶽山人弱負奇表長蜚今聞藝綜衆  
長學該羣典始以庭趨習舉子業非其好也久  
之不售遂復棄去學古文詞尤嗜爲詩大約以  
昔之比興就今之聲律涵詠風騷憲章鮑謝而  
雅情冲融逸思奔蕩咸天真獨得非師資所獎  
時有舜零詠歸金谷交會曲水傾襟南浦愴別  
莫不纖密奇秀度越群倫無之楷法妍媚草聖  
尤工每詠一物賦一景毫墨未乾傳誦已徧膾

項嶽詩集序

二墨林堂

炙人人固盛年已然矣中歲薄游京國推轂皆  
當代賢豪而拙宦不遭浩然有尊鱸之想間有  
抑鬱之意託于諷旨寄孤憤于寓言懷隱憂于  
餘緒豈其情見于辭者乎既而宅憂來歸遂厭  
棄生產日與朋儕舊好及我二三兄弟結社爲  
歡座客常滿尊俎不虛載酒問奇者夜以繼日  
江左風流建安雅致莫之能尚矣時吟壇所集  
皆南國詞英尤慎許可獨於吾兄咸推讓焉迨  
乎晚年脫落塵滓鴻漸卅紛割棄親愛蟬蛻物

外逍遙于桃里之墟寤寐于長水之曲蓬門華  
戶僅庇風雨山僧釣叟日與往還時有竹溪空  
庭雪淨禪室境捐俗染坐對天涯酌浮沫啣素  
杯甘茗代醪名香設供寫情摹景必於斯文則  
又思入杳冥歸之雅淡滋液瓊瑤之朗潤冲虛  
蓬海之清奇解境成文因文變象至于闡明玄  
理則妙契真如總一旨趣則頓開心鏡折繁音  
于孤韻貫清濟于洪流非其然者與季弟子京  
與兄同稟學詩之訓有交修之助屬藻疏與名

張衡詩集序

三墨林出堂

稱相亞方冀同聲互應以卒舊業而昊天降割  
不我憊遺季弟時旣免喪懼遺文之墜于地也  
爰與基恒梧徵四子彙次成編付之梓人惟兄  
卓思不群分韻揮毫隨手應去故所存者鮮今  
之掇拾才十有三三諸他論撰體裁稍備存亦  
無幾顧篤壽牆面不能言詩于京謂我當叙之  
首簡義固難辭也感悼音容則覽華藻珠玉綴  
錯清冷自飄雖無片言可以屬和而次第諸篇  
于素所狎聞泫然涕下不能自收爰述先人俾

知所始傳之都邑庶幾不忝若乃表章潛德印  
訂珍編俟諸大方吾則豈敢萬曆乙亥元旦書  
于寶墨山居之蘭室



張衡詩集序

四墨林出堂

少嶽詩集卷一

橋李項元洪 子瞻 撰

項元汴 子京 校

懷鶴爲陳子作

蒼蒼全覆逕松翠自爲林月想高樓影風悲相和音  
雌軒花嶼香僊馭海門深湯托哀絃操猶瞻華表陰

秋懷

空林清曙翠雲停合杳秋山當列屏階葉迴風金片  
片巖枝拂露玉冷冷南瞻氛祲通炎壤北望干旄肅  
舜庭卻訝楊雄今白首日長寂寞太玄經

項元汴

墨林山堂

月下過高子元不值悵然有作

晴沙碧時帶重城氣肅銀河欲倒傾深苑鳳樓千竹  
挺疎林月暎兩湖明宵寒陳榻虛鐙火秋暮陶杯阻  
菊英耽卧不知離索久興來聊擬剡溪行

雙湖別業宴集

郊野含新潤寒沙帶夕陽雲連如鳥嶼湖並學鴛鴦  
就竹琅筵敞攀梅錦簾芳德星瞻遠漢高會動滄浪

守默山房

守默子浮游物外得道忘言抱玄籀真沉默

自守卜居湖南即以遁跡終當從安期赤

默者其咄余之多言也

丹霞錦嶼併成立水面停雲翠結縈自愛寢樓窺石  
壁莫令真氣動青牛窓含霽色瑤花滿几落寒香王  
隨流朝市未能淹上隱逍遙終共赤松遊

觀朝雨

北風飛雨如塵埃灑閣沾林江上來氣直吞吳越  
澤浮陰全蔽越城臺虛堂弄色猶餘有野圃含芬欲  
有梅身世豈知何寂寞逢時還喜聖賢杯

送陳一表兄就試南宮

項元汴

墨林山堂

劍北宮袍新信倚江南草色獨牽愁遙從杏苑探花  
醉更上春池逐鳳遊日月雙懸金作闕雲霄層起玉  
爲樓相如詞賦初承寵握管含香侍 宸旒

新霽望所遲客

近市樓臺拔錦繡間溪鍾磬出氛氲胡牀晚據東吳  
月鳥几朝開南越雲城齊舍春催柳色林暝擬酒倚  
梅氛臨江引領近來客搖曳人邊雁幾羣

五日獨酌

天分中道日南至水落三江雁北來杯裏霞文如泛  
綺雨餘雲氣自爲臺 聖王布惠乘時令太史迎

陽候管灰獨有梅花寒谷底參差稍待暖風回

同郁文芳過徐國儀草堂于時曜景初匿靈

雨既零觴俎紛列陸博間陳酒如淮澠燭

不見跋狂嘯歡呼俄而漏下二鼓矣於是

欣然操觚渌翰遂成三絕

錦溪不讓瀼西村瑤館時開北海尊看劍雙龍翔赤

電呼盧五采踏金盆

二

翠屏珠箔暖相鮮鱸膾醇杯高炬然雨外金壺催漏

水花前玉麈坐談玄

項嶽集卷之二

三

墨林出堂

三

座上翩翩鸞鳳倚南州徐穉舊風流酒酣豪氣吞江

海咲倚蒙茸孤白裘

歲暮寄黃子初甫

翠壁丹崖結繡深蕭條歲暮養疴心中清嘯鸞鳳

語石上瑤琴山水音魚影乍開風稍入簾文新展竹

交陰方同戰勝投簪者聊欲琴翻叢桂林

雪後寄諸子華時諸子初婚

溪長搔水態沙淨雜雲陰殘雪疎蘭舫深杯進竹林

梅交雙帶玉柳結並枝金更憶層樓敞遙傳鳳管音

晚集江子池亭 并序

江子者江湖骸體士也託跡羽林斐然有述

作之志終將遐舉遠適以母老之故尚爾

棲遲時 命下議毀祠宇意者爲江子驅

耶

落日猶含瑤草叢暮筵初敞望儂宮玲瓏石室丹霞

絢潏汴洽池銀漢通簾底互談霏似玉酒逸雙劍拂

成虹未將身世隨棲宿共解深城有卧龍

往余東遊海上逢逸士朱靜溪別去且十年

復見於半畝池亭酒酣道故歡然有贈

項嶽集卷之二

四

墨林山堂

洽海春風憶別筵碧山桂樹重留連掌中杯影千巖

日鏡裏池光半畝天歌咏應同白雪調著書不但絕

交篇 朱以書絕之論 幽棲見說臨溪水沙淨鷗羣拂釣船

客有談西郭草堂之勝遂以詩遺之

郛城百雉控郊墟萬木扶疎繞屋廬湖並遙分天日

水地偏魚似浣花居簾櫺日色朝還遲几簾山光暮

有餘樵李亭前芳草路唯應牛角掛殘書

落花成茵陶然就卧賦此

瑤砌日光遲繁葩辭故枝片片牽香綴重重若錦披

帶露微柔滑因風稍轉移正逢春酒困無傍綠陰垂



初秋送陳鳴野遊白下時聞 車駕將南

辛

冥鴻依止壘葵隼樂南征王氣丹青接秋陰玉殿生  
地分江作塹山控石爲城願以梅花水沾君塵土纓

二

離筵涼稍入別浦月重新劒拂三山石帆移二水濱  
吳宮開鳳邸舜輦動時巡嬾上相如賦應思張翰尊

見新月有懷

秋雨斷餘霏涼宵新月輝俄升疑壁掩漸遠學鉤微  
蟬響停巖葉花光湛露幃茂陵消渴處獨卧白雲扉

東坡集卷之一

五 墨林山堂

安集錦溪堂醇引碧筒歌翻白苧谷鶯秋嘯

溪芳晚榮既醉賦詩二章

雕欄臨雀逕畫檻俯魚梁樹雜丹葩滿溪分錦帶長  
鶯簧歌外嚙蘭佩舞餘香速惜歡娛晚麾戈駐景光

二

狂追河朔飲興洽竹林遊日氣含殘暑雲陰澹素秋  
玉寒水益薄羽動水觴流更擬乘槎去還應待月留

月浦秋汎

假楫披襟遵北渚牽花隨意涉南川月含霞氣千重  
綺水映峰文百朵蓮歌外木迴青雀舫鷗邊聊敞白

月夜臨風欲附雙飛翼秋漢冥冥萬里懸

待月駕鵞湖得涼字

沿月浮槎渺臨風翠幌涼情深聊夜飲坐久轉輝光  
鷺宿終隨侶鴻飛不離行咏歌非點也更比向來狂

雨霽乘小舟汎龍淵涉鵞湖而還

金淵臨墜日珠穴動蒼蚪逕轉千花雜川長一道流  
山連吳苑夕雲帶越山秋別向鵞鵝渚何殊剡曲遊

月夜同友人汎舟秋涇

野曠秋如洗舟行若在天流文風不斷桂影月新圓  
三澗沾花露杯寒湛醴泉遙將銀漢度莫訝客星懸

東坡集卷之一

六

墨林山堂

二

弭棹鷗沙霽鳴榔露渚涼漪蘭薰月席脩竹韻風簫  
意洽遊魚出談傾秋水長纓塵如可濯何必在滄浪

冷塘詩二十韻贈周侍御

皎皎南州芳汪汪千頃陂日邊同振藻川上有遐思  
垂象含飛動金塘淨碧漪氛氲浮爽氣瀟灑引寒飈

天接銀潢瀉波平白練披還應清可濯而與暑偏宜  
自合滄浪詠休稱雲漢詩流漸如不斷積雪訖消遲

鰲戴瑤山島槎浮芳樹枝龍翔虛窟宅鵬運徙天池  
吳越觀風日幽燕攬轡時星瞻熒惑彩驄避渥洼姿

柱下推周史臺端慕漢儀遂令鳴鳳跡長使白鷗跡  
麟閣遙相待滄洲未有期苦荒三徑碧栢近衆鳥隨  
霜凜沾巖壑風裁動赤墀真看濟川楫猶想釣璫絲  
俾野王家佐礪谿帝者師澤深民未識歌曲答無爲

梅池

淑氣暖初回芳池併是梅池分天漢水梅出上林栽  
解作鼎中寶還將鏡裏開遂瀛如可望玉樹倚瑤臺

湖南燈宴

晴湖風乍暖夕館月如霜燈燦千花綴屏深萬錦張  
琴尊成晤語梅柳入年芳自可遲歸棹唯應待曙光

預歡集卷之一

七

墨林山堂

陳子新雨草堂春集得門字

西城薄暮移蘭舫蒼野餘暉雷竹門更取澄淵如剡  
水還將垂柳比陶村留尊芳塢舒梅素展簾春沙淨  
雨痕而景詎辭煩宴賞坐深偏愛燭花繁

星異

春王正月晦有星來自東卒傾非隕石橫度若焚空  
遶曙交奔響移時耿白虹佇看初日景霾曠引飄風  
霰集時有安南之役

寒遶令序霰集欲春過稍覺珠垂密還驚玉綴多  
魚風摧隴麥雜雨灑庭柯王師開瘴厲應爲肅干戈

羣梅谷祥龍鼎蓋元夕鳴令茲來也寒令疾

故事會必詩爰志離合

湖渚燈筵驚乍別市廛新火湯相逢花房佳氣含晴  
旭樹杪春聲激晚風白石空林玄覽裏三湘五嶽卧  
遊中迂疎未許從蓮社尊酒還應共竹叢

余家有琴石委棄久之客過余請焉石也喜  
有遇矣乃其人不諳琴願茲焉好是亦志  
在洋洋我義者遂欣然致其一侑之以詩

聲諧清廟質苦駁錦文深多君垂拂拭而我媿知音  
蘭邊鏗玉案風處雜龍吟莫索廣陵譜但寄無絃心

預歡集卷之一

八

墨林山堂

姚子移家松江二年頗有歸與之情春日偶

過席上賦此無爲卜居

賦擬閒居典積淹叢桂林青山屏氣雜黃鳥有佳音  
玉葦含丹醴漪蘭淨素琴願言投分友長此晤幽襟

二

村樹湖雙遶林沙竹不疎還將桑梓里重卜隱淪居  
莊舄吟中思虞卿愁裏書扁舟尚留滯應復待鱸魚  
黃子竹中爲臺勿我醉也有詩勿我聞也輒

往嘲焉

曲池巖岫寫蓬萊華館朱樓相映開別向叢篁分小

聖重將錦石作層臺月明河漢當筵度風拂笙簧逐  
鳳回共道陽春能獨擅却隨下里和歌來

黃子山亭垂絲海棠甫開遂遭風雨亦咎其

未及賞

錦縷牽風散丹房雜雨深稍辭枝上艷已結砌旁陰  
願此嘉微景悵然遲暮心亭皋餘賞待鳥嘯晝沉沉

風雨憶徐子海棠

金屋春暉面朱闌花作叢啼痕偏稱雨柔態不勝風  
葉潤纔分綠枝交却並紅應知歡宴處併在綺羅中

晚宴黃子朝甫花亭兼懷郁子文芳

項徵集卷之二

九 墨林山堂

草玄已學楊雄僻載酒還過問字船晴閣含風披石  
磴芳闌待月敞春筵朱屏花結鸞章錦金炬光搖太  
液蓮每共酣歌淹夜色獨思消息滯幽燕

春日過諸子園居

天馬橋西湖水迴芳園佳麗數追陪花間鳥語和香  
度座上山光拱翠來細帙筠窓常畫淨紫毫華几傍  
池開深杯莫訝高陽會盛世還徵鄴下才

梧西席上觀妓連曉

梧館巢威鳳春杯促錦筵林青風色度沙白月華明  
梅向歌中落桃隨咲裏生方看投佩去疑作采雲行

二

杜鵑粧錦榭歌舞出嬌鬟月將歌扇並風逐舞衣還  
湖水爲雙沼城雲當小山接離行樂地曉藹有無間

乘月過高子湖上別墅

湖光淡蕩淨林扉城堞平臨星斗暉朱利遙如雙鳳  
起浮橋近作五龍飛鴛鴦渚上牽芳杜楊柳堤邊覓  
釣磯興洽蒼苔華月緩乘酣應在夜深歸

雨中同陳白陽登樓

花間舞閣翔空出郭外歌筵面水開勝賞寧殊河朔  
會憑高詎減仲宣才江懸疎雨銷炎燠樹拂流雲媚

項徵集卷之二

十

墨林山堂

晚杯既醉徘徊瞻北極不知何處是燕臺

陸羽泉

金欄桐葉繞玉井碧泉回皎潔開奩鏡芳芬動茗杯  
靜中窺日月影裏見樓臺唯有忘機者還應抱甕來

子玉弟席上贈別嚴蒙齋

幽簪披芳檻琅玕映碧岑月華涼入夜雲氣薄垂陰  
別袂綢新纓歸途夏正深紉蘭堪贈佩與子結同心

暮夏過子元草堂

徂暑平林山乍收纖雲澄宇已迎秋含風翠柳宮腰  
斷承露金蓮僊掌浮咩咩林蟬如度曲蕭蕭沙竹自

成洲還將宴樂耽斜景別向池塘著小舟

春谷詩序

春谷者美春谷而作也噓陽吹暄樹範標準

跡存空谷謙下自居道並南山仰止奚及

故桃李舊燦絃誦播流欣覩舞雩之規竊

附風人之義遂稱詩述德成弟子之志焉

近日雨晴沙芳春動物華鳥遷佳木嘒山暎慶雲賒

書帶虛巖草絃歌幽逕花祇應楊子字問字有侯巴

徂暑夜酌懷遠

涼颼初向夕爽氣遂盈庭雲薄結為幕山廻翠作屏

莫當夏發梧葉待秋零引酌無相晤長歌動杳冥

待月微遠堂醉餘復眺湖上

虛庭肅宏敞暮景媚澄鮮露葉團如蓋風蟬急似絃

軒檻迎蕙處山川命酒邊無須煩燭跋清月正娟娟

二

班荆成野坐遵渚弄芳芬爲有濠梁興還共竹林群

湖平吞月色天迴澹雲文初秋時會久夕不辭醺

秋日小憩朱栢林園

遠地歌招隱幽居狎通樓浮雲疑作雨殘照欲生霓

涼風便染映秋嚴古木齊爾能探玄宿響以入青谿

舟中南湖翫月

驚湖輝朗月文鵲麗金波山出疑橫黛魚浮似聽歌

薰葭秋色淨荷菱晚涼多即此成良晤不飲將如何

二

桂魄初臨望清光皓已盈沙虛如不夜岸白自生明

秋水無天瀉僊蹤犯斗行泠然恣周覽風露肅澄瀛

碧梧閣同陳白陽晚眺

月宇臨芳桂星筵拂綺河遂投車轄飲無倒投韻歌

砧杵催秋急風煙向晚多春波門外路乘興數經過

二

金閣商風晚丹房玉露秋月微弦影度溪淨練光浮

暫洽良宵款真成秉燭遊庭前有佳樹攀折可淹留

八月十四夜月

清宵秋欲半明月倍堪憐桂長隨輪滿堂垂待葉全

英英雲彩爛法法露光鮮更闌成今賞西園懷昔賢

十五夜無月追憶往年白下之遊率爾短述

明月常年悲轉逢今年愁思復秋中鳳凰樓處梧桐

雨鴻鴈來時杜宇風空外高峰標露宇人間無路躡

蜚虹寄言孤夜浮雲道忍如清輝歎不同

春日吳吳江諸友枉過席上作詩

春日吳吳江諸友枉過席上作詩

車駕幸楚

郊扉物候開韶月藝苑春遊追竹林柳拂盡舒眉黛  
翠鴛來並奏管簫音投簪醉裡青山晚命席花間細  
雨侵莫嘆東南共留滯遙聞巡幸訪幽深

山樓月集懷寄朱夷白

陶尊芳醴湛嵇興素絃調筵虛偏受月樓迥直干霄  
山嶺衝飊祭林花炫夜饒披襟延眺賞遲爾奏長謠

近山居

高館晴氛外羣山展簾前空中開翠障日下發金蓮  
雲幙長含潤松窓不斷泉紛紛見鷺雀往往接飛僊

項公集卷之一

十三

墨林山堂

杪春同諸友登毘盧閣

錦閣攀依敞四臨丹霄延佇千尋散花往往迎香  
靄清梵時時度遠音城引溪流繁若帶日披海島盡  
成金共憐勝地開祇苑暫對春風款道襟

古意八首秋日贈別

煙霏欲散紫綃輕千朵芙蓉列錦明江曙佇看南鴈  
度塞寒愁見北人行  
妝樓翠幌蒲初寒遠道蘼風傷玉鞍獨只嫌嬌愛  
淺壯遊不道別離難

金井蕭蕭梧葉秋疎鐙刀尺小牕幽朔地迎寒多雪

嚴爲君深夜整衣裘

燕山秋望鬱氛氤越水離筵倦桂芬日下金鳬雙  
影腰間寶劍七星文

湖日含霞曉碧流蘋風夾岸颺蘭舟牽將蓮實同心  
結妬殺鴛鴦比翼遊

湖南煙柳拂垂垂日暮攀條牽碧絲若見薊門楊柳  
陌也應重憶別來時

代北風高羣鴈飛江南秋盡尺書稀到簾明月窺孤  
幌入戶吟蟲趣暝機

玉壁金城勢鬱盤北辰不動漢長安定知麟閣封侯

項公集卷之一

十四

墨林山堂

貫莫念秋閨深夜寒

練浦汎舟

馬皇塘外敞芳筵橋李城南景色偏一浦平分澄似  
練兩峰遙映儼成蓮沙寒楓落迎霜序月白鴻飛媚  
晚天對酒縱歡猶未已移舟搖蕩杳登僊

秋日過棲林山房

僊臺寂歷含秋爽僻徑逶迤帶郭斜鳥嘯互調風處  
樂樹芳全吐月中花林開翠岫披晴檻水落金塘淨  
晚沙清晝更欣頗晤對玄心應已入雲霞

晚秋宴集

鳳隱秋林鎖碧梧  
筵開別墅俯麟湖  
裁將雜米成花  
華疊出青山作畫圖

文牖丹楹遶綠渠  
北山窈窕敞僊居  
蘭芬已結幽人  
佩石古還藏太史書

日霽雲披空翠深  
歌姬嬌鳥各成音  
迷花欲卧東山  
石中聖長過脩竹林

沈約郊園遠俗氛  
右軍亭沼醉斜曛  
在藻遊魚紛出  
躍鳴皋白雀百為羣

千重樹色玉樓盤  
一片湖光生晝寒  
已覺槎如天上  
出却疑人向鏡中看

項少微集卷之二

十五 墨林山堂

露鬢長袖采霞文  
獨立丰茸擅舞羣  
君看越嶺千年  
石元是陽臺一片雲

清溪秋水蔚藍光  
曲檻涵虛几簾涼  
四面芙蓉風不  
動踈簾玉軫對瀟湘

煙堤碧柳萬絲長  
月渚金沙百道光  
直視橋懸烏鵲  
外遙應路接女牛傍

玉洞冥冥蒸紫霞  
石門深映碧溪斜  
應知別境藏春  
色瀉出流泉間落花

鷗絃鳳管出花間  
長夜厭厭醉不還  
天柱正憐明月  
上蓬萊卿借白雲攀

仲冬十八夜集贈別

待月愴分離  
寒沙碧水湄  
離當茲夕始  
月比昨宵遲  
箕墮方三英  
輪虧欲半規  
它時見盈缺  
兩地起相思

贈吳吳江二首

鴻來成斃聚鳳去香孤  
騫柳葉行邊色梅花別後魂  
四水分江喚落峰逼海門從茲稅歸鞅歲晚獨丘園  
滄瀆元同水胥山不隔雲誰言居止接已有越吳分  
白雪終稀和鳴琴斃罷聞唯餘一尊酒可以慰離羣

南谷爲吳初泉尊翁作

鄭谷臨雙峽天南動少微  
青山聊隱几流水亦忘機

項少微集卷之二

十六 墨林山堂

長日僊函秘薰風玉軫揮  
場苗雖可悅久與白駒違  
雪夜過宿 草堂時高子初還

夜寒來剡棹幽賞洽梁園  
湖淨水爲鑑林迴雪作藩  
柳條催臘變梅蕊候泰繁  
龍劍初欣合鸞觴役共論

龍淵書屋

言求黃鳥友載詠露斯詩  
淵近龍長整湖偏春不遲  
雪憐今下榻梅記昔攀枝  
晤對能終夕清銓傍酒卮

金陵送友還君溪

喜遶江東俊言同  
白下游逃名耽酒市走馬過妝樓  
上寶龍文劍千金孤白裘  
賓王多藻思康樂舊風流

花以繁絃繞歌將落月留長燠燕樂少不道歲年道  
晴渡迷桃葉寒城枕石頭六朝分擾擾二水日悠悠  
羅綺餘殘樹鉛華盡古丘何堪懷愴地兼起別離憂  
淮浦輕分袂苔溪趨下舟高踪孤鵠逝羈跡片雲浮  
宵邁經吳壘晨征指越州路岐成阻絕尊酒結綢繆  
雨夜對水僊有懷

歲山非豹隱習靜類禪棲幽幔疎燈暖空林淒雨迷  
幽葩寒獨媚鼯鼠夜常啼還留三徑賞聊遲竹叢西  
山房夜飲友至

上書飲老媿馮唐樂志空山憶仲長藹藹花香披淨  
几蒼蒼雲朶秘閒房城鴻南度蘆花動天漢西傾寒  
夜央已道歡娛成夢寐不知滯滯在他鄉

夜期陳道復不至

偃仰碧山寒停杯待所歡傷牖燈長燠依枝鵲未安  
逕荒滋露蘚谷應激風湍還期雙玉塵披對萬琅玕

古意二首簡徐秋門

君家滄海上妾望碧山頭暮雨蘼蕪路春風翡翠樓  
調絃繁舊怨臨鏡結新愁何事長離別紅顏不可留  
君心比流水妾身似浮萍流水既瀟瀟浮萍復盈盈  
慙相成附託終期久合併忽與飄風會翻懸兩地情

過友值風雨

延眺碧湖中霏雨動微風霑青來葉度縹上花叢  
華堂方待燕綠渚已辭鴻不嫌春酒困但得賞心同  
吳門舟中贈別

良夜一杯酒孤舟千里人燈深論白髮衣故變緇塵  
郭淨山形繞津長樹色新吳王臺下路去住各傷神  
月夜送友宿梁溪

曉辭吳渚片帆輕暮宿梁溪初月生岐路共看蓬跡  
一尊聊以慰君情

愛澄溪爲寶鏡遙憐新月當蛾眉兩行玉淚分相  
照南北愁心對別離

客有言張公洞之勝賦此

嘉遯有靈跡僊遊無近尋杳冥通穴戶丹翠結巖陰  
雲榻唯餘石鑪砂已化金待余探秘要從爾學抽簪  
仲夏送詹中丞巡甘肅

胡騎駸駸向王閭輶軒六月度燕山竹看麟閣雲霄  
上汛掃風塵談笑閒

受降城下草淂淂天瀉黃河揚濁湍節鉞指麾兵氣  
肅遙應炎夏亦生寒

復至雞鳴山二首

閣深元秘密路峻巖盤旋樂奏來天上雞鳴近日邊  
輪臺長繞竹法沼未生蓮莫訝頻分榻須烹舊試泉  
重命山中酒言尋物外盟爐烟浮閣動雲氣逐衣生  
地秘花偏早人閒鳥不驚從來甘靜僻非是學逃名

春日同友登佛閣望浮屠二首

鳳刹夷秦霽雞山列梵筵棟梁昭代始苑囿六朝前  
作客長千里看花又一年醉歸應待晚鍾磬隔蒼烟  
層嶺浮孤塔重城控石臺苑禽聽梵下中使賜幡來  
法相千金麗空花五色開方同慧門賞遂遣幻心灰

對雪

夢微集卷之二

九一 墨林山堂

雪裏軒檻敞山將圖画看乍凝迷玉樹漸滿失蒼巒  
風迅梅飄易雲寒鴈度難何堪岐路裏况乃衣裳單  
晝晦寒仍沍春深雪尚多柳邊爲絮起花裏拂香過  
澗道回鳴轍巖居欲養疴幽懷何以晤獨據槁梧歌  
同友人郊南還宿山中得鳴鶴二字

既並青郊騎兼陶玄夜情流風清竹牖疎雨動春觥  
夷俟狂中散頽然酒步真他鄉聊秉燭莫遣曙鐘鳴  
孤旅同雲遠空林共鳥棲輕書春未遠歸路夢長迷  
坐使繁花落行看芳草齊停歌還起舞殘夜有鳴鶴

雨中客至

雨夜

北城晚眺

首夏集湖南

夢微集卷之二

三十一 墨林山堂

澄湖霽色霽蒼蒼含象涵空明鏡長絲管中流迴妓  
舸菱荷別浦度鵝梁雲邊壁月當歌滿花下倦衣帶  
雨涼莫道風光非襖飲還同曲水競浮觴

東園秋霽同諸弟携尊眺賞

誕嫂余成癖清狂爾較深言同池上酌來偶竹間琴  
水氣澄蓮檻秋陰抱石林涼風一披拂竟日嬾衣簪  
元日園居得丘斜二字

梅風度暖入林丘栢竿乘春物外游徙席暫臨溪閣  
迴開尊聊賞竹臺幽野合暮景澄如洗山淨煙分翠  
若浮聞有高樓在空谷攀翻叢桂更淹留

梅窓竹几淨湖沙春霽芳林好物華山溜分池千轉



曲風條出柳萬行斜幽人觴詠憑玄石上士衣裾襲  
采霞欲暮最憐乘興處餘酣仍弄犯星槎

過黃子山居

西園頗有會三逕許長過靜愛依巖穴深憐入薜蘿  
洞房春獨闕山鬼晝相訶花馥濃薰竊池平湛不波  
暫臨珍簾爽和引惠風和促膝尊中好忘筌竹下歌  
月弦清影少日暮碧雲多願假龍膏燭何藉魯陽戈

友人草堂新成

爲園臨水渌上室闕郊廬嬾慢從嘲客沉冥獨尚玄  
花幽長媚日槐古不知年唯有虛窓鳥時驚清晝眠

張敬集卷之二

二十一

墨林山堂

七夕

靈匹歡期合蘭房巧席開星河一水限雲駕隔年迴  
寶月明爲燭瓊漿瀉作醅願言宵刻永莫使曙光催

過友人隱居

逕多長者輟門以席爲關晝帙臨風散宵琴伴月閒  
愛花非學圃積石自成山有會常携興無時不醉還

詠美人

喬喬凌波步盈盈雲帔垂臨臺迷寢夢倚水采玄芝  
明珠論作價白玉借爲姿所憐何晚過莫樂在新知

春日過五臺禪居

鬢嘯林中侶兼携竹裏觴山如五臺起花似給園芳  
彌天今道釋愛酒舊高陽化城但使日舒長

送友址上

昔聞下士開東閣今喜殊科聘藝林馮子悲歌三舍  
客左生辭賦十年心蘭齊契分猶非馭江比離情未  
是深引領但應西向咲日邊金玉遲來音

同友夜坐

高陽頗燕會之子獨參商鬢聚爲萍跡分飛比鴈行  
春歸連理樹花照合歡觴欲驗離腸切千迴漏水長

過金粟寺

張敬集卷之二

二十二

墨林山堂

荒臺古殿夕陽間斷岸浮橋夾水灣黃葉猶存舊時  
寺青松盡是別家山

南園雜詠十四首

深林既杳靄脩竹復繽紛濁酒可自適鳴琴誰與聞  
晚涼風色和日落浮雲多鳥喧亂叢薄魚戲動新荷  
蔭葉如垂幄果林當結樓寄言麋鹿友卒歲爾同游  
時流好年少士籍棄微寒白髮何由變塵冠不復彈  
桐梧據沉寢吾亦忘吾形停雲抱虛牖清吹來空庭  
學圃理荒穢抱甕汲寒泉餽勉或餘隙汎覽無生篇  
繚繞值疎竹間以花百重雖無雕繪飾聊用代垣墉

游心假翰墨跡托林垌品水思刪譜評茶擬續經  
種竹青林中竹生日以廣詎擬千戶封但資三逕賞  
閒夜敞軒屏蕙蔭有餘馨一僊巢幕燕數點照書螢  
蒼草樹堂背合歡生階前冥心與物化憂憤自相捐  
文本良先伐猗蘭芳見鋤芭蕉獨無心隨時自卷舒  
鳥聲百種轉蝶思窅然迷陰陰桃李樹其下自成谿  
席門無結駟几榻有凝塵但遠人間世何須滄海濱  
贈別諸友北上

十年挾策學干秦欲敵貂裘表涑朔塵一日致身霄漢  
上杏花春酒賜袍新

東坡集卷之十一

二十三

墨林山堂

漢皇恭已幕玄虛岱嶽襄山封禪餘詞賦紛紛賢侍  
從周南畱滯獨何如

薊北吳南岐路分來書去夢兩難聞楊柳風前黃鳥  
思杏花天上鳳凰羣

百尺金樓五鳳齊雙飛玉柱兩龍懸遙遙西向長安  
咲樂土應知在目邊

建安諸子盡名流魏文延攬一時收不獨雍容陪後  
乘還將詞藻麗皇猷

少年擎筑客燕郊白眼行歌過酒壚寧知意氣成衰  
暮為謝同時飲博徒

冬夜陳子湖居各賦一物余得清溪短榻限  
清字

塵榻晏如情寒暄皎鏡清虛帷流棹響高枕激湍聲  
懸處將雲滿開時帶月明元龍湖海氣客每下牀迎  
冬夜小集適遠友書至賦詩答寄

朔地神徒往南枝形自居夢中千里道淚裏一行書  
醉憶醇醪共歌思白雪餘曳裾游許史託乘比應徐  
夜久蘭燈燦山寒意悵虛誰憐羈越鳥孤翮未能舒

往遊錢塘違雲居賓山復聚攜李小五臺悵  
焉言別得思字時凄風苦雨益倍離衷

東坡集卷之十一

二十四

墨林山堂

錢塘傾蓋即相知攜李聯牀慰所思滄海一杯元有  
適孤雲大地本無期芻蕘香裏房櫳淨風雨聲中刻  
漏遲偶尔形骸成幻對遂令尊酒惜分離

顧氏居牡丹頗盛而獨不見其開時豈亦有  
緣耶盛麗難常凋謝易及擬人以物有足  
悲者願言之志聊宣諸詩

風雨開三逕求羊得暫從春憐將盡夜花想盛時容  
翠幄餘香貯雕闌碧蔭重共傷凋謝質難冀艷陽逢  
閒命願園駕重嗟金谷花艷成新翦絲散作易飄霞  
階淨春苔積庭空暮雨斜更堪畱玩處翠竹影交加

願圖更多佳竹良可愛玩不凋之節非妖冶

可傾蓋牡丹視屏丹則王於竹特姬侍也

此不當與俗人道也

暮涉雙溪爰止武塘信宿武塘蓋桑梓之處

也遲遲吾行非父母之國宜然哉自初至

計還僅成二詠

暮涉雙溪水言采白蓮洲素月有朗照安波無迅流

以鷗為狎侶將葉擬輕舟但覺衣裳濕寧知露氣浮

桑梓維恭止遽虛有戀情澤深當水涯山積與雲平

若向迴颿減秋從過雨生寥寥天宇曠聊試苧衣輕

東坡集卷之一

千五 墨林山堂

冬夜同吳練浦家弟子京過叢桂軒喜子忠

病起分韻得歌字

半堤落日帶晴莎載酒移舟好事多幽桂一叢臨几

牖澄波千頃動星河相如抱病成文癖阮籍踈狂屢

醉歌婉變竹林投分友琴尊奚厭日相過

子京得思字

共狎竹林交文園慰所思星憐相聚夜人喜合歡時

逸興流雲藻高情寄酒卮徘徊深秉燭不覺漏遲遲

乘雪過聞西翁宿舟中

雪滿平如積溪寒凍不流有花聊假樹無月自明舟

為憶高人卧因成長夜遊清言當杯酒興盡不須留

窓下凝塵几燈前舊氍毹梅花將咲並白雪把歌倚

門迥長無掃簾疎不上鈎然爐聊促膝永夜謝庭幽

古心還天目因想山中之勝率作四絕

歲雲塔倚萬峰西六月寒風白露淒滯跡未能凌倒

景馳神先已及丹梯

天目六月無暑

憑虛軒牖拂流雲不斷名香靜處聞石上乳泉雷後

英令人一想一氤氲

天目泉冽茶美堪入上品

空虛元是清涼域煩雜皆為蚊蚋區趺坐冥心方挾

纈埃秀炎汗正流濡

天目熱致蠅當暑快纈

東坡集卷之一

千六 墨林山堂

九重霄漢驚情極千仞雲霞鳳想疲何事定須婚嫁

畢山中幽桂晚紛披

嚴子行新自秣陵還賦喜限花字

貂裘歲晚猶于役黃鳥春殘始及家蠲思共攀幽逕

草合歡兼對夜庭花南州客下雲間榻遠漢人歸月

裏楂願以清尊聊當水甃將纓綬濯塵沙

柳枝詞

依依苑地柳條春日日河橋送遠人試取長絲牽別

袂更將新葉比眉顰

去年別君攀柳枝今年攀柳憶君時狂夫浪跡無憑

絮賤妾愁心不斷絲

鴛鴦湖上暖煙銷綠小樓前百尺條嬈嬈疑將雙燕拂輕身纖態各成嬌

立春西郊探春得鈎字

載陽初啓節四美併成遊淑氣梅間淺條風柳上柔  
在淵龍欲躍出谷鳥相求命賦時臨閣登僊或汎舟  
花枝憐剪綵杯酒戲探鈎唯有陽春曲希音孰可酬

牡丹

象褭風枝拂檻香盈盈月朵共人長沉香亭上酣春  
賞坐使官娃妬晚粧

墨林山堂

二十七

墨林山堂

十寶爲欄錦作幃香霞暖護出牆枝最憐暮雨隨雲  
散更愛春杯映月揚

送友移教日照

穆陵關阻海東偏千里乘風跨鶴僊山近蓬萊先見  
日岸平潮沒欲浮天蘇湖教術尊胡瑗齊魯師儀表  
鄭玄從此將君比時雨行看桃李蔚相鮮

春夜友過

嫵婉二三友能忘爾汝形杖頭携酒值案上聞玄經  
梅吐分千白松長列並青來春共消散風雨夜宜寒

峇郁子韻

過雨淨虛堂幽鑑共一觴山空天籟息城寒春夜共  
酒中齊物理歌裏易年光媿無陽春調報之瓊瑤章

和宋子韻

修竹開成逕垂楊倚作門青山聊隱几玄酒不虛尊  
澤氣連雲晦松廳激夜喧登臨忘已久宜對復何論

和仲子韻

吾愛仲長統清芬邁昔賢林園能樂志風雅振瑤篇  
蘭澤薰春露梅郊澹晚煙解裘應縱飲莫問酒家錢

閏正月一日過友人山居

久統人爲正堯冀月再新芳尊猶泛柏彩勝已迎春

墨林山堂

二十七

墨林山堂

宅近青山麓門偏萸柳濱朋簪無祉福共喜集茲辰

古意贈別

驅車涉長道行行不可攀琴中淒別調夢裏失關山  
草亂相思緒花疑乍見顏何如戒梁燕雙去復雙還

聽松樓坐月

樓在玄妙觀

天上僊人白玉樓層窓高棟若虛浮四圍松響輕風  
動一道雲光片月流坐近南山聊作几傍臨瀛水別  
成洲誰言地迥終難到自喜春宵每共遊

早曠賦此

周帝憂勞日湯林樹祠朝秋畦將倦陸炎海不生潮

瀟日雲光薄迎風雨氣清詎堪思  
滯意執熱困壓置

秋山喜友夜過席上得真字

疎雨清秋夜孤舟訪剡人情酬非是酒跡遠若為隣  
釣水寧干世耕巖藉養真重開高士榻一掃十年塵

卷江子深字

白石虛堂靜空山秋草深琴尊宜永夜蘭芷洽幽襟  
雨去庭如洗風來葉自吟莫嘲耽卧癖應解草玄心

答宋子吾字宋子少予二歲

中林展良讌華燭映清醕敦好無先爾論年稍後吾  
候蛩偏入戶涼葉已辭梧對雨忘深夜虛窓興不孤

夢歌集卷之二

二十九

墨林山堂

夜月飲友

謁謫月臨牖冷風灑幃火流知夏改葉墮識秋歸  
俠客歌長劍山人醉白衣尔多勞遠役吾已久忘機

贈詩友

蛾眉恒起妬薄命亦堪傷傾尊揚郢曲絕世出吳粧  
玉樓長自倚金屋未能藏將心比幽草時晚抱孤芳

三塔鍾樓遐眺俯瞰龍淵賦此

金策窮空振朱樓倚日懸山形滄海近水勢具區連  
壞玉分成塔琉璃取作淵俯窺龍卧處晴晝起雲煙

真如待月得傾字

春服既新成贈風復乍晴酒同修袂賞社擬白蓮名  
華月浮杯動銀河拂樹傾緩歸幽逕晚處處彩雲生

同諸姪遊龍淵禪居過友人夜酌元外

近友過原野探幽厓官玄微支遁侶雅逸惠連風  
擊目皆存道卮言不病空莊權良晏會復得遣樊籠

和陳子山字

明月寒沙淨悠然獨掩關湖空難辨水峽遠不分山  
幽桂偏宜晚孤雲亦是閒南樓有佳興違曙未言還

三日西樓分深字

樓迥碧雲深川長朏月沉梅香琴上落蘭氣酒邊侵

夢歌集卷之二

三十一

墨林山堂

同客陽春曲佳入子夜音歲華方改昔眺賞已成今

同陳子子忠弟子京翫月臨華池分池字

迎秋臺館臨華月夾岸芙蓉匝錦池浦淨乍疑珠出  
夜水明新似鏡開時下看清影流天漢坐覺浮香動

桂枝醉向深杯歌湛露魚知極樂躍漣漪

賦翫月臨華池

子京

良宵載酒押招尋雲散遙天皓魄臨月樹漫隨河鵲  
遞酣歌宛似水龍吟花飄碎影繁丹粟波沈清光蕩  
冠得乘興杳然歸路晚不知玉露浥幽襟

叢桂軒小集待月

西墅幽軒聊命席中林縱酒日爲羣山橫佳氣生秋  
爽水映晴光盪晚雲錦石舊從河上取芳枝今自月  
中分未須稱賦同王粲更欲臨流擬右軍

秋日采菊龍淵因過陳子別業

臨淵高卧潛龍德傍竹幽棲鳴鳳雛  
籬菊迎芳言采微溪風帶爽汎縈紆  
林同蔣詡苔三逕室比楊雄草一區  
投轄留尊陶永夜疎簾斜月對薰爐

重陽後嘉木堂翫月

玉塵晤談秋水涯竹林溪憩夕陽斜  
蘭尊未盡歌前酒菊檻猶芳賞後花  
灌木涼多風屢拂虛堂夜靜月偏嘉  
不知坐久侵苔石已覺衣裳浥露華

項嶽集卷之一

三十一

墨林山堂

立冬日菊始花移置山房把酒臨玩得山字  
空林落木寒初入叢薄餘芳菊尚斑  
霜徑傲如高士操風簷瘦並玉人顏  
凋遲覺託簾櫳裏開晚長違歌笑間  
欲采一枝追往興聊持杯酒對南山

訪駱逸士不遇對菊悵然有作逸士有子喪  
歲名吳市慕霞餐秘室東山卧未安  
芳圃雨餘偏媚菊王階霜早易凋蘭  
鳴鸞杳若空中嘯流水虛疑曲裏彈  
竹戶何須題字去蒼崖新有勒銘看

武塘王虛道院二首

脩然會心賞曠矣水雲虛蘿幌親人鳥琴姿在藻魚  
飛龍將作杖素羽用爲裾雅有龍鶯好因畱寫道書  
已學丹砂法將成辟穀名山多高卧處溪有濯纓清  
瓊樹榮千祀玄芝秀九莖層樓霄漢上髣髴步虛聲

陳子鶴湖新居得青字

階除不掃席門高苔蘚新看雨後青  
疎柳平隄時坐鍛空林虛几愛談經  
啓扉南峽芙蓉色滂檻雙湖比翼形  
寄語海濱同操者移文休勒北山銘

同陳子忠諸友弟子京西城翫雪分韻得涯字

項嶽集卷之一

三十一

墨林山堂

飛橋駕渚抱湖斜積雪重城眺望賒  
見覲乍看消作水八枝差擬剪爲花  
瑤臺游豫歌黃竹瓊花文詞命紫霞  
高卧袁安何寂寞寒扉獨掩暮雲涯

西城翫雪

子京

朔風飄雪暗城西萬里凝陰望欲迷  
倚水寒雲霽如絮舞因山合脊與雲  
齊青峰盡作瑤臺石碧渚皆成白王堤  
悠然眺賞成佳興更欲乘舟入剡溪

春夕過家弟子京花萼亭分韻得青字

別墅乘春賞西園偶夜過風林聊命奕  
池草自成歌鶯水鳴琴瑟繁花雜綺羅  
不愁華燭盡應愛月明多

南湖煙月

相傳范蠡載西施過此  
有板橋臺故址猶存

朝憐春雨隨雲散  
夜愛晴煙與月俱  
范蠡徑迷舟獨遠  
西施臺迥鏡長孤  
和花香霽相明滅  
沈渚瑤光乍有無  
何是機心終未息  
却驚宿鳥度汀蘆

九里道中夜歸同友人得園字

郊南携興同酣酒  
樹下遲歸偶灌園  
沙迥溪長通夾谷  
花迷路轉失桃源  
舟飛不道輕能捷  
水落還疑響似奔  
彷彿樓臺催鼓角  
微茫燈火欲黃昏

峽石山舊名夾谷

陳子將就省試過余言別因憶往歲同嚴子

項徵集卷之一

三三 墨林山堂

行弟子京待月龍淵之會已成  
陳迹愴今懷昔分韻得籊字

去年明月頻歡晤  
今夕秋風奈別何  
既惜離羣同越鳥  
更憐流景若江波  
賈生拔策才名久  
漢世懸旌年少多  
君學飛鵬搏瀚海  
余慚玄豹隱巖蘿

子京得安字

王勒金羈擁繡鞍  
翩翩拔策赴長安  
天邊明月飄丹桂  
江上秋風汎紫蘭  
萬里蒼雲黃鵠遠  
千條疎柳夕陽殘  
他時故里連車騎  
莫避原居蔡蘆寒

入杭首晤徐秋門於聖水禪房

南州甕下高人榻  
聖水欣逢大士居  
帚領千盤雲迥迥  
平湖一片月窓虛  
醇杯欲醉能忘爾  
蘭席相歡若起予  
已信嵇康成懶慢  
何須更擬絕交書

贈賓山居士

支遁愛山不出山  
聊將幻迹寄人間  
削平奇石成危坐  
閒拂停雲當掩關  
薰爐香几淨白日  
唵爾沉冥通秘密  
詞賦憑高靈運倚  
書法臨池永師匹  
卻笑逃名不可逃  
彬彬連杜皆賢豪  
一見令人慰仰止  
天空鬱鬱吳山高

月下對玉簪花擬竹枝詞二首

項徵集卷之一

三四 墨林山堂

月上看雲思殺人  
樓前見月眉雙顰  
浮雲不定似郎意  
明月長孤如妾身

與郎初見結同心  
白玉爲簪不論金  
如今郎去簪亦斷  
羞把花枝比玉簪

槃兒溪見賣鹽婦作竹枝詞

挑鹽向市天未明  
賣鹽還家日西傾  
厲深揭淺競趁捷  
檐頭小兒不怕驚

望潮不至復作二詞

錢塘江上望多時  
潮去潮來人不知  
一道平沙浮淺水  
年年年閒殺弄潮兒

郎君南埭妾北湄早潮望到晚潮時浙江潮信有時  
失郎約何時可定期

十七夜驚湖待月兼別友人得天字

共選南湖勝同酣明月天應憐三夕賞未減十分圓  
蘭渚團芳露蓮塘溢暗泉如何歡晤地已是別離筵

次空字

月色已秋中湖光映若空行將風作御坐以水爲宮  
桂滿千花馥窺懸一道紅餘歡聊卜夜寄跡奈飛鴻

次星字

爲多山簡興言過冒家亭湖迥珠宮白沙平玉案青

殘杯留落月斷雁帶疎星莫惜離前醉何堪別後醒

次分字時友往辟雍

月當既望後秋是昨宵分桂樹杯中影蓮花劍上文  
辟雍崇昔典封禪邁前聞草就甘泉賦君王待子雲

甘露爲兩江張貳守作

湛湛露光渥瀼瀼物色滋流膏旋作澤凝液盡成飴  
團葉疑僊掌承花比玉卮甘棠歌去後瑞應紀斯時

南園晚涉得南字

命友幽尋東暇逸窺園容與散餘酣蒼苔落日班荆  
坐翠篠微風傾盞談水靜遊魚浮藻外林疎飛鷗繞

枝南詠歌不道歸來緩月色清秋夜正堪

歌兒吳越之俗姬倭相高兒皆替唱傳粉太史公曰非特女以色幸男子亦有之

髮鞞蟬形兩翼開眉分柳葉若爲裁百戲塲中呈伎  
出紅粧隊裏踏歌來

寶叔塔然燈

寶叔塔高千尺強瑠窓面而八風涼火中不滅金蓮  
色暗裏長生白玉光

寒夜蟲聲

落葉晴沙白露溥一庭明月草蟲寒在牀細語時虛  
應入戶婁絃有暗彈織婦閨中機正起幽人枕上漏

將闌不知歲事云遲暮猶向西風拂羽翰

西湖竹枝詞

花壓低鬟多不嫌風迴蘭袖暗香沾戲臨湖渚凌微  
步競逐雕輿捲上簾

友人得學子志喜

充閭符瑞慶維嶽降神英麟趾元多類鷄雛不獨生  
璧聯相似白珠並兩邊明已協雙蘭夢漸深一掌情

晚坐

性懶希中散庭幽挹上皇草多隨意色花有可憐香  
得月如無夜非風亦自涼悠悠坐起忽露淨一天長



集陳子忠望湖樓得樓字

南湖流水日悠悠，疎柳平蕪帶遠洲。  
軒牖似從天上起，鴛鴦如在鏡中浮。  
月明素女遺珠佩，畫靜游人滌綵舟。  
見說憑高能擬賦，更堪佳興數登樓。

望湖樓

元汴

憑凌入霄漢，眺迥出氛氲。  
綺牖含蒼靄，湘簾蕩碧紋。  
湖空難辨水，樹遠欲齊雲。  
冥冥黃鵠羽，矯矯不羈羣。  
冬夕閑居各詠席上一物，余得筍乾，限青字。

青筍出天目雲霧之島味頗幽嘉

雲霧本潛靈，風雷欲化形。  
為龍枝未長，剖玉簞先零。

項墨林山堂

三七

質朽終存節，心虛不改青。  
詎宜供旨蓄，應待拂蒼冥。

贈別永嘉鮑鑑泉江陰郭半稼同嚴子行陳

子忠張伯容弟子京

郭子風流元有道，鮑生玄思奕秋前。  
踈蹬投轄淹雙俊，脩竹駢筵偶七賢。  
明月正臨杯裏聖，香風蕪汎水中仙。  
正花不堪遂跡輕，分袂悵望鴻飛各異天。

贈別鮑鑑泉郭半稼

元汴

年來浪跡托江湖，此日欣逢飲博徒。  
鮑子手談超百步，郭生詞賦邁三吳。  
花間命席開棋局，月下行歌過酒壺。  
讌笑不堪成遠別，依依南埭片帆孤。

再贈半稼半稼雅逸乍遠耽奕愛吟酒後清

狂蓋不知老之將至，又善蒔植，寄生續斷，即門園無以遠過，戲成四韻，聊當獻嘲云。

帶索一裘披行游，任所之奕探玄奧。  
肯花續寄生枝，思逸詩偏捷，狂多老不知深杯淡若水。  
歲晚共襟期。

宿轉塘望海

盧敖見象谷之士曰吾與子汗漫遊于九陰之上

出海唯三里，浮游即九陔。  
杯中華月落，枕上暗濤迴。  
岸作盤龍轉，舟如一葦來。  
望洋應自失，何處問蓬萊。

宿硤山用唐章孝標韻

登樓俯紫微，西峽名殘日。  
藹微微雙峽分，相峙中川。

項墨林山堂

三六

迥若飛蓮雲，長繞塔花雨。  
不沾衣為待東巖月，厭厭夜未歸。

月堂夜坐灌木翳蔚頗礙山色命翦其繁

絕磴出雲危，虛堂向晚披。  
竹開留客遲，樹翳碍山枝。  
海月臨窓近，湖帆俯鏡窺。  
投簪屬清曠，永夜不知疲。

陳子西圃牡丹去歲榮豔殊絕今春較弗逮

繁盛凋瘵謂不有時耶感而作得深字  
獨倚東風春不禁，傾城一笑暗香侵。  
露含粉素沾猶薄，日暎胭脂染未深。  
修賞為攔皆七寶，貯嬌成屋盡黃金。  
相歡共際清平世，誰嗣僊才古調音。

病起過友人

新晴出郭試浮槎更上西樓爽氣嘉展簾澄湖雙鏡  
無開簾纖月一鉤斜忘情夜沈杯中物遺世秋餐離  
下花疲病莫辭終讌咲踈鐙殘角思無涯

嚴一子行超自建業席上賦詩

昔去春初草欲芳今來秋杪菊猶黃行踪滯滯隨蓬  
轉歸路迢迢逐鴈翔良晝祗應歡慶促愁宵不是別  
時長誰言寧飲江東水未及蓴鱸在故鄉

風雨海上還宿西峽月堂蓋舊游處也

冷冷千仞御風行片片流雲拂袂輕猶識巔崖舊樓

寒山集卷之一

三九一 墨林山堂

虛虛松月海濤聲

西峽東山相對齊雨深雲暗兩邊迷東隣倦鳥高飛  
翼聊借空林一木棲

紫微高山入杳冥蒲團風雨夜談經疎狂未晤調猿  
性多病將成煉鶴形

水從西下連天目山自南來控海陬揮手徐飛九節  
杖振衣還眺百重樓

白雲爲梯石作樓百丈平臨谷水流不信靈巖先氣  
暖請看春色在枝頭

千山吐雲海氣寒遡船急榜犯風湍若爲得借浮杯

力長水奚嗟歸路難

積雨巖扉晝不開蒼松白石淨琴臺道尊只合西山  
並地迥能令俗駕迴僧有善琴者避客之溪聊爾朝議

所知過竹素園止宿

蕭疎短髮不勝冠卧起空齋過午餐幾種鳥聲新雨  
霽一番花信朔風寒荒園獨灌於陵子敝榻幽樓管  
幼安喜有同懷相慰藉溪杯孤燭夜將闌

過顧氏園居

去郭林園顧辟疆平沙脩竹帶滄浪餘酣更掃蒼苔  
石坐聽禽聲送晚涼

寒山集卷之一

早 墨林山堂

芳郊迎夏麥風和野席餘春櫻筍多叢竹自能培舊  
筵接羅莫厭數相過

友人見餉幽瀾答以吟茗

林殘寺毀數遭兵唯有幽瀾不改清忽枉瑤函相問  
訊雙甕兼慰淡然情

冷冷風色雨蕭蕭小簾虛窓竹影交料得中林清晝  
永一杯新茗暑全消

幽瀾託靈神女昔德不渝予所愛尚獨惜其

爲用而遭烹感而作此因貽同志

深井既可食抱甕奚自嫌紫迴文屢演幽遠德恒潛

不甘先免竭若淡久無狀欲將試寒冽持以驗蒸炎  
神女逐波行靈泉繞處生照花顏並咲映月鏡雙明  
持將無盡意無此淡然情爲具沾濡川難辭銷鼎烹

顧子居牡丹盛麗花時每不及賞初春偶過

而新蕊繁多蘊奇含芳便可愛玩何必以

全開爲期

碧梧白石淨中林高卧違時懶慢深數卷殘書塵滿  
榻清風虛牖上皇心

過雨閒庭碧蘚滋暄風初動牡丹枝且看繁蕊含新  
色待得全開負賞期

東坡集卷之一

甲

墨林山堂

重陽前二夕讌集友居得年字時海寇未弭  
添園寄傲真成隱修竹同游不記年既取澗花催讌  
賞更攀崑桂重留連窓虛低月明秋水杯動繁星二  
晚天羣盜紛紜思仲甫中興神武頌周宣

亂後登平泉樓得沉字

高樓暮敞日初沉叢菊遲開負賞心原野塵氛猶散  
靄海天兵氣自成陰一方涼月依殘水三匝驚鳥繞

政林王榮逢時倍搖落試將杯酒慰登臨

贈顧生

昔不見豫章七年人始知已歲楚楚棟梁姿貌雖

仍會有時坐待翩翩具羽儀垂髫白首異瞻視寡辭  
重笑非几子由來甘茂多奇志不獨蒲衣種稚齒有  
兒寧馨誠足憐悲几螢窓弄簡編入門一見即相許  
定交與爾欲忘年

旅宿武塘東樓賦得月明秋夜長

綠雲孤榻迥傷水一樓懸殘月侵窓隙鳴榔過枕邊  
夜長知寐少衾薄覺寒先豈是商歌者栖栖待曙天  
晚次魏武唐憫亂二首時有築城之役

揚舲遙出浦秋水欲浮空晚晚崦嵫日悲涼禾黍風  
情勞同倦鳥跡轉類飄蓬舊里瞻依處荒郊喪亂中

東坡集卷之一

甲二

墨林山堂

數郡妖氛合千家烈燄飛溪塘詣舊是市肆覺今非  
樹燬枝難庇巢傾燕不歸詎堪征力役况未息戎衣

古意

閨中思婦不成粧獨自徘徊嬾出房鸞鏡已分難比  
月鴈書未到復經霜遼陽路阻風塵晚砧杵秋高木  
葉涼無語一燈恒至曉戒寒徒自想衣裳

武塘乘月夜歸

此夜月光輝容與一舟歸水靜聞魚躍林明見鳥飛  
風吹楊柳葉露濕芙蓉衣歲事欲云暮滄洲意頗違

倭寇屯聚沙團不歸海島動以萬計時時侵

掠內境患在几席禦備無策吾其處梁之

燕雀乎

海島雜相依團沙久不歸唯將舟作穴無假鐵爲衣  
舉扇聊分陣吹螺遽合圍何能勤遠略毋使逼郊畿

子夜春歌

歡行大隄頭妾遶西湖沚荷葉未生花何處得蓮子  
兩意本相期一心良獨知分開插楊柳對面各成絲  
春睡何曾足日晏下粧臺褰幃羞未出微覺有香來  
佩囊錦璫瓏奇香含其中雖假百合成終然臭味同

飛霞篇

項徵集卷之一

早三

墨林山堂

天上飛霞采閨中出美人分明俱麗色但較異情神  
向月驚爲侶依花鳳比倫不學陽臺上雲雨一番新

雨霽同友生西湖汎舟初至六橋

交交黃鳥鳴求友片片風花泥酒杯不覺舟平乘水  
去卻疑山近逐人來朱櫻玉筍春將晚綺閣瑯臺雨  
欲開舉目未應風物異憑臨莫作楚囚哀

再至六橋四絕

千杯旨酒莫辭深一曲春歌子夜音不見六橋桃與  
李花多成子葉成陰

百疊春山翠作圍平隄新水柳依依吳姬戲蕩雙蘭

梅驚起鴛鴦一處飛

絨羅霧縠暖相宜隄上行歌怯步遲眉淺不曾施粉  
黛嬌多聊以助花枝

綴朱間翠逐行斜衣袂霞文簇絳紗若取西湖開作  
鏡分明照出兩邊花

四至六橋

春渚移蘭棹高陽縱酒杯月明疑洛浦雨散即陽臺  
雲影當歌落花枝傍舞開因成十日飲頻向六橋來

許氏山亭

奇逕盤雲磴飛亭出竹林江流長帶限海水一杯深

項徵集卷之一

望四

墨林山堂

花氣明殘照峰文澹晚陰寧知離亂裏觴酌共登臨  
歷九里松入天竺

雨霽雲猶潤松深陰不開溪聲一道出山色兩邊來

窈窕青蓮宇岩荒靈鷲臺迷途方欲息淨域繁遲回

乙卯春倭奴據海壖自八圍七圍以次侵入

柘林曹涇等地蓋自去年夏秋間去住自

由了無沮扼當事者計無所出若置此地

於度外正月稍稍南出二三千徑襲崇德

城陷因剽剽德清練市烏鎮南潯震澤皆

湖州地盤旋幾月四百餘艘捆載北自平

望循嘉興東還官兵奔潰死者三千餘遂  
安然抵柘林舊巢矣至四月廿二日復南  
出自鹽官趨嘉興沿西河秋涇北去聲將  
指蘇也會水順保靖兵徵至過於吳江東  
乘銳斬獲殆三千餘前此未之有也師旋  
凱樂播之歌詠前是田州守岑孟妻瓦氏  
率兵勤王雖無成功亦勇矣義在得述

君王神武馭英雄五寨保三溪率服同敵愾本期  
終殄絕太常已擬待元功

利刀八尺一鉤軍有鉤勤弩千鈞箭羽斑蕩寇疾  
如風電掃歸師競執馘俘還

自昔倭奴叛海陬元戎獨數廣寧劉江洪武初平  
載在五論書于今郢楚多飛將當寧勞南顧憂

皮服猩猩血漆新堦蒼鳳翼赤龍鱗翻令婉孌專雄

武始信鬚眉多婦人

娘子雄兵助定唐木蘭曾備漢戎行但期長技能摧

敵何忌三軍氣不揚平陽公主七萬兵助秦王定入  
下號娘子軍木蘭女代父從軍

平胡古有

獨坐有作

徵候聊託跡一畝即為宮虛室能容月踈簾不蔽風

忘憂萱草色同臭素蘭叢請謝軒車者原居委巷中  
月來如可攬蘭久不知馨滅燭寒書幌臨風倚石屏  
枝驚無宿鳥簷墮倦飛螢為遲清談客衛門夜未扃  
茉莉白花來自閩廣香特異柔枝如夢開與  
閩蘭同不能寒即保護無經歲者往嘗作  
詩詠之不足聊復潤益

卑得與蘭蔭歲製君砌傍含英須晚露垂穎待朝陽  
花晚開朝萎香自傾心出枝如引蔓長願言勤采掇應惜  
易凋傷

庭蘭

懿此澤中秀元從九畹分閒庭聊藉託衆草自為羣  
紫英何旖旎碧葉復繽紛日靜涼風動為君起清芬

芙蓉

濯濯芙蓉安宛在水中坻風來花歷亂月照影參差

下棲交翼鳥上秀合歡枝聊代瑤華折欲以寄相思

畫中雜詠

繡毬

斜倚闌干夜氣清輕風不斷月華明若將移植無雙

擬未許瓊花獨擅名

荷花

若耶溪水鏡光新  
咲隔荷花不見人  
唯有西施浣紗處  
春風時自起青蘋

同友人玩紫牡丹

陰雨彌旬春事催  
芳園乘霽客重來  
持將一勺金盞露  
酌以十年紫玉杯  
日影霞文層幃護  
林香夕靄野筵開  
況當二八逢佳月  
劇飲厭厭未憚回

少微詩集卷一

少微詩集卷一

墨林山堂

墨林山堂

少微詩集卷二

構李項元洪 子瞻 撰

項元汴 子京 校

園居書事四首

席門閒負郭  
幽室翳蒿萊  
順性增疎放  
全身處不材  
池光明研几  
蘭氣上琴臺  
已覺交游絕  
貼書懶自裁  
開治漢陰園  
都忘機械情  
疎篁萌稚筍  
芳樹列新榮  
有好牀塵滿  
無人逕草生  
莫言長寂寞  
春鳥自成聲

晉簡文公擬  
墨風跡焉嘉

逢甘雨初晴  
盈盈春鳥鳴  
書常爲晤對  
琴久謝虧成

少微詩集卷二

墨林山堂

花間夢乘風  
竹下行每於  
留戀處猶爾  
未忘情  
既出形骸外  
無無禮法譬  
支離安自廢  
空閨得天游  
林靜風長息  
溪平水不流  
忘心何所似  
汎汎一虛舟  
聖水僧設茗  
供餌松花二首

靜坐欲通玄  
焚香獨晏然  
雲霞相映蔚  
水木共澄鮮  
松粉蜂崖蜜  
茶芽乳竇泉  
雖知在人境  
自覺轉幽偏  
窈窕白雲宇  
猶傳聖水名  
疎松落嘉蔭  
虛谷應清聲  
塔短難藏屋  
山高不礙城  
坐令羣動息  
遂使道心生  
夜坐同吳子喬二首

聞戶市聲遠  
開簾爽氣佳  
清談入玄理  
久坐失形骸

暗蟲時在壁秋草欲盈階  
歡然一杯酒良慰平生懷  
癯形將比鶴臭味復同蘭  
琴書諧風好醇酒洽交歡  
疎葉秋先得荒雞夜已闌  
匡時竟何計長欽且休彈

同子喬過儲文耀看荷花二首

荷芰開軒檻溪流抱石堂  
花如迎賞發葉欲過人長  
雅興三杯洽清芬一榻涼  
請看新雨後何似若耶傷  
虛堂秋覺早白日靜偏長  
杯酒爲清聖蓮花似六郎  
山氣蒸雲晦溪聲帶雨涼  
因歌採蓮曲余意入滄浪  
初秋雨後晤馮子自冬言別徂秋遽止相去  
三十里間別長會稀若此千里命駕者謂

項後集卷之二

二

墨林山堂

何兵戈寇盜可知矣

昔別歲云殫浮雲日暮陰  
今來秋已改芳草雨中深  
意氣餘長劍商聲入素琴  
寧知燈火夜重洽蕙蘭襟  
亂後簡友

睽離日月易兵戈道路難  
瑤華雖可折王露已方圓  
白髮將絲比哀顏把鏡看  
聞居在城市聊借一枝安  
夏日同吳子喬子京弟晤飲冬溪禪房分韻

得窓字

定水不通江靈源自一腔  
蓮臺分作五琪樹列成雙  
風雨開禪榻義皇寄址窓  
更飲醍醐酒都令燥思降

過冬溪禪房分身字

項子京

宴息華嚴地幽深隔四隣  
皓魄流清影涼風掃劫塵  
芰荷傾綠蓋蘿薜引花茵  
水山堪避暑奚患熱中身  
同子喬友子京弟再過澤上人時秋雨既霽  
涼月稍白三杯酣暢一字清涼爾乃披幽  
几促薰鑪點翰賦詩陶寫求夕限山宇  
支公本愛山坐卧掩重關  
色相秋巖淨禪心泚水閒  
薰鑪人靜後幽几月明間  
應嫌屐齒跡頗踏薜蘿斑  
賈汝威罹風露之疾廼子法之匍匐拜禱於  
神祠厥明疾有瘳

項後集卷之二

三

墨林山堂

趨庭方悅懌嘗藥切憂切  
拜舞朱宮近瞻依絳節高  
宜尼寘禱久姬旦代身勞  
不學刲肌體蚩蚩兒女曹  
巧夕風雨過弟子京堂時  
值白下友人見過  
蕭條風雨來何處穿針臺  
且湛棠棣樂莫向女牛猜  
中煎烹香鼎清泉泚茗杯  
人生從巧拙良夜共徘徊  
再過家弟子京堂待月

城市有林居優游翰墨餘  
月流閒幌白風引八窓虛  
茗飲凭烏几爐薰淨道書  
相看每佳思愛爾惠連如  
吳子喬還沙灣簡寄方山人子喬弟

蕭索蒼旻高明月復在斯  
如何新交歡一旦輕別離

刁斗日夜聞，羽書東南馳。顧此行路難，况復秋氣悲。  
流水戀故淵，飛鳥思南枝。莫言百里間，相見亦難期。  
方生乘高尚，令弟擅白眉。野有蓬蒿賢，安用好爵縻。  
願訪龍潛德，以保靈屈時。

虛白齋對月同諸友家弟子京分韻得中字

一室本虛空，開窓復玲瓏。閒心向明月，拂袂來微風。  
寒逼瑤爲席，光搖雪作宮。自能長不夜，宛在玉壺中。

虛白齋對月二首分來字

子京

彼美清虛室，容光見月來。無文元道始，有象自天開。  
涼浸冰壺水，明生玉鏡臺。遙知乘興往，擬自雪中回。

虛白齋對月二

四

墨林山堂

虛齋明月夜，杯茗故人來。榻似披雲卧，牕如撲雪開。  
歌聲搖玉樹，琴韻落瑤臺。長夜同清賞，遊遊未擬回。

和虛白齋衣字

明月常在室，清風或動簾。卧游入空閣，內照涵光輝。  
素壁書函淨，胡牀香霏微。翻疑白雲影，時上山人衣。

和流字

涼館正宜秋，乘虛月暫留。瑤花儿上落，人影水中浮。  
畫繼明珠照，宵辭秉燭遊。時昔慰離索，三逕待羊求。

和光字

微燄中天月，清虛白玉房。分明一片水，奚辨兩重光。

竹素披雲牖，梨花覆石牀。齋心無所事，閒坐但焚香。

和清字

杯茗淡然情，蘭房對月明。瓏璁疑玉映，晃朗覺寒生。  
影息心雙寂，秋臨夜倍清。翫之且怡悅，何必嘆虧盈。

秋日同戚希仲憩宿海崖僊館

清秋何處散幽襟，去郭巖扉帶碧林。松菊乍開三逕  
賞，雲霞長結一溪陰。坐中山水調琴曲，醉裏笙歌聽  
鳥音。從此丹丘知不遠，月明乘興數相尋。

汗漫徒聞出九垓，逍遙隨地即蓬萊。柳疎漸岸將溪  
隔，竹靜虛亭爲鶴開。明月到牀崖影墮，涼風侵牕稻

虛白齋對月二

五

墨林山堂

香來。因君假息囊中枕，令我邯鄲夢裏回。

誄金魚

漣漪清且深，喁煦恣浮沉。得拍池上珮，來聽水邊琴。  
然藻疑流火，披沙似躍金。雖沾升斗澤，終然江海心。

送嚴子行址游

抗手彈冠易別離，天長日遠未云疲。路連燕薊平如  
砥，水下清淮疾似馳。寒鴈幾羣衝塞起，秋蓬千里信  
風吹。知君亦是悲歌者，慷慨行游及爾時。

洞庭吳子喬秋時兵亂言別首春抱病來過

夜晤有作，往約梅花過洞庭，不果。



創亂傷離迫暮齡可堪多病鬢星星酒闌更促銍前  
膝夜久翻疑夢裏形同吳幽蘭偏近几向人明月忽  
當庭北山已負梅花約爲想移文早勒銘

戚希仲山館燕集

永和盛事傳脩禊昭代名賢比竹林花月臨春催進  
酒蘭風向暖引鳴琴醉來不覺頽山王賦就還成擲  
地金此夕占星何處聚中峯高館五湖陰山王據地金似巧  
琢皆思頽偶比嚴整不忍捐棄儻會意處更得奇絕者寶易之不然使金玉稱寃也

王蘭始花諸友家第子京有會併序

王蘭元無本附枝辛夷溫其如王有蘭其

項嶽集卷之二

六 墨林山堂

馨二美兼之斯名不誣矣二三素交同茲

雅尚觸物興懷既觴以詠

旣旌標玉質無待擅蘭名芳芬元自異枝幹託相成  
向月如無影臨風似有情何人諧素尚歲事任枯榮

詠王蘭分英字

項子京

謝庭春色早奇樹吐瓊英旣將蘭比臭復擬玉爲名  
臨風偏婉婉變照月轉分明人皆尚妍媚獨自抱清貞  
雨中簡子喬時抱病寄寓冬溪禪房

中散本餐霞間情病亦嘉孤雲無定跡芳草不思家  
卧裏聞清楚行邊踏落花看君增放曠脫復誦南華

春夜戚希仲吳子喬席上聽琴

臨觴歡不足徒席命瑤琴憐此陽春夕聞君白雪音  
蘭草露盈砌梅花風滿林寄言賞心者勿使浹沾襟

禪居海棠

寂寂深房擁燐燐春花叢却疑天上墮忽滿枝間紅  
雨浥臙脂潤風迴綵豔重疊看諸色相併是一虛空

過子喬邸夜飲得方山人書山人先子喬出

洞庭期過我且餉以嘉橘子喬旣至而方

山人尚在山書來云醫藥事濡滯頗佐其

久逃玄曠未謝聲名往答斯作聊致嘲讓

項嶽集卷之二

七 墨林山堂

靜念學禪叅棲真對佛龕飲君如酒德覺我自成酣

閑子無如萊周生雅笑談相歡遲游侶徑復達空函

太原周黨過閑榻但含菽飲水無菜茹也

攜李春風晚洞庭書問逢橘顆長相憶梅花空復期

舊約看梅洞庭抗足百層島潏潏千頃陂如何守藥價猶使世人知

世人知

同戚希仲宿真如曉起作蓋希仲舊讀書處

偶同靜寂唯心賞遇可淹留每坐忘幾樹疎煙秋色

曙屏新雨翠文涼風窓欲牖聞鈴語林薄初喧曉

鳥翔一自縑經靈運後更無人到白雲房

春陰牡丹較遲寄言相趣

繞道春來春又回  
花迎春促兩徘徊  
含情蓄意如相待  
拂血依欄故未開  
風晚更休催羯鼓  
雨朝先爲洗粧臺  
何博取千金笑  
來勸當年九醞杯

新溪月汎

引暮涼風生容與桂舟輕水流一片白月照兩邊明  
浮影如可即清光攬不盈翻疑乘夜雪却在剡溪行  
肱仁寺觀音閣晚眺

能仁寺觀音閣晚眺

晴日旃檀閣秋風鸚鵡林蓮華搖海色  
檜落潮音幾勾竹形相空虛本道心無  
能竟超脫斯爾一憑臨

十四夜月

夜靜月幾望氣涼秋欲平且用聊存晦還餘不盡明  
爲壁微今點寫鏡未全成方將從受益因以戒持

錢大行今和門轉秋曹賦此贈別

才名繫志少年人展驥乘時墨綬緇太史日邊雙鳥  
影河陽衣上百花塵天卅刑典開明象地廬秋鼎重  
法臣正是衰矜勤帝問願將明允替堯仁

雨後友人見過

荒蘚凝塵倦掃除。秋來長日滿床書。一溪宿雨荷衣薄。八月涼風木葉疎。閒習五禽爲伎戲。坐銷羣妄得

玄虛唯君忽枉山中駕把茗清談慰索居

鄭子以詩見贈無致佳梨追春鄭子隱居洞

庭西山角里卽用綺隱處

昔賢懷角里之子嗣西山彈鋏憂時出軍門辟  
檄度海還鄒子游海上自姑孰太倉抵定海往反數百里雲霧明列島水氣  
肅澄灣西山有銷夏灣筆研有餘暇石上弄潺湲

客大洞庭時雙幽於我遺既有瓊瑤牘兼致玄光梨  
梨將慰饑渴詩用留相思何以持報贈明月照蘭卮

再贈鄭子蓋前詩意未盡

知君湖海士，俠烈未能除。好挾干時策，鄭子在湖陽平復諸策。

卷之二

九  
異林山堂

羞看種樹書  
劇咲揮毫處  
清酣岸幘餘  
囊中孤劍在  
耿耿夜光噓

年少學屠龍一伎成何功日月衣裘敝風塵道路窮  
園梨先露白蠟袖待霜紅糝氣西山麓言從角里公

贈別鄭子

雨霽揚舲信急流湖明殘月過中秋千層巒嶠樓臺  
出萬頃波濤天地浮綺角隱成居跡在子真剎處谷  
名畱同心何以堪離索贈爾芳蘭綉珮幽

秋日晤所知傷離念亂席上有贈

虛堂涼爽帶溪流嘉木陰陰晚更幽楊子雅應耽寂

箕嵒康近已絕交游崇蘭芳逕風前席新水平橋月下舟與洽杯深休遽返兵戎不見欲三秋

西峽山僧過因念往時游歷冠亂頻仍違會良難嘆慨彌深

南山鬱蒼蒼昔余數游止自經喪亂來邈若沮千里原野多蕭條山色常若爾眷焉勞頌望惆悵曷云已足音空谷聞楚然滋以喜衣帶紫微雲西峽名杯度鴛湖水秋風餐菊英晤言發妙理網繆忘幻象落日迫濛汜

澤公禪房燕集四首

項德集卷之二

十一 墨林山堂

投簪聊束日晤賞復中林龍薇探玄秘名香清道心幽花閒處落芳草靜中深坐晚堪留聽流水自然琴雲槿標法界寶閣出人天為證青蓮果來參白法筵靈光浮水動紫氣蔚霞鮮心賞眷將夕遲遲獨暢然雙稅塵勞鞅同登秘密關天花雙塔外石室五臺間林僻疑無逕雲深似有山請看珠樹鳥薄暮倦飛還詞林當代俊宮綺昔時表龍性聊馴攝蓬心已倦游蒼松知晚歲黃菊待清秋悠然濯纓曲言向碧溪流

再集澤公禪房次和三首

慧遠談經啟法堂陶潛縱願愛垂觴江南風候殊多

暖秋盡蕪葭未有霜碧澗葳蕤花自發空山寂歷日偏長嗟余聞道空逢暮酒後猶餘故態狂

棲遲雅尚耽空寂蚤歲辭榮賦遂初廣樂紆回天上度曇花縹緲日邊疎圓機已証菩提義夙晤曾繙貝葉書持取醍醐當杯酒一盞虛几促談餘

畫靜忽聞花外鳥客來重款竹間門既將秋水臨談塵更取南山獻酒尊綺閣蓮臺同賞眺碧雲瓊樹幾攀翻已知阮籍游方外時輩休從禮法論

金橋道中風駛帆急有感作

北風吹浪肅寒威片片輕帆去若飛正是快心乘利涉何人知向急流歸

項德集卷之二

十一 墨林山堂

宿合溪保安禪院四閱歲來游者再兵亂之後樓殿室宇殆亡其半

竹樹蕭蕭自一洲風塵冉冉昔年游田開沃壤偏遲穫水到深溪稍合流野酌就花淹秉燭踈籬見月憶登樓每從岐路聊棲息得附曇摩彼岸舟

再集精嚴禪房

雲霞為世外賢聖即杯中白雪聲相應幽蘭意頗同開襟灑塵雨披几散花風當知數澤畔空羨冥冥鴻臺中探淨域方外得招提樹似蒼龍直臺將碧漢齊

度花恒出梵闌水或聞雞未得揮文術其如落日西

幽賞唯同侶玄言每共僧促途奔隙驥長累繫羈鷹

世道交相喪支離日更增誓將歸一念超然無上乘

一任莊生誕唯應惠子知因同水月觀坐使燥心夷

玄豹青山隱祥鸞瑞世儀何須論出處齊物以相期

不凡方山人今三年一旦進止歎焉有作

三年來夢去書頗相憶何如相見真花色迎人如共

笑歡顏借酒自成春琴中獨鶴長因別劍上雙龍會

有神抵掌臨風歌慷慨白頭貧賤一交親

夜過盛澤目瀾洲無別方山人

須臾集卷之二  
十三 墨林山堂

步洲宛在碧湖瀕漭沆瀾絕四隣暗裏聞香知有

地影中迷樹杳無津水連天漢浮樵客門掩溪花避

世人共爾深杯須秉燭明朝又是別離新

再宿目瀾洲

知余夙好在林丘一到西林名兩日留樹裡明湖平

似鏡沙邊踈竹市成洲篝燈短榻維摩詰野興孤航

王子猷記取酒酣行樂處板橋幽徑水西頭

再別方山人

萍蹤動是三年別花月相將幾度逢白眼忤人慙阮

籍下牀卧客笑元龍情淹春酒非云薄夢近吳山不

當重見說洞庭柑正美并題書信帶霜封

席上贈歌者

金屋誰家別貯春妝樓重闌落梅新一番白雪歌中

聽幾度陽臺夢裏人

美酒蓮花暖繡幃主人醉客無庸歸尊前一曲涼州

調三日餘音不斷飛

曉涉穆和溪遵南陽蕩

穆和溪下接南陽一片平波數里長桑柘陰連楷作

聲荇菜花滿水為鄉分舟競戲鷗鷺隊隔浦爭誼鷺

鴨行幾處謳謠同擊壤不知何以答虞唐

須臾集卷之二  
十三 墨林山堂

陰三嘉判吾嘉政歸嘉州贈此

矯矯獨行辭巧宦冥冥霄漢羨飛鴻蛾眉萬疊岷江

外蜀道三千棧閣中石磴翠迷邛竹雨春溪香散海

棠風國經云嘉州海棠有奇馮君為語狂歌者棲隱于今鳳德

同楚狂枝明名陸通隱鉅山

贈鄒子兼簡其舅吳子喬

少年南國早知名五十行游宦不成吹裏輕金期俠

烈酣中使氣軋公卿高談傾座雕龍伎一曲當歌白

雪聲嫵婉相看渾似舅春風何限渭陽情

贈孫警菴謁選天曹

漢庭側席正求才孫綽風流衆所推幾載著成金石賦孤鸞直上鳳凰臺花宮玉駿鳴珂度天路霓裳奏樂來羨爾清時方結綬彈冠終日獨徘徊

奉和日涉園讌集

霞館雲臺各一叢飛橋懸磴遞相通行看芳草侵衣綠坐惜繁花委迳紅泉水入池分繞曲石屏漏月正虛中石有漏月屏者最奇勝琴尊歡豫多文從選舉憑高憫晚風

一夜襟香散錦屏綵綵學難成風絲度處亭臺迥魚沫翻來沼沚清已覺年華催晚暮共知人事易枯榮日長最是堪惆悵新綠叢深聽早鶯

同張石川登北郊戍樓

落日長風送酒杯飛樓層堞倚崔嵬田疇製錦將花繞溪水分龍帶雨來春鳥自閒吳地壘宵烽不照越王臺張公自是星槎客歲歲遊僊汎海回

宿雲東庄留別

林扉月色傍溪開拜棹平隄散趾來乍入花間迷徑路遙知雲處是池臺春風秉燭休辭夜卽酒如澠不盡相最是關人枝上鳥一聲先送曉光催

送施居士謁禮齊雲巖

暮春三月落花風天路迢迢聖不窮解道禪心本無住持將如意卽乘空泰清壇墀星辰上白嶽巖崖雲漢中此去正逢鸞鶴侶名香靜禮玉宸宮

小溪隱居

鴛鴦湖西西版橋出郭移舟路不遙落花風起三春杪新水門間五柳條在藻鯀魚濠濮想臨流蘭佩楚人謠由來此地龍蛇窟每見波濤夜動搖

過澤土人北庄賞牡丹分高字

承歡忝賞不辭勞每得春風賜錦袍明月鏡中勻粉澤露華臺上沐蘭膏新絃歌曲清平盛傾國聲名洛下高夢裏紛華成漫迹十年尊酒向林皋

宿北庄枕上聽百舌

東風吹草碧含滋氣早春來鳥獨知巧語百般方聽樹殘聲幾度別更枝花明枕簟新晴後柳拂簾櫳欲曙時唯有東山高卧者風光牽醉起偏遲

贈洞庭徐山人

徐生傲世託神僊員嶠今開湖水邊參影如浮七十二桃花爲度幾三千來乘樾楫歌明月去拂衣裾曳紫煙縱是逢人輕白髮不將幻戲學童年

春夕郊西讌集

漠漠春雲暮不開  
一番化雨過高臺  
情知非是巫山  
上夢裏分明薦枕來

新聲巧啖佐鶯鶯  
秉燭厭厭春夜長  
一自迷花牽宿  
醉至令衣袂有餘香

綺繡衾中百合薰  
珊瑚枕上石榴文  
相逢莫道無言  
說一片春心持贈君

慵心不學世間妝  
墮髻低鬟淡額黃  
獨自含情臨曉  
鏡一枝瓊樹碧溪傍

軟雨潤倦芳辰散  
作行雲度北津  
但看相携行處  
香風不動落花塵

詠雨中牡丹

春殘陰靄接氛氲  
得雨名花更出羣  
暮檻盡披新濯  
錦朝臺故作不歸雲  
光搖寶幄長含潤  
涼浥僊衣併是芬  
借問靚妝誰得似  
一番膏沐帶餘醺

雨中宿澤上人禪房

逃禪嘗自愛緇經  
止酒元非爲獨醒  
林靜一簷花雨  
墮山虛四壁晴雲  
停心當會處如無  
語坐向忘時已  
廢形廿載共迷千  
里道悠然相對一  
燈青

登煙雨樓

虛樓四面水潺湲  
獨立中洲見遠山  
日氣驟蒸新雨

後春風暗度落芳  
間南浦越海憑爲  
壘北控吳門倚  
作關揜謂昇平多  
樂事臨高詞賦屬  
餘閒

煙雨樓贈別

鴛鴦湖上鴛鴦游  
風送鴛鴦水自流  
寧知洛浦肝腸  
地正在湖南煙雨  
樓新柳依依牽別  
袂飛花片片逐  
行舟莫辭今夕一  
杯酒他日相思欲  
幾秋

詠翠雲草

綉石一叢浮層層  
芳翠流本無出岫  
勢聊結空階幽  
紫茸鵲羽積綴點  
露珠稠若言逢采  
拾願上君王裘  
再過日涉園

復集卷之二

十七

墨林山堂

臨池臺擬習家低  
欄平瞰水懸壁仰  
看花鳥語翻成曲  
林香散作霞接羅  
頻醉止歸路莫云  
吟屠侍御報命便  
道省覲太夫人旋  
復還

漢家全盛兩都開  
周室偏稱柱下才  
鳴鳳樓前簪筆  
待棲鳥署裏避驄  
來鍾山王氣通南  
極太液恩波接  
內臺方詠懷歸娛  
終服逮承于役簡  
書催

送友之南雅秋試

文史三冬獨下帷  
賦成十載未云遲  
鷄山正開招賢  
館槐市今歌樂育  
詩池上鷄雛新拂  
羽月中桂子舊  
攀枝彥常群從多  
才雋比次成名到  
白眉

天目山本中峯樓禪處有幻住菴巋巖峻絕

蓋嘗神往焉古心和尚還慨然賦此

百丈丹梯凌紫霧千年法界閔玄雲空中峰學蹲獅  
勢天上池開雙目文

泠泠風氣肅衣裳霽曉常飛六月霜正是塵勞逐煩  
熱欲從淨域過清涼

中峰宿草蔚離離幻住菴空小劫期見說水源長不  
斷空聞松樹幾生枝

留宿玄覽堂得松字

芳屏花檻錦千重五月葵榴開正穠雨過林皋如洗  
素風來庭館似吟松鴛鴦湖淨常縈郭白水淵深已

躍龍長日不嫌多好事携舟載酒數相從

畫卧玄覽堂

閉門玄晏讀書牀綃帳筠簾淨葯房已覺日長爲化  
國正憐人卧在羲皇漁歌傷枕櫬陰午雞雖連嚙麥  
氣涼旣醉緩歸城郭近一湖新水汎輕航

夏日燕集徐氏白鶴山房舊有香梓軒

高陽有會日追隨河朔餘酣暑不知已道尊醪清作  
聖更看庭樹玉爲枝蘭分几席迎涼徙山近軒窓向  
晚披猶憶舊來香梓處鶴鳴長繞着書帷

小五臺納涼

空山長日傍禪樓逕徑花香草色迷坐久不知雲雨  
散一天涼月五臺西

詠楊梅

江南珍果孰稱名唯有盤中赤玉英豈是脩家元獨  
擅由來章地本多生炎崖借火丹初熟綺樹非觀實  
自成不逐沉浮同紫李却慙羞薦後朱櫻

詠白鹿

玄穹休應効金精詎止戎荒擅昔名欲變千年符景  
福先呈七曜瑞 皇明西來御氣僊人輦天上從

東徵集卷之二

九一 墨林山堂

龍白玉京喜見食萍承寵極呦呦馴繞步虛聲

抱璞子曰鹿壽千歲滿五百歲則色白劉歆叔異  
苑曰鄱陽樂安獲一鹿兩角間有道家七星符

賦得七夕

簦簦婺女守河湄秋風秋月正佳期星駕還同携手  
願錦機不識斷腸詩宵留嬾婉今歡趣曉去踟躕昨  
路遲年年一度能相見猶勝人間遠別離

閏月七夕

天空氣爽夜偏宜月想容顏霞想帷詎道七襄終跂  
望載欣靈匹有同時一回上見人常好年去年來愛  
不移但願河流清且淺褰裳言涉易前期

同友夜坐

蘭草數榮凡幾歲新涼入夜碧山空  
窓送雨茶聲細幽幌生明月色通  
遲友每懷三逕跡寄情唯較一  
枰功由來王子多佳興百里移舟  
向晚風

秋日雨中集

優游相見重相親盡是高陽舊酒人  
坐挹餘芬蘭在室心常自醉德爲  
隣林疎急雨催殘葉溪爽長風起  
款款清談唯菽水莫辭三逕往來  
頻

秋夕同宋子二首

一見一踟躕臨風攬子祛疇比金蘭  
契今爲秋葉疎

續集卷之二

二十一 墨林山堂

孤燭且當秉清尊亦不虛斲對良宵  
永不樂將何如涼風動虛帷復此  
夜遲遲燈前一杯酒別後幾相思  
蟋蟀傷遲暮無感故知何須問踪  
跡但看鬢成絲

詠熟菱

願茲飄泊質承君嗜好勤方從南澗  
采復自湯泉分嘉名託烹飪香氣  
借氛氲特將充獻薦何用美萍芹

中秋詠月五臺

一天涼月瑩無痕萬里風煙淨海門  
自玉成臺空色界黃金爲地給孤  
園僊質應夜含香滿靈桂經秋落  
千繁自是摩尼常皎潔願承光照  
濁波源

贈別方山人入天目

瀟瀟寒江落景催臨歧欲發更徘徊  
自緣數見成親暱未道忘情任去來  
風尾歸舟如爲沮梅障別路故先  
開向平婚嫁何時畢共爾南山剪  
草萊

再別方山人

山分天目對巔屹黃鵠西飛肅羽翰  
世外自應留戀少人間終是別離難  
星辰拂几諸天近霜露侵衣六月  
寒謬道尋山聊息影不知何竟得  
心安

元日雨中過姚叔信留宿

千頃澄陂杜若灘淵居今擬卧龍看  
盤花獻壽仍新

續集卷之二

二十一 墨林山堂

賞杯葉浮春只舊歡弱柳輕黃先待  
暖北風霏雨欲辭寒停舟莫問天將  
晚秉燭應知興未闌

李子成冬溪西丘三釋友見過

滄茗分泉當酒卮二三物外結幽期  
階蘭較晚芽方茁庭草經新綠以滋  
簾箔麥寒風動處琴書梅潤雨來  
時團樂爲示無生訣身世何須更  
卜疑

已未初度日簡諸友

黯黯低回落日邊壯心猶在朔風前  
器成落葉終何川形比支離得自全  
蘭徑席門長謝掃書惟木榻不知  
年客來莫咲楊雄癖白髮從吾守  
太玄



物度示諸季弟得前字

諸謝無論阿大賢一門羣從盡翩翩正憐珠王長盈  
側猶耻糠粃獨在前積雨空山投筆坐微風虛牖枕  
書眠衰遲奚用嗟淪落但以樗材獲歲年

奉祝長兄次前字

子京

王家文從本蟬聯間氣才名翰墨傳雅度逍遙形迹  
外高歌慨慷世紛前芝蘭並發熏山酌棠棣相輝膜  
結筵願宿崗陵齊獻祝還將著述啓來賢

再過東禪寺

梵閣迢迢峻嶺盤丹梯百丈杳難攀行聞廣樂諸天  
瑣集卷之二 二十三 墨林山堂

上幻出蓮臺一水間王榜平臨滄海日瑠窓下瞰洞  
庭山 俯視洞底諸山歷歷在其西 廿年倏倏成追憶薄晚徘徊未

擬還

芝溪

北看山色吳門接西望烟霏越甸長春水龍蛇深澤  
國暄風芝草徧溪塘行行曲渚青簾舫汎汎流波白  
羽觴正屬年光方駘蕩願同修楔樂無央

鴈湖

鴈湖名鴈雁常過葦平沙水自多鴈向日南踰紫  
徑湖開天道接銀河雲霞影瀉明如綺日月光涵湛

不波信美終非游止地翻飛其奈後時何

再過目瀾洲

丈室孤扉蕩漾間浮沙斷渚一杯看入林綠水移舟  
易隔竹迷花出路難天遠微微開島嶼澤深往往見  
波瀾共憐窓外今宵月猶是杯前舊日歡

夏日同友內涼五臺山

五層臺上舊登臨雙樹林中白晝深草色上階成藉  
翠蓮花滿地作黃金談披靜几能忘暑坐對澄溪可  
瑩心共爾且應歸緩緩晚風良助一披襟

簡寄延平守陳子時聞海寇萬計圍福郡諸

瑣集卷之二

二十三 墨林山堂

縣陷捻戎移駐延平蓋扼據襟喉控制全  
閩云

海墘群盜逼閩中唯有延平據上封飛羽徵兵屯萬  
騎探泉出劒躍雙龍驕陽成早蕪為虐炎氣如焚助  
舉烽知爾共籌帷幄地功成談笑日從容

夏日憶閩中新荔枝簡友

陳家新紫狀元緋盡是當年入譜奇味變不禁三日  
外蔡君謨作荔枝譜荔枝一日香發二日熟齊還待  
色變三日味變陳家紫狀元紅荔枝名 正陽時夏至日中荔枝  
枝翕然皆赤 懸香一一攢丹實含液層層瑩  
玉脂驛路風塵增想憶因君傳作畫圖披 白樂天在  
忠州題舊

千財率皆不吝但  
畫荔枝圖與之

周子初得子志喜時子初春秋四十有六矣  
振振嘗聞麟趾頌繩繩後詠夢熊詩若非崑崙初生  
王定是瑤林第一枝佳氣遙看成蔚郁啼聲先試識  
英奇從今知幾丈夫子正過商瞿四十期

商瞿年長無子孔子謂其母曰毋憂  
瞿四十後當有五丈夫子已而果然

夏日簡谷顧玄室往同玄室游白下既而各  
言歸不見者于今廿年勿枉訊問聊爾酬  
答

詔表落魄倦游歸偃仰空林與世違車轍已辭蓬蓬  
車微集卷之二  
千四 墨林山堂

逕炎氛不上菱荷衣薰風黃鳥時携酒白日玄經獨  
掩扉唯有水羊元舊侶却嫌踪跡近來稀

### 初秋雙樹樓

初秋爽氣在南山更愛層樓霄漢間僧臘自同雙樹  
長玄心應與片雲閒杯中雪液凝寒碧石上空花雜  
兩斑不是支公輕絕世常因玄度啓禪關

紫薇花俗名怕瘡花花最久殆過百日

凝霞揉紫苑長條遞發旋開百日遙亦有紛榮連秘  
省更多垂穎雜炎暑向人不慣輕攀折含笑難禁善  
動搖合使薜花相妬殺獨令繁豔不終朝

唐中書省省垣此  
花稱紫薇省

裔東平廣文擢重慶別駕重慶周時巴夢子  
國巴水瀛山皆在焉寶渝俗善歌舞按左  
思蜀都賦剛悍生其方風謠尚其武奮之  
則賓旅散之則渝舞晉禮樂志賓人銳氣  
善舞漢高祖樂其猛銳令樂府習之今巴  
渝舞是也

峻壁重開天險全募君開國自周年行看巴水縈如  
字如巴字坐擁瀛山望若僊賓旅散歌夷徼外渝人  
迎舞駟車前只今吏治綠儒術元是文翁教化先  
車微集卷之二  
千五 墨林山堂

### 吳秀東守靖州賦別

芙蓉江上使君行沅水渠陽古郡城五馬秋風千里  
邁轡軒晴日萬山迎甘棠有待歌南國召甫方將式  
令名見說天涯迴鴈翼尺書迢遞若為情

### 九日友人見過晚集

早棲皆舊侶高興偶為羣持將黃菊酒對此南山雲  
傾曦無畱景淡月有餘欣非關風落帽相見易成醺

### 夜集諸友

天清風氣涼密款敞蘭房但嫌歡會促寧知秋夜長  
叢菊既堪把旨酒復盈觴與子共斟酌遲彼明月光

贈丘子立子善談命教授鄉間

軒車巧宦推年少，立壑風流重典刑。劉峻不逢因辨命，伏生既老尚傳經。南州昔表高賢里，清漢今占處士星。佇看佳雛成鳳翥，來儀率舞瑞虞庭。

壽凌母從姑 十月誕辰

繡幕朱幃啓卷堂，翕然琴瑟儼分行。歲粧接穎芬蘭蕙，戲舞群雛遶鳳凰。肯酒借春天尚暖，南山獻壽日偏長。吾宗宅相由來貴，況是勤勞屬義方。

西晉虞卿事母定夫人孫氏立卷堂於家王母以下皆稱拜謁

魏舒外家甯氏起宅相者曰當出貴甥舒曰其爲外氏成此宅相

項集卷之二

二十六

墨林山堂

絡緯

思婦夜眠遲，一聽一含悲。驚心偏着響，拙緒不關絲。葉涼風乍急，花暝露方滋。誰能不惜緯，秋色到空帷。

琵琶

闌仗當場獨擅先，嘈嘈鏗鏘撥動鵲弦。蕭條塞草風偏勁，淒惋關山月不圓。天際忽雷驚四座，急雪琵琶名水中方響應千年。于今聲譜皆零落，棄置誰知大道邊。

月夜過雙樹樓

裊裊飛樓直上千，置身常在白雲端。兩行修樹爲龍起，一片青山作帶盤。夜間分時逾覺靜，月當高處倍

生寒。儵然此意何人會，獨倚南窓落葉殘。

得飛燕穿桃柳

桃柳正宜春，江南燕子新。經桃織錦妾，拂柳掠眉人。舞去撩香靄，翻來亂綺塵。若使昭陽見，掌上妬輕身。庚申之春，余將北游，凡我同好咸有贈言，遂

各用韻酬答且志別焉

同心蔚郁薰蘭芬，中路分歧散曉雲。芳草關人萼以綠，春風緩袂暖如熏。杯將別意終難盡，絃切離聲不忍聞。還望空江夜明月，迢遙千里正思君。

行行別日慘無暉，道路風塵舊客衣。漸遠踰江隨橘

項集卷之三

二十七

墨林山堂

化從高附翼，學蠅飛山中。覓訊憑瑤草，夢裏懷歸進。紫薇想爾移文仍獻誚，年過猶自未知非。

壯極羣龍擁，帝居南州才雋擅。文辭茂陵叔，冥心

常渴。郎署婆娑髮欲絲，疏簡草成封禪久。聖明恩

到，珮環遲不知。誰從甘泉祀，遙望星辰拂絳旗。

弱齡結綬志，相要歲晚彈冠。媿故交抵道心，勞懸魏

闕。徒聞戰勝隱蓬萊，悲歌擊筑聊行酒。落日驪駒已

在郊，寄語中林同宿鳥。南枝終戀舊時巢。

答弟

同行分翼兩翩翩，爾滯南州我向燕。歸思不迷春草

夢離情無斷比流川一身聊寄雲同遠千里相望月  
共圓驚劣爲渠先道路黃金臺上正招賢

友于敦愛重相知南浦魂銷別在斯已分參商元異  
迹應憐花萼本同枝窮途不爲王孫食短缺猶餘俠  
烈姿慷慨自來輕聚散莫因情暱共悲思

荅范業師

東辭故國三千里西望長安尺五天交戰在心猶未  
決獨行失路若爲憐杏花一別春風遠梅信難憑候  
鴈傳敬奉緒言何以荅書紳但擬得常懸

荅念上人

華嶽集卷之二

二十六 墨林山堂

支公駿馬舊驅馳贈我西行千里期見別不曾留愛  
慈示心聊以託言辭玄珠罔象潛淵久喬木遷鶯出  
谷遲爲指蓬萊天上路遙看寶樹日邊枝  
落毳長脚故倦游蕭然孤劍客梁州裁文謾道貧能  
逐問術虛疑富可求吳會浮雲千里思上林飛鳥一  
枝謀與君莫灑臨岐泣願艤慈航苦海陬

荅賈汝威

桂椒雜珮庖蘭紳會向明時乞薦身廿載貂裘羞計  
術半生道路弊形神周京翼翼聲華盛漢闕煌煌制  
度新盡道安仁無巧宦翻然皓髮遠辭親

春夜友人携觴丑臺言別各占一物得蘭

幸謝無人境來依騷雅林馨香元比德攬結本同心  
春日薰幽佩光風汎素琴一枝勞醜贈良以代蕪金

荅張子伯容

幾年于役滯留京燕道三千復爾行春日春山歌伐  
木江花江草賦西征風前黃鳥時求侶天上張星但  
憶名其道揚朱頗有泣路岐南北沮同盟  
天開周鑄壯重關地勢堯都百二間信是越吟懷故  
土安憑西咲指燕山櫪中伏驥唯留志鏡裏春花不  
住顏惟殺衫青隄上柳年季送別爲人攀

華嶽集卷之二

二十九 墨林山堂

荅澤上人

山遠江長鷓鴣鳴每依址極望瑤京布帆無恙乘風  
利浦樹含情送客行影裏空華因妄得夢中意想逐  
緣生從君彈指承留記到處相隨皎月明  
暗地投人知遇稀本無才藻銜珠璣聞雞似欲臨風  
舞望鳥應貪近目飛馬首塵沙關外路天涯霜露客  
邊衣緇林道侶勞相惜纔向行時已問歸

荅施居士

說法開堂道不孤蒲團隨意結跏趺蕭蕭鶴髮稱居  
士麗灋軒髭表丈夫爲待機圓承竹杖偶令聲惜得

恭爐此心自信無堅固惆悵分垂在末途

贈吳監軍

延陵豈是貴游姿慷慨雄才綺藻辭佐閫一時期  
略趨庭自昔得聞詩日邊玉樹依台座花下鵝鷄迷  
鳳池見說珥貂榮七葉何如簪笏盛當時

金山海嶽樓

碧殿朱樓縹緲中憑高賦賦魏材雄千年玉柱標龍  
截一朵青蓮出水宮岸隔楚吳山勢斷江分南北海  
潮通猶言行樂無多地命棹將乘萬里風

贈王斗山

項嶽集卷之二

三下 墨林山堂

斗山聞在隴州西仰止芳聲壯斗齊自昔賢才隨器  
使整時州郡且驚棲踈簾坐嘯清風閣五馬行春綠  
柳隄揔謂良哉二千石常將休息慰羣黎

贈徐州別駕張少松

塞帷專駕揔時英才雋如君更有名杜景前開尉閫  
越王祥今見佐彭城龍山北德相為重泗水將心併  
是清好播仁風入絃誦一時盡變楚歌聲

同鄉友戲馬臺眺賞

汴流泗水日交衝繚繞青山峻壁重滂說高臺曾戲  
馬寧知大澤有飛龍千年雄鎮當西楚暇日歌筵屬

建封野色風花聊命酒天涯踪跡幾相逢

漢祖建封大澤陂  
唐張建封鎮徐

雲龍山放鶴亭

他鄉杯酒慰交歡徙席雲龍意未開雕檻上躋延曠  
望羅衣新試逼高寒懸濤流沫將杯挹列壑羣峰作  
障看醉後不須絲與竹一聲鳴鶴夕陽殘

自徐抵沛綠柳平隄浴鳬淺水頗類江南

遙遙楚甸曉遙征膺膺平原接沛城乳燕村扉楊葉  
暗群鳬野市渚沙明夾溝水過流方潔謝牖波連岸  
欲平風利樓船鉦鼓發揚帆如向越中行

項嶽集卷之二

三下 墨林山堂

舟中見新月懷遠

水遠天長月復新此時一見最關人張敞淡眉初學  
畫班姬婉弱未成輪不禁獨夜愁中望偏傍他鄉影  
裏身光彩未堪盈手攬相思南北慰無因

為家姪題杏林春宴圖

名駒本出渥洼中自少驤騰氣已雄作賦直追江左  
俊多才不讓竹林風柳條袍色無分綠杏蕊酣姿一  
樣紅莫謂青霄難可到應知雲路舊相通

至都城首邁晤友人雨中留宿二首

命彼酒如泉促膝且流連飲分遽能爾故心良復然

燕市悲歌裏，胡天擊筑邊。一燈仍共榻，夜短不成眠。  
並坐夜窓虛地遠，即幽棲酒杯方戀戀。風雨復淒淒，  
淡交元若水。喜舞不關雞，慰慰今宵夢無勞。中路迷

寓靈濟宮徐參軍携酒見過

風蒸玄真訪道家，憑憑旅寄謝塵沙。金光坐掇瑤階  
草，綠蓋閒看海樹花。閱苑千年連紫禁，僊立終日秘  
丹霞。山公自醉成歡洽，騎馬寧知去路賒。

李北山尊榼相餉

廿載龍門羨李膺，一時傾蓋澹忘形。山常繞座淹幽  
賞，花似迎人咲獨醒。日下梧桐棲鳳苑，天邊簫管望

項嶽集卷之二

三十一 墨林山堂

僊亭應知聚晤為萍跡，媿向雲霄擬德星。

初至都別鄭子蕪簡諸弟

相懽相惜故情長，況是相逢在異方。祗道風萍聊託  
跡，寧知越鳥復南翔。青山短劒傷離別，落日深杯歌  
慨慷。若見惠連應寄語，塵容俗狀路塗傍。

飲徐參軍夜歸二絕

蒹葭竹色引杯長，促席虛亭過雨涼。一曲醉中聞越  
調，土風猶自不能忘。

不記花間醉酒歸，但聞花氣細沾衣。龍城夜半塵沙  
淨，灑灑涼風斷雨霏。

馬子寓晚集

李固章縫彥相如侍從班，偶成河朔會雙鸞。鸞攀  
蘭露澄幽谷，雲陰澹晚山。相看心自醉，不在酒杯間。

簡贈馬生

詞賦在甘泉，唯有子雲賢。鳳池羣佩集，龍御五雲懸。  
授簡承西直，徵文格上玄。錫瓊雖普及，賜錦孰能先。

簡贈李子

卿署列僊宮，清華大隱同。山川常不廢，賢聖復時中。  
論劇群葩爛，神期千里通。知君卿攝士，終有衆連風。

贈別中表

項嶽集卷之二

三十一 墨林山堂

適從故鄉來，遽作他鄉別。本是同離飛，一旦分行列。  
涼風動南枝，寸心幾摧折。之子駕言邁，羈人傷寂滅。  
懷中千金劍，棄捐三尺鐵。光彩在淬拂，猶足用割裂。  
馳驅勿復道，音聲慰離絕。

倪中翰以詩見貽

風前花下即幽期，杯酒楸枰遲所思。周代漆園容傲  
吏，漢官僊署羨題詩。天臨北極瞻猶咫，雲傍西山意  
每遲。共道鳳毛今復覩，蚤承恩寵繼綸絲。

晚涼雨散對友

雨散炎蒸清，香繞座。凝紙牀，常戒蝎筠箔。僅辭蠅

人遠塵氛斷山空露景澄且須停爾酌聊以曲吾肱

同友夜飲陳子忠兼贈歌者

愛飲陳遵客滿堂金蘭王樹映芬芳持將北斗成杯杓挹取銀河作酒漿

唇吐流珠字字直接成詞譜一番新曲終免使周郎顧自是當筵絕世人

蓮華朵朵自然香盡道風流似六郎今日將花來並比輸他一曲斷人腸

燕京詞二首

官陡夾御溝大道起層樓浪是風塵湧人將陸海游

三十四 墨林山堂

雲漢星躔足月館醉吳謳但道歡難極寧知歲易遒

僊館抗雲披歌筵暑不知冰寒旅作水扇拂即成吹新蟬擇高蔭黃鳥度深枝豪華多樂事偏與日長宜

沈子謁徐相公至都寓止接比往來款密遽

爾告別愴焉傷懷岐路秋風短歌當泣云

耳

閣開東第盛平津臺築黃金正禮賓忽覩商風驚木葉不禁秋思動鱸尊僊槎度海依南斗魏闕懸雲望北辰羨爾竟能懷璧去嗟余亦是倦游人

七夕李子席上

帝京樂事歲時豐綺席針樓處處同七葉僊英迎夜

月一枝梧葉報秋風人間巧術從誰乞天上佳期有路通且就東山投轄飲莫令北海酒尊空

又得星字是日飲內酒

西山龍繞簷蒼青咫尺樓臺舞鳳形正喜月筵當七夕待看天漢度雙星大官羞膳偏多異內署醇醪不易醒促坐厭厭忘夜久露華香霽散空庭

沈子還吳淞徐相公賦詩寵行沈子請余次

其韻

久知開閣待恩復下牀留恭承堂後譙密預帷中謀

三十五 墨林山堂

綉纈今茲服貂悲故歲表不因干祿養何事遠行游

同李子諸賢會友人寓席半出紫磁杯浮以

酬酢李子一舉盡飲欣然命之曰紫霞杯

於是客各分韻成詠得前字

瑤璃元自脆自玉亦非堅噉土從龐古陶河出舜年良工藉埏埴大化荷鈞甄燁燁流霞紫鍾錚昆石玄庵中能受益規範本從天媿彼無當棄伊予守黑全莫浮甘若醴常挹淡如泉胥樂更酬後無荒式譙前謬承君子列來壽鹿鳴筵

庚申秋八月同諸友過碧雲山房二首

天咫瞻京室山遙接太行雲陰深碧殿爽氣肅虛堂  
沼沚浮蓮淨松風引梵長塵勞聊脫軼晏息楚蘭香  
窈窕躋苔磴巖巖啓石房竹深常蔚翠花雜遞生芳  
臨沼因思濯綠流且汎觴山林元習氣貪賞未能忘

宿碧雲二首

佳麗開金地虛無入化城巖崖禪榻迥星漢夜窓明  
棲羽枝遙影飛泉枕上聲無端不成寐起看曉雲生  
寥廓澄佛宇炯炯証初心但使證無盡寧知夜已深  
松濤流峻壁澗溜激空林轉覺荷衣薄山高露氣侵

臘月宿弘仁橋任羽士道官四絕句

東坡集卷之二十

三十六

墨林山堂

石橋砂塢抱澄灣菌閣芝房日自閒  
隱何須避地買青山

山空溪凍夜霜濃寒逼衾裯不覺重  
一枕邯鄲孤客夢半窓殘月五更鍾

山家飯客進雕胡酒出青田不用沽  
夜靜空林分木榻天寒重幕對然爐

日薄西山馬蹏停相將蓐食進辰星  
殷勤雅愛籠鷲士安得焚香寫道經

曉度雙橋

平砂蕭遶野煙凝遠樹蒼茫日欲升  
雙石橋邊聊飲

馬纔看流水已堅冰

枯楊宿莽且長坡雪厚冰連不辨河  
昨夜月黃雙抱耳颼風偏向日高多

蒼青署臘月初八日署官循南北路行謂之

看冰池各管長率戶民迎拜池側設坐然  
新呈報民數檢視迄乃次第歷他管亦如

之間之長老云永樂間舊例欲令臘水澡  
濯驚鴨則壯長易孳生理或然也然弗載

典制莫可攷見聊書其事云

白楊砂磧各分營日照水開池水清  
驚鴨幾羣相競逐

東坡集卷之二十

三十七

墨林山堂

番歲事屬嘉平

聖明惠澤普無私欲問堯民不自知  
但道年年臘月日拜迎官長看冰池

雪中南署簡友

林木蕭疎官署寬滿庭積雪卧衰安  
未明書牖先通白欲敝貂裘不耐寒  
沙漠重雲人獨遠天涯雙鬢歲將殫  
郢中亦有高歌客古調于今和者難

夜至十八里屯稍憩玉峯禪房雞鳴  
遂復行

至左安門漏下四更

荒茫何處叩禪房疎柳枯槐覆短牆  
風灶細炊秣米



白雲盤香薦菜芽苗歲窮近  
更長甞假蒲團方偃息聞雞顛倒攬衣裳

辛酉新正三日吳次仲過王河寓中留信宿

賦喜

小窓孤燭帝城陰夜促歡多酒正深  
卒歲綈袍逢舊侶春風瑤軫入南音  
橋連溝水流難盡地近天街冷  
易侵卧爾下牀成信宿元龍湖海本同心

首春同友對雪

露塵湫隘寄吾廬門掩蕭條獨晏如  
東郭先生時步趾文園散吏日閒居  
杯香動瑤春開酌恣色通明雪

墨林山堂

正月旣望同曹子游南山還夜過東城道官

命酒遲月遂復聯騎遵王河歷馳道迤邐

而西于時影燈火樹金耀朱輝麗服靚粧

肩摩踵繼誠太平盛事上都樂土也曹子

倚馬占詞倡茲八韻勗尔同游倚和二首

四麓方春賞東城復夜過月明企作闕水繞王為河

鄉澤游姬擁春風舞袖多太平行樂盛燈火醉笙歌

容與香車度翔翔珠簾來花然千巖吐燈映九光開

子夜多情月陽春寡和才動將歌與舞隨興且逢回

上元燈辭

丹闕玄宮瑞氣浮天花散滿鳳凰州  
西滌見說開元事不及逍遙此夜游

百寶攢花五色新珊瑚成樹萬年春  
雲軒甞下西王母月殿親迎太乙神

三山宛轉遙相通一道虹橋海子中  
縹緲夜深天樂度月明偏照集仙宮

鰲頭燈火駕金山望裏僊人不可攀  
誰道去天才尺五欲飛知隔幾重關

長安東市萬燈陳鏤玉綠珠錯寶珍  
莫論百千酬善價大家競取一時新

貴介豪奢愛月來携歌逐舞雜塵埃  
持將王竿逢人勸更取金花借火開

雲母圍屏寶炬然屏中花影太翩妍  
乍看誤道分明是轉近方知隔兩邊

月榭燈樓夜夜春新粧炫服踏橋人  
長安大道平如砥一片香風起暗塵

清明過沙河是夕宿昌平僧房

柳條新綠繞沙河強半春光客裏過  
遙憶江南寒食候淡風輕暖落花多

日暮空林鍾磬清逢僧自咲拂塵纓蒲團寂寂春宵  
未獨捲疎簾對月明

三月望王河館夜集

簡帙圍棋雜座隅楚因休暇取歡娛春風夜夜吹燕  
月芳草年年滯朔途上苑鸚鵡新得侶高陽杯酒舊  
為徒亦知沉飲非荒晏盡是當今賜大醺

東園詩為張錦衣作

桓桓將帥本才良選勝開園擬辟疆漢樹累朝留勸  
泰松奕世美封章日華駘蕩連蓬島景色氤氳接  
上方不是太平常偃武豈能山水日徜徉

墨林山堂

四十

西署同友憩止大成菴

遽廬隨地寄行踪不是官曹即梵宮松院夜深臨牖  
月果園春晚落花風一杯共語方傾蓋千里孤懷任  
轉蓬荒野去人滋覺遠楚然音慰閑寥中

西署邂逅越友出南酒紫菜海鰕鄉物惟錯

令人有懷歸之感

素居相慰傾南酒同客相憐對越吟鰕菜不忘湖海  
味氣裳如繫鹿麋心風砂近夏成埃薜果木經春長  
綠陰悵望西山惟只尺幾時携屐縱登臨

平坡寺臨眺寺肇建自唐觀音像猶存追我

宣廟勅賜名圓通又名翠微聿新臺殿宏敞

壯麗入門雙樹挺立殆逾百尺懸磬表刹

若天成竿柱焉

翠微臺殿敞春晴客到先聞鍾磬鳴雲裏盤龍山百  
轉空中表刹樹雙成莊嚴唐代留遺相宏照 宣朝  
特賜名絕頂更躋霄漢上氤氳佳氣近瑤京

李子自燕還維揚秋將南試

潞河南下是通津千里維揚控海濱題柱待看乘駟  
客出關先識棄繻人龍樓獨步君臣寵鳳治雙飛父  
子親見說都林多桂樹秋風又是一枝新

墨林山堂

里

暇日過嘉蔬寮長呂冰溪談詩良久乃較奕

命酒作餅餐夫址地固善餅而白潔柔薄

圓整層疊未有若冰溪家者余每噉輒不

能休然冰溪以此多致客蓋美好之累耶

閒寮燕喜冷交盟酒挹冰壺旨且清春餅薄疑綿繭

紙時蔬美勝翠瓊英操觚命賦能通風閣智圍棋亦

寓兵其謂 清朝無建白文園別墅盡儒生

和吳次仲晚酌

燕昭舊事禮賢才藁韋咸聞郭隗來盡道相隨爭抱  
璞不知若箇復登臺青山吳會家千里落日都門酒

一杯白眼乘酣多慷慨狂歌隨處且塵埃

夏夜過湯銀臺寓適友至

朔方長夏似炎洲溽氣蒸霞鬱未收觸熱其嘲頗過

客晉程曉南他鄉偏戀舊交游中天北斗瞻應近傍

牖南薰坐轉幽水李寒瓜將進酒夜深欲去且須留

夏日與姚洞陽晤飲

閉戶荒階草欲平官閒長日寡逢迎濯枝雨過塵沙

淨解愠風生几簾清北闕直侵霄漢起西山遙帶

夕陽明何人會識新豐客邸舍相逢酒共傾

子聲弟得告還送至深溝作

項嶽集卷之三 墨林山堂

伊余無特操歟然遠行游彈冠侯所知世路何悠悠

凡今款曲深莫如友于儔嚶鳴相應和顧念復綢繆

如何聚難常一旦生離憂赫曦爍丹岡炎颯起荒嘯

奔車無緩轍深溝有急流岐路恒足悲兄弟夫何尤

余本懷歸與况乃獨羈爾持此蕭條奚焉侯系榆收

薄祿幸相逮余簪良可抽予其保爾無易哉嗣前修

初秋飲倪生夜涼從席

秉燭深杯慰旅懷醉中婉孌失形骸砧聲內苑秋偏

早寒氣西山晚更佳樹引涼颼披畫檻花飜香霧浥

重階山公歸去能騎馬塵淨沙平十二街

鄭莊秋集

楊柳郊原游騎來蓮花沼泚水亭開章縫捻是三吳

彥辭賦真同七子才咲裏歌聲隨畫艇醉中山色在

高臺應知聚散恒難定莫待殘陽促酒杯

二塘詩

錦甸逶迤並海陬平川沃蕩抱城流蓮香夾浦分雙

岸近塘有白蓮樹色圍沙匝一洲水借銀潢龍自躍

地連丹穴鳳長游請看邁往從風便為有飛虹百丈

浮

同友再過西山止宿碧雲寺

項嶽集卷之三 墨林山堂

接羅匹馬越郊丘咲殺山公好出游帝里湖山千

劫會雲林杯酒兩年秋客歲亦以清池碧藻知魚樂

曲磻蒼苔玩水清流况是相歡筍親故却疑修楔在南

洲

雲為翠幙石為房靜裏方知秋夜長月色千峯天籟

寂泉聲一枕夢魂涼倦將棲息依疎樹定作跼蹐對

寶香本是逃禪謝靈運翻從末路濫氣裳

少嶽詩集卷三

携李項元洪 子瞻 撰

項元沐 子京 校

中秋友寓說月

薊門明月偶同游，氣肅天空暮靄收。  
過鴈重城羈旅夜，小山叢桂故園秋。  
高臺猶吐黃金築，滂地虛將白壁投。  
共爾坐中休秉燭，清光偏向酒杯流。

送張侍御濠濱赴南臺

法冠豸繡儼聲容，列署南臺舊帝封。  
雲路已欽桓典馬，袞衣將補仲山龍。  
孤心捧日隨千里，一疏回天

項元沐卷之三

墨林山堂

微九重正是明良金盛世，應知謬謬樹勳庸。

簡孫蜆翁時以中丞按東魯河道

內臺持憲屬才雄，重鎮分符列上公。  
水合濟河思禹績，山當鄒岱攬民風。  
皇畿北甸星辰拱，郡國南分貢賦通。  
乘暇謫僊樓上望，絃歌聲散海雲空。

卧病長安喜友夜過懷寄朱夷白朱大南二

山人

索居慰藉有同羣，促膝然爐夜欲分。  
七發客言能起疾，千杯魯酒不成醺。  
月明誤道山陰雪，風遠翻同塞北雲。  
已分歸來尋舊隱，山中先爲勒移文。

再寄朱山人

風寒日暮喜相過，有客文園獨卧疴。  
琴裏想歸商操急，客中懷遠越聲多。  
寒簾見月光如洗，對酒成春氣自和。  
此夕天涯俱浪跡，令人回首愧羊何。

定然空谷忽聞聲，自喜開簾倒屣迎。  
秉燭夜從歡處短，披襟暖向酒邊生。  
雲霄終是鸞凰志，道路其如牛馬名。  
寄語朱公休見絕，滄江歲晚締交盟。

病中答友友來詩云：輸我一籌，唯縱飲蓋譏。

余以弗能也，故反嘲焉。

介居東角我西頭，對面高城兩處樓。  
徐邈飲中深得趣，虞卿客裏獨羈愁。

一秋集卷之三

墨林山堂

一時一日皆爲別，相恨相望即足秋。  
唯有往來通夢寐，夜寒明月御溝流。

倪中翰會飲卧病不預戲簡

栖栖遲晚暮彈冠，易水燕山行路難。  
落日那看官舍冷，西風偏着客衣單。  
心憐歸鳥猶知倦，身嘆飛蓬不自安。  
見說忘憂惟是酒，何能共取一追歡。

至後無雪，倪中翰集探韻賦詩，諸友會予。

採薪之憂，勿克俱。次日遣和。

蘭室香靄暖氣氤，戾至翩翩鷺鷥羣。  
已覺陽春枝上勁，惟憐白雪曲中聞。  
酒杯共倚南山醉，辭藻相輝北

斗文魁魏相如虎末坐文園消渴卧寒雲

冬仲過六果園晚眺明心寺

南北驅馳馬足頻西山在望嶺嶙峋砂墟向暖旋消  
凍郊野無風自起塵六果園中淹宿夜三千里外未  
歸人由來宦達元非分時與禪林結靜因

冬夜集呂子別署

官寮閒散竹林人一局楸枰酒數巡溪映舞筵冰鏡  
潔月臨歌檻盡眉新漢宮柳色初含臘上苑花枝已  
待春坐擁孤表文綺席不知門外有風塵

再得枝字

項集卷之三

三

墨林山堂

潘生拙宦久棲蓬上苑聊同借一枝心飲醇醪恒自  
醉臭齊蘭茝本相期月光暫照甍甍席春意偏私綺  
繡帷莫道閒寮頗晏晤幸逢明盛樂無爲

季冬十二夜集友寓

王盤河北銀絲鱸金竿江南竹葉青明月未圓猶待  
望文園相聚即爲星堂高錦色無重幄夜靜風聲忽  
滿庭千里不知同在客二三元是舊忘形

是夕飲白酒  
銀魚宛在故鄉

壽友人五秩

高冠切雲特鬼裁五十功名髯未皓斗酒縱歡猶謂

少千金爲壽詎云多瑤壇裡祀通霄直瓊館迎僊向  
盱過得賜軒皇靈鼎藥共承禧福保山河

臘日席上賦雪中山茶

名出本南山來依瓊苑間陳主歌前樹楊妃醉後顏  
爲嫌未太赤故着粉微瑛共言攀折處已獲寶枝還

冬暮憶江梅

歲暮思鄉思轉頻南枝春信每先春流香閣外雪初  
霽叢玉臺前花湯新若箇要歡歌月夜有從言采涉  
江濱年來真訝開何晚應是含情待遠人

首春高子元見過留宿

項集卷之三

四

墨林山堂

共君卮酒且爲歡末路支離轉覺難漫道王陽能結  
綬遂令貢禹欲彈冠門夜雪平深尺燕塞春風不  
解寒土炕即成高士榻煤爐相向一燈殘

新正九日雪晴過友寓

閒愛幽居一徑開靜看殘雪點蒼苔窓前有几書常  
滿琴上無絃風自來南國舊游俱白髮他鄉新酒又  
春杯與君只隔東西巷日莫應須興盡回

賦得雪中竹

六出間修竿飄灑正宜看綴玉將成實生花亦耐寒  
光迷三益徑影照獨棲鸞何以驗堅節蒼翠不凋殘

夜過湯懋昭張料絲屏燈因共賦詩

雕屏開幾疊珠暈積千層駢連非待貫文縷自相仍  
鮫室冰花滿驪宮彩燄凝坐令三五賞不重九枝燈

春晚同友過普恩寺

三年空賦式微歌欲去其如羈紲何寶刹偶同塵外  
賞香臺聊向月中過春風繡影心難定世路空華妄  
轉多未得相從聞道訣且將杯酒慰蹉跎

和倪子春夜應召之作

臨軒虛席啓重帷聖主勤勞燕寢遲方朔獨承金  
馬召子牟應慰廟廊思月中宮近長無夜天上花開  
不待時欲識老臣猶嬰鑠但看拜舞在彤墀

春日戴錦衣讌賞桃花

將軍來自武陵鄉和露栽花拂檻長袍色奪將枝上  
錦杯文分取日邊香秦綦佳蔭成蹊徑灼灼疑霞閣  
洞房莫問三千年外事一番開落任流光

王給諫祖母楊太夫人壽章給諫忻州人

蒼堂弘敞日融融玉樹芳蘭復幾叢已有義方標漢  
範更從儉朴見唐風俗古唐國其黃河接漢源同遠  
壯岳齊天壽比崇頤上黃封新賜酒瞻依青瑣五  
雲重

張給諫母夫人壽章給諫南昌人

張公論事每回天龍錫因推慈範賢日下舞衣宮錦  
爛雲邊封綵紫泥鮮幽貞妙母元聞道肝烈母許氏  
道妙母同許遜妹號開婉嫕麻姑只少年章郡自來多瑞秀鳳皇  
山下幾雛雛鳳皇山在豐城晉

首夏約友游西山讌集

不三驚風夏令催西山遙望鬱崔嵬空中飛絮撩人  
去巖畔餘花待賞開寶樹香林堪息影清泉碧澗可  
浮杯與君莫負山靈約早晚移文獻峭來

五日出南郊

佳辰微逐出城闌柳樹荷亭近水濱車騎競流塵  
淡盡鵬駢坐草為茵鶯聲歌曲元相合花色淡盡  
自新總是京華行樂地三年空使黯傷神

觸熱過程上林竹軒

河朔相逢只酒杯西軒長日共徘徊匡牀散帙疎簾  
靜石壁迴風吐牖開竹少聊追三徑賞花多因借上  
林栽為言程曉休嘲客罷穢還應觸熱來

翟進士席上賦得雨中移竹

丞相堂開綠野東脩然勁節此君同檀欒欲擬瀟湘  
翠翠先分嶺谷叢為待成龍須得雨即看翔鳳直

凌風相逼惟有求羊輩三逕留連杯酒中

貽陸一光祿其王父東濱公光棹卿

煌煌錦帶王琰珩寶馬朱輪耀路明晉代聲華江左  
陸漢廷年少洛陽生上方分署連清禁鼎寶均調佐  
大烹舊說相門還出相今看卿是爾家卿

壽湯懋昭

玉皇香案列僊班鳳翼龍鱗喜附攀近日條宣敷奏  
入傷花鳴珮散朝還聲稱已屬中臺重黻綬頻承絲  
色殷五十功名非謂晚只今雙鬢不曾斑

春日友人携酒釣魚臺燕集得尊字按臺建

項徵集卷之三

七 墨林山堂

自金一名花園村王蔚隱此蔚金尚書云

丞香河人

釣魚臺外傍花園人去臺空水自存香落疎蓮秋滿  
淨涼歸高柳暮蟬喧山公聊駐池邊馬阮籍仍開竹  
下尊盡道江南應得似枯棹幾處荻蘆村

八月十二夜會飲諸友二首

歡言列譙敞南榮徙倚中庭夜更清八月秋光行欲  
半九霄瞻影爛將盈杯分金掌千年露坐攬僊人六  
看料古樂府僊人攬六者既醉無歸翻作畫當筵何必夜珠明  
燕臺秋霽夜何其山遠雲開月不遲金闕寒光虛映

水桂輪香影半含枝暫經楊柳窺書牖漸轉闌干倚  
酒卮為使興情留未盡真須三五是佳期

十五夜友人燕集

游衍清秋敞暮筵西園明月正娟娟偏親歌扇催杯  
進故上粧樓妬鏡圓窓映不分雲母隔簾虛因借水  
晶懸風來何處覓裳曲只在蓬丘西海邊

十六夜月稍虧雲翳微茫友人餉以觴酌

見月長安驚客心俄當滿好忌相侵生憎此夕光輝  
減訝許浮雲點綴陰既已能全成璧玉何須為曲化  
鉤金由來盈缺元無定但共逢時醉夜深

項徵集卷之三

八 墨林山堂

曉行和籬探菊

忽然南山隱露下秋風吹舊來三徑處今有幾殘枝  
題額將無待幽芳恒自持願言同采采心賞逢佳期

秋夜聞筆

伎樂列庭除音譜出秦餘玉柱斜還促朱絃直以疎  
雲鴻秋塞遠風葉夜窓虛一彈歌一闕不欲欲何如

九日寶恩寺集二首

薄游從薊門選勝得祇園欲把陶潛菊聊同慧遠尊  
雲霞方蒼蔚鴻鵠復飛翻悵矣秋風晚南山孤願言  
采秋採淨域過午忽聞鍾地勝皆成寶山迴欲似龍

酒杯沈黃菊談柄取蒼松  
謝塵中鞅聊憑物外踪

呂僊祠賦秋水蘆花

蘆葦媚漣漪繁花鏡裏披沙明  
驚雪早波靜覺風遲  
鳥下機能息魚游樂自知  
薄言遵曲渚載詠濯纓詩

對月

瑤島俯清池宴坐意遲遲  
明月還相照真人若可期  
淵龍疑化劍雲局尚留棋  
欲奏懷保引因攀芳樹枝

席上賦玉堂菊贈別

彼美凌秋質標芬翰墨林  
霞文呈綵綬金色表堅心  
涼露偏承渥寒風莫受侵  
餐英同汎酒聊以慰離襟

項禮集卷之三

九 墨林山堂

三殿告成志喜

雲榜天題符 聖作休光佳氣鎮長浮  
清都奕奕分三殿蓬闕將將翼二樓  
五極辰居中建立萬方星拱  
幾環周微臣欣荷忭懽德竊附聯  
翩燕雀儔

詠梨漿

御宿金柯初薦實上林  
縹緲乍辭枝流膏帶冷凝成  
醴剖雪和香化作飴消熱自應  
瓊液並釋憎未許蔗漿知願調  
太上玄光藥奉進 君王白玉卮

送寮友呂子予告還真定真定趙地時呂子

病目

三年宦路諦交盟一日河梁送別情  
塞上晴山行有色城邊寒水咽無聲  
文園謝病知司馬白壁完名識  
簡生此去不違天咫尺與君快覩太階平

月中步雪

月如皎鏡雪如茵一片寒光兩映人  
天路向明寧讓曉瑤花先滿已偷春  
風來飄舉聊成馭步入清虛不染塵  
餘興夜深猶未盡儵然鶴望望丰神

初春同友登昆盧閣言別

宛轉盤空舉足高不知漸已逼層霄  
暖客萬樹春初動霽景千峯雪欲消  
宸極佇瞻開象魏天風借便度

項禮集卷之三

十 墨林山堂

蕭韶憑臨且盡離尊醉悵望其如去路遙

登閣遲鳳麓秋曹不至鳳麓將還南都

刻楠雕楹百寶欄懸梯層陛鬱千盤  
煙霧去地隨風散山色侵衣帶雪寒  
驚剎直從天上起蓬萊倒向海中看  
憑高欲附冥鴻迹猶自關河滯羽翰

賦得雲母燈

裁成雲百疊製出月重輪光滿將半  
晝氷輕已向春水中蓮作炬鏡裏玉  
為人願使分餘照毋令委暗塵

贈別姚繼文三首

懷彼荆山璆卓犖重自珍  
銜飾非所尚嚙能鑒其真



一言起瑕瑜遠道泥沙塵豈不惜棄捐所貴無纖碎  
幽蘭依玉除願言托終始當門柰相妨一朝被見徒  
白日垂餘照驚飈乘夕起芬芳有本性所在以爲美  
孤鵝去何之於心悵有違昔爲相和鳴今作離羣飛  
瓊樹生高岡春陽靄朝暉何時集爰止將須復來儀

劉少巖秋曹夜集

旅食游京華行役三月過厠跡自駒塲欣邁鳴鳳阿  
麾時弄觚翰乘夕偶弦歌眷此椒蘭室酌彼金叵羅  
留餐飲人和肯酒豈足多良由醉其心令我顏自酡  
三冬來遠風披襟對明河暮春非長夜爲歡能幾何

東坡集卷之三

十一 墨林山堂

會臺鍾述十首爲李東岱作

薔薇垣

花佐雕鏤巧枝將數仞齊繁紆香徑隔香齋使人迷

柳塘

菀彼柳千條濯濯映芳渚春風隨意來絲絲在深處

百花樓

晏坐一樓春芬芳與結隣不知凡幾樹種種可憐人

葡萄泉

葡萄甘可釀泉水澹能深甘澹誠有異取之由人心

檜屏

觀魚梁

攀林入葱翠去路無直捷蜿蜒蚪龍枝展作屏風疊  
風文引碧藻雲影媚清漣會有知魚樂非是羨臨淵

棲鳳軒

竹生自有枝鳳飛亦有時一枝良可托願子聊棲遲

梧泉

浙浙梧桐枝泠泠流水音鼓之以清風併爲自然琴

餐霞館

真氣應初陽氛氲五色光聊參吐吸秘以慰飢渴腸

桔槔亭

灌園北山陰激水響空林取代抱甕勞匪逐機械心

十二 墨林山堂

劉生二首

奇氣有劉生由來俠烈名號鈴師尚父計術取陳平

顧日麾戈挽迎風出劒鳴一行方許國無往不先聲

氣稜無烽起丘符借羽飛疾馳千里足輕冒百重圍

掉舌爲籌畫搖鞭當指麾將酬國士遇須驗折衝威

和荅劉少巖

爲逐金門隱蹙就幽人廬刻燭聞高詠披帷見異書

花暗前峯暝雲涼北院虛新知歡不足夜久當何如

夏日同友過師太常松岡僊署玩所藏圖籍

既而酌酒命奕

金門僊吏紫霞居松牖清涼菌閣虛黃石曲來薇秘  
簡嵇康徒自解丹書開簾盡命風前奕秉燭宵停花  
外卓不覺厭厭歸太緩相將漏下一更餘

神樂觀師太常樓居

南郊壇墀接丹丘芝檻蘭房白日幽逸客手談忻六  
着僊人居處好層樓瓊桃爲餌千年實玉髓成漿丑  
色流廣樂時時成一奏鈞天何必夢中游

馬幼溪分教山陰無簡章小山餘姚邑博

會境豐山水江左多英賢抗迹並棲託流風至今傳

項嶽集卷之三

十三 墨林山堂

二妙復競真繼武相周旋章子蘊珪璋馬生握蘭荃  
講席粲然臻師門各有專乎化示默成飭躬勵貞堅  
俎豆既莘莘子衿何翩翩昔也文命敷今觀風教宣  
探穴窮竒秘臨池賦雅篇往來鏡中行況有剡溪船  
茲游懼難常參差起高騫

叅雲野選部出補廣西大叅

汲黯樂禁密陳咸憤疎逃苟懷齊契心中外唯所適  
衡管屬清通屏翰藉材指綰綬出承明改服謝朝列  
揚旌向嶺表投傳憩驂粵桂林秋不凋炎江冬亦熱  
仰視孤鳶墮俯念雙鴈別

送陸月波

浙浙秋風班馬嘶相逢其道去官進移生設醴三年  
外張翰思鱸八月時後圃待開裁竹徑前湖擬作濯  
纓池承惟絲管登樓處悵望迢遙易水湄

癸丑歲倭奴寇盟官諸境感時紀事漫成數

絕

介士雍雍盡雅儒暫勞戎馬載馳驅但將不戰收全  
勝執獲通民當獻俘

河壑悍勇利風波翦網輕操疾似梭鉅義擎石當津  
許欲渡難飛柰我何

項嶽集卷之三

十四 墨林山堂

溪浜林薄爲城塹輪棘鋤殺當短兵聯比追胥相弔  
望何愁群盜恣橫行

窮寇綠山近太倉時時奔雜向錢塘休誇將帥珣子  
勁但怕僧徒鐵杖長

倭夷南寇動成群自晝風塵暗海濱見說黃泥鐵縣  
尉更傳自馬殺官軍

海門波浪接風烟鼓角頽城誼暮天無策即驅窺境  
盜飛書又報下洋船

蠻船乘潮夜寇關將軍秣馬月明間輕身攘袂出門  
去裹血與片海上還

徒好勇不知兵青幘失襦應募行酬賞但期山岳  
重相軀奚啻一毛輕

運籌謀帷幄內坐當兵甲談中何須復假如臯  
緝掩取先收一箭功虞人猶弩發機僅斃一盜

四月四日日傍陰暄吞盞有若重輪

落日暉晚天蒼洋霧暄如輪夾日翔豈是堯明常並  
出須知舜德自重光

兵火後遣別所知

未見長相思既見輕相離昨昔同衾稠今旦各路岐  
路岐何嶮巇行行復逢逢悲風鉦鼓鳴白日曜旌旗

嶽集卷之三

十五 墨林山堂

射虎正縱橫海壖皆剗夷媿無蘆食謀鉛刀亦何施  
且當秉高尚息景吳江湄江水浩且深一去杳難期  
雖無千里別良使寸心馳

震澤鎮古檣

澤通天目水地接五湖濱殘花二三月孤檣幾千春  
市傍鳴杼室陌上偶耕人言將來避地非是學秦民

平望道中

相看梅堰近一望碧湖平鶯脰將為水楊花欲化萍  
駭桑林屋比隔樹渚河明往往迷津渡逢人問里名

送友入京

年擊筑客燕都白眼行歌過酒壚寧知意氣成衰  
暮為謝同游飲博徒

秋暮獨坐

厲厲風力勁冥冥雲氣重石躋將類獸樹起欲如龍  
黃葉綠簾入蒼苔上砌封細酌幽澗水悵望求羊踪

三塔禪房

風酣花下酒雨卧竹間房自有浮杯度奚愁歸路長  
贈友

昔往憐春晚贈我瑤華辭今來嬾夜趣酌子流霞  
月出蘭房淨風動蕙幃披雅音稀曲和幽意託琴知

嶽集卷之三

十六 墨林山堂

製服裁荷葉為冠取竹皮奚能巧千宦但以拙違時  
澤廣波濤振山空洞穴奇巢無常定處揜有自然枝  
玉筍雲邊膠瓿漿石上携却咲嵇中散嬾嫗少僂姿

秋日過禪居二首

寂滅從吾道無為本上乘莊嚴心即佛圓照智為鑑  
雲牖秋光淨花階午氣蒸由來少喧濁自尔絕蠹蠅  
市中成上隱方外習清修傍水微通徑依林小結樓  
忘形齊要蛺蝶無意即虛舟願叩真詮秘凝然了不酬

雪後閒晤姚子隱居

高卧袁安乍啓扉故人踪跡未應稀殘痕猶覺餘寒

在積晦飄爲細雨飛杯醴含香春汎汎燭水迎咲露  
微微經年詎易頻相見莫學山陰空棹歸

重陽前一日宿硤石西山

莓苔舊逕想依稀燈火深杯歎竹扉雲向曉來微掩  
暖月當弦處少生輝虛巖氣爽軒窓迥落木秋高烏  
鵲飛寄語東山黃菊道好開須向詰朝晞

賓山過村居無箇秋門伸九日之約

繞屋扶疎脩樹陰披榛來往得相尋晴霏藹藹將連  
幙爽氣條條忽滿林採掇黃花三徑僻晤談秋水一  
溪深乘時欲擬登臨處海北湖南雙峽岑

項嶽集卷之三

十七

墨林山堂

宿硤石山

裊裊山樓控絕巔飛窓高檻拂雲烟空浮已倦人間  
世靜息聊依色界天梅共雨花時不斷月同輪鏡夜  
常懸此中正是安眠地莫遣晨鐘到枕邊

詠李花

房陵元是出崑崙移栽露井傍桃根臨春却訝瑤爲  
樹照夜還疑雪滿園西子臺前如欲醉將軍谿下本  
忘言整冠從此應相避葉長新枝子漸繁

詠蟹得橙字

露和香擣綠橙持杯虛有戀螯情潛身暫託鮑龍

跡出海奚妨劍戟行

八月重過雲東莊

停舟重過水雲東八月年光彈指中賞處花枝連暮  
雨別來木葉幾秋風凝塵窓下繡經榻細路溪邊送  
客筇携酒相看一相咲婆娑今已各成翁

上已前姚叔信晏賞真如寺同戚希仲

新賞相將蜀元已暮春三月正清嘉先脩解禊東池  
汎未泛流觴曲水涯鴈塔晴光懸日月珠林祥靄結  
雲霞應知空幻隨時令莫向風前惜落花

吳園牡丹三百餘花

項嶽集卷之三

十八

墨林山堂

裁花分圃列芳屏間紫施朱合錦成三百坐中皆絕  
艷萬千叢裏獨稱名歲粧向日酣相倚宛轉臨風咲  
若迎其使從人攀折盡留將春色與殘英

姚山人邀賞盆蓮

杯酒坐臨軒檻外晚涼如在澤陂間擎風翠蓋亭亭  
立浥雨紅衣點點班香氣隨時盈手攬歌聲何處涉  
江湄且將涓勺從盆盞莫以尋常羨華山

中秋真如玩月

上方月白散晴烟嘯侶投簪敞夜筵桂子欲飄飛兔  
闕珠光疑動蟄龍淵塔標天柱層層出橋化雲霓步

步懸共道三秋今又半更堪追賞復經年

鍾太初席上詠杜鵑

奇葩名卉闌芬芳惟有川鵲獨擅場交萼相輝明盡  
檻喬枝直上映雕梁迎風萬舞春酣重承露新粧曉  
沐涼欲識江南佳驛地請看畫錦使君堂

初夏會擊竹山房

高陽酒伴數追游初夏林園象外幽花帶濕文新雨  
過竹含涼氣宿雲留壺觴遞次如期至奕博分曹抵  
暮休醉後更於歸路便輕舟同泛碧湖流

鍾使君席上賦得金章菊

花綰柔枝引帶長承封常染紫泥香煌煌未及大如  
斗累累能多重以黃蟲裊篆文成刻疊露團形乾吐  
利方正逢辜郛分符日麗色榮光獻酒觴

鍾使君北庄觀蓮因憶春初嘗一遊徂夏乃

再過

飄搖並進湖南艇迤邐重過郭北庄雲雜炎氛常不  
雨風含水氣併成涼採蓮池上新歌調醉竹林中舊  
酒觴從自春遊今涉夏須知好樂信無荒

同鄭子過姚叔信隱居

甕餅塵鞅偶烟霞元是南州處士家山館舊遊叢桂

樹湖蓴新餉白蓮花凌秋孤棹風初便向夜駢筵月  
復嘉恠爾躬耕巖石下却令聲聞在京華

金子以詩見貽次韻

考槃嘗詠碩人賢空谷徒歌招隱篇獨鶴忘形聊取  
友孤琴寄適不安弦玄陰大壑龍蛇遠春氣南山草  
木先彼美同懷風雅客何時看竹過幽軒

元日異風次日樵採南山暮歸觀田蠶火

雌風蓬勃庶人廬吹堞揚灰四壁虛欲問何如了生  
事年來年去一牀書

腰鑣朝出暮言旋雜草擔鋤未息有新歲發春瞻杏

項徵集卷之三

二十九 墨林山堂

候何人爲播白沙田

積庾遺穰歲時豐處處田蠶野火紅里杜鈔鑼誼稚  
弱茅柴瓶正醉村翁

奉和吳太宰二首

赤鳥竭來歸德音良不稀甫侯松嶽重方朔歲星輝  
道訣寰中得數名世外違惟餘湖海夢時向帝鄉飛  
一倡郢中調彌令和者稀投金成絕響抱璧有餘輝  
儀鳳和鳴盛清風淫靡違蒼蠅營短翼難以附高飛

早春送友北邁

風駕言將賦北征淒風苦雨黯然驚睠茲岐路脩逾

酌彼春杯肯且清新草不堪頽悵望落梅何以寄  
離情舊遊久訝音書絕為道嵇康頽性成

雨中姚子張子沈子過村居

百錢何用杖頭携酒有餘尊蟹可持彼美三人不速  
客駕言一棹每相思長風號怒經虛牝急雨湍流溢  
廣陂歡晤莫言歸去阻秋來燈火夜偏宜

過張子城南樓居

城外高樓敞遠天携家為賦卜居篇駕湖南檻雙開  
鏡水月西窓半上弦遲晚蟹螯推紫勝知秋菊色讓  
黃先尊疊共道延新賞歡咲寧知只舊筵

頤徵集卷之三

王

墨林山堂

送陸大行赴貴州

靄靄春郊柰別何駢駢四牡日南過炎山花氣明旌  
旆林簫風簫式舞歌文軫元通百粵地恩波不阻五  
溪河帷中暫使勞籌略陸賈才雄本自多

過魏潛西

遁世嘗聞東海濱芝溪西畔有遺民斜陽影入桑榆  
蔭過雨痕收桃李春荷篠丈人能款客移舟漁父欲  
迷津知君自擬潛龍德會見鸞飛屬後人

晚涼夜過

林靜庭虛正窅然求羊醉止重留連溪搖霽色澄風

松樹引涼陰墮月筵歎夜方歇南湘藻遲秋欲採址  
迢迢歸舟其使頽相促只隔鴛湖咫尺天

玩菊

天晴氣暖不知冬美色奇葩金紫重秉燭列筵屏障  
繞回看疑是繡芙蓉

酒杯暇日幾朋從三徑悠然自菊松却憶郡齋淹坐  
嘯敬亭山色又經冬

過張山人隱居

八月秋正分氣肅天無雲水將迷舊浦桂欲動秋芬  
憚塵王戎舞持螯畢卓醺睞茲六葦葉已應一鉤文

頤徵集卷之三

王

墨林山堂

首春過禪堂

既能超境界何用限藩籬閒看一沼淨緩步獨橋欹  
道從人外得春向草頭知眷茲白日暮歸棹且遲遲  
伏日登五臺禪房時緇衆散去惟餘空室

茲道寂寥而澄汰滑咽頓復清涼止

僧喜作

梵宇從將入境連閒情自與白雲偏陰依寶蓋行行  
樹平躡香臺步步蓮四地禪官成壁立三乘輪藏倚  
空懸相逢惟有息心者木榻蒲團獨晏然

味芹齋三絕

齊心坐久淡無滋幽澗惟甘脆王枝客至推恣香滿  
室春風不落燕巢泥

道人苦行每清餐自取水霜澗底寒媿我不堪飢火  
熾願分法味水晶盤

問我何時復再來牡丹三月始全開狂夫未解拈花  
咲惟愛春光醉酒杯

奉次友人

少年任縱未知機老大方追萬事非綴筆瑰奇學辭  
賦傾金豪舉忽輕肥朝從柳市歌相狎夜向蘭臺醉  
不歸日晚途窮復何益席門村落故交稀

墨林山堂

二五

初秋答吳子喬寄酒

山阿人遠十年將相見清風薜荔裳日暮開君一尊  
酒雨餘對此四窓涼疎麻堪折新愁結團扇空捐舊  
悵長兩地相望比牛女盈盈一水阻無梁

贈蔡子

皂帽青裘見古風問言家在鳳湖東一溪澄色晴烟  
外幾樹芳陰晚照中腴壤耨鋤沮溺耦明時丘壑許  
其同知君不厭相過客為待桃花春酒紅

立秋前感希仲招集真如

擊竹園中湖水頭入林緣徑轉深幽雲初過西郊

雨爽氣先迎南峽秋舍利千年餘故塔琅玕半畝火  
清流正逢長日歡言足何用沉酣秉燭遊

友人久客燕薊初回叙別

千里頻年感別離一朝相見慰相思添杯暮雨蓮花  
酒虛館涼風桂樹枝燕北築臺空設購荆南懷壁反  
遭疑樓遲且自衡門下雙曲還伸會有時

中秋遲所知不至

故人明月兩愆期蕭瑟秋中倍所思未信月隨人向  
遠却疑人共月來遲星槎只隔銀河水天路猶芳桂  
樹枝慘慘浮雲如有意不將圓影照空卮

項集卷之三

二五

舊知過晤

魏武塘西憶舊秋開尊掃榻幾盤遊書籤藥裹各分  
几月影泉聲併在樓瞻眺地當吳越會歡娛坐狎阮  
徐流寧知茲樂難常伴離索西風共白頭

冬日過宿顧子隱居因念平生知舊皆已云

亡昔時遊賞遂成陳迹慨然賦此

背郭幽居俯碧灣爐熏石榻幾盤桓芙蓉落盡風煙  
晚橘柚全收霜露寒伯子琴中流水引楚人簾下落  
英食相看白髮無多在追計平生晤咲難

秋日海昌望海作

向洋延望欲乘蹻拂日行攀扶木條地坵水歸相次  
湯門通山隘鬱鬱是平沙瀉齒開鹽壤亂華生風長  
暗潮寄語來賓諸島國波濤晏息 聖明朝

季冬沮留瀛海驛舍

司馬文園久病中倦游踪跡復西東孤鴻漸遠長安  
日匹馬猶依代址風塵市五方座轍驚郵程千里傳  
結通舊聞瀛海登僊地歲暮冰霜獨路窮

曉從白溝度永安城

列輔分封控址幾行人遙望越南歸傳餐毋且常依  
孱憩宿連宵不解衣樹凍冰介查看和月冷砂壓暗

項嶽集卷之三

王五 墨林山堂

起帶霜飛今時內地無關法不待雞鳴啓曙扉

寓河間資聖寺常山禪房因題之曰留雲館

時常山爲法教長

健樹林深久閉關容然如出市城間涉師寄宦非從  
俗昔惠休從支遁安禪本在山傾蓋晤言香案淨然  
爐趺坐石牀閒却疑今是三生會已許相留信宿還

留雲館夜坐

夜長人靜獨徘徊不寐其如更漏催窓紙欲明知月  
上殿鈴自語覺風來佛國澄辨鈴語身同孤燭常依影心共  
寒爐併作灰豈是繡經謝靈運蕭然客寄遠公臺

有僧嘗謂禮普陀峨嵋者矣將復上五臺夫三

山皆世尊示化闡法地釋氏所謂經蓋切

而不壞者余雖不能至然心頗嚮往操鉢

振錫有慕於斯聯儼言筌爰慰神賞

白花香香出琉璃

梵云補陀漢譯小白花

翠黛幾幾婉若眉靈

梵有音潮自應

補陀有潮音洞

佛光欲現鳥先知峨眉山有鳥現因名佛現今聞錫響排雲棧舊識杯浮渡海涯寄

語五千臺上會彌天唯有道安師

愁坐擬登佛閣

行行無定片雲浮山遠天長到處留四壁凄風新旅

項嶽集卷之三

王六 墨林山堂

舍半簷寒月舊貂裘阮生不返窮途獨郭泰難逢要

路舟唯有城東千尺閣登臨可當望鄉樓

送趙子余友湯懋昭蓋嘗魁甲榜矣趙子乃

其高弟斯舉也冀趙子更先之弗少讓所

謂青于藍耶

懸科獻策禮才賢九十翩翩以彙連天上名飛龍首

荷花間人醉鹿鳴筵趙家白壁連城重相國道經半

部傳况是出藍青更美當場莫讓一籌先

送屠子應試

矯矯名家千里駒頻年不啓著書帷莘賢相業仍先



世賈誼才名自少時邁往直馳霄漢路翻飛重上鳳池慚余通好薰葭末託倚分榮玉樹枝

送二姪孫赴試

得意清秋盛物華新衣染綠試輕紗江東二陸元昆美會郡諸王少者嘉花萼聯枝承雨露文章五絲蔚雲霞吾家駿足能千里盡道淵源自渥洼

送沈子孝赴試

風流才藻拾遺君青瑣聲華自昔聞俊爽名駒真捷足超驥熟路在青雲恩榮故綬天香襲手澤傳經秘分九十人中高步日清濯誰似沈休文

項嶽集卷之三

二十七

墨林山堂

寄吳山人子喬

江城七月火西流晏坐空林憶舊遊夢裏相求頻失路書中託信幾經秋涼歸雙樹風連榻水帶清溪月滿樓乘興不須先有約湖平夜靜任虛舟

秋日簡榆林所知

嫋嫋西風度朔方嚴關烽堠肅秋防沙鴻旅跡林榆落邊馬歸心塞草黃戈枕夜長驚漢月劒歌天遠激胡霜遙遙莫道瓜期阻投筆班生正慨慷

送沈子佐任餘干

絃歌已識神明宰儒雅今逢清白丞一水止通吳地

近千山南帶楚雲層琴聲入幙鳴相和花氣連城暖似蒸遙憶官庭了公事蒼松修竹毋依憑

秋夜

季鷹辭宦返江東平子歸田半畝宮未厭蓬蒿開晚運正憐鱸膾及秋風露華浥袂涼如渥河影傾杯夜欲中不是北山猿鶴侶蘭堂蕙帳孰爲同

秋日過沈青門寓居

美人宛在鳳皇州幽逕芳林碧澗流亂草廬其同倦客斷蓬蕭瑟復驚秋荆鄉水上殘虹歛郭隗臺前細雨收但使清歌能佐酒相逢盡日且忘憂

項嶽集卷之三

二十八

墨林山堂

游白蓮寺

慧遠多年啓法臺陶潛當日賦歸來溪分燕尾金沙涌殿作鸞飛寶地開出水蓮花無染着馴簷鳥雀自徘徊誰言彼岸方態度日晚猶須假筏回

星洲山館

橋李城南煙水湄草玄居傍種瓜畸聊因星石成山嶼墜星石在更取潮波作沼池鵝鵝無心馴狎舞花間隨意夢多枝不嫌好事相遇者每醉同舟月上時

除夜對雪

城堞簫鼓競喧囂霏霏虛堂倍寂寥既自成花還易

落若為侵髻不能消閒臨寒牖渾忘夜倦舞春難促  
戒朝願景正多遲暮感况逢茲夕歲年凋

元旦輪藏閣望雪

初年積雪肇積祥清淨偏宜禮佛場無滌本從天上  
白散花不為世間香瑤臺新霽含春色玉閣餘寒逼  
曉光不是消融承慧照眩然何以証迷方

同西省諸友登彌羅閣

閣在顯靈宮

聖明恭已尚脩玄才雋分曹盡列僊行拂星辰躋太  
上坐看雲雨下諸天朱宮肅穆清虛境玉座尊臨億  
萬年彷彿霓旌香霧動想應西禁法壇前

張繼集卷之三

二十九

墨林山堂

贈吳次仲南歸

白髮逢衣解果冠聲名早已動長安醉中使氣驚人  
坐到處悲歌駐馬鞍柳市當壚風日暖玉河連榻雪  
霜寒拂衣共爾滄洲意却笑三年未解官

瞿太虛弱齡得僊飄飄有憑虛御風意夏日

過贈二首

白日靜彌永清風涼可嘉杯前同婉孌坐上生雲霞  
聊娛六着戲不幻頃時花僊人今有會誤道蔡經家  
緝子清風馭酌彼流霞觴道存方目擊心醉已言忘  
衣袂荷芰色眉宇金沙光儻蒙貽石髓僊分柰嵇康

春日養病桃花里答范菁山

身世兩相違茫然無與歸為農依石戶偃卧託荆扉  
野爨蘇陳穢溪毛摘漸肥願言從杖屨取樂桑榆暉

治長水故園值春盡諸友攜觴命韻得來字

言從長水涘行翦故山萊鳥有相求樂人今不速來  
夏陰先濯木春色尚餘杯九里樵風便輕舟薄晚回

村居知好見存餉以壺榼二首

聞披高士傳兼攬衛生經用損聊希道捐勞復養形  
卑棲群鷄雀適足美芹萍偕彼酣中客寧知我獨醒  
養疴仍避喧微尚在丘園耳目紛華遣詩書嗜好存

張繼集卷之三

三十

墨林山堂

冷風生地籟新雨長溪痕請此藝桑竹期無孤願言

雨霽嘗新茶二首

故里桃花春幽居南澗濱忘機非漢叟避地即秦人  
奕譜時刪舊茶杯乍賞新日常多好事載酒一何煩  
斜日雨初收涼風來遠疇條桑初向夏幾麥已先秋  
堂有頻過燕溪多可狎鷗鴉康不偶世漸已絕交遊

夏初諸友見過少酌別去惟姚子獨後於時

誼既昇興未畢簾乍啟月初來命彼餘杯  
展斯促坐心賞不足詠歌繼之比及夜分

鼓枻言返

向夕疎簾開正值月初來溪光淨虛牖林影落深杯  
雜花積輕素鳴蛙疊鼓催猶嫌興未盡弭棹復徘徊

長水早往夜歸率以爲常

長水肅宵征中流擊楫聲湖傾天若倚舟駛月如行  
楊柳知門處桃花識里名祗應來往慣村犬不相驚  
初夏汎舟南湖遵螺潭禪居放舟花庄池館  
木蘭汎汎柳花津荇葦遙遙野水濱飛燕遡風頻拂  
棹游魚吹藻不驚人林間池館要山簡物外禪居遲  
許詢且共流連休遽返酒杯湖月正相親

子玉弟園居讌集

浪微集卷之三

三

墨林山堂

秋日秋風燕賞催臨山臨水舊池臺竹林幾爲携尊  
待花墅曾經賭奕舞影流波亭四敞譟嚴明月埒  
平開慙予每對多佳思愛爾真同小謝才

雨中漫作無示兒子

席門幽絕草堂空唯有書編可與同籬筍欲成梅子  
雨海魚初上秣花風一方環堵休樓處半頃南山蕪  
穠中寄語紛紛兒輩道了無事事癖癡翁

賈子數過村居不值復至無有果糗之餉小

與酌時初夏

溪英將鋤圃圃儲癡託宿任疎慵已看題字非成

鳳可道登門即是龍離落供餐新殺美野筵媚客晚  
花穠去城一望無多路信棹相過不厭重

簡黃光祿無爲壽四月八誕辰與佛祖先後  
生

不見黃生鄙恡萌春波歧望不勝情貯書樓起細籤  
富臨帖池開楮筆精疊疊英聲通仕籍汪汪美度屬  
鄉評知君夙昔多因地會適相逢佛誕生

夏初同友過竹山堂

種竹南山陲竹生日已廣衙衙蔚扶疎矯矯踰尋丈  
纖雨浥清陰冷風發幽響一榻有餘閒三徑自成賞

浪微集卷之三

三

墨林山堂

伊余謝塵勞憩此空林爽良晤偶七賢玄言值二朗  
澄醪駕郛筒鮮萌侈盤盞相將從此君歲寒恣良往  
棲山爲石佛雲上人作

棲心絕迹慕支硎峻壁層崖入杳冥趺坐每將松作  
蔭巢居久與鳥忘形敷聲清磬孤煙碧一縷名香列  
岫青莫道靜中無與晤點頭靈石可談經

石佛禪居雜詠

山房偶逐白雲過游戲臨窓筆墨多却愧山陰王  
少遠公不惜聽經鶯

遠公遁社舊知名水檻無風香自生只爲陶潛抱酒

戒三杯竹葉澹然情

樹色花陰控石臺芙蓉一疊翠屏開玲瓏不為瑀璫

巧曾是當年喝破來

緇衣道者水雲家白學先生醉帽斜幽興不窮清畫  
求風前筆硯竹邊茶

紺殿朱樓倚日邊黃金布地散花天相逢為問前朝  
事至德于今八百年至德唐肅宗年號

寄李山人

聞道西湖西澗西冥心晏坐入玄虛嶮嶮瞰窓成鬼  
谷松欹懸屋是巢居

項嶽集卷之三

三十三

墨林山堂

窈窕南山松桂深向平婚娶負初心風流想像逢姑  
射夢寐時時到武林

五月既望同諸友晚眺幽溪

日暮輟吾耕臨溪逐耦行良苗踈以立時雨及方盈  
林樹繁幽澗湖波帶遠城淹留將待月濁酒一杯傾

和溪字韻

綠柳乍尋溪從橋復度隄低應林轉密遂使客行迷  
麻晚風連陌秧新水溢畦願言彼其子永矢考槃棲

和幽字韻

何處共盤游宛在鴛鴦洲為有琴尊好毋令筆硯投

郊墟既超曠水木復清幽卜夜歡無盡兼之月可留

贈沈子

白日麗江濱衡茆無四隣依依楊葉暗度鳥聲春  
紫碑臨圖史沉淪汲壘人懸知龍卧久雲雨會逢辰  
積雨初霽賦得用餘清夏晚

翳淦浮雲乍雨收離居慰藉有同游水溪驟失蕪蔭  
渚門迥將連鷗鷺洲草砌候蟲陰欲暝風庭涼葉颯  
如秋每憐坐久心相醉更覺人閒地轉幽

王翁過宿

積陰六月風凄其殷殷雷自山南隔三徑草荒旬日

項嶽集卷之三

三十四

墨林山堂

雨一庭花落萬年枝俗云冬青六月花夏筵晤坐憐冰抱晚

簾披襟媿王安問我將何為隱計携家早晚鹿門期

雨中諸友携酒抵暮言返

背郭衡門帶雨扁屨基衝濕草痕青長颯發發愆陽  
候有淪萋萋積晦冥歌促杯深方飲德坐淹天晚竟  
忘形回舟僅得鴛湖水想見歸家酒未醒

久雨初霽方外友遺糗餌見過

湖南夏月雨經旬孤屋浮洲與水鄰曉霽蟬聲分碧  
樹晚涼風色引青蘋麻田欲了秧猶穉隴鱖初甘麥  
正新辛免桔槔機械事往來方外幾聞人

中秋同友真如寺西樓玩月

高樓百尺俯平川，露夜涼秋月滿天。  
靈影正當閭樹直，慧光常並梵輪圓。  
上方臺殿標人外，下界河山落鏡前。  
弦望應知從幻變，本來何處有虧全。

釋書須彌山有闍浮對月過樹影入月中

十六夜諸友集湖上

蕭瑟千林葉欲疎，清虛延望月初輪。  
規未減十分滿，秋色才過一半餘。  
當戶向明懸顧兔，臨湖映水取方諸。  
西園莫惜殷勤賞，來夕相看又不如。

十七夜復集玄桂堂遲月

項嶽集卷之三

三十五 墨林山堂

佳月初成已復虧，行看二八過佳期。  
徘徊樓榭欲能幾，徙倚欄干望轉遲。  
潮水盛來占准候，桂花飛處訝殘枝。  
會須直詣無障礙，常得光明夜夜隨。

錢塘潮十日廿五日小三日十七日大

月光常滿但人自視之，有偏正故見有盈缺。  
王普曰有能凌倒景，旁日月而參其間，則常見全明。

友過村居

荒郊蕭索奈秋何，沒徑蓬蒿斷客過。  
老去壯心時按劍，狂來故態幾悲歌。  
竝觀但問聊儲粟，紙墨何期可寄書。  
白首相知驚乍見，飲中不道語言多。

宿青蓮閣

羽客樓居傍水開，飛窓層檻鬱崔嵬。  
未圓月影空中墮，不斷香暗裏來沙。  
樹紫圍成列障煙，湖明減一浮杯。  
孤槎遙挂星河上，夢入清虛白玉臺。

楊子家於青蓮湖之陽，能詩善飲，好奕隱於

醫號，汎村余每造之，款洽也。先以四韻遂和答是日大風至晚乃歸。

楊子居臨百頃泉，尚玄高致舊來傳。  
三杯中聖藏名日，六着通靈坐隱年。  
蘆蕩晚菱青角老，藥畦芳枳綠苞圓。  
留歡稍待風波息，搖曳歸舟落照前。

項嶽集卷之三

三十六

墨林山堂

寒夕邨居對雨同葉子

衡門直接五龍淵，歲暮棲遲獨晏然。  
坐上殘書幾近癖，杯中濁酒得爲賢。  
寒聲入樹西風勁，暝色連江片雨懸。  
寂寞實見人滋自喜，竹窓燈火欲忘眠。

和荅葉子無寄吳子喬

寂寞慚非守太玄，忽來好事五湖船。  
慰寒雞黍爲殮設，卜夜荆薪代燭然。  
林壑閒情忘歲逼，江鄉物候覺梅先。  
殷勤寄語車公道，爲爾難成歡咲筵。

車胤善賞會雅流才彥樂與周旋時人爲之語曰坐中無車公令人不樂

徂歲懷寄二王知己

窮年兀兀竄林丘，述作徒聞可慰愁。  
既老累然翻類狗，爲生拙爾不如鳩。  
經旬霖雨人踪絕，一榻埃塵鼠跡留。  
惟底二三同學者，往來惟有寄書郵。

雨夜與葉山人言別

蕭條疎雨帶寒更，夜空山幽獨情。  
匏繫嗟余雙鬢短，鴻飛羨爾一身輕。  
紫芝煒燁同心賞，白石優游卒歲盟。  
別後相思秋一日，燈前繼續酒頻行。

陳子忠過宿同子京弟分韻

花萼金蘭分自親，相看婉孌共三人。  
江湖豪氣元非減，貧賤交情轉更真。  
映雨篝燈淹細酌，臨風竹榻拂輕塵。  
從來少小同游地，何必尋源學問津。

項嶽集卷之三

三

墨林山堂

人日晤飲方山人山人別三年始一來

初陽開歲暢和風，疊勝裁花翦綠叢。  
此日光輝人自得，此時歡晤爾爲同。  
莫知應月方將半，半解隨春已復東。  
欸欸莫辭深夜飲，年年常是別離中。

穀日集姚叔信隱居

田家推候習成風，何用占書驗歲豐。  
但道日辰宜百穀，遽欣畎畝秩農功。  
土含膏潤陽初復，水汎春聲凍始融。  
共是海濱耕耨者，耦姑爲酒醴得時同。

方山人戒行復停三宿

之子欲行猶未行，湖空村靜夜寒生。  
正看春月還成缺，况對禪燈無盡明。  
松竈流香供野蔌，竹隣分釀過菴羹。  
休嫌濡滯仍三宿，不道東山遠別情。

和子宇雪夜有懷二首

北風吹素塵，况復別離新。  
便娟初學舞，分散最關人。  
瑤華難把贈，瓊樹憶情親。  
愁心向白雪，併積不消春。  
蘭房悄不怡，灑灑夜雪時。  
唯應琴可共，空與月相宜。  
浮雲既渺渺，遠道復瀾瀾。  
持將幽獨意，要以歲寒期。

屠一過村居無攜酒饌歡焉竟夕感今懷昔

率成四韻

項嶽集卷之三

三

墨林山堂

主歌有酒消如渴，客賦將歸意未能。  
春月墮林疑夜促，曉霜被野覺寒凝。  
水連天漢湖雙逸，里入桃花樹幾層。  
誰料平生游俠伴，團樂共坐佛前燈。

鄒子別自燕臺於今五年雨中集村居賦得

夜雨故人舟

中散無煩千里駕，臨夷能汎一孤舟。  
野陰四合含殘雨，湖勢雙分急暮流。  
杯酒歡言聊末夜，山川別日幾成秋。  
鄒生雅調同吹律，便覺春回浚谷幽。

和鄒子涯字

南湖沃蕩四無涯，碧澗縈迴一道斜。  
晚愛林園從偃

仰春憐水木共清華流風靜几開琴軫疎雨虛簷  
燭花莫道貧居無餉客晴光遲曉足雲霞

再和迷字

五載睽離手重攜悲風况復雨淒淒為家負郭非三  
頃學圃開林僅一畦村靜地偏心獨遠溪深竹密客  
常迷慚非荷蓀歲名者款宿春宵具黍雞

鄒子奄至輒貽五言

雕龍既辨天談理復通玄杯搖滄海色衣帶洞庭煙  
遺名方在野遜跡不分屢非是山陰夜何因訪戴船  
陳子忠見遺幽瀾二墨兼侑佳什

項嶽集卷之三

壬九 墨林山堂

尺素遙傳挾兩墨春風虛牖曉寒生攜來滴滴蒼崖  
色寫出泠泠白玉聲玄味頗同君子淡醇甘不數聖  
人清知君為念文園客一勺能消久渴情

送謚上人

年少初心學靜修參方後事遠行游空江涼露布毛  
上落葉寒風杖錫頭大道不隨蹊徑惑寥天應共水  
雲流只今江左多禪刹到處相逢針芥投

雨中集真如禪房玩海棠屏

一枝婉孌倚香臺四照光搖入酒杯不是妙華林裡  
獻定從鹿女海邊來寶莊火樹重重匝錦疊屏風面

面開欲駐朱顏同讌咲暮天風雨故相催

僧房海棠云以酒濯漑則榮盛戲作二絕

本是僊人萼綠華皈依慙託楚王家只因沾灑醍醐  
酒常得酡顏帶紫霞

空虛色相靜中看燁燁芳叢映石欄莫使閒情仍戀  
著任他風雨自摧殘

家弟子京遣問蕪寄天池新茶惠山泉

阿連風致擬陶家每對封題思更嘉旋取九龍山下  
水初來三月雨前茶漆漆白雪方傾液藹藹蒼雲欲  
放芽自向石爐聊點試清風虛院落殘花

項嶽集卷之三

四十 墨林山堂

水竹居為鍾太初作

波光煙色敞房櫺池水分流竹幾叢澹澹淵澄符上  
善泠泠修勁見高風游魚曲島荷梁度樓鳳深林野  
徑通未許漁樵常混跡漢庭卿佐郡僚中

讌集水竹居

使君何用買山資創宇閑林自昔時隨意尊墨常就  
竹乘閒翰墨每臨池花要謝客移游屐鳥訝山公倒  
接離日暮無歸應待醉輕舟不畏逆風遲

靜山詩

寂寞高樓有隱淪丹山翠壁鬱嶙峋間看桃李成蹊

息聲聞養穀神雲石正宜安枕客松風不擾佳  
人却嫌黃綺多事致使誼誼車馬塵

水竹居集贈姚子公綬侍御之孫

逸史風流世所宗看君嫵婉想遺蹤  
鳳潛德雲東即卧龍壯思花前飛藻麗  
重酒後渥丹濃渭陽意氣元相似日賞園池翠竹重

萬子假館落星之洲相距甚邇不見久簡寄  
今年春事少晴明強半都歸風雨聲星宿  
望鴛鴦湖隔兩邊情几搖修竹清常挹筆引飛花錦  
自生莫訝嵇康成癩悞絕無書問及交盟

項海集卷之三

四十一 墨林山堂

澤上人西庄牡丹會分華字茲會也僅三舉

遂經卅年

紫雲色界舊栽花幻出新枝朵朵嘉傾國不專金屋  
麗言自倚石欄斜葳蕤交辦團香雨炫爛重樓疊  
錦霞十載相看成一咲臨風杯酒惜芳華

楮氏東在紫牡丹坐有越姬雪琴音以善琴

得聲東南間

名花傾國本同心相盼相憐兩不禁  
紫含香妬殺咲中金謝家錦聖陽春色卓  
雪音落日一杯須盡醉明朝綠葉又成陰

閑居書事

幽居宛在水中泚春晏清嘉事事宜日上早花蜂過  
後雨餘新筍燕來時簾開雙峽供書案軒敞重湖入  
硯池睡課了來茶正熟薰爐殘燼晝遲遲

謹微詩

余過芝溪邁魏子為午餉放飯不誼卒羅綆  
患舊聞王江涇賢有專家相去迎致之  
則女嫗也迺先探視患際藥餌一丸淡黃  
大可龍眼比岐竹筋銜綴之以衡卧願聞  
令口吐并按其舌本可直達吸門乃以銀

項海集卷之三

四十二

墨林山堂

蒼盛藥末七許噓而入者三四之藥色  
苦而辛頗類皂莢氣遂大嘔逆痰涎涌溢  
綆隨出大都妙在於吐彼言九藥肱引拔  
者蓋其張大自神爾又此患治貴疾速稍  
緩則創深臃腫窒塞力無施矣夫變起七  
筋患在几席是以微眇之際蒙莊之所取  
畏焉者覽古尊老之禮前有祝願則綆者  
固哀老所時有祝之令謹爾余作詩體其  
義命之曰謹微夫固自為之祝耶方其患  
時東禪翠林者頗嘗効諸方餌雖其功



非所有然其意亦勤矣書贈之

咄嗟忽微處心驚七飭中素乏貪饕戒其如亮直風  
簪鉅魚腸匪劍鋒欲知良有藥請驗苦爲功

雅集真如禪房待月

落日餘歡更從觴南林風竹韻笙簧爐煙淨宇雲重  
疊塔影空庭月一方爲挹醍醐能養性因濡甘露得  
生涼相逢正可淹留處莫問何具夜未央

王子馬場湖別墅因命馬場曰郎官

郎官爲愛馬場水因以郎官號此湖開運即應同蔣  
謂爲池非是學陶朱亭臺佳處花千品煙雨叢中竹  
萬株杯酒雅歌歡不足還因餘暇著潛夫

姚千山居玩芍藥

幸登僊錄出塵芳傾絕揚州歌舞場未取孤根充藥  
使先將殊色侍花王綠衣綽約并成列紅粉翻翻各  
一行珍惜真教輕贈別與君共醉合歡觴

五月朔真如華嚴道場

偶緣初地躡雲峰更上層臺第五重心似調猿參法  
帝身同馴鳥省齋鐘蓮花金口親聞說寶樹音聲盡  
表宗不是靈山元有會那能多劫復相逢

真如禪房飲雪水龍井茶

勞心如渴欲生埃每見憐君供茗杯纖莢新從龍井  
得冽泉舊是雪山來風前晏息維摩榻雨後清涼般  
若臺若使陶潛同此意不將嗜好重尊壘

暇日集諸禪友結社真如寺得分字

石房松榻引爐熏玉麈玄談闕席分明滅湖光涵色  
相氛氲野望入煙雲浮圖涌地富窓見僊樂流空隔  
塵聞添賞屢尋蓮社約相歡况是竹林羣

韓松隣徵德詩并序

余讀世家知韓氏蓋世有陰德云至松隣者  
源本有自殆出於天性然也方其客宦也

東坡集卷之三

墨林山堂

寥遠荒僻彼若人者特逆旅遯會未嘗締

宿昔接殷勤夫固秦越人也而秦越之亦

恒情爾已松隣顧獨憫之周之傾絕羸資

營之百方卒免於困難今夫親懿舊故不

幸而離厄患視之不然一毛半菽動見恻

色若松隣者可不謂至難至難哉是時松

隣又念無子輒自免歸居亡何而子若孫

繩繩焉彬彬焉行且上計偕登南宮寵榮

褒揚立可俟也今之人往往援此以例天

道報施矣然君子立誠之心固非先計獲

於今茲也夫亦修已俟之矣若曰我善而

冀佑助於天有若執左契責償者是交易

之道求知於天之說也豈所以語松隣哉

余既爲之詩意之不能盡者著於此詩曰

大海不言潤仁人非市惠苟有槩於中匍匐極援濟

涸輒見濡澤枯鱗立悠逝羈縻舉覆盆南冠返遐裔

一簣成丘山立德不在細善者必有後天道豈茫昧

下公高門問王子列槐植自古良有然餘慶啓來世

軌轍導青雲光輝映朱帟何以徵淵長當湖水瀟瀟

夏日白蓮寺禪居

項嶽集卷之三

里五

墨林山堂

夏時結制日偏長蒲簟經函淨竹房現相蓮華將證

果當機簷蔔但聞香風來新水含溪裏雨去停雲傍

牖涼久坐不愁歸路遠出門指度有慈航

暑中謝客

衡門之下可棲遲長日無營得自怡魚影戲踰過岸

水蟬音搖曳入簷枝田疇穉力時相課紙墨乘閒脫

役爲衰晚近來便靜寂經旬結制習禪規

村居晚坐

雨過野涼生開簾向晚晴蛛絲紛自繞螢火競爲明

易滿溝塍潦旋飄木槿榮何如一杯酒兀傲且忘情

首夏宿青蓮閣

林密雲深小洞天采真重過木蘭船寔瀛殿閣滄波

上吳會山川落日邊芝草含英初入夏桃花成實又

經年棋枰杯酒厭厭夜誤道過逢橋壞僂

青蓮蕩田舍

暖風晴日颺輕煙正是清和四月天飛絮衙門方燕

乳條桑村塢過蠶眠偶因蔬圃多芳肯爲弄魚舟足

美鮮沃壤乘時先稼事家家新水滿秧田

芝溪花時尋舊約

北津言涉木蘭輕羸得殘春幾日晴天雨飛沙彌望

項嶽集卷之三

里六

墨林山堂

今日樵大澤蕩空明花村曾閣通禪寺柳岸重橋過

主城門徑舊來今不忘一溪芝草水清清

真如禪房內涼

香臺窈窕白雲阿曲澗逶迤引碧波滋蔓相因當徑

草虛綠不斷附牆蘿金行應氣涼風至月道從星秋

雨多非是逃禪許玄度抵綠隣近得常過

冬初村居彭比部見存

幽棲非擬鹿門龐竹以爲扉紙作窓村迥郊墟無與

並橋分湖水却爲雙菊枝逢賞餘寒圃杯酒歡言續

夜缸欲問如何更肥健老來心戰始能降

姜廣文以園菊篇什見贈用韻奉荅

林園物候正清秋廣文先生冠已投應知花畔堪成  
笑况有杯中可解愁甘露朝牽流水谷香風夕攬落  
英洲問君并乞和丹法佇俟紅顏變白頭

贈沈子號市南

宜僚持操昔常聞曠世追蹤復見君入座薰風青峽  
送到門流水碧湖分空林謝俗千年竹南隴深耕數  
畝雲盡道市廛成大隱何須高蹈絕人羣

送吳子喬還洞庭

白沙脩竹自村墟高卧東山有舊廬峯近天中浮縹  
緲洞穿水底出虛游僊王烈惟求藥困志虞卿只  
著書但各加珍慰相憶兵戈况是暮年餘

項嶽集卷之十一

四十一 墨林山堂

以數詩集三卷終

少微詩集卷四

橋李項元洪 子瞻 撰

項元汴 子京 校

贈葉子

縱棹江湖任片颿生平豪氣鬚毛鉅一朝日色非吳  
下幾夜星文在斗南金石每從歌裏落珠璣不向泣  
中含由來風雅多蕭索攬蒞牽蘭贈楚潭

題呂子園居

綠野仍分圃青山更結廬酒杯歡不足賓幙日無虛  
近調新裁譜遺風舊賜書一歌還一詠花萼滿庭除

項嶽集卷之四

一 墨林山堂

夜泛南湖

日落浮雲低載酒出河西歌邊魚喜躍燭外鳥驚棲  
侵暗經花渚依涼逗柳隄高樓不可上煙雨正淒迷

集真如禪居

寶筏湖南覺路通薄言至止竹林東風花變幻有無  
有水月澄鮮空不空世慮能忘杯酌處機心非著手  
談中看春又是將過半暫得歡娛一夕同

園居秋集

燕闕黃金舊有臺十年曾與共游來花邊劍騎臨風  
騁柳外歌樓待月開回首壯懷真夢寐故園荒逕祗

莓苔清秋歧路重蕭瑟唯有綢繆酒一杯

上巳日同友泛白龍淵

三月三日暮春天言涉褰裳解楔筵蘭葉渚晴青雀  
訪桃花水暖白龍淵羽觴泛泛從流至曜景亭亭向  
影懸少長行遊咸暢叙太平不數永和年

重陽後一日宿鷹峰頂禪舍

鷹巢頂上鷹常棲巢空鷹去秋風淒殘尊猶是黃花  
酒高嶺重携紫節藜亂山煙雨日初落大海波濤天  
欲低既許清宵聞法梵其將幽枕激荒雞

秦駐山

項集卷之四

二 墨林山堂

迎駕橋邊試泊舟秦宮駐處一尋遊南山取作屏風  
疊東海翻爲曲水流觴酌縱歡淹白日草花隨意媚  
清秋寧知昔日巡行盛寂寞荒祠古樹丘

鹽城塔壁日出值雲晦

千尋宛轉浮圖上萬里微茫日觀邊中道虛疑雙壁  
合扶杖想見十輪懸傾來金液嗽初動劃出朱光爛  
欲然直使曦車展長轡莫令雲翳蔽層天

首春邁會沈子別既三年情均戀戀爰各陳

詩云

自我不見今三春此日重逢春又新幾藉梅花爲信

使初看柳葉展眉顰絃上流風成合調酒邊明月喜  
隨人且須拜棹西津許莫復寒裳南浦濱

人日集麗澤園

七日爲人人俗通人歡人日日融融日維值坎因人  
重人更逢新與日同柏葉浮香仍臘酒梅花待賞奪  
春紅醉來月榭歌臺上宛坐金屏綵勝中

鍾太初水竹居讌集

蔣生開逕近郊圻潘岳爲園傍水涯棋墅花搖臨局  
影書軒竹長過簷枝風清鳴鶴聞霄漢水暖游魚樂  
沼池既醉欲歸還且止寒簾正是月來時

項集卷之四

三 墨林山堂

春日集擊竹山房

歲轉青陽日已舒暫將蘿薜偶簪裾行游寶地紛摩  
外坐卧空林清晏餘定水不流池自滿白雲無住榻  
常虛請看壁上籠紗處盡是當年散漫書

宿東禪寺同陸吏部

朱樓金刹起千尋曲渚迴溪謫夕陰舍後已知登覺  
岸依禪聊復宿空林松窓夜靜風濤落石逕春寒花  
雨深非是淹留因愛戀一燈禪榻有同心

携妓賞牡丹妓名杜幸

徵歌昵宴選名娃阿杜風流第一家雅韻奪將鸞鳳

管能行如殺牡丹花板臨池水憐娥影醉上山臺玩  
月華遊共流連不知返青春永夜樂無涯

集姚子玄桂堂

樹色波光媚野筵親人魚鳥足留連  
驚鷺蒼渚采蓮曲鸞鳳秋林伐木篇烹饌每憐芬及菽開尊常挹淡  
如泉知君雅有楊雄癖故使山名得尚玄

贈姚秀才省試

君家兄弟鳳毛聯次序鶩飛爾合先揆藻稔知成五  
色下帷今喜及三年蛾眉入鏡方當選玉貌徵圖始  
見宣正是羣司親勸駕秋風吹拂桂花天

東坡集卷之四

四 墨林山堂

包子舊知見存魚餉尊酒席上贈谷得澈字  
長卿故倦遊安仁本宦拙眷言返初服考槃在巖穴  
衡門聊棲遲委巷隔車轍懶性與年增歡懷逐時歇  
洵彼山中人勿以逋客絕命彼一夕駕賦此五載別  
晤言穆清風坐令秋暑澈傾尊美醇德醉心良懷悵  
秋草綠以萋涼月行復缺之子且淹留嘉樹可攀折  
已巳重陽前一日張山人見過

石戶無人竟日關惟君每過不知還仲長樂志嘗臨  
水靈運閒居託在山燈影侵風書榻畔棋聲亂雨竹  
窗間平生幾何登高屐何處黃花擬共攀

九日集真如槐龍山館

值天雨

九月天陰九日逢寂寥物外幾人同  
慈雲寶刹蒼龍雨僊梵浮圖落鴈風  
菊媚黃金終幻色杯甘法味暫歸空  
何須更羨高臺會大界山河轉盼中

送陳子忠赴試

二月春風花滿京翩翩得意馬蹄輕  
軒前獻納連三問天上臚傳第一聲  
向日便成桃李種入池已獲鳳皇名  
都人相見休相訝自是當年司馬生

庚午春顧山人養素來吾城會余亦入城卒

未遂遽見訖今悵然舊聞其入山不謂乃

項蘇集卷之四

五 墨林山堂

復淹止于此作詩三章聊展私衷

辟穀年來體自癯飄飄輕舉躡清虛  
祗因真氣客人識猶爲婆娑強著書

清齋何處問胡麻日飲唯須進紫霞  
謂已翱翔遂島外不須留滯海西涯

去年相訝見無因風雨淒淒復度春  
兩地睽離各惆悵梅花落盡杏花新

庚午除夕同方山人深坐至夜分山人與余

皆不能酒盡量各三行爲斷復命奕一二

枰乃罷不復計勝負

薄雪灑林墟蕭條欲除山尊醑醴酒盤饌進枯魚  
白髮從衰後微生只病餘但使能相守常令樂只凡  
燈火用篝懸燼燦取新然緒風寒盡夜薄雪雨餘天  
歡從三酌斷情向一枰拍偶因淹久坐非是戀殘年

宿顧山人園居簡朱山人

新霽空林夜氣清春深衾簾薄寒生花間夢寐蝶雙  
繞竹裏更籌鳥一鳴入幙驚風方暫息到窓斜月已  
微明東城正憶朱公叔高枕悠然帶宿醒

九日後新晴喜友人過村居

風雨重陽遲所歡初晴值爾過江干杯因泛菊香猶

李敬集卷之四

六 墨林山堂

在衣山濕未乾來雁不愆南日候徂秋先戒址  
風寒朕屐且可無歸去脫帽狂歌月正看

人日過蓮坡禪居

燈火長明繡佛前閑關趺坐不知年身隨有相三千  
界心轉無文七品蓮風過每因窓外竹冰消元是沼  
中泉莫嫌彼岸終難到得假浮梁一木緣

賦得湖聲蓮葉雨

亭亭蓮葉雨泠泠澗激時聞不斷聲葉作杯翻重翠  
溢雨從龍瀉萬珠傾香乘濤浪虛相訝夢逼鴛鴦忽  
目驚欲待湖天澄似洗採蓮歌起晚涼生

賦得碧筒杯稱壽

與制始於魏鄭公慈蓋取其出  
於傾金注玉之外音而味焉

拍浮日以酒為池石捧荷杯左聲枝和露瀉來光湛  
湛含香濡出縷絲絲不持恒湯同歡器且用燕當代  
玉卮聞此千年兆靈瑞為君稱壽醉何辭

歲暮遠友見過

舟航吳會發書問洞庭來冬竟了無雪春將忽有梅  
款爾值良對歡言動深杯相看更婉戀夜月方徘徊  
入林才把臂傾蓋遂知心遙迤羣樹繞窈窕一溪深  
下榻依雲宿牽簾待月臨歲晚憐同調相從澤畔吟

李敬集卷之四

七 墨林山堂

頽室不安墻風來四無當清醑發酣色孤燭動寒光  
江東方競爽越北久摧藏誰言兩地隔共此一宵長  
施益愚與余叩角硯席之交冉冉已老六十  
之年又過四矣有幹蠱子得遂市隱賦此

為壽

穉年硯席雅相同出處於今媿若翁主父宦卑潦薊  
址王君逸操隱墻東于于嬉樂無懷世睽睽謳詠擊  
壤風遙憶與衣稱壽處桂花新酒正秋中

題文休承畫

千山秋氣晚偏嘉兩岸香風動水華不學羊裘千釣

餌移舟開倚白沙

平溪小影滿波光慘木曾巖蘿靜涼愛賞不知歸路  
遠更傷餘興度漁梁

丁卯之仲冬施子燕集作三絕體三疊之義  
寒冬歲暮客端征莫厭村居酒數行此去迢遙四千  
里淒風踈雨不勝情

蕪葭寒水鴈飛飛遠道風霜客子衣借問音書何日  
至春風北塞鴈南歸

男兒有志客爲家燕薊風塵幾歲華笑殺衡門棲息  
者一村煙水老桑麻

東坡集卷之四

八

墨林山堂

龔明府夏日過村居無携酒饌簡答二首

桃李本花封湖波餘潤通僊舟咸俊彥深谷祇愚公  
旣醉霑醇醴當暑挹清風從茲羨憩地愛及甘棠叢  
應符瞻列宿出宰得嘉名時宰嘉興縣暨且乘公暇言來  
問耦耕雉隴桑陰渥苗疇雨澤盈歸舟將向晚擎壤  
有遺穀

已巳仲夏七日乃余初度七十之齒始滿凡

我友生以言見貽輒率率警報爰體同聲

相應之義未及者俟焉荅子行韻

長聞空谷得疑神猶擬遺唐覽託身今我漸看非

故白頭相見詎爲新披裘五月靡知暑翳遲叢蒿欲  
没人譬彼辛年無用櫟如何歧望八千椿

六月六日客過村居從俗作餽飽食

江鄉六月復六日與客臨流酒共携逢時野饌嘗新  
麥隨意園蔬漸作齏彈甲含風聲尚澁禾苗足雨綠  
方齊晚涼最是宜深坐弦月生光竹樹西

星洲池館玩紅紫牡丹

池館宏開佳麗辰牡丹猶得殿殘春層層紫墨含金  
重灼灼騰腮和粉勻楔事即成花下會高陽盡是酒  
中人翻嫌竟日歡娛少不惜連宵燕賞頻

東坡集卷之四

九

墨林山堂

歲除同方山人守夜

白頭婉孌守更長促膝聯筵敞燭房笑捧椒花宿獻  
壽滿持春酒土醺觴寒風送夜吹殘雪燎火通明逼  
載陽日月雖云靡可及勉崇令德莫相忘

元日泛舟長水抵濮院

江鄉獻歲好同游硯几棋枰載酒舟覓草言將涉蘭  
澤看花行欲上梅洲寒雲重結雙崖晦春水平分九  
里流風雨似催歸路遠空餘佳興望南樓

初陽二日過真如同方山人得春字

貧賤交情晚愈真一回相見一相親青山處處玄中

覽白髮年季幻裏春殘雪融冰杯色瑩光風汎蕙佩  
香新優游乘日聊爲養寤寐言從南澗濱

村居早春晤同好

樂歲初陽景色和考槃永矢在崑阿梅茶向晚琴中  
落蘭氣含春酒上過閒徑且調娛客鶴幽溪不蓄惱  
隣驚欣逢 盛世開醕日願續康衢擊壤謠

姚子山堂賦得羊皮屏燈

屠羊從晉方歸肆自鬻于秦始得稱質素不因膚轄  
棄文章遂使燄光升幾層火樹雲脂映九疊屏風正  
隨凝借問委蛇充服御何如叅列偶華燈

項集卷之四

十

墨林山堂

十七夜落燈

不夜春城玉漏長蘭膏華炬寶輪張九光枝上回星  
斗五綵雲中下鳳凰瓊宇月留牽宿醉瑤臺花滿促  
餘觴流連自是成荒樂盛麗佳期不可忘

村居友人見過

南城城南南湖船西板橋西西更偏聲子班荆能道  
故管寧坐榻竟忘年一溪分取戩龍水半畝開增養  
鶴田不醉且令君莫去梅花軒檻夕陽前

五客攜酒饌見餉遣謝

谷鳥嚶鳴求友頻開門試掃綠苔新清風竹下五君

子流水溪邊六逸人不醉無歸零雨幕式歌以咏落  
梅春重來莫復攜觴酌婉嬾心交似飲醇

學遁桃源作隱家里名元是號桃花四座香風蘭室  
醕一軒疎雨竹爐茶乳元歲紀開春正吳分星文聚  
海涯心共千年懸魏闕江湖莫使暮雲遮

雨雪同錢使君宿直如

沈瘦由來嬾不禁潘年向早亦抽簪餘閒湖上移蘭  
棹率意城南造竹林雪色僧窗三卯酒雨聲禪榻一  
寒衾與君信宿留連處自覺全消鄙吝心

雪後張子携尊乘月游汎

項集卷之四

十一

墨林山堂

乘空隨適蕩虛舟引月持盃酒拍浮霽靄晴零殘雪  
映粼粼寒影斷漸流湖開分出鴛鴦水橋起平臨牛  
女洲莫道夜長須秉燭清光如晝足盤遊

桂槳蘭橈桃樹溪重來誤道武陵迷水間搏水纔分  
路月下驚禽不過隄海近直將瑤島接湖空欲與碧  
天齊子雲既老成衰廢好事憐君酒餉攜

暮春范氏仲叔二子攜酒游汎

南樓止榭恣游行涉迥乘高向晚晴人把花枝憐並  
笑爲隨歌曲喜雙成湖波千頃濠梁想梧酒三春校  
楔情不醉無歸君莫訝伊余元是舊狂生



張秀才東庭牡丹若翁新齋手植余託末交

素同賞愛死生睽離者十年於茲矣今而

復過花所觀其蔚茂炫爛風人所謂看到

子孫者非邪感今懷往良用慨然

來春幾度看花期歌舞筵開綺繡帷拂几正憐曾染

翰過庭猶想得聞詩霞蒸日氣呈新監露浥天香發

故枝薄暮酒闌人盡醉含情欲去獨遲遲

初夏詣友兄過餉以海鮮生鰻尊酒留竟日

歸時風雨暴作分羣字

江南物候棟花芬海上冰鮮火赤又無贈龍驚慚逸

張獻集卷之四

十二

墨林山堂

少時多栽酒慰楊雲棋評深書蒼筠牖紙墨閒情碧

沼清真道歸途忽風雨諸君元是卧龍羣

夏首過高子時高子抱病卜居南城之陬侍

席蒼頭者睪髭偉貌乃舊所髡中穉弱遂

長大若此余之衰老可知矣因以去日兄

童皆老大爲韻余分童字

陳平閉門翳負郭蔣誦幽棲一徑通新麥催秋偏是

雨落花向晚故多風數椽欵洽留連處七發蠲疴喜

暖中莫問同游盡衰謝請看髭鬢舊兒童

初過張子隱居設餅供厭食夜既深遂歸且

有後約得居字

幽深欲擬草玄居三徑莓苔不掃除負郭平疇將作

園映門新水即成渠牀分桐影孤雲淨杯度蘭芬一

室虛晏坐還須期竟日春盤餅餌尚留餘

再過張子餅餌精絕品製異別美好甘脆咸

可于口凡噉十餘種猶云未盡蓋主饋出

自梁豫宜南土所未識也既喜吳均善說

又感東晉能賦率爲短述限遲字時暮春

三月幾望

有客有客白接離相從日往習家池李桃正值殘春

張獻集卷之四

十三

墨林山堂

後榆柳新經分火時餅出殊方將擬賦酒臨曲水各

稱詩與君卜夜無須燭況是當筵月不遲

荅張子依韻

水淨沙虛南澗阿考繁未矢歲云多會心自與魚相

樂雅韻還應鳥共歌林下投冠歌墮穉風前攬帶裊

垂蘿何言返老童顏在甕取歡娛借酒醺

雨中張子過村居魚餉餅圓規稠疊知余好

也酌至暮低回不勝去遂止宿分前字

西津南里本相連傍葦綠湖數扣舫投我幾雙圓似

壁飲君一勺淡如泉梅天溽潤雨爲暑苗雨滋多正

及田婉變夜深成款宿清風虛榻北窓前

席上對盆菊

霜栽露蕊出東籬歲晚勞君手自移把玩可憐當錦  
席提携見賞入重帷杯光對照千金笑燭影雙呈耦  
舞姿倘使不將零落棄孤英願薦夕冷時

謠人書房

石林幽室秘煙雲春晝風多古木斜喀爾焚香禪誦  
處開窓湖色上袈裟

林靜春晴鳥似歌石牀香靄雨花多却嫌湖上尋春  
者踏破蒼苔幾度過

項集卷之四

上四

墨林山堂

岷山竹間望碧浪潮

瞻眺先經岷自東千山西下通相通臺高屢拂香花  
雨湖迥長搖碧浪風白玉浮波平素出蒼苔剝石綠  
尊同乘春暢叙多文雅把酒憑臨憶魯公

雨中黃龍洞有能深入者持石而出因感稽

生事賦此

千盤仰闢天門懸萬仞潛通地道南穿綠僅可乘空  
出冥昧難將極下探雲氣從龍飛作雨春陰帶嶺巒  
成嵐將來王隨疑如石秘牒徒然早自諳

宿碧巖山寺

汗漫春三月游從四五羣遵祠盡眞賞與絕非空間

升梯躡窈窕金刹標氛氲息陰不朽木攜弄無根雲

泉懸百陳出湖明五派分資此慰心日聊以謝塵紛

過碧巖還經湖中瞻眺

舍策疲登頓過榜擊潏潏方出浦雲遙已辭山  
洲島屢經復舊章相周環延緣湍瀾際超忽中流間  
右盼沮江浙左睇控荆蠻臨深既底定習坎何險艱  
潛光拾水碧幽芬握春蘭冷風順遙薄明月照澄灣  
水泄宛可即彼美將焉樊姑酌一杯酒且取永日間  
詎謂耽荒樂流連竟未還

項集卷之四

十五

墨林山堂

別後舟中值雨

悵焉爾欲別逝矣余將歸衣袂空攬結岐路易睽違  
深杯無緩酌孤颿有急飛長風正飄忽踈雨復霏微  
朝游憐比躅暮宿想同幃合志併眷眷分情各依依  
願茲薄暮景照彼青春輝微尚良可企榮名非所希

碧巖雜詠

懸泉

晴空墮石壁泐裂疎泉戶上有莫測源下有不斷雨

龍竇

盤窟良可棲木石相與俱將學潛龍蟄爲養谷神虛

泉

濫泉有歌傾觸石皆清聲常流知不息細寫鑒持盈

不朽木

何年枯朽質草託旃檀林持將不滅性證此無生心

七星石

石理蘊精焚星文燦然成本由從空墮還將借月明

真如禪居納涼

裸袒青林賞物外情松陰抱崑石塔影下簷楹

敗席迎風坐臨流待月生杳然迷出處天籟發清聲

雙樹談經所驚湖載酒舟殘陽猶熾暑零露忽驚秋

東林集卷之四

十六

墨林山堂

階馥花常滿屏開翠欲流為多幽寂意良夜每淹留

息止寧海寺宿雲堂

溪林幽邃敞招提信棹長風落日西東下千峰同到

海南來一水各分溪蒼舛映坐蓮華匝蓋闔空栢

葉齊解道浮雲無住着依依閒影傍禪棲

白龍淵夜集

西城西水密相望垂柳垂楊復幾行媚酒清漣俱是

綠映門嘉蔭自然涼祇為歡多忘晝永翻從花盡惜

年芳臨淵寄語潛龍道願假明珠續夜光

硤石山登樓

冥冥瀚海暮雲平絕壁風多萬木聲層閣深杯茲夕

賞一燈疎雨隔年情林間修竹重開梢石上清泉舊

濯纓對爾杳然身世喪言將衰病學無生

高子開畦植竹命號自適

水繞平沙半畝方年來修竹漸成行一叢煙雨琅玕

潤百尺風濤鳳尾長晝靜園景傾幄蔭坐深蒼翠上

衣涼但令開逕迎三益何必為園擬辟疆

東郊山池過古春禪居

西汜方利涉東山有攀躋春物旋丰容朋舊相招攜

歷覽窮隈隩宛轉入幽棲庭草發故叢門柳含新萋

東林集卷之四

十七

墨林山堂

朗引曲房澄泓恣迴溪遊彼皆息心欣我從所稽

奢美法喜晏坐得天倪資此意各適焉知日沉西

脩竹禪房

脩篲墮節全抽解落方能得自由捻是出林還百

加雲猶在進竿頭

黃梅翠李各分行採摘乘時服大嘗証果由來異生

熟圓成捻是一芬芳

旃檀香樹鬱空林不藉扶疎雜木陰大地風來却炎

熱時時吹送梵天音

玩月真如禪房

落浮雲澹晚晴南湖秋淨月華生杯中圓影看如  
近座上清輝攬不盈七級蓮花金相涌千尋桂樹寶  
輪明行游往往皆塵跡留戀厭厭此夜情

再和星字

風滿虛庭月滿庭良宵選勝得禪扃經時桂子空中  
落隔路笙歌靜裏聽一點明光秋炯炯三千照破夜  
冥冥知君盡應微垣輔來伴南洲處士星

春日集包氏湖南別墅

小謝東山思不羣習家池館日紛紛林泉激檻龍飛  
沫石逕穿屏荔片文鳥識清歌因怯轉花迎新賞故  
爭芬直愁日暮狂風起吹散陽臺一片雲

項徵集卷之四

墨林山堂

贈李小山手談

江南品棋誰絕倫二趙前驅繼范陳鮑子狂酣方擅  
勝李生閒雅更稱神

楊公別墅託東山聊試兵權方罫問若使李生同在  
幄豈應小鮑獨當關

高陽意氣日為羣聞伎爭籌酒半醺借問當場無敵  
者蒼髯黑面李將軍

梅花零落不勝風春月餘寒雪未融幾共夜深相秉  
燭一杯清茗手談中

別平野仲四年始得一違

風定聊倚彼岸船雲間應見海山連欲躋寶塔入天  
界暫叩東林文字禪叢竹涼雲深雨處一溪秋水劇  
談邊相留休道踰三宿憶別俄看後四年

梅溪禪房對菊

閒房虛寂道心生貝梵爐薰同晚晴清淨將何克法  
喜秋風窓下獨淦英

吉祥草

不盡燈前不斷香五臺西畔白雲房既將異草為清  
供更取奇花獻吉祥

項徵集卷之四

十九

墨林山堂

答念上人

水國春寒霖雨多村居寂寞子桑何隱几怒如寧免  
病援琴嗒尔不成歌

寄語城西幾舊游相過好慰索居愁隔岸兩行疎樹  
蔭到門一道碧溪流

真如寺

麥畦麻圃失金沙斷水殘陽塔影斜小劫曾開諸佛  
刹千年元是相公家

羅漢松

膠枝修幹出雲霞蔥蔭重重護寶沙待得証成羅漢

果不將景色讓曇花

古檜屏

雲房曾記昔年游古檜屏前香翠流今日重來倍惆悵荒階宿莽寒風秋

古槐

名香繚繞坐沉寢三尺繩牀具葉經閉戶不知凡幾臘門前槐樹老龍形

契松

蜿蜒百尺蔚亭亭勁幹凌寒不改青疑道蒼龍常繞座空林白日聽談經

項嶽集卷之四

二十一

墨林山堂

晴窗微蓋自成林經葉香臺落翠陰靜憩便應終息影與君聊結歲寒心

悟泉

石上碧泠泠風中寫素琴涵空微有色涉境自成音瑩徹通禪觀流行證道心曹溪原有本直欲邇幽深

雪泉

瀾瀾本無情涓涓自有聲出巖披練素分井渌瑤英定影兼天淨寒光向月生雪峯千載後留得一泓清

南郊朱本源志好釋道四十不娶每依託禪

流時蓄精茗美泉以俟稚流逸士余以夙

有因地遂脫然於塵垢之外孤踪無着號

曰孤雲

掃除煩惱出罽羅元是空門未了因借問浮踪誰得似孤雲到處一閒身

石佛寺梅花洲

梅花洲上雨初晴柳絮飛飛新水平假爾醍醐聯當酒綠陰深處聽流鶯

寄惠山人

伊人雅尚託層巒大隱應知城市難霧澤玄姿文豹蔚雲標翠黛九龍盤長歌暇日攀叢桂幽佩清風紉

項嶽集卷之四

二十一

墨林山堂

紫蘭見說山泉稱第二願分一勺洗心寒

憩真如寺雲窩

未能靜念學安禪勞役紛紛盡俗緣暫借北窓幽榻上夢游流水白雲邊

虛牖蕭疎竹作隣閒階蒼翠草為茵莫嫌玄度頗相問似與慈流有宿因

玩蒲石秋海棠

玩蒲石秋海棠

池光寶鑑碧泉流峯勢香爐掌上浮九節栽成含露冷孤莖擎出紫霞秋

施居士外孫為蒙求師示此

高祖龐公是後身一家遇合有前因提携運動皆神  
川語笑圖樂揔道真借地栽花多得實傍山出土自  
成珍中郎却咲空傳業萬卷千編一土塵

贈三山羽士

縹緲靈洲碧海環金銀官闕有無間知君本是烟霞  
侶時控鶴鸞自往還

靜軒

一曲無絃石上琴千年不動鼎中金寄言擾擾夸毗  
子誰解忘機會道心

鶴舟

羽衣翩翹王露秋遙望蓬壺東海頭輕舉却將身比  
鶴長風萬里一虛舟

丹崖

僊丘窈窕紫霞寒瑤草金光靜處看一自赤松成藥  
後至今崖石化為丹

竭訪魏子無壽

綠葦間迷津穿林訪隱淪茅齋將促舫湖水與為鄰  
得意魚相樂忘機鳥自親擊鮮時采藻介壽一杯春

新秋姚子陳子見過

疎雨離居慰友生絲絲小書暑偏清槐花點徑金鋪

埽苔蘚綠牆繡滿楹試挹杯簫秋葉葉不停鼓部晚  
蛙聲仍將奕事相娛戲卻咲爭心兩未平

和姚子秋字

棋枰書几北窓幽瓜菓兼陳太白浮朱火西流初改  
夏碧梧先落始知秋煙迷圯渡三家市歌起滄浪一  
葉舟相顧歡然猶未醉踈鐙涼雨且須留

和陳子風字

憶昔留連叢桂中驪龍元卧水西宮高陽結侶沈酣  
習河朔逃名俠烈風芳草重林三逕僻垂楊兩岸一  
溪通浮雲何事偏相妬不使歡娛與月同

項獻集卷之四

二十三

墨林山堂

真如禪房玫瑰一叢向秋而花一莖孤起數

英首出有若浮圖於時浮圖傾頽將有非

衣功德主扶茲勝事先見徵於卉類云

錦綺曾聞相公第芬芳元是給孤園青瑣立地孤莖  
直火齊團空數顆繁爭取日華方吐豔奪將春色欲  
高騫浮圖舍利千年會合表靈光發慧根

春皋

東風淡蕩起青蘋容與忘懷大澤濱蘅杜欲齊沙色  
暖鳬鷺常近水文新月明疑蓮投珠女日麗時逢板  
楔人乘興行行隨遠涉花迷柳映不知津

贈巢秋鶴

昔時巢父隱巢居今見巢君野鶴如控馭冷冷金作  
榮翻翻皎皎素衣風秋孤影凌滄海霜冷清音薄  
太虛借問生平歸宿處芝田玄圃是吾廬

夜酌唐山人兼懷頌山人

酌彼深觥旨且清白頭貧賤見交情余慚東郭子  
蔡隱爾養南州處十名秋野班荆為坐列夜窓乘月代  
燈明近來相顧誰青眼老病其如阮步兵

秋葵

不隨飄謝同朝槿似紛榮讓夏葵葉葉相當交覆  
項嶽集卷之四 二十四 墨林山堂

影花老相並幾連枝葳蕤質借南金重宛轉心期杲  
日知儻使高壙能托蔭孤生晚暮幸凋遲

秋海棠

紫雲內苑品奇芳占賞稱妍獨海棠自以蕭疎隨碧  
草持將憔悴比紅粧絲垂連理分承緒瓣結同心兩  
並行先後榮華歸併盡春風秋月屢迎翔

金絲荷

叢翠幽階彼澤陂形殊品異各成荷分將錢葉田田  
小貫以金絲縷縷多設擬蓮花生陸地幸辭排梗逐  
江波秋來欲收衣製裁剪難勝奈若何

龍淵秋集同陳子忠子京弟

卧龍淵上水西頭式讎追歡捻舊游既取飛霞為酒  
竿仍將新月當簾鉤桂花欲過餘殘暑菊蕊猶含待  
晚秋歸路只應河漢隔夜深誰道客星舟

龍淵秋集得天字

子京

疎林繚繞帶龍淵三徑悠然接野田秋水不流明似  
練晚峰相並削成蓮雲窓石几揮毫裏竹色松陰展  
簾前頗會真驚星聚夜一尊聊醉菊花天

九日采菊典如賦得雪峰井

日月依辰陽九重薄言籬下采芳菲試將一勺寒泉  
項嶽集卷之四 二十五 墨林山堂

刈即當深杯菊醞濃苔蘚石文開玉鏡梧桐秋影落  
蒼龍陶潛本是忘機者長日悠然對雪峰

春橋詩

秦皇鞭石望扶桑漢武尋僊駕海梁不及山陰行樂  
處百花夾岸綠虹長

西許送友五言六句

顧茲東逝水悵彼西行舟浪鼓如洪澤風狂似石尤  
岐路恒相昵君心自不留

西郭席上得春字

西郊新霽靜芳塵容與維舟野水濱採藥韓康吳市

隱希僊中散竹林人杯搖月色雙湖晚刺映烟光五  
柳春不是桃源真避世重城門外本通津

秋集玄桂堂待月

雨散炎氛淨碧空人同龍卧水爲宮杯承湛露荷莖  
上坐攬芳枝月鏡中涼夜星河臨几席清秋蟋蟀在  
房櫺城南莫道歸途遠欲待冷然直御風

江岐峯二尹過邨居

澄溪霽景媚漣漪正是冰消雪盡時野外春來梅已  
覺林間客到鶴先知漆園寄吏元成隱柳下居官不  
謂卑公暇出城聊陪對數行村酒一桴棋

項集卷之四

王六 墨林山堂

冬初過淵上人居以子京弟圖畫於林卷索

題時殘陽明窓木葉墮几爲書二絕

泉泉峯樓出上方經冬木葉未全黃數聲清磬孤煙  
外窓下殘經正夕陽

法雲西來自竺天心印于今復幾傳但看丘西舊時  
樹一枝橫出梵輪前

春汎青蓮南北蕩暮抵東禪禪居

重淵相涉幾千頃載酒無過四五羣桃柳陰成村塢  
接扶蘆牙長渚沙分舟如青雀空中度遂似吟龍水  
上聞猶記東禪舊游路前溪宛轉入煙雲

淵上人以香椿見貽奉答

野名廣漠四無垠歷劫十尋有大椿會向枝頭覓禪  
味莫緣根地落香塵

竺雲西畔有林丘雙樹中分間一樓碧上窓紗涼蔭  
合影閒蒲簟白雲留

清涼何用五層臺百尺飛樓樹杪開炎夏逍遙方結  
制前身元是鳥窠來

擬古五憶體風人之義

憶歌時持拍笑先迎方成偃抑態復縱兩三聲爲惜  
和者寡彌深知者情

項集卷之四

王六

墨林山堂

憶笑時花開向早春文君能善挑西子不曾舉出來  
愉悅性偏宜婉孌人

憶粧時玉臺掛明鏡華月既隨人芳葩本同靚應憐  
一顧重良使千金輕

憶行時花影下雕臺翻疑凌水至復道渡河來願子  
且止息攜手一徘徊

憶卧時輕颯啓羅幃蓄意聊欹枕含嬌不解衣勿令  
孤夢繞忍作片雲飛

賦得蘭珮贈別

寂寞空山蘭草春言將綢珮贈離人爲取芳芬齊臭



味遂令契分託交親疊成宛轉同心結綴以纏綿五  
絲綸顧得不因憔悴棄朝朝暮暮偶垂紳

携妓東山眺賞

宛如玉女杜蘭香髮出東山逐舞行眉上裁將楊柳  
綠額間金取菊花黃臨風跂望拍余珮隔水招要褰  
爾裳却笑未能忘故態酣歌仍落少年場

夜登煙雨樓

陶陶玄夜共登攀渺渺高樓波浪間暗裏風聲因付  
樹迷中煙氣却疑山一歌一拍催酣飲千賞千捐買  
笑顏綺麗盛年難可再與君不醉莫言還

項嶽集卷之四

二十八

墨林山堂

寒食東禪禪居晤集

雲深溪淨敞林扉晏坐蕭然與世違燈影不隨新火  
改爐香寧爲禁煙微辰寒野酪餠同汎春晚閒房花  
自飛祇道無心成信宿非關行樂泥光輝

東園山池得來字

方珥南湖棹言向東山來庭葉當歌落巖花妬妓開  
浮杯臨曲水授簡上高臺莫笑山公醉倒著接離回  
真如秋集

醍醐甘法味風日美清秋暫此羣動息從爾四禪流  
紺園脩竹蔭玉沼碧蓮浮莫論迷與悟共坐北窓幽

別姜方二山人

傾蓋已成故白頭復所知併將一日別翻作三秋思  
山空桂花落日暮浮雲滋何以慰纏綿但有酒盈卮  
擬皮陸臨頓倡和十首

蒔蔬開小圃栽竹置幽居雕蟲童子賦糟粕古人書  
逃林不亂鳥樂水不知魚解道藏真地能迴俗士車  
虛室寡隣並荒階翳草莽探玄爲理窟入奧有書巢  
違世從蓬藋全身且繫匏日長唯寂寂黃鳥或交交  
碧雲將作幙白石藉爲牀滅相忘塵幻無爲事滌王  
羶封聞磴間隙紙看蠅忙盡道嵇康懶年來嬾吏彊

項嶽集卷之四

二十九

墨林山堂

暑去園林爽秋來木葉知杖留沽酒值簾有買書資  
名花爲笑臉嬌鳥卽歌兒厭厭開細酌擬舊續新詩  
琴尊興不違有客款荆扉林間竹葉盞水上芰荷衣  
日斜憐暑減風動覺涼歸爲語芳階草毋令行遲微  
天空來月御山晚駐曦車清響動脩竹暗發幽花  
停舟好事客宴坐草玄家長歌杯有酒載詠丘中麻  
大火循時邁溽暑應節殘餘隙地方畝清陰竹幾竿  
聊揮白麈尾相向籜皮冠今朝逢道侶便可擬經壇  
斜照欽孤郭浮雲散遠天庭虛將有月樹靜已停蟬  
清宵一蕭散涼思入空玄自可車投轄况復酒如泉

苔痕常積砌轍迹罕過門酌酒當風面鳴琴坐石根  
冷澗浮水盆寒果雜冰盆三徑何芬蔚脩篁有祖孫  
世路竟靡騁衰薄欲何能得與虛舟泛稍謝福心憎  
熟諳睡家譜聞課酒鄉徵空山聊隱几曲木止安肱

姜山人自吳門方山人自徑山萃止桃花里

居同子京弟席上得舟字

出山方命屐逗浦暫維舟馴伏非龍性和鳴即鳳儔  
巖阿秋色靜樹隙月光流相歡咸醉止處士在南州

張子號彩霞過村居識渠雅致命號無雙

無雙舊說瓊花朵絕世今逢洛浦人盡道芳聲應得

東隱集卷之四

三十一 墨林山堂

似寧知生態不如真琵琶密意傳纖指團扇輕歌媚  
絳唇最是多情動人處持杯轉盼一含顰

贈妓

盧家少婦玉為琴拂軫調弦續舊音縱飲自能輕一  
石取歡不道重千金秦淮渡口桃初暖長板橋頭柳  
乍陰謂見歌筵昔時月詎無千里故人心

贈歌者

窄袖輕衫紫稱身雙鬟半髻晚時新分桃絕倖紅顏  
子擲果爭憐白玉人婉孌乍逢應道晚低回一咲自  
生春却嫌相見即相別畱得餘香滿坐茵

陳子忠移居湖上同諸友子京弟夜集

昔聞高卧隆中廬今愛鴛鴦湖上居月色含春沙渚  
淨星文燦夜石堂虛浮觴臨水同漣洧池露褰裳擬  
校除花氣蒸人渾香霽厭厭盡是酒酣餘

湖上夜集得年字

子京

選地頗開高士榻乘時聊共竹林賢名逃尊酒渾忘  
世坐隱楸枰不記年月色近看湖海上星輝遙動斗  
牛邊春宵不醉無歸去更欲賡歌曲水篇

雪中友過

鴛湖逶迤板橋西密雪濛濛風色淒入樹忽驚梅蕊

東隱集卷之四

三十一 墨林山堂

白封林却訝竹枝低閉門高卧同羣室命棹尋幽即  
剡溪坐對厭厭須盡興不妨歸路杳然迷

元卿游冒監且應秋試遣贈

笑看咄咄逼人深年少功名正在今聞禮庭前遠綠  
服執經館下列青衿一方玉璧寧藏璞千仞鵠雛不  
在林信道韋家傳素業令人因賤滿籬金

惠泉煮天池茶同友雅賞兼寄子京弟

閏月今年茶事遲殘春才及摘新枝尖芽飲雨初為  
舌卷葉含風未展旗解眼聲中浮惠水碧花香裏瀉  
宜甌唯應一二清談客坐對晴窓樹蔭移

已巳二之日固陰沍寒北風霏雪絕除邇之  
賓安闔門之卧乃同調畸人雅致逸士命  
棹鼓枻衝寒涉凍求我於遐遺慰我於離  
索又陳冰盤無寒羞主非尚玄客類好事  
於是一觴一詠載歡載笑客曰菟園流風  
辭賦燦如黃竹遺軌詠歌斯在然則徵會  
紀合懷徃示來亦賴之於述作也今其如  
台而獨闕焉遂各占一韻爰成七言余得  
香字余先一日之長而序之首云

雲深栗烈北風涼歲暮天陰雨雪霧隔樹侵窓明素  
項集卷之四 三十一 墨林山堂

快繁蘭點徑綴幽香歌因難和方知寡酒為留歡不  
覺長婉變未將餘興盡輕舟時可過林塘

鉢菴僧

樺隱幽棲丈許方雲棲今擬鉢為房莫言坐卧難容  
稍應有潜龍向此歲

送陸元厚往蕭山

羅刹江長控越吳蕭然山色入虛無孤舟曉渡春潮  
落十里金沙帶月鋪

謚上人見過

清書房櫺淨綠陰忽聞空谷梵然音雖於城市差能

遠終是山林入未深

送姪游官監應秋試

而祖銘勳懸日月阿翁繼軌通雲霄董生授受三家  
傳張氏蟬聯七葉貂臨幸飛龍開盛典來儀雛鳳協  
鳴韶青衿濟濟三千輩兩步秋風壁水橋

伯兄少岳先生詩集後叙

季弟 元汴 謹撰

古人徇烈士之名振不朽之業立德為上功次之言又次之余稽先世祖橐七齡起為帝師司徒佐漢刺史翊晉厥德茂焉明興稟毅捍國于艱從駕北狩警虜南轅乃釋高源之俘瀟涇陽之水發關直之奸過戶璣之累厥功私矣於是簪組相承累葉伯氏上林子瞻思以言

項少岳詩集後序

一 墨林山堂

揚博綜羣書洞析六義嗜古文詞尤攻於詩上探風雅下采騷經酌體裁於六代協聲律於三唐思入幽玄語臻清逸七言獨步五字長城薄游京輦盡友海內之英返服鄉閭惟結林中之彥其綴辭也或鵬搏鯢徙或鷗鷖蚊睫宋生小言大言之準也其託物也或鸞鳳虬龍或鵲鳩鵲屈子采芳離騷之旨也由是同賦推其擅場自詠莫之屬和是以

藏名山而垂來裔矣昔有作者二陸標美於棟華諸顧蜚聲於文苑若丘為殷亮藩並皆作者載在唐史近代名家凡有詩集行於世者而伯氏相與頡頏固可軒輊是以文翰林會吳片言隆倒屣之接皇甫司勳遊嶽半面敦傾蓋之知非同聲篤好者哉且孝友成性類潘岳之家風令德光昭紹靈運之述祖余承式範於家遂晤言於枕被不能窺其上

項少岳詩集後序

二 墨林山堂

乘竊其緒餘乃今流悲夜壑輟詠春池爰惜遺稿之漸忘思尚存之可緝編次勒梓以彰其志若廼仲氏子長以射策擢第敷文緯國咸足不朽汴也附茲末簡慙其後塵云 時

萬曆乙亥歲夏仲既望述于退密山居



男德純謹書

少嶽集四卷

浙江巡撫  
採進本

明項元淇撰元淇字子瞻秀水人以貲爲光祿寺  
署丞是集乃其弟元汴所刊凡元汴與元淇唱和  
諸作亦附入焉近體頗妥適古體則力不逮矣

蛭蜥集八卷

〔明〕鄭若庸撰

北京圖書館藏明隆慶四年胡迪刻本

附《四庫全書總目·蛭蜥集八

卷》提要

蛭蜥集序

賜進士第森郎浙江道監察御史清源靜山鄭存仁撰

人有恒言文以貫道文非能貫道也道函於太始隱於渾噩無形無聲莫闕其倪迨夫彌綸兩儀囊括群有宣之化育播之生成節之禮樂施之政教萬事萬物皆具焉文足概之乎屈也八卦九章倣格其秘演諸六籍煥若貞明唐虞夏殷於斯為盛衰周七君嬴炎以降作述林起言曷匪文文曷匪道謂道之寓可也謂道之全不可也文足概道乎文不能概道道不能不藉乎文故古今天下上之慨自魏晉

齊梁文體漸靡極於漸壞操觚之  
流罔弗扼腕唐人三變倨然迅興  
拔幟橫戈之力昌黎氏殆扛鼎矣  
淳風頓回衰藹畢振指諸既定互  
相軌轍柳州頡頏餘子震響時皆  
翕然宗之後若歐蘇曾王諸公咸  
世所稱大家繩趨矱武率不能外

藝文類聚

卷六

考其途徑人人異殊要之闡聖與  
明道體該物理昭人文其揆未嘗  
不一也

明興李何歎志復古誦法遷固一洗  
近習煥乎同文

世廟以來海內作者並驚駭率文體  
大變渢渢爾雅之域已不有關於

盛代崇文之治與哉吳門鄭君虛  
舟少讀書脩學為庠校名士性不  
喜習章程業第肆力經史墳籍更  
博極秦漢諸家言吐詞發藻語輒  
驚世人方以遠大器君君錮志韜  
晦謝進取閉門寂居力昉古述作  
時之名卿大夫若九宇檣轂之衆

藝文類聚

卷六

每樂購其文日碎碎應之不暇給  
居久之趙國君聘之吳君遂如趙  
京師一二元公又聘之趙君復如  
京師旋又復趙後去趙舍清泉固  
檣轂之萃名卿大夫擁遽下上購  
文者日益多君又皆碎碎應之餘  
二十年所其稿多散落存者尚盈

積篋笥客歲汪子少石者取其北  
游稿刻之胡君南溪續請其家居  
者梓焉君自命名曰蛭蟻示退抑  
也胡君謂余知虛舟且雅故介紹  
來請文其端余取而盡讀之其文  
春容典雅芒韜奕奕若明堂清廟  
冠劍秩然大將壁壘旌麾森列或

蛭蟻集序

四

靈峰秀巘峭拔秋旻瑤枝琪樹璫  
映春谷至於齋淪浩渺猶岷峩濫  
觴直下輸豁雖驚颺蕩涵儻忽變  
幻不害其滔滔旦夜也精神風骨  
渾然俱融君非邃於文已乎士讀  
書明道出而濟世著為勲業隱而  
默善發為文章古今不易之理也

則茲編也謂匪道之寓道不藉於  
斯文不可哉君平居於仕進餞送  
郡國興作祠宇勅置凡所紀述往  
往著經世之論然多不自名故逸  
其稿余蓋重惜之君名若庸字中  
伯胡君名迪字叔吉尊賢尚義君  
執友也因併著於篇

蛭蟻集序

五

隆慶庚午夏六月之吉



結蟻生傳

新都山人雲門詹玄象謨

詹玄象曰結蟻生者三吳之高世士也其成周之苗裔耶案史周厲王季子封漆洧間平王阜遷新鄭采食於陳以國氏秦漢以下公族代有高行末屬居榮澤宋建炎中大司空天益公扈蹕南渡遂家於吳為山人自出之祖大父黑菴公直華於左史厥考介石公演易於博士博士生山人山人名若庸字中伯性妙悟斐然卓犖

結蟻生傳

十年就傳暗疏經義不謬悞一字竊覽玄古墳典丘索四庫六幕群書十六試邑郡邑郡大夫奇其文輒置第一十九薦南省食廩餼三試落第遄歸吳門跌宕矯俗不事繩束屢示軒冕遵先君之訓興高世之想隱支硎山中玉導檐榆操觚提槩覃精竭思遂邃古文詞賦薦紳先生咸推讓為先登先進名公鉅卿海內彈文之士爭敬慕山人吳之人士蟲豸蘭橈筍與邀請問奇歲不暇給矣往往誦法山人詩文雖覃竭精

思竟亦莫能奇也然性倜儻重交游睦族黨溫清承歡名溢里中逮先君捐館捧手澤而薰傷老母終堂貽柁園而掩泣廬結壚次一室甕牖列植蓬蒯封護壤壘嘿坐沈鬱人過廬下陋其居指山人為結蟻之居山人遂自號結蟻生云三餘乘興汎婁江覽虎丘底震澤窺洞達歷武林弔吳王之苑登嚴光之臺觴詠賡歌陶然有得會心處趺坐竟日夕縹題細帙貯篋盈車任散任留存任伯於十一者也 趙康王慕其賢

結蟻生傳

十年三聘乃起陳七賓以見以上賓賓馬誦鴻寶苑祕最詳王色喜以為復見更生於異代之下下逮率更中涓咸肅事之鄰之人士及省騎自宋屬文賦者絡繹相望若通都然四方求職山人者亦夥匹其奇謂山人高世之士者非耶先帝朝官詹程松溪冢宰李古冲以經幣安車來鄰中迎至都下最敬重之時嵩著用事勢傾中外聞山人至津津色喜計請山人往見為草玄山人竟不往見又計以鉉幣招邀之山人席

不暖幡然辭行少師徐存翁為文而錢之多所  
稱引今亦收載集末可考復如鄴編集類書  
成凡若干卷行於世且懷輕勢利故舊貴顯非  
虛已下交即至厚必卻避之如玄象以布衣寒  
素雅慕山人談文賦權古今晏日夜山人則以  
腹心交惟遂訂盟於傾蓋之間尤忘情於貨殖  
睇稱繁星參錯固辨錙銖聞貿遷泉貝刀布任  
其翔貴不問價值不屑鄙細可知已少館甥海  
上富翁翁驕復兒畜之竟携婦歸奮貲甚盛悉

結蟬生傳

三

不取後婦翁祀絕宗人為析萬金之產例執憲  
條招山人藏閣分之三至不應其輕財類如此  
生平晦跡潛光不銜技自賢名多藉代纂組精  
思咸合輟軌遑遑多碑碣之鐫刻臺省之錢送  
經籍之傳序文成可觀下至樂府雜著裨官小  
說蟲魚草木傳奇等書止刻布仟伯之什一大  
都散逸邇歲汪君良迪刻其北游漫稿胡君迪  
輯其家居諸作踵而成之可謂尊賢好義者也  
集成請標於山人山人自題其集曰結蟬黃汝

揚薛玄象曰先生謂子藻文惇辨真知言者傳  
其行事之跡以詔於後之人非子其誰耶張傾  
蓋交歎各推讓為先登也乎因考先生之自序  
云予汨沒觚翰六十載於茲矣俄頃應對無益  
於世無裨於道苦心彫鏤髮鬢結蟬日營微瘳  
不能先於人予其結蟬哉渡落明時白首休浮  
不自悟也詹玄象曰先生蓋以佔俸不足以游  
藝也故擇掖以索隱擇撫不足以寄傲也故薄  
遊以明志薄遊不足以信遠也故簞注以貞教

結蟬生傳

四

殆掩超躡之行言通乎謙矣薄海外內如先生  
者不數人顧托名於結蟬之技與莊生曰結蟬  
之知在於轉丸豈其知弗若與曰非然也結蟬  
混蒙牛後轉穢為輪用逆斯順以卻為遺爰踴  
踴而絕類固橫議之嶸嶸化為玄蟬進乎技矣  
宵人當夫誦拍詬訐駭駭駭駭駭駭駭駭駭駭  
人哉台聞言而惴惴胡謬悞以蔑真道時行而  
時止眇嫺嫺之委形思絕地而通天化臭腐以  
奇神其醜也不知其醜其醜也不知其醜為蟬

為蟬誰究豈端山人其曉乎其蟬乎我知之矣  
是故弱冠飛聲憤綏翼鳴同其文與甘澹絕旨  
含氣飲露同其清與榮祿不詘黍稷不享同其  
廉與羈逗僦舍處不巢居同其儉與待聘卻金  
候時守常同其信與比類總德游何有之鄉超  
無窮之門蟬蛻穢濁之中浮游埃澁之表離垢  
易形和光同塵齊物不貳與松喬而引齡矣先  
生以蛭蟬託迹於其始予以蟬蛻議擬於其終  
先生抱超踔之行誠三吳高世之士也豈真所

蛭蟬生傳

五

謂蛭蟬也與哉次鄭自周秦以降先司空而公  
族之盛代續冠綏蟬聯閭閻至山人而文學丕  
頌謹案史牒纂傳以族后世賢人君子撫采焉  
迺申讀曰茫茫麗屨弄丸轉輪名場殪躍大淵  
歎蒸蠹營暑苟逆施倒行太上隱者園間有人  
天運推移大塊曄曄曰蛭曰蟬何本何因能退  
能進能卻能征能穢能潔能腐能新能潛能見  
能化能生能岑能卑能聊能鳴公族翩翩冲飭  
葆真昭示來裔監觀人文 隆慶庚午秋日

蛭蟬集卷一目録

頌

擬新廟成頌

甘棠頌

靜海頌

衡嶽頌

記

張侯活囚記

東源子記

樗山記

遂初園記

雪齋記

南塘記

復軒記

河西記

坤巖記

紫厓記

候潮館記

瑞榆齋記

筠莊記

韋菴記

梅窓記

清朗齋記

南溪記

蛭蛭集卷二目錄

二

蛭蛭集卷之一

吳門鄭若庸著

新安胡迪校梓

頌

擬新廟成頌

猗與盛哉原夫聖人立極禮定夫民志明王致治孝本乎因心垂典則于無前炳璇文而默耀囿黔黎于允若屹盤輦而向安肆惟

高皇帝電掃天旗肇淮泗而開基萬禩

蛭蛭集卷一

一

文皇帝雲飛日馭奮燕冀而主祀百靈重熙仰列聖之光允殖昭一統之化九垓同軌四海無波道洽世昌國殷民阜鵠鷺咸修其文德能熙無用其武功澤被殊方更紫舌黃支之俗貢通遐裔盡四眉三角之珍太平之祥見無虐日至德之事史不勝書

武皇帝履仰成之休肆緝熙之敬宣威逆漢條並驚於雙龍結興游宜將遄罷於八駿兩堦舞羽方格苗民九服邁弓同悲兆姓諄諄玉几之

告祖訓是遊惴惴金甌之圖賢聖繼作於是我  
今上皇帝誕膺駿命茂續鴻圖太室之祥式符  
堯門之瑞斯顯外舍宗藩入膺寶曆揚龍旂而  
饗帝負鳳宸以承天繼日月之貞明補星辰之  
絕縷乃以我

獻皇帝以服析珪之列實開當璧之基謂神器  
既歸於

聖躬豈追崇之可後以尊名未逮於

皇考誠孝思之靡寧蒐采群言推明大禮三年

姑蘇集卷一

二

聚訟儼壁壘之難降一詔敷綸遽乾坤之底定  
杲日輝而繁星隱迅雷擊而土鼓崩粹然允合  
乎人心展也一根于天性弘加顯冊丕著鴻名  
廟載新列祖之傍規益隆大內之建創經綸於  
寶思敷造化於靈襟玉斗珠衡挺皇王之表丹  
書碧篆煥河洛之文七咍魚豢宗祧有翼於是  
禮定而人心悅孝立而善行從三靈協饗百工  
咸事誠聖人之能事昭代之盛節也猗與盛哉  
草野下臣遠伏海浹率舞聖化拭目無因三復

瑤篇稽首興頌其詞曰洵美漢東翼軫所麗邦  
之雄兮圖瑞告靈河嶽開幽潛真龍兮曰惟天  
枝繩厥祖武德孔崇兮繼明兩作臣妾九域皇  
微庸兮於穆元后禹揖舜步歆華戎兮七曜協  
景萬方畢軌昭大同兮迺光孝理儼謹天秩達  
由衷兮好問察邇不寧宵旰殫帝聰兮相維夔  
且疏附將順亮天工兮渙彌載申玉冊有耀名  
則隆兮芝房瑤砌金鋪鏤檻戢新宮兮籩豆孔  
碩駿奔夙夜儼在公兮訖訖八羽皇皇九奏格  
雲中兮惟皇建極作孚幽明俾無恫兮悠哉遠  
古邈彼委世陋下風兮聖孝有衍惟億萬祀曷  
終窮兮

姑蘇集卷一

三

甘棠頌

國家列省之設皆轄地數千里邇于宰庭視  
聽弗逮於是有重臣建節申厥邦憲保釐壤上  
賦役刑賞兵賊之政督率其屬專可否以上則  
御史中丞其任也壤以內安危利病曰由一人  
凡所翕張克孚民心使人幸其至而懷其德

嘗十一不至艱哉我夏公松泉寔來蒞南畿廉  
平公恕鎮靜不擾賦役刑賞兵戰之政苟無苛  
于衆無錮于理者咸能安其故常罔事更異廢  
序出納惟慎厥時不經之費皆令罷弛刺史縣  
令奉若畫一十有三郡之人長養休息不知所  
疾苦野無嘯呻渥澤旁流時海江弗靖毒厥東  
涯公神武默運遂夷元兇脅從靡劉寬大之政  
翕然江左矣平居持法不撓吏不得奸人謹  
謹知畏三尺梗黠自化無敢為鷹鷂者非公之

蛇蟠集卷一

四

弘才大畧碩德鉅望足以坐收成功哉公自試  
吏為郎曹出貳州牧轉佐藩臬遂長方岳益有  
殊勩其於楚服又以平夷冠書上功公之善政  
能使人幸其至而懷其往又不獨於此時為然  
也公方以積勞受賞天辟擢為左司徒卿將  
弭使節入司會府疆域之人若不能一日違公  
之澤迺圖松泉寓睺繫思附諸召伯之義爰采  
與謠作甘棠頌云瀉瀉皇波南東之隅江淮谷  
之奠此隩區高山崔崔坂原膺膺農殖攸萃瀛

輪其府皇軫我疆迺命上公玉節夾夾往巡于  
東公之來矣維澤霈霈需需章敷錫教乃單于惠有  
惠維何霖渥春曦坦坦貞恒寧震其施詎曰弗  
震威則孔赫執王之憲其介如石我有力作  
公無我妨我有坻京公無我戕海礫蛟鯨陸攘  
犀兕惟公之栗莫或遑肆鈞我蕃育匪公疇依  
穆哉玄功不識不知公拜峻陟往司上會我民  
皇皇若罔攸賴莫爵匪松莫湜匪泉眷言懷之  
逝將弗設松之騎驎言息其蔭泉之混混言私

蛇蟠集卷十

五

其潤靡人弗思曷云其方如彼召公蔽芾甘棠  
林林懷民孰是之慰元德履亨厥施不置崇階  
日躋漸彼國奕奕名亭千古同輝

靖海頌

天王嗣服十有九年乃東徼弗靖槐檣薦孽澤  
鹵獻珍蠢爾蜂蟻負隅盜兵或休鳴鬼瞰焚剽  
居聚或蟻濤引颶置羅商旅有境土之責者嚴  
保隘害扼其內侵四方販粥之夫無能邇郊圻  
金昌之塗群物翔貴昨庶噉噉桂炊玉食粹未

有圖上方略者惟我蒙泉君侯以鄒魯賢蒙載  
筆宰庭爰奉璽書持使者郎巡畧吳上抗跡請  
討命將選徒俾建旗鼓載斧鉞陣于東崖君侯  
播天子威信下令綏死綏厥更復脅者胥來  
惟元兇未夷憑陵釜鬻將士方以驚沒為艱班  
如不晉君侯載信援桴之義堅操獸斷族以神  
速乃仲冬旬有九日戈船抗旌猷浪濤照當輟  
莫奮鱗次授馘沉丹積水濟胥王谷長驅建舡  
直擣龜鼉之巢度劉大慙奠我遺黎若稽于田

結集卷一

六

若漁于端若飄幢于國咸適其適陽人愍寧吳  
乃大晏僉曰昇哉海江怙亂其來永已蘇夫治  
之者不道戡之者無紀貪功則戮服以蒙賞狙  
安則弛惡以藝醜厲階攸肇疇其禦諸方君侯  
之主是役也以筭則精以令則善以撫則信以  
殛則烈故順者遂其生逆者殄其類根莠悉去  
嘉穀允植匪萬世之利與故曰震虺闕之勇者  
介冑之能也審幾微之畫者惟惺之神也不決  
其枯矢乃弗發不挈其綱罟乃弗張惟茲洪伐

於若侯執上焉庸屬君侯理籍沐浴休嘉弗敢  
自昧謹拜手稽首而作頌云重溟混茫絡彼震  
方于吳之疆受輸積流瀾瀾波蒼鳴中浮以  
田以漁巢窟是依莫匪烝黎穆哉淳風萬方攸  
同以莫不蒙有勃狐鴟為昏為妖天紀是襲揭  
旂斬兵澤藪其憑詎曰敢膺聿來鳴騶懷生則  
恟惕號于公皇怒赫張天聲載揚迺受斧戕霜  
臺先猷我武惟適電掃星流舩觸奏功藉潯染  
鋒如蚊如蠛剗剪蛟鯨式晏以寧波臣不驚矧

結集卷一

七

茲元元休養萬年皇仁如天翼翼海隅銘勲弗  
渝繡斧之模

衛徵頌

太史衡山先生躋軼耄歲舍己酉仲冬六日厥  
維弧辰鄉之卿大夫士若遠爾友邦敷言崇觴  
檣轂奔奏亦既侈已往也嚴君於先生有總角  
之好被服風猷不敢以疵賤廢爰放崧高之味  
為升歌焉夫風人六義其旨畢備其道則本于  
愛敬繇于感孚欽然而萃莫可禦也有弗于先

生憲哉是故明德至斯申錫昭曰降爾遐福惟  
日不足素履順斯考祥合曰既多受祉黃髮兒  
齒引翼臻斯燕饗逮曰壽考維祺以介景福羣  
望協斯禱頌興曰正是國人胡不萬年先生植  
節髦卅脩正自閑金玉之度軌厥往哲立幟人  
紀而砥礪頑鈍馨香群物之表故明德至矣肇  
自家食入官詞林逡巡詩老窮達進退屢易途  
轍高介山立純心天游確乎不可奪也故素履  
順矣繼述則不墜佑啓則愈光蘭芬玉輝旅晉

姑蘇集卷一

八

左右維祗承先生之顏故引翼臻矣學足以經  
世文足以詔後道足以範俗邈焉東涯風動方  
夏極於蠻貊罔弗知有先生在焉故羣望協矣  
若是則先生有之而奚俟於億耶先生世衡產  
為荆楚雄郡其鎮衡嶽也靈粹凝結抽奇宣秘  
駿發啓祥匪先生其孰任哉乃再拜摛頌衡嶽  
以獻為先生壽謂夫同高峻極齊永貞固云爾  
其文曰肇闢玄黃乃陳卑高四流既匯五嶽是  
苞節矣名山楚鎮斯標靈峯嵯峨積岵蕉荒穆

穆寶洞隆隆仙署翠霞朝蒙爽氣晨駐鈞物秉  
權棲神結宇兩曜同明二儀並固誰其方之連  
彼哲人儲精含元維嶽降神為龍為光如玉如  
金文繡弗華令聞孔殷宣懿今昔揚芬遐邇以  
媚王國展也君子待制紫蓮綴辭丹史言  
懷考槃厥亦遄止乘蓬有輝明星在天屬彼衡  
峰于楚之延允哉岡陵弗崩弗騫獻瑞作朋於  
昭百年

記

姑蘇集卷一

九

張侯活囚記

張侯守衡篆之三日平反圜牆活一偷事甚異  
不崇朝里巷譁然稱快云偷衛戍士家奴也肱  
主篋攫金將亡主執箠之不死以付吏吏杖之  
復不死乃逮繫獄主賊吏俾盆焉吏意授卒卒  
寃之未忍也主復賂卒卒利賂且畏吏督夕具  
偷五毒加桎梏扼其喉而去偷未即死稍振首  
覺扼可緩迺益振髮髮爛頂扼竟緩氣颺颺出  
得不死明發卒嘯徒撒屍見偷尚生相顧愕眙



且啣其黥目語額瞬遲暮而手之偷分死矣丐  
同獄得緡錢黃醉酒數斗沈飲待盡末日晏報  
候至偷綠攪大叫候召之廉得其情處曰法偷  
不論死必以三則殺無赦奴與主屬也死且得  
未減乃今竟殺之哉命笞而遣之偷頭搶地血  
濡死不止候叱起再乃躍去嗟異哉偷一蚩蚩  
耳與不足援儲不足衛畫不足周丁主之殘吏  
之酷審其為枕上肉也冤乎哉卿非侯無死所  
矣而竟若是豈匹夫不辜天固慎重若有鬼物

靖遠集卷一

十一

者司之否耶天斬其死而候續之蓋有孚於明  
明也已將不有後侯如于公者哉方今天下不  
一獄冤不一偷奉法之吏不皆僕也偷亦幸甚  
矣昔人有謂錢至千萬可以通神駭弗敢發在  
昔猶然況於今乎悲夫賦之弊法也久矣因述  
候事以儆於有位侯名璠吳騎都尉不名主吏  
蓋諱云

東源子記

嘉禾之指邑曰禦兒地為東南沃野傍多陂澤

北挹具區東際溟瀕若晉之脉襟帶其間葉子  
元卿居之剡剡利涉紆折容與若有得于水也  
則曰堂坳蹄涔或勝芥焉方舟而濟溪壑至於  
海餘艘樓櫓不足負已夫猶水也堂坳蹄涔不  
得為溪壑溪壑不得為海昧者喻之視厥所存  
迺自謂東源子以尚厥志以告鄭子鄭子曰善  
夫子是志與帝臺之華瀝觴于崑崙達于江淮  
河漢滙于海裔于析木人力弗能壅天時弗能  
涸呼吸元氣摩盪日月古今惟然者其源爾也

靖遠集卷一

十二

至其支散汪濊朝盈而夕除若滹澮焉固矣足  
恠是則水也已矣可以語學子學道者盍觀其  
時佔傳鉛槧僅足闢古人之樊援剽奪其詞粵  
以辯焉相為長雄橫驚六合或獵取華爵身都  
榮名則沾沾自足謂學之道盡於是是誠堂坳  
蹄涔然求為溪壑且不可得有為東海若之  
竊笑矣乎是故不學而能不慮而知厥有乘襲  
本乎天性志于是成章而達固知其不壅且涸  
矣其於堂坳蹄涔也何有葉子唯唯遂為之記

樗山記

陸子九臯游于震澤之野得畝丘焉水喬而榮  
樸蒼而苑囿輪紛數千章蔽天若歷闕人代而  
弗拜者升而睨其傍層巒樓嶮蒼然摩霄或濯  
濯焉童也而茲丘之林僅存陸子異之間於澤  
之叟叟曰子弗知樗山也夫夫徂徠之松新甫  
之栢孰曰不美明堂建章湏之率弗適斧斤之  
患樗之為材擁腫卷曲不能繩墨規矩大之無  
棟梁榱桷之具細之無輪轅弓矢之資立之塗

陸龜蒙集卷二

七

匠石之所不顧蓋大而無用者夫是以存他山  
之材非梓則杞耳惡惟其不濯濯然童也子曰  
甚矣茲山之似余也哉翠以羽戕犧以尾殺龜  
以靈故焦蘭以馨故燬善擢者害之府也善庸  
者禍之國也古今天下滔滔皆是故曰犧尊青  
黃惟木之灾余生無漁人之智無臣君之業無  
及物之壻無干祿之學進不得取尺寸于時退  
不得攬謀斷於其儲鄒落穹壤無所於用日汶  
汶焉裴葛藟之僅適已矣而無敢望于他余

亦幸獲斯以自全甚矣茲山之似余哉  
嗟乎夫子之不自能乃所以為能夫子之不自賢  
乃所以為賢也吾聞夫子耳無善聽口期期不  
能語叩其中惔洽而有文屬筆壘壘弘然以肆  
也尤精古書法畫史物來而應萬慮弗舛彼聰  
於聞蟻辯於懸河去夫子抑遠矣夫子猶若歔  
焉豈所謂與道浮游無毀無譽一龍一蛇與時  
俱化而無專為者與陸子嗒焉不能復因號樗  
山以志所適

陸龜蒙集卷二

七

遂初園記

揚州多沃野畦畛漫衍無靈山邃谷冥棲之士  
往往自力設援疏渠昇石樹木鬱然成丘故名  
園之勝甲乙洛下高子世化世以科第雄長茲  
土華腴累洽平山司徒嘗闢居第之偏為園而  
聚谷光祿實繼之瑰雅環秀為揚之冠光祿死  
數更大故乃蕪穢不治高子始九齡弱弗克樹  
時時觸蹈榛圯咨嗟惋慙若弗遑處踰十年志  
銳力完爰度故疆拓而維新之前列三亭中翼

而南巖為涵暉左驛灌木規其寮城而相比焉  
為駐景右則簣簪百枝四統叢桂為攬秀攬秀  
之北屋三楹丹雘藻繪圖史參列為小谷精舍  
東有崇軒頡之其制成若為息賓中為門負涵  
暉北啓顏其上曰遂初其內疎樊曲檻奇花異  
石環布位置各中天造委蛇磬折涉者成趣焉  
拂之人譁然羨之且曰高子誠無忝於遂初耳  
矣高子亦忻忻然得也嗟哉是則高子已矣乎  
天下之乘除盈縮譬則旦夜物極而反於盡恒

姑曉集卷一

上

也然亦有可恃而永存者固默行乎其間而不  
可尼昔者金谷辟疆之侈埒於王國天下膾炙  
之使其有賢子孫必不能僅存於今亦明矣高  
子之遂初固將輕重于茲園也哉子方以英舊  
之才邁往之氣俯仰鉛槧而充之延聲光襲華  
耀夫亦染指于斯矣無惑乎忻忻然得也頃余  
自吳都來遊于茲求而得其志因其請作遂初  
園記

雪齋記

雪齋者歆汪君鳴和別稱也鳴和旅吳與余將  
時造之居特消繁屏黜文緝棟者以素墁者以  
望匡牀楮牖虛焉生白鳴和手編書怡然而休  
余惕曰渴哉風霆雨露霜雪霰雹所以裁化而  
育物故玄冥秉馭滕六效職厥宜三白告成功  
耳維陽高卧程門儼立君子履道而維其逢蹊  
以暴之然匪意也君固意矣乎君曰否曰馳興  
剡曲則宵征不憚縈思灞橋則永言莫違亦足  
繡藻諷詠流渡丹素斯其人意矣然非恒也君

姑曉集卷一

上

固恒矣乎君曰否曰維子列祖稱梅軒翁者獨  
行抱志尚友適叟故疎影水濱橫枝竹外寔寤  
寐焉負手曳杖於封條彌野之際夫亦習已孤  
標雅望尚哀然歛歛聞君將繩武於茲而憲矣  
乎君曰敬諾夫子進之余惕曰淵哉先王之教  
立愛始親訓敦本也物本乎天人本乎祖詒教  
攸在不忘為難夫汪有世望而翁克亢宗式穀  
似之惟君之嚮匪孝思弗置與是故齊者存乎  
孝者也卧者止乎節者也立者純乎敬者也游

者循乎達者也。卧以弘節，立以廣敬，游以信達。遇斯得已，奚恒邪？孝固恒德，不可以間。是故顧謐於齊也，觀於心，不觀於物，非道也哉？夫是則錯行代謝為時屢遷，而罪瑛積素，嘗不外几席間矣。君益恒哉！其無弛於斯君曰：敬諾，請余書記之。

### 南塘記

大都護西安南塘雲君以武功起家，至秩二千石，世祿秦中，燁有殊譽。秦中改西徼地，夷獠雜

結集卷三

十六

處，獷悍難制，內訌外侮，竊發不時。秦之民恐，恐無虛日。矧熙洽太平之餘，武備日弛，銘功之家多統袴不競，蒞事者無赫赫之功。君英毅奮發，閭閻厥官，自衛騎都尉至叅督府所至，罔弗卓有所樹立。今柄旄鉞，坐鎮皋蘭，屹焉長城，帶礪茲土。西人聞雲將軍在邊，皆嚙指辭舌，相戒無敢言堅利者。君儼然版屋之上，與民休息，使朝堂肉食之人，率無西顧憂，亦艱乎其人哉。君守西安時，嘗治別業于南塘，擅禽魚水石花木之

勝文軒綺寮圖史，叅列職則反戶順神，手事鉛槧，探索理奧，觀古今成敗，或招嘉賓與之釣游，觴咏樂以永日。乃自謂南塘人，亦因之。今天下之人聞稱南塘者，無弗知雲將軍也。匪其才優于政足，以自逸而能然哉？君方擁重鎮，連徼址，鄙羽檄紛錯，烽警交驚，剿裁應接，迎刃不留，而又善撫馭士卒，感奮用命，故不待隻輪鏃矢之煩，向之獷悍難制之人，莫不垂首帖耳于案牘耒耜之域。古所謂大將有不戰而屈人者，君非其人與？余少長江左，涵育文治，所見武弁之士多驕惰自廢，不良于職，有受賞于上者，亦多以薄書期會為賢。惜金紵朱若無所事，即有小警則相顧駭愕，莫可為計。尚奚取於赳赳干城之才也哉？其視雲將軍何如也？余客吉子晚，嘗成皋蘭，為余語雲將軍事，請記南塘，余嘉其人重有感焉，因書以畀之。

### 復軒記

汪君應化，請記復軒。謝氏之稱曰復軒氏，年富

結集卷三

十七

而志充業崇而氣下礼恭而言訥跡隱而名章  
惟其居罔弗知惟其弗知罔弗比故居者咀其  
華比者服其休遯罔弗謂復軒氏賢是以敢  
請余曰嗟復軒氏車牛是役趨羨殊土居諸之  
代川原之邈有不曰惟業與梓每懷靡及者乎  
若是以復曰否曰復軒氏少慕祿仕長汨於奇  
贏之會泯焚旦夕枯焉反覆有不曰履錯之敬  
存思于介覲不遠而修者乎若是以復曰否曰  
復軒氏襲冠纓之後往以炎灼邦族其耿光烈

蠶集卷一

十八

烈也有不曰興墜震靡以承前人之休者乎若  
是以復曰否夫復軒氏根乎誠者也其曰尚誠  
則父名之其曰子立則賓教之其曰復軒則已  
誕之誕而弗忘幾於不失以克有聞故復軒氏  
根乎誠已敢重以請余曰至哉夫實理流行真  
實無偽物得以生其貴也不鑿理出于天皆倫  
于人物得而名其貴也不貳始而元亨久而利  
貞由通而復其貴也不息不鑿故其秉純不貳  
故其立貞不息故其復嘉此聖功之基昔賢所

以教也復軒氏其善學也與哉夫或有有初之  
戒則奚不曰反身而誠樂莫大焉惟汪子以告  
庶幾復軒氏慎之以無間然于知之比之者

河西記

松陵柳子文卿居邑西郭長河之浹垣屋言雅  
樊圃幽曠蛟潛螭屈徵嘉遯焉河之流注茲松  
江西汭震澤東極于溟海葭葦蒙茸島嶼縈曲  
湖上群山參差互立煙雲變幻晨夕萬狀柳子  
時俯回塘抱膝獨咏或携小艇醉呼白鷗芳洲

蠶集卷一

十九

之上扣舷而歌曰採蘋花兮擊清漪河之西兮  
可以樂饑綱羅高施其曷我懼非歌曰天地逆  
旅兮光陰隙駒青山可對兮白雲為徒侶魚鰕  
兮騁旅蒲河西之人兮其莫可呼耻谷子過而  
問之曰異哉子之為道與夫遯世離群之士鴻  
冥以為高鳳飛以為瑞其視人境若將浼焉是  
以箕穎樵謝奕世而名崇商巖靡終詭行而節  
廢斯亦不可誣已今子居屢煙井不絕耳目之  
役帆檣之所會籌筭之所經日紛紛焉夫豈有

楚然之音乎而固謂能遺世者邪柳子曰未也  
吾知吾河西而已莫睹夫世之所謂汶汶者也  
嗟哉子所以蟬蛻濁穢浮游塵埃與棲其身弗  
撓其真安于內而遺其外非有道者不能而子  
則獨能之曷愧哉語曰大隱在城市若子可以  
稱大隱矣安得遂起漆園招河上公與子徵之  
柳子躍然曰有是哉夫子知我也請自號河西  
因志所言以訂于後

坤巖記

吉曉集卷二

下

新安歙也胡良卿甫少服賈事有聲江淮間  
過吳門因謁者介贊登賓階且自叙其別稱為  
坤巖請予記問之則曰坤歙之名山胡氏聚族  
于茲者二十世矣今余事舟車之役有畎澮而  
弗獲荒以闢也有棟宇而弗獲休以紓也余之  
懷茲山而弗能暫以息也故於所寓則頌之所  
至則稱之夫亦著夫弗忘耳矣余曰異哉余聞  
歙歙之山坤居其一想其巒嶠層複岩壑空洞  
崕岬翠律林樾之所蔽雲霧之所蒸子有衡門

考槃其下則其謂之坤岩也亦宜今余聞子之  
廬則康衢之塗有輪蹄焉登子之樓則利涉之  
川有汎濤焉瞰子之室則紛乎鳴篳角弄者踵  
相襲也惡睹夫所謂巖巖者哉曰不然慕山而  
謂居必于山者尼也去山而謂居猶有山者罔  
也故吾之睹茲山也以意而不以目也故吾之  
見山於吾之廬也知其有而不知其無也羨墻  
視堯夢寐揖旦豈謬悠耶吾聞諸大易云坤之  
象為地為母百穀草木麗乎地人本乎母斯不可  
誣者吾胡之祖若孫藝斯而食蠶斯而衣蓂衍  
而未艾而吾復早失恃瓶壘依依有弗克置王  
公薦紳間嘗以慕豈呼之故吾之憫然於茲丘  
者有由矣則吾謂之坤岩也其誰曰不然余有  
聞矣

紫崖記

吉曉集卷二

下

歙之聚其一為潛川潛川之陽有山鬱然而秀  
曰金紫懸崖壁立峭若連障煙光霞景蒼翠互  
出其下院祀宋秘書丞汪公子孫真厥居焉夫

越國剖符唐家金版玉冊照映百祀公玉水之  
六邑之汪維世越國金紫之居乃出二承其人  
皆彬彬禮讓克揚先休至遂甫為善士奉若厥  
身惴惴弗違其與人退焉若畏有言恂恂若弗  
出諸口也其事為廢著能不沾沾為賢人之習  
其居吳門吳門之俗浮夸易靡遂甫不為亂又  
多樂游英賢章縫追趨由由焉耳矣其稱紫厓  
齋居揭之顧諟弗去或曰遂甫植四方之志東  
觀海岱千巖萬壑有蒼厓竦秀者乎跋而望之

嵒壑集卷下

廿二

粉榆在子賜矣或曰遂甫壯事丹頓今髮種種  
倦游旋歸考槃矧阿展也乃心邈乎遐哉是匪  
其志也夫堂構播獲非古之艱惟今之艱越國  
伏劍草昧迄于裂土穆穆元侯光被四裔秘書  
升華蘭省司藝允諧啓爾後人曷不煒焉綺襦  
之漸有弗勝其任者遂甫率厥攸行弗撓厥志  
明明烈祖是憲是繩將不撫平泉而思戒睇磐  
石而流涕乎是故不必足蹈蒙蒼手捫蒼蘿戴  
瞻紫厓孰得而障之語曰良弓之子有不為箕

良冶之子有不為裘遂甫之志謂無忝矣遂甫  
名顯良蚤能以孝弟聞克自表見云

候潮館記

古者列國皆設候人職廬館以待四方之客重  
賓旅尊王制也國家於通都大達郊關之地莫  
不有驛傳遞舟楫供帳餽餼役徒之具甲乙之  
等迎送之節令格秩然貴臣上使旁午而出其  
塗咸有所歸司土之吏得以展敬修禮維是之  
藉故其事於為理甚切且要至不可弛窮鄉支

嵒壑集卷下

廿三

邑額罕建置境之牧長因襲而與代亦不乏焉  
崑山指隸蘇郡相距二舍許東連屬徽更二百  
里貴臣上使輻輳輪軸卒由茲者晨以夜繼  
邑西故有宿館肇創于宋元祐間其東則鴻壤  
港木蒼蒼彌望又地當婁江之濬後引具區前  
輪大壑潮汐升降舟行以為節巡巡徑恒多  
野泊其所謂迎送餽餼展敬修禮之際亦無所  
於舍稱病久矣乃宋侯陟臺視縣之二月政通  
人和志舉百廢遂相度厥墟購地于民取材于



公徵役于暇筮日庀工築館告成為堂三楹櫺  
櫺棖檼靡施藻鏤垣墉車門畢于堅塗於是望  
者樂止即者思憇凡事事于東胥有所焉爰顏  
之候潮以示實也烏庫是不可觀侯之政哉其  
事易故其惠流其制簡故其儉昭其名覈故其  
信孚其禮達故其敬著一舉而四善具矣方今  
天下郡邑隨牒之士多務征科獄訟之急於斯  
舉視若緩圖故雖通都大達寺弊如褒城者奚  
啻十九況於窮鄉支邑邪邑西之館始作于宋

姑壩集卷一

廿四

曠然百世而東門之役若有待於今日斯其人  
何如也是又不可觀侯之志哉邑之人僉謂宜  
伐石以記俾是道也將訓于後列其事來請遂  
為書之

瑞榆齋記

王君為燕居之齋既落成予造焉夙予以入由  
謁舍之右文棟塤墻丹檻綺䟽眈眈然邃也其  
顏曰瑞榆予詰焉又夙予以出由門扉之內其  
砌有榆厥條虬暢葉乃沃若欣欣然榮也是奚

徵哉君曰昔者吾母之為家也其績也勞其贊  
也審其培也滋其詔也裕乃寢乃休有興廢啓  
後之圖有告符于夢者若曰園有藥矣兆維遂  
矣培之遑之俾勿闕矣晨而薙者入藥者見以  
告諸母母異而植之門盈咫也而漸長矣尋丈  
矣今哀然林也吾竊幸焉榆信林也藥而蒙等  
夢焉耳鄉非薙者之識弗見也薙者能見夢不  
先歟吾母弗閱而培也故使母能夢而不能識  
薙者識而不知夢夢者感識者見非神哉母今

姑壩集卷二

廿五

往而榆猶蔭吾門業幸未圯是若將詔之以興  
者而謂之非瑞可乎余曰俞哉草木之榮本乎  
天而麗乎地其盛衰也繇乎人故桂以寶薈槐  
以王茂咸兆也咸瑞也然咸人也而長之極也  
天焉其誠神哉微瑞于榆存榆于齋吾則有取  
於君

筠莊記

高子少讀書晉陵之野有墜焉其周為畎澮行  
為町疇澮為陂澤皆綠以竹箭嫋娟蕭蕭望若



質管之谷然不得造也徑以達中乃夷然為門  
為堂為齋為塲園廡廡樊援之屬亦皆緣以竹  
崇卑踈密咸適其宜高子始為經生弟子出居  
業庠校入事位俾玄覽遂討學益深詣人皆重  
足朶頤政以圭組而高子窮居節華不以為憂  
未嘗有躁心焉則曰吾其堅忍獨立以無逢時  
哉猶吾莊之有筠也因稱筠莊為詩文曠視前  
代而書法流麗俊逸故筠庄之名徧江左已而  
登鄉書升胃監俶綰銅墨遂佐郡符再晉為藩

增補集卷三

廿六

相雍雍于信志行道人皆想望風采而高子  
卑牧鳴謙不以為喜未嘗有侈心焉則亦曰吾  
其堅忍獨立以無逢時哉猶吾莊之有筠也故  
名益大徧而筠莊之稱日益章方茲挂冠言旋  
三徑猶在杜門寡營尚友標鹿視世之紛華聲  
利猶溷溷也君子曰甚矣夫高子之似筠哉遠  
而弗厄行而弗揚我操其恒時乎翕張記曰竹  
箭之有筠謂其文也若高子宜乎其文已余友  
梁子野雲與高子友為余道筠莊甚習故樂記

之余方俯仰林樾邈懷清風尚期乘春帆絕具  
區徑造乎所問此君無恙更以斯言於高子質  
之

韋菴記

溪南吳子吉修家食燕息有遽稱韋焉廼車牛  
服賈四方旅于處亦稱韋焉無有遠邇名韋菴  
知吳子也吳子以告余曰放諸佩乎佩韋非古  
也自夫西門氏之懷也而思反焉今弗覩子行  
行若也巖巖若也容溫焉而已耳言訕焉而已

增補集卷三

七

耳中退焉而已耳其天也哉固子之得於韋者  
與子抱痛弗天覆育聖善嚙辛茹荼埒產益熾  
平居恂恂繩趨綳止無殄行以凶于家危于躬  
僂于其親於韋也則將安放箴癢迄樹操心慮  
患遽閑是慎戒厥包桑履霜者子甚習已厥母  
氏以冰蘖自厲慈節有聞子也奉將罔弗盡悴  
象賢承志敦柔道焉永言顧諟詎言弗宜哉償  
余有纖唾面若蔥君子不謂之儒深于養也三  
戰而三比君子不謂之怯屈于親也可以範子

矣然求諸子靡依而立有獨行之勇不惡而嚴  
有剛明之義是故非天者也善反者也余聞焉  
高明柔克陳範有辭文明柔順翼易示訓子將  
高明以立韋之體柔順以適韋之用而趨變隨  
時允執厥中將無施不可匪直沾沾若西門氏  
之為也張子房魁梧奇偉而狀貌如婦人女子  
有得於韋宜莫如是敢以進子子曰善遂為之  
記

梅窓記

暗曉集卷一

大

吳郡西之數曰具區其端皆大山層巒複嶺繁  
紆綿亘中多居人率藝梅取實歲食其利凡畦  
圃庭砌畎澮籬落之間吹香弄影往往而是然  
每花時豪人雅士藍筍舴艋游眺相襲目恐弗  
逮山之人則畧無異焉視梅若桑柘麻果然豈  
其不知梅之貴與抑與之習而相忘焉者邪余  
與盧庫部少谷結社游覽踰月不入城湖山之  
間適與梅值陰晴昏旦風雨雪月景有所接心  
有所會標格香韻咸得其真時時徘徊瑤林玉

樹中眷眷忘去顧茲山之人同調者寡陸君子  
明竭來追從周旋弗舍似愜深好心竊訝之暨  
造其廬綺寮文窓古梅交樾內設幃榻參以圖  
史其顏曰梅窓蓋訝焉夫陸君猶夫山之人也  
宜與梅習習則相忘而不知所貴乃其意向亦  
猶豪人雅士乎哉豪人雅士於梅不習而能知  
故遠而相求山之人習而不知故近而無所愛  
亦恒也余謂陸君賢於山之人已矣夫同心相  
合同道相慕匪人則是固有不言而喻者昔  
賢亦曰同梅而清清在梅前同梅而香香在梅  
外不識陸君亦真有得於斯與否

清明窩記

暗曉集卷一

元

今天子踐祚之始百辟卿士咸宣其能翕然允  
釐贊中興之治者時則少司寇執齋劉公寔維  
明諧祗肅邦禁為上倚毗嘗錫以 睿廟宸翰  
文曰風清月朗用示優獎章公之善蓋公直亮  
清慎門無私謁筮仕卅載秩登上公而家徒壁  
立居無華享清風高節信足以披拂當時炳耀

來裔也洵乎懿哉公既謝歸爰構樓居恬休頽  
齡乃以天藻揭諸其楣其下藏脩之室曰清朗  
寓其侈上之錫示已之志裕後之訓遺安之圖  
皆燁焉昭已足匪公之沒而永存既遠而彌光  
者邪公之元子今由賢科官御史董仲方主政  
水部季亦彬彬穎見胄監鴻漸仕版駁駁未尼  
又咸以藻躬飭行有聲于時蓋皆克副公之志  
昌公之業視今之世緒有遺榮者也魯穆叔曰  
保姓受氏以守宗祊世不絕祀無國無之祿之

南溪集卷一

十一

大者謂之不朽今不特世祿且世其節俾公之  
心跡有賴而存誠若清風朗月顯然穹壤之內  
披拂炳耀恒久不已直將以太虛納宇八荒為  
闢劉氏之道可謂永昌而不朽者矣有以區區  
一窩之限哉余姻陶生與公之子國學同業成  
均介之來吳徵記於余余蓋嘗高公之節而且  
幸公之澤不泯也為之記

南溪記

余平生樂與歛之人士交歛之人士多亦多好

余于其山川井落生聚之所咸得心記若身歷  
者邕塘胡君南溪通幣往來越三紀矣胡君嘗  
與余言厥考近山翁沒時君甫九齡家已中圯  
與母兄居纍然釋子也然負志甚異長即從人  
習廢著漸能自力為毋養趨時上下銖校寸累  
業稍稍集會世仇家訟甚對狀連歲月家盡散  
伯兄商死南陵蒲伏往歸喪贍兄嫂若孤女孺  
猶幾不給因白母入吳門居織文轉諸北徽所  
至遇以誠信無苦腴削龍斷人爭比之業復振

南溪集卷一

十一

恒題其次舍為南溪且自稱余意其所居金竺  
山下邕塘之墟長溪亘之君少所樂游而未之  
忘也間質之君邑然言曰吾母中歲不天屬有  
四方之役不得旦暮躬救水吾祖父息繼咸在  
叢塗未獲亟翦松區遂畢冢藏夢結神駛若悻  
悻不能去將託以顧諟勿忘而遑及其他余心  
高其義未暇為記述亡何余赴趙國君聘居漳  
南又轉寄東郡餘二十稔再覩君清泉則業已  
大振歸獨葬其祖若兄及姦嫂嫁其嫂之女時

毋已沒合窻于父近山翁封樹甚周大治垣屋  
恤族睦隣市義窮塞族人嘗售以室竟居沒之  
亦弗問問入楚與楚國諸侯王交以其孫文祥  
尚主時稱南溪籍籍有駸聲君視縷言余相顧  
太息且曰間歸吾鄉見山川澄鮮桑柘蔭蔓長  
溪曳練可濯可湘禽魚飛躍光影下上侶諸童  
佻釣游放歌邀嬉樂而忘反竊意南溪脈昔者  
懷思識之若二焉余哂曰斯遇也安危憂豫之  
異其情故其跡從之豈謂茲溪之景象能二人

蛭蟻集卷二

三

哉記云樂樂其所自生禮不忘其本若胡君謂  
知本已作南溪記

蛭蟻集卷之一

蛭蟻集卷二目錄

序

送柳村陳先生掌教雲陽序

東湖詩卷序

送陳子萃卿北上序

賀韓生士齊入郡庠序

汪學間先生壽序

居母姚碩人七十壽序

送我陵許別駕序

蛭蟻集卷二目錄

懷生述感詩序

郡丞黃大夫六十壽序

上園詩序

雲野序

送兵憲范公赴騰衝序

送龔子內紹序

刊尺牘法言序

觀成集序

古岡草堂圖序

大將軍萬侯鹿園入叅漕府序

南園詩序

賀叅府王君海山人掌南都禁兵序

陳梓園先生壽旦序

送胡君龍山赴京師序

天山記序

賀守拙湯翁八十壽序

汪慕泉誕序

蛭螭集卷二目錄

二

蛭螭集卷之二

吳門鄭若庸著

新安胡迪校梓

序

送柳村陳先生掌教雲陽序

開封陳氏以世德領聞厥土紱冕相襲暨于中丞哀然望也中丞之仲子柳村先生少負奇氣植志下幃績學藻行敦履士類其在庠校已彌聲津貴間顧獨窳穰棘試屢戰輒北迺以計

蛭螭集卷二

一

偕詣天宮得牒司訓吳邑人或以抑畧為惜先生弗愠也迨蒞事要求有法克以身教俾人知明體適用無事躁進錄牒之士咸知所趨漸弭雕繪雖職在裨貳若不得制然其道行志信曾莫可措故先生於吳稱能官焉居六年擢司教丹陽人或以跨騰為快先生弗懌也由其弘大之負淵深之學醇正之氣疆執之守養之於素者浩然不虧故於出處高卑通塞無所不裕非謂有道之士乎哉丹陽古列郡大與吳埒先生

行以教吳者移之有不丕變者鮮矣繇是以賢勞晉陟為天子惇典庸禮敬敷錫民將不於先生望哉方今天下庠序林立三德罕興惟章程縻文上下並驚師儒之官莫著懋績士習凋敝日以不競求其能挽今為古非如先生不可也故吳之大夫士及先生之弟子咸重其去比其行飲餞于郊外而重之以言

東湖詩卷序

東湖大都護錦衣陸君之別稱也陸世平湖聚

陸世集卷二

三

族號號多以甲科起家臺省岳牧聯藉仕版文章功業樹望中外乃君先公爰自潛邸夾日以升輔翊景運為今上陛下倚眷虎符玉節克懋顯功君倣綴學制科更就武舉延登上第奮有茲秩握堯禁旅翹然執法聲績弘播晉冀渙也非克類象賢哉爰標東湖凡自京轂以及遐徼固弗咸若若曰平湖嘉禾指邑當澤國之隩群鰭所經衆沍畢匯東負輪經西亘具區迴際郊圻宅厥壤土崔汀蒨淑雲帆煙櫂晨霏曙旭

天影上下湖之勝惟君所游處厥輔立德矣乃今飛翔紫運委馳法從文謨武略胥惠玉國有懷靡及弗遑于寧湖之勝惟君所寤寐厥基達道矣立德者行乎家也達道者行乎國也行乎家故止乎孝行乎國故止乎忠是故如玉如金純于天經克允厥宗惟梓桑之光不曰東湖之有吉士哉桓桓匪躬如虎如熊媚于天子以楨邦家不曰東湖之有蓋臣哉夫居不忘孝出不愧忠地之與人相為駁發是故君之謂東湖實

陸世集卷三

三

乎聞已嘉禾連壤吳門諸大夫士皆嘗登朝君于處于行咸有所試國學陳子茂卿又於君通家也卷則陳子為之諸大夫圖之咏之卷既成屬余叙其事

送陳子萃卿北上序

陳氏以顯顯學名吳中垂五百祀其人率跡尚醫晉陟華秩明興益彬彬不置迨春齋君尤追躡表見稱亢宗嘗典御藥及視院南北以右納言老于鄉且沒矣其子萃卿今仍隸籍太醫

能絕嗣世業英敏克類居京師聲籍起朝貴  
中其進未艾也客歲冬歸省其母夫人方還都  
門謁余行僕馬矍矍子飄然無倦色志若甚銳  
曰壯哉行乎子席世澤之餘盛齒抱藝游京師  
其地萬國之會也猶良賈居市南金和寶靡不  
登用矧於人耶子能奮其志紆其所長芒利之  
器事事迎刃末穎畢見將不有知子而挽之通  
津者乎榮名顯仕立足自致其進也奚難哉然  
余往聞子先君在朝列其蘊粹而不銜其執下

鳴鶴集卷三

四

而不揚其赴人勤而不求其事上寅恭而匪懈  
其奉職敬慎而不失殫厥事事無急功牟利之  
心故信友獲上其道大光完名保節終其祿位  
夫亦偉已子蚤業進士博綜群言益精濡染淵  
源之學凡所施治輒奏奇績跡其所向何患不  
濟患或持志之太峻攸行之太嚴耳苟能由子  
先君之道紆徐緩頰守以誠敬他日將有赫赫  
于京師遂都華名享高位揚春齋君之烈益陳  
氏之耿光余日望子矣固曰其進也信奚難哉

萃卿唯唯謝越翼日牽車北轅乃就郊輶申斯  
言書而贈之俾萃卿服焉

賀韓生士齊入郡庠序

昔者先王建國君人黨庠術序之設為制甚詳  
邇年視放就倫立科倫比以七年覈以九觀于  
大成長善育德化民易俗道莫尚焉是故官必  
先事士必先志貞于志慎于事與于教安于學  
古人造士之意其弘也哉隆古之士先於立德  
動衆化民無躋其緒逮身顯而名章學官之具

鳴鶴集卷三

五

敬敷而已叔世尼舉選之法人始視黌校繇所  
通塞若嚴閑然梯祿采榮率此橫鶩其來漸矣  
我明獨以科目揚摧賢俊士弗綠此者並列  
異途師弟之傳習有司之衡校修辭振藻爭相  
激叩學士之尚蓋沾沾然也惡聞其所謂先志  
者哉今陛下首攬乾樞亟先教事屏黜華縉  
歸諸惇實八閩之風翕翕丕變於是董學重臣  
咸求稱上意郡縣錄牒恒慎其選士皆兀兀  
咕嗶不得脫穎自見願一繫學籍若升危科廡

史午山馮公適歲大比視學茲郡傳蒐七邑甄其尤良者凡若干人鄉之抑阨皆顯然舒余里中韓生士齊以上列入選補郡庠弟子里之人謂韓生有采榮梯祿之漸以為賀余獨知韓生之志不止於是也生宋名臣蘄王之世其嚴君雲丘先生以醫術雄長于時雖微俾并聲望亦籍籍足重貴生能由今之學行古之道惟安而親惟樂而信動衆化民綽有餘裕至于身顯名章掇取科第直筌蹄爾其為榮也有不光大於

結蟻集卷二

六一

今之人哉生嘗抱奇志將必發率于斯故於敲篋之辰書以為韓生賀

汪學閒先生壽序

舜江汪先生學閒嘉靖丙午八月躋齡六袞厥胤子化秩燕夙賓稱觴于堂其倩明經倪子汝方謁余言將歸祝之倪子嘗傳經江左時與余劇切文義雅相昵善故獲聞先生賢曰汪為舜江著姓綿緒至邈先生少稱亢宗綴學振藻彬彬穎見為流輩所推顧家壩弗克售遂決意謝

進取尚志貞遯視世之紛華靡麗沾沾刀錐若或染也乃隱居東山之陽嚮爾郊墅無喧囂輪鞅之彙雲峰煙嶼渚禽沙鳥會心娛志無適匪樂貴戚重輅萬鍾千駟一不撓其中先生復孤介直諒傲睨今古不能脂韋泚忍與時上下浩然獨往將終身焉子化方瑰偉黌校鴻飛有階厥季子過象賢惟肖期于底績先生以高年逸享其成若罔事事者矧其植德藻行浹聞鄉邦孝友錫類抑振振不匱也幾與哉是故先生之

結蟻集卷二

七

壽也乎今之人動以日月山川觀齒黃髮為禱頌之憲謂可傲於天而不迨其躬求之於人而不質諸理余竊惑焉則固曰敦順以裕之逸樂以綏之錫嘏以助之裕者業之謂也綏者修之道也助者順之祥也業臻而能保志靜而不撓德博而不匱三善具而壽存焉是故天之所畀與其身之所邵蓋有充乎其莫禦者矣非先生之謂也哉倪子唯唯請登余言而歸

居毋姚碩人七十壽序



居氏世家金昌之里族姓最著其彥某君某以明經籍學官恒試有司異等棘戟輒北竟弗售抗節級學植名章終終其身業且不堯厥配姚碩人寔惟贊之內懿宣播翟弗尚焉其誕二女子長歸欽余君汝質慎纓其季會鉛山方君東洋受少府牒理崑山求配于吳碩人器君賢以季女歸女歸而贊方君稱宜家且時裨于理故方君謂碩人有遺教也益德之迎碩人于官俾就祿養未幾方君陟宰零陵以愛去再補昌化

時髦集卷十

八

咸以碩人俱方君以吏治上績晉刺昆陽念碩人老不任更涉即自免將規養于家碩人由願敦裕高年無恙今七十矣杪秋之晦日維受陽汝質先余謀介辭以祝余恒聞苗夫人前識章南康之貴屬以愛女竟食其報若碩人之賢培之陳涉富有國上不禮其婦翁若方君之義過之是故信碩人之賢則凡以為婦為母宜何所不善充方君之義則凡以施諸其親逮諸其家宜何所不厚於是可觀德矣古之君子驗積

祥者于人之履貞履者以順裕順者以德故大易曰視履考祥又曰天之所助順也方氏有二胤子皆習業制科雋厥膠庠繩嗣世緒其來未艾碩人之享方氏之慶將不有永哉汝質持余文以行當必有復斯言者其無余謬

送我陵許別駕序

許子我陵倅南安三年宅心以畏蒞政惟敏底厲刻廉苞薙蠹鉅俾吏不得姦法民罔淫朋政通化洽賢聞上浮軼厥庶官於是藩臬之長監

時髦集卷三

九

司部使者交賢之會詔下徵江西貢幣藩侯出膏錙五萬徵許子護作于姑蘇惟他省歲幣卒辦茲土大駟黠徒舞智規利營營其間以為恒蠅喚螳遂非有卓然之照介然之守是鮮不償事者許子始受檄三讓而行入其疆慎帥攸屬戒毋爾奸審授而嚴課之林迫之徒無所於售則損直以益許子不能壘則挾貴以請許子不能倣則講張以器許子不能懾乃自信益勗授者獻誠課者效績期年而告成與人咸曰許子

之政似南安矣其心也畏其事也敏其操也廉其繩也教其下畏上而不敢抵禁其庸也巍然故許子之政似南安矣然鄉也禪而制今宰而專故其道大信名益章以宏吁其諒哉許子方將轉幣天府當蒙顯褒受大任欲觀許子之政將不曰有所試也夫于其反執此以錢

懷生述感詩序

正德己卯逆濠稱亂豫章率戰艦將窺江東天兵扼其上游實艦以薪烈火而鄉之賊衆大潰

懷集卷二

十一

有司緣江端陳兵以遏逋者輒受俘焉吳門董子璠與其弟璩乘商舟于鄱陽為賊所劫棄潰而奔時安義宰山陰王侯軍石頭之隘重甲士成圍散遣扞陟逋者入圍中縣白幟令各視籍邑鵠伏白幟下皆相持泣不成聲董子既入圍聞傳呼籍居民具長綆利刀來乃大呼冤聲微候所召識得其情命裨吏解衣衣之宿諸廐舍給壺飧俄謀者至傳令趣夜戮白幟下千餘人乃發候乃出二子告曰吾不得制不敢可否

微吾則若屬無死所知之乎因與之符獲間關歸乃署侯爵氏尸而祝之既二十有餘稷至是又將謁侯于家徧走郡大夫士乞言成編且曰余忍忘王侯之德哉候之生我二十餘年于茲矣今獲微分寸之名于京師有子且能負薪幸不斬先人之祀先腐草木孰賜匪侯而敢忘諸余嗟噫言曰嗚呼鋒鏑之際其誠可畏也夫鄉石頭之圍俯白幟下千人餘也豈盡無如董生冤者乎董生言而生不言而死者安得而知之

懷集卷二

十一

矧其時緣江之軍非一入圍之俘不特一千人餘也又豈盡無如董生冤者乎其言而生不言而死又皆不得而知矣然使冤而不能言聽而不能察則奚取於辯侯非精於察隱而惠人者耶雖然死千人餘生二人若不足駭但侯方握有制之兵居震撼之地苟縱一叛禍且不測於此而能獨聽獨斷不廢其仁推是心而克之二人者與千人餘等也然又安知其時又不有被侯之德更生如董生者哉余固謂侯之不殺可

謂能仁董生之不忘可謂知義故樂與書之命其編曰懷生述感詩凡若干首

郡丞黃大夫六十壽序

黃大夫者莆人也始起賢科守綿州綿州治最今移佐吳郡年六十矣三月之望維其生辰於是郡之人士暨于懷民無弗懽言宜黃大夫壽者胥頌曰黃大夫主賦姑蘇轄七指邑有地千里土沃宜稼益多饒產官者易于侵欲黠墨相襲民朋吏器流輪緩頰其來漸已亦或矯之苛

嶮嶮集卷二

上

峻刻意敲朴創罷其人僅以塞責然為蝕于理固若也黃大夫蕲靜樂易不沾沾以管督為勞豈弟所敷人皆感說成要惟時儲庵充仍野無逋家故民不知散又曰黃大夫植德天經施於有政裏誠馭衆若所要東恒蓋一弗爽俾民不欺亦以是信于其上下無弗謂黃大夫賢者故民不知偷又曰莆多聞姓黃大夫又族甲其土仍世芾冕振響閭籍摘藻采榮之士方彬彬內外黃大夫顧不滔蹈純敎無雕車文馬兼襲之

奉未始以醪糗侵民故民不知費居于茲三年矣黃大夫之政猶一日也君子曰黃大夫之理民也得理身之道焉其政寬故其仁弘其心誠故其履順其居約故其欲寡弘仁則和感順履則助至寡欲則氣昌三善具而壽在是矣長洲沈某之來徵文也故復之以輿言傳亦有曰六十始壽禮也矧其既貴而有子乎予於黃大夫奚辭哉益觀今之有位往往貶損其年以傲榮進未嘗敢以聞於人黃大夫不為也則其人可知矣予又奚宜辭哉

嶮嶮集卷二

上

上園詩序

新安之鉅姓多聚族以居其地皆擅山水之勝久則漸成墟落苗緒滋蔓地亦顯聞脂腴相望也非特其鄉邦之人知所區別而標異之遐陬殊壤梗泛雲合俶聆族姓則問黨畢見蓋其沿傳者素矣歛之犬墟曰澄塘為延陵吳氏所居其胄自讓王暨漢番君唐必微遠有令緒其人皆承累世之澤樹業比封禮樂文物粲然繼述

於今為盛其曰子東氏者維吳之彦少長統緒  
能不忘學問以善其躬壯則懷資長游涉歷吳  
越下上淮泗放諸梁宋之間持其奇蘄以勸于  
厥家顧其居澄塘二村之中地隆而阜岡勢迴  
合清流繁遶茂林深翳平臯亥徑是曰上園歲  
時觀省之暇荒之度之設援闢畦疏衍畀行種  
魚蒔竹燕息嘉趣恬然有抱甕之適而甘芼之  
羞溫羹之奉又怡然樂也乃自稱上園人亦亟  
稱之君子曰善夫子東之稱其義博哉詩云惟

上園集卷二

十四

桑與梓必恭敬止夫上園者非桑梓哉子東氏  
負四方之志瞻望白雲有靡盬之憂川驚陸駛  
言懷考槃有棲遲之願遺略綴鴻飛雀鳴聲  
聞日遯有白賁之樂繩嗣一德弓冶弗墜大光  
清人賢胄之遺有象賢之譽凡皆子東氏之志  
也而其道則昭矣矧至於孤高絕俗凌抗風塵  
卓焉一時偉望則地因以著若昔人栗里浣花  
之稱又不茲寓哉子東氏嘗次吳門與藝園諸  
士游多贈以詩間因余友詹子前山謁余請為

序如右云

雲野序

雲野戴君邦彥別稱也君世新安之指縣曰休  
寧故席腴業以皆長雄其土其宗多克未見君  
特裏誠秉義允敦天經少壯弼財吳越間豪爽  
雋逸與人然諾赴陷危至垂綦無所念嘗捐金  
數十鎰市良藥使上醫調七劑周活罷療人皆  
德之雖日浮湛遠計而抗志遐邇欲凌塊壘有  
蟬蛻濁穢浮游塵外之想恒曰穹壤萬物能同

雲野集卷二

十五

吾知惜吾性或晉吾志慮大匪吾所緬茲寓  
川澤騰氣悠揚上下斯由然適焉乃觸石屑合  
淪興不已若溺于任過任則奪守密郊隱岫待  
族靡形若苦于鄰過節則妨施斯二者皆足吾  
厲孰與夫野觀哉龍從香霽流幻呈象丘陵原  
隰瀾曠舒卷大同弗室網緼含養之道默行其  
中於吾心又冥然會焉若乘飈輪排閭風息駕  
窮簷之虛昔人符陽蒼梧之所見殆不吾侈也  
君子曰雲野之觀乎達哉夫志高者其趨卓心

廣者其見大斯其人匪直歷涉觀游然已朗峻  
明潔可與微操流行暢達可與軌度幽閑容與  
可與範趨霽霖布濩可與昭惠曠遠無私可與  
示同矧其親舍千里有懷靡及者邪故曰維其  
有之是以似之求諸雲野之攸行不於是幾哉  
甬東張君名橋邦彥之執友也嘗與余交甚昵  
之考其賢皆足徵因序其事俾賢諸字內知言  
之士云爾

送兵憲范公赴騰衝序

靖遠集卷二

七

滇去輶轍萬里為西南絕徼治皆難夷山川阨  
隘之區必設武守天子特以王官重節臨之  
伍符之長咸制其命滇控四道率有臬使騰衝  
其最西道也地當要害襟喉諸夷所轄蠻甸昔  
蒙改更治繇其類自相君長故人鮮被風教自  
籍貢職方漸洽既深寧畜耕稼知安其業苟御  
之無道則獷悍桀黠之習猶有易為奸者是故  
今天下之理滇為難滇之理騰衝為尤難乃茲  
歲之首夏茲道以闕使聞上畀寶書命我邦侯

豐城范公行公既筮日驂乘在郊抹馬道左郡  
之指邑百司庶尹若厥卿士章縫之派濟濟咸  
在或曰茲哉滇之途不吳爾也或曰艱哉滇之  
民不吳易也公惠我宜為公虞僉曰咈哉遠近  
以地難易以勢理亂以人操存以道公往也亟  
觀成焉夫奚虞之有公昔為理臣矣則平反允  
飾匪察明慎著哀矜施平恕之衷溢于法比屬  
御之人所知也其嗣為牧臣疆禦者歛懷謏者  
信橫調者紓歲惡者處任罷者後內訌者靖而

靖遠集卷二

七

又興文教謹授時斥浮靡崇節儉嚴軌之政庶  
於于惠吳之人又皆知之夫弗以邦禁廢愛弗  
以牧守廢法豈迎乎勢因乎人者能為是邪縣  
公之所學者深斯見也卓所養者定斯發也弘  
一持之以道焉爾公今方為憲臣攬兵柄有輯  
圉之寄安知不以德為兵以信為威以仁為勇  
畏懷夷服若古大范俾九重西顧有屹然長  
城哉又安知不行樹異績入踐鄉輔弼成阜康  
之治哉詩云敷政優優百禄是遒觀公之戎者

以之則又曰公惠我宜重公去審是不可以居公已矣乃以是錢且慰滇人之望公者

### 送龔子內紹序

天下有至當不易之理有畫一不變之法理者達道者也法者軌趨者也理定而人心協法正而邦典明斯二者非萬物萬事之與哉先王敷五教以授民施五刑以督奸疏五服以盡親親之殺又制為宗法別支系辯昭穆明親疏第長少列尊卑皆因乎人心合乎至理天下由之若

卷之三

太

大路然故朝廷立法勸之孝弟親睦有弗率則以三尺繩之亦視五服之等為爵輕重若立嫡以長立後以序皆至當而不可易也而不可變者也夫理與法非相須而為用者乎龔氏世占姑蘇之長洲為邵右族詩書禮樂垂幾百載自宋以還纓冠鳴玉之士彬彬而清修好遯者恒亦不乏故龔於江左為名宗萬鍾君稱克允焉其父族成翁者喪其子穎年且老然無繼龔之長老擇倫序之宜以萬鍾子某

後之議未行會翁有長賦役衰弗能任縣大夫詢之族里求翁所後即以萬鍾往役萬鍾承事維慎當翁意群情既協時有黠者惑翁思梗其議郡邑交惡之將治以官譴張遂息乃筮日告廟以萬鍾子入紹穎後若厥宗姓暨鄉之縉紳大夫凡有連於龔者皆從雍容周旋成禮而歸予蓋履茲而有感焉作而曰懿哉龔氏之舉其成禮而信法也抑合於道與今王之制凡無子皆紹以宗非序勿聽甲今昭然而不可易至

姑蘇集卷一

十九

又為立親立愛之說蓋虞紹者之非賢無以逸老或殄厥祀故塞原而捄弊周慮而慎防之遂繇以素奸樹黨交爭援為口實至反傾其產而殄其宗覆輒相踵亦重可悲矣萬鍾君之賢溢於邦族厥子之紹不悖於倫序信乎順理而貞法者也使翁之願暮安有餘養穎之遺發有恃而全其節斯非龔氏深長之慶哉乃書以贈龔子他日式穀繩武無忝厥父庶幾余言為不謬云

刊尺牘法言序

尺牘辭命之流也士君子養氣明道植學修辭  
環藻之發蔚然外著故上代王言下抒所蘊靡  
不由之然古之賢者簡而約貞而則數而詳婉  
而忠可以闡道德行政治表術業措情悃亢不  
越禮卑不踰節其事雖微至道存焉此其末也  
則煩而繁要支而不經緯而鮮誠舉而過諂古  
人正大高明懇惻惻怛之意幾至漸盡亦奚取  
于言哉先秦兩漢諸賢弘規不失而文多雋永

聖賢集卷三

三

晉魏之際書禁頗嚴故多不傳然猶未若甚離  
乎古唐之作者已招庇議而況乎其下邪高允  
孫氏法言之編蓋深有激於此今觀其書所引  
六經子史靡不兼載其人則自西漢而下以及  
趙宋名賢碩望迨宋季乏其辭皆醇正典雅而  
不雜其旨一歸於忠誠懇惻而無虛語片言隻  
語真若禁臠信乎示人以矩矱欲挽今而回古  
也淵乎微哉雖然三千三百之文具而無全禮  
五音六律之教存而無成樂古今之變時寔為

之學者不能養氣明道植德修辭求古人之心  
而會通其理徙規規於搜腴抉奇之是尚則是  
編也有不為芻狗矣乎故必曰以法而不以法  
若古之善戰者然斯其神已矣歛邑汪君子玄  
與其季應坤重校是書梓于家塾徵余為之序

觀成集序

黎川汝子贊陞政于河東九載擢守鄆陵咸有  
異績引疾乞休歸老黎川之上乃裒其所得錫  
命贈貽之文彙而成編余得而讀之竊嘆曰洵

聖賢集卷三

七

乎昇已其古也公而藻其事也詳而核其寵也  
渥而章其政也惠而達其德也感而孚其履也  
貞而順是不可以觀成于汝子哉士績學致用  
行義遠道榮身及親進退惟裕夫孰不欲之然  
齟齬奇阨恒多鮮終故君子之道敦率于成崇  
卑小大莫或計也汝子少力鉛槧蜚英膠庠暨  
穎冒監謂不墜于學為醅塋清介才敏上下胥  
悅以克久其官謂不恫于政鴻遠遐駉懋然勇  
退其去祿爵視如脫屣謂不溺於仕成已及物

無修其親至獲顯名謂不愆于德夫學成於用  
世仕成於政立德成於顯親君子之道幾於盡  
矣豈不卓卓乎汝子哉或謂汝子天下之事有不  
修於三公不卑於抱關者况乎得百里之命  
如汝子者耶今汝子方浮游林壑樂天迂休而  
昆徂瑰秀芳香未墜垂裕錫類之美將大成于  
後抑又可觀矣汝子名順字養和松陵世家間  
以其編視余屬辭遂題曰觀成而序云

古岡草堂圖序

培堦集卷二

三

士君子守一命之寄能不違其志以著顯績垂  
華名者何哉弘大之負淵深之學醇正之氣疆  
軌之操皆養之暇處之時浩乎不虧故其出高  
卑通塞無所不裕蓋有繇已古岡王先生為岡  
安聞家繩繩纓紱彬彬著望先生獨抱奇質以  
文學節操示見其鄉嘗築舍石岡渾之傍臨以  
層岡縈以曲磡松竹交翠蒼山四列錦江之流  
遠亘其前曰古岡草堂先生寔藏修於茲終歲  
鉛槧韜輝蔚文執德守經以善厥躬一時學者

多所矩矱無弗知古岡先生者暨先生偕計登  
朝受擢貳散萊官長洲持身率物諄諄以敦本  
尚德為教振藻之士翕然不變屬更學宮先生  
殫力事事規條聿新古岡之望又燁燁江左如  
先生家食時也居無何先生以賢勞進秩擢王  
府教授而去先生之弟子及郡邑之大夫士僉  
壯其行謀所以饒於是衡山太史作古岡草堂  
圖先之數言者率而從焉若曰先生之望於吳  
會者固安之所始也施於學宮者草堂之所養

培堦集卷二

三

也積不父則發不大養不厚則施不博其所謂  
弘大淵深醇正強執之守施行之裕曾不為一  
校職所限豈非有本而然哉先生行矣駸駸鴻  
漸往且未艾將益大行其道舉而措之華聲顯  
績有不益懋于今日者乎余師周草亭先生嘗  
令固安知之雅深至是屬余言貴傳信也遂為  
之序

大將軍萬侯鹿園入叅漕府序

大將軍鹿園萬侯始副漕將有殊勞且志削薤



蘇軾一新漕度持正不阿有弗協者邇上疏請  
掌南都禁兵命視篆錦衣以疾在告屏居丘樊  
杜門讀書學與世接至是廷臣交薦召侯再參  
漕府命下將吏士卒咸謹乎踴躍願奉要東其  
言曰飛輓方今重計也法久弊滋人多弗堪故  
昔者將士之視漕務若蹈湯火惟侯之仁而不  
偏威而不怒明而不察公而不阿而又持之以  
廉行之以統是以事集而人不擾江淮兩河上  
下無呻吟愁怨之聲侯之功亦神矣鄉侯以得

蘇軾集卷二

二品

請納漕職人皆攀號留而不可及去也懷之  
而不置乃今復履是任則云胡不樂哉嗚呼侯  
之所以得此于漕人甚不易易也侯始起家寧  
波都尉歷登武科久領浙漕興革利病聲猷懋  
章遂佐京營及佩印江右所至以直諒剛正不  
能逢時輒復怙休為士論珍惜居家事其母太  
夫人孝養至太夫人好善奉佛茹蔬讀內典  
每以侯俱侯承志惟恪又能推廣其心博濟群  
物侯之良于官抑亦有所本耳侯少嗜學好文

傳極玄奧方古名將誠亦奚愧使推而行之將  
無所不可何有於一漕府之佐邪然以漕人之  
德侯而侯適臨之誠有非易易者已方今地豕  
數警西徼天子祈禱側席以求頗收行將有廓  
清之寄侯之勲業當又有烜赫于今日者王子  
忻之辱愛于侯微文以賀余故以知于侯者復  
焉蓋不特以茲行為豫而以侯之出為今時賀  
云

南園詩序

蘇軾集卷二

三品

欽崇樾鮑汝陽氏以其號稱南園聞于大梁之  
虛大梁士宜以藻詠泐泐乎爾雅已間至吳因  
其伯氏晉齋君顧余請為序序曰雷哉大梁士  
之言夫夫南園奚以聞哉吾聞南園子之父故  
梁宋大賈也夕寐而夢諸園其姪曰葵兆而產  
子名葵勝衣而孤長能復父之業登美既盈顧  
其園夷廢不治觸躅蒙坻弘力荒度闢而新之  
乃坊有樊援庇有館榭術有樛樾砌砌有丹綠畦  
有卮蛄澗有魚鱉園之名勝遂甲乙其土子之

由教亦衍衍樂也斯其開也與吾又聞子有遠  
魂之行孝友恭儉乎其鄉人能讓兄以業保厥  
昆胤仁以立愛義以樹聲故前人之烈沒而愈  
耀夫亦以其令聞令望燁然不墜爾矣昔者金  
谷辟疆之俊臺池鳥獸埒于王國夫人者之顯  
名咸弗席是子將有于南園哉書曰若考作室  
子弗肖堂矧肯構詩云惟桑與梓必共敬止子  
植志於園不忘其初有堂構之美共敬之實不  
獨洒平泉之耻又著力於揭名之義宜夫大梁

卷之三

朱

士之知子也是故不于其地于其人不于其跡  
于其心吾謂聲歌南園子者將次諸廣宇綿諸  
殊代奚有於今之人與大梁士哉

賀叅府王君海山人掌南都禁兵序

王君海山始起家武功埒秩二千石世祿彭城  
其先君環峯公總鎮鄖陽克以功顯初督戍東  
海上海山君嘗侍行於吳甚習文藻博洽知名  
吳人日與經生薦紳以詞翰相激叩余雅賢之  
既入官將其衛士轉輸南北歲一道吳衣冠恂

恂若問事事而政多穎見他衛士皆怙威誇奪  
黎人以為利君申令嚴肅迄無敢譁賢稱遂著  
未幾進總督餉部署甚繁而較若畫一監司部  
使者交章賢之迺擢叅漕府君益抗志厲精駐  
麾江端躬自程率反于畿甸之塗郵傳終歲寅  
恭不衰漕務告集人弗稱病居無何天子廩  
其材命以今官入掌南畿團營訓練凡十有二  
遐邇之人莫不相賀曰君之功業其丕顯哉君  
自服官政即能以儒術飾吏事動中肯綮故其

卷之三

朱

所至輒有殊績始也或疑而格之至一侵漕或  
聲猷翕敷流溢九土乃今操握內兵將益究其  
所蘊鴻漸而上有不赫赫然矣乎則又曰南畿  
重地也禁旅重兵也勲戚珥貂之士俯首帖耳  
惟我願氣唯諾趨走之不暇匪君之碩德重望  
其何以堪之矧聖代熙洽之餘文教漸被武  
備夷弛銘勲之家皆純袴不兢而況乎栖栖版  
屋之人哉欲一旦釐而反之急之則病紆之則  
玩誠有甚艱乎為力者噫嗟哉有是夫吾之於

君蓋有所試已其介足以守其公足以行其果  
足以斷其寬足以容其敏足以濟其此五善而  
三試于漕位益崇治益大功益章則茲行也特  
舉而措之耳而又奚疑哉君於是華譽日新豐  
功偉績卓有所樹以垂無窮之名以無忝厥父  
諒哉吾固有所試矣漕總都護關君宣借其寅  
屬向余徵言文以歸之

陳梓園先生壽旦序

代主人作

太學穎川陳君子復早負奇氣抗志下帷發藻

姑蘇集卷二

廿一

環秀葆貞韜耀震澤之野甫壯籍鄉校就有司  
試章程輒取高等蜚聲旁派有一奮千仞之勢  
仲兄葦川先生方起甲科啓沃密勿司成辟雍  
門閥鼎貴宗家率臆羨相埒君弗自滿微視若  
飲下未嘗以驕揚著也余亦服事鉛華獲附曹  
耦雅遊甚習凡幾並驚棘場皆不克末見辛卯  
之春復同計偕北觀上國君遂登成均就祿仕  
金石之義洵乎素矣今余方倦歸君且竣業茲  
辰維良受璋伊始秩筵在堂肅賓兩階若有姻

姪通幣而交者戒而觴君余則有獻曰君有梓  
園樹之荒之既榮且衍請以况壽梓材木也建  
章明堂是薦是庸由及其初也宜之膏土時之  
培植周之援設遠之斧斤而後遂焉善養之至  
已夫樹德樹木善養則達君固深於養身之道  
然哉是故率君之履可以永年吾見其裕如也  
君今壯志未落行將激叩雲霄騰跨自效華聲  
懿德被之無窮匪其奕世不墮者乎乃為梓園  
之歌歌曰有榮維梓君之植兮有翼維園君之

姑蘇集卷二

廿一

闢兮我材用登若是匹兮既蔭有類垂燕翼兮  
彼美伊人謂比德兮于茲考祥眉壽無極兮爰  
勺霞觴三揖而醺之請以斯語為梓園君壽

送胡君龍山赴京師序

琶塘胡君龍山新都聞族也少營業制科棘于  
進弗獲就錄牒乃更學書判習法令試輒殊等  
初為邑曹掾升郡司旋奉例晉京朝給事銓部  
轉贊督府當銓授外經衛貢拜章服以歸需次  
家食將迫期其嚴君南溪翁趣之行若次且弗

前似不憚于中者翁介其友鄭子告之曰君思  
所擇術矣乎夫考槃山澗屏跡邁身適肥遯之  
樂者幽人之貞也結綬彈冠策名委質趨功名  
之會者行義之道也君少讀書金竺山中藻行  
育德養氣負志欲有以自致而不得乃今以卑  
官不足為將反求立園白賁之樂否與斯不然  
也方今選舉之法曹掾士居其一至於受爵秩  
寄民社鴻漸而上未嘗不烜赫者君固將發軔  
于斯已邇其平居佐理又皆鴻漸烜赫之士操

結蟬集卷三

三

握敷布翁張子壽足以沉惠澤而都顯名君將  
不有羨心乎語云臨淵羨魚不若退而結網君  
能厲志軌行靖共采事循其塗轍底于懋官藩  
决不羸與壯而進安知不有烜赫于代者邪則  
今日之見聞咸他日設施之地也況今 明后  
臨御厲精庶政淑慝旌別嚴于勸懲百司職事  
罔弗率俾鞠躬殫瘁求無負於斯世益彬彬滿  
寰宇而太宰惟遷亦多不足嘗調即沉僚下秩  
率躋等而登焉有志之士亦爭自砥礪奮此願

未見茲世匪時則易然與君其行哉斯又若翁  
志也夫不違其親可以章孝不遺其君可以訓  
忠立德立名將有餘地區區一階一命又有不  
足為君輕重者君其行哉南溪翁驟然謝命趣  
裝治舟楫送諸衛水之上書余言以贈

天山記序

夫達士遺世英人徇時遺世則畢願沉身徇時  
則役神凝績二者不相為謀並志則焉是故功  
名之士軒舉騰蹕壯輟天路濡首鍾鼎顛趾纓

結蟬集卷三

世一

綬將終身焉者嚴及岑構雖夢寐弗能授奚於  
躬親宅之哉彼好遯者跡跡鴻厓超武區外樓  
遲無悶抱道冲虛丘壑邀其孤芳日月懸其貞  
操驚嚇鼠腐埒厥呼冕信夫驚湍莫遏奔駟不  
回避哉邈矣史家操觚纂述紀載逸民奚啻林  
列其人多抱甕執柯垂綸荷笠遼絕世諦沉冥  
沈寥或邁微辟若歐鼎鑊蹈水火寧沒其身而  
不敢撓什百千萬出一途轍間有振鷺清班漸  
鴻臚仕愔然易慮洞燭真機返樞急湍迴車峻

坂心乎愛矣曷云能居滌自洪濛以降迄于今  
茲如關尹喜王弘之陶真白劉惠斐諸君子輩  
亦指不數屈其清操特節皆能弭競滌洗還風  
厲俗斯其尤董董者爾居今之世時則有北海  
公君家仍素業志凌赤霄蚤忝薦為倅宰鳧邑  
既而晉贊廷尉即有歸志伏身閑言屏謝塵鞅  
反繹前軫動欲鑄錯齊人皆未之信也嘗過東  
郡訪余枝巢數永玄言式遵同好乃出所記天  
山一編俾余覽焉其述往訓軌先哲翼群言真  
足嗣考槃之跡協天山之窅茲因百世貞匪之  
規為也已若偶序之請質前言顧不足章君子  
之志哉君名一揚別稱靜隱已未進士蓋蒙陰  
世族云

賀守拙湯翁八十壽序

錢唐山水佳麗稱宇內勝絕丘壑時時虎踞  
玄土嚴兵自衛風氣囂豪迨趙宋不競宅為帝  
京迄今為吳越間一大都會民俗相尚紛華居  
室被服輿馬器用禮文交際爭為靡麗以相夸

謂淳龐敦厚之氣幾至索然矣視今之湯翁者  
若反焉其性朴實不事矯飾居恒澹如但礪素  
履與人無繁文縉敬外若木強推磨而中則充  
然裕也因自謂守拙或讓曰翁誠拙哉孰則巧  
邪夫賢者不怫情智者不違俗翁能不茲服茲  
語索居離群遐諸荒野與翁曰弗哉硤硤混玉  
魚目亂珠明者辯焉甘言似忠莠言似信古今  
人同惑也是故操之誠芥之謙洪之敬昱之勤  
皆善用其巧非不足以欺一時終不能自蓋於  
天下後世巧成則巧僨巧得則巧失其何利之  
有焉吾是以任吾拙而弗移久而人益信之咸  
溢稱守拙翁云翁平生篤實好善與人無欺謹  
語殄行曾弗一加諸身雖更事貨殖恂恂訓應  
略無機械人亦視之不忍欺翁亦衍然逸樂類  
暮今齒八十矣遐邇交知率往稱祝歛邑胡君  
南溪與翁尤素昵善至是紹介問言余竊謂翁  
非誠拙翁益有道者也其尚拙則其心恬心恬  
則寡營寡營者則其神不亂其精不搖其氣不

成其寢不夢覺將無憂壽考之徵莫逃於斯數者况今天子尚齒貴德聿章前憲隆禮悼典翁其將寵綏之益聞翁有二胤子其長冠藩垣曹掾季穎辟雍駸駸有亨大之望二孫英異將高其門翁之以德受福萃順之祥其集未艾翁其有後以徵諸方來南溪君其無外斯言往為翁祝

### 汪慕泉誕序

慕泉汪子之誕也胡君鴈焉屬余言慕泉往有

時蟻集卷二

廿四

獻慕曷肯哉生於其心弗獲于身慕有繇筆故寒者慕煥燄者慕飮勞者慕佚危者慕安其又有人者求而不得均慕焉若汪子則奚為汪子世新安宅中萬嶂靡躋匪山靡瞻匪泉迴厥勝衣迨于壯齒顧昕夕濡耳目也長事俠游適越入吳至踰江淮歷齊魯居邑岱宗之墟舟車之所屆游涉之所經名巖大壑履屐不遺若戴若濫若沃若潰若汎若蒙若瀟若灑蕩潏汨急之狀子曷弗習尚獨奚慕子匪自誣哉胡君曰否

吾歛之世家也昔龍驤奮武事漢南籍茲土簪于晉陽越國有功王室析圭六邦負泉南面子孫繩嗣帶冕迄於今千年奕奕弗墜子之先君益能負荷貽穀孫志好脩貞遜自潔遵晦阿寓隱于泉是曰近泉聲稱甚都云亢厥宗子方髫髻遂鮮怙恃鞠育繼母有阿保之愛稍長遂克自奮踔大力家人生產業漸贏益能善將其毋愉婉承順造次不衰平生矢志無忝若考曾舍堂構務擴其初以生不迫養則時時儼諸

時蟻集卷二

廿五

聲容求之戶庭及于靈墓又殫其好樂至其游息故於泉是專而心儀焉比偏有四方之役遠去桑梓悲沸滋進有懷弗緩揭諸所如永終慕也其曰慕泉敢誣公哉曰汪子之道其達孝也已夫孝仁之基也德之成也孝以淑已仁以立德惟德動天靡順弗萃子之往也可考矣余益聞子能推養于季父晏其此離又隱恤其宗人凡所稱貸多弗責市義無告暨厥遐爾共孫和易泮于鄉邦斯子之所植也詩云樂只君子萬

福攸同齒與哉又云孝子不匱永錫爾類蓋公  
侯之後必復其始他日當有興子者故曰其往  
也可考矣胡君以告墓泉子其謂何

結蟻集卷三

世六

結蟻集卷之二

結蟻集卷三目錄

墓志

明故懷遠將軍蘇州衛指揮同知儼堂

朱公淑人李氏合葬墓志銘

明南豐縣令程君墓志銘

處士王泉汪君墓志銘

陸君滙村墓志銘

竹山黃翁夫婦合葬墓志銘

鮑子惟寅墓志銘

結蟻集卷三

處士汪君墓志

太醫院醫士周齋鄭公墓志銘

愛耘費處士墓志銘

繆元啓墓志銘代

處士遜谷陳翁夫婦合葬墓銘

孔處士墓志銘

程孺人呂氏墓志銘代

計廷貴妻沈碩人墓志

劉孺人墓志銘

都紀曹君生壙志銘

姑蟻集卷之三

姑蟻集卷之三

吳門鄭若庸著

新安胡迪校梓

墓志

明故懷遠將軍蘇州衛指揮同知儼堂朱公淑人李氏合葬墓志銘

朱之先彭城九里山人也永樂初諱鐸者起家武功官濟陽衛指揮同知及其季鋪鋪子海宣德中改調府軍仍其官海子亨亨子瑛瑛子景

姑蟻集卷之三

芳咸世之景芳沒且無後及其季景源蓋儼堂公云公諱景源字有本別稱儼堂升夫人舒氏生公于京師丰神秀整岐嶷不凡童壯已凝重如成人不妄訾笑喜涉典籍開騎射弱冠襲府軍衛指揮同知即以材練末見為上官所賞爰屬以政公亦精敏匪懈無恫于職嘗縮衛符條議興革及蒐剔蠹弊十餘事悉中肯綮上下稱便凡所翕張一以成法叅酌時宜持之剛決同列莫能可否然恒以平恕自將其馭戍士甚於



慈乳溫言易氣恬無崖壑或有撓法及干以私者即毅然正色畧不少倭處官三十年較若畫一無獲以疵類指摘之平居事若父母驛伯兄務極孝弟姻黨交游恩義翕翕性卞毅不能藏怒宿憾有拂逆即面折之人服其亢直亦不之校公長身白晢修髯豐頷雅好鮮潔衣服冠履未嘗垢敝每在朝署望之群僚中若玉樹照人無弗屬目暇即闔戶開卷不遘婢媵出見輿翟者遂巡反走不敢偪蓋其性然也嘉靖己丑詔

許京衛武職告吏外補公得縣蘇州衛仍爵指

揮同知僚佐屬部咸惜其去公携家南行至吳會未視事感微疾以是年六月廿有五日卒于邸第其生成化癸卯四月廿七日年四十有七配淑人李氏錦衣經衛全之女柔嘉貞順克閑內職贊公維宜公且卒獨將遺孤執殯客土乃迄於顯盛非賢乎哉其生後公六年為弘治己酉三月五日沒後公十有五年為嘉靖甲辰十月十一日至是始合兆而厝諸梅灣之麓云子

二長文學先卒不育次文正今官蘇州衛指揮同知娶封氏女一壻楊燁文正先葬事奉狀請志於余不獲辭序而銘之銘曰桓桓朱公洵美冠玉乃世銘勲賁于笏簪允乎兼資軌法戒旃弘聲欽如屬御標賢婉德孔嘉有儀經則稽幃是刑孰匪爾植容容玄廬合璧斯藏渺焉北雲樂只南邦其樂維何丹厓清止君子有詒自今以始

明南豐縣令程君墓志銘

南豐縣令程君墓志銘

南豐令程君欽邑臨河人也晉太守譚俶來新安南梁忠壯公其益光大厥緒子孫散處支邑其後五二繇自休寧遷歙石嶺子萬二再遷臨河故今稱臨河程氏由茲肇也君之祖若父曰顯曰俊咸抱隱德毋孺人吳氏實生君在孺即有穎資始就傳學制科通春秋十二登郡庠遂求見錄牒名重儕偶弘治壬子賓薦應天凡六校試南官輒比乙苛怡然歸奉親綴學無弛志正德己巳就從選例受牒令寧都一以寬大無

苛條靡令滔習逋稅每艱催科君至且大役因  
倡以俸餼實官庠復嚴諸腴家力勸之貸流輸  
遂足有蕭某爭田隣郊置對不已至窳伏山谷  
更三尹不敢出將緣為孽君首諭利害許弗窮  
治皆感泣自械繫歸罪勢家蒼頭索盜自殖及  
妖僧尼服為亂者皆廉捕杖殺之時劇賊起旁  
郡諸大縣多弗戒君籍勇士乘城七日夜賊不  
敢逼襲其懈斬獲無算臨督上官交徽獎異遂  
書上考庚午入覲道間母喪持憂歸寧都肖像

姑蘇集卷三

四

祀焉服除改南豐君益厲精志有所樹立其地  
方苦盜仍煦沫休息逾時大蘇迺繕治城郭更  
復廢墜趨事者翕然南豐士垂三十年不登貢  
籍則盡括英雋隸學官銜校之於是有願薦者  
歲丙子復入覲道病遣吏代行是歲諸代者並  
坐罷君特以勞最予告復官堅請自免不可遂  
託疾解印綬歸時年已六十厥父翁尚白首無  
恙日具甘羹怡悅左右友愛二季若阿乳時或  
從鄉曲游處畧無貴態性度弘曠然嚴慎取與

惟有義舉即嘗費不問士論賢之嘉靖己酉八  
月十有八日君以微恙終父尚在殯至是諸孤  
共寺始治塋事奉其姻家民部胡君狀來乞銘  
嗚呼君信無愧于古之良牧臣哉凡再受邑曾  
不三載而敷政奕奕若是足闕其究已柰何乎  
試之不早而違之之速邪不可使君之行泯焉  
於百世之下也按狀君諱隆字時遇別稱節菴  
其生天順庚辰正月十有三日配碩人潭渡黃  
氏繼清源牟氏黃子淵娶張氏先卒次添娶洪

姑蘇集卷三

五

氏牟子冲聘洪氏女四皆嫁名族孫男明卿良  
卿文卿大卿二卿墓某山之原銘曰嗚呼是維  
南豐君之墳其澤孔殷其貽煒煒乃漁若民而  
繭其身其為弗湮吁嗟乎今之人

處士王泉汪君墓志銘

處士汪君諱楠字惟翰王泉其別稱也世為歙  
潛川人其生成化庚子四月六日閱五十有七  
年卒于嘉靖丙申閏十二月廿有三日將卜葬  
其孤文瑄與予交先事具狀乞銘故為之敘述

云汪氏自受姓以始其世系承傳今尚可按新安之宗由越國公華傲盛于唐散處指邑各有支屬惟潛川之緒自宋逸齋君首之至君蓋十有一世矣君少穎敏始習進士業試有司輒弗售於是投筆研事廢齋梁間乃輯合羣力圖轉四方君握其衡入羨甚豐則推惠市義視人之婚喪窮厄不能自力者咸樂周之人皆服義佩德無間鉅細多咨決于君君亦砥行植節內修天經外著恭謹悉中軌度平居儉約自奉未

增補集卷三

六

嘗燕珍瓊綺而延師教子祭祀賓客魚鰾豆蓬則極豐腆凡無益之費絲粟不苟惟於興治道途扛梁築隄障水更新越國祖廟鉅資數百曾不少吝其知大計類此與人恒以孚信言議必復衆莫敢欺性嚴整激直不能折下嘗與人共載有擢其百金者暨白於官得歸因大召故知高會累日金盡而止示不在利也會例下賑邇君輸饘受益府典膳亦不御章服人益以是多之君之高祖曰彥實曾祖士賢祖永德父以

輔母張氏君配溪南吳氏貳室楊氏皆生子長文瑄娶吳氏次文玠娶黃氏皆國學生女三人壻吳良鼎吳元綱程澗孫男五人大器大有大成大壯大節銘曰居羨而侈處豐而裔人靡若流子介如石誓竿之身章縫之心惠渥弗壅蹊爾歸仁蒼厓茂林開此玄宅曰大厥遺維帝有錫

陸君滙村墓志銘代

去郡城南郭僅舍許曰尹山地惟漕渠黃簪具

增補集卷三

七

區松江之水合而北沅輸諸海其西曰滙村陸君瞻之之居麗馬陸世占數吳郡之松陵後徙長洲遂籍茲土耕稼仍業至王甯君以誓長雄為鄉佐厥子雲溪君嗣之後先累三十年里中無逋稅者遂名聞縣官君蓋雲溪君季子也諱汝齊字曰瞻之少與二兄並學制科登邑庠即穎見曹耦間會雲溪君垂老歸諸子以事令自為家君殫力生業具溫養旦夕奉雲溪君若毋餘碩人務盡其歡事二兄敬愛不廢家達怡

愉委曲將順人謂弗及後伯兄抑之仕姊婦去  
故土遠萬里以家政屬君綜理周到忘其罷勞  
俾迄無內懷君始事進取持志甚銳然以父殄  
瘁公役欲力振頹圯稍侵其學方奉例籍名成  
均竟亦中畫君遂泊然無仕志矣日惟與仲兄  
貞之以文義切劘及招延名流詩酒高會酣歌  
自適或閒就林樾農談社飲屏遠聲利嘗曰士  
能給餽粥無愧俯仰於儒者事足矣苟富貴奚  
為哉視其子允元若兄子允升皆秀敏可進咸

姑婦集卷三

八

均煦愛擇良師嚴教之嘗費弗恤又恒自程課  
率底有成性濶達不尚羈束能周予貧賈紆人  
貼阮璣集沾醉豪談放吟下上古今是非得失  
聲譽有倫卒不及亂鄉曲游處謙和自睦雖馭  
僮僕未嘗寡恩故人多樂自效者年既強仕每  
以遠行悵悵不自寬戒允元曰若弟勉自激勵  
真光先緒繼吾志吾無憾已及再閱歲竟感  
疾卒惜哉君生弘治庚申十月十四日其卒嘉  
靖甲辰正月廿七日配金氏子二人長即允元

娶劉氏余弟世瞻壻也次允魁聘余氏孫男希  
賈希贊女一人皆幼允元卜歲丙午某月某日  
奉君殯于樊庄圩祖塋穿墓以葬先期述事狀  
走介官所乞余為銘君少與余同膠庠交且稔  
知之為深嗣有姻好誼分萬密義不得辭乃叙  
述其事而為之銘銘曰恂恂若淑奚侈於穀振  
振後賢奚貴於年可信者志難諶者天時乎棘  
棘匪君則然高原大丘樊庄之阡藹懿千秋庸  
澤爾延

姑婦集卷三

九

竹山黃翁夫婦合葬墓志銘

嘉靖甲辰春三月二十有三日竹山黃翁卒于  
家明年乙巳其孤善慶葬翁沙坦之阡合兆于  
先配汪碩人乃奉銀臺張君石川所著狀來乞  
銘言當可徵且徵善慶賢不復辭按狀序云翁  
姓黃氏諱貴芳字仲顯其先出江夏漢尚書令  
香之後曰積晉新安守後居歙黃墩再徙左田  
自左田徙疎堂者曰迢距翁十有三世皆為疎  
堂人曾祖宗錫祖孟孫父文賜母汪氏翁少壯

岸許偉不逐嬉弄讀書知大義壯就服賈志敦  
天經奉父母日無弛養喪葬踰厚兄弟皆先翁  
死撫兄女若弟子如已出弟子既立則籍兄弟  
之產及已業與鴻溝分焉處友忘諒平居無異  
即至有危急或臨利害即毅然指席無所歛避  
寒餓者不候折券悉周賚之自奉未嘗燕襲屏  
去文綳拮据鹵菹益腴厥家多樂為義舉及親  
就夕碩所至每從縉紳游處聲流寰區居常莊  
敬自牧不苟訾笑人亦無敢易翁即有忿爭不

常璩集卷三

十一

願之公府咸曲直于翁退無腹排者時議多之  
武皇帝募民入粟塞下錫爵有差翁即拜詔不  
受官自壯歲豪游倦歸築室金竹岩之麓種藝  
釣弋紛囂之事悉置弗問故自稱竹山云江碩  
人系出越國族倫塘父善母某氏其生有懿德  
柔順恭靜克閑于家其贊內政動無違則翁植  
志丹頓迄無內顧碩人力也故雅宜其賢其生  
後翁一年嘉靖壬午十一月二十七日先翁卒  
卒後二十有三年翁始蓋棺子男一人善慶

吳氏繼汪氏傳郭氏女二人壻鄭岩辰吳鏐孫  
男五人冕吳冕是昂孫女二人長適汪應春次  
許字吳某冕今游辟雍餘皆疑疑穎見有垂裕  
之徵云銘曰黃傲秉珪宣于楚疆春申衍之奕  
葉重光江夏領聞瑰望無雙燁彼丹輪載殿南  
邦裁我斧封公族攸昌有紹維祚綿厥疎堂翁  
也則仍蹈武維藏敦本若淑比於天常尚節孔  
甘涵奢或戕粹焉國寶華爾梓桑婉孌德暉  
翟之祥合璧言歸千秋攢藏曰嘸坂原山川鬱

常璩集卷三

十一

蒼懿哉茲丘陵谷同長

鮑子惟寅墓志銘

嗚呼余忍銘鮑子之墓哉子倣與余同受易草  
庭先生為程文有特流瀕洞之堯三數十輩共  
華研皆傾下若弗能長余師嘗許為材弟子未  
幾列諸生試棘院多竄壞弗售然時各隱隱起  
吳中咸屬望之子亦信志負氣邁往不少挫平  
居無回阿容說之態雖於邦君上使泊然不為  
足恭若朋舊驢集呼酒劇飲張目論古今事

鬼神微與成以興衰之跡懸河疊疊至醉不亂  
人有慙輒面折之即睚眦亦不為動其赴義樂  
善又若弗及也父克敬始善力生至溫裕故子  
能畢志于學後以典鄉賦家就中圯父母室人  
皆相繼徂謝門戶累然米鹽碎細日櫻其中猶  
屹屹錦繡為歌詩流麗清婉絕無羈窮困阨之  
思蓋其豪爽俊逸能不為憂患所奪亦奇矣哉  
乃今竟落落以死造物者變幻屈伸顛倒兒弄  
夫安足怪若鮑子寧無可悲也與子名欽字惟

增補集卷三

三

寅別稱石泓祖德父瑄母張氏居長洲生成化  
丁未六月十有三日娶于沈生男子介弁合女  
子二人孱幼未立惟寅以嘉靖癸巳七月十有  
四日死死之日其季鑰寔為治舍殮且卜以是  
歲十月二十八日塋之武丘鄉先塋合兆沈氏  
至是携介寺直麻踵余再拜請志墓石余與子  
同業又甚昵善知其平生事有足多者慘沮移  
日迺為之銘銘曰芝蘭中摧吁爾藥鴻鵠冥征  
翅垂折誰其啓之歟復滅武丘隆從照玄穴魚

腸出芒虹貫月上飛騎箕從電掣千秋光恠微  
爽烈壤更浮游亦奚悅

處士汪君墓志

君諱清字惟政吳門人居西郭之白堤大父山  
父禮母曹少謹忍不慕藻飾既壯主市易人仰  
機利而食多黠詐反覆以射錙銖君獨迥異儔  
伍其家臨廣川買舫雲集執籌算而環聽者晨  
不下千指處之不為低昂物價以時上下弗貳  
大賈至視其食廩而進退之人罔不悅薦信奸

增補集卷三

十三

禮平居敬慎如見大賓淨暑暮夜不免冠袒裼  
以出連戶或招之市飲固謝不往強之則亟趨  
以辟若將挽焉尤雅尚儒術設家塾延師教其  
子章縫造之鎗戶為具竟日不厭費既遺之游  
鄉校友益博費益不貲至余千金無倦色王峰  
邵蘭嘗鬻敗其家遺金一鎰君宿諸帑他日物  
色歸之邵將鴻溝以報君曰苟是利顧若反耶  
不受念其仲業儒不善作產弗就養養于其季  
季亦善事故君老而康郡二千石庶其賢禮致

鄉飲會詔錫高年章服君以齒例得拜常曰吾平生不欺鬼神不殄倫誼將使吾有後如實氏乎手植叢桂于庭日撫玩之因自號怡桂年八十五以微恙屬續季子之慮戒無厚殮無靡費無邇浮屠史遷有云知不可與樵勇不可以斷仁不能以取予強不能有所守不可與言治生蓋其爲市而有士道焉若君者非其人耶君生正統癸亥正月廿一日卒嘉靖丁亥十月三日配某氏長子奎以殤死仲子璧婦某氏季子室

靖遠集卷三

十一

婦王氏繼吳氏女四壻曰錢鑑章經江寬陳表孫五順卿達卿若水若川若平孫女幾人曾孫男幾人女幾人室以君卒之明年營新阡於長洲武丘鄉制字圩葬以十月八日周以石槨封寔甚厚間奉邑庠士俞君璧狀來乞銘墓中之石言又有足徵者爰序次如右而系之銘銘曰朱公逃名蒙莊混迹賢者所爲衆固不識蹈武壘井服訓丘軻古謂大隱匪君而何行符躡跡口談仁義疇不值君願泚却避武丘之陰荒彼

玄官我銘于潛子孫其逢

太醫院醫士用齋鄭公墓志銘

鄭氏故望姓榮澤宋尚書工部天益公有聲仁宗朝其後武顯大夫琪履蹕南渡留家吳門帶下醫李氏者術良且售館鄭爲甥世其學子孫遂占數長洲業仍李氏入國初士昌公取稱上醫有子伯英績學能文修士行博友名碩與其子衍相繼爲太醫院醫士衍子濟濟子松今用齋公也公字材美少穎敏能讀父書他諸科方

靖遠集卷三

十五

脉無弗精詣緣祖藉入隸事太醫院亡何以親老告歸擢室施治日每奏奇效郊保之人識公垣廬爭相告戒請藥者履嘗滿戶率立應之不問直及赴人招延雖寒暑雨夜無所居故人皆德公而名亦日殷起矣平居奉其父怡山翁若毋皇甫碩人克備溫養與其弟朴共業三十年畧無評語朴且死則保其髮孫爲畢婚嫁今猶翕然也尤敦族誼視其特違詭者即卑行亦傾下之鄉曲童耄咸遇以和易樂觀比焉嘉靖丁

未之冬公年八十姻舊里巷相率為壽者燕旬  
不絕未期年忽夕呼烹鰲引觥微醉而寢明發  
屬續寢戊申七月廿有一日云公生成化戊子  
十月九日配碩人劉氏子男二曰勲娶顧氏繼  
王氏曰肅娶張氏女一適陸銀先卒孫男三曰  
堂曰瑩曰基曾孫男一曰金是歲十一月某日  
葬公吳縣九龍山盛塢之原嗚呼吳稱古賢家  
不指三四屈而余鄭居其一蓋自建炎迄今五  
百有餘稷矣子孫猶環守故廬苞繁不散豈謂

陸壘集卷三

十六

高誓上爵能庶休綿緒哉夫亦儒賢之事代有  
植幟者然爾如公亢宗能復幾何而今則已矣  
寧無可感也邪公嘗謂予善文屬為傳久未克  
承茲重以勲請乃茹哀為志而銘之銘曰瞻我  
蒼姬榮澤有延葆衛南驅緹騎乃遷竹素刀圭  
茂苑攸綿疇咨軒農公旗用舉允茲天經瑰望  
孔妍弓冶其承於赫罔愆九龍縈迂有苑斯所  
逖哉德馨永此深鑄從弟若庸謹撰

愛耘費處士墓志銘

處士愛耘者費氏居吳興傑塘為聞家其先占  
數長興宋南渡時始徙今居蓋歸安大虛也世  
多淳望叔季兵革家謀漫散不可考於國初  
策著飛秀一秀一子懿安懿安子仁仁子孟洪  
咸以耕稼起家雄長其土孟洪舉五男子其四  
曰鐸曰梅南翁寔生處士少有軼才志業投射  
十四為章程文出藻語往往偁人會其非馬碩  
人沒弟瓏且在孺梅南翁數屬處士家政處士  
因謝去鉛槧刻意幹蠱蚤夜罷勞躬課力作賓

陸壘集卷三

十七

祀交際公府牧事舉身更踐之不一嬰其親凡  
翁所欲為將順曲成務當其意溫養畢備翁深  
安焉比沒以小弱弟為托處士既翼其成悉孫  
以西村上田築隙室居之代其筆賦俾無所苦  
審畫計宜雖家室不能奪平居善事繼母鄉至  
是季請更養處士不許曰非以逸老也恨不迨  
養歟祖每禴祭輒悲涕不自勝郡暨友邦薦紳  
稱純行率先處士云處士性直諒執義畧無茹  
吐視齷齪陰滌者羞與並立而益樂施賑恤嫗



塔曰太學朱繼元孫男曰象賢處士。卒之又三年歲庚戌守魯寺將葬處士於下澤先塋自述事狀介紹踵余拜且乞銘處士之行履余蓋前聞之矣狀復悲愴詳覈讀之惘然乃不辭而書之且為銘銘曰孝弟力田往維賢羅掇華去實梯榮若何誦法聖哲展意耒耨曰亦信志邀不爾姑疇咨纓冠予懷反裘有懿者延年曷用修爰有壤原睠彼下澤生而游處沒也永息崇封茲林瑰行深鐫匪藉珉勒高風則綿

時嶠集卷三

九一

綴元啓墓志銘代

元啓余同業友也余少學於王峯與元啓事制科見其詣理深到摘藻煥發駁駁有千里之勢心竊傾下之既而升膠庠與錄牒英游激昂下上輒能自末見為時輩推重與余特意氣相埒咸志有所樹立後余叨先登第入仕版元啓猶惓惓忠告而恒以齟齬名途咄嗟不樂余亦時時慰藉期其晚成而元啓竟死矣悲哉元啓以嘉靖乙巳十二月十五日卒年僅三十有二卒

更三年將葬其婦翁羅君賜谷走介秣陵請余銘嗚呼余忍為元啓銘邪又忍不為元啓銘邪元啓姓繆氏諱應元元啓其字別稱龍橋世占數蘇郡之吳縣曾祖讓末樂庚子發解南省舉進士官監察御史巡歷八閩以風裁稱祖某父某字禹之母徐氏禹之壯歲弗育晚始得男即元啓少穎敏扶牀口授之書輒能記憶若弗綴學已知成人禹之沒時元啓甫十六執喪哀戚鮮不以禮植志甚銳志掘先緒經理業壯視禹

時嶠集卷三

十一

之之業未嘗顛隕孝事其母恪恭保厥弟天秩粹然宗黨上之性嚴毅善斷遇事敢果無姑阿模稜之態居恒閉戶讀書多至夜分暇即從僮耦辯析疑義或戒否古今人物賢否皆繫繫可法世俗玩好一無所擲其中居邑庠所司衡校輒在甲等元啓未嘗有揚色振振君子也人咸謂元啓必可遠到而今竟死矣悲哉元啓生正德丙子某月某日娶羅氏即賜谷女長子謙先聘岳氏次謙益女一人皆幼銘曰輝輝紫芝之隕

霜中摧矯矯黃鵠鰲羽不飛乃界則豐疇阨厥  
施開縱冥芒云如何其山川苑盤翊爾玄宅千  
秋百禩于茲偃息體魄可韜精英奚適長風鳴  
條有虹貫日

處士遜谷陳翁夫婦合葬墓志銘

休邑南勝溪陳氏自五季迄今為世族其先居  
桐廬唐末兵亂徙家南勝族姓蕃大宋第五公  
又徙邑之文昌坊開慶元年進士陳宜孫五公  
四世孫也終通州倅稱弗齋先生子元方浦城

姑覽集卷三

十一

縣丞子李庸李庸子彥圭彥圭子高德高德子  
宗宗子貴貴字尚寶厥配王子燦蓋遜谷翁云  
翁字文明少特穎敏疑異常兒甫九齡父沒  
哀毀如成人稍長為進士學已乃中書遂不能  
逐逐時尚進退矩度衣冠禮如中宇叩潤畧無  
藩限性敦天經事其母王碩人以孝養終喪葬  
由禮宗屬姻黨咸不弛恩義年既及艾即默涉  
鷺鷥每杖策入山谷幽尋玄討放歌獨行遂結  
屋楊山之隅棲遲其中自稱遜谷居恒持鉢人

不可犯處家嚙嚙尤嚴於教子前娶孫生子有  
宗孫先沒葬復汶溪繼曰吳碩人亦邑聞家幽  
閑共靜克承翁志席儒素之遺洎焉以居未嘗  
樂侈蕪蕪生子有寓不甚愛顧厚視前子若曰  
敦鳩鳩之訓也雖刻削太甚至或傷恩弟堅持  
大義不少挫人以為難其平生女即布漢邦族  
尤不可縷指嘉靖癸未翁先化去時有寓亦以  
丹青名家流聲宇內溫養碩人餘二十禩乃歲  
辛丑以疾卒遜谷之沒也別墓于楊山之原虛

姑覽集卷三

三

其右穴以吳碩人附既卒葬墓石徵余文表之  
塋埏鳴屨履貞好遜之士其難矣哉今之高官  
大爵穴金坻累奔走六合使人顛隳窮阨白首  
而不知悟非其沉冥昏墊而莫之警邪若遜谷  
翁賢於今之人遠矣矧夫媿美合德有茲碩人  
埏古之桓孟者乎是足以書而志焉遜谷二子  
長即有宏娶某氏次有寓娶汪氏女一適吳文  
全孫男二新祀新玖銘曰山盤盤兮川溶溶坂  
原膺膺兮天喬蓂葱璇樞閑縱兮靈粹乃鍾吉

人有資兮穆哉堪官織烏歟翼兮今昔攸悵棠  
梨夕雨兮白楊秋風曷弗莽薦兮岌岌其封孰  
是有遺兮而振厥螽蟄茲世之足考兮兼有耀  
而永終

### 孔處士墓志銘

處士孔公者諱璋字良敬其先魯人後辟兵徙  
家吳之具區東山祖其父某感慕嘉遯遂仕晉  
然頗事游俠以警樵里中君少警敏獨遜志緩  
學將高其門會父沒家政叢脞廼去鉛槧懷資

嵇康集卷三

十三

走海岱低昂奇羸特以才諳為儕耦推讓登美  
徒倍居無何憫歛考不迫養悵然懷歸就廬舍  
奉母氏葉碩人先意承將甘毳具至母沒哀毀  
滅性人稱孝焉少長膏腴重以蕪襲自奉而賓  
祀必豐喪葬務由古禮至隆師傳或招延名碩  
館教餽遺罔所惜費姻黨圖劇貼危無告輒垂  
索援之人有片善必折節傾下延譽不置諸陰  
滌奸義者多為蓋藏故平生無怨家性弘達善  
洞物理靡厲并齷齪之態山地苦陋民俗專務

兼併處士以為恥每曰吾無庸是事事吾方寸  
地爾買金氏產踰數年鄰家欲廣已壤則喚金  
詭索歸將自益處士召金予之契曰爾第無吾  
虞吾弗爾靳金大慙服周其負蝕不能償將入  
其廬處士立取券焚之示弗受凡里中稱貸者  
日踵至不問券即持券至亦漫置大橫中急困  
之家藉以舉火莫可僕指嘗膏粟雲間值大侵  
雲間人多閑糴處士盡發粟損直以售市賈翔  
貴者皆平人賴以蘇有司屬長鄉賦會緩征令

嵇康集卷三

十四

下小民觀望逋私稅餘二百家處士悉出已帑  
代輸之故流惠甚博而義聲每動鄉邑御家嚴  
慎雖大暑不去巾服父母諱辰必衣縞素慘怛  
移日居嘗慕陳元龍之高潔構重屋負山瞰湖  
坐卧其中自稱賓樓日憑檻瞻視雲嶼或徧涉  
圖史時呼諸孫申以往訓怡然自適人謂其儒  
術之驗埒古隱君子云嘉靖癸卯八月之望處  
士遽疾革屬其子瀾曰吾世家山中山確瘠不  
能田人尚貨殖坵土業非所望于子孫也死無

厚我含禭無尚繼黃爾其識之命取大橫券千  
餘燬之乃瞑既屬續里閨皆徹縣夜多巷哭行  
者相弔於道君子曰生而人愛之沒而人思之  
孔公之謂矣處士生成化已丑十二月十三日  
春秋七十有五配萬氏繼葉氏俱不育又繼翁  
氏生子即瀾娶吳氏孫男嘉言娶葉氏嘉猷聘  
嚴氏孫女長適吳杞次許字張某未行是歲已  
酉某月某日瀾將舉柩葬翠峰塢之先塋奉文  
學張君某狀介余文處士墓中余嘗雅知賓棲

姑蘇集卷三

廿五

其曷辭銘銘曰時貴藏珠其曷爾濡人競藩籬  
避弗爾愚山澤之癯君子之儒蘭旌瑤琚胥樂  
爾餘垣墉駟車允後爾儲林丘苑紆翠峰之虛  
萬有千禩以寧爾攸居

程孺人呂氏墓志銘

代

正德壬申秋余官京師同年進士張君芝介余  
為程孺人七十文道其賢甚悉後十有三年孺  
人卒且葬矣至是其孫模奉張君之季莊所著  
狀來乞銘張之女弟孺人諸婦也宜核而徵不

復辭按狀孺人姓呂氏父元德距其先宋左史  
竹坡為聞家世占歛之唐川孺人少端淑恭靜  
修女事長歸同邑潛口程文注時尊章皆垂白  
愉婉將奉中慶妯娒下馭婢媵無間言喪祭賓  
享饋食有度家人宜之文注沒孺人齒三十餘  
三男子沼沚漢一女子皆嬰穉未立家且中圯  
孺人居約握勞屹屹卒歲無寧時或不堪其艱  
諷之貳孺人涕泣堅謝言甚激烈荼苦逾厲夜  
恒篝火釐紡織日課諸子舉生務僅無寒饑至

姑蘇集卷三

廿六

畢婚嫁立門戶孺人力也漢失怙時甫一齡壯  
受室張張免子弗戒于蓐遺兒呱呱窶且無保  
毋資靡所湏乳孺人徧乞乳乳兒至微饗殮易  
焉更乳人二百餘兒始粒食長綴學為名流鴻  
漸未已孫枝繁溢門閭瑰盛又孺人力也孺人  
性慈惠志急人顛阨伯姒胡嫠無歸者招與共  
突成其遺孤里有人奴子無父為丘嫂苛虐且  
斃使人嗾其主收之子竟全活鄭君雙石守新  
安邵時嘗表異行大書慈節顏其第故孺人之

懿德益聞于邦族云孺人以嘉靖乙酉冬十月卒先一夕呼模謂曰若宜努力進取下報母氏且慰吾望即吾死不視若謹識之模即張氏遺嬰也歲甲午舉于鄉矣其立而成孺人有勞焉惜其不迫于享耳嗟哉沿婦汪氏繼吳氏傳厥氏止婦胡氏漢婦張氏繼鮑氏女適庠生姚相孫男八人模婦汪氏葉婦江氏極婦汪氏驥婦方氏檀婦嚴氏栢婦某氏梧婦某氏桂婦某氏孫女四人適宋景曜葉雄孫訓子豪鮑作魯孫

姑壻集卷三

廿七

八人應庠應科應元應賢應春三尚幼女六人墓在某山之原銘曰孰匪母慈艱于孤嫠孰匪婦節險于危艱維艱者成維險者平嗟嗟桂棠軼我冠纓山川菀蒼衛此營域曷其有後曰貴皇錫豈維錫之將厚其延徽德芳祥視此深鑄

計廷貴妻沈碩人墓志

碩人沈氏諱淑寧父呂母周蘇之吳縣人沈故舊族世有隱德至今登進士元材始以文學顯蓋碩人之從子也碩人少敏慧聞女紅柔婉貞

靜動不廢紀若出姆保父母鍾愛之為擇壻居之千室得廷貴遂委禽焉既嬪事夫子有禮平居恂恂無敢德色時廷貴有老母碩人滌瀝之奉不忘其姑可謂賢且孝矣已而去父母歸廷貴于外業亦漸圯碩人躬執作操勞苦蚤夜匪懈絕去紈綺膏馥之飾澹無戚容廷貴早卒碩人撫幼孤勉立門戶飯蔬奉佛幾二十年其孤甫立而碩人蓋棺矣卒之日為嘉靖乙酉五月十日迎其生天順庚辰七月六日為嘉靖十有

姑壻集卷三

廿八

八男子二人長昇次昇女一人昇女皆先天昇娶沈氏孫男一人尚幼昇將葬碩人于吳縣太平鄉顧塔村之祖塋卜不食乃以六月二日扶柩藁葬塋傍佛舍俟習吉啓廷貴之兆而合焉先斯介介從弟鄭君良卿來請文其墓石予惟女德弗書而良卿與昇同里聞其言有足徵者乃不辭而為之銘銘曰姑遠而弗遠其姑夫死而弗死其夫倚嗟碩人維是可書

劉孺人墓志銘

劉孺人者其家沅川世以武功階勲爵甚顯貴  
曾祖錡祖秉義皆官至招討威振絕徼父定國  
神策都尉母夫人狄氏賢且善教故孺人之在  
閨閣也於女紅饋食靡不諳習又讀書通大旨  
容儀舉止畧不越度中外稱良焉甫笄吳門  
徐氏為處士世衡妻婦職孔宜名益聞姻族間  
世衡故純膏子而棲志恬曠居嘗無侈靡態布  
袍蔬食若憮然自安見孺人御華澤即心疾之  
嘿不樂孺人偵知其意乃盡謝聲翠如貧家妹

結蟠集卷三

廿九

世衡喜曰是真吾妻也世衡家富不羈結客放  
游畧不顧生事每傾訾與人時至垂索孺人亦  
漫不問而內自搏節劑量辛勞省縮故事事當  
世衡意至其事生送死居凡大節咸孺人相之  
無弗稱善世衡壯歲死子少未立孺人獨持門  
戶教之讀書植業竟底於成歲大歉里婦有孤  
貧不能自食者數人孺人廬聚食之俾蚕績具  
衣累十年皆飽煖垂白則相戒禮阿育王像誦  
經祈福以報孺人止之曰是徒費力無賴事

世豈真有西方聖人能種福田邪其卓識如偉  
人智士若是甚多年八十許猶強健能夜績課  
女奴輩忽中宵遽微恙忽忽遂殂時嘉靖庚戌  
八月也其生成化壬辰三月子曰可成女曰親  
奴婦趙氏内外孫五人矣是年秋九月可成奉  
柩合塋長坂墓左穴余為志而銘之銘曰擅腹  
而家能弗席其華秉順厥良能弗反其常笄而  
升兮展也允臧長坂高原雲林蒼蒼曰責其載  
都紀曹君生壙志銘

結蟠集卷三

卅

國家分建庶官列之諸司有執事於緇黃之教  
咸有所長若大府之都紀視選人九品領牒蒞  
事非其行業著聞能陞辟望者弗與焉其官資  
以勞最為久任故都紀之職非有縣悃恒數十  
禩不一易人人視其服官久暫為優劣而上官  
亦往往馮之以課賢否信不難於官而難於久  
也善乎曹君蓬窓之居都紀蓋幾二十稔云君  
諱正暘別稱蓬窓蘇之吳江人也世以族姓著  
其邑之南門稱南門曹氏其先諱瑾者典邑文

學以清介聞有室曰水竹居多名賢題識聲動一時君之祖曰能父曰銓皆有隱德銓有四壙子君其季也生而神氣清越貌魁岸不凡少通經學制科已乃有玄虛之想請于父請郡城隍廟受度爲黃冠事其師范誠軒甚謹飾焚脩旦夕當恭不怠盡得其指授三五飛騰章醮雷法業蓋精諦正德中郡守朱康徐公知君賢徵爲郡道紀同都紀既謁選天官入朝謝京輦縉紳賦詩餞之都門以歸羽流榮之君蒞職勤慎郡

蛭蟻集卷三

廿一

太守每屬以事或典嘗錄若禮儀壇祀多使攝行率報可司例有差役供應能約劑而均之無弗稱平居十年爲同列所忌毀言稍至遂構誣誑誤去閔歲封奏自直下監司復其官君益勵志震飭其教旁浹指縣又十年乃自請老免歸別築精廬西南郭十里種花蔬沼荆扉土垣外居之甚適日反戶冥息以清虛自樂或披讀黃庭諸篇習以爲常間一入廟宇亦并處奧室罕與客接平居事上撫下不廢恩義而遇事尤績

密嘗有豪商得危疾禱于廟庭夕夢神人羽衛臨其家覺而差乃捐金數十鐸屬君爲完葺棟宇章施采繪謹奉之無少自私其處心遇物恒多稱是性復曠達視浮世若瞬睫身若旅寄生死若旦夜了不執著故祿櫃壙埏成周視具足矣壙在長洲縣之唐巷村壤樹原田令其從子某世守之余每過之喜就君游談或假榻信宿間以請曰公知我願賜一言用光息骸之區庶他日化去形神漸寂有恃而不沒也余觀老氏

蛭蟻集卷三

廿一

之學在能齊得喪一死生函虛守雌保其谷神殆曹君之謂與非邪曹君之弟子曰徐繼者曰張用清曰錢某等咸克繩嗣其道因爲志生壙并系之且銘曰溷沕閑縱孰探其倪浮游屈伸孰鏡其機帝齋孔玄繫弗爾迷苑林青山板原迴谿斥土虛中言是爾接曷曰旋歸百歲爲期

蛭蟻集卷之三

蜚蜚集卷四目錄

行狀

封奉政大夫兵部郎中前太醫院院判丹

谷盧公行狀

雲南按察司經歷劉公行狀

朱節母陳氏行狀

明處士竹泉樊君行狀

鄒碩人行狀

趙府右長史方公行狀

蜚蜚集卷四目錄

祭文

代東泉祭汪王墓文

祭張尊江郡丞文

奠劉古峽經憲文

祭姜時川文

祭崦西少宰文

祭淺菴徐長史文

祭竹石張翁文

祭張南村文

代

祭屠諭德文

代貞山

代胡叔吉祭永安王文

祭陸貞山文

祭王酉室文

蜚蜚集卷四目錄

二



蟬集卷之四

吳門鄭若庸著

新安胡迪校梓

行狀

封奉政大夫兵部郎中前太醫院院判

賜三品服丹谷盧公行狀

高初彥昭皇四川布政司左叅政

曾祖佐太醫院醫士

祖輔太醫院醫士

父常

皇贈太醫院院判丹趙氏 蘇州府常熟縣

某都茶里盧志年八十五狀

公諱志字宗尹別稱丹谷世家吳郡之太倉勝

國時曰彥昭者以文學知名 天朝洪武中就

賢良徵為四川左叅政聞難歸入即棄官歸

隱常熟福山稱絲桐老叟以著述終公高祖也

彥昭子佐子輔咸擅醫術輔子常曰恒齋

猶精專為時所宗配趙氏生公少警敏善學

非據醫室誦諸家言琅琅徹旦夜稍長學益博

綜海上有富翁得奇疾群工不能治或曰盧公

子善讀父書盍嘗之立延公至一藥而愈得金

繒盈篋歸恒齋方嬰疾伏枕喜曰兒信若是吾

不視已無何恒齋沒公力具美槨含槨甚厚迨

于喪葬莫不由禮恒齋性不喜牟利居父食貧

室枵然無長資公恬不為愠嘗得杜生遺金道

中亟乘夜歛其孀婦之人以為難時名已籍籍

起赴者雲集弘治丁巳 詔求明醫里中以公

蟬集卷四

二

應薦椒塘楊公方宰邑命試療異疾十人皆應

手瘡即上之春官考隸太醫院旋以高等選供

奉 御藥房公寅畏勤敏多稱 上意院例進

藥必具方制細書寸楮楷法嚴整可愛屢見嘉

賞名傳禁掖甲子公奉 旨與纂修本草期年

當報竣母夫人病卒京邸所司念公勞將越例

疏名遲與優典或又諷需留部考異定名籍公

皆堅謝不可亟報喪還正德丁卯服闋請京時

幸廟已晏駕纂修事寢荒不得冒秩仍蒞 御

藥 昭聖太后遠和公入眡 上見奏名駭  
曰爾非先帝時書藥方盧某邪拊公背慰諭良  
父 賜以鐵幣癸酉侍 上疾效授御醫乙亥  
以勞進本院院判自是數被 眷注累賜金綺  
及三品章服凡三命焉時 上頗事游幸多外  
嬖公以韜嘿恭巽周旋其間調衛 聖躬不恤  
殫瘁論者以忠智目之庚辰 上南巡還感疾  
召公診脉右寸洪數而溢曰是積勞致傷元氣  
耗竭水不制火浮陽上升之証且冬得夏脉反

陸曉集卷四

三

者不治因潛白諸執政謂國家儲位未立群孽  
在 朝曲突之防不可不預於是大學士石齋  
楊公某東萊毛公某蔣公某相率詣公第決議  
國計始定公之力也後廷臣例論醫院諸執事  
刑科給事中邢寰倡言曰 先帝大漸盧某已  
預言過不冝濫及會有鄉人啣公者嗾使勿縱  
因陳狀自免後累 詔賜致仕留家輦下侯門  
戚畹爭以醫致公輒奏奇効旁午無虛日嘉靖  
乙未長子梗舉進士群賀者至公不色喜暨梗

陸曉集卷四

四

以奏論選人忤 旨被逮 詔獄交知洵洵多  
為公危者公曰始教之憂其無成今有臣職非  
吾可逆計也畧無休迫聞者服其有遠識云以  
梗貴例封刑部主事稍戢京國紛縶載具南歸  
居郡之崑山與薦紳耆宿驩然紛榆間畧無世  
慮後復治第郡城西偏丁未某月某日公以微  
恙卒于城西之第會 命下進封公駕部郎中  
而公屬續矣公天性純孝敦尚彝秩家有彥昭  
公遺稿書翰什襲珍護若未觸手事父母色養  
具至迨沒則躬負柩歸倡築墓宮嚴慎享祀修  
輯譜牒凡益於宗祏靡不刻意素抱孤峻重自  
恥抑其隸醫院多勸之援例冠帶及津費欲以  
幸途加秩公皆不聽重韓之家非由禮接未嘗  
漫厠其門故朝紳雅以操行術業重公譽與游  
處公韋布自將垂二十年猶里巷窮約時也其  
遇尊官上使不喜懾服諸稍在已左者雖至貧  
賤必折節傾下畧無弛容又多面斥人過舉立  
別是非聞片善即稱之不絕口視人依違渙瀝

以要時譽若汗背不能居住濶畧不上訾竿有  
遺貨或乾沒者亦漫置不問然赴危急若蹈水  
火雖垂橐無少恡居京師時梗同業生藍某或  
中之代戍遠徼貧無援資梗倉卒蓋脫內人替  
珥為地以免公聞之喜動顏色其勇於為義類  
如此公自素難以下諸方家書無弗深極玄奧  
要其指歸同異得失卓有定見故其學精遠卓  
拔按脉察色洞人五藏而砥砭湯液不任成法  
真若良將用兵奇正畢出所投必勝錢東湖工

唐集卷四

五

部云予與邑宰慈谿楊公燕坐適舉貢醫士盧  
宗尹至公召試之曰吾苦便數病安所由對曰  
明公御政煩劇傷於多言言多氣隨多出少收  
氣不攝水是以數也公大奇之予亦適痰嗽日  
飲酒太過與金沸草散一服而愈斬戒軒閣老  
云予門人許補之病傷寒宗尹診之脉皆細數  
形貌若醉目赤吻枯不飲不語或自語不了了  
因以道赤瀉心二湯合飲愈之既而他醫師誤  
投峻藥熱上騰為喉閉且殆宗尹砥之血濡縷

而甦予始質之宗尹曰此治法不出仲景而出  
于東垣者也仲景論曰無奇經則無傷寒其治  
專主足經而不及手及東垣始發傳手經之義  
蓋仲景道其常東垣極其變予治許子從其變  
也唐太史云同年應天獎卧甌疾嗣後事矣未  
幾而起予駭聞故曰始殆時太醫盧宗尹氏謂  
予脉有神可起第毋欲速以犀角地黃湯少殺  
予疾予病其日耗亟以他劑飲之血逆上行他  
醫皆周張失措欲下以峻藥乃憶盧君言再致

唐集卷四

六

之至則曰通因通用實實虛虛補不足損有餘  
法也仍以前劑加解補之味故閱月而差耳予  
曰人以實補其邪此以通宣其滯人以峻益其  
危此以徐適其變動中機會立効如響所謂良  
醫師者非與鐵竹梧臨郡云瑞素病弱引治  
乙卯秋得火金相乘之証丙辰夏轉劇幾至不  
起丹谷先生診之曰此水不勝火也補水則火  
自息諸病可不藥而愈遂即舊服方加玄參生  
地服之良已方貢士云予母氏年七十有九徂

歲患重腿股內急痛遂不能步時作寒熱蓋勞傷也醫工執東垣勞傷脾上之治皆固功者盛先生曰東垣是已然有勞不傷脾者內經云大勞則火起於筋大怒則火起於肝今勞傷於筋連絡於股故作急痛燕飲食傷脾熱氣中結如果懷核散乃可消屈於東垣而不本內經固難為治以柴胡黃連瀉其火芍藥當歸養其血甘草緩其急徐服虎骨丸數日後當發瘡熱散而痛止矣其言悉驗如神又刑部易正即某傷寒

蟄蟄集卷四

七

止氣喘逆脉七八至群工環視皆謂必死公至云諸君以脉至太過為死候耶不可死者正在是耳急與之白虎湯下咽而差介溪閣老子病痢兩月元神衰蕩莫能治公按其脉力主以峻利急下之而安公之治效章章縉紳間多不止是嘗奏進醫學百問辯發微破惑折理詳到學者尚之所著脈家典要及增定醫學綱目等書並有稿藏于家公風神秀整修髯玉哲服御鮮潔望之若清江振鷺然不善酒聲色雜戲

無所好其中恒靜定而外著夷曠故人樂親附焉其生天順癸未十二月初四日配陳氏封安人贈宜人繼薛氏封宜人子二長即梗兵部武庫司郎中娶許氏封安人繼陸氏次楠國學生娶周氏繼陶氏女六長適沈大東次贅張詰早卒次適某次適某一外育一義絕皆不書禮也梗子見龍卒今內紹子次孝聘某氏女長適太學生魏大順次許字婦某次許字查志夫次許字孫某楠女一許贅孔某公之沒也梗方營丘

蟄蟄集卷四

八

墓為復土計將往請銘於皇太史氏以予雅故知公為詳屬以狀事義不可辭敬以所聞知撫拾於篇備彤管蒐采之萬一云謹狀

雲南按察司經歷劉公行狀

曾祖諱禧累贈資政大夫南京刑部尚

書祖妣贈夫人張氏 祖諱綱妣碩人

沈氏 父諱佃 號靜軒吳寧生

妣碩人陳氏 貫蘇州衛籍江西臨江

府新淦縣人劉遠年五十二

公姓劉氏諱遠字紹卿別稱古峽宋集賢學士  
原父之裔原父以家學各一時稱三劉先生者  
著族清江其後持矩仕元江西行省都事移家  
新淦之橋埠其子雲芳繁 國朝開左籍于姑  
蘇子曰迪吉迪吉少子曰謙海寔代兄戍姑蘇  
居吳縣鳳凰里謙海子宗政宗政三子曰綱曰  
紀曰纓纓蓋昔大司寇鐵柯公云綱子佃字子  
畊號靜軒公王考也靜軒公先娶於朱繼於黃  
又繼於陳而公生焉穎秀瑰岸與凡兒殊司寇

姑蘇集卷四

九

方貴而晚育靜軒公克以才諧當司寇意甚屬  
愛之更愛公猶諸孫司寇以逆瑾中禍逮詔獄  
靜軒公徙之反京師得勞疾死公年終十有四  
司寇厚致含歛公泣謝至再不敢受執禮甚周  
憂居力學兼綜家務已稔然見風俗大為司寇  
器重既援例升辟雍卒業還拮据奉母嚴慎享  
祀顧復宗戚悖信賓友凡事以篤行為先暇益  
閱肆墳典博極文藝日若弗給也司寇沒門戶  
稍稍侵弱公獨振業力持恒恐夷墜劉氏類焉

年三十餘以母老須少祿養就仕得雲南按察  
司經歷其治政西南夷虛梗悍難理公以明敏  
剛決毅然自信蒞事奉職循循不苟連率鉛山  
張公心奇之每欲嘗公會土官楊訓坐殺人論  
死西府豪奴高壁罪當謫戍多以賄墨治吏不  
能決屬公詳讞二豪者潛挾重貨餽公公拒弗  
顧並抵以法張遂歎服延譽不置公亦砥礪鋒  
鏑無弗迎刃才聲藉藉起滇中上官文屬以事  
朱嘗留牘率報平允楊林王驍道提殺人而有

姑蘇集卷四

十

其携偶郡守至聞其人呼楊林王驍而絕立命  
捕之已遁去地有武弁子同姓而驍駭自疑為  
府所錄一訊成獄監司疑其冤下公平反公得  
殺人者伏辜釋武弁子人以為神千戶胡學詩  
殺其妻紀紀兄白之大府賕不得直公為直之  
胡復 奏辯受賕者方據要津為之地公不為  
怵胡竟伏法滇中鐵厲公平糴盡發庾粟家多  
寡遠近均以差序仍躬督之糶者帖服民賴以  
紓時藩臬僚佐多樂署郡縣輒以污敗公竊為

耻有委任即堅謝不赴嘗奉檄清查畧雲南  
迤東諸郡蒐獵盡焚一無所隱頗招物忌有側  
目者偶榜其長官掾吏為所媒孽因免端即委  
去世務退處亭園枕藉李杜歌詩焚香淪茗嘯  
咏竟日泊然無塵外之累恒居不喜束帶伏謁  
公府於桑梓達官縉紳亦輒追趨惟廢弔交際  
則不敢後貞人雅士多相過從款密留連不厭  
其數尤屬意親黨單寒阨必加周恤頗力不  
迨而止性直諒無所茹吐疾人甚嚴動見顏色

歸德集卷四

十一

有不善立而折之或誤犯公即下急不少挫久  
亦夷然無他腸少長華閥而更踐艱否益多謀  
議就之咨決皆纒纒可行於昭善者推心共事  
前無險塞與人恒抑抑謙下劇語雖燕恬無所  
忤而其中介焉自不可奪蓋不愧古之遺直云  
公平生志振起宗祏故刻意教其子城城成已  
求其學較更教其孫孟明明方孺齡通慧嗜讀  
書有亨大之望公不待矣嗚呼悲夫茲歲丙午  
公寢疾旬餘四月九日卒於里第其生弘治乙

卯某月某日夫人郭氏子一人即城吳邑學生  
娶陳氏長女適太學張某少以妻其孫男孟明  
女一人城將奉公殯權厝靈巖鄉桃花塢世墓  
之側俟臨穴焉庸於公有世誼且辱其橋梓雅  
好臧介余為狀往乞銘于皇太史氏因不揆燕  
僭疏列如右

朱節母陳氏行狀

節母陳氏者太倉沙溪里人也父曰陳叔本母  
張咸里中舊姓家力農田初舉節母婉淑幽靜

歸德集卷四

十一

善女事當二親意殊屬愛之慎所纓者視同里  
朱氏子泰少慧利聽其委禽舍之館就婚焉母  
以恭順事夫子迨厥章饋食候問不以時廢  
泰壯碩喜挾資客游逐時羨居無何生兒甫三  
齡泰旅死琴川母年絕二十有六閨闔歸其喪  
日夜持兒雪泣不已父憐其少也風之貳母弟  
持兒雪泣不對時有謝氏約婚者父潛諾之既  
戒期毋張欽泣淒斷有異色毋駭問故始閉不  
肯言固叩之哽咽語曰兒知之邪而父將復醮

兒行兒今夕在側明為謝氏婦矣母投地悲塞  
良久亟趨寢所擁兒泣竟夜欲自縊死張慎衛  
不得遂晨起即機抒取利剪抉右臂流血被地  
仆血中父驚拯之乃大悔停謝氏婚母由是得  
即畢志鞠孤兒殫力艱苦織紉以給兒弱好弄  
洩涕杖之曰汝父不祿吾忍死至此僅以汝在  
期汝成立以下慰汝父酬吾志顧悠悠若是吾  
奚望乎稍長令兒就傅夜歸篝火大課之誦習以  
為恒兒始以制科志梯仕錄牒試輒弗利乃以

結集卷四

七三

例補邑曹掾真沾微祿以慰母志也時母以目  
背沉綿至失明兒亦良孝能力具溫養毋殊安  
焉未幾以怨家中傷逮罪籍問左戍雷陽雷陽  
遠萬里外且制於法迫行母牽衣泣不令去兒  
傅室孫請俱行母曰新婦若爾吾死不視矣既  
行毋獨居然晝夜呼天兒亟歸即死無憾乃  
兒竟以恤典放還母子相依如初嘉靖丙午母  
年七十有一是年某月某日寢疾卒兒號踊廢  
食幾不欲生以予雅知之苴麻踵門拜且泣乞

述母事往請銘以葬且云母性純孝父病薦不  
能飯將斃母搗礪鷓鴣作糜含以飼父父延之旬  
日中歲舅氏某眩莠言欲母異突母即挈兒出  
居握辛茹茶人若不克堪母處之無威容其大  
節槩若此者而細行不及詳已言既又拜且泣  
啜啜不休余某哀之因再拜請述母狀代有良  
史錫言貞勤某所不朽當在於是母生某年某  
月某日死時年七十有一兒從母姓曰陳元服  
室陸氏傳孫氏俱未育嗣子曰陳策墓在白沙

結集卷五

古一

村塋以某年某月某日爰述狀以埃謹狀

明處士竹泉樊君行狀

樊之肇進賢北山人其先曰三益元祐中教授  
歙州因家焉世占歙西之紫睦里克以族著勝  
國之季曰元寶善事今起家其子曰孟威業益  
大孟威子曰仲宏仲宏子曰田寄田寄子曰相  
錦稱南園翁業又益大買田開塋公其宗人別  
立腴產以賄間左故樊氏有義聞處士其子也  
諱祐字天祐號竹泉少通慧始就傳習舉子學



博洽經義有駸駸邁往之勢已乃嗟曰吾祖吾父皆起廢著燕休太平今幸不夷墜顧欲去此落落佔俾邪苟奇阨名途圯前人之緒將孰愈哉因毅然治任入吳會據其衝轉貨南北羸羨從倍則以所餘推惠寧之扶翔危陷番橐指廩無恡色更喜結納名碩造請過從驩如平生一時端委之流無弗樂比焉平居尤薦倫秩奉父南圃翁若毋米碩人敬順承志不怠昕夕毋病華徒跳請禱乞以身代沒而盡哀喪塋踰厚經

結集卷四

五

毋李事之所生益以孝著性直諒不能脂韋洪認與人共利未嘗銖寸自私人有忿爭就處士一言立解去嘗三為甲長為邑民處罷苛役稱其均平交相德之處士初未有憂色南圃翁慰之曰吾家素積善天將不置我後弟無慮也後生五男暨二女子子且壯碩咸責以買事自謝歸寓跡泉石間時竹種魚與幽人逸士豪飲竟日劇譚苦吟絕不問生事詩語清麗書亦楷則故鄉邑稱竹泉處士謂白眉云處士生成

化辛丑十二月廿又一日生六十有五年以嘉靖乙巳閏正月廿又一日卒於家配碩人清河江氏傳室王氏子曰高曰襄曰奇曰豪曰衮女二適張晉次適洪天倫孫女一是歲之冬諸孤將卜葬處士於後山杏坦之祖塋先事以狀屬余昔交竹泉昵且久不敢以燕廢辭謹序次其履歷以俟夫當代史氏哀而錄焉

鄒碩人行狀代

鄒碩人者湯君俊臣傳室也湯為吳著姓世以

結集卷四

六

長善相授至俊臣益振拔占挾中秘名藉藉起始未得男故多傳室而碩人以賢聞有子女六人矣嘉靖乙巳十月七日卒明年俊臣亦卒且塋遂塋碩人其子鳳岐述狀乞予銘予嫺家知之宜習弗獲辭序云碩人鄒氏諱某長洲人恭順貞靜重自坊飲又善釐女事至歸俊臣卓有矩度不以脂澤容說自效顧力綜核內政脩賓祭饋食之職雖不敢制而未嘗告勞俊臣每屈以事敬慎翼翼執義弗撓重於詭隨性樂處約



素若思滔蹈華侈糜奉燕襲及以少臧鯨自污  
日惟簡默不見訾笑所產子漸長茂時諄諄詔  
以績學種行稍有弛志即正色訶之皆屏息碎  
易若嚴師然於儕耦間則溫煦周浹畧無諍  
語或然誹間至闔戶引咎至覆沒不顧直曰重  
擢乃公慮也故俊臣雅宜之内外亦無弗謂經  
碩人賢者君子曰斯可以觀德矣敬其事不私  
其身貞其發不奪其介鞠躬盡瘁損軀是任純  
臣奉若之大節古今偉人烈士所難能也碩人

姑蘇集卷四

七

秉心制行若或埒焉豈曰聲程之賢乎哉碩人  
生正德丙寅十二月十九日年僅四十免子三  
人鳳岐娶周氏鳳翔聘張氏鳳禎尚幼女三人  
長適予兒邵庠生恒純次適王有翼某字方某  
鳳岐等將以茲歲孟冬祔塋于西園君墓直祿  
踵余乞為狀為述其女節之卓卓者以徵於彤  
管氏云

趙府右長史方公行狀

方公者閩之莆陽人也諱正梁字兆之別稱

峰遠祖曰唐都督長史淑宋寶漢閣學士大綜  
曾祖達祖烜父詩號坦齋母林氏同邑聞家初  
坦齋公禱嗣于鯉湖神夢神語曰好正梁遂生  
公因以為名生三歲而孤母夫人燈績茹苦與  
公俱公穉齒凝重不逐游嬉稍長力得學無間  
寒暑閱遠燕人發藻瑰麗能末見曹耦問為里  
中師且靡繡以養將順曲至時授徒城東撤講  
即馳歸問毋安否日恒三反有珍甘懷歸奉馬  
嘉靖乙酉籍錄牒諸生視學憲臣潘公揚推德

姑蘇集卷四

八

行首及公公遜謝不肯居辛卯領鄉薦亞魁赴  
春官試不利還值母病日夜侍寢所不解衣間  
焚香籲天乞以身代母卒哭踊頓絕幾不能生  
稅櫝含歛必誠必敬苦塊三載未嘗御酒肉會  
祖考妣若厥父皆在殯買山營葬躬事徂鍾與  
傭保雜作丞成堂封壬辰禮闈試乙榜受檄典  
鈞陽教事以身率物規條嚴整風習丕變與諸  
生徒交宛著恩誼有空嚙之急即周予之庚子  
春遷南京國子監學正頻行青衿相泣遮道人

以為難居南雍清操益勵館士修賢皆不內屬  
鈎校圖簿典者懼以昧嘗公公厲色叱之不發  
其隱鳴夷遣子弟入學公皆專教之諭以忠孝  
匡翼其成去皆依依不舍居八年官稱滿聞大  
司成松溪程公將薦諸 朝適 命下擢 趙  
府右長史資無行資程公欲圖為地公懇辭稱  
貸以往既入趙見 王修禮好學益摠忠誠啓  
沃獻替多被殊獎時燕見便殿咨詢國政上下  
言議舉止端慎 王亦為以容命傳世孫迪以

時號集卷四

十九

齊治經綸之要不事章句 國妃薨 王令府  
僚雜議喪儀公請罷繡黃歌樂沿習故事一道  
古禮並準公行宗人深惡啓 王繩束之相戒  
無敢越度趙人有高贊而無後者其婦潛襁他  
姓子自樹且善行錢訟久不決 王下公治狀  
公焚香告神具兩造子逆鉤致之竟發其隱高  
贊家德公請奉百金公曰宗系至重故吾為若  
直寧有心相翼邪竟不受 王於是益重公會  
左長史闕疏擢公以令恪限罷又請加公秩得

古階中順大夫賜服四品公性直諒不能矯媚  
逢人而中寔夷然畧無畦町推誠待人然諾必  
復又樂道人善稱不容口疵毀者多為蓋藏益  
薦藝秩奉其從兄賓松君敬愛不地從祖昔守  
懷慶公請祀之學宮且著郡乘以章其功數欲  
乞表毋節為有力者所先多被沮抗憂患致疾  
語其子曰生不及致榮養沒不能表揚潛德吾  
何用生為每忌辰素服加掃慘沮移日有招延  
亦謝不行諸子有小過嚴加詰責不少借若視

時號集卷四

二十

僮御寬而有恩平居不遜聲色終其身不畜妻  
媵緇衣藿食恬然自安履官二十年未嘗有燕  
饗之奉惟於賓祭則極豐腆燕閒過從坐客常  
滿亦不厭也讀書博綜羣典靡不蒐獵恒篝火  
夜分垂老不衰為詩文清雅有法間突兀作奇  
語尤精書學多所評駁皆有稿藏于家公生弘  
治丙辰十一月廿四日嘉靖甲寅九月廿九日  
卒於官邸享年五十有九配夫人黃氏子男二  
長浩娶高氏次洪聘黃氏女二長勉道鄭應重

皆宦族次仰孫男播尚幼余之入鄴也獲奉周旋於公及友其子浩又驤鼠之腹飽公之餘潤久矣公之操履知之為詳方將有圖于今太史氏則屬余職華研以代浩之荒迷不倫爰為序列如石操彤管者于茲考焉

祭文

代東泉祭汪王墓文

裔孫某謹祭于烈祖汪王之神維我烈祖功德昭宣封祀孔殷垂千百年林林茫茫黎駿奔豆蓬

時魏集卷四

廿一

光也末屬惟神之延祇服明靈其敢弗虔有業雲即玄宮既安鬼神禁呵驅厲山左風氣鬱盤福我綏我鐘簾森然烜赫今古爰有祖妣祝禱未歸言卜永宅於此焉依筮日僞功奮鍾是携五患可遠四獸咸宜利我曾玄曰昌厥遺轉移禋祥神握其機俾無禍灾克迓蕃禧是曰佑啓匪神之私斗酒辦香百拜寢廟靈響如存錫我昭報

祭張尊江郡丞文

代

嗚呼士貴尚志靡辱則堅在我奚必幸成於天公椒秉心孝弟力田采蓴澄江浮休歲年特乎奪之揚摧藝圃茅拔以茹登藉天府言懷長人鸞翔鶴翥為國藻繪作后肱股時乎奪之隼擊銅章屏車載征殿厥太邦子惠誕敷莫敢或違猷抑寧論賢聞益光維山之左迨江之右神明豈弟其施未究時乎奪之閔凶遄邁星殞中夜鶉鳴清晝涕公之志宜卓而優疆執自信惕惕不休言親厥成動罔或酬天寔括之於公何尤公距純膏不染于累公俯郡邑不悃于位行言弗違出處奚愧匪帥以志孰是之粹公有嘉胤繼述斯任繩公往圖煥焉弗陳行將奮庸羽儀振振公志之詘信于後人寔予謫微受知令子習聞懿美溢乎克耳惜公之志悼公之死哲人靡留吾將安倚輶駕錦旌逡巡道周一望蒼林千古青丘灑酒陳辭佐以旨羞公胡不復使我心憂尚享

時魏集卷四

廿一

奠劉古峽經憲文

嗚呼士貴相知知心則難我生寡儔為時棄捐  
君獨信之真感芳言人毀者舉人妬者妬紕穢  
拙言聊茲饒嘲敵帚誰顧醬醢可覆君獨視之  
玲瓏璞玉片辭隻語森森箇積人之有心或殊  
愛憎逐臭嗜痂豈君不明時也則然曉曉同聲  
所侍者君風雨鷄鳴君宦遠微緘書不啗及君  
縣車共此桑柘若杯談塵林屏月榭論心把袂  
寧遠旦夜豈無姻好亦多朋蔣泊馬浮沈誰適  
與謀疑貳之賡匪君奚求忠告諄諄儼同豫憂

蟄蟄集卷四

十三

鵠人首令君蓬冲養浹旬易質疾視履寧鍾期  
不作伯牙絕響慨余馬依傷哉獨往跬步所經  
君有室廬出入必由驢然弗渝今即君第問惟  
琴書我復能來君安所如君之賢聞藉藉鄉國  
君之官聲洋洋治域生克標見沒多損述維是  
不朽於君奚恤所可念者負志未伸秩止即佐  
年僅五旬玄髮尚稠逸豫方新俄登鬼錄天胡  
不仁慰君云何言有聞子橫飛迅躍唾手可煥  
能御君壽能畢君志君即蓋棺可謂不死友道

淪喪逐逐游嬉睚眦細故反唇相譏緬懷高義  
如君則稀存亡之悲誠切吾私覲茲祖載往就  
玄室青丘蓬顆言旋曷日自斷竟授煙林如絨  
思君不見使我心惻已乎悲夫尚享

祭姜時川文

嗚呼悲哉公已矣夫孰不秉德公復其全孰不  
綴學公諳其玄植志嶢嶢振藻翩翩囊括河山  
途軌聖賢出為謀謨施及經濟上宜格心下斯  
作又利害不移夷險寧避功崇招毀名高遠忌

蟄蟄集卷四

廿四

用乃弗撓阨而不瀆直躬以行與物無求雲霞  
為徒藥鹿可將委命達生泊馬浮休嗚呼悲哉  
公之急人若蹈水火公之予人若遺咳唾扶義  
顛躓畢恩寒餓昔稱賢豪時公是過我生寒拙  
落落寡依骯髒多遺詆訾群飛誰護我心恃公  
獨知罔狗豕與異妍媸畧我町畦披之肝腹  
切劘孔勤艱虞攸屬永日負杖中宵縣燭纏綿  
相語莫匪心曲嗚呼悲哉公往屬纊我臨公棺  
左右湯沐為公針含染公襚衣清血沈潤俯仰

昔今再更暑寒空山邃館澄江峨閣萋草自碧  
幽花時落舊游儼在公已冥漠觸景潸淚嗟奚  
可作遙隔廟貌宇內文章弓冶遺賢蘭桂承芳  
沒而不磨後將逾光孰則婉美於公何傷緬懷  
公知義均骨肉天胡奪公有身莫贖拊膺長號  
呼公不復曰余疇依哀哀無祿矧也輜載欲與  
雲丘千秋鑒宮往徙靡由陳之糝醪申以脯羞  
所敢忘公有如河流嗚呼悲哉

祭嶽西少宰文

結鏡集卷四

廿五

嗚呼士也學道致君澤民時乎卷舒思善其身  
緬彼祿仕匪易伊偶有庸而兼公則孔懋淳泓  
之蘊璀璨其英懷實詎私揚諸宰連紫幘橫經  
綠車受簡賢羅再張銓柄斯攬既專輔弼亦贊  
明揚哲后賢僚作我又康曷為吹萬公翁其管  
蜀為甘霖公妻其淪靡監于行委蛇自公默成  
而孚孰愈其隆吾道聿伸神功遂歛煙雲東觀  
鸞花西嶼冥鴻何逸曾弋忘機巖扉由崇嶺然  
帝師台躔夜燁群望六屬安輿政召誅穢端續

嗟哉嗟哉存亡飄忽等迅昏曙謂言宜永視厥  
攸樹 天語溫懷帝亨大烹斯是不磨崇勲用  
旌葩藻之詞遙迤潔朋來旅晉奚則可埒我生  
蹇薄往受公知幽明觸感哭吾私行即化臺靈  
巖之下餞公長哀侑以茲竿尚享

祭淺菴徐長史文

惟公挺秀髫齒發藻弱歲嗣業青紺承芳丹桂  
皇皇校宮赫赫文衡是典是司俊乂乃登晉陟  
工虞馴字即署弼諧謨明崇功允著爰相王

結鏡集卷四

某

國翩翩曳裾迢遞荆門雲夢之墟官績方殷榮  
階日侈湘水扁舟憐馬故里金緋有輝玄髮未  
蒼雲嶠煙波花鳥壺觴桑梓息機亦安且樂誰  
哉獲險龍門劔閣世方壅壅公則決藩人多憂  
危公惟笑懼丕承載顯貽謀孔裕錫胤既嘉雲  
昆益庶公之有生寧愧天壤馳馭凌虛俄然帝  
鄉陰陽晦旦厥有恒紀如公歸全何憾于此懷  
公平生薦義肫肫燕覲怡愉弗弛其親曾是一  
瞬頃睽今昔求公何所范乎莫即曷為施哀燕

類青丘公適有期茲晨弗省言餞醑酒丹茲落  
目皇貴斯存遲爾玄室尚享

祭竹石張翁文

猗嗟我公粹稟純全纓冕之器山澤之賢慎言  
執行溫溫金玉長善鄉閭揚芬邦族有竹與石  
居之若忘言範于真其道彌光夷明屯膏靡究  
厥施眷言遺之啓爾元子既穎巍科投射宰  
途司言左掖祥鳳朝鳴一麾南征乃殿楚服循  
良翁敷允哉方牧鴻階聿臻祿養孔殷敦願暇

卷中

廿七

豫胥樂申申五馬旋歸輝赫桑梓丹轂在縣彩  
衣仍試依依杖屨奉公徜徉野艇巾車優游未  
央矧也孫枝聯榮並茂錫類允庶公心曷疚  
大賁華封駁駁九齡鈞化攸迂夏馬青冥二氣  
屈伸倏忽夢幻履茲百順於公奚憾念與令子  
累世通家愛戚縈情寧不藍嗟載陟影堂欲睇  
無所緬彼巫陽誰爲公些二簋維錄列拜陳詞  
兩虬雲中跂予望之尚享

祭章南村文代

嗚呼先生醇正之學弘肆之才負粹履方秉心  
弗回煙霞裕餐鍾鼎若括翩然高蹈南郭之禎  
喬峯大澤孤眺長吟揚蕤吐芬燁燁球琳諄諄  
過庭詩禮是教策勲巍科展也有耀驥驥鴻騫  
厥晉未涯聿來賁錫綬於天家鼎養攸崇有儀  
匪卜嗚呼先生曷駛以復復則有恒疇將逸斯  
錫類孔嘉何慰如之某叨門墻一經是化雨  
汪洋厥澤允霑驚寤真前定負馳陶有德靡酬  
我心則勞死生旦夜維遺者壽言垂慶餘孰是

卷西

廿八

不朽乃駕塗車乃即玄宮丹旌搖搖邇彼晨風  
佳城晝闋千秋永決洒酒陳辭膏淚如雪

祭屠論德文代貞山

嗟乎嗟乎子秉完氣攬異穹壤草不摧英星辰  
降芒軼藝曹董席寵韓揚如玉如金為龍為光  
投射玉階拔書麟室雲司更選藁莖晉秩館局  
詞輅編摩效職紫幄橫經青坊比笏蜚英左署  
繫望中台棘人孔疚護遑薦哀素冠言旋綠野  
將開楚鵬興妖遼鶴不回嗟乎嗟乎子視余輩

誼寔昆弟後先薦榜頡頏試吏食斯共簋出則  
聯轡凌厲志節切劘道義炙手可貌偃草是懲  
詭遇多逢直道難行芝檢分署蒸燈弛盟內外  
或殊陟降靡恒矧余二人樞机顛躓寒灰朽木  
山間水澨異子遠大尚酬斯志子今已矣將復  
奚事嗟乎嗟乎子死若生雖晦逾光鳳毛接武  
玉樹齊芳所享弗邀其遺者長余以道悲易於  
子傷孤帆南飛言即子第雙輪在縣美櫓前開  
哀音徒激清顏莫睇雲物並慘人琴俱逝我有

姑蘇集卷四

九

金齋子弗我烹我有樽罍子弗我傾告之話言  
達以悃誠庶子神識亮于冥冥已乎悲夫嗚呼  
尚享

代胡叔吉祭永安王文

烏庠昔大君建封萬國以親同姓蕃王慎脩百  
行以承天休爰有明德克綏祇受肆維大楚分  
屬高皇肇自啓疆迨于累世忠孝植德奕葉  
丕承暨我永安哲王寔衍支封克繼令緒  
哀誠履信繇於性稟外祿現行內修天秩俶奉

珪冕兢兢自持謙卑和易樂善不倦齋莊恭敬  
執之弗弛斯以克采令譽國族知矜式焉夫大  
德夔福鈞宰恒紀慎修如王宜臻上壽遐弗茲  
邁渺焉雲升是故典戚魄之嗟悼動朝紳之惋  
嘆也敕使再臨屬啓瑩域朝章顯與輝煌湘漢  
身雖反化芳聲之延有不哀哀於無窮者哉矧  
有英賢克繩克嗣是雖為王悲而又為王慰矣  
迨寒峻無似仰荷不遺囑以小孫選備國壻姻  
戚之誼其感愴又奚言哉展茲薄奠以告哀衷

姑蘇集卷四

廿

伏惟明靈其尚鑒之

祭陸貞山文

嘉靖壬子余客鄴瑩有人自吳門來者傳余友  
貞山陸君之訃聞之投地大慟慨泣下廢寢  
食更旦夜乃為位于洹水之上南鄉再拜為文  
而祭曰於乎嗟哉陸君今亡矣夫夫立德立功  
立言即世所稱豪傑之士宜不得兼有也而君  
幾其兼矣然余獨甚不滿於君奚哉有金玉之  
抱而不登大耋之齒有康濟之學而不攬阿衡



之朽有龍鱗之辭而不操東觀之筆天之畀君  
始若豐之而終寄之邪君幼有異質方五六齡  
外祖胡公試之偶對語輒驚人傳動吳下髯叟  
登邑庠已奕奕馳駿聲未幾以春秋魁南都省  
薦旋對大廷為工科給事中英望又軫軫公  
卿問也會論列時相危言激上怒黜君丞洵南  
臨驛即東書行居三年閑戶盡讀遷固諸書不  
束帶謁一上官至擢令奉新甫周曆遂自病免  
歸上官堅留之略不顧於是宇內益高重貞山

結集卷四

世

君矣時母夫人春秋已高君朝夕侍膝下奉甘  
脆問寒燠翼扶寢興即祈寒暑雨毋敢懈朝士  
司守茲土或奉閑傳下上皆更造君君多不報  
謁惟親舊招延過從文酒燕笑驩然竟日或稍  
干以非義即面赭髮立辭色俱厲以是人益嚴  
奉君為文章第取其涵泳所得著為論議未嘗  
漫操觚為應酬故其文並鑒鑒可傳居家二十  
年清朗孤峻若古今人不能追也會母夫人沒  
哀毀踰制甫畢喪葬即忽忽遽厲疾踰年死

烏乎余與君少就傳余齒稍長不同師每輟學  
遇于中途就道院耦畦劇所業心念不能先君  
暨同庠校起棘試多與君共事出入進退罕相  
違異亡慮數十年乃君就返登余去錄牒即龍  
蛇判焉其跡亦未至大相違也君歸懸車余方  
浮湛里族間矮屋卑棲亦時來款扉坐語移日  
去暇營數數致余家無昏暮風雨為間蓋憂喜  
安危鮮不相聞又二十餘年矣時趙王聘余久  
未應辛亥之夏使寺人乘傳促余行君適病暴

結集卷四

世

瀉秋轉劇余心不欲去君次且不決君詔余曰  
斯行足伸子志其毋淹巡弛良圖也力強余別  
若慘然不勝情余猶弭楫城下日往闕其門又  
越旬聞已瘳糜粥能強起坐矣乃突入見君君  
駭曰子深念我若是我固將起矣其亟行又執  
手欬歔而別是時十月既望也余遂渡江北來  
入春至趙今居未三月真得報君卧起無恙而  
君乃竟死邪嗚呼嗟哉君雖往矣文章在金石  
官績在朝著德望在寰宇詒穀在嗣人其不朽



者歟乎未既是君雖死而差足自慰已余生疎  
野平生與世落落寡耦君獨知余深又最昵善  
乃不得躬飯令道緋髮婦丘隧幽明之中負此  
良友復何言哉瀾瀾河流悠悠我心長風激濤  
白日晝晦恍若有精爽馮焉君靈不昧其鑒茲  
否

祭王酉室文

孰非臚仕君以介聞孰不擅文君以道尊卿雲  
景星泰山喬嶽晦跡丘園翔聲寥廓君族舊吳

蛭蟪集卷四

世

越五百年先公樹德鴻術攸專君負殊秉倣自  
提抱遠焉岐嶷不妄言笑時平壯髦追琢成章  
青衿襜如未見膠庠攀花兔宮飛翠龍屨乃  
佐銓衡英標特起孤介獨立動與時遠土苴冠  
纓愔然南歸心遠郊圻跡歇城市農畊蠶織泊  
焉求志長溪茂林茅堂板扉孫志遺編左圖右  
書寓興觚翰游神丹墨尺綃寸楮人間拱璧霖  
望方切鶴書載臨沉冥自甘弗弛遐心大君明  
揚兩歲三陟東山不起其介如石功名之際孰

不幸逢君獨視之浮雲太空心無外役神將內  
守意君綬社可以眉壽遠計忽來聞君告徂蟬  
蛭濁世神游清都高節清風光照奕代君乎弗  
永其永者在况也詒穀振振後昆堂構留當  
大君門庸之於君通家累世矧以葭莩益薦契  
誼余幾弱冠進隸學宮君方撝角鼓篋游從修  
焉蔚文君已豹變清塵濁泥徒結永歎自君拂  
衣接跡丘樊花徑常掃荆扉不閑時雨之潤麗  
澤之益驩然握手再紀更曆余昔北帆餞我江  
津牽衣不發黯然傷神燕樹吳雲廿載睽異鴻  
書相續弗我邀棄平生投知如君幾何忽聞蓋  
棺涕下滂沱余齒踰耄亟懷丘首傷哉旋歸不  
復君遘興言及此其曷勝情遠道緘詞與儉君  
靈

蛭蟪集卷四

世

蛭蟪集卷之四

蛭蜨集卷五目錄

傳

天都散人傳

汪與山小傳

迂叟傳

古狂子傳

徐君丹山小傳

岐泉子傳

翳松子傳

蛭蜨集卷五目錄

紫崖君傳

感鏡傳

吳烈婦傳

吳隱君小傳

黃萬山小傳

二峯君小傳

程鴻臚錦泉小傳

胡叔吉小傳

古愚子傳

蛭蜨集卷之五

吳門鄭若庸著

新安胡迪校梓

傳

天都散人傳

天都散人姓潘氏名嵐歛之嚴鎮人宋太學生友石以才諧重六館卓有聲望散人其末屬也父曰壽寧隱德自耀克以義孚鄉人人皆頌之壯碩弗子偕其配呂孺人櫛于齊雲盼響若蒼

蛭蜨集卷五

遂生散人故在乳下呼嚴助少穎敏七歲善記誦稍稍通論語大義九齡解書畫染毫傳紙動輒驚人於諸藝術靡不兼曉長老咸曰兒慧若是非仙邪由是皆肩然視散人為真仙或遺之果實爭真懷袖寶若琛貝散人不知也始綴儒業駸駸多日益弘治中會其母困目背父感痰疾散人旦暮問醫藥不奏效則慨曰昔稱事親不可不知醫吾詎忍憊吾親耶則盡取軒農素難諸書讀之每誦即憶因得其旨趣乃更裁剝

躬治湯液以進間質之名醫家皆服其精夜必焚香籲天願減已算以益親壽不知寢食者踰三月竟皆不起散人哀慟毀瘠每一號踴即嘔血數升數至頓絕苦塊三年第食菜果居喪必由古禮易戚蕙盡宗黨以孝子目之既免喪痛其怙恃不逮矢以醫術博濟益肆於學深極玄奧擬崇施治無不立驗遠近招延雖寒暑雨夜未嘗拒也往往起人危病畧不責報正德初始商游淮海間一時名流若陳公半湖陸公碧洲

嵇集卷五

二

都公商濠唐公六如楊公南峰文公衡山皆與之通幣游處投贈篇什動盈卷帙於是散人之稱益重江左矣後之荆湘光澤王世子得劇疾將殆群醫周章莫知為計郡馬歐陽君嘗知散人亟言於王令診脉曰是暍證也時方嚴冬諸御莫不掩口以為狂散人不顧第投劑而愈王因窮竟左右乃知夏日暴孤裘內筒中偶以更衣暑氣伏留故承之耳益神之遂止散人將疏請為府良醫堅謝不允乃出絲繒金幣及宮

中珍異贈之并製文以華其婦散人賦質純厚性篤天秩每以養不及親自奉殊儉約歲時享祀哀慕涕泗若不自勝與人坦易不見其疾言適色亦無謾語尤樂親英特每事必稱先哲稍涉異教即痛絕之平生於聲利不挂齒類信乎不愧古之貞遯君子也家有別墅面天都諸峰雲物變幻晨夕欣然對之或窮探幽邃翫傲自得故稱曰天都散人正德乙亥散人年僅四十竟以旅死知者莫不悲之有子曰某余往與歛

嵇集卷五

三

中人游習聞散人賢已而交其子言益核以其善不可泯泯也遂為著傳

汪與山小傳

汪氏裔出魯成公中子穎川侯蔓族其土漢龍驤將軍文和始渡江居新安子孫甚蕃隋末越國公華據有六州扶義歸唐即以其地封之文皇東征命入為九宮留守爵越國公子九人皆躋秩列侯多散處新安有適秦隴之間者其弟七子爽之後趙宋初徙居休寧西鄉資村文振

登淳熙進士官司農少卿至龍圖閣學士其後  
順再徙歛之巖鎮東礪則元至正時也迄今爲  
鉅族與山子者蓋其宗考云與山子名弘齊字  
克修少凝重寡黜弱齡嗜學稍稍通大義時唐  
太史乃翁盛齋以德學望於鄉與山往執經受  
業爲所器重初習制科章程駸駸有千里之勢  
會其父及頽暮則自念曰柰何覲尺寸之進俾  
老親役役不遑朝夕邪因愴然去鉛槧歸理生  
事日具甘脆以養溫言怡氣務得其歡親沒喪

蛭蟻集卷五

四

葬皆由古禮旣卒服哀慕不輟由是絕意進取  
亦漫不治營產性耽長游北反齊魯南越江漢  
若吳粵隩區靡不歷涉選勝探奇日若不給也  
爲詩聲格清麗每嘉辰勝集幽居獨旅慷慨逸  
宕之抱皆發諸言往往傳播人口所與游處多  
寰宇名碩於巖穴之士尤樂親昵惟重轅顯貴  
雖素交戚未嘗屢闢其門與人直諒篤信然諾  
必復畧無謾語平生於百藝咸無所嗜獨嗜琴  
於琴學亦甚遂能譜古絕調居恒以稿梧自隨

雨窓月館巖栖渚泛景與意適即橫琴自娛或  
獨行放歌俯仰穹壤若無所累性不喜華靡服  
御儉素飲食第取適口未嘗饕肥鮮嘗曰天地  
逆旅浮生若寄柰何僕僕聲利求自苦爲且窮  
達命也得失義也勞生奚益哉居旁有几臺頗  
高曠暇即振衣直上抱膝微吟環顧歛中諸峯  
蒼翠互發囂然若默契者因自號與山子云耻  
谷生曰余讀列禦寇書至林慮事未嘗不重其  
孤峻特立天下事不足囿也士沈采韜英遠聞

蛭蟻集卷五

五

巖谷非附青雲之途罔自末見一有所囿則遁  
靡由之卒至於併奪其守爲世嗤笑此其志何  
如哉與山子發跡仕族交親多一時貴人從子  
佐伊先後取科第躋涉通顯畧弗援附恬然以  
蓬藿自居繇其澄懷高介不囿于物故能與化  
浮休莫知所窮宜其益邀於今之人也嗚呼古  
所謂獨行之流非哉

迂叟傳

迂叟者介人也姓潘氏潘氏先居婺州後徙于

歎宋宣和間有官進武校尉者以功賜第巖鎮之東市因家焉子孫遂為巖鎮人距迂叟蓋十有九世矣迂叟名光字汝謙別號益齋大父函靜父養素咸有義聞迂叟生而穎異比就傳習學即能知青紫至為制文發藻兼人駸駸有遠志會家中圯度不能卒業遂自畫更學筭侍其父粥財具楚間若馱抑不副其志日強與大駟衡校盈縮暇即覓靜室手編書不置未嘗微逐游戲終閑修靡為賈人習故所至若囊穎然

嵒集卷五

六

無何父沒旅舍厚具含歛間闕以喪歸時其季方在孺凡葬祭弔唁內外賓需之費皆力自任及畢婚娶應門戶至出內人簪珥以給客無沮頽已而室人免于斃于蓐然單樞業益不振有恒情大不堪者居之自若因復薄游海岱通有無須食畸羨雖萍泊靡定然不廢學樂與雅人碩士居後即吳苑擇良家子繼其室舉二男子然數甚奇院畜無長昔日蕭然蓬蒿恬無所累性疆執與人寡偶又不能隨時圓轉媿姁為

悅平生與人雖至親昵或在顯貴富腹即不一踞其門諸稍在已左者必虛已傾下之人有餽遺非交際以道輒不受嘗曰貧富天也通塞時也得失命也吾何迎合苟取以害義邪故骯髒不協於時平居亦鮮過從恒閉戶口課其子誦讀及挾策謳吟而已顧獨喜文士凡境內名流無弗相與締誼追隨燕樂及登臨佳勝託以自娛嘗輯先世遺文若譜牒之屬博求名家述作哀榮登梓具志殊銳第限於力猶若弗置也人

嵒集卷五

七

有謂其迂者因自稱迂叟今且二毛卓然堅定能不與浮俗推移非曰固窮之士哉鄭子曰余交迂叟幾二十年每見其言議孤峻輒尚稱古貞士遇貴富人長揖踞坐其詞氣曾不與損意其但矯亢傲睨中無所主至熟察其恒居堦窾貼墻能不變其志操堅忍靜定介然特立諒哉獨行之流矣昔有反裘負劊行歌帶索而不顧比封之殖結駟之榮者非斯人之徒邪故樂為敘述用以振石戶間丘之響云爾

古狂子傳

古狂子者汝源人也少負邁往之氣為兒時即不尚童習日事誦記結髮受命若考業進士頻仰鉛槧膏晷遺寢食落華疊疊出奇語牛虻鬼神芒酸突兀有橫行藝圃之志然視今章程輒若弗屑者曰讀書明道安能沾沾為升斗計求濡沫為也於是躡去哇吟為性命之學力弘思遂毅然獨徃布武尺寸不遺先民繩孺為文章務反渾噩書法上埒史籀稍稍扞格時好或有

蛤蜊集卷五

八

誚讓者卒弗二父沒持憂服三年為古喪禮無越厥度時子雅尚志古人居貧無貲母夫人旦暮釐女事具糜糲且飭之游歷求師授廼北浮淮泗抵嶽麓得所敬陳子執弟子禮久之學益深到歸奉其母羹藜炊糗充然有得也復將私淑陽明之道又逾長江入金陵得東郭鄒子事之東郭在告歸又南游會稽反吳會得緒山錢子時敷教吳會子就舍爰止求卒學焉方子信志四國遐去室廬毋夫人迄自為家俾無內顧

憂或病子不復為浮言者毋曰使兒得聞道成令名苟凍餒遑恤耶故子之能畢志於學者毋夫人之力也子王氏名顯字師觀獨行抗志與世落落欲自附宣尼中行之後故稱古狂云君子曰甚矣時之敝道哉咸陽灰寒之後標枝野鹿吾不得而見已江河滔滔靡也曷至佔俾之士苟富貴止耳若古狂子者幾何哉子有志而毋成之是故參軻之能衛道也豈不謂尤賢乎哉

蛤蜊集卷五

九

徐君丹山小傳

丹山者吳邑人其先裔出偃王著姓淮海間漢晉隋唐代有顯人五季時忠武王溫以勇畧起胸山從揚行密累功封拜迨養子知諾得國王與五子皆秉珪析茅土子孫列爵貴盛無比其三子知訓仕吳王隆演至叅知政事封廣陵王又六世大司農龔宋祥符中為平江通判因家于吳子孫遂為吳人司農之屬多繩武祿仕簪纓不絕宋鼎既遷皆相戒不脩仕業韜迹醫卜

中往往有名世者入國朝司農十五世孫鐸誠善而其鄉為里族所推鐸子彥敬彥敬子瑞瑞子錦錦二子玉珏其少即丹山君云丹山君名珏字君美少警敏弱齡就傅里塾熟師教之屬作字對動偏曹偶謂其有駿駉之勢將俾習進取然在童髫時多留疾不耐勞勤祖母秦氏王特珍惜之每赴塾輒足之不令頻往無何二母皆遘疾卒君年纔十五兄且長已異矣獨依父居家貧無資饘粥若不自給而持志甚銳思

歸藏集卷五

十一

復事佔俾圖所自樹顧力弗迫父欲使更執藝射時利生君毅然請學焉照時比鄰陸南仲者以寫照聞江左因事之踰年盡得其術凡含毫染素動得三昧於阿堵中士林名流達官顯人無不倒屣招延聲徹兩服謙抑卑下不自盈滿與人無疾言俗客入亦樂就之性為六秩事其親貧居為養不乏甘脆二母之疾侍湯藥寢所連旦夜不解衣帶尤恭其兄兄嘗為府曹吏家頗饒而君方履空丘嫂張憫其貧予之十金君

要其女叔若伯姊者面藏諸砌垣中未幾嫂且死兄業漸圯後亦病劇無所藉稅積君亟出垣金畀兄告之故仍益以已訾兄瞑遂為畢歛具平居族里阡陌多力為援赴貧不能措者構之有加以橫逆輒強忍不欲反聞故終身不挂訟牒受僇公府人謂其若淑之驗云君自處涓絮未嘗苟貨利獨於售藝則必邀厚直不少貶損久之藝大售家亦稍溫乃益倦奔驚闢靜室却跡謝客卧起其間連前雜蒔花竹晨夕撫玩暇

歸藏集卷五

十一

即呼二兒課之誦習命其子某去繪事讀岐黃書且曰是可承光前人以貽後圖君子謂其有遠識矣述贊曰古今稱抗志之士其難矣哉人居布韋蓬藿之間血氣未定而顛躓困踣乘之願苟一溫飽則何所不至徐君獨的然能慎擇術獲以名顯不幾於弘毅之道與觀其懲小忿去囂繻遺安義方以逸類暮庶乎明哲保身矣矧其孝友之節介特之守推予之誼有足砥頑而激懦者邪故為之傳以風於今之不善處約



者

岐泉子傳

岐泉子者蔡氏名柟字子華世為吳邑人少警敏善讀書父母遣就傳教之習業進取輒不力顧獨喜軒農家言時時竊記誦之稍涉大義即雋永不能置遂益弘肆博學精研務極與旨自素難以下若歷代名醫家方論靡不畢窺會通其要故岐泉子甫弱冠已遠於醫每診脉即知人藏府經絡受病淺深及參運氣生克傳勝之

蟄松子傳

七

故按方制劑應手即愈未嘗見人危病稍自沮者遠近爭相迎致子不為拂雖祁寒暑雨未嘗怠也性敦朴樂自韜閉於時不願顯見嘗衣韋褐浮沉里閭間人亦雅重之吳中諸醫家藝稍稍售即為高車文馬競自銜粥子弟元元無所求聞每貴家巨姓有疑疾羅群醫列坐室中周章錯愕不知為計子從中徐徐起視色察脉得其原一藥奏效恒以為神每與人診疾所因言議鑒鑒援經証事移日無冗辭暇即手編書

夜篝火達旦未寐其用心精專類若是平居據

案施治汲汲應接若與他人不殊至遇奇疾操

縱裨合若大將將兵神變不測人始謂不能及

也子平生自敦率所造當視岐伯堂室且願以

上池成博濟功因自稱岐泉子云漫客曰鄉余

壬寅歲感熱疾而瞑家人環泣治祝禳矣岐泉

子診之曰是暴魔信宿當差翌日投以沸藥腸

中轉如決壅作敗雷聲迨二日而寤余雅神之

因感頌太子扁鵲事乃知古之上醫通變制宜

蟄松子傳

七

有不容以意者若岐泉子非謂深得其遺者與觀其與時浮沉不采赫赫之譽幾於伯休辟名之流矣視今之高車文馬矜能銜功則固猶夫人也亦奚多上哉

蟄松子傳

蟄松子汪氏欽人世為閭家厥考松墩君壯弗育禱祠群神夕夢偉丈夫授以玄圭既乃得兒極娟秀甫去緇襦君提携以隨生好野望居南岡埴蜿蜒西松喬立其上蒼虬天矯干霄凌空



君故所游憩亦時攜兒憩松下懷黎粟飼之或稍傳以聲味及人世事兒輒傾聽聽即能憶君踰年不惑捐館舍時兒尚未任與謁也貌焉孤犢無所於怙猶日往憩松下徘徊顧望移時忘歸或潛繹父教輒淚歔歔下不能語毋楊孺人者方持節砥志戒兒毋過自苦思為雷將貽母憂兒佯諾又竊往聞毋趣召則濡涕亟還毋所長乃從諸父昆弟服賈四方輪鞞所適道旁苑林高樾如秦封者輒解驂留連若不忍違人問

蛭集卷五

十四

之即又淚歔歔下不能語或朋游群集登臨眺咏衆方叫喚選勝君則獨屏蔭松檜向隅黯慘蓋其情事所屬有終身之慕者故自謂翳松子云子之兄弟世行名皆以魚故名曰鱖鱖玄魚也亦取諸始生之符故字曰應玄今齒且壯益善廢鬻能不墜乃公之教而又惇信明義恭儉不失彬彬有儒者氣象可謂無忝所生矣君子曰善夫翳松子之志卓矣哉記云寡婦之子非有見焉弗與為父恐其無父師之教淪胥而不

知反也平泉子弟教亦不善卒以統禔不親廖其先人為萬世詆笑况乎童髫不天之人也若子者所謂豪傑之士雖無文王而興者哉故不徒教思而終身無改斯亦難能也已作翳松子傳

紫厓君傳

紫厓君者姓江氏名顯良字遂甫歙之潛川人也其先自越國公華長子建以冠纓延蔓歙土趙宋時有秘書將作二丞沒祀于余紫之山賜

蛭集卷五

十五

額金紫院君其世故自謂紫厓云少警慧童髫有志即能負販里中習賈事既弱冠厥考和善翁卒伯兄昂性度濶達不事生厓君與仲兄祥協力經畫以養其母仇碩人且植門戶旦暮拮据不敢暇豫時家中衰窶勞百端他人若不堪處君恬無所恤益自砥礪趨時上下銖較寸積僅得百金乃轉貨吳楚間業稍稍充會仲兄為里中豪家所用不能直必以重言可解君毅然傾囊付之獲免兄難由是蕩然復不能自振乃

白母兄入吳門。因人居織文鬻諸北徼。所至遇以誠信。無無苦刻。削隴斷要利。故人無弗傾下。樂與事事者。乃益辛勤。蘭殖余二十年。就西郭門之衢。買宅樹業。自居其衝。時擇南北之會。而趨之。吳又宜釀。因歲詹林召釀。備為美酒。轉之他郡。竊羨從倍。凡所共事。必推心待之。不設機械。故往往為人所賣。至乾沒其貲。不能償。君第委之。命弗與銜。校浩嘆而已。君性醇恪。見人無疾言遽色。怡然而恭。於縉紳大夫文人墨士。執

結鏡集卷五

十六

禮尤謹。樂於燕接。至即為具。留連不舍。平居克敦孝友。父沒。喪葬盡哀。及奉仇碩人遠。不廢養。慎事二兄。皆得其懽心。視諸猶子。恩義兼至。同踰已出宗黨。鄉曲過吳者。視君如歸焉。君年五十餘。室人凡十六。乳生男。皆不育。有女五人。今皆約婚名家。恒自嘆曰。吾少值多難。辛苦自立。志昌吾門。營計畧就緒。即墜機陷。或遭顛蹶。毛髮種種。泊然無成。有志而不伸。殆天厄我。非力之罪也。於是卜別墅于郊。藪白堤之側。清溪茂

林迥隔。鷺鷥君時操小舸。或徐步過之。燕浮竟日。其於人間榮辱得喪。若置度外。暇則茹蔬誦經。究心二典。蓋和善翁與仇碩人皆雅好善事。崇信福田利益之說。故君多繩嗣之。而尤樂種陰德。恒懷利濟人。稱長者。其享將木父云。漫客曰。予觀史遷所志。陶計卓鄭數事。亦詳矣。由能達時。權適機會。專心致志。趨上地之宜。而已卒皆坐享。腴盛身立。名章播之彤史。非偶然也。若紫厓君者。非其倫哉。然終歲殫瘁。若弗遑處。至於幾成而輒廢。則天使之爾也。君夷然安之。漠不為介。非幾於樂天知命者與。是故君之志可尚也。已余嘗與君交感其志。故為之傳。

結鏡集卷五

七

感鏡傳

女潘氏歎之。嚴鎮人厥父汝譙。君取于程而育。免乳。再期。毋遘厲疾。卒女呱呱。若不能生。汝譙為擇假母。又時時自含飴哺之。女幼殊慧。且柔婉。有度。扶林與弱稚子戲。恒賴面孫。辟弗遘展。姻族長老過。從能辯析。稱名未嘗觸冒。諱忌稍

長教以內訓剪制滯無之類靡不更習然以早失恃遑遑無依汝謙每持女涕泣雪下撫愛極至志擇良對得臨河程氏子使委禽以歸歛俗產女競以裝遣豐侈相角時汝謙家儒素後且更多艱無長資女及行練裳布被絕蕙飾又持女涕泣雪下而醮焉女入門其婦職甚恭姑某孺人者卞教不少借女素嚴之然每自顧悴約日靦懼無舒頰姑嘗偵其奩無善照詒以古鏡懷之如琛他日女晨起視芳澤誤觸鏡墜地

結集卷五

十六

破姑選詰之女博窻莫能對慘悴終日即反戶雉經死汝謙亟馳至伏女屍大慟曰天乎悲哉吾殺兒矣夫兒少無母吾不能溫育兒至有華享兒長且行吾力不能為厚具俾有揚色今竟即世復使兒不獲有善死吾昔也恨不昇兒良鏡乃鏡卒殺兒咎將奚歸天平悲哉吾殺兒矣自是婦即屏鏡不御或所至及市肆懸鏡見即却走若無所容因自著感鏡篇辭甚悽冽士林感其事者多悲之評曰烈哉女之死也其耻心

乘之與古今言耻莫如孟軻以為能克其實則無往而非義豈乎至矣女也耻其家之弗踰而慨然與鏡俱斃有古烈丈夫不能使推其心則為貞為良為節為孝昭昭與川嶽爭秀其又奚難哉潘君與余有雅好清謹上禮孤介特立夫有所受之也嗚呼女亦象賢哉

吳烈婦傳

吳烈婦者歙之長齡人也鄭氏父曰積盛裔出宋進士文顯烈婦諱謙幼柔慧婉靜不苟言笑

結集卷五

十九

釐女事咸有規緒甫十六歸雙溪吳寬浩婦禮甚恭浩有老母嚮財淮海以為養烈婦獨綜家政時具甘脆務為容悅母甚宜之浩時時歸省毋道新婦孝敬更益宜烈婦於是賢聲動姻黨吳故聞家聚族殊衆妯娌嫉其賢諍語交徧烈婦含之而已婦既四年乳女方再期浩遽危疾厲縊山陽之邸計至烈婦持其姑大慟幾不能生然念重為老人憂第飲泣旦暮形神俱失既遣人昇喪婦葬穿其冢旁為兆以示必死即絕

食菴庵待盡姑不能強拊烈婦泣曰新婦已有死所甚善自為獨不念老人及而嬰也則又持其姑大慟屏謝執殺閤處遂閤繼女以俱飯蔬啜菽惟甘脆之奉如浩未死浩死贊亦漸傾烈婦不欲接外事漫置弗理遂至狼戾既以女婦潛川鄭憲卿居無何宗人黠者心利其產嗾隣姬給其姑陰以烈婦約婚他姓姑惑之暇日微諷烈婦烈婦但雪泣下不出一語然度不可免則又絕食以死自誓忽隣姬來向其姑耳語刺

結集卷五

刺不已烈婦竊偵之知其為婚家戒期乃大恚擲瓦缶擊隣姬呼曰吾今日寧與缶俱碎更復言也未既質氏龍燭帶興群譟集門將逆烈婦烈婦度不能全乃更為哭言從容令具湯沐始登閣反戶自縊死衆皆駭散黠者虞及禍則又恐其姑將泯沒烈婦死時狀鄭之人皆不能平積威偏號鳴於中臣及臺憲上官皆為動色即逮婦家暨媒妁並坐以法出官帑界憲卿營塚立石以禮葬之浩墓左穴嗚呼烈哉烈婦生弘

治辛酉某月某日卒嘉靖乙未十一月二十九日享年三十有五憲卿從大父惟鐵與余游習至是率憲卿謁文紀其事

吳隱君小傳

吳隱君者名昶別稱左竹欽之澄塘人吳氏始居休邑鳳湖里其先廷珮唐會昌間遷澄塘至彥衛大魁天下族姓益衍少司馬永清振其芳今宇內無弗知澄塘吳氏為聞家廷佩二十四世孫良玉子元吉皆以直義豪里中隱君元吉

結集卷五

世一

子也生有異質童髫讀書記誦千言析理脩辭見者驚歎時吳氏世祚貨殖長老多沮之習士業隱君獨銳志不為尼業益進從其嚴君商蕪湖因藉蕪湖郡邑士千人試輒上薦遂隸博士弟子考需次粟士後更徵庠三往校南省皆不利稍告劬其志者會鄉族多鬻豪好聞至斃人於兵即櫛大獄連歲月不已隱君方擅時名負氣寡隨陰忌者竊中之數罣兩造對獄吏君曰是重僂我弗克堪吾力不足息爭後將不免

乃挾書居深山中精研易學若遺世者時有命公以甲科典學屢移書招之堅謝不出則又曰士求致身不能樹功名非所以不朽也矧丈夫志在四方顧焉用棲棲老牖下為哉乃託跡廢著南游吳楚北盡燕趙凡歷名山大澤弔古覽勝皆著之篇詠晚多即次清源集群力事化居一不御筵竿籍記日幃戶屹屹鉛槧不休暇即從名流結社賦詩或文酒高會視賈區微逐侈靡若恐自涅也資性簡靜約履訥言務自沈晦

靖遠集卷五

廿二

不喜為夸大近名與貴執人交迨於執義阨院若赴焚溺慷慨激印有古烈士風故所如多尊奉之平生孫志耆學自六藝諸家及冢壁遺藏靡不搜獵述作益雅尚風格第閑不視人有得書梓之隱君輒不樂其學尤特邃易理嘗往就牧羊山人講究踰數十載直造玄奧又獨悟河圖所以與八卦配合殫極精微圖註甚詳又賦感興詩二十篇皆默契四聖發訢不傳之秘具有稿藏于家余自去趙寓清源十年與隱君友

莫逆得詳其素履懼或泯泯無聞也乃為論述如石贊曰昔稱高蹈之士若巢父許由善卷石戶諸君子至矣其人皆刻意尚行離世異俗目睹人境猶坎穽水火不欲一置足必逖荒野與鹿豕草木同漸盡然後為快夫豈中行之道邪漢之湯倩浮沉天子殿陛潔身尚志不廢其節古今以神隱稱之繼若君平伯休皆混跡人間心乎遐遠其道未嘗無益于世亦至足尚矣莊生有云古之謂隱士者非伏其身而不見聞其

靖遠集卷五

廿三

黃萬山小傳

黃子萬山自其先世居歙西迄今迨五百餘載以帶下醫相禪名其地術用大售遂著稱家守中居故有齋曰醫傳遐邇咸聞黃醫博家為上醫萬山子其宗白眉也少誦習學制科以其世業不敢廢乃更讀黃帝扁鵲之書鉤研極精能以五色診病治人多奇驗善尤其宗名益聞有

顯貴人嘗致之輦下輦下諸公卿家有疾者嘗其治皆應手愈凡在縉紳無弗與相重子又不專尼家學於諸方科並詣玄秘施皆弗括或有危疾群工束手者延萬山子至徐徐診其脉不敗投一七劑即躍然起衆視之以為神人疾家迎治者無虛旦即大雨深夜張蓋束縵相屬于途子最善秋奕又邃于琴理士林旦夕招邀不絕若不勝其煩將治任婦則交薦之諫尚醫子不悅乃受牒列本邑正科婦亦不願往按職携

姑蘇集卷五

廿四

琴書薄游海岱間所止如京師售其術皆殊驗客歲來清泉清泉固九域聚區中多知萬山子名益共推重啓戶披案施治又皆良驗時有臨續得一劑而甦者益駭聞邢沼魏博間郡國大夫每具車馬禮幣迎之一往輒奏效子為人高爽直諒不溺貨利嘗曰昔宋清賣藥有責券者負則焚之柳河東亟稱其人余則謂責券而焚不若不責故其施治無間賤貴貧富皆殫知力竭心慮求其必全乃已此其植志固有大過於

人人者也余適寓清泉與萬山子連牆居三年知之深故為列其履歷而論次之余嘗聞周官之政醫師聚毒藥共醫事以給邦之疾病疔瘍無所謂異科其扁鵲受術長桑君盡得其學不待切脉望色聽聲寓形洞見人五臟即知病所在其道通變不測治病即驗動若鬼神過邯鄲為帶下醫入維為耳聾痺醫至咸陽為小兒醫凡示專工皆就其俗尚未嘗拘執一端神明其道以之順應宜其獨高古今無匹也後世登醫

姑蘇集卷五

廿五

科十三各立蹊徑相率名譽於炎黃神道設教之旨邈矣萬山子無忝世授益闡肆其學所遇奏績以顯名于時即不得蹈越人之轍視比比縣青囊肘後者不有間哉子名瀾字其萬山其別稱云

二峯君小傳

二峯君者葉氏名伯鳴別稱二峯新安之休邑人其宗由東晉統軍綿代三數十矣為聞家力農田玄德弗耀嚴君泮東翁稍以貲雄于鄉樂

善自牧稱長者君少警敏髫稚知尚倫義能自坊歛如成人弱冠為錄牒弟子發藻閑肆即類見曹耦中所司衡校輒異等咸期以顯大無何繇選貢例升太學名隱起京國一時名流多折節與交既五試棘院不第遂就銓部受牒同知沂州樂易豈弟務悉民隱沂民席鹽鑛皆易橐盜君至弛鹽禁封鑛允恒封者毋以墨陰縱之君多令下巨石室穴封題甚固鑛盜窘嘯千餘人將夜遮殺君直前偏次舍君不為怵盜戕其

六  
卷五

廿六

生人而去邑有明經夫婦露殯空宇十年適有兄弟鬩訟于遯君令入金以葬表冢旁曰罰及不義章行義也富彘偶擅女奴入井死衛尉脅之百金君責歸之沂人大說相與頌君有青天之稱既而攝單父單父之馬役額價率多侵漁充乘皆罷駕上下稱病君躬視齒毛摧直必當又令別市馬備缺乏民不知困馬役遂平時有黠叔豪奪姪產者會夜劫殺其祖母始姪緩聞亟以引盜誣姪於官坐三人法君知其冤白釋

之臺檄逮捕白蓮教百人至皆村民君蹙曰是不惟殺無辜且易生亂盡縱之歸第坐其首惡臺臣交獎君能慰以手書於是君吏聲又隱起齊魯間甫暮年以父憂歸沂單之民擁車泣者滿道路居喪哀毀踰禮足不越戶時強惟願以慰其母夫人職即拊柩哀慟畢葬欲不仕毋夫人堅命之乃赴京師補涿郡涿當孔道民罷力不堪州甚敝君治校沂單益慎出內客兵芻糧卻賈人行數千緡錢迨受檄賑饑歷六州邑存

六  
卷五

廿七

全流草不啻億萬然法不及學舍生徒多塵翫者則自捐粟粟周之閱成居庸閣調停甚宜陳時務七條亟稱于上官旌以燕賞時良鄉令缺君往攝良鄉為裁冗費緩任役務極休養盡復散亡縣遂大治良人交徧白狀請為宰以非格寢其議于時官聲又蜚動輦下朝論大協僉謂君當有異陟屬有津貴誤以小嫌嫉君遷趙府審理正既入趙見王惇德耆學益摠忠誠奉職惟謹持法平恕務於息爭然不少阿縱校人



從橫詭正者盡繩之於疆禦亦弗撓王務寬仁  
間多矜緩君即啓王相可否必欲為國信法王  
竟不之過也由是君感知遇乃更自底厲嘗曰  
得君行道吾事畢矣即通顯奚為哉編氓家連  
訟不平多質諸君視無越度皆立與竟治至有  
從臺省請職于君者第非令典不行行君聽斷  
明決日無稍惰每晨起坐廳事兩造在庭揮霍  
片語是非立辯然其存心仁愛故所至窮民並  
得蘇息豪右幾無所置足顧獨愛戴君君性直

結蟻集卷五

廿八

諒不能姸姸逢人中寔坦夷畧無畦町推誠待  
物然諾必信樂與人善稱不置口有不善者多  
為蓋藏幼薦彛秩奉泮東翁若范夫人極盡色  
養與其季共突銖寸不私強力忍讓人謂有穆  
彤之節云平居不樂家人生彥篋笥然其自  
奉亦甚約於世俗紛縉浮薄之習畧無所介惟  
讀書守官事日若切切不能置時為古文詞清  
雅典則詩句多作唐人語格皆有稿藏于家沒  
客曰余蓋造二峯君已其廐壁疏列多孝義人

與不孝不義者將鏡焉其為政知本哉士窮居  
獨行孰不以忠孝自軌欲身任天下事一或自  
致高官大爵亦將舉而遺之求其律身制事展  
采公家未必盡二峰君若也二峯君顧能居下  
位樹奇節毅然不自沮非曰不負所學哉宣父  
稱國僑四事皆持身處官之要舉所知以槩其  
全也余於二峯君亦云

程鴻臚錦泉小傳

結蟻集卷五

廿九

昔錢武肅王具美虎踞臨安庵有諸郡窮極奢  
侈常以錦衣衛士凡游歷之所泉石花木皆蒙  
以綺繡至稱其地曰衣錦軍今武林錦泉固其  
遺也程氏封丘在焉鴻臚君蓋存壤樹之思云  
程氏自晉太守元譚占籍新安至南梁忠壯公  
父子以功烈顯著廟食歛土族姓大衍散居六  
邑皆以素業相授受文名官爵彬彬不墮鴻臚  
蓋世歛邑其詳具載譜牒中自大父有遠志  
嘗游武林愛其山水清絕因受墨仁和父出  
服賈燕趙間居邑清泉善持奇麗索至萬金



又多行德義人爭尚之後入貲選拜王府典膳  
所如益皆尊奉稱高峯公鴻臚君初生有異質  
甫學語輒若成人長老見者不敢玩鬻非偕兄  
賜入郡庠遂升太學國子先生亦交以才器  
君六館之士無弗與相重者比三試省院皆不  
利乃棄去開戶讀書博極掌故刻意吟諷時馮  
廣察小海孫深州初陽陸福州六峯皆名能詩  
家君往就學學益工然不輒示人嘉靖中謁選  
得鴻臚序班入備法從聲容禮度震悚廷陛朝

姑蘇集卷五

三十一

列多目攝之

今上始就邸命選翰林鴻臚各二員侍講幄君  
在行間猷以率職被眷寵有鉅幣之賜大卿強  
齋吳公心才君奏擢君鳴贊侍朝班長身玉立  
音吐洪亮見者改觀考績課最賜勅褒諭階登  
仕佐即天語稱其明敏端莊夙夜公勤朝論榮  
焉方嚴氏怙勢傾中外薦賄為說日若適市君  
顧骭髀不為屈其黨有啣之者陰中傷君當免  
歸君浩然去闕下被逸人巾服放跡武林湖山

中間為屋錦泉上招延一時名俊結社賦咏暇  
嘗買櫓過清泉遵其嚴君故業處賈區第畧覽  
籍記校盈縮未嘗與但僧偶語宇內被儒服擅  
作述者亡問識不識多更造君咸倒屣迎之乃  
不樂貴勢交往同京朝縉紳下上過清泉每使  
人先若嘗異謝之不敢通即至雅故接殷勤卒  
不十五其孤介離俗類若此君性孝友恭讓襟  
度濶達又博聞強記善裁劇事辭議竑發自家  
連閭黨嫻戚遇之皆有禮無間言人有疑事若

姑蘇集卷五

三十二

器爭就質君即釋然去平生不尚浮靡作無益  
惟屬意諸子延學士明經術者嚴教之供帳脩  
贊必極隆厚今其冢嗣少年通經已領出曹耦  
中人謂其知務云外史氏曰余覽載記周官大  
行人掌大賓之禮秦因為典容其職專主諸侯  
及歸義蠻夷漢始更為鴻臚秩視廷尉京兆蓋  
至尊且重者北齊稱寺列卿舊屬治禮負三十  
七人及賓部司儀諸職後世沿革損益多皆不  
同要之尊護贊拜尊朝廷威遠夷宣禮文張國

體又未嘗不顒顒殿陛間也然非有宿望之士  
研機道義涉覽文學莫能充貢古今若蕭由韓  
暨崔林杜瓊張儼諸君其稱克官不數屈指非  
難乎哉昔人有云真御史真將軍言等按職而  
展采特異蓋存乎其人馬大程君之於鴻臚謂  
無忝矣而又飭身慎修洞然出處之際有足尚  
者故表而出之

胡叔吉小傳

胡君叔吉者世為新都人倅居蔭之考水後徙

惜齋集卷五

三十二

歛西壻塘村宋省元遷二其間祖也省元而下  
皆相授畊讀新安故山國不良稼俗多行賈君  
而祖父嘗習賈事家以久訟中落君九歲而孤  
然依母兄居畧無長資然性機警負志稍長  
遂漸力生產人與共營算即憚其慧利不敢欺  
時兄客南陵沒族即君間闕往扶喪歸拮据自  
殖過養其母氏娶嫂幼女能衣食之不少置然  
非其安也人有喉君吳會通都利為市乃入吳  
居綺繒轉之燕趙間獲美甚豐又遠歷荆襄漢

沔諸郡徵逐有無即凌犯險阻觸冒霜雪銳志  
未嘗少挫所適多與時偶又最善心計以是累  
業至千萬歸葬其祖父若伯兄之喪在淺土者  
畢子女婚嫁大治廬舍遂顒然邑屋間長老多  
稱君如買臣季子卒能不弛其志交遊羨之君  
益自砥節尚德扶義恤鄰雋親視貧不能舉火  
死乏祔櫛顒院無援者悉周予之宗人嘗以居  
售君得其直迄不與君亦竟不問居嘗敬奉緇  
黃二典晨夜持誦或葺治祠宇圯途廢渠則不

惜齋集卷五

三十三

恠傾囊曰非以傲福田利益也嘗入楚楚王  
弟以女女其孫文祥楚人咸尊奉君君不敢自  
顯重拜詔例受太醫醫士不御章服曰非以  
覬軒冕華貴也於乎若叔吉君豈不賢哉周書  
曰商不出則三寶逸發士弼財王政所不廢也  
談知射利通變趣時猶猛獸驚鳥之決其竟有  
累積鉅萬埒千乘之家術亦閑矣乃至校量銖  
寸刻意纖嗇迫于離親戚棄交舊違禮義徇耆  
欲錮賄藹身娛娛自厚皆賢哲所不足取也是

以遷固之傳貨殖自衰周迄于西京亡慮五六  
百年僥錄數十人皆取其善自奮踴靡所資藉  
以躋豐大而取舍濶遠非淺小可闕者歎於陶  
朱公美其能擇人任時歷十九年三致千金再  
分散貧交疏昆弟謂富好行其德信若而人古  
今無幾屈指夫叔吉君非達于斯道也乎

古愚子傳

古愚子帥氏豫章之樟樹人樟樹為郡雄鎮嘗  
吳楚之會地多舊姓帥氏又最著其先蓋周師

靖遠集卷五

三十四

尹之屬保姓以官多顯于秦漢間晉尚書曷辟  
時諱去書作帥古愚子其後也自曷及今皆有  
世次具在宗譜中子之嚴君魯齋翁者少善醫  
然負志四方其地多聚蜀廣良藥乃謀發財轉  
之北土所屆厥隴即列肆施治每劑能起人  
危頓至輒得采名子少侍杖屨舟車南北無弗  
與翁俱凡歷次舍即反戶習記誦自軒轅岐伯  
雷公以下逮書皆研究精義聞有良醫師即折  
節往受學或難之子曰昔越人匪長桑君倉公

匪公孫光卒為國工夫安所受之者後其術大  
進深於五診六微之法脉病即能洞人藏府氣  
之所結投以七劑立奏奇效故疾家赴之若趨  
市然居恒卑牧不欲以成能上人溫言夷氣  
畝退讓猶歐然庸中人也事魯齋翁尤極誠敬  
在客舍必盡旨養旦暮躬上食夜席地寢榻前  
歎唾洩便皆親奉器至危夕三數起不倦有扣  
延非命之不敢行一日翁忽思婦趣令治裝子  
不能屈請侍行又堅不許翁竟婦歸五月翁病

靖遠集卷五

三十五

卒赴至遺戒毋葬喪子聞之一踴奮絕良久乃  
甦號慟經旬不粒食哀戚苦塊斬然憂服即更  
寒暑不廢人以為難居家嚴事伯兄明經君翁  
翁無詐語與人悃悃不欺益謹然諾其起死家  
略不計營入太節細行多類古質行之士故能  
流聲遐邇馨香不墮夫亦有所取焉不嫌偏長  
一藝之足矜尚云也君子曰醫稱仁術奚以哉  
其道專務生人贊大鈞長養之德合仁于天善  
之長也仁本乎孝孝立善從動罔匪仁術繇以

楨所志者壹所業者遂所施者溥所效者茲嘗  
云哉醫云哉故鴻術者莫善於孝始也足以考  
古愚子矣

蛭蟻集卷之五

蛭蟻集卷五

三六

蛭蟻集卷六目錄

碑

吳苑鄉九都役田碑

吳縣第三都公田莊記碑代

廣平郡五橋堡玄帝廟碑

清源新城北水門重修碑代

沽頭開新城碑代

山東松漕公署題名碑

濬邑丞徐君治水碑

蛭蟻集卷六目錄

一

徐君怡桂壽藏碑

明處士胡翁近山夫婦合葬墓碑

說

止舟說

衍穀說

任文道字說

芝田號說

潘氏四子名字說

恬安說

姚生世庸字說

費氏二子字說

蛭蟻集卷之六

蛭蟻集卷之六

吳門鄭若庸著

新安胡迪校梓

碑

吳苑鄉九都役田碑

夫井田廢而履畝取民之法去古漸苛極而兩稅斯益敝焉漢唐宋以降率不越是時數爲翕張其間科條甚煩民力重困蓋愈趨而愈敝也嗟乎哉古昔聖哲藏兵于農藏富于民故農裕

蛭蟻集卷之六

一

而國足國足而兵強王政之要宜莫先焉者魯史之慎丘甲魏詩之表碩鼠屋父特微其意於茲已矣蘇州當禹疆三江震澤之間賦則始後三壤乃今稱甲乙天下國湏用藪然求之至密歛之至朘昨黎創龍始弗遑處惟我元后阿衡若厥親民罔弗欲休養東南之力培國本者顧斯地多确澹或罹歲侵困於詭索益以功利之士傳舍其官曾不加恤又從而魚肉之民之視東南不謂樂土豈無自哉吳邑侯求豐宋

公起進士試令于茲首重民隱詎諮究度務探其原若曰催科治吳之先務也緩則妨國急則傷民顧歲之成要責諸長賦之役役者嘗先農而困雖有腴產無弗狼戾若歐之蹈湯火就斧礮而莫敢承強承之則又必秣取於農以冀自免由是民滋殄悴而不堪重為是虞乃命郊保之人區創為公田若干長賦者得登其租入為役之助其田惟區之所宜其直皆勸諸厘里膏腴之家使役者不憊而農輸可時民諄然稱便

姑蘇集卷六

二

勸直者相戒而集赴如歸市洵乎懿哉侯之善於為政也與吳苑鄉九都金氏余姻家也困于長賦久矣今合董是役者四人曰樂榮采柔適逢義舉而沐浴侯之新澤相與伐石紀事樹之阡陌以詔永久余謀於余余謂君子之仕也惟仁與智可以敷政而保民蓋以仁愛人則人無傷夷以智立事則事無盤錯故能挽今為古樹異績而垂鴻名侯非操之有要者哉侯行將式於九圍未可涯涘茲邑之功足以不朽使方今

二三友邦皆能推侯之心以行其政庶幾東南之疲瘵其有瘳矣是故不可以不紀也因具書之而列其經界畝稅於左俾知侯之政有永圖云

吳縣第三都公田莊記碑代

永豐宋公陽山嘉靖丁未射策釋褐來令吳縣居期年百廢並舉顧役法滋敝為民厲甚者莫若長賦迺博采群議立公田助之其制規區之田頃括其五土沃民裕則區取之土瘠民貧割

姑蘇集卷六

三

腴於此區聽民以直相粥凡訟與訾咸以義輸縣人嘗病茲役樂與圖成罔弗踴躍趨事者又初為公莊假舍緇黃之廬歲入其租畢額稅而登羨焉鄉民時董賦役其所不足咸於是賴道塗之人變其便境之鄉士大夫稱其宜白諸大府若監臨顧節之使率報曰可其役者曰昔也視長賦若歐蹈類匪臨不測之淵是故百計而逃之不得則將溺其室穴窟其桑麻散殊其六戚任役之病之也乃今獲冀生聚矣令君其紓

我哉農者曰鄉罷於耒耜勞於風雨三耕三耘  
疏植晚穫僅能食其力者恒不十一雖有上歲  
猶懼大侵指尅之困之也乃今得保孳畜矣令  
君其錫我哉記云子民如父母有憐恒之愛公  
蓋有焉三都於縣為瘠鄉旁引汴澤益多確壤  
故恒陽恒雨畜洩靡豫其田嘗不登假稅常後  
長賦者每至踣斃死徙相踵三數稔矣其民方  
嗷然以憂若弗能居被公之政猶霖沃焦竭息  
陰也田者析腴警者委藥咸不戒而爭計田凡

姑蘇集卷六

四

若干畝租若干石寓莊於寂照菴之僧寮屋若  
千楹其墟曰橫金首事某某偕來謂文用紀成  
績夫上之善令民之永圖皆不可不志爰采貞  
石書而刻之以告于後公之為政者

廣平郡五橋堡玄帝廟碑

廣平古冀方之域漢始立郡今為帝畿近輔  
其地當漳邯洺滏之中無峻巖長谷依以險塞  
壤土隆伏高卑皆視水為勢而滏最近奔流抱  
城蜿蜒輪壑蓋郡之形勝因焉滏之原發神膺

山或曰石鼓殆大行支也其始出奮湧噴薄多  
急湍盤曲盤行幾三百里猶湯湯有聲流自東  
北經城南復東北走合漳川入海城之南五里  
許有石梁跨其上曰廣清居民列構爰處茫然  
成聚四方弼販者率舟以達翕為帆檣之會云  
廣清之右稍西北餘二百武水至是少洄洑旋  
折而南趨過梁下也其洄洑北端有高原爽塏  
夷曠故為里人張周籍堇周與其弟憲崇奉  
玄帝神歲恒賫楮香間閑走數千里至太嶽而

姑蘇集卷六

五

歸道值行祠必弛僮敬禮然後行即寒暑風雨  
不廢至是捐其地建廟于上鄉人張廷玉揚志  
學者僉謀相之乃列狀於郡廬江杯公金山汝  
南張公周田咸可其請筮日鳩工番鍾斧斤嚴  
期以集不數月而廟成約廟為高基殿堂三楹  
前為楹軒又前闢為門匝以崇垣殿中塑玄  
帝像傍列雷部諸神翊衛左右金碧瑤璣棘翼  
參差蓋煥然一偉觀已廟左當郡之孔道輪蹄  
南北時有解轡停驂者咸以廟於境甚宜而境

之人亦幸得以香楮致誠敬若可亡間闕走  
千里也廟既成余適過廣平周憲等又請于柳  
張二公屬余記其中余嘗睹故記 玄帝神者  
是維天一始炁靈德所鍾託形厖危證道翼軫  
神明混化與之無極其職則馘魔殄妖福民翊  
運神威烜赫縣在殺青亦至烈也然於山川之  
會神必依之若武當祀典沿自前代既我成廟  
啓祚神嘗與能崇事尤謹 列聖祠服種薦必  
允今 上恢拓宮宇精虔醮祭視昔益隆九

結鏡集卷六

六

域臣民梯杭川陸駿奔夙夜若弗遑寧偏邦枝  
邑窮鄉僻落莫不有祠家戶而戶祝焉夫亦曰  
蓮 王度而章景貺也然非神能握天之樞乎  
佑下土司其雨暘疫癘赫然有顯功于時曷若  
是博哉溢水始出若沸湯溫寒殊候源上有祠  
能興雲雨著靈異載謠所云昭昭不誣其流湍  
急而洄洑于斯若開精韜粹者神之靈亦適與  
水符默而成之遂克司其雨暘疫癘以福其鄉  
之人固造化之能事爾是故廟之成宜無為語

也廣清之人盡思慎其焚脩而嚴衛之永永無  
斁俾不殄明神之祀則善矣嘉靖甲子春日謹  
記

清源新城北水門重修碑代

清源界齊趙故墟黃營南北為衢地五方輻輳  
發貯之民聚而居邑者以萬數王臣卿 命檣  
輟下上暨諸漕輓入京師奔奏旦夜蓋幾南一  
雄鎮也故有方城列官寺庵庠及閭左右編戶  
而已城南汶水環之西下漢于衛川合以北駛

結鏡集卷六

七

其高原曰中洲賈區萃焉真貴比封之家延瓊  
駢城井陌野布二三部使者若諸司庶職多啓  
署于斯視城居繁寂不啻十九然四際漫衍旁  
接山澤善藪不逞居人穀患若寇偷方卒卒未  
寧嘉靖壬寅虜犯河東比郡繹騷於是中丞曾  
公銑兵憲王公揚始協謀作新城起舊城東南  
踰汶及衛迄于西北凡二十里通為九門門踰  
水者三睥睨樓櫓綺錯雲燦居者按堵而行者  
改觀又二十五踰禪矣其北則衛流所經尤稱



襟隘門在東溪父圯壞不治民以為憂乃歲甲子之春武林吳公以按察副使奉寶書來鎮茲土明惠剛大公庸敏肅首戢暴亂以翊善良持法稟稟翕敷以容保仁術視一夫不獲即推枕咽哺若未得豫然者居無何禮樂大興四境晏然公猶日惕然庶思為之所顧城堦未葺殆若弗寧重以動衆靡財艱厥度會新民坐居室過制法當籍者夷其層臺為城具復劉州之廢館用是版甃級甃桴枕案枋之材咸有所資又

蛤蜊集卷六

八

弛關卒使職舂搗綆錘管輦以佐匠石稟餽之湏稍益以刑徒贖金卜日僱工人樂子趨四閤月而城成門扉雉堞層觀敵臺上下輝照若赫若飛甍齋聿嚴粉楹畢備禦暴安人斯有焉焉邦人胥曰門敵久矣修復之議斐興輒寢人若謂至不易易乃公以談笑成之不煩里旅不告公帑揮霍規緒民罔攸聞匪其雄才大畧中有定畫宜不若是裕也鑠乎偉哉周之文王將城朔方以昇南仲宣王欲城東方以命山甫豈但

責其浚築之勤金湯之壯哉夫亦二君子者誠足以容民畜衆衽席休養舒宵旰之憂爾今公為政若剡薙漬穢吏治及閭里為鷹鷂者約損供億籍高訾豐產俾均民徭即被怨譟畧無所恤平賈互市嚴飭率屬不敢圍奪又數磔巨盜桀少暴行墟舍多竄伏草間勦學官公田博給生徒闢隙地為義冢嘗出奉資市良藥叢醫王調劑疲瘵此固其章章著者視諸縉紳大夫士所稱說咸有左驗然則南仲山甫之建樹豈

蛤蜊集卷六

九

難於公哉城事竣會余赴闕庭道清泉州大夫暨伍符之長率而考言存之貞右惟春秋之法固有興作合禮不書然公之功德載在此邦宜不可使泯泯無聞于後也遂為紀述而系之詩軫軫清淵聲析楚丘苞以蔚岑縈以潭流天作隄區乃宅雄州亘彼北南銜繫所繇宛其崇墉莫我周域載藩載垣百雉允埴隘厥朔壤嚴局是闢流烝烝爰達京室我門既塹我城既夷疇豫斯惕曠惟厥時元侯戾止眷言荒之嶠

嶧關闔牙牙棲題連矣元侯明后攸錫乃時威  
愛乃慎敷翕志榮芝荃力雍楚棘席我毗隸輿  
輿樂國保以仁義曷云和兵固以忠信曷云堅  
城靖謐究固於門有馮敢告來今永以茲銘

沽頭開新城碑代

沛當徐濟之交濟諸泉裔焉東偏沽頭為大虎  
黃旅通漕設開坊水水曹吏部署于茲其轄上  
薄濟境下放徐鄙蓋嚴隘云地故無城郭嘉靖  
辛丑都水侯君寧會疆圉之警益多內訂始城

沽頭集卷六

十一

沽頭崇墉深溝井絡置布秩焉百堵也余徃游  
京師反其途當心賞之歲辛亥倣奉朝命董開  
事至則崇者已夷深者已如鄧陸駢延幾至於  
漫隰訝其陵谷若甚易然晉諸三老謂之曰城  
不若利乎奚弗亟繕俾疾底坳迺至若是咸感  
曰城誠惠民民弗易席昔者未垣埤也武守莫  
施數若寇偷官民交危時不得有其畜藏是故  
侯公之餘遣人寔馮之然地控鉅河怒流嚙堤  
城不可堅前使者究度靡及奄就蕪廢又騰嶧

諸山險塞藪盜爾復剽竊群出步賊居人且為  
官恫方警警未寧今茲惟奠枕於公哉余心警  
時艱將豫障扞重以僉謀因決議新城或謂盜  
請營于會府曰國用告匱斯不可益蓋問縣吏  
曰民罷於供賦其何力以堪之計出公羨佐之  
俸入伐石陶甃卒徒奮鍾成於是賴城前扼河  
為石基紮覺其上高二十尺有只厚十分高之  
七長五百步有畸三面實土崇築高厚如前前  
闢三門後左右各一之睥睨隍塹屹然蕃域壬

沽頭集卷六

十一

子夏月城成是役也書費於官慮材於直庸徒  
於暇民若罔攸聞矚茲竣事莫不色喜夫動衆  
役民貴於有孚苟辭情未協事將不集故曰衆  
心成城以訓同也余於斯蓋有試焉勒銘揭石  
爰告來哲庶知茲城有裨于民宜永保之毋勿  
壞銘曰 皇作漕川飛輓南北帶坻濟營護達  
京室乃坊乃過漕流載輶若時春開新工有翼  
濟受百泉下引沛彊委蛇東趨厥駛未降雲署  
野闊頻驚奪攘業業高城昔人所共民享城利

城隍民敝嚆則斯寄咎歸我吏維惕以又惟軌  
勿替保茲奕世無我民是厲

山東漕漕公署題名碑

公署有顧名舊矣蓋以示美惡昭勸戒使後之  
人嗣居其位循其名論其人惕而興思擇所自  
處也其間人品之高下政治之得失弛張之利  
病群心之從違罔弗章章在焉盡其所轄閭巷  
童耄冠紳大夫誦說論議祖父子孫相襲而不  
忘其詳若存掌故具載記其公若秉衡鑑懸日

蟄蟄集卷六

三

星即百世不可易已可畏哉 天朝漕東南之  
粟入京師為王政首務以文武重臣若大司徒  
卿僚中丞節鉞大將軍二人皆開府淮陽攬其  
弘綱其下則分天下總司凡十有三晉衛都尉  
之賢者署以上爵令各制一道統其所部將吏  
戍士咸輯漕艘抵于京庾大將軍歲皆告成  
闕下蓋至重寄也山東之漕在十三之一其轄  
臨清東昌平山濟寧任城凡五衛而附之濮州  
東平二所將吏戍士幾八千人漕艘八百轉粟

二十四萬石則河南山東所輸也其地去京師  
較近嚴程之期最先諸部其涉皆大川連絡輪  
谷風濤潮汐不遑寧處矧以一人而臨之者又  
森然上列舉措予奪有弗得制王職弗共群人  
怨咨則 天子罪之奸宄在側蝨蝨未難則上  
使譏之流輸不時遺貸未復則大府詰之刑罰  
淫濫惠澤壅遏則將士譴之况乎簿書期會之  
至曠責任使之至煩故其官有至不易易焉  
者即晨夜兢惕求無戾于上亦董董足以塞責

蟄蟄集卷六

十三

苟乘以怠志持以褊心滯以汚節明有 國紀  
幽有鬼神獲罪當世取譏將來夫孰能逃哉是  
故雖有善政亦孔之艱其於邀懋賞企崇陟亦  
未暇論也茲署漕自天順中濟南馬君玉寔經  
始之嗣後邳州湯君慶再加重拓復為一新歷  
三數年丙舍垣屋亦漸蕪廢不治客歲之春海  
寧金君立江奉檄來斯首戚於裏顧稅事方敝  
將士交困多賈通藉因勉為調劑復其二三歲  
之上春署事少暇乃召工徒稍葺治之復作謁

舍外門俾止將吏而堂無題名恐代者莫稽將  
命礮石序而書焉復虛其餘以俟來哲屬余文  
其上烏庠斯盛舉也夫今而後有指其人而美  
慕之惟石是視抑或唾而棄去亦惟石是視故  
登茲石者亦甚足畏也已雖然偉人巨夫能損  
幹國家建樹奇績使其名顯播方策懸諸旂  
常猶景星喬嶽輝耀寰宇常繼世而不泯固士  
君子之所優為又奚于石憑哉使其不圖金匱  
之書而將永恃於茲石則安保異時幸不作柱

歸藏集卷六

下

礎也余復以是懼遂謹記之

潛邑丞徐君治水碑

昔者哲后之急民功也曰土反其宅水歸其壑  
惟稽天之儆殷憂是豫必因之就下而道迤邐  
而潄俾無奔突屬于蒸人故能禦凶備厚生殖  
穡事告登農粒永賴未有釋此而能理者放勳  
之先昏墊神禹之力漉洫為邦之憲莫著於此  
是故位無崇卑地無廣隘政無巨細苟以蠲溺  
為已任循是則入否則敝已魏郡襟帶洪河經

以巨川衍畛之利由于防遏或遠其宜則高仰  
皆沼故其地恒無穰歲濬指邑也厥宅黎水淇  
衛之流入焉長豐白寺咸以大澤枕于郊藪霽  
潦瀾漲民將為魚弗暇耒耜迄於離散古今牧  
臣以著殊績為艱東阿徐君應祥來佐茲邑抗  
志孤峻期于綏和視政未幾會二陂水決縣大  
夫檄君董治疏洩受命惟慎既殺其濫仍引其  
支流人歸田廼奠樂工歲辛亥山水暴至入宜  
藩西郭門大壞民居議塞城闔田者曰弗利君

歸藏集卷六

十五

堰而門之遂大稱便潛人胥悅商旅相慶令上  
其勞監司褒以異等稱才丞焉匪其政達乎本  
知通乎時仁愛足以使人機權足以成務曷繇  
臻此哉古者知效一官政修一鄉皆味之歌之  
丞亦足尚矣頃歲河侵漕渠延漫列郡司徒氏  
銜轡經野方警然閔憂中原予蓋因其人而有  
感也事既竣浚人請紀其事刻石于河端乃具  
書之以附白渠考陂之義并系詩云盪盪黎陽  
裔千澶淵宅厥奧區綿絡九川大澤洪流厲彼

土田森焉滂池匪今則然徐君佐治墊溺是先  
長豐弭波流移用旋以堤以門宜溝則安于耜  
如雲在濬之阡垣廬不警黍稌斯蕃濬人嬉嬉  
曰無饑年疇永伊績烝徒翩翩嘉剡匪華追琢  
奚堅永哉丞哉牧人之賢

徐君怡桂壽藏碑

余讀漢史陳思登魚山臨東阿喟然有終焉之  
心遂營為墓室未嘗不賞其達生之卓也夫閑  
縱之機屈伸合散顯若旦夜有所囿者恒昧之

徐君集卷六

十六

洞而不惑非知命之君子哉吳邑西郊多嘉山  
而隆池最稱幽勝邑人徐君怡桂嘗買地穿冢  
葬厥考妣靜菴翁暨胡碩人又復坎其旁穴以  
袂歸藏且徵銘焉烏虜庶幾乎古之達生者非  
邪君姓徐氏諱璠字其別稱怡桂其先居東州  
唐時有官封丘尉因徙河雒後又徙吳中子孫  
在宋多登華秩間有擅醫名者後亦第以儒醫  
相承不慕仕進故君之高祖翰曾祖孟芳祖廷  
玉皆讀書明善能蓋其鄉父老衡尤善世其學

為小兒醫精瘳家名溢遠邇然弗以利售推重  
於時君少樸茂無設語稍長就傳誦習凝思研  
慮兀兀不舍靜菴翁念無支子憂其靡他致疾  
且家故紛糾遂今去鉛槧射時力生然非其志  
嘗快快不自愜日殫所事竟即恬處一室未嘗  
與里閭少年遨嬉為浮蕩之態奉若父母務順  
其志養必極甘煥喪葬盡力咸中乎禮推恩三  
族宛有恩煦與人必誠信出肺肝見機械犯巧  
者遠若蛇虺而喜友端士尤重文學折節巡納

徐君集卷六

七

若恐後也至熏轅貴勢之家非有姻戚不一及  
門家世素樂為善至君益以恭和自將動履軌  
法雖偶橫逆第亦含之即睚眦無敢苟故平生  
無怨家其視二胤子慈不忘教今皆蘄然自樹  
馭僮婢雖至庸劣皆得其懽心配碩人孫氏郡  
名宗子淑靜柔惠閑於婦則能拮据作勞以勤  
于家每嘉舉多決其贊畫故君宜焉然性寡嘿  
知自坊欽家進之間和而有禮雍雍如也子男  
二人長公望娶周氏次公廉聘周氏女四人長

適高世顯次適王問儒次皆未聘孫男二人邦  
桂邦相隆池山在邑至德鄉其藏雙穴而同封  
之銘曰坤藏軋長室復通化機綿綿奚止終瘞  
鷄磬疇疇能窮吁嗟汶汶舉世同卓哉水鑑縣  
心胃等眎電靈幾輪中吳山逶迤攢萬峯虬盤  
虎攫相爭雄有池淵淵廣且隆迴巖秀木澄湖  
東星環獸拱靈氣融後百斯年侯爾宮

明處士胡翁近山夫婦合葬墓碑

處士胡翁者諱益生字思茂別稱近山歟西甌

歸集卷六

六

塘鉅族世禪耕稼以載德聞時所都稱甌塘胡  
氏不問知為令緒也處士生而瑰奇有純質自  
少凝重不苟言笑負志遠大尤敦彝秩弱冠時  
名已蜚然里族中長服賈事力脩隴奉厥父毋  
愉婉不廢浹治喪葬罔弗由禮撫二季益篤恩  
誼推讓嘗產畧無所豐殺與人坦蕩忠諒不欺  
臨財不尚機械取舍合度自奉甚約拮据蘭績  
能腴厥家顧銳志行義不靳施予人以阡陌告  
者疾赴之即蹈水火無隲顏居恒以莊敬自牧

人亦謹奉之不敢易視邑屋講張輒就處士質  
成無腹悻者其伯父仕威與里中蒙訟墓被道  
遜格殺之沈寔深淵多薦賄不得直處士告家  
廟誓不俱生徧懇之上官仇竟伏辜平居循循  
與齊人齒讓若不見異節或義氣所激奮然直  
往雖千萬人不可撓斯謂不墜厥宗也已其配  
葉碩人亦汪村名族大齡公女柔嘉恭順克閑  
有家內則甚脩禪贊合度事上撫下勤課傭作  
故處士得植志屢粥終其身無內顧憂碩人寔

歸集卷六

九

幹之其生齒後處士十有一載處士卒年五十  
有九碩人獨持門戶翊其孤迪益善幹蠱業益  
盈大其賢蓋並足徵云胡氏之先最盛于娶之  
考水李唐時始遷甌塘有省元遷二公大能振  
其宗下追處士數十世矣處士之曾祖祖祐祖  
隆德父仕遜毋呈坎吳氏處士生天順丁丑沒  
正德己亥葉碩人諱法容生成化戊子沒嘉靖  
甲午子一人即迪太醫院醫士娶汪氏孫男德  
仁初為邑曹掾例晉京朝贊督府今銓次循

負曾孫男文祥承 楚府永安王縣主處士苑  
娶吳氏生子達皆前卒別墓廸以嘉靖乙卯冬  
十二月啓處士暨葉碩人之殯合葬于邑朱祁  
村後塢之原太保舜江李公寔為之銘至是復  
介余紀載其事樹石隧上余嘗博觀史家之論  
人多取夫炫視駭聽縣之殺青垂休異代而平  
居恒德獨泯泯焉奚哉天下之情樂道夫未嘗  
見聞而每易易於所習無惑其然也若胡處士  
孝友敬義弗越古訓娘美匪德有室人焉宣父  
所云得見有恒者非與宜表而書之百世之下  
將不有過斯墓者而式之曰烏虛德人于此同  
穴亶無愧於梁鴻冀缺也哉

蛭蟻集卷六

廿

止舟說

汪君紫崖營墅于半塘之偏中有小軒前臨迴  
溪上覆越蔭輪交映葭葦叢植潛魚時出棲鷗  
屢下俯檻盤桓若航輕舟浮涉江漢或依渚漱  
宵維弭檝蓋耳目所逮者弗殊焉汪君時迂客

憇息其中俯仰甚適則曰異哉斯軒之似舟也  
夫得失之道安危之機具於此矣是故功崇則  
禍隨位極則覆至才高則毀叢資盈則敗集人  
皆知之其端甚微其寃弊焉慎厥取舍弗迨于  
寃人不皆知也由而不知知而不慎非諸弊而  
已非知道者抑孰能辨哉操舳舻之艦受乎萬  
斛浮乎廣川運乎長風駛乎遠道謂天下操舟  
之善曾莫已若然用大而不知反屢險而不知  
戒濡尾滅頂之悔或將乘之曷若曳舳舻於沮  
如之澤邪抑又曷若負島藏壑弗傲倖於一息  
千里之為愈邪此險易之辨也安危之幾得失  
之介則存乎其人老子曰知足不辱知止不殆  
亶乎微矣汪君少服賈凶易恒克自殖迺迄以  
輓旆或鴈其成君常委之大命恬無所怨尤今  
且倦游養逸林藪矣聲利喧呶不奪其中不有  
若舟之負島藏壑乎軒之勝君日攬之蓋必有  
心醉神悟於斯夕者也蓋遂頽之止舟汪君與  
客抵掌大噱高呼大白浮滿而酌之介密書其

蛭蟻集卷六

廿二



說于壁

衍穀說

穀之義二君子有善曰穀在位而發曰穀天保之頌徵諸厥躬原思之告耻於其國故曰善不積不足以成名善者位之本也位者善之積也善而弗位者吾聞之矣弗善而永終有位吾未之聞也韓子愈曰莫為之前雖美弗彰莫為之後雖盛弗傳君子有穀其性貽哉貽而弗衍猶弗貽也故曰鑒于先王成憲其永無愆夫作善

姑蘇集卷六

廿二

于前可以垂裕繩武無忝尚當於善繼述者責知善與位之俱存乎善與位俱存為之子若孫靡切切於燕翼是念惡在其能乎哉是故穀固貴乎能衍而亦存乎其人得其人則可以益大厥善益固厥位其于而身而家有餘裕矣余固與張子之能繼也張子之先以武功爵衛尉爰有令聞祿於吳者百有十餘年行義好德克薦其善寔大以昌蟬聯弗絕也壽卿方世官飭志厲行敏於庶事衛之長貳以追監司部使者廉

其能交相簡任卓卓有賢聲無伐檀之愧平居敬慎無敢敗度奉其前人之訓若弗克勝有肯堂之美懼其荒于逸也則自稱衍穀以見志亦允乎其能子與今之視有位若傳舍墜前人之業如燎毛取譏於褒城平泉者徃徃而見其視壽卿何如哉余嘉其志為作衍穀之說俾歲干官且以信厥後云

任文道字說

東安任生弘請字余謂之曰文道生難焉余曰

姑蘇集卷六

廿三

生固謂不能信志于章縫摘途于詔縣邪纓組圭爵詩書六藝道之糟粕也求道於是滋邈而難知已古人語道至於發育峻極聖人天地有弗能盡入于小匹夫匹婦優為之夫曷故哉道在我而不在人也在我而不在人故學道者不可以外求不可外求而能致力焉雖舜禹亦猶夫人焉耳宣尼之訓曰人能弘道非道弘人道而非人則何以為器使人而無恢擴推廣之功小大巨細罔不畢舉斯道也不幾於空虛無實



之名哉堂坳之水僅平并芥置杯焉則膠謂九之勝與不勝也故又曰士不可不弘毅苟其於日用動靜勉勉加察弗戾于天弗畔于理則無往非弘無適非道身心所止綽有餘裕進而為君子為大賢吾知其可坐而致已而又何規規於文藝祿位之足云乎然則其進也曷為徑曰學者必有用心誠為入門是以萬物皆備反身而誠樂莫大焉任生克念於存養省察允蹈而力行之於其往也將有所得他日有翹然出

蟄龍集卷六

四

于其傳者必任生也已其尚慎於斯

芝田號說

天下之物固不以異為貴異故弗恒弗恒故不可力故天下咸瑞景星卿雲醴泉甘露其神矣哉夫芝亦然陸離分敷莫爰伊止匪春而榮匪冬而悴素駝之所不能滋蘿氏之所不能剪蹇區絕境仙人上士往往能得之固謂其不恒有也惡乎能植哉夫人也亦然孔子曰聖人不得而見得見君子斯可矣善人不得而見得見有

恒斯可矣自有恒而至於聖亦猶夫人耳猶夫人而不同於人人斯天下貴之夫聖人也至於可貴亦知其不有恒也惡乎能類哉於此有人焉執芝而藝之耕耨耘耔勤厥耒耜時厥播穫語人曰我將有秋取芝三百俾如坻京也則孰能與之矣使齊九牧之民群立而謂之曰子為堯子為禹子為炎黃子為姬孔其人也無已太荒與雖然古之人有同善錫類者亦厚望於人之心也夫人之為善有限君子與人之心無

蟄龍集卷六

廿五

窮則夫欲植芝而使蔓也奚疑哉余里錢君善士也自稱芝田介余說遂作是以風

潘氏四子名字說

歛邑潘君汝謙與其季汝脩皆植德好義志承先烈同業共突友于雍然咸有二胤子岐嶷克類群嬉聚鋪若昧所自出汝謙曰是良知良能者或將桔焉或將渙焉渙焉而不相維也其咎將若之何迺命其子曰良舟曰良舫季子曰良輿曰良輓夫舟以任重匪楫不濟輿以載物匪

輓不進機翼舟者也輓佐與者也舟翼以機則其任通與佐以輓則其載遠是故舟機具而涉者適與輓備而行者安天下之利用堪矣夫人亦然父子兄弟苞繁藟附若弗可解根諸性分本諸人心好合而惡離恒也使不各盡其力殫其才相湏而用相依而立相輔而成有不渙然而不相維者幾何哉書曰同力度德同德度義夫同力而德成同德而義興義也者君子所以防其渙也詩云無忝爾祖聿脩厥德夫是其庶

煥集卷六

六

乎承志而昭烈已矣汝謙以四子請字因字舟曰弘任機曰弘濟與曰弘載輓曰弘進今而後四子者其知所勉夫訓之曰若乘巨川命女作舟匪機翼之其行曷由惟舟克任惟機用濟各盡其才以莫不利爰有周行壯于大輿匪輓引之執駟其驅乃進爾輓乃安爾載輿輓相資民用攸賴彼良者質彼弘者庸維器與人其道則同立人之道法器之義敬哉勗哉永錫厥類

恬安說

夫形勞而心逸者神也弗厥弗趨弗動其心者善也形神殄瘁志與氣共役焉斯其下矣是故大隱混世其次絕世巢許黃綺疾人若大敵畏朝市如囹圄牢巖寄穴附殼蛻神索悠悠與芥梗寂沒膾炙人代祥符鳳麟謂克順靜以為高其弗掩口於沮溺幾何哉是故貞不違物達不絕俗浮游寥區之中而冥息塊壘之外儻忽變幻震撼擊撞匪石泰然靜定不二非有道者不能吁其神乎神莫可強至也凝然若居淡然若虛

煥集卷六

七

鑑澈泓止弗波弗翳寂感之妙存乎其間有弗若稿木寒灰焉是之謂能安鄉使其外而不內因虺驚聲寂焉弗寂感焉弗感將蒙目掩鼻捫舌塞耳以為靜定祗見其輓虺耳善夫孟氏所謂不動心者其安之謂與歟吳君其恬靜慎密不妄言笑居嘗屏息聲不出戶外人望之若處子曰與晤言弗見其異月覲焉猶若也歲覲焉亦猶若也逐末吳會紛糾籌筭退而挾策閉閣兀坐窮日雖闌閤襍遯而儼若逃禪空谷即無

人之墟也其幾乎神與否耶於是君無勞苦忿  
懷疾厄以櫻其心故寢不夢覺將無憂神閑而  
氣和亦何往而不安哉古今之所謂大隱者亦  
難乎若君也已君自稱恬安余嘉其善於混世  
也作斯說以貽之

姚生世庸字說

天之生材利用萬物非材之難適用為難五行  
之運各有其體五材之施咸宜於用苟不善於  
器亦安所資以成功哉是故嘉木良金膏土成

姚生集卷六

其一

器之質也斧斤鉗錘埴埴制器之具也水火者  
神化之功也非質則無以立本非制則與神化  
無以成器老子云有之為利無之為用斯五行  
之材盡而天下之利用罔矣四民之事維農則  
艱腴服耘耔勤動終歲至於多黍稌積坻京登  
儲庠足供億以成邦國之利以濟俯仰之需其  
有攸賴夫亦至重然匪由鑑基之具莫克致之  
故鑑基備而農功集農功集而百務興世用之  
利於是乃彰非有取於材也哉姚生鑑既命之

名介余製字謂之世庸以勗之也蓋鑑基之器  
寔首農務農務之興寔長民功生將服膺斯言  
引伸觸類思盡其材思弘其用以忠信為畎澮  
以禮義為鑑基以敬慎為播穫以行譽為儲待  
名立而事順身安而家裕庶幾乎無負於降才  
無忝於世庸已矣勉旃爾生其尚顧諟之毋忽  
哉

費氏二子字說

余友王君竹齋其族本汝南費氏少嘗襲其母

姚生集卷六

九

姓以稱既習甚不克反乃俾其二子反焉曰元  
楫元楷者咸彬彬適度不失為良子弟余亦善  
其克類恒心許之竹齋從事儒術兀兀終歲乃  
今齒髮種種猶不廢筆研至是命楫治生奎楷  
服儒業博聞強記駸駸可觀雖不得穎出庠校  
階級榮名於時然能佩服古訓率由不愆平居  
嚴慎無敢敗度非象賢惟肖者哉楫且壯益善  
生殖低昂圓轉與時上下亦翩翩向成也竹齋  
乃有安享之樂矣余方自洛歸竹齋以二子見

請製字且求所以教之者則字檄曰通甫楷曰  
端甫夫檄有通之道行而宜之謂弗帶也楷有  
端之道執而守之謂勿失也若是二子其幾已  
矣使其通焉則不違乎時可以大行而無碍使  
其端焉則不同乎俗可以中立而不倚無碍斯  
盡檄之用不倚斯植端之本而奚有於不利耶  
雖然通貴弗派端貴弗固檄不一于行而持之  
以端故通而知塞楷不一于守而推之以通故  
端而知變彼此相湏而其道成焉固二子所宜  
勉循而不可忽者也其尚慎旃哉

結蟻集卷六

廿一

結蟻集卷之六

結蟻集卷七目錄

賦

錢塘觀湖賦

梅窓賦

澹仙賦

雲山賦

朝昇樓賦

思菴賦

箴

結蟻集卷七目錄

事茗齋箴

羅生佑徵字箴

贈汪子六箴

贊

直齋汪處士像贊

戴先生畫像贊

扶宗師畫像贊

香山九老圖贊

項龍淵畫贊

周可山行義贊

武安王像贊

銘

天池浴日研銘

四貞堂銘

樹德堂銘

順則堂銘 有序

登塘胡氏新隄銘

虛吾生齋銘

書燈銘

書燈銘

太宰古冲翁欽石研銘

友山草堂銘 并序

石溪誕述

晉悅言為汪廷和

蛩蛩集卷之七

吳門鄭若庸著

新安胡迪校梓

賦

錢塘觀潮賦

嘉靖丁亥仲秋既望予至自吳都次于武林乘  
埤觀潮迺拙毫而為賦葶收乘運祝融載淩  
蟲戒寒驚條隕芳澄溪泝游一葦斯航肇自宸  
澤放于錢塘躡孤山之秋煙吊霞嶺之頽陽儼

蛩蛩集卷七

一

玉輅兮未旋胡珠襦之已荒絕閭井而南跣遵  
江臯以延佇森巨壑之委輸限勾吳之魁圉苑  
宛委之榮木萋奈望之離黍危堞壁立而將頽  
層構罩飛而欲舉蛾眉冶容公子王孫綺散含  
輝珠璣揚芬駭鱗群浮落蕩交屯紛金谷之春  
蕤燦晞露於朝暉嗟泛梗之奚憑悵芳辰之難  
踵條奇觀之視目蠹銀山而乍鋒奮馮夷之遺  
烈賈胥華之餘勇排巨石而靡却激長風而若  
怒凌析木以造駛薄無臯而橫驚何媧灰之可

足迫閔劍之莫禦訐鉅鹿之既合與牧野之方  
聚洩澳澎湃呀呷銛羗禹鑒之未莫繫并絡  
之倣騰豈薦膏於帝臺乃懷山而襄陵蹇決  
之為憂曷濡尾之足懲忽安流以潛潤若威霽  
而氣平時則凝紫拂嶠浮青曳羗文茵朱芾錦  
鞞畫轂隨鈿裂羽遺璫碎玉闌其無人復我邦  
族烟舒練兮空明澹平津兮暮綠信江海之有  
恒顧蜉蝣之幾何欣雪鴻之斯逋悲磨螳之蹉  
跎彼汶汶其安知孰芒背於逝波將乘桴以嘉

姑蘇集卷七

二

遯陟瀛丘而容與悟川上之微詞窮湍瀾於牛  
渚于以謝塵海之驚濤相羊乎大塊之逆旅

梅窓賦

胥崑江東隩壤松陵澤國其地允勝貞賢嫵上  
交棲蹟焉費子居松江之滌寡營謝俗冥息靜  
修之廬植梅虛窓庸以自麗余甚侈之作梅窓  
賦若有人兮含靈襲華韜王弗售肥遯何遯俯  
烟波而晦迹引鱸鄉以為家武陶公於物表招  
天隨於水涯乃遵衡宇爽塏是卜羗飛足跋渠

渠夏屋庇文窓與綺簾敞閑居之幽築華棖煥  
而斑星踈櫺晃兮迎旭映縹囊之參差披芳芸  
之馥郁爾乃闢瑤砌除閑庭居梅兄挹虛清盤  
根互結繁條敷榮匪角勝于靈苑寔媿嫩于層  
城儼寒圭之改序條集霰于高冥寧庶草督其  
先素群木委兮交零蒼苞發而垂陽凝電散而  
靡焚陵韻香風以逢度蒙薄霧于晨興渺羗笛  
兮何心尔舉幃兮有情豈四照之能容匪五衢  
之敢登白鴈高兮寒正冽玉蟲蛻兮蘭影滅美

姑蘇集卷七

三

人望兮湘水濶驛路長兮不可越恍故人慰離  
絕條橫窓兮度明月噫嘻乎微諸往哲情有攸  
鍾濂溪遠韻子猷清風河陽春顏彭澤秋容詎  
孤興于一朝遺勝事於無窮矧伊人之高調儼  
嵩嶽而增崇彼寒香兮獨妍誠臭味兮允同興  
培養兮克慎期鼎寶兮成終

澹仙賦

嘉靖乙未余游廣陵邂逅張子繼泉適所懽焉  
曰許子澹仙者俾余賦之維茲辰之干邁絕長

江而北徂沂邦溝之委蛇歷開皇之舊都悵玉  
樹之餘哀渺百雉之平蕪月殊代以共照柳先  
秋而易疎弔麗華之困泉追玉奴之故趙離宮  
萎其草綠荒瑩慘而雲孤撫今懷古氣喪神沮  
不寤復寐忽有所過睹一麗人于江之渚鬢髮  
蟬委綺袂鵲舉膚凝冰而匪澤服栖煙而被素  
畏純繡之蒙塵恐鉛華之受污雪回顏而褫冕  
梅耻容而辟路儼禮防之紆徐乍回旋以延駐  
余乃憫焉以怡憫焉若失目屢瞬而歷亂足將

陸鴻集卷七

四

行而辟易與婀娜之可求慨飛揚而難即豈凡  
聖之殊方效靈蹤于往昔步江皋以留珮渡沅  
湘而遺瑟胡粉黛之莫京歛穠華于閑寂恍詔  
余以不言心獨領而自得謂大朴之兩雅曾奚  
事于雕飾故厚味之腊毒與娉客之敗德彼土  
階之至理豈瓊宮之可益乃陶匏之淳化亦青  
黃而為賤極玄酒以真味敦白黃于無色蓋將  
擴達觀于大始豈復能囿聰明于凡臆於是靈  
旗歛舉孤蓬獨留殘月破曉悵蚤弔秋躡謝公

東山之晨闔張家燕子之樓宛有覲于清揚晤  
伊人之好脩信飛瓊之邀奇軼迅駕于浮丘噫  
乎異哉真邪夢邪子所謂澹仙者與使子墨客  
鄉志之亦以壯茲游也

雲山賦

繁天都之名巖莫懸歛之靈隕儼歸藏以雄峙  
槩嶽峯于六六州間宛其綿亘陂池互兮縈複  
荆吳後控閩粵前苞東連輸隘西拒江濤比黃  
山以礪峴排青漢而孤高隴琨隈而四屬坂紆

陸鴻集卷十

五

折而周遭羅莫莫以蒙穀木矯矯而杲猱高岫  
帶平巖側洞房隱于林標穴潛滴瀝而下通盤  
溪颺蜿以上交有美伊人于焉遯跡跂商鼎之  
芝茹弔首陽之薇食叩宵鬼而振衣攬朝霞而  
躡屐忻薜荔之我懷愧纓珞之見蝕謝朝市之  
糾紛托沉冥而晏息陋推圭之捷徑附安仁之  
閒逸沂紫陽于海瀕軌若肖之貽則爾迺狼相  
觀陟嶙峋羣卷踞于漢雲觸石橫天露露虎蹯  
其來若馳其赴若屯其蒲席庶其油紆紆倚嵒

星而灌紫綠以藏而氤氲懸厓霜以改色獸嶂  
挺而亡群軼豐蔀於耀靈驕屏翳於洪鈞儼驚  
颼之震宕失暖對於輪囷信幻變之靡常匪永  
固而恒存時則列缺載張豐隆焱伏紫翠呈態  
丹青煥目諸嶮獸秀危峯競轟涼貞士之不回  
表自特而矜束迺同光以獨立弗終泯於頽俗  
介于石而斯堅志樂山而彌篤詎琢磨之能磷  
何牛羊之可牧高標迴兮卓爾其贈皎兮無僂  
壽禱心于闌倒將殉時于隍復羗寓目而感心

皓蟾集卷七

六

亶人邁之在茲矧崇朝之有無與歷載而弗移  
蓋微旨之攸存非玄覽而曷知雲蒙蒙而時出  
山盤盤而永斯豈玩物以喪志範吾驅而不迷  
願栖靈以養晦樂天命而奚疑

朝昇樓賦

歎之墟大者稱潛川山水始秀汪氏之居麗焉  
其彥廷和太學既自作室又建樓于旁時攬旭  
照故名之朝昇廷和恒語斯樓之觀悅若置余  
其中也因為之賦若有人兮珪組之苗穉如道

風更焉孤標翔神虛明眈展氛氲武坐構兮是  
營因丘陵以為高引天都之蜿蜒屏萬貫之崑  
崙紫陽巉巖而豳峙黃羅突兀而前苞則有葑  
房芝館層軒覆轡喬柯干霄珍卉充庭洵樓連  
之可托惟筦簞之攸寧尚戴符之尋幽陋圭  
之餌名絕闢井以滋龜顧祭戟夫奚榮猶謳歎  
之若累於葵堦而增情思蟬蛻乎朽壤將鴻鑄  
于青冥仰摘星而易寒俯齊雲而可憑於是傑  
構作層樓施負肅景迎晨曦雕文杏而成梁絜

皓蟾集卷七

七

卒夷以為榻煥丹堊於棹椽披文藻於枕題蒙  
綺疏之參差繚曲榭之委地流雲宛其拂楹和  
風恍兮度帷鳥橫空以乍滅天覆宇而將低寔  
華景之足羨爰朝暉之是依彼耀靈之懸象亶  
結珮與鬱儀攬義轡而靡息恊娥輪而迭飛乃  
方中而向眈忽冉冉其西馳噫大蒙之下薄豈  
皓景之堪降乃舒望於朝昇乘陽鳥於始微出  
暘谷之安藏儼瞰瞰而若規浴咸池之重淵登  
扶桑之上枝肆臨土而有赫遂貞明而陸離信



層宇之崇高承品光而靡遺交綺窓而緒纂流  
阿閣而金輝破繁林之薄靄洗連嶠之輕霏炳  
圖史以璣粲益几席之春熙時南榮之微薰凄  
此牖之嚴吹闕慘舒之互更曾斯樓之擅奇匪  
直槩夫游觀亦樹德之所資蓋夫朝者日之始  
升者高之漸繫君子之自治庸考義而昭憲復  
吾善於有初克人私之昏墊務下學以為基期  
上達之繇踐乃高明之既極斯峻德之罔玷時  
則徽音孔昭賢聞自浮輿輶乃壯金柅勿憂登

姑蘇集卷七

八

三事而有裕登百工而咸修崇功迥乎莫京膏  
澤霑其旁流爰錫類于後昆亦繁業于諄謀惟  
順助之攸逢信百祿之可適故觀象而垂則諒  
有獲於斯樓慨吾形之羈栖彼軒冕之我仇思  
翔風於紫虛跨五文之赤虬或息駕於巖阿遂  
摠轡於邀暇招飛仙於予所凌旭影於環洲信  
足以侈平生之大觀又奚必寄逸想於椒丘也

思菴賦

潛溪汪惟慎氏生而勝衣即擢岵岵之悲抱孔

懷之感既于行旅滋有所愴迺即爰居志以思  
菴要予賦之述物之感人心所均矧夫斯人可  
以永嘆矣賦曰瞻九野之混茫兮謂浮陽而蓋  
高幹玄化之麗洪兮潛索簫於泱泱紛品物之  
資始兮重培覆而莫逃嗟伊人之不造兮若有  
愆於恒度兮嚶嚶其扶牀兮仰覆翼而復顧胡  
不憖而降劍兮遽橫閔於中路慨蒙椿之易拜  
兮痛背科之先素維二仲之髫髻兮冀此離之  
攸怙吁棲座之不居兮儵就晞於宵露嗟吾生

姑蘇集卷七

九

之斃歟兮羌有懷而弗諉矧行邁之靡靡兮徒  
結思於輪轅南浮桂於沅湘兮北挂席乎洛川  
弔晉瑩之游鹿兮華非非其來頗歟若諸之逾  
邁兮夫曷故而弗遷耿予心之不寐兮迺負恨  
而終天悵粉柱之同即兮思之徒在結宿  
莽之夕陰兮揚拱木之虛籟感霜露之婁交兮  
驚花實之恒代悲飄梗之無憑兮惜大暮之不  
再春英華其向晨兮秋蟲耿乎吊寒卧靈雨於  
虛堂兮聞鳴鷄於夜闌神精恍而不寧兮心歷

亂而靡安肆鈞宰之有命兮諒冥思而何益德  
遠游之孔艱兮事蘭藏於一室豈塗墍之足美  
矣倚軒楹而茹戚彼管管而弗弛兮曾何禔於  
晏息將高岬之為谷兮信茲憂之罔極

箴

事茗齋箴

序曰明弗西視聰弗西聽示事有專也事必有  
道形有所授志有所一道有所寓專曷病哉匪  
道而事猶弗事也匪事而專猶弗專也是故若

姑蘇集卷七

十一

秋于奕若衍于談若稽阮於飲孰匪于事孰于  
道邪夫勞其形弗一其志罔釋于厥躬專也奚  
為陳子朝爵粹然清脩不遜于俗不溺不隨乃  
尚志師裏居琴于齋丹牋墜塗亦完且美茲鼎  
圖史參互左右名流屢為往反不絕陳子居恒  
無所事事反戶虛栗品泉調火淪茗而甘之若  
舟深淵稽于甫田他若罔聞知也故曰事茗齋  
云夫茗之於人宜弗克知亦宜弗暇事陳子  
胡寧稽諸載藉茗薺之功除煩去妬子也事之

弗于其庸于其象焉道曷有窮乎是故齋道之  
寓也茗道之器也事道之庸也卓彼陳子宜其  
專哉感其志而為之箴曰猗與大丘有齋惟崇  
翼翼飛聲言言厥中中之言言展也于處亦玄  
亦史堯咨舜語我齋有琴我琴弗絃時乎天風  
御也泠然溫其有儀聿來不夙有澤斯麗以莫  
不穀遄彼居諸乃迅於駟曷以永之亦殫厥事  
其事維何我茗我泉我其湘之釜鬻是專孰事  
之專于茗斯耶匪溺而荒如彼濛羽惟茗司滌

姑蘇集卷七

十二

職焉孔臧弗垢弗煩于彼腹腸子有靈臺厥或  
塵止眷言滌之澣不新止玉淵澄澄靜而弗波  
大體是養其功孰多養口惟茗養心以道履道  
而事則茗之效寓道以茗惟勤斯齋賓人司言  
敢告勗哉

贈汪子六箴

汪子園山鄉舍武林與予游甚習察其志魁然  
而奇氣橫鶩若神駿泛駕不近羈馵有所表見  
斐而成章毳衣韋帶若不堪居也顧恒以三益

要余言約之中行子亦良自刻削務幾于道夫  
予三年復舍吳予將徵其進益告子于吳之邨  
時將北轅行且予尼廼惕以思曰邈哉汪子之  
好或遂與極於蕩乎行或冥與拂於趨乎奉或  
侈與淫於緝乎志或揚與諛於滿乎明或晰與  
苛於察乎恒或弛與漸於儉乎爰申以六事之  
箴書而畀之俾汪子自鏡焉其一曰忍性民生  
有欲厥性攸存莫或制之乃梏其心堅以自忍  
毅以自克損之於無可與入德其二曰敦本立

增補卷七

三

人之道曰仁與義操之有本先於孝弟廣居我  
宅正路我由既澄其源乃洪其流其三曰尚質  
陶匏土硯淳風孰加彼昏不知反之以華昔賢  
緼袍不耻孤貉今聞廣譽文繡奚若其四曰攝  
謙召損維滿受益以謙卑不可踰曰惟女賢內  
無侈心外罔德色自視歔然展也作則其五曰  
夷明人惟至聰貴于弗章淵魚之察式是不祥  
詐不可逆微不可燭抑亦先覺古訓是服其六  
曰慎終人亦有言靡不有初或承之羞恒德以

渝貫以至誠不息而久何斯遠斯君子之守

羅生佑徵字箴

金昌羅君名其胤子國賢請制字曰佑徵曰惟  
女賢若簡於先王佑啓廼心爰徵于肅謝曰國  
賢幼服事方冊鉛槧弛已則曷敢佩茲訓吁乎  
哉古之賢也異乎是履道服義沈晦側微行成  
而弗疾名韜而弗章明揚聿興股肱攸寄時乎  
憂遠而道存焉進無赫赫之功退蒙昭昭之聲  
華名風流與代終始是之謂大賢彼若頽仰膏

增補卷七

三

火撫拾華佗佔佔末藝以要榮名大爵苟弗自  
樹乃落落猶夫人也斯焉取斯子弗是校而慎  
厥身爰薦于成雖弗能力乎今之榮名將不曰  
佑徵古之賢人也子盍進乎哉箴曰淳風聿先  
于彼洪荒有美哲人為龍為光仁敦義發智崇  
禮防考槃幽遐其道彌臧是惟國賢昭代之祥  
王明受福茹拔斯揚厥佑有典縣于大商狂瀾  
莫回頽流漸長口耳惟梲本之則亡自術自媚  
好爵以攘履道有畦令問孔彰子惟弗二千

于翔鴻寔益高蘭谷逾芳孰云丘園不加嚴勵  
允詔明德反子鴻龐

贊

直齋汪處士像贊

夫鴻名偉烈天下不乏媛奇之士而直躬自遂  
昔以為難何哉無特立之見則詭隨者高無自  
異之能則立聞者聖故史鮪之道信于春秋上  
下千餘年端委之流嗣響無幾矧於衡門之士  
乎詩云剛亦不茹柔亦不吐夫若人者挺焉不

結集卷七

十四

回珉玉無異浩然之養天地我塞雖蓬居衣褐  
九列之貴莫能踰矣彼獨以纓冕自銜奚其讓  
諸新安汪君天和嘗以直名齋恒聞其人既交  
其胤子應化嗣睹其遺像王秀而溫靡著圭角  
夷考其世曰唐越公之孫族衍西山君維白眉  
不聞其微猷宿望著矣又視其履曰其賦性也  
朴其蒞事也敏其奉親也孝其萃宗也睦其刑  
家也勤其施德也惠六善具矣則又徵其稟曰  
直諒不阿無詭言曲行雖於尊官上使未嘗容

悅足恭僉壬回邪值之却走里巷露訟於君質  
平其於貨殖亦靡幸逢以僥獲也知者咸謂古  
之遺直云噫嗟乎世有高官大爵不能著直節  
於時者夫亦何限而况於衡門之士哉昔越公  
扶義樹勲王室以至秉圭南面神明其德於今  
為烈使君業進士居功名立朝制行有不能繩  
厥祖武哉而天固靳之將必有伸於其後者矣  
傳曰公侯之後當復其始吾於直齋君也盖有  
所試焉故述而贊之渾渾偃草孰也其挺靡靡

結集卷七

十五

坂九孰也其梗彼其之子叔世之賢類流自若  
砥柱屹然中立不倚從厥攸好展也如矢曷敢  
余撓劬腹自利盜言孔甘外而坦坦其中淵淵  
我其疾之如虺如蜴時乃緇矣式是弗涅斯人  
已往流風則存以倡祖德裕乃後昆

戴先生畫像贊

戴濯纓先生名重江左余髦壯及聞戴先生猶  
籍甚也既登膠庠獲友先生之胤子憑又畢誦  
先生之言閱深辨博益困然粹已邇今獲瞻遺

像踈朗瑰異風神祇若假之方寸玉階明目張  
膽論思弘化則功被當時澤流無窮不有餘地  
哉偃蹇困踣竟死一校官嗟乎先生自少及壯  
以其所負穎見儔彙中八試並落匪志不銳有  
庸而弗究則天爾矣天寔畀之又從而阨之是  
故有志之士不能不扼腕於先生之往也贊曰  
孰予其貌孰予其形千丈孤松萬壑凝冰目掣  
飛電胸縣列星崧嶽之神箕昂之精峽流弘思  
架書便腹干將在治文與閑積貞珉遠磷倏草

靖遠集卷七

十六

懷觸我維嶺嶠咨碌碌靜斯有養動罔不宜廣  
屢奚艱隆棟攸資胡為王佐胡為帝師彼數或  
然公當其奇勤弗曠官位豈在下言弗畔道傳  
豈在寡已乎先生時也命也清風穆如佐啓來  
者

扶宗師畫像贊

扶宗師者操行孤峻機用險絕居吳之鄧蔚蘭  
若有闔門面壁之志憲乃烈祖某公獨倡宗教  
東南四衆思皈依焉暇日示余畫像為述贊上

方不二法寶歷劫住世孰是攝受是曰臨濟坐  
大道場證無上義靈光昂然有燁真諦曹州衣  
版維師任之以智慧力作大護持拔釘去楔種  
種妙機法幢嵯峨人天利資面日本來即相非  
相我豈正眼而得名狀狀者非真相者非妄滄  
海珠圓青天月亮

香山九老圖贊

有唐會昌中朝紳勇退挂冠歸田相與結社東  
都浮休玩世時人高其風致目為盛節故曰香

靖遠集卷七

十七

山九老天下至今傳之播諸彤管流之丹青至  
於今炳炳也直乎尚已夫有間世絕倫之才經  
時藻治之學而顧頡頑暇豫陸沉草野固豈盛  
世之所宜然然諸君子者皆幼學壯行乃心戮  
力殫厥所長以成一代之治夫然後奉身而退  
口不言功擊壤太平優游卒歲固亦聖帝明王  
之遺烈哉唐自神堯以還賢臣英辟貞觀開元  
之治醞釀日久聲教漸被迄于九圍其來抑有  
自己諸君之克遂其樂以成名也固宜三復斯

圖述而為贊其文曰有赫晉陽鴻圖是延奕葉  
采休於昭百年迨彼會昌臻于至治維君維相  
引翼不替禮備樂成神人協和醴泉靈芝降祉  
孔多卓彼九臣穆穆在位贊厥皇猷天休是對  
各慎爾儀偉績無前功成乞身皓首童顏山顛  
水涯紆金曳紫賡歌盛時以畢餘齒丹青著貌  
汗簡流芳太平之風宇宙同長

項龍淵畫像贊

項氏為吳興甲姓大司馬襄毅公昔戡亂西南

蟬集卷七

十六

榮被朝典澤延于世文武並登蟬聯奕葉洵乎  
偉哉龍淵君秉安席乃祖乃父之休亢志繼述  
力學博文思弘其烈而坎壈不偶於是絕意進  
取退而藏倫于家敦德養秩扶義宗黨流惠無  
告故遐邇有賢稱焉晚年益游心玄虛空寂之  
教托以遺世死生之際亦復卓然庶乎知道之  
士也今亡已夫襜褕者衣翼翼者思崇德象賢  
古訓是師學綴而刻行蹤弗利覃被邦族曷非  
康濟清脩之特章逢之賢若為駐貌望之顯然

卷言世美宛有餘烈丹青可漫風聲不滅

周可山行義贊

周君可山為語溪著姓其李某雄飛鴻遠隆  
顯清代門閥赫然君尚志家食為讌樂義慷慨  
然諾為時所珍其養子寧謹愿而忠克勤厥家  
遘疾死其妻少無子將嫁之對曰不幸夫殞無  
後幸有少囊資薄田四十畝足以具饘粥畢吾  
志無見強為也君心奇其節詎不可留會族有  
嫠嫂將二孤子奉若翁且耄矣家縣磬索累弗

蟬集卷七

十九

能支君召寧妻語曰吾為若所則示以意即躍  
然首肯往與嫂俱其所携悉付之絲粟置不問  
自是二嫠訖相協同心共業謂有永圖云君子  
曰周君行義有三善焉嫠者不違志孝者不匱  
力老者不失養仁乎博哉其施也夫子竊祿庠  
校濫竽風紀不可碑君之義不聞於後也述而  
為贊孰不有義利則戕之惟是二端乃背而馳  
彼昏不知錙銖是苟吁嗟泯焚於道何有於惟  
周君則卓其行惟行有聞顯然厥聲彼姝子者

如石斯介爰有土田我生是賴惟君弗奪其志  
迺成豈惟成之亦君之名矧于爾宗曰有同調  
依依耆老貧不忘孝揆厥攸宜爰仰比之弗睨  
其心交獲其資既不弛親亦罔踰節媚焉二嫠  
秋霜爭烈展也獲所無私合天詎曰行義成仁  
在焉于以考祥于厥所履惟周之延于君是啓

武安王像贊

漢壽亭侯曰武安王鼎分攸賴萬夫莫當維神  
在天若水行地英英義勇凜凜有生氣

蛸蟻集卷七

廿一

又

堂堂武安勇如彪虎恩不伐義忠不遺主雄視  
三分莫敢余侮丹青竹帛光照千古

銘

天池浴日研銘

雲濤外沃元精中含瞳矐晨旭漱瀝靈滯日華  
五采鯨波千尺出為黼藻光連奎壁

四貞堂銘

光祿丞毘陵胡君世貞築堂于鳳橋之第層櫺

懸棟文檠華屏規制弘煥寔有老栢蔭藹摩霄

古梅脩篁參列階祀咸克祿和令貞凌歷歲年

爰標群植若君之字彙而名堂曰四貞夫貞也

者正而固也化育流行真實無妄萃而成物得

其正故於植為嘉於人為賢維其顯矣是故地

道亨而植物蕃人道亨而賢人出皆盛之臻也

矧夫人與物之並昌哉胡氏夙以忠孝旌褒而

忠安公雄才碩德歷事累朝寵盛莫比貞藎之

風流播遐邇光祿君惟其元孫寔克紹之顯昂

蛸蟻集卷七

廿一

金玉罔漏紈紵始為校書暨晉中翰出入瑣闥

幾二十載敬慎不失以積今官宰相遠菴楊公

鵝湖費公石齋楊公藻別甚精君皆雅見器任

時稱知人匪賢而貞能若是乎方且銳志構穫

振振武俾世澤若新名緒逾顯何其偉與夫垂

休裕後者善其詒也承烈繼志者章其孝也因

物媲美者著其端也蓄德惠吉者昭其天也斯

堂成而衆美具矣由是推之則忠安公之愛流

其有涯哉迺作銘曰峨峨鳳橋君子所荒約之



琢之有業新堂飛甍楹蘭宮葯房風雨攸除  
莞簟惟康迴砌成文喬柯列行新甫分陰洪亭  
襲香阮隄之枝如麾如幢抽榮吐芬凌飈拒霜  
繁堂之人比德同芳承家組纓擅美金張墀墉  
祭枅丹穀青絳雍雍象賢佑啓之光奄有嘉植  
是矧是方隆棟弗挽和羹允臧穆如清風金玉  
其相弓冶延輝山川發祥後昆繩繩蘭福復復  
厥維徵哉受天之慶叶

樹德堂銘

姑蘇集卷七

廿三

歛潛川汪氏稱諸里曰世德始龍驤肇跡炎漢  
迄唐越國以保障功怙冒六郡纓弁數葉自時  
丕衡厥後由宋及今卓有耿光克以元善頌問  
繩嗣一德故汪益大且顯今太學生延和虞陸  
令緒圖惟事新凡所夷圯咸有更復又相協厥  
居為堂三楹文檼雕題臻于壯麗則頌之曰樹  
德以昭訓也吁生之志其弘哉古今天下長世  
先物非德不能然惟人存之惟人枯之苟失其  
理德斯匱焉匱則不永如百千禩何哉故壁經

之訓立德在樹樹德在滋其道備矣吾嘗聞之  
樹藝家言其土欲厚其培欲深其築欲密其溉  
欲時其天者完其性不賊故木壽而榮木之道  
也吾將厚以孝弟深以仁義密以誠敬時以詩  
書是故積厚而施博本實不拔枝葉自茂益繁  
以昌而克薦其慶已生之大父暨其先君咸積  
善累仁裕有詒穀厥胤彬彬頽雋克穎激印青  
雲自今以始汪氏之德既樹既滋則固有之奚  
其不永哉故為之序之銘云湜湜潛川維山經

姑蘇集卷七

廿三

之翼翼新堂維德乘之堂之言言君子于處德  
之綿綿君子所樹厥樹伊何匪隰匪原廩焉靈  
局生生則全積小以大繇漸而長不攸不枯是  
曰善養孰培其根孰達其枝有作於先後斯述  
之乃留乃獲乃堂乃構繫德之積以莫不厚厚  
故不匱亦裕爾昆疇也其祥垣墉車門慶乃大  
來寔繁且庶振振來者益慎厥樹

順則堂銘

有芳

歛西西山堂郊保之墟山拔地萃秀蜿蜒互複



喬樾森奮其陽為原畛廣衍彌望人襲留播遷  
遠衢井風氣淳樸罕華縉紛囂之者蓋於邑為  
隩境也汪氏聚族於斯爰自汴宋來由潛川類  
克勤力農植悖尚藝教子孫仍厥世德日以蕃  
大於地為閭家汪君又稱亢宗二子皆警敏善  
述播穫堂構視昔有衍至是別為新堂先廬之  
偏以奉賓祭棟宇堅金無刻鏤文藻之華而規  
制純雅爽塏弘舒宜厥燕適時有頽順則者伯  
仲氏咸遜謝若不敢居乃告曰惟大君立極惟

結繩集卷七

廿四

我烝民是保是乂凡厥由行罔弗率俾曰無有  
作好惡以遵王道故風動丕變俯仰涵育不知  
帝力熙然淳古之化不可及矣後世法比之防  
刑辟之驅日若不足民猶僅僅得免青愆豈其  
治之不古若哉民偽益滋而風寔敝之耳然挽  
今田甚之道未嘗無治亦未嘗無其人汪氏居  
歙土千有餘禩皆以孝弟力田善善相繼庸昌  
其家而西山之緒之俗尤為敦厚近古非有得  
於順則之道者與使其子孫世守不廢耕田鑿

并力行孝弟或隱或仕或出或處寧不鼓舞盛  
世之化而隆無涯之慶哉審斯堂之顧諟不能  
無裨也已乃序述其由而系之詩云迨彼西山  
有苑丘隅喬柯葱蒨窈窕紫紵川澤攸潛原田  
既膺亦垣亦堵維汪胥宇我稼我利我育我蕃  
螽斯繩繩樂土是安載供我賦載庸我力遵王  
之度罔敢弗率熙熙春堂曰罔厥中乃曷以名  
疇職其功維堂肇言啓爾後惇德信道于順  
斯祐奕世用昌高門駟車我奚以徵薦慶之餘

結繩集卷七

廿五

暨塘胡氏新隄銘

新都治東南萬山中其鎮黃山屹峙郡之西北  
原泉百道奔流南下折而東再折而北下瀝錢  
唐入于海境益多大山若雲郎烏聊問政飛布  
之類盤桓閭錯層峰疊巘懸厓絕壁奔中亥徑  
土人足跡有未踰者礧銍之水分埒引源嶽寶  
洩瀨迤邐縈紆綿絡不絕或瀦為泠池可施網  
罟資淮潞居民利焉西郊保之墟有地曰暨  
塘巖嶂四徧衍為原畛可廬可田胡聚族于斯

繇塘迄今子姓蕃盛比城千室載德相禪凡幾數十世矣其人有負才譎趨功名顯見當世多相後先或考槃貞遯求志自潔恒亦不乏至懷資轉轂寓跡丹頓往往有埒封者故今昔稱琵琶塘胡氏為宇內聞家云其井聚群山之麓諸泉赴大溪壘壘潄至旁經而南走達于溪胡氏之先坎其前為塘上作橫隄迂流左出所以重地勢資利用也又凡幾數十世矣今之彥南溪君徙地師言復前坎之益為隄迂水右經出其西

詩集卷七

其

則詢謀宗人之好義者同弗僉同喬揭篇輦園弗畢備度材鳩工不日告集堤長千尺許高十五尺有只厚四倍之自經始迄竣凡幾歲月既告成命之曰新隄屬為文紀載用詔永久烏庫水之為物以贊化工而濟民用也流濕就下有恒性焉順之則利逆之則害古昔聖哲未有不寃心于茲者跡鑿鑿於禹功決障沿於奕代其所由來遠矣是故宣房瓠子之歌芍陂白渠之詠貞臣經世翼生人垂永利徽猷懋績樹之穹

壤綿之簡策益斑斑焉胡氏之賢因浪流迅直浸無停滯隄俾其漸盈俾其出斗折濬淪不逆其性前乎創之後乎繼之使稼穡可資而形勝益壯深謀長慮為琵琶塘永利者不亦至博也哉余又徵之易其象重水於坎言習於兌言麗習以常德教事麗以講習滋益猷興而學成道明而德立爰倫叙而萬善從丕變其鄉閭而風動邦域胡氏之宗其將繹二隄之義而興起已夫銘曰黃山之墟維欽攸宅巔岿嵯峨萬嶂以國

詩集卷七

其

粵有聞宗相協厥居辨姓分疆堂構鱗如迭矣天水琵琶塘之聚苞孽千祺既盈既庶播穫允仍細素絲縣丕承啓唐維省元和彼來本其流汨汨旅徂而酌若矢赴的疇其坎者昔人所荒鍾洩載時涵涵異方金甌環立嵯峨其上樛柯菀林斯屏斯障佑啓后賢曠世作符鑒之繁之益閱厥初重困鏡激復埂虹護回波右經巨川伊海潄水坎習麗澤允交於赫聖謨易象孔昭詎曰利用亦資輔德永詔千秋來者作則

虛吾生齋銘

余次東郡始適虛吾生虛吾生蓋歛產而齊將  
昭其人爾然若弗勝衣言循循不出口時參語  
儔伍咕囁齟齬累亡所自見日亦寡營不睹其  
委錯世務余謂為木強推魯未適于變者徐登  
之蓋中曠而不局內辯而能訥心朗而惡察韞  
博而忌盈業裕而務約志卓而喜下其習賈事  
維賈區未嘗與衆角徵逐及頡頑意衆以純綺  
珍錯相下上也余始心異之問造其廬去屢陟

結蟻集卷七

其

稍邈最後一靜室列圖史故謀鉛槧滿案闕疑  
待問識載鱗積或恭之筵筆籍記十一而已其  
齋額虛吾固詰之生曰顯科世程姓自典午氏  
新安守籍于官邇唐及今皆紹素業而忠壯公  
獨以高官秋朝祀子孫多散居歛邑宋處士文  
聖遷向杲上市蓋余宗也先祖南渠公性剛毅  
不事圓曲有直聲先君志齋公少脩學善文後  
博游諸名公問講求理學大為東廓公器重既  
倦歸卜別業習隱廬江教余兄弟學制科業迄

于盜再困長賊家益落顯科齒未弱冠即棄去  
簡策事廢弼北走海岱間時依婦翁吳左竹君  
次舍居翁擅文學益教之猶日若望洋者然見  
人之夸大自足誠心耻焉不樂與齒讓將執是  
以終其身爾矣余憫曰虛吾生士也哉君子虛  
受光厥聖訓好謙惡盈人理攸崇生之有得于  
虛稔矣余嘗友左竹君及聞生父沒能順養其  
母又獨畢祖母喪葬友于兄弟宜於所如信其  
非末民耦也因請為警言銘其齋云天虛而施

結蟻集卷七

其

地虛而生閑縱閭閻鈞化以成鑑虛以明困虛  
以澁惟聖作則善受乃益怙滿斯賊弗滿惟賢  
弗矜弗爭千里拒人訕訕容聲式是先覺亦識  
有利允執其中範彼敬器

書燈銘

水華夕朗腐草宵熒求馨寒窓倫功短檠彼光  
且約我膏則羸反憊以惕乃基厥成勿謂蠶蠶  
中有鼎俎勿謂鉛槧中有歌舞舒耀藝林延輝  
道圃苟能充之一照千古

太宰古冲翁欽石研銘

鳳味潛磔龍困翫潤守玄靡淫安貞不磷憲義  
方大效法含弘牟庸磐華貢止文明

友山草堂銘并序

四明李鴻臚遇齋以才譔稱重輦轂公卿間名  
籍籍徧宇內宇內薦紳先生亦多亟賢遇齋君  
見即亡弗交口嘉歎者余雅迓慕之踰廿稔矣  
茲歲君以使事適楚遣余樂水部所貞夷高朗  
允愜素聞投轄枝巢談藝信宿若挹鉅河不見

增補集卷七

卅一

其際益心儀焉間及其嚴君友山翁屬余詞友  
山翁蓋英英吉士也少讀書受進士業弗大試  
以資選仕 魯王府典儀既倦歸尚志習隱屏  
絕囂驚孝弟和惠孚于鄉邦性嗜吟咏嘗挾少  
陵詩誦之坐卧不輟每樂游耆雋中鄉之大老  
若東沙張公竹墟屠公東明范公南畝豐公與  
結社為高會觥籌賡倡人謂有香山洛下之遺  
風云性尤喜古今人法書名畫列之齋閣暇則  
手自繕閱籍以永日他無所事事也翁四壤子

自鴻臚君若諸季咸善賦有四明棠棣錄大播

士林翁之餘遺直亦足徵哉翁嘗積石為小山  
于堂之榮靜對獨翫曰是貞吾友顏其堂為友  
山於是漫客寓而銘之疇作高山哲人荒之蒼  
厓秀嶽于堂乎而望維具瞻用斯為錯果行育  
德斷金攸託曷去曷來靡辱靡榮式是弗愆賚  
我良朋移文媒仕采芝釣國盱視千古宜有慚  
色顯允君子厥德弗回保茲堅貞新甫徂徠

石泉誼述

增補集卷七

卅一

黃墩欽邑名墟也黃氏故邑之聞姓多散處他  
聚各以地名其族而黃墩居其一石泉翁者其  
宗彥也幼樸茂有至性長稍知學書記務本業  
誠信自將訥言飭行孚于閭黨出入跬步不失  
未嘗與里中兒游逐道滿旣服賈涉遠道緝竿  
嘗鑣耳與盈縮務令中行無龍斷逐末之習人  
咸以是多之居家必尚倫秩中以禮防不弛親  
愛而上下嚆嚆乎威攝然又能嚴教厥胤子令  
雋溪居列鴻臚署丞好學有文縉紳大夫雅器

重之事親能極溫養翁今屆希年有遐享矣自奉約素畧不以盈滿侈溢然性樂高蹈其家山多名勝每遇嘉石臨清湍輒盤桓不置樂而忘女因稱石泉蓋其志也歲之月翁始慶育雙溪君大合其宗姓若所雅故秋筵為祝考言於余夫祝則曷外求哉視諸翁而已矣蓋天地之道悠久無疆貫之一理不二不息不二其體不息其用動靜闔闢互神其機生生不窮極於恒久貞于道者祥斯契之是故石者言乎靜者也

建寧集卷七

廿二

泉者言乎動者也苟貞乎靜則渾淪磅礴可以敦德崔嵬嶸峯可以制行鎮定不移可以立信堅剛不磷可以砥操而本不足固已苟貞乎動則不啻晝夜可以應物流行坎止可以趨時盈科汔至可以羣養善積務施可以廣度而用不足裕已不二不息本乎天地恒之道也觀人者求諸其志考祥者視諸其履翁固不貞于壽也與哉詩云如岡如陵如川之方至岡陵石之彙也川溪之通也夫惟是於翁可以徵壽作石溪

誕述

書悅言為汪廷和

嘗膽于薪縣熒于梁或以身顯或以國強一念既决銳莫可當惕厲恐墮逸豫是坊苟推此心易行弗戒勉之戒之毋怠毋荒性與天道人所罕聞要在服膺存之又存一暴十寒學者恒病五穀不熟莠稗可勝勿違終食勿廢半途庶幾于道弗畔矣夫

建寧集卷七

廿三

建寧集卷之七

蛭蜨集卷八目錄

五言詩

送理曹為山公

贈汪君思川

三樂堂雙壽

東泉

分題得道場山送朱烏程射坡北上

中水為郡丞常公賦

送吳邑宋公赴覲

送徐古石秋曹赴闕

賦得女貞樹壽陸太夫人

蛭蜨集卷八目錄

仙山采藥送滕東餘北上

懷洛仙

種花吟送石明府之永州

贈朱納齋

秋日送汪西石之清源

送徐古石秋曹北上

贈宋海亭春元

寄方輝山戶部二首

送周在山刺儋州 港泉

上園

寄嚴小石

贈呂姬伯喬

送吳草堂

送葉二峯將命如新安

寄歸震川別駕

送王龍池廉察自清泉赴梁苑

施龍岡戶部視倉竣事奉其乃翁乞假

歸

別沈左源

贈鄴下李仁軒春元

似樓為古冲太宰賦

蛭蜨集卷八目錄

石城江津奉送嚴司空慶賀

萬壽聖節之京

壽張景山

題蓮竹圖

蕭湘秋月

七言詩

壽張隱君塘灣代

游鶴蟠桃園壽顧懷東

壽前山五十

竹白石左轄七袞

又為石子賦一首

李嵩山邑博被薦

清泉奉送新建伯龍王公奉使長沙  
冊封

和陳大理五岳見贈韻奉寄

送張推府

江南春和倪雲林韻

和龍池贈小燕

題東湖畫

送王鳳洲參藩浙省

贈彭與白

懷溪為江君良紳作

卷八目錄

二

送雷半窓

贈李新齊邵丞

錦泉

送傅亭堂工部刺靖州

雙節詩

送鄧北坡歸秦中寓感

送李秀江歸潞安

題山茶

海棠

丁公

西子

李夫人

明妃

班婕妤

清明日海上憶孫二七峯

張氏席上有所見志感

近溪

送蔭後坡自雲中軍幕歸淮陽

送李松溪辭幕

黎戶部瑤石使邊被召

毛三吾手鐫親像

雲竹

代送蕭儀庭

送王營岡從征

送吳草堂

送吳公子南還

卷八目錄

四

壽江寧王懷易

次趙龍崑右轄過訪贈韻

神鶴

中田

雙樓

圭峯

蘭

紫菊

杏花

張使君饋生魚詠謝

雲溪畫

過張使君郡齋得池字

東泉

題畫

東泉壽

上園

代送襄文塘左部

舟中餞紫水部

蟄蟄集卷八目錄

五

蟄蟄集卷之八

吳門鄭若庸著

新安胡迪校梓

五言詩

送理曹為山公

東吳讓國裔民風隨俗移臨訟一以繁再冉成  
澆漓况復鬼蜮詭譎張混雄雌徒聞芝蘭難乃  
或梟獍遺挽古良獨難坐見吏牘滋多君抱弘  
畧射策青雲期言懷理曹檄佐郡當斯時懸裏

蟄蟄集卷八

一

若衡鑑兩造不可欺孚威抑豪黠推心恤吐蚩  
寧逢上官怒罔俾三尺隳發摘窮至隱纖芥無  
留疑矜慎安所愆平恕恒自持閭井決節譽行  
徃成春熙賢聲溢旁郡刑措將勿施遂巡迨三  
禩上績當明離微風襲干旄挽卧從郊圻春帆  
掛芳樹雲闕遙參差尚方急明揚欣沃君所宜  
簪華趨紫宸羔羊信委蛇行覃九圍澤未許吳  
民松

贈汪君思川



清川何縈迂宛在山之陽白石紛齒齒嶺岼積  
崇岡雲霞互虧蔽林樾苑青蒼昔人抱嘉邇于  
茲託徜徉冥鴻耻震羅腐鼠卑岩廊逸軌不可  
攀疇哉漱其芳之子信克類眷言懷肯堂登湍  
諒非邈顧諟儼在傍玉淵澹無波惕若浮湯湯  
慶流濬逾駛德澤滋彌長豈獨弓冶賢況乃金  
玉相梗楠具榱棟追琢成文章翩翩雲達翻振  
迅終高翔為看巨濟功舟楫殖殷商有懷一以  
酬孝則斯焉彰倬彼潁水原激湍安可量千齡  
藉勿壅因之綿耿光

姑蘇集卷八

二

三樂堂雙壽

亞聖垂往訓隨寓有至樂居然備三善此意久  
淪落瞻茲人中豪千載如可作慎修旣以永獨  
知亦云卓誠明自宣朗俯仰奚愧怍立愛昭天  
親傳心裕來學吾道一舒卷元氣互磅礴况乃  
弓冶志錫類良有託乘時賴匡濟橫天任寥廓  
頽齡足愉悅殊寵益優渥偕老德彌邵承顏孝  
逾恪諒哉孚感機斯理詎冥漠淳風信可挽因

君屬偷薄

東泉

西山苑岩巖東有寒泉井澄泓厚地脉宵耿高  
天影鮮飈動輕幕涼月窺脩綆循陔開梗宇環  
流列畦町桑柘儼生聚煙霞異人境之子奕世  
英粹質良獨秉尋原泝千載邀矚流芳永因茲  
力疏淪冷然自中省願言晨霏光相將耀華景  
分題得道場山送朱烏程射陂北上

姑蘇集卷八

三

青蒼危巖伏虎虎清池搖席光亭虛笑月處舊  
跡宛未荒謁來仙鳧令乘春問農桑停車翳芳  
林振衣躡層岡吟成山鬼哀目送雲鴻翔吏隱  
志益崇官清治逾康卑棲詎容戀風鶴公車傍  
峰巒共崔嵬餘烈竟土疆玉闕天中開無能念  
甘棠年年西溪花蒼雪留春陽

中水為郡丞常公賦

雙流界名甸疏鑿遺禹功湯湯滹沱原森森萬  
河流山川互回薄元氣相昭融駭發生賢豪立

獨萬嶽崇粉榆交水湄萬古莘渭同芳株秀丹  
絲飛榭結玲瓏乘時躡雲陞接翼比鷁鴻竭來  
驅熊羆宛在澄江東不偏執民變潤物踰天工  
卧治渥千里海微回淳風專城詎容尼鼎衡後  
自公浩蕩商川才作又如夔龍中水多煙霞方  
舟渺難通

送吳邑宋公赴觀

郊原木葉變野望多酣紅風煙澹吳渚蒼然滿  
江東樓舫金昌湄冠纓列追從興言餞遠游高

端集卷八

四

子

歌激余秉使君金玉賢豈直文字工雄吞隘雲  
夢獨嘯凌長虹束髮遂脫穎投射射明光宮翩翩  
玉笋英蘭惠芳林中竭來彈琴邑腰綬馳鳴騶  
期年子惠敷萬井成春融展旆趨天家睽茲朝  
會同編書載循良屢顧迴重瞳上賞行有期楚  
轅若為恫璇衡遲良弼九域後玄功所念祥鸞  
儀安能止蒿蓬綠醕添餘暉今人感離悰悠悠  
千里心願附高飛鴻

送徐古石秋曹赴闕

端集卷八

五

征蓋瞻京觀郊原祖席開秋深白露清野色蒼  
然來之子鷁鴻姿雲中背橫翼曳鳬臨大縣天  
子賜顏色平反佐棘木矯矯雲司良園扉寂嘗  
掩幾見綠草芳五湖夢青山磯邊多釣侶忽詫  
文園歸春帆載天語三年費藥聚花徑莓苔生  
負暄曷以獻丘樊空復情況也畏簡書王程詎  
容舛膏車屈茲晨軋軋雙輪轉九重拱聖哲宵  
旰繁殷憂何當有遺賢虛此側席求緬余繫林  
莽滄洲臥白髮江南方疾苦無裨袞衣闕所賴  
匡時才一一懷遠圖亟為商家霖萬里慰焦枯  
酒盡山氣紫長揖謝君去延望渺余思斜陽下  
高樹

賦得女貞樹壽陸太夫人

茗茗凌冬樹託根泰山岑不隨桃李妍寧憂霜  
雪侵柔條驚屢素樾陰常紛結華林一含滋但  
徠讓高節緬懷重陰秉寒寢抱孤貞誰云帶木  
操不能埒冠纓聖善多令圖指象儼可覲平生  
斷機縷已著經綸績危齒安敦願至行方大坤

夏茲嘉木表衆芳奚足論長風吹綠枝冉冉微  
綃上神芝粲九英歲華宛相向上以崇明德下  
以況脩齡考祥憲慈軌因之存典刑

仙山采藥送滕東餘北上

大藥竟誰覓駐顏良獨難胡然極幽渺海上多  
仙山長饒斷雲根薜衣法朝露行行向空翠冉  
冉即煙霧靈苗粲芬敷歲華五色光入口知有  
神奚假炎豐嘗懷之不敢私行將獻宸扆囊綺  
充沆瀣清湍一杭葦君家忠貞緒伏節垂今名

姑曉集卷八

六

况也九列臣綿代振華纓苟擅刀圭良已勝軒  
冕嗣還看伯休子沅聲滿都市引裾欲何辭努  
力慎所如天王軫群黎土宇瘼瘡湏我方老漁  
樵青山五湖渚相期煉玄液遲爾同遐舉

懷洛仙

伊人信絕代王儀間靚粧名花法晨露纖霞翹  
春陽迴翔驚鴻翰飄飄欲邀舉停車一交暘仿  
彿陽林渚洛川如解后越水同棲遲不學為雲  
夢寧懸結佩思綢繆永清離言懷燕游處春風

綺幃薄襪花隱朱戶差池空歲序迢遞阻芳期  
鳥飛青山盡蟬吟高樹悲長江日夜流悠悠正  
東下余憂安所止願向滄溟瀉何時定攜手紅  
燭語更闌戢翼不相離睽違勿復嘆

種花吟送石明府之永州

使君南州來種花洹水湄和風一披拂郊原發  
華滋灼灼桃李繁英英冒芳枝豈獨媚紅紫桑  
柘綠清畦黃雲被秋野穎粟復離離睽彼陽春  
工品物靡所私長風自閭闔雙輪去何之迢遞

姑曉集卷八

七

絕江漢萬里炎方馳依然百卉榮儼在衡湘垂  
洹水日夕流思君桃李時

贈朱訥齋

歲暮催短景雪霰彌郊圻客子念鄉邑墜戶方  
莞思霜朝聞馬鳴剥啄驚茅茨攬衣啓雙扉長  
揖春風姿玉樹傾霏談照坐光陸離嚴君宅宏  
父劒履趨彤墀寅亮侔九功勲庸垂兩儀象賢  
儼嘉胄鸞鵠看追隨弓冶一以振綺襦端不矜  
下帷繼膏人萬卷羅胃奇青年富文翰燦爛琅

玕披遺我吐錦篇眩目呈色絲濁膠共深宵相  
驪踰故知因之重聯遠言遲春水漸雙翻凌長  
風明當屆秋期月娉憐桂叢篔君最高枝鳳毛  
蔚苞采次第輝天池韋平接芳躅濟美裨隆熙  
柴桑慰枯朽勿謂成雲泥

秋日送汪西石之清源

未路久要寡况君傾蓋初相逢憐夙昔為別更  
踟躇野色秋原外離心落日餘名巖接喬嶽遲  
爾共驅車

結蟬集卷八

八

送徐古石秋曹北上

江館虛懸榻雲司有治曹離心牽盡舫秋色澹  
平臯鵲鵲丹霄近鵲鵲紫禁高蒼生懷下澤且  
莫憚賢勞

贈宋海亭春元

故人今絕響綿邈阻心期宿草猶繁念芳蘭喜  
慰思深孟零雨夕短棹歲寒時莫訝能相憶平  
生鮑叔知

閔河馳短景相送一臨岐白首懷篇谷青年及

鳳池吳山行際迥京闕望中疑想見新袍色春  
風染柳枝

寄方輝山戶部二首

星初初彌節客歲望清源秀句傳崧嶽芳期阻  
笑言鵲鵲自霄漢麋鹿故丘樊無那澄江夢因  
君思欲騫

白髮順榮口青山耀錦年樹迎春酒綠花近采  
衣然極浦看秋鵲高林入暮蟬衙門如魏野側  
耳遲鳴鞭

結蟬集卷八

九

送周在山刺衢州

渺渺三衢道喧喧五馬行芳春變堤柳殘雪霽  
江城入境兒童喜臨關候吏迎使君多惠政佇  
見微承明

露冕之南郡蕭然鶴與琴禁轅秦嶺淚隨輒越  
山霖憇賞知過及離懷故莫禁鴻雁時在望聊  
復慰佳音

湛泉

流水蒙莊趣高懷潘岳居山雲飛欲度江月照

常虛塵滓應難汨淵澄祇自如未須川上律天  
地亦吾廬

上園

澄塘名族古佳境上園深千嶂雲嵐合兩村桑  
柘陰端居遺世慮高趣足邀心欲覓濯溪侶悠  
然不可尋

寄嚴小石

國寶青年士高標一見君寒燈吳苑共孤棹惠  
泉分已慰與居孝尤多詩禮聞憐余懷世誼江

閣望停雲

贈呂姬伯喬

千年銅雀夢往跡難攀愁極低蛾黛救情聊  
霧髮還誰金作屋愛爾玉為顏獨擅喬家秀寧  
論伯仲間

送吳草堂

杯酒臨郊候長風吹客衣離心漳浦樹歸夢越  
山薇日暮林鴉集天空塞鴈飛到時尋舊隱秋  
水上漁磯

送葉二峯將命如新安

南國兵初偃中原歲欲闌離心懸祖帳歸思劇  
征鞍遠塞鴈方入長河雪正寒黃山幾千里相  
望益瀰漫

寄歸震川別駕

衛津三月別曾次已塵生萍梗憐浮迹枌榆感  
故情鳳苞方棘止鵬翮自雲程想見青冥近鳴  
珂遲玉京

麟符分半刺雅思近如何鳧舄風猶遠熊轡澤

結蟬集卷八

十一

更多移牀惟坐嘯帶索愧行歌獨念雙魚渺長  
江空綠波

送王龍池廉察自清泉赴梁苑

為憶銅臺別侵尋十五霜赤霄君自遠白髮我  
應長金節方辭岱油幢更入梁夷門大河曲惆  
悵未能杭

乍見仍相送離懷故不禁一杯虛夜月四牡適  
秋霖素臆傾難盡蒼生望正深停雲在嵩雒知  
復寄愁心

施龍岡戶部視倉竣事奉其乃翁乞假歸  
清朝需國寶司會此分曹海嶽關南粹風雲冀  
止高官稱餘潔操邦計重賢勞崔孟勲名在行  
應嗣大褒

不廢班衣侍仍為畫錦行劬勞將父養靡監劇  
王程綠水搖飛鷁青林度轉鶯雲萍重離合相  
送一增情

別沈左源

客路誰相慰途君屬泛萍通家存世誼肯構擅

唐鑑集卷八

十一

時名典籍胷中萃江山筆底盈勿勿有離合臨  
送一增情

贈鄴下李仁軒春元

鄴下多才彥憐君獨擅英罪談驚玉屑作賦自  
金聲山引天容曠溪含柳色明相逢况華景愧  
我尚雲萍

羨君臨月殿幾見桂花秋乍曙猶青眼相逢已  
白頭鵬飛方自迅鴻跡詎能留幸襲煙霞句奚  
囊尚可求

似樓為古冲太宰賦

飛榭列參差因高獨擅奇倚天成突兀援地故  
逶迤雲氣通來往林光互蔽虧文窓結綺縈繡  
桶摘星疑巒疊青螺障溪迴素練披暹聞笑語  
墮曠視嶽川卑未假憑虛快偏教引望迷潭花  
迎日迥沙鳥背人遲島嶼窮閭粵帆檣接武夷  
嘯歌元不廢登涉自相宜何處誇重構無妨詠  
大堤影憐芳渚亂名羨玉城移百尺留霞境千  
層駐月詩底須論彷彿已復異安危仙署璇霄

唐鑑集卷八

十三

上衡廬水竹沼輜車方鞅掌節杖謾縈思鷗鷺  
空栖啄鷁鴻各羽儀拂圖先國計隱几阻心期  
勝事傳南國高懷屬我師何時慢亭駕還許一  
追隨

石城江津奉送嚴司空慶賀

萬壽聖節之京

萬年崇慶典九葉啓昌圖玉帛堯階會梯航禹  
甸趨流虹祥載協降鴻兆應符冠珮留王跡山  
川拱帝都季膺今國寶伯益舊工虞碩望三綱

重雄才五際乎清風宜善頌靈雨似先遲黃屋  
嚴宸伏緋衣擁駟驅馳黎驪井陌賓從襍郊郭  
華旭提旌旆新秋泛舫艦鷗鳬看處適鳩鵲望  
中迂橫吹澄江森高吟野嶂孤蹤心歸嶽壽遠  
夢極蒿呼聖澤濡周宴皇仁懌漢舖星辰光鶴  
縹雲物麗蓬壺既愜朝宗賞行酬側席湏鼎衡  
敷啓沃廊廟協計謨道濟三才顯春亞萬宇蘇  
蘭金交自固鵬鷗路還殊日暮龍江曲空令念  
繫駒

壽張景山

公子傳貂裔翩翩玉樹姿縹緲綠世賞帶礪重  
明時蘭茝中林秀珪璋韞櫝奇咄嗟盤錯利揮  
霍泯勢宜習隱山池舊遺安構穫滋葉春七貴  
伴結客五陵期月檻歌鍾發花丘舞席移麒麟  
振公姓驚驚嗣光儀星轉璿衡曜縣若木枝  
帝後三錫命人益百朋詩飛鶴浮清吹鳴蟬度  
屈卮詎因河朝醉還羨竹林隨孝友惟張仲高  
蹤愛爾追

題蓮竹圖

芳蓮懷潔操脩竹養清風正氣幽鈞化翹然萬  
卉中

瀟湘秋月

鳴珮留宵恨哀絃結暮愁空餘淚竹影和月墮  
湘流

七言詩

壽張隱君塘灣

君家世澤綿且長珥貂七葉再銀黃翩翩弓冶

迄殊代千載照耀朱輪光君今獨抱丘樊操况  
得幽棲淨中妙布褐慵縞結駟塵白頭不識長  
安道門近吳王歌舞臺橫塘淥水自縈迴竭來  
麋鹿如可友時下鷗鳬故不猜平生雅致藏雲  
壑圖史縱橫卧山閣霞采朝從錦軸分虹輝夜  
傍青冥躍閒尋漁父入湖煙野艇依依斷葦邊  
醉來瞠視天地窄濁世豈受塵縵牽秋霄孤曜  
頻相屬甲子周星歲還續階下蘭生玉作林山  
頭桂穎金成粟瀛海仙人白玉樓瑤光初駕下

椒丘授君寶蒲向君語駐顏直擬佮期沅采衣  
合沓紛觴祝堂上台觀映醺醪方來貤錫黃頽  
齡信有遺賢在空谷憐余結髮趨清朝若為羈  
紲徒煩囂年來始識滄洲樂愛爾山林歲月遙  
海鶴璫桃圖壽願懷東諫議

闔閭城陰秋色奇諫議宅畔花盈堤閑道雲  
接狹采晴輝下屬激江湄車門合沓寶履集  
馭影燦繁逢枝綺遶高張列炬煙酌以大斗前  
陳辭先生浩氣渺塊塤末世汶汶喻者誰少年

詩集卷八

六

讀書破萬卷元氣滿腹光淋漓閉門挾策東海  
上抱道若愁今人知賢良下詔久已廢蛟龍未  
雨蟠深泥竭來秉筆就繩獲掇取甲第如游嬉  
一官僂僂困卑邑夷然笑傲揚雙眉公庭無人  
白日靜舜江花鳥閑追隨未幾政成恨天子  
當承側席厯縈思倒衣倉皇赴嚴召寅恭左掖  
忠言裨觸邪指佞本成性高呼折檻鞭笞長  
安緇塵拂應盡卷衣掉臂紫綬宜歸來啜菽  
肯養高堂不覺年華滋閒舒雙屐五湖曲吳宮

舊跡供新題珊瑚突見瀚海竭葩藻逸發雲霞  
披巖頭麋鹿如何招渚上鷗鳬頻結期吁嗟先  
生真丈夫窮達在前渾不移華齡五十尚玄髮  
橫舟待解商川維平生大節繫群望素絲遲詠  
羔羊詩天中介福儼成象此意已向丹青施  
濤瀾洞沃天日椒丘輪壑相參差度索山前萬  
花爛亞枝星實方垂垂五城仙人遠將寄胎禽  
風潮真堪携涼秋正中月輪午金波曳練茫無  
涯狂歌浮滿為君壽定儼百祿還如茨

詩集卷八

七

壽前山五十

君家衡門潛水曲門外青山看不足義聲千年  
重麟趾甲第參差映山麓竭來結轍吳門頭鶯  
花不續家山游時窮雲林覓蒼翠幾載明月同  
扁舟君今頭顱已半百履齒無幾髮仍黑山容  
合讓雙眼青回首要盟尚如昔我願青山常似  
君不隨桃李逐步塵頻招山影金尊底共醉花  
前五十春

祝白石左轄七袞



名場藝苑久專雄  
夾代聲光重我公  
左掖十年封疏在  
西僑萬里屏藩隆  
赤松心事鴻冥遠  
白石年華鶴筭同  
更喜清尊照花萼  
滿庭繁露正秋容

為石子賦一首

孤南曳采酒盈卮  
綠野秋光入坐宜  
前列聲華同諫府  
遠人德望重遙陲  
吟來謝氏池塘句  
看到燕山桂樹枝  
獨鶴橫飛方激響  
清驪真儷百年期

蛺蝶集卷八

十八

李嵩山邑博被薦舊吏部

看山拄笏此心期  
淥水芳芹碧樹西  
魏闕風雲聊却迹  
吳門桃李自成蹊  
高情不為官資改  
清望無須薦剡題  
閒詠羔羊仍緩帶  
天邊鳩鵲未應迷

清泉奉送新建伯龍陽王公奉使長沙

冊封

恩承帶礪已堅盟  
南下樓船擁使旌  
桐葉剪珪申國典  
槐陰羅砌重家聲  
三湘茅土天枝衍  
七

澤雲煙客眼明  
獨有旅人鄉思劇  
為君離合一閑情

和陳大理五岳見贈韻奉寄

海岱頻看綠草生  
萍蹤多許白鷗盟  
已聞棘寺推仁傑  
深窺文園卧長卿  
千里函書雲共墜  
九霄飛夢月俱明  
何時定下都門榻  
淥酒雄談次第傾

蛺蝶集卷八

十九

僚倒枝巢太瘦生  
喜從緘鯉得同盟  
羨君持法堪名相  
愧我游談類客卿  
官舍茗甌雲樹渺  
官袍得約露花明  
神交天壤何由達  
九陌還期一蓋傾

送張推府

使君才望重明時  
曾向烏臺切論思  
正氣獨培千古節  
片言能折萬人辭  
漳南吏牘開良牧  
塞北軍書歸遠夷  
酌次甲兵君自富  
擬將雄畧答明時

江南春和倪雲林韻

燒痕漸破籬邊笋  
晨旭暉暉江郭靜  
壚頭琥珀

春風香斜貼青帘度山影吳姬滌器柔荑冷  
曉駢襪挑窺露井陌上紫車日日巾郊原無處不  
芳塋

懽悰鮮時序急榆錢宿露蒼苔濕花信闌珊又  
將及美人羅衣春雨碧蕩子從軍向邊邑高樓  
日上凝粧立門前柳絮飛作萍年年腸斷巫夫  
營

和龍池贈小燕

學語杏梁迎曙早試翻花陽受風輕前身自是

給蠟集卷八

廿

昭陽伴謾擬芳情逐曉鶯  
花下曾傳女校書佳人風格掩相符未論再顧  
能須國已信含顰可治吳

題東湖畫

澄湖綵綉接扶桑雲護南陽青草堂有客天池  
方振翼未容鷗鷺狎滄浪

萬頃波光淨遠天暮雲東望隔層煙祇應清禁  
還飛夢時在蕙葭浦淑邊

送王鳳洲參藩浙省

初聞旄鉞懸臨邊驕虜千群弛控絃藻句徧留  
山上石漢家徒說勒燕然  
玉佩麟符出建麾藩侯今作四方儀海波不溢  
桑麻長想見南邦頌保釐

山園官舍舊黃圖緩帶林壑興未孤只恐九重  
頻側席漫教詩思滿西湖

家近錢塘一水連板輿何似片帆懸甘棠曉暎

春暉照無復勞歌陟此篇

十年言笑夢菴中杯酒歡看此日同獨恨棹舡

給蠟集卷八

廿

春漲疾白頭猶寄衛川東

贈彭與白

紫馬驚嘶倒屣迎忽看玉樹照人明名山遠結

尋幽約頃覺凌虛逸想生

晚解奚囊破夢投新篇貽我盡琳球獨憐聚散

成飄忽衛水長風急去舟

懷溪為江君良紳作

長溪漠漠淨漣漪猶憶前人倚杖時無那汀洲

春草徧行來備繁蕙我思

山扉花鳥一溪涯千里風塵役壯懷底事臨流  
倍惆悵松門拱樹正堪哀

送雷半窓

石家舊隱武夷宮黃鶴宵乘下遠空千丈高松  
雲靜裏半窓山色尚誰同  
衛水維舟幾夜分別來無日不懷君溪山獨對  
輕綃上彷彿時時生白雲  
瑤篇遺我墨淋漓字字真成照乘奇夜半燈前  
一開篋猶堪萬里慰相思

結集卷八

三

浮雲紫氣忽霏微又睹輕帆挂落暉知足慢亭  
仙侶在手調丹鼎待君歸

贈李新齊郡丞

東海潮後練水回神蛟一夕起風雷焦枯擬慰  
蒼生望待作甘霖徧八垓  
飛翠初聞侍漢宮夢刀曾出試銛鋒至今苦雪  
青春候猶散棠陰滿路穠  
燕公勲業自中台謾詫君章荆楚材案牘不應  
妨岸幘春風常為洗樽壘

聞道經綸學有因盤銘先得講求真即君必變  
裨鈞化萬國黍黎耳目新

錦泉

武林嘉麗自年年萬壘青山百道泉獨有錦衣  
坊下水却留春色共澄鮮  
澄泉流出萬花叢曾被君王綺繡蒙恍見雲霞  
常五色儼隨紅紫絢東風  
廿年曄弁滯京華樹裏泉聲夢裏餘一望西湖  
桑梓地不勝賜斷暮雲遮

結集卷八

三

一水冷冷振玉琴萬松濤響化臺深泉聲併作  
高秋籟驚入天涯孝子心

送傅亨堂工部刺靖州

宏父初聞虛治曹又看方牧著賢勞尚餘戀  
主丹心在鵲鵲中天日月高  
紛紛壁壘見遼陲宵旰多厯聖主憂却羨楚江  
飛燿絕長城今已在邊州  
馮翊淮南本是遷待求民瘼藉時賢九重寤寐  
思良弼環詔歸君對席前

宵來卻閣一懸燈吳越鄉心捻泛萍底事去留  
偏入感清風仍載片帆行

雙節

並節筭稗兩意同共扶羈視自泰巾間閱一望  
新安路萬里家山有殯宮  
植節艱虞世所難却憐社服勝纓冠分明百尺  
喬柯操新甫徂徠共歲寒

送鄧北坡歸秦中寓感

翩翩裘馬五陵豪不惜千金市寶刀此去家園

靖遠集卷八

四

正春色却因追賞獨心勞

漢家臺殿昔凌空踈柳荒坡夕照中千古興亡  
君獨感草堂花鳥足遺宮

長途冰雪是秦關孤劍迢迢匹馬還愧我江東  
留滯客孤城燈火歲將闌

衛津萍梗一相依又向寒郊送爾歸紅燭鳴絃  
幾宵夜祇應飛夢太行西

送李秀江歸潞安

陌上青驢八寶鞍五陵游子憶家鄉懸燈黃帝

深宵醉冰雪開河道路長

雙輪遙指萬山西落日郊原木葉飛惆悵人生  
有行役不堪相送一沾衣

題山茶

寶萼曾聞照殿歡開時物序捻闌珊江梅却似  
憐同調冰雪依依共歲寒

海棠

輕紅嫩綠殿群芳疑是真妃舊錦囊  
明月夜風前無復昔時香

靖遠集卷八

廿五

丁公

匆匆虎口脫君行剛把封侯博鼎食  
重相負更無兵刃接彭城

西子

非關心疾便顰眉妾有深憂那得知只恐君王  
謝聲色却教掌膳竟何為

李夫人

肯向官家斬一辭擬將容色固恩私不知此夕  
香魂反還似生時似病時

明妃

不為娥眉惜畫圖，要將尤物亂強胡。當年濟濟  
凌煙閣，曾有良工此策無。

班婕妤

千金買賦竟難逢，輦路依然蔓草豐。但願君王  
勤乙夜，不妨白首閉深宮。

清明日海上憶孫二七峯

曲阿江上萬花春，玉轡曾聯綺陌塵。此日思君  
堪下淚，殯官寒食柳條新。

靖遠集卷八

六十一

張氏席上有所見志感

欽眉低唱鷓鴣詞，彷彿仙人月裏姿。却憶當年  
携手處，桃花溪上日斜時。

近溪

白板雙扉碧水涯，到門鷗鷺慙幽懷。橫梧一曲  
臨流坐，贏得鍾期古調諧。

溪上帆檣汎鷁連，去來多少利名牽。不知真隱  
煙霞境，却在蒹葭浦溆邊。

送蘇後坡自雲中軍幕歸淮揚

一劍風塵萬里回，廿年孤抱為君開。雲中近報  
無烽警，知是陳璘有異才。

匆匆尊酒論平生，未盡燈前一夕傾。却憐衛川  
疎柳色，秋來無計結離情。

幕內陳琳久著賢風，塵華髮已盈顛。歸來不羨  
封侯印，賸有城南二頃田。

榆柳陰陰弄曉晴，片帆南下指燕城。蜀阿春色  
冷，何許遲爾清尊共月明。

送李松溪衛幕

靖遠集卷八

七

草檄嘗高虎帳名，筭緡仍著權曹能。春帆一棹  
乘流去，賸有清風滿路生。

宵漢風塵各路岐，憐君萍梗即相知。東來官署  
逾三舍，無那雲林重所思。

碧草初齊柳帶柔，江雲低拂李膺舟。錦囊秀句  
絨雙鯉，遲爾西乘汶水流。

篇章遺我盡琅玕，展玩時時字欲漫。他日相思  
何所慰，夜深開篋對燈看。

黎戶郎瑤石使邊被召

武庫蜚英重度支  
輶車燈向玉關移  
賢勞不獨能匡國  
贏得新篇分外奇

漢家詞客昔行邊  
但說相如弩矢還  
不似君王勦側席  
皇華仍拜石渠宣

杯酒欣逢汶水涯  
廿年雲壤慰相思  
羨君展足今千里  
高步文昌定有期

不禁離合意匆匆  
御渚輕帆挂晚風  
飛夢欲尋何處所  
夜深熬照五雲中

毛三吾手鐫親像

毛三吾手鐫親像

廿八

渺渺聲容已下泉  
高堂華髮又依然  
親顏不謂丹砂駐  
彷彿重生刻畫年

風木深心刻未真  
啼痕常漬鏤痕新  
憐余亦抱終天恨  
送子空悲墓草春

雲竹

紅杏碧桃空自好  
一枝青玉故嫣然  
閑雲似識春風面  
來共湘川作意妍

代送蕭儀庭

蕭史風流自出塵  
翩翩玉節照青春  
君家棠棣

能華國始信清朝有鳳麟

汨土春風送客行  
柳條無那綰離情  
別來定有相思夢  
宵閨青蕙遠風城

送王營岡從征

大將旌旗壓海雲  
即看東徼殄妖氛  
金闕借著當書第一勲

伏劍遙從六月師  
三軍爭羨幕中奇  
歸來佩取封侯印  
白首馮唐未較遲

送吳草堂

送吳草堂

廿九

落落南冠志獨雄  
廿年長劍尚飛蓬  
醉看明月還多感  
萬里揚帆下甬東

蓬池漳浦俱為客  
越徼吳門各有家  
半載相從復相別  
秋來腸斷獨天涯

越客新從河朔行  
離亭把袂不勝情  
羽書三月無停報  
見說東南未解兵

鄴王城南白日陰  
卸杯猶惜易分襟  
蹉跎旅食今華髮  
天際秋風驚客心

送吳公子南還

公子乘春辭帝幾千行  
垂柳拂金堤遙知盡  
文江上正及噫噫鳴鴈時

紫絲驕馬氣翩翩  
千里春風柳夢邊  
此去乘龍應有日  
即看雙玉出藍田

壽江寧王懷易

銅雀臺邊春日曛  
參差宮殿散晴氛  
王家別有蓬萊燕  
繚緲仙音隔樹聞

帝子風流沛獻賢  
曾聞幾度絕韋繻  
純心早悟傳家學  
豈待知非伯玉年

曉集卷八

廿一

昨夜天南見瑞星  
朝來花萼遍宮庭  
春風正協填簾奏  
不羨詩人賦春令

采恩彤日映蓬萊  
洄上春雲接太行  
芳殿祝鵲娛采集  
直教流峙與同長

次趙龍巖右轄過訪贈韻

萬里牙幢來使節  
野堂冰雪正愁予  
匆匆投轄應難駐  
聞道嚴程畏簡書

名途易改風塵裏  
乍見偏驚玉樹姿  
知是仙人

受訣慢亭山下一支頤

藝苑寒旗君獨步  
騷壇絕臆尚慚予  
五車漫說

留中貯天祿  
當年舊校書  
一語春風吹斷材  
即看枯朽已含安  
獨憐

神鶴

胎禽素羽自翛然  
巢向瑤京近  
列仙遊舉故應超  
九萬可堪棲啄傍青田

中田

綠野春光徧南畝  
黃雲晚色自西疇  
知君勤力

曉集卷八

卅一

靈臺下樹德年來  
已有秋  
雙棲

一方樓閣此中分  
飛甍遙連二室雲  
極目河山天萬里  
閒來憑眺獨輸君

圭峯

矗矗長峰天外深  
端圭顚若副朝簪  
誰於物象

蘭

幽香冉冉度微風  
獨自含芳九畹中  
遠谷雲封

何處覓道傍荆棘故叢叢

紫菊

彭澤歸來髮未斑  
風林殘葉滿柴關  
幾乾漉酒無人到  
祇有黃花學醉顏

杏花

楞伽山下石湖傍  
野寺紅橋半夕陽  
閒望深村尋酒旆  
殘紅偏襯馬蹄香

張使君饋生魚詠謝

春風蕭寺斷經過  
坐愛鮮鱗上綠波  
身是田文

蜡燒錄卷八

世三

門下客不須彈鋏發長歌

雲溪畫

冉冉鮮雲映碧岑  
從龍天際亦何心  
不須閑羨長溪影  
四海蒼生望作霖

過張使君郡齋得池字

鈴閣微風拂柳絲  
黃紉高柳起偏遲  
知君春夢能成句  
短夢初回自鳳池

東泉

層巖喬木靜蘿村  
門外寒泉萬古存  
應是石家

滋德地留將餘澤見深源

靈泉百尺自淵澄  
雲珠苔封石甃平  
最愛月出林影薄  
晚風疑度玉琴鳴

上園

金谷秋風幾樹存  
辟疆春色漫平原  
豪華游合與幽棲  
異羸得高名有上園  
矮屋疎籬枕綠濤  
長林一望暗晴皋  
欲從學圃求先招  
忘却區區抱甕勞

題畫

蜡燒錄卷八

世三

瓜瓞秋乘雨露綿  
鳩來餘羽故翩翩  
良工解作周南頌  
莫訝青門蔓草邊

灌木靈禽去復回  
群飛三匝若為猜  
莫教巖石輕相抵  
金印累累運爾來

代送蹇文塘左部

曾參樞筦向神京  
畫省仙曹又秣陵  
此去鴻達天路遠  
由來公望重三卿  
翩翩畫鷁載清風  
隨處甘霖又向東  
剩有去思留井陌  
棠陰滿路一叢叢



鳴蟬嘒嘒助悲吟百里攀轅此日心雨露共知  
鈞化力獨懷恩渥二天深

東泉壽

衡水春殘飛柳綿高樓歌吹出晴煙霄來更訝  
祥星躍甲子初回慶育年  
君家舊隱黃山下東望幽泉映日澄斟酌邇來  
盈大斗尊前不羨酒如渾  
箕裘千載越王孫構獲無慙禮樂存遮莫流泉  
延沛澤盈科一瀉見源真

特選集卷八

廿四

舟中餞樂水部

衡水停橈君未行依依鄉語共懸燈一杯未盡  
陽關曲無那春宵易到明  
中流津鼓發樓舡林薄蒼茫破曉煙此去春風  
桃李色只應飛夢五雲邊

結蟬集卷之八

刻結蟬集跋

結蟬集者鄭隱君虛舟積稿也隱君少以文  
擅名吳中自吳及旁郡縉紳家愛其文爭購  
之至者即操觚翰立應之弗為拒履日盈戶  
時余款人尤多尚隱君造門嘗十五焉未幾  
赴

趙藩之聘結轍北行凡購文不得隱君皆若  
缺然自失也更十年隱君去趙居清源卒業  
客趙時所著類書歛人在清源者又益衆至

結蟬集後跋

葉嘉謨刊

購文無虛日或海宇縉紳知隱君道清源皆  
更造之多以篇翰相屬故卒卒事應酬不遑  
暇又十年于茲矣自余交隱君越四十餘載  
所得稿甚多心計將請而刻之冗且未逮客  
歲余鄉文學吳君左竹首刻其尺牘二編江  
君少石嗣刻北游稿五卷余因得其江南家  
居存稿介左竹君再加簡訂叅以近作前刻  
未盡者皆登梓焉隱君嘗自署其稿為結蟬  
末藝曰余技止此不為世用徒工何益也

遂仍其舊云

隆慶四年歲舍庚午夏五月旬有二日新安南溪胡迪謹識

崧集後跋

崧集後跋

崧集八卷 兩淮鹽政  
探進本

明鄭若庸撰若庸有類劄已著錄崧生其所自號因以名集凡文七卷詩一卷其詩與謝榛齊名然材力遜榛之富健文又其餘事矣